



সামিক পত্রিকা ।

“যত্র নার্যস্ত পূজ্যন্তে রমন্তে তত্র দেবতাঃ ।”

১ম ভাগ । শ্রাবণ, ১৩২৯ । আগষ্ট, ১৯১২ । [ ১ম সংখ্যা ।

১০১৬-১৭

সূচী ।

প্রার্থনা ...	...	...	...	...	১
ভারতমহিলা ও বর্মান শিক্ষা ...	...	...	...	...	২
তথাগতশিষ্য আনন্দ ...	...	...	...	...	৬
নারীজীবনের উদ্দেশ্য ...	...	...	...	...	১১
প্রার্থনা ...	...	...	...	...	১৪
আয়োজন ...	...	...	...	...	১৪
রন্ধন, আহার এবং গৃহস্থালী ...	...	...	...	...	১৫
রেভারেণ্ড চার্লস ভয়েসী ...	...	...	...	...	১৯
সাময়িক প্রসঙ্গ ...	...	...	...	...	২১
মা ...	...	...	...	...	২৪

কলিকাতা ।

৩ নং রমানাথ মজুমদারের ষ্ট্রিট, “বঙ্গলগঞ্জ মিশন প্রেসে”

কে, পি নাথকর্তৃক মুদ্রিত ও প্রকাশিত ।

ডাকমাণ্ডুল মহ অগ্রিম বার্ষিক মূল্য ২ টাকা মাত্র ।

## রূপে গুণে বঙ্গমহিলার তুলনা নই।

এই স্বভাবজাত রূপপ্রভাকে আরও উজ্জ্বলিত করিতে হইলে নিত্যা স্নানের সময় আমাদের মহা স্নগন্ধি "কুস্তলবৃষা তৈল" তাহাকে ব্যবহার করিতে দেওয়া উচিত। কুস্তলে কুস্তলের শোভাবর্ধন করে, রূপের প্রভা বাড়ায়, কেশের কমলাগতা বৃদ্ধি করে, স্বভাবসুন্দর কেশরাজিকে আরও কোমল সুরক্ষা ও সূচিক্রম করে। নিত্যা কবরী রচনা-কালে ইহা নিতান্ত প্রয়োজনীয়। বিবাহ ব্যাপারে ইহা একটা শ্রেষ্ঠ উপচৌকন। কেন বাজে এসেন্স কিনিয়া উপহার দিয়া পয়সার অপব্যয় করেন? কুস্তলবৃষা তৈলের স্নগন্ধের নিকট পারিজতের গন্ধও হারি মানে। প্রায় চল্লিশবৎসর কালের উপর কুস্তলবৃষা দেশের ও দেশের মনোরঞ্জন করিয়া আসিতেছে। অতএব কুস্তলবৃষা আপনার নিত্যা প্রয়োজনীয়। মূল্য প্রতি শিশি ১/- এক টাকা। মায় ডাকবায় ১/০ তন শিশি ২/-। উজন ৯/- টাকা।

## কল্যাণীকর্ণপী বঙ্গমহিলার রক্ষার উপায়।

বম্মাগণের স্বভাবসুলভ কতকগুলি কষ্টকর ও দুঃসাধ্য ব্যাধি আছে। সেগুলির প্রথম হইতেই সূচিকিৎসা হওয়া প্রয়োজন। কুচিকিৎসায় বা অচিকিৎসায় রোগ বাড়িয়া উঠে, শেষে প্রাণ লইয়া টান পড়ে। জর যুগটিত ব্যাধি রোগগুলি পড়াই কখনই উপেক্ষণীয় নহে। মনে জানিয়া রাখিবেন আমাদের আয়ুর্বেদসম্রাট মহোদয় "অশৌকা-রিষ্ট" এই সমস্ত মহারোগের একমাত্র প্রতিকারক। মূল্য প্রতি শিশি ১/- দেড়টাকা। মায় ডাকবায় ১৮/০।

ঋষিকল্প কবিরাজ বিনোদলাল সেন মহাশয়ের

## আদি আয়ুর্বেদ ঔষধালয়।

১৪৬নং লোয়ার চিংপুর রোড, কলিকাতা।

টেলিগ্রাফিক ঠিকানা

প্রধান চিকিৎসক

ভীষকরাজ।

কবিরাজ শ্রী আশুতোষ সেন

ও

কবিরাজ শ্রী পুলিন কৃষ্ণ সেন।

## স্থানিমান ফার্মাসি।

২৬নং আমতাপ্তে ষ্ট্রীট, কলিকাতা।

(হারিসন রোডের মোড়)

ড্রাম - ১/৫ ও ১/১০ পয়সা।

পৃষ্ঠপোষক—ডাক্তার—আর, সি, নাগ, এম্ ডি। জি, সি, দাস, এম্ ডি।  
বি, বি, চাটাজি এম্ বি।

কলেরা ও গৃহচিকিৎসার বাক্স—১২, ২৪, ৩০, ৪৮, ৬০ এবং ১০৪ শিশি ঔষধ,  
ড্রপার ও একখানি পুস্তক সমেত যথাক্রমে ২, ৩, ৫, ১০, ১৫ এবং ১১।

তালিকার জন্য আবেদন করুন।

ডাঃ ইউ, এম্ সরকার।



## মহিলার অষ্টাদশবর্ষের নিবন্ধ।

১ম সংখ্যা, শ্রাবণ।		কিণ্ডারগার্টেন	৬১
প্রার্থনা	১	বর্তমান যুগে আমাদের কর্তব্য	৬৫
ভারতমহিলা ও বর্তমান শিক্ষা	২	অকুলে ভরসা	৬৭
তথ্যগত শিষা আনন্দ	৫	রাণী	৬৮
নারীজীবনের উদ্দেশ্য	১১	সময়ের উক্তি	৭০
প্রার্থনা	১৪	মীরাবাই	৭০
আয়োজন	১৪	সাময়িক প্রসঙ্গ	৭১
রক্ষন, আচার এবং গৃহস্থালী	১৫	৪র্থ সংখ্যা, কার্তিক।	
রেভারেন্ড চার্লস ভয়েসী	১৯	প্রার্থনা	৭৩
সাময়িক প্রসঙ্গ	২১	মরুপ্লাবন	৭৩
মা	২৪	পরিষ্কারপরিচ্ছন্নতা	৭৬
২য় সংখ্যা, ভাদ্র।		স্মৃতি	৭৮
প্রার্থনা	২৫	কিণ্ডারগার্টেন	৮০
প্রবিনা মহিলাগণের কর্তব্য কার্য	২৬	ব্রতগ্রহণ	৮৩
মহিলাধর্ম	৩০	প্রগতি	৮৫
চইটী প্রশ্ন	৩৩	ভারত স্ত্রীমহামণ্ডল	৮৬
সেনাপতি বৃথ	৩৭	চট্টগ্রাম ভগ্নীসমাজে পঠিত	৮৭
গড়নের মময়	৪১	সাময়িক প্রসঙ্গ	৯২
নিবেদন	৪৫	৫ম সংখ্যা, অগ্রহায়ণ।	
নারীর কার্য	৪৪	প্রার্থনা	৯৭
গিরিশচন্দ্র সেন মহাশয়ের মৃত্যুদিনে	৪৬	নারীর মময় বৃথা ব্যয়	৯৮
ইন্স্ট্রাক্শন মহিলাবিদ্যালয়	৪৭	সঙ্গীতচর্চা	১০০
বৈজ্ঞানিক রচনা	৪৮	একটা কিছু	১০৫
৩য় সংখ্যা, আশ্বিন।		কিণ্ডারগার্টেন	১০৬
প্রার্থনা	৪৯	জেনারেল নোগীর ইচ্ছামৃত্যু	১০০
বঙ্গদেশে নারীজাতির অবস্থা	৫০	জ্ঞান ও ভক্তি, দৌহার শুভসম্মিলন	১১৩
জেনারেল বৃথ	৫২	মহিলাগণের পরিশ্রম	১১৫
আমাদের অতীত ও ভবিষ্যৎ	৫৬	কল্পতরু	১১৭
বেদনা	৬০	সাময়িক প্রসঙ্গ	"
শাস্ত্রনা	৬০	শিবপুরের ষ ট হুর্টনা	১১৯

৬ষ্ঠ সংখ্যা, পৌষ।

প্রার্থনা	১১১
অবরোধ পথা	"
জন্মোৎসব	১২৬
পূর্ণ	১২৮
বুদ্ধের নিকরান কি	১২৯
মহর্ষিজীবনের কয়েকটি বিশেষত্ব	১৩৪
কেন	১৩৮
স্ত্রীলোকদিগের জাতীয় বিষয়ে মত—	১৩৯
বিবিধ প্রসঙ্গ	১৪৩

৭ম সংখ্যা, মাঘ।

প্রার্থনা	১৪৫
টাইটানিক-কাহিনী	১৪৬
নববিধান কি	১৪৯
বাঙ্গালী মেয়ের খাওয়া পরা	১৫১
ইউরোপীয় নারীগণের সমরপত্নী ভাব	১৫৪
স্ত্রীলোকদিগের জাতীয় বিষয়ে মত—	১৫৯
বেহারে স্ত্রীশিক্ষার প্রয়োজনীয়তা—	১৬১
সত্যং জ্ঞানমনস্কং ব্রহ্ম	১৬৪
সাময়িক প্রসঙ্গ	১৬৭

৮ম সংখ্যা, ফাল্গুন।

প্রার্থনা	১৬৯
বুদ্ধে নারীশিক্ষার সঙ্কট	"
নারীশিক্ষার সকাল একাল	১৭২
ব্রহ্মকৃত্যের অধিকার	১৭৫
পৌত্তলিকতা	১৭৬
আমাদের গল্প	১৮০
প্রভাতে	১৮৩
প্রাচীন মিশর ও ভারত	১৮৪
নূতন যুগ	১৮৮
সেই তুমি	১৯০
সাময়িক প্রসঙ্গ	"

৯ম সংখ্যা, চৈত্র।

প্রার্থনা	১৯৩
মহিলাদের জ্ঞানধর্ম	১৯৪
সুগৃহিণী	১৯৭

যোদ্ধবংশ ও বর্তমান শতাব্দীতে—	২০২
সহধর্মিণী	২০৫
স্কটল্যান্ডের মহিলাবিদ্যালয়	২০৮
ভাগলপুর ব্রাহ্মকাসমিতি—	২১২
অলুর বীজ রক্ষা করিবার উপায়	২১৩
বিবিধ প্রসঙ্গ	২১৫

১০ম সংখ্যা, বৈশাখ।

প্রার্থনা	২১৭
বঙ্গদেশে স্ত্রীশিক্ষা	"
সহধর্মিণী	২২০
অধ্যাপক বিনয়েন্দ্রনাথ মেন	২২২
স্তনদুগ্ধ ও শিশুর আহার	২২৯
বিবিধ প্রসঙ্গ	২৩৮

১১শ সংখ্যা, জ্যৈষ্ঠ।

প্রার্থনা	২৪১
আকর্ষণ বা প্রেম	২৪২
বিধবাবালার দুঃখগাথা	২৪৭
নবযুগে মহর্ষির তিনটি বিশেষ দান	"
মিলন	২৫০
স্বনীতি কলেজের পারিতোষিক বিতরণ	২৫২
মক্ষিকা মানবের শত্রু	২৫৩
নবা তীর্থমণী	২৫৬
ব্রহ্মের রমণী	২৫৮
যরণে বরাভয়	২৫৯
সমালোচনা	২৬০
বিবিধ প্রসঙ্গ	২৬২

১২শ সংখ্যা, আষাঢ়।

প্রার্থনা	২৬৫
জাতিভেদ	২৬৬
সহধর্মিণী	২৭০
নারীর ব্যক্তিত্ব ও স্বাধীনতা	২৭৩
একটি বৌদ্ধ গল্প	২৭৫
শারীর স্বাস্থ্যবিধান	২৭৯
কি প্রকারে ঈশ্বরকে পাওয়া যায়	২৮২
জীবনের অভিজ্ঞতা	২৮৩
নেপাল	২৮৬
বিবিধ প্রসঙ্গ	২৮৫



মাসিক পত্রিকা।

“স্বল্প নারীশিক্ষা দুঃখন্তে বমনন্তে তত্র ঈবতাঃ”

১৮শ ভাগ ] শ্রাবণ, ১৩১৯। আগষ্ট, ১৯১২। [ ৯ম সংখ্যা।

প্রার্থনা।

হে মঙ্গলময় বিধবিধাতা, তুমি আমার অযাচিত কৃপাতে তোমার কন্যাগণের জন্ম শত সহস্র মঙ্গলানীর্বাদ দান করিয়াছ। অগণ্য-নক্ষত্র-শোভিত বিচিত্র-রূপধারী আকাশ তুমি না চাহিতে দিয়াছ, ফল-জল-ধনরত্ন-শোভ-সৌন্দর্য্য-পূর্ণ এই পৃথিবী তোমারই দয়ার দান, প্রিয় আত্মীয়-গণ, গুরু উপদেষ্টৃগণ, সকল জনমণ্ডলী তোমারই কৃপায় আমরা লাভ করিয়াছি। তোমার কৃপায় এত পাইয়াও আমাদের অভাব দূর হয় নাই, তুমি নিত্য নব নব অভাব সকল নিজ কৃপাতে পূরণ করিতেছ; এসকল তোমার এক প্রকার বিধি, কিন্তু তুমি আমাদের পক্ষে উন্নতর এক বিধি করিয়াছ, যে যদিও আমরা না চাহিয়া এত পাইয়াছি তথাপি ইহাতে আমাদের নিরুত্তি হইবে না। পৃথিবীসম্বন্ধে এত ধন পাইয়াও যে আমাদের আত্মা অতি

দীন দরিদ্র রহিয়াছে, তাহা এই অবস্থা প্রকাশ করিতেছে যে, তুমি তোমার কন্যা-গণকে আশ্রয়-রাজ্যের ধন, প্রেম, পুণ্যের ভিখারিণী হইতে বলিতেছ। এদিকে দেখ, হে সর্ষদর্শী দেবতা, সংসারে বিবিধরূপ অযাচিত দান পাইয়া তোমার কন্যাগণ একরূপ তৃপ্তি অনুভব করিতেছেন যে, তাঁহারা এই চকল ধনজনকে স্থায়ী সুখের আধার মনে করিয়া নিশ্চিত হইয়া রহিয়াছেন। তাই তব পাদপদ্মে প্রার্থনা করি, তোমার বঙ্গবাসিনী কন্যাগণকে তুমি কৃপা করিয়া বুঝাইয়া দেও যে, সংসারে যাহা যাহা পাইয়া তাঁহারা তৃপ্ত হইয়া রহিয়াছেন সে সকল অতি সত্বর চলিয়া যাইবে— অপরদিকে তোমার নিকটে স্বর্গের সম্পদ প্রার্থনা করিলে তুমি কৃপা করিয়া তাহা দান করিবে এবং সে সম্পদ চিরকালের জন্ম তাঁহাদিগকে সুখী করিবে। করুণাময়, তুমি করুণা করিয়া তোমার কন্যা-দিগকে দিব্যচেতনা দান কর, যে তাঁহারা

আপনাদিগের আত্মার দৈন্ত অনুভব করিয়া আপনাদিগের অবস্থার উন্নতি সাধনে ব্যগ্র হইয়া উঠুন। দয়াময়, দয়া করিয়া ধনজনে সুখী মানব সকলকে তাহাদিগের মোহমুক্ত অবস্থা বুঝিতে দেও এবং তোমার স্বর্গরাজ্যের মহাধন প্রেম পুণ্যের জন্ত ব্যাকুল কর এই তব পাদপদ্মে প্রার্থনা।

### ভারত মহিলা ও বর্তমান শিক্ষা ।

যেমন রাজপুরুষবর্গ তেমন ভারতবাসী শিক্ষিতগণ ভারত মহিলাকুলের শিক্ষার অভাব সহস্র কণ্ঠে কীর্তন করিতেছেন। অথচ ভারতের জনসাধারণে জ্ঞানালোক-বিস্তারের এখনও অত্যন্ত মাত্র চেষ্টা হইতেছে। বহুসংখ্যক পুরুষই এ ভারতে অগ্রাবধি বর্ণমালার জ্ঞানেও বর্জিত; ভারতের নারীর আর কথা কি? যাহারা ভারতে ভ্রমলোক, জ্ঞানচর্চা ভিন্ন জীবিকাংগ্রহের যাহাদের গত্যন্তর নাই, তাহাদের অনেকের গৃহাভ্যন্তর অর্থাৎ ষোড়শবর্গও ঘোর অজ্ঞান-তিমিরচ্ছন্ন। মহিলাদিগকে ঘোরতর মুখতার শৃঙ্খলে আবদ্ধ করিয়া রাখা ভারতের অধঃপাতের প্রধানতম হেতু। অগ্রাবধি সেই হেতু দূরীকরণে ভারতে নব্যশিক্ষিত সভ্য ভব্য নামধারিগণ সকলে একমন একবাক্যে দৃঢ়ত হন নাই, অথবা ইহা তেমন অত্যাগত কার্য বলিয়া বোধ হয় অনেকে অনুভব করেন নাই। যাহারা এই ভারতবর্ষে নারীজাতির শিক্ষাবিধানে সচেষ্ট, তাহা-

দেরও গোড়া হইতে একটি ভুল হইয়া যাইতেছে। সে ভুলটি না রাজকীয় শিক্ষা বিভাগের কর্তৃপক্ষের, না এদেশীয় নারী-জাতির প্রকৃত হিতাকাঙ্ক্ষিগণের চক্ষে পড়িতেছে। এ ভুল সংশোধনের জন্ত তুমুল আন্দোলন, সকলের সমবেতভাবে করা আবশ্যিক। পরন্তু কোন পত্রিকা-সম্পাদক, কোন শিক্ষাবিভাগীয় রাজকীয় সদস্য, কিনা উচ্চ শিক্ষিত লোক এ বিষয়ে একটি কথাও উচ্চারণ করিতেছেন না। আমরা এজন্ত এ বিষয় নির্দেশ করা অত্যাগত বোধ করিতেছি। সে বিষয়টি এই :-

#### মহিলাগণের শিক্ষার আদর্শ।

এদেশে পুরুষদিগকে যে আদর্শে শিক্ষা প্রদান করা হয়, নারীদিগকেও ঠিক সেই আদর্শে শিক্ষাপথে অগ্রসর করা হইতেছে। বালক বালিকাগণের পরীক্ষাও একত্র গৃহীত হইয়া থাকে। সুতরাং বালিকা-দিগকে বালকদিগের সহিত পরীক্ষা ক্ষেত্রে প্রতিযোগিতা করিতে হয়।

সংসারে পুরুষের জীবনের কার্য এবং নারীর জীবনের কার্য যে এক নহে, ইহা সর্ববাদিসম্মত বিষয়। পুরুষের শরীর মন হৃদয় হইতে নারীর শরীর মন হৃদয়কে বিধাতা একই অথচ পৃথক উপাদানে সৃজন করিয়াছেন। উভয় জাতি এ সংসারের কল্যাণার্থ এবং মনুষ্যজাতির উন্নতি সাধনার্থ একই উদ্দেশ্যে বিভিন্ন বিভাগে কার্য করিবে, ঈশ্বরের এ অভিপ্রায় সভ্যসভ্য এবং শিক্ষিতাশিক্ষিত নির্বি-

শেষে সমস্ত মানবসমাজে দেদীপ্যমান। ষালাবধি চালচলন ক্রীড়া কৌতুক বিষয়ে ষালক হইতে বালিকা বিভিন্ন। এইরূপ পরিষ্কার প্রাকৃতিক বিভিন্নতা শিক্ষাপ্রদানের ব্যবস্থাকালে সম্পূর্ণরূপে উপেক্ষা করা কি নিতান্তই বিচারবিহিত খাম খেয়ালের প্রকাশ নহে? শিক্ষাবিভাগে যাহারা অধ্যক্ষ, তাহারা সকলেই শিক্ষিত, চিন্তাশীল এবং অনেকে বিশেষভাবে কর্তব্যপরায়ণ নামে খ্যাত। তথাপি তাহারা বালিকাকুলের প্রতি তাহাদের অনুপযোগী শিক্ষাপ্রণালীর ব্যবস্থানের প্রতিকূলে কেহই একটি কথাও বলিতেছেন না; ইহার অর্থ কি আমরা তাহা অবধারণে অসমর্থ বোধ করিতেছি।

যে সকল বালিকা বর্তমান প্রণালী-অনুসারে উচ্চশিক্ষা প্রাপ্ত হইতেছে, তাহাদের অনেকেরই স্বাস্থ্য ভাল হইতেছে না; তাহারা মস্তিষ্কের পীড়ায় অনেকে অত্যন্ত ক্লেশ পাইতেছে। শিক্ষিতগণের মধ্যে যাহারা গৃহিণী ও জননী হইতেছেন, তাহাদের অনেক অত্যাগত বিষয়ে উচ্চভাবে কিছুই জ্ঞান সঞ্চিত হয় নাই। এজন্ত তাহারা কার্যক্ষেত্রে অভাব অনুভব করিতেছেন। কিন্তু স্বদেশহিতৈষী অবলা-বান্ধববর্গেরও সেদিকে তিল পরিমাণ দৃষ্টি আকৃষ্ট হইতেছে না। সকলেই গতানুগতিকের মত যেমন চলিয়া আসিয়াছে তেমন শ্রোতেই স্ব স্ব কথ্যা ও আত্মীয়দিগকে ভাসাইয়া দিতেছেন, ইহা কি ঠিক হইতেছে? আমরা এ বিষয়ে রাজকীয় শিক্ষাবিভাগ এবং স্বদেশীয় শিক্ষিতদিগকে

উদ্বোধিত করিবার জন্ত শত সহস্র বার যত্নই চেষ্টা করিব।

এদেশে বর্তমান সময়ে স্বল্পসংখ্যক মহিলা উচ্চশিক্ষা প্রাপ্ত হইয়া নানারূপে শিক্ষাবিভাগে নিযুক্ত আছেন। তাহারা ত ভুক্তভোগী! তাহাদিগের প্রতি আমরা একান্ত অনুরোধ করি, যে বালিকাদিগকে বালকদের আদর্শানুসারে ষালাবধি শেষ পর্যন্ত শিক্ষাদান কি তাহারা সমস্ত বোধ করেন? অধুনা মহিলা কর্তৃক পরিচালিত কতিপয় মাসিক পত্রও এদেশে মাসে মাসে শিক্ষিত ও শিক্ষিতগণের দ্বারে দ্বারে উপস্থিত হইতেছে। সে সকল পত্রিকাতে কেন এ বিষয়ে আন্দোলন উপস্থিত করা হয় না! তাহারা কেহই কি এ বিষয়ে চিন্তা করেন না? অথবা এ বিষয়ে কি তাহাদের মনে প্রচলিত ব্যবস্থার প্রতিকূল ভাব কি কিছুই নাই? নারীজাতি যদি নারীজাতির শক্তি সামর্থ্য ও তাহার অনুরূপ পরিষ্করণ বিষয়ে চিন্তা না করেন, তবে শিক্ষার দ্বারা বিশেষ কি ফললাভ হইল?

নারী নরের সহায়। নারী নরের অনুগত। নারী নরের মুখাপ্রেক্ষিণী। ইহা ত চিরদিনের চলিত অবস্থা। পাশ্চাত্য সভ্যতার জন্মভূমিতে শিক্ষিতা নারীগণ বরং নরবৎ হইবার জন্ত চেষ্টা করিতেছেন। কিন্তু রমণী প্রকৃতিতে স্থির থাকিয়া রমণীরূপে কিরূপে নর হইতে শ্রেষ্ঠতা প্রাপ্ত হইবেন, সে রূপ যত্ন কি ইউরোপে, আমেরিকা মহাদেশে নারীজাতিমধ্যে এক বিন্দু ও প্রকাশ পাইতেছে? নারী মনুষ্য

জাতির জননী। সুতরাং জননীরূপে নারী জাতি চিরদিন মানবজাতির পূজনীয় থাকিবার কথা। জননীরা বিংশশতাব্দীতে শিক্ষা ও ধর্ম, আচারে ও রীতিতে কিরূপে প্রাচীন কালের রমণী-কুলাপেক্ষা প্রাধান্য লাভ করিয়া সত্য সত্য নরকালের পূজার যোগ্যতা প্রাপ্ত হইবেন, তাহা কি তাঁহারা আপনারা চিন্তা করিবেন না?

নারী গৃহলক্ষ্মী গৃহকর্ত্রী। গৃহে নারীরই আধিপত্য। গৃহধর্ম এবং গার্হস্থ্য রীতি নীতির উচ্চতা ও পবিত্রতা রক্ষার ভার নারীভিন্ন কে বহন করে? তবে নারীগণের কি এজগৎ পুরুষগণ অপেক্ষা বিশেষ শিক্ষা দীক্ষার প্রয়োজন নাই? পুরুষের সহিত সমভাবে শিক্ষাপ্রাপ্ত হইলে নারীজাতির সেই বিশেষত্ব কিরূপে প্রকৃষ্টিত হইবার সুযোগ হইবে। অস্বদেশে যত দিন নারীজাতি কোনরূপ শিক্ষা একবারে পায় নাই, ততদিন প্রকৃতি তাহাদিগকে এক প্রকার গৃহিণী-ধর্ম শিক্ষা দিত। এখন বর্তমান শিক্ষাপ্রণালীর অনুবর্তন করা প্রযুক্ত সেই স্ভাব্যের প্রভাব অনেকটা থাকে না। এসকল বিষয়ে রমণীগণের কি চিন্তা হইবে না?

যে সকল ইংলণ্ডীয় শিক্ষিত চিন্তাশীল ব্যক্তি এদেশে শিক্ষা বিভাগের অধিপতি ও সদস্য, তাঁহারা কি তাঁহাদের স্বদেশে নারী জাতির শিক্ষা পুরুষের সহিত সমভাবে প্রবর্তিত দেখেন? যদি তাহা না হয় তবে এতদেশে কেন তাহা হইবে? এদেশের অত্যন্ত পতিত ও দুর্বস্থাতে ইংরাজগণ এদেশের যুবকুবতীদিগের

শিক্ষার ব্যবস্থা করিয়াছেন। এদেশীয় জন সাধারণের তখন এবিষয়ে একবিধ কঠব্য বোধ ছিল না। কিন্তু তাঁহারা যদি এই শিক্ষা বিষয়ক ঘোরতর আন্দোলন এবং উদ্ভ্রমের সময়ে বিশেষভাবে নারী জাতির উপযোগী শিক্ষাবিধানের উপযোগী ব্যবস্থা না করেন তাহা হইলে এদেশীয় মহিলাদের ঘোর অনিষ্ট নিবারণের পথ আর কোন কালে হইবে, কে জানে? একারণে আমরা রাজকীয় শিক্ষা-বিভাগের অধ্যক্ষগণের নিকট নিম্নলিখিত-শয়-সহকারে নিবেদন করি যে, তাঁহারা ভারতীয় কিংবা বঙ্গদেশীয় বালিকাগণের শিক্ষার স্বতন্ত্র আদর্শ নির্ধারণ করুন। ইহার অভাবে সমূহ অনিষ্ট হইয়াছে, ভবিষ্যতে আরও হইবে। শরীর, মন ও জীবনের যথার্থ কল্যাণ এবং উপযোগিতা-লাভই যদি শিক্ষাবিধানের উদ্দেশ্য, তবে যে অদর্শে বালক শিক্ষা প্রাপ্ত হয় সেই আদর্শে বালিকাকে শিক্ষা দিলে কখন কি সেই উদ্দেশ্য সংসিদ্ধ হইতে পারে?

আমরা উক্ত প্রশ্নের মীমাংসা প্রত্যেক শিক্ষিত চিন্তাশীল ব্যক্তি এবং উচ্চ শিক্ষিতা রমণীদিগের নিকট যেমন উপস্থাপিত করিতেছি, তেমনই রাজকীয় শিক্ষা বিভাগের উর্দ্ধতন কর্মচারীগণের সম্মুখে ধরিয়া দিতেছি। শীঘ্র এবিষয়ে বিশেষ আন্দোলন এবং উচিত ব্যবস্থা স্থির হওয়া আমাদের অত্যাবশ্যক বোধ করি।

### খত গত শিষ্য আনন্দ।

যখনই পৃথিবীতে নূতন কোনও ধর্ম প্রবর্তিত হইয়াছে, তখনই ঐ ধর্মপ্রবর্তকের সঙ্গে সঙ্গে তাঁহার সাহায্যকারী কয়েকটি শিষ্যগণ অবিভাব দেখা গিয়াছে। কিন্তু চিন্তা করিলেই বুঝা যায় যে, ইহা অত্যন্ত স্বাভাবিক; কারণ নূতন ভাব লইয়া যে ধর্ম জন্মলাভ করে তাহা প্রচার করিবার জগৎ, দেশ বিদেশের জনমণ্ডলীকে তাহা বিদিত করিবার জগৎ নানা স্থানে গতয়াত করা প্রয়োজন হইয়া উঠে; আবার ধর্মপ্রবর্তকের তিরোভাবের পর ঐ নূতন ধর্মকে জাগ্রত রাখিবার জগৎ উপযুক্ত ব্যবস্থা করিতে হয়; এই সকল কারণে কয়েকজন অন্তরঙ্গ সঙ্গীকে নূতন ধর্মের প্রকৃতভাবে উদ্ভূত না করিলে ধর্মপ্রচার ও ধর্মপ্রতিষ্ঠা অসম্ভব।

এইরূপে দেখা যায় যে, বুদ্ধদেব তাঁহার দীর্ঘজীবনে তাঁহার চতুঃপার্শ্বে এমন কয়েকটি শিষ্য প্রাপ্ত হইয়াছিলেন যাহারা তাঁহার জীবদ্দশায় ধর্মপ্রচারে বিশেষরূপে সাহায্য করিয়াছিলেন এবং তাঁহার তিরোধানের পর তাঁহার ধর্মের বিশেষভাবে জাগ্রিত রাখিতে চেষ্টা করিয়াছিলেন। তাঁহার শিষ্যবৃন্দের মধ্যে সর্বপ্রধান সারিপুত্র, তাঁহার পরে মৌদ্গল্যান এবং তস্তির অনিরুদ্ধ, কাশ্যপ, উপালি, আনন্দ প্রভৃতি অনেকে ছিলেন। ইহাদের মধ্যে সারিপুত্র এবং মৌদ্গল্যান তথাগতের তিরোধানের পূর্বেই পৃথিবী ত্যাগ করেন, কিন্তু অগ্রাণ্ড সকলে বুদ্ধদেবের

মহানির্মাণের পরে বৌদ্ধধর্ম সুপ্রতিষ্ঠিত করিয়া যাইবার সময় পাইয়াছিলেন।

তথাগতের ধর্ম কঠিন সাধনার ধর্ম। যাহা কিছু আমরা স্বাভাবিক মনে করি তাহার স্থান বৌদ্ধধর্মে নাই। হৃদয়ের স্বাভাবিক বৃত্তিগুলি পর্যন্ত—স্নেহ, প্রেম ইত্যাদি সমস্তই হৃৎকের মূল, পৃথিবীতে জয়গ্রহণ করিলেই এই সকল প্রবৃত্তি আদিয়া মনুষ্য-হৃদয় অধিকার করে; সুতরাং এগুলিকে যে কেবল দমন করিতে হইবে তাহা নহে, হৃদয় হইতে এ সমস্তকে উন্মূলিত করিতে হইবে। অতঃপর সিদ্ধার্থের প্রকৃত অনুচর তিনি যাহার মন হইতে সমস্ত বাসনা, আকাঙ্ক্ষা বিদূরিত হইয়াছে, হৃদয়ের স্নেহ, মায়া, মমতা সমস্ত নির্মূলাপিত হইয়াছে, সুখ দুঃখ সমান হইয়াছে, এবং শোক, আনন্দ তাহাদের পার্থক্য হারাইয়াছে। পৃথিবীর কোনও অবস্থা তাঁহাকে আর বিচলিত করিতে পারিবে না। বুদ্ধদেব বহুশিষ্য লাভ করিয়াছিলেন, কিন্তু এত লোকে এককটি কঠিন বিধি কি করিয়া পালন করিয়াছিলেন এবং পালন করিয়া অর্হং, অর্থাৎ মহাসাধক গণ্য হইয়াছিলেন তাহা ভাবিলে আশ্চর্য হইতে হয়।

ইহাতেই বুঝা যায় যে শাক্যসিংহের প্রধান অনুচরগণ সাধনা দ্বারা স্ব স্ব চিত্তকে বজ্রকঠিন করিতে সমর্থ হইয়াছিলেন। কিন্তু এ কথা অল্প সকলের পক্ষে সত্য হইলেও কোমলচিত্ত আনন্দের পক্ষে ইহা কখনও সত্য হইতে পারে নাই। বাস্তবিক তথাগতের শিষ্যবর্গের

কঠিন এবং গুরু সংযম-সাধনার ইতিহাসে আনন্দের চরিত্র একটা অভিনব বস্তু। আনন্দের হৃদয় প্রেমের হৃদয় ছিল, ইহা ভালবাসা দান করিতে পারিত এবং ভালবাসা আশা করিত; বহুবৎসরের সাধনাতে এবং বুদ্ধসহবাসেও তিনি হৃদয়ের প্রেম এবং স্নেহের স্রোত গুরু করিতে পারেন নাই; শোক এবং মৃত্যু তাঁহার নিকট মহাবিভীষিকাপূর্ণ ছিল। যদিও এই সকল কারণে জীবনের শেষ বয়স পর্যন্ত তিনি অর্হৎ অবস্থা প্রাপ্ত হন নাই, তথাপি আমাদের নিকট তাঁহার এই ক্রটির জগুই তিনি আদরের বস্তু হইয়া আছেন। মানব-হৃদয়ের সুকোমল ভাব-গুলিকে পূর্ণভাবে বিকশিত হইতে না দিয়া তাহাদিগকে দমন করা অস্বাভাবিক, সুতরাং তাহা কখনও প্রকৃত মহুষ্যত্বের আদর্শ হইতে পারে না; সেইজগুই অগ্ৰাণ্ড শিষ্যজীবনী হইতে আনন্দের জীবন আমাদের মনকে কোমলরসে পূর্ণ করে।

আনন্দ সিদ্ধার্থের খুল্লতাত অমৃতোদনের পুত্র, সুতরাং সিদ্ধার্থ এবং আনন্দ অতি নিকট সম্পর্কিত ভ্রাতৃদ্বয়। অর্হৎ অনিরুদ্ধ এবং সিদ্ধার্থবিরোধী দেবদত্তও সিদ্ধার্থের আত্মীয় ছিলেন। কথিত আছে যে শাক্যসিংহ এবং আনন্দ উভয়ে একই দিনে এবং একই সময়ে জন্মগ্রহণ করেন। আনন্দের বাল্যকালের কথা বৌদ্ধশাস্ত্রে বিশেষ কিছু পাওয়া যায় না, কেবল যখন হইতে তিনি বুদ্ধদেবের শিষ্যত্ব স্বীকার করেন তখন হইতেই তাঁহার বিষয় আমরা জানিতে পারি। অনিরুদ্ধ, আনন্দ, দেব-

দত্ত এবং শাক্যবংশের অগ্র কয়েকটী রাজপুত্র ক্ষৌরকার উপালির সহিত একত্রে মল্লদেশস্থ অনুপ্রিয় গ্রামে বৌদ্ধধর্মে দীক্ষিত হন। দেবদত্ত ভিন্ন অগ্ৰাণ্ড সকলেই অতিশীঘ্র অর্হৎ অবস্থা প্রাপ্ত হইলেন, কিন্তু আনন্দ সাধনার প্রথম অবস্থাতেই পড়িয়া রহিলেন। যে ধর্ম হৃদয়তন্ত্রী সকলকে পৃথিবীর বন্ধন হইতে কঠোরভাবে ছিন্ন করিয়া দেয় তাহাতে কোমল-হৃদয় আনন্দ যে অধিক অগ্রসর হইতে পারেন নাই ইহা অত্যন্ত স্বাভাবিকই বলিতে হইবে। এই কঠিন ধর্ম তাঁহার স্বভাবের অনুরূপ না হওয়াতে অল্প-কালের মধ্যেই আনন্দের মহা দুর্বলতা আসিয়া উপস্থিত হইল এবং তিনি ভিক্ষুর জীবন ত্যাগ করিয়া পুনরায় গৃহস্থের জীবন যাপন করিতে অত্যন্ত ব্যগ্র হইলেন। এই বিষয় বৌদ্ধশাস্ত্রে যে অলীক বর্ণনা আছে তাহার সার কথা এই যে, বুদ্ধদেব আনন্দের মানসিক দুর্বলতার কথা জানিতে পারিয়া তাঁহাকে আর কিছুকাল জেতবনে থাকিয়া ভিক্ষুজীবনে অভ্যস্ত হইতে আদেশ করিলেন। শাক্যসিংহের আজ্ঞায় আনন্দ নূতন চেষ্টিয়া ও নূতন উগ্রমে সাধন আরম্ভ করিলেন এবং কিছুকালের মধ্যেই হৃদয়ের দুর্বলতা দূর করিয়া চিরজীবন ভিক্ষুরূপে বাস করিতে দৃঢ়প্রতিজ্ঞ হইলেন।

এই সময় হইতেই আনন্দ একান্তমনে বুদ্ধদেবের পরিচর্যায় নিযুক্ত হইলেন। দার্শনিকের কূটতর্কসমূহে সন্তরণ করা তাঁহার পক্ষে একেবারেই অসম্ভব ছিল, কিন্তু প্রেমে তাঁহাকে পরাজয় করিবার কেহ

ছিল না। হৃদয়ের সমস্ত শক্তি দিয়া তিনি ধর্মগুরুর অবিপ্রান্ত সেবা করিতে লাগিলেন এবং ক্রমে বুদ্ধদেবের শ্রীতি-ভাজন হইয়া উঠিলেন। বৌদ্ধ বিবরণ সকলে দেখা যায়, যে রোগে কি সুস্থতার আনন্দ সকল সময়ে তথাগতের সহচর ছিলেন। কিন্তু পরিচর্যায় নিযুক্ত থাকিলেও বুদ্ধদেব যে তাঁহাকে যথেষ্ট সম্মান করিতেন তাহা ইহাতেই বুঝা যায় যে, যখন বহুসংখ্যক পুরমহিলা শাক্যের নিকট ভিক্ষুণীর ব্রত গ্রহণ করিয়া তাঁহার ধর্ম গ্রহণ করিতে অনুমতি প্রার্থনা করিলেন তখন একমাত্র আনন্দের আন্তরিক অনুরোধেই শাক্যসিংহ মহিলাদিগকে তাঁহার ধর্মমণ্ডলীতে গ্রহণ করিলেন। নারীদিগকে মণ্ডলীভুক্ত করিতে বুদ্ধদেব প্রথমতঃ অত্যন্ত আপত্তি করেন, কিন্তু আনন্দ তাঁহাকে মনে করাইয়া দিলেন যে, নারীজাতির নিকট তিনি কত ধনী, তাঁহার মাতা তাঁহাকে সাতদিনের শিশু রাখিয়া পরলোকে গমন করেন, সেই সময় হইতে মাতৃসম! প্রজাবতী তাঁহাকে কত স্নেহও যত্নে লালিত—পালিত করেন, এবং অনুমতি-প্রার্থিনী মহিলাগণও সদিচ্ছা-প্রণোদিত হইয়াই মণ্ডলীভুক্ত হইতে আসিয়াছেন। সদাশয় আনন্দের কথায় এইরূপ বশীভূত হইয়া বুদ্ধদেব নারীদিগকে ভিক্ষুণী হইতে অনুমতি দান করেন।

বুদ্ধদেবের পঞ্চম বৎসর বয়সে বার্কিক্য হেতু তাঁহার জগু একজন পরিচারক নির্দিষ্ট করা প্রয়োজন হইল। এ পর্যন্ত অধিকাংশ সেবা আনন্দ করিতে থাকিলেও

তাঁহাকে সে কার্যে মণ্ডলী নিযুক্ত করে নাই। ভিক্ষুদিগের সভা আহ্বান করিয়া কাহাকে পরিচারক করা হইবে তাহার আলোচনা হইতে লাগিল। প্রধানশিষ্যেরা অনেকে ঐ কার্য করিতে চাহিলেন, কিন্তু বুদ্ধদেব তাহাতে সীকৃত হইলেন না, কারণ তাহা হইলে প্রচারকার্যে বাধা উপস্থিত হইবে। তখন কেহ কেহ আনন্দকে ঐ কার্য প্রার্থনা করিতে অনুরোধ করিলেন, কিন্তু লজ্জাবশতঃ তিনি তাহা পারিলেন না; কিন্তু বলিলেন, “যদি বুদ্ধদেব আমার ক্ষুদ্র শক্তির সাহায্য লইতে ইচ্ছুক হন, তাহা হইলে তিনি তো আমার হৃদয়ের মাকাজ্জা স্রাত আছেনই; তিনি ইচ্ছা প্রকাশ করিলেই হয়। আমি অধিক আর কি বলিব, আমি কৃতার্থ হইব।” ইহা জানিয়া বুদ্ধদেব তখনই তাঁহাকে পরিচারকের পদে নিযুক্ত করিলেন। কেহ সাক্ষাৎ করিতে গেলে আনন্দ তাঁহাকে সিদ্ধার্থের নিকট লইয়া যাইতেন এবং তাঁহার আদেশ ইত্যাদি সমস্তই আনন্দ বহন করিতেন। এইরূপে শাক্যসিংহের শেষ পঁচিশ বৎসর কাল একমাত্র আনন্দ তাঁহার সেবা করেন।

আনন্দ বুদ্ধদেবে তাঁহার সমস্ত প্রাণ মন সমর্পণ করিয়াছিলেন। বুদ্ধদেবের বিরুদ্ধে কেহ কোন কথা বলিলে বা তাঁহার নিন্দা করিলে আনন্দের প্রাণে বাজিত। একদা কোর্শারদেশে বাসকালীন সে স্থানের লোকেরা বুদ্ধাচরদিগের প্রতি অত্যন্ত কঠোর ব্যবহার করিতে থাকেন, এবং যাহাতে বুদ্ধদেবের দুর্নাম হয় তাহারই চেষ্টা করেন। এই দুর্ব্যবহার সহ

করিতে না পারিয়া আনন্দ তথাগতের নিকট যাইয়া তাঁহাকে অথ কোনও স্থানে বিহার স্থাপন করিতে অনুরোধ করেন। বুদ্ধদেব জিজ্ঞাসা করিলেন, “কিন্তু আনন্দ, যদি সে স্থানেও আমরা এইরূপ দুর্ব্যবহার প্রাপ্ত হই?” আনন্দ বলিলেন, “তাহা হইলে অশ্রুত গমন করিব।” “কিন্তু সে স্থানেও যদি একই ব্যবহার পাই?” “পুনরায় স্থান পরিবর্তন করিব।” এই শুনিয়া বুদ্ধদেব কিছুকাল নিস্তরু রহিলেন, পরে আনন্দের প্রতি স্নেহপূর্ণ দৃষ্টি নিক্ষেপ করিয়া বলিলেন, “সামান্য সহিষ্ণুতা থাকিলেই আমরা এই স্থানপরিবর্তনের কষ্ট হইতে উদ্ধার পাইতে পারি। জ্ঞানী ব্যক্তি সহিষ্ণুতা এবং সহগুণদ্বারা ই তাঁহাদের শত্রুদিগকে জয় করেন।” কিছুকাল পরে সিদ্ধার্থবিরোধী দেবদত্ত যখন একটী বিরুদ্ধ দল গঠন করিতে আরম্ভ করিলেন, তখন সিদ্ধার্থ প্রেমিক আনন্দকে স্বদলভুক্ত করিবার জন্ত তিনি বিধিগত চেষ্টা করিয়াছিলেন, কিন্তু বিন্দু-মাত্রও যে সফল হইতে পারেন নাই তাহা বলা বাহুল্য। পুনশ্চ শাক্যসিংহের অশীতি বৎসর বয়সে তাঁহার নির্দানের প্রায় দশ মাস পূর্বে তাঁহার উৎকট ব্যাধি হয়, এবং তাহাতে তাঁহার অত্যন্ত যাতনা হয়। পরে আয়ুর্শক্তি-প্রভাবে ও ধ্যান-বলে তিনি আরোগ্য লাভ করেন। তখন আনন্দ ভীত হইয়াছিলেন যে, বুদ্ধদেব আর ফিরিবেন না। আরোগ্যলাভের পর তিনি বলিলেন, “ভগবান্, আপনাকে যখন পীড়িত দেখিলাম, তখন আমার

এরূপ ক্লেশ হইয়াছিল যে, আমি মস্তক উত্তোলন করিতে পারি নাই।” সংসারের ক্লেশ এবং দুঃখ, নিন্দা ও অপমান, স্নেহ ও ভক্তি যাহার হৃদয়কে এরূপ ভাবে অধিকার করিয়াছিল, তিনি যে উচ্চশ্রেণীর সাধক হইতে পারেন নাই তাহা কিছুই বিচিত্র নহে।

শেষোক্ত ঘটনার কিছুকাল পরে প্রধান শিষ্য সারিপুত্র নিজ গ্রামে নির্বাণ-প্রাপ্ত হন। তাঁহার কনিষ্ঠভ্রাতা সারিপুত্রের ভ্রাতৃবশেষ লইয়া বুদ্ধদেবের নিকট উপস্থিত হন, এবং বুদ্ধদেব ভিক্ষুগুলীকে সমবেত করিয়া সারিপুত্রের চরিত্র এবং জীবন সম্বন্ধে অতি সুন্দর এবং করুণ উপদেশ দান করেন। ইহা শ্রবণ করিয়া কোমল-হৃদয় আনন্দের মন গভীর দুঃখ এবং বিষাদে পরিপূর্ণ হইল এবং তিনি ক্রমাগত অশ্রুপাতপূর্বক ক্রন্দন করিতে লাগিলেন। তাঁহার প্রিয় এবং সততসেবানিরত সেবককে এইরূপ ভাবে ক্রন্দন করিতে দেখিয়া শ্রীবুদ্ধ বলিলেন, “হে আনন্দ, ইহার পূর্বেও কয়েকবার আমি উপদেশ দ্বারা তোমার মনকে এপ্রকার দুঃখ ও শোকের ভাব হইতে রক্ষা করিতে চেষ্টা করিয়াছি।...এপ্রকার কোনও ঘটনা কি কখনও হইতে পারে যখন আমাদের ক্রন্দন এবং হাহাকার করা প্রয়োজন হইবে?” কথিত আছে যে এইরূপ উপদেশে আনন্দের মন শান্ত হইয়াছিল; কিন্তু আনন্দের চরিত্রবিষয়ে আমরা এ পর্যন্ত বাহা দেখিয়াছি তাহাতে এ কথা কতদূর সত্য, তাহা সন্দেহ করা যাইতে পারে।

ক্রমে সিদ্ধার্থের পরিনির্দানের দিন আদিগ। এই পঁচিশ বৎসর কাল আনন্দ রাত্রিদিন যাহার সেবা করিয়াছেন, যাহার প্রকৃষ্টিত পদের আয় বদন নিরন্তর দেখিয়া আসিয়াছেন, আজ আনন্দ তাহাকে হারাইবেন। যখন আনন্দ বুদ্ধিতে পারিলেন যে সিদ্ধার্থের সময় নিকট হইয়াছে, তখন তিনি আর নিকটে থাকিতে পারিলেন না। গভীর বেদনা গোপন করিবার ইচ্ছায় তিনি সে স্থান ত্যাগ করিয়া নিকটস্থ মল্লরাজদিগের সভাগৃহে যাইয়া দ্বারে দণ্ডায়মান হইয়া ক্রন্দন করিতে লাগিলেন, “হায়, ভগবান বুদ্ধ আর থাকিবেন না। আমার মুক্তি আর কাহার নিকটে পাইব? আমার উপদেশপ্তা আর কে হইবে? আর কাহার জন্ত আমি প্রাতে মুখ ধুইবার জল আনিয়া দিব? আর কাহার পদযুগল মুছাইয়া দিব? কাহার বস্ত্রিবার জন্ত আসন প্রস্তুত করিব? কাহার শয়নের জন্ত শয্যা রচনা করিব? কাহার ভিক্ষা পাত্র এবং চীবর ভিক্ষার্থে গমনকালে উপস্থিত করিব?” এইভাবে হাহাকার ও ক্রন্দন করিয়া আনন্দ তাঁহার হৃদয়ের বেদনা প্রকাশ করিতেছিলেন। কিছুকাল পরে প্রিয় আনন্দকে নিকটে দেখিতে না পাইয়া তথাগত তাঁহার কথা জিজ্ঞাসা করিলেন। ব্যাপার সমস্ত জানিতে পারিয়া আনন্দকে নিকটে আসিতে আজ্ঞা করিলেন এবং তৎক্ষণাৎ আনন্দ তাঁহার নিকটে উপস্থিত হইলেন। তখন বুদ্ধদেব আনন্দকে বলিলেন, “হে আনন্দ, তোমার ক্রন্দন এবং হাহাকার বৃথা হইতেছে;

শোকে আশ্রয় হইও না, অশ্রু সম্বরণ কর। তোমাকে কি পূর্বে আমি বলি নাই যে, দূরতা এবং মৃত্যু আমাদিগকে অতি প্রিয় বস্তু হইতে বিচ্ছিন্ন করে?... তুমি সাধনা করিতে আরম্ভ কর, শীঘ্রই তুমি সংসারের ভাব এবং মোহ সকল হইতে মুক্তি লাভ করিবে।” এই বলিয়া শাস্ত্র সমবেত ভিক্ষুদের নিকট আনন্দের গুণবর্ণনা করিতে লাগিলেন; এবং বলিলেন যে আনন্দ একজন প্রকৃত সাধু, এবং অশ্রু অর্হংগণ হইতে অধিকতর সুকুমার এবং অমায়িক গুণে মণ্ডিত এইরূপে গুণবর্ণনা করিয়া আনন্দের প্রতি নিজের কৃতজ্ঞতা প্রকাশ করিলেন।

সকলেই বুদ্ধিতে পারিলেন যে তথাগতের পরিনির্দানের সময় অতি নিকটবর্তী; কিন্তু আনন্দের ইচ্ছা নহে যে তথাগত কুশিনগরের আয় সুদ্র স্থানের নিকটে পরিনির্দানপ্রাপ্ত হন, কারণ তাঁহার আশঙ্কা যে তাহা হইলে তাঁহার মৃতদেহের প্রতি কুশিনগরের অধিবাসিগণ যথেষ্ট সম্মান-প্রদর্শন করিতে পারিবেন না। কিন্তু বুদ্ধদেব আনন্দের এ অনুরোধ রক্ষা করিতে পারিলেন না, তিনি ঐ স্থানই তাঁহার নির্দানের উপযুক্ত নির্দাচিত করিলেন। শাস্ত্র সমস্ত রাত্রি ধর্মালোচনায় অতিবাহিত করিয়া রাত্রির শেষ যামে অশীতিবৎসর বয়সে বৈশাখী পূর্ণিমাঋণীলা সম্বরণ করিলেন। তাঁহার পরিনির্দানের পর অর্হংগণের অনুরোধে আনন্দ মল্লরাজ-গণকে এই শোকসংবাদ দান করেন এবং

তাহারা আসিয়া মহাসমারোহে দাহ কার্য সম্পন্ন করেন।

তথাগতের নিকটের কিছুকাল পরেই তাহার শিষ্য কাশ্যপ বৌদ্ধধর্মের মূলমন্ত্রগুলি স্থির করিয়া লইবার জন্ত একটা মহাসমাজ সম্মিলিত করিবার প্রস্তাব করেন; এই সমাজে পাঁচশত প্রধান অর্হং মিলিত হইয়া বৌদ্ধশাস্ত্র প্রণালীবদ্ধ করিবেন এই স্থির হয়। এই সমাজের সকলেই অর্হং অবস্থা প্রাপ্ত হইয়াছিলেন, তদ্ব্যতীত একমাত্র আনন্দকে ঐ সমাজে লওয়া হইয়াছিল; কারণ তিনি অর্হং না হইলেও শাস্ত্রের নিকট ক্রমাগত পঁচিশ বৎসর কাল অবস্থান করিয়াছিলেন, সুতরাং শাস্ত্রাধিকারী কাহাকে কি বলিয়াছিলেন তাহা তাহার বিদিত ছিল। যাহা হউক রাজগৃহে সমাজের অধিবেশন হইবে স্থির হওয়াতে তাহার প্রস্তুতির জন্ত অর্হংপঞ্চচল্লিশ দিন প্রাপ্ত হইলেন। কিন্তু আনন্দ এই চল্লিশ দিন অল্প কোনও কার্যে ব্যস্ত না করিয়া বুদ্ধদেবের স্মরণার্থ শোক প্রকাশে দিন যাপন করিতে লাগিলেন। তাহার প্রিয় এবং পূজ্য ধর্মগুরু যে যে স্থানে ভ্রমণ করিয়াছিলেন, শোকাকুলচিত্তে আনন্দ সেই সকল স্থান দর্শন করিয়া বেড়াইতে লাগিলেন, বিশেষতঃ জেতবন বিহারেই আনন্দ অধিক সময় যাপন করিলেন। সিদ্ধার্থের সেবার জন্ত যখন যে স্থানে তিনি যে কার্য করিতেন, এখনও অক্ষুণ্ণরূপে সেই সকল কার্য করিতে থাকিলেন। তিনি গৃহ মার্জিত করিতেন, শয্যাচরনা করিতেন, এবং পাদধৌত করি-

বার জলও আনিয়া রাখিতেন। বেন বুদ্ধদেব এখনও দেখে বর্তমান আছেন। প্রেমপূর্ণ গদগদকণ্ঠে তিনি এই বলিতেন, "এই স্থানেই তো শাস্ত্র আসন গ্রহণ করিতেন, এই শয্যাতে তিনি শয়ন করিতেন, এই বারান্দায় তিনি পদচারণ করিতেন, এই স্থানে স্নান করিতেন;" এই বলিয়া প্রতিস্থানে ঘাইয়া তিনি কিছুক্ষণ দণ্ডায়মান হইতেন এবং অবিরত অশ্রুপাত করিতে থাকিতেন। এই করুণ দৃশ্য দর্শনে স্থানীয় অধিবাসিগণ ক্রন্দন করিতে করিতে এই সকল কার্যে তাহার সহিত যোগদান করিত। এইরূপে শোক প্রকাশ করিয়া আনন্দ যথাসময়ে রাজগৃহাতিমুখে গমন করিলেন।

সেখানে ঘাইয়া তিনি দেখিলেন যে এক সমস্যা উপস্থিত হইয়াছে। আনন্দ অর্হং না হইয়াও ঐ মহাসমাজে অর্হংদিগের সহিত আসন কেন পাইবেন, কেহ কেহ এই আপত্তি করিল। ইহা জানিতে পারিয়া আনন্দ অন্তঃস্ব মানসিক ক্ষেপণ অনুভব করিলেন এবং এই অল্প সময়ের মধ্যেই অর্হং হইবার জন্ত দৃঢ়প্রতিজ্ঞ হইলেন। এখন তাহার অর্হং হওয়া কিছু কঠিন ছিল না, কারণ তিনি এ পৃথিবীতে যাহাকে প্রিয় এবং প্রাণাপেক্ষা নিকট মনে করিতেন সেই তথাগত আর নাই; তাহার ভববন্ধন মোচিত হইয়াছে। এ সংসারে তাহার অভিলক্ষণীয় আর কিছু নাই, সুতরাং তিনি এক নির্জীন এবং নিস্তব্ব স্থানে ঘাইয়া সাধনা করিতে আরম্ভ করিলেন; এখানে তাহার অর্হং

হইবার পক্ষে আর কোন বাধা বিদ্য ছিল না। সমস্ত রাত্রি ধ্যান এবং সাধনার পর প্রত্যুষসময়ে তাহার হৃদয় আলোকিত হইল, তিনি অর্হং হইলেন এবং পৃথিবীর মোহ এবং মায়াবন্ধন হইতে চিরকালের জন্ত মুক্ত হইলেন।

এদিকে পরদ্বিবস মহাসমাজ সম্মিলিত; পাঁচশত অর্হংগণের মধ্যে সকলেই আসন গ্রহণ করিয়াছেন, কেবল আনন্দের আসন শূন্য। হঠাৎ আনন্দ আসিয়া দেখা দিলেন এবং তাহার হৃদয়ের বদনকমলের অদ্ভুত মুখশ্রী এবং স্থিরজ্যোতি দেখিয়া সকলেই ঈর্ষিতে পারিলেন যে আনন্দ এখন আসন গ্রহণ করিতে পারেন, কারণ তিনি অর্হং হইতে সমর্থ হইয়াছেন।

ক্রমে সভার কার্য আরম্ভ হইল। কাশ্যপ কর্তৃক জিজ্ঞাসিত হইয়া সাধক উপালি বিনয় পিটক ক্রমে ক্রমে সকলের নিকট বিবৃত করিলেন এবং সভা তাহা গ্রহণ করিলেন। তাহার পর আনন্দ সূত্র-পিটক অর্থাৎ উপদেশাবলী ইত্যাদি সভার নিকট বিবৃত করিলেন এবং সভা সেগুলি গ্রহণ করিলেন। এইরূপে অনিরুদ্ধ বৌদ্ধ ধর্মশাস্ত্রের অভিধর্ম নামক তৃতীয় বিভাগ সভার নিকট বিবৃত করিলেন। প্রায় সাত মাস ক্রমাগত সভার কার্য হইয়া সভাভঙ্গ হয়।

আনন্দের জীবনের শেষ সময়ের ঘটনার বিষয় পরিষ্কার কিছু বলা কঠিন, কিন্তু ইহাতে সন্দেহ নাই যে তিনি ভক্তি ও প্রেম সহকারে তাহার হৃদয়-দেবতা তথাগতের স্মৃতি শেষপর্যন্ত পূজা করিয়া-

ছিলেন। বৌদ্ধ ভিক্ষুদিগের কঠিন সাধনা এবং নীরস জীবনের মাহাত্ম্য আমরা না বুঝিতে পারি; কিন্তু যে হৃদয় স্বাভাবিক কোমলতাহেতু এই দুঃস্বপ্ন সাধনার অগ্রসর হইতে পারে নাই, এই সকল শুকহৃদয় ভিক্ষুদিগের সঙ্গলাভ করিয়াও হৃদয়ের স্বাভাবিক বৃত্তিগুলিকে সরস রাখিতে সমর্থ হইয়াছিল, সেই মহান হৃদয় এবং হৃদয়ের চরিত্রকে আমরা সম্মান ও ভক্তি না দিয়া থাকিতে পারি না; সেই জন্তই আনন্দের চরিত্র আমাদের নিকট হৃদয়বুর।

### নারী জীবনের উদ্দেশ্য ।

উদ্দেশ্য লইয়া মানব সমাজ চলিতেছে। সকলেই কোন না কোন লক্ষ্য অবলম্বন পূর্বক জীবনপথে অগ্রসর হইতেছে। সভ্য অসভ্য, ধনী দরিদ্র, উচ্চ নীচ ও দেশভেদে উদ্দেশ্য বিভিন্ন প্রকার। নারী জীবনের উদ্দেশ্য কি? কেহ বলিবেন জগতের সেবাই নারী জীবনের উদ্দেশ্য; আর কেহ হয়ত বলিবেন আদর্শ মাতৃজীবন প্রাপণই নারী জীবনের উদ্দেশ্য। আমি দুইজনের বাক্যই শিরোধার্য করিলাম। কারণ সেবাই মানব জীবনের প্রধান উদ্দেশ্য। সেবা অতি উচ্চ ধর্ম। প্রবল প্রতাপাবিত পুরুষ জাতিও অক্রান্তভাবে স্বজাতি ও স্বদেশের সেবা করিতেছেন। সেবা দাসত্ব নহে। প্রেম সেবার মূল। নারী প্রেমের বশবর্তিনী হইয়া লোকের সেবা করিবেন এবং দুর্গম সংসার পথে সকলের পক্ষে



আলোকস্বরূপিণী হইবেন। সামাজিক হীনতা হইতে দাসত্বের উৎপত্তি। নারী জাতি জ্ঞান এবং প্রেমদ্বারা সমাজে আত্ম-সম্মানের প্রতিষ্ঠা করিতে পারিলেই তাহার সম্যক উন্নতি সাধিত হইবে। বর্তমান সময়ে ভারতে নারী জাতির যে দ্রুত দুর-বস্থা, আত্মসম্মানের অভাব তাহার মূল কারণ। গৃহকর্ম অতি পবিত্র এবং নারীর অবশ্য কর্তব্য; কিন্তু তজ্জগৎ আপনাকে কেবল গৃহমধ্যে আবদ্ধ রাখা কর্তব্য নহে। লোকহিতৈষণা ব্রত তাহাকে গ্রহণ করিতে হইবে। জ্ঞান, ধর্ম ও নীতি বৃদ্ধির জগৎ সাধনা নারী মাত্রেই কর্তব্য। ইহাই লোক শিক্ষার প্রকৃষ্ট পন্থা। কোন মহিলা উচ্চ শিক্ষা লাভ করিয়া, যদি আপনি অশিক্ষিতা নারী-সমাজ হইতে দূরে থাকেন, তাহা হইলে নারীর উন্নতির আশা কোথায়? মর-ভূমিতে বীজ বপনের স্থায় উহা নিঃফল নহে কি? সেবা নারী জীবনের ধর্ম— পরিবারের সেবা, স্বজাতির সেবা এবং স্বদেশের সেবা। বর্তমান সময়ে যে সকল মহাপুরুষ অগোষ্ঠিতগণকে কর্তব্যপথে উৎ-সাহিত করিতেছেন, তাহারাও সেবাতে ব্রতী। কেহ জ্ঞানদ্বারা, কেহ শরীরদ্বারা, কেহবা অগ্নি বিষয় দ্বারা মাত্রেই সেবা করিতেছেন। যে সকল মহাপুরুষ পৃথিবী পবিত্র করিয়া গিয়াছেন, তাহারাও সেবা-ব্রতী ছিলেন। তাহারা যে জগতের মহো-পকার সাধন করিয়াছেন, তাহাকে সেবা ভিন্ন আর কি বলিব? সেবাব্রত কেহ যেন হেয় মনে না করেন! মানবকে প্রীতি

করিলে ঈশ্বরকেই প্রীতি করা হয়; কারণ মানব তাঁহারই সন্তান। লোক-সেবা ও প্রীতি নরনারীকে ঈশ্বরের দিকে অগ্রসর করে।

ঈশ্বরে প্রীতি ও মানবে সেবা নারী জীবনের প্রধানতম উদ্দেশ্য। যদি এই সত্য ভারতের প্রত্যেক নারী-হৃদয়ে প্রতিফলিত হয়, তাহা হইলে কত মেরু কাপেটীর—কত মঙ্গলিত্রা ভারত বক্ষে অভ্যুদিত হইয়া স্বদেশের দুঃখ দূর করিতে পারেন। প্রায় দ্বিসহস্র বৎসর পূর্বে মহারাজ অশোকের প্রিয়তমা কন্যা মঙ্গল-মিত্রা বৌদ্ধধর্ম গ্রহণ পূর্বক, সহচরী বৃন্দ-সহ সিংহলে গমন করিয়া, রাজ্যান্তঃপুর-বাসিনীদিগকে নবধর্মে দীক্ষিত করিলেন।

হিন্দুজাতি বেদকে অপৌরুষেয় বলিয়া বিখ্যাস করেন, তাহার কয়েকটি শ্লোক বিশ্ববাসিনী মহিলা রচিত। ব্রহ্মবাদিনী গার্গী, অতি দুরূহ ব্রহ্মজ্ঞান সম্বন্ধে যাজ্ঞ-বল্ক্য ঋষিকে প্রশ্ন জিজ্ঞাসা করেন। নারীর শিক্ষা ও আধুনিক নহে, নারী জগতের সেবাও আধুনিক নহে এবং নারীর ব্রহ্ম-জ্ঞানও আধুনিক নহে। ভারতের নারী-বৃন্দ, আত্ম বিসর্জনে, আত্মদানে চিরদিনই অভ্যস্ত। ভারতের সেবাপরায়া মহিলা-গণ স্বার্থহীন বিসর্জন দিয়া, সংসারের জগৎ ও ধর্মের জগৎ অন্ধানবদনে কত ক্লেশ সহ করিয়াছেন এবং করিতেছেন। আধুনিক সময়ে ভারতাকাশে অনেক লীলাবতী, খণা প্রভৃতি বালস্বর্ঘ্য উদ্ভিত হইয়া আপনার জ্যোতিঃ বিস্তার করিতে-ছেন। কিন্তু মাধ্যাহ্নিক জ্যোতিঃ বিস্তার

করিতে অনেক বিলম্ব আছে। কবি বলিয়াছেন, “এ নহে কাহিনী এ নহে স্বপন, আসিবে সেদিন আসিবে।” মানব-জাতি চির উন্নতিশীল। এ জগতে কেহই চিরদিনের জগৎ অন্ধকারে নিমজ্জিত থাকিতে আসে নাই। জগদীশ্বর সকল-কেই এক মহান উদ্দেশ্য সাধনার্থ সৃষ্টি করিয়াছেন। অতি অসভ্য যে আমেরি-কার নিখোজাতি, তাহারাও এখন পায়ত্ত শাসন লাভ করিতেছে। তাহারাও সুশিক্ষা দ্বারা আপনাদের অজ্ঞানান্ধকার দূর করিতেছে। তবে কি শুধুই ভারতীয়া নারীবৃন্দ এই অন্ধকারে নিমজ্জিত থাকিবে? না। পরমেশ্বর নিশ্চয়ই তাহার স্বর্গীয় আলোক দ্বারা ভারতীয়া নারী জাতির অজ্ঞানান্ধকার, মোহান্ধকার দূর করিবেন।

দ্বিতীয়তঃ আদর্শ মাতৃ জীবনের বিষয়। সন্তান মাতার নিকট যত শিক্ষালাভ করে, বোধ হয়, তত পিতা কিংবা শিক্ষকের নিকট শিক্ষা করে না। পুরাকালে ভারত-বর্ষে শক্তিপরুপিণী মাতৃজাতির প্রতি সম্মান প্রদর্শিত হইত। কিন্তু আধুনিক সময়ে ভারতবর্ষ হইতে নারীজাতির সে মর্যাদা দূরীভূত হইলেও ধনসম্পদ বিধা-য়িনী লক্ষ্মী, দুর্গতিবিনাশিনী দুর্গা ও জ্ঞানদায়িনী বাক্‌দেবী নারীরূপে হিন্দুর গৃহে গৃহে প্রতিষ্ঠিতা আছেন। অনেকে বলেন, শাস্ত্রকারগণ প্রবল প্রতাপাবিত পুরুষজাতি ছিলেন বলিয়া, তাহারা এইরূপ নারীর প্রতি পক্ষপাতিতা দেখাইয়াছেন। কিন্তু এই বিখ্যাস ভ্রাম্যক। কারণ

পূর্বেই বলা হইয়াছে যে নিজের মর্যাদা নিজে রক্ষা না করিলে পদে পদে ঘৃণিত ও উপহাস্যম্পদ হইতে হয়। শাস্ত্রকার বলিয়াছেন, ‘যত্র নার্যন্ত পূজ্যন্তে রমন্তে তত্র দেবতাঃ’। ভারতের আজ যে শোচ-নীয় দুরবস্থা, তাহা মাতা ভগিনী কন্যা-রূপিণী নারীর অবমাননার ফল। তাই বুঝি প্রথমেই কবির হৃদয়ে নারীর সৈদৃশ্য শোচনীয় অবস্থার কথা মনে হইয়াই তিনি গাহিয়াছিলেন, “তোরা না করিলে এ মহা সাধনা; এ ভারত আর জাগে না জাগে না।”

কবির সঙ্গীত অক্ষরে অক্ষরে সত্য। যদি কোন দিন ভারত জ্ঞান ও ধর্মে মণ্ডিত হইয়া জগতের সঙ্ঘুখে দণ্ডায়মান হয়, তাহা হইলে নারীর উপযুক্ত সুশিক্ষা তাহার অগ্রতম মূল কারণ হইবে। মাতা যদি সুশিক্ষিতা না হন, তাহা হইলে সন্তান সুশিক্ষিত হইবার আশা কোথায়? পুত্র যেখানে সমিতির আলোচনায় ব্যাপৃত আছেন, মাতা সেখানে সাংসারিক সুখ-সম্পদের আলোচনা করিতেছেন; ইহা কি প্রকার বিসদৃশ, তাহা প্রিয় পাঠিকা ভগ্নীগণ সহজেই বুঝিতে পারিতেছেন। মাতা সুশিক্ষিতা, ধর্মশীলা ও সুসংযতমনা হইলে, সন্তান নিশ্চয়ই সেইরূপ হইবে। মহাশক্তির অংশরূপিণী মাতাকে অশি-ক্ষিতা রাখিয়া সুশিক্ষিত সন্তানলাভের আশা নির্দোষিত করা কর্তব্য। সেইজগৎ কবি বলেন—

সতীগর্ভে সাধুসুত, এই জগতের রীত  
রসালে কি হীন ফল ফলে?

আমরা পৃথিবীতে যে সকল মহাপুরুষের কল্যাণে ধর্মজগতে এবং সংসারে নানা বিষয়ে সুশিক্ষালাভ করিতেছি এবং যাহাদের আদর্শ জীবন সম্মুখে রাখিয়া কর্মক্ষেত্রে অসর হইতেছি; তাঁহাদের জননীগণও নানা গুণের অধিকারিণী ছিলেন।

ব্রহ্মানন্দ আচার্য্য কেশবচন্দ্র সেন মহাশয়, তাঁহার ইংলণ্ডে অবস্থিতি কালে ভারতীয় নারীদিগের সম্বন্ধে বলিয়াছেন, গভার্নমেণ্ট যদি ভারতীয় নারীদিগকে শিক্ষা না দেন, তাহা হইলে শিক্ষা কার্য্য অপূর্ণ থাকিবে। ভারতকে শিক্ষিতা মাতা না দিলে সন্তানগণ প্রথম বয়স হইতে ঈশ্বরানুরাগী, সত্যনিষ্ঠ হইতে পারিবে না; গৃহ জ্ঞান এবং সুখের আধার হইবে না।

জগতে সকল পদার্থই ধ্বংসশীল; কিন্তু মহাজনদিগের জ্ঞান ও ধর্ম চিরস্থায়ী। শিশ্রুতটেশোভিনী উজ্জয়িনী নগরী এখন লুপ্তপ্রায়, কিন্তু মহাকবি কালিদাসের কাব্য সুধা এখন জ্ঞানীদিগের জ্ঞানসুধা চরিতার্থ করিতেছে। এই মরণশীল জগতে জ্ঞান ও ধর্মই অক্ষয় কীর্ত্তি স্থাপন করিতে সমর্থ। আমি ভগবানের পরমপদে ভারতীয় ভগিনীদিগের জন্ত প্রার্থনা করি যেন তাঁহারা জ্ঞান এবং ধর্মবলে জগতে অক্ষয়কীর্ত্তি স্থাপন করিয়া চিরস্মরণীয় হইতে পারেন।

শ্রীভক্তিসুধা দেবী।

### প্রার্থনা।

আমার সাধনা-আশা-জীবন-মরণ  
চরণ-সরোজ তব করিয়া চুম্বন  
গুঞ্জরিছে নিশিদিন, প্রাণের সঙ্গীত  
ফুল শতদলে ঘেরি যেমতি ঝঙ্কত  
হয় মুকুটমধুপের অন্তর ভেদিয়া  
জানাতে সে তৃষ্ণাতুর মাগিছে অমিয়া  
অমিয়া-হৃদয়া পাশে! হে মোর দেবতা,  
জুড়াও মর্মে মোর তীব্র ব্যাকুলতা।  
আমারে নীরব কর, করিয়া মগন  
ওই চারু কোকনদে—নিভৃত গোপন  
সুধা-পারাবার মাঝ! স্তব্ধ হয়ে শুধু  
জন্মে জন্মে অক্ষুণ্ণ আকাজিক্ষিত মধু  
আনন্দে করিব পান—হেরিব তোমায়  
কেবলি আমার হয়ে বিরাজ ধরায়!

### আয়োজন।

কখন আসিবে শিশু—আজ আয়োজন!  
দীন হীন পিতামাতা  
শেলাই করিছে কাঁথা  
একটুকু অবসর পেতেছে যখন!  
ছোট সে কুটীর খানি  
কত মতে নাহি জানি  
দিবানিশি অবিরত সাজাইতে চায়!  
যেন কিছু মলিনতা  
এক তিল অশুচিতা  
আজিকে রহিতে কোথা নাহি দিবে হায়!  
কোন দেবতার সাড়া  
বুঝিবা পেয়েছে তারা  
বিভল পাগল তাই তা'রি পানে চেয়ে!

দুখ ভরা চরাচর  
আজি যেন মধুতর  
অভিনব মনোহর তা'রি খোঁজ পেয়ে!  
কি চোখে যে দু'জনায়  
আজি দৌছে নেহরায়  
তাহারা বুঝেনা নিজে শুধু হাসি কুটে!  
ধন-জন-মান-হারা  
পেল কি হরষ ধারা  
কোন সে অমরা হতে এল সুধা লুটে!  
আমি বুঝিয়াছি ওরে,  
গায় পাখী নিশি-ভোরে  
স্বরগের পারিজাত মাধুরী বিকায়!  
মাধবী চাঁদের কণা  
জীবনের আরাধনা  
প্রণয়ের শিশুরূপ উদিকে ধরায়!  
সে যে সব ব্যথা হরি'  
দিবে দৌছে এক করি'  
দিনের আঁধার স্বরে বিকিয়ে কিরণ!  
যুগল হৃদয় করে তা'রি আয়োজন!

“সাধনাকুঞ্জ” }  
চট্টগ্রাম। } শ্রীজীবেন্দ্র কুমার দত্ত।

### রন্ধন, আহার এবং গৃহস্থালী।

গতবারে আমি বুঝাইতে চেষ্টা করিয়াছি যে, আমরা সাধারণতঃ রন্ধনের জন্ত যে সময় এবং অর্থ ব্যয় করিয়া থাকি তাহা অপেক্ষা অল্প সময়ে এবং অল্প ব্যয়ে উৎকৃষ্টতর খাদ্য প্রস্তুত করিতে পারি। উত্তম খাদ্য বলিতে স্বাস্থ্যের উপযোগী খাদ্য বুঝিতে হইবে। পুরমহিলাদের উন্নতি

সাধন করিতে হইলে তাঁহাদের রন্ধনগৃহে অবস্থিতি কাল সংক্ষিপ্ত করিতে হইবে। ইহা দ্বারা যেন কেহ এমনি না বুঝেন যে রমণীদিগকে আমি রন্ধনশালা হইতে একেবারেই বিদায় গ্রহণ করিবার পরামর্শ দিতেছি। সুস্থদেহ রমণী স্বামী পুত্র আত্মীয় স্বজন এবং অভ্যাগতদের আহাৰ্য্য প্রস্তুতের জ্বাৰ পাচক ব্রাহ্মণের প্রতি অর্পণ করিয়া নিশ্চিত থাকিবেন ইহা অপেক্ষা শোচনীয় দৃশ্য আর কিছুই হইতে পারে না। আমি ইহাই বলিতে চাই যে নারীর কর্মক্ষেত্র আরও বিস্তৃত হওয়া আবশ্যিক, তাহা শুধু রন্ধনগৃহে সীমাবদ্ধ থাকিলেই চলিবে না।

সন্তান পালন, শিশুদের শরীর সুস্থ রাখিবার উপায়, পীড়িতের শুশ্রূষা প্রভৃতি বিষয়ে জ্ঞান থাকা রমণীদিগের একান্তই আবশ্যিক। এসকল বিষয়ে যাহারা পূর্বে শিক্ষাপ্রাপ্ত হন নাই, তাঁহাদিগকে যত্নের সহিত উহা শিক্ষা করিতে হইবে। শিশুদিগকে কুখাদ্য প্রভৃতি প্রদানের হায়, তাঁহাদিগকে শিক্ষাদান সম্বন্ধেও প্রায়শঃ আমরা ভ্রান্ত পথ অবলম্বন করিয়া থাকি। শিশুচরিত্রে অনভিজ্ঞ, অল্প শিক্ষিত ব্যক্তিদের হস্তেই সচরাচর শিশুদের শিক্ষার ভার অর্পিত হইয়া থাকে। যে শিক্ষা এবং অভিজ্ঞতার বলে প্রকৃতিরাজ্য হইতে জ্ঞান-রাজি সংগ্রহ করিয়া কোমল শিশু হৃদয়ের উপযোগী করিয়া তুলিতে পারা যায়, ইহাদের অনেকেই তাহা নাই! দেশের দুর্ভাগ্য বশতঃ সুশিক্ষিত ব্যক্তিগণ শিশুদের শিক্ষার জন্ত সময় ব্যয় করা তাঁহাদের

সময়ের অপব্যবহার বা শক্তির অবমাননা বলিয়া মনে করেন। রমণীগণ শিশুদের শিক্ষার ভার গ্রহণ করিলেই ভাল হয়। যতদিন তাহা সম্ভব না হইবে তত দিন জননীগণকে এই গুরুতর কর্তব্য ভার গ্রহণ করিতে হইবে। ভারত রমণী সামী পুত্রের জন্ম অন্তরে দেহ বিমর্জন করিতে পারেন, তাঁহারা অত্যন্ত সন্তানের জন্ম শিক্ষালাভে যত্নবতী হইবেন, ইহা কি এতাই হুঁশিয়ারী? এতদ্বারা সামীকে পরিবার প্রতিপালনের চিন্তা হইতে কিয়ৎ পরিমাণে মুক্তি দিবার জন্ম পোষাক পরিচ্ছদ প্রভৃতি গৃহে প্রস্তুত করিয়া লইবার মত উপযুক্ত শিক্ষা লাভ করা উচিত। গৃহ প্রাঙ্গণে শাক সবজীর বাগান করিলে গৃহের মৌদ্রিক বৃদ্ধি এবং সাংসারিক ব্যয়ের তালিকা অনেকটা সংক্ষিপ্ত করিতে পারা যায়। তাছাড়া আফিসের কর্মভার-ক্লান্ত সামীকে বাজার খরচ, ধোপার হিসাব প্রভৃতি রাখা হইতে মুক্তি দিলে, আফিসের হাড়ভাঙ্গা পরিশ্রমের পরও তাহার প্রসন্ন মুখ দেখিবার আনন্দলাভ করা যায়। রন্ধন করিয়াই সময় পাই না এ ওজর করিয়া কোন রমণীই এই সকল কর্তব্য হইতে দূরে থাকিতে পারেন না।

আমার মনে হইতেছে, অনেকে এই প্রবন্ধ পাঠ করিয়া বলিতেছেন, “তোমার যে খুব বড় বড় কথা, পরকে উপদেশ দেওয়া এমনই সোজা বটে।” তহুতরে আমি এই পর্যন্ত বলিতে পারি, আমাদের কর্তব্য সম্বন্ধে উপরে যাহা লেখা হইল আমি স্বয়ং তাহা যথাসাধ্য প্রতিপালন

করিয়া থাকি। বন্য-বিবাহ রহিত হইলে বঙ্গনারী শিক্ষালাভের আনন্দটা সময় পান সত্য বটে, কিন্তু বর্তমান সময়ে বক্তৃত্তা বা প্রবন্ধ পাঠ দ্বারা ইহা বাল্য বিবাহ দেশ হইতে উঠিয়া যাইবে, এরূপ আশা করা যাইতে পারে না, সুতরাং বিবাহিত জীবনেই আমরা শিক্ষালাভের দ্বারা জীবনের উন্নতি সাধনে যত্নবতী হইতে হইবে। আমি ইহা বিশ্বাস করি যে, কোন প্রতিকূল অবস্থাই মানুষ ইচ্ছার বিঘ্ন ঘটাইতে পারে না।

সময়ের মূল্য বুঝিলে, এবং মূল্যবান সময় বুঝা ব্যয়িত হইতে দিব না, এরূপ সঙ্কল্প থাকিলে আমাদের কোন কর্তব্য সম্পাদন করিতেই সময়ের অভাব অনুভব করিতে হয় না। সময় সম্বন্ধে আমার এত কথা বলিবার উদ্দেশ্য এই যে যখনই আমি কাহারও সহিত আমাদের নারীজীবনের উন্নতি সাধনের উপায় সম্বন্ধে আলোচনা করিয়াছি, তখনই বয়োজ্যেষ্ঠদিগকে বলিতে শুনিয়াছি—“আর বোন ছেলেপিলের সংসার—ওদের খাওয়ান পরান, এখন কি আর কোন কথা ভাববার সময় আছে? তোমাদের কাঁচা বয়স, যা হয় একটা তোমরাই কর।” আবার যাহাদের কাঁচা বয়স তাঁহারা তো নারীকপিণী জড়পিণ্ড বিশেষ, চালাইলে চলেন, না চালাইলে খামিয়া থাকেন, খামিয়াই থাকেন। রাঁধা বাড়ি, এবং পরিবেশন প্রভৃতি কার্যেই তাঁহাদের প্রায় সমস্ত দিন এবং রাত্রির কতক ভাগ ব্যয়িত হইয়া থাকে। দৈনিক আহাৰ্য্য প্রস্তুত এবং পরিবেশন প্রভৃতির

জন্ম প্রত্যহ চারিঘণ্টা সময়ই যথেষ্ট মনে করা যাইতে পারে, কিন্তু আমি অনেককেই এজন্ম আট নয় ঘণ্টা ব্যয় করিতে দেখিয়া থাকি।

শুধুলায় অভাবই সময়ের এইরূপ অপব্যবহারের একটা প্রধান কারণ বলিয়া মনে হয়। নিত্য ব্যবহার্য্য প্রয়োজনীয় জিনিষগুলি যথাস্থানে গুছাইয়া রাখা হয় না, তাহাতে অনেক সময়ে অশুবিধার একশেষ হয়। রান্না করিতে গিয়াছেন, উনুনে কড়াই চাপাইয়া দেওয়া হইয়াছে, শিশিতে তেল নাই, তখন তাড়াতাড়ি সাত বাসরের মেয়েকে বলা হইল, “মা, যা তো হাঁড়ি থেকে এক শিশি তেল শিগগির করে ভরে নিয়ে আয়।” মেয়ে দৌড়িয়া গেল, আর আসে না। “ও হতভাগি! ও পোড়ার মুখি! শিগগির আয়, হতভাগা মেয়ের তেল ভরণার যোগ্যতাই হু হুলোনা—পারেন কেবল খেতে।” এদিকে মেয়ে তেল ফেলিয়া, শিশি ভাঙ্গিয়া প্রহারের ভয়ে চুপ করিয়া বসিয়া আছে। মা আসিয়া তেলে বেগুনে জলিয়া উঠিলেন; চড়, গাল টিপিয়া দেওয়া প্রভৃতি জননী হুলভ প্রহার এবং গালিবর্ষণ হইতে লাগিল। নিজে যে ভুল করিয়াছেন তজ্জন্ম নিরপরাধ শিশুকে শাস্তি দিয়া ক্লান্ত হইলেন।

আমাদের দেশের স্ত্রীলোকেরাই যে কেবল সময়ের মূল্য বোঝে না, এমন নহে পুরুষদের মধ্যেও অনেকে সময়ের মূল্য বোঝেন না। ইংরেজ এরূপ জড়তার ধার রাখেন না, তাই যাহারা আফিসে

কাজ করেন, তাহাদিগকে বাধ্য হইয়াই কার্যস্থলে ঠিক সময়ে যাইতে হয়, কিন্তু তাহাদের মধ্যেও আবার অনেকেই প্রাতঃ-সময়টা বুঝা গল্পগুজবে কাটাইয়া আহারের সময় কোনওরূপে নাকে মুখে গুঁজিয়া আহার কার্য সম্পাদন করেন, আর “আমার জামাটা কোথায় গেল? আ মলে! চিকণীখানা খুঁজে পাচ্ছি না” প্রভৃতি রবে বাড়ীর সকলকে অস্থির করিয়া তোলেন। যাহা হউক এইরূপে কর্তাকে বিদায় করিয়াই যে পাচিকা বা রন্ধনগৃহ হইতে বাহির হইতে পারিবেন তাহা নহে, যাহাদের কোন কাজ কর্ম নাই তাঁহাদের লইয়া আরও বিপদ। আহারের সময় নির্দিষ্ট থাকা উচিত, এবং সকল বিষয়েই একটা শৃঙ্খলা থাকা উচিত, এ জ্ঞান অনেকেরই নাই। নির্দিষ্ট সময়ে সকলে যদি এক সঙ্গে আহার করিতে বসেন, তবে সে দৃশ্য দেখিতেও অতি সুন্দর, সাংসারিক উন্নতি প্রভৃতি বিষয়ে আলাপ করিবার পক্ষে, তাহা অতি উত্তম অবসর, পাচিকার পক্ষেও তাহা খুব সুবিধাজনক। কিন্তু এরূপ শৃঙ্খলা এবং নিয়মপরতন্ত্রতা অধিকাংশ পরিবারেই দেখিতে পাওয়া যায় না। বৌদিদি রান্না করিয়া ভাত বাড়িয়া বসিয়া আছেন, ঠাকুরপেঁয় খোঁজ খবর নাই, অনেকক্ষণ পরে তিনি আসিলেন, কিন্তু তখন পর্যন্ত তাহার স্নানই হয় নাই। যাহা হউক তাহাকে কোনওরূপে খাওয়াইয়া দিবার পর, আবার শিশুদের পালনা উপস্থিত হইল। এইরূপে যাহার রন্ধনের পালনা

থাকে তিনি প্রায় বেলা দুইটার আগে মাধ্যাহ্নিক আহারের ব্যাপার শেষ করিয়া রন্ধনগৃহ হইতে বাহির হইতে পারেন না। এবং যে রমণী পরিবারবর্গের এবিধ খেয়ালের অনুভব করিয়া হইতে কোনওরূপ ক্লেশ অনুভব করেন না, তিনিই আদর্শ কুলবধূরূপে বাচ্যা হন। ইহার অর্থ এই যে নারীশক্তি সম্বন্ধে আমাদের দেশের লোকের ধারণা এত ক্ষুদ্র যে, রন্ধন ভিন্ন স্ত্রীজাতি যেন আর কোন কাজেরই উপযুক্ত নহেন।

জিনিষ পত্র যথাস্থানে শৃঙ্খলাবদ্ধ করিয়া না রাখিতে অনেক সময় নষ্ট হয়, এবং অনেক জিনিষ একেবারেই হারাইয়া যায়। অনেকে প্রয়োজনীয় জিনিষ পত্র যত্নের সহিত রাখিয়া দেন কিন্তু কাজের সময় কোথায় রাখিয়াছেন তাহা মনে থাকে না। এইজন্ত রন্ধন সামগ্রী, শেলাইয়ের উপাদান, পুস্তক, কাপড় প্রভৃতি সকল জিনিষই প্রত্যেকের জন্ত নির্দিষ্ট বিশেষ বিশেষ স্থানে রাখিয়া দিবার অভ্যাস করিবেন। প্রয়োজন মত উঠাইয়া লইয়া আবার কাজ শেষ হইলেই পুনরায় উহা যথাস্থানে রাখিয়া দিবেন। কিন্তু একজনে এরূপ করিলে কোন লাভ নাই, পরিবারস্থ সকলেরই এরূপ একটা সঙ্কল্প থাকা আবশ্যিক যে তাঁহারা যেখানকার জিনিষ সেইখানে রাখিবেন। বালকবালিকারা পড়িবার স্থান পরিত্যাগ করিয়া অল্প সময়গায় বই লইয়া বসিল, তারপর কোন ভাষাসা দেখিবার জন্ত বা কেহ ডাকিলে সেইখানেই রাখিয়া চলিয়া গেল, জনক

জননী কদাচ এরূপ অভ্যাসের প্রশংসা দিবেন না। এস্থলে ইহাও বলা আবশ্যিক যে পিতামাতা সন্তানদিগকে যে উপদেশ প্রদান করিবেন তাঁহারা স্বয়ং তদনুসারে চলিলে মৌখিক উপদেশ বেগী না দিলেও ক্ষতি হয় না, কিন্তু নিজেরা অগুরুত্ব আচরণ করিলে সহস্র উপদেশ বা শাসনেও কোন ফল হয় না। গৃহসজ্জার উপকরণগুলির যেটী যে উদ্দেশ্যে নির্মিত হইয়া থাকে, তাহা শুধু সেই প্রয়োজনসিদ্ধির জগুই ব্যবহার করা উচিত। চন্দ্রিশ ঘটা শয়্যা পাতা থাকিবে, আর সময় নাই, অসময় নাই, তাহার উপর শুইয়া পড়ার অভ্যাস ভাল নহে। ইহাতে বিছানা শীঘ্র শীঘ্র ময়লা হয়, এবং শীতল হয়। আফিসের কাজে রাশি রাশি কাগজ নাড়া চাড়া করিতে হয়, ঐ সকল কাগজ যদি ইতস্ততঃ থাকে, একজন কর্মচারী যদি একখানি কাগজ হাতে করিয়া তাঁহার বন্ধুর সহিত স্থানান্তরে গল্প করিতে করিতে সেইখানেই তাহা ফেলিয়া আসেন, তবে তাঁহাকে কত মুক্তি পড়িতে হয়। আপন বাসগৃহকেও একখানি আফিস গৃহ মনে করিতে হইবে। এখানেও শিশুদের বোতিল হাউস, বিদ্যালয় প্রভৃতি নানা বিভাগ আছে। গৃহিণীকে এই আফিসের বড় কর্ত্রী বলা যাইতে পারে, গৃহের সর্বপ্রকার সুশৃঙ্খলার জন্ত একমাত্র তিনিই দায়ী। তাঁহার এমন শক্তি থাকা আবশ্যিক যে তিনি সকল দিকে দৃষ্টি রাখিতে পারেন। তিনি সকল বিষয়ে পরিবারে সকলের আদর্শস্থানীয়া হইবেন। তিনি

স্বয়ং খুব বিনীতা, দ্বিষ্টভাষিণী এবং গুরুজনের প্রতি ভক্তিমতী হইবেন। শিক্ষা এবং সত্যের প্রতি তাঁহার অনুরাগ থাকিবে, এবং পরিবারস্থ সকলের প্রতি কোমল ব্যবহার করিবেন। যদি তিনি এই সকল গুণবিশিষ্ট হন তবে সকলেরই হৃদয়ের উপর তাঁহার এমন একটী প্রভুত্ব স্থাপিত হইবে, যে কেহই তাঁহার প্রতিষ্ঠিত শৃঙ্খলা ভঙ্গ করিতে সাহসী হইবে না; অথচ প্রত্যেকেই তাঁহাকে বিশেষ শ্রদ্ধা ও প্রীতির সহিত দেখিবেন। কিন্তু এ রূপ আদর্শ গৃহিণী শুধু উপদেশ শুনিয়াই হওয়া যায় না, ইহার জন্ত আশৈশব শিক্ষার প্রয়োজন। সুতরাং বালিকাদিগকে শিশুকাল হইতেই এরূপ শিক্ষা দেওয়া আবশ্যিক যে ভবিষ্যতে তাহারা সুগৃহিণী এবং সুজননী হইতে পারে।

আজকাল অর্থাভাবের অভিযোগ প্রায়ই শুনিতে পাওয়া যায়। যাহারা মাসিক দুই তিন শত টাকা উপার্জন করেন, তাঁহারাও বলেন অভাব এবং অসচ্ছন্দতার মধ্যে আছেন; পঞ্চাশ ঘাট টাকা বেতনভোগী চাকরীজীবীদের অবস্থা তাহা হইলে কত শোচনীয়! অবশ্য জিনিষ পত্রের মূল্য পূর্বাপেক্ষা অনেক বাড়িয়াছে সন্দেহ নাই, কিন্তু তাহা হইলেও এরূপ অভাব অনটন ভোগ পরিবার বিশেষ কারণ আছে বলিয়া মনে হয় না। আহাৰ বিহার পরিচ্ছদ প্রভৃতি সকল বিষয়েই একটা অনাবশ্যক বাহ্যিক আড়ম্বরের ভাব প্রবেশ করিয়াছে। আমাদের এই বিলাসিতার ভাবকেই বর্তমান অর্থ-

কষ্টের একটা প্রধান কারণ বলিয়া ধরা যাইতে পারে। কিরূপে অল্প আয়ে সুশৃঙ্খলার সহিত সংসার চালান যাইতে পারে আমরা ক্রমশঃ তৎসম্বন্ধে আলোচনা করিব।

শ্রীশতদলবাসিনী বিশ্বাস।  
(ভারতমহিলা।)

রেভারেণ্ড চ'ব্ল'ন ভয়েসি ।

গত ২২শে জুলাই রয়টারের টেলিগ্রামে জানাগেল লণ্ডন একেশ্বরবাদী সমাজের প্রতিষ্ঠাতা চার্লস ভয়েসী সাহেব পরলোক গমন করিয়াছেন। ঊনবিংশ শতাব্দীতে সমগ্র পৃথিবীতে ধর্মের এক মহা যুগপ্রলয় সংঘটিত হইয়াছে। বিধাতা মনুষ্যজাতিকে শাস্ত্রবন্ধন, সম্প্রদায়বন্ধন হইতে বিমুক্ত করিয়া আপনার দিকে, স্বর্গরাজ্যের দিকে আকর্ষণ করিতেছেন। সর্বপ্রকার মধ্যবর্তিবাদ, পৌত্তলিকতা, কুসংস্কার, পাপ মোহ বিমুক্ত হইয়া মানুষ স্বাধীন ও প্রমুক্তভাবে, সাক্ষাদভাবে ষাহাতে পরমেশ্বরের সমীপবর্তী হইতে পারে বিধাতা পৃথিবীর সকল দেশে ও সর্বজাতির মধ্যে তাহার উপায় সূচনা করিয়াছেন। ইংলণ্ডে চার্লস ভয়েসী সাহেবের সহযোগে একেশ্বরবাদের সমাজ প্রতিষ্ঠিত হইয়াছে। ১৮২৮ খৃষ্টাব্দে ১৮ই মার্চ লণ্ডননগরে ভয়েসী সাহেব জন্ম গ্রহণ করেন। অক্সফোর্ড বিশ্ববিদ্যালয়ে অধ্যয়ন করিয়া বি, এ, উপাধি লাভ করেন। খৃষ্টীয় পরিবারে জন্ম গ্রহণ করিয়া খৃষ্ট ধর্মের

শিক্ষা লাভ করিয়াছিলেন। স্বাভাবিক ধর্ম্যানুরাগের বশবর্তী হইয়া ঋষ্ট ধর্মের প্রচারকার্যে জীবন উৎসর্গ করিয়াছিলেন। প্রায় চতুর্দশ বর্ষকাল নানা স্থানের ভজনালয়ে পুরোহিতের কর্ম করিয়াছিলেন। তৎপর তাঁহার ধর্মতের পরিবর্তন হইতে থাকে। একদা তিনি অনন্ত নরকের বিধিকে উপদেশ দান করেন; তাহাতে কতিপয় ঠোড়া ঋষ্টান অসন্তুষ্ট হন এবং ইয়র্কের প্রধান ধর্মযাজকসহযোগে ভয়েসী সাহেবের নামে মোকদ্দমা উপস্থিত করেন। মোকদ্দমায় তিনি হারিয়া যান ও মোকদ্দমার খরচ দিতে বাধ্য হন। যদিও ঠোড়া ঋষ্টান সমাজ কর্তৃক তিনি পরিত্যক্ত হইলেন, অর্থাৎ উদার মতাবলম্বী লোকদের যথেষ্ট সহানুভূতি পাইতে লাগিলেন। ১৮৭০ ঋষ্টাকে আমাদের আচার্য্যদেব ইংলণ্ডে গমন করেন। তাহার আদিম পরেই ভয়েসী সাহেব ঋষ্টীয় মণ্ডলী কর্তৃক পরিত্যক্ত হন। এই ঘটনা সম্বন্ধে বিয়াশ্লিশ বৎসর পূর্বে ১৭৯২ শকের ১৬ই চৈত্র ধর্মতত্ত্বে লিখিত হইয়াছিল—“ইংলণ্ডের রেভারেণ্ড চার্লস ভয়েসী নামক একজন ঋষ্টধর্ম প্রচারক কতিপয় উদার মত স্বাধীনতার সহিত প্রচার করতে কয়েকজন প্রধান ধর্মযাজকের বিচারে তাঁহারে মণ্ডলী হইতে বহিষ্কৃত হইতে হইবে। রেভারেণ্ড ভয়েসী বলেন, পাপের জন্ত অকৃত্রিম দুঃখই মনুষ্যের সহিত ঋষ্টের সন্মিলন পক্ষে যথেষ্ট, অথ কোন প্রায়শ্চিত্ত বিধি আবশ্যক করে না। ঋষ্টর আমাদের পিতা, এবং আমরা তাঁহার সন্তান, এই সত্য সমস্ত

মধ্য হ এবং তৎসম্পর্কীয় অস্থানকে দূরীকৃত করে। ঋষ্টকে উপাসনা করা পৌত্তলিকতা। ঋষ্টরবিষয়ে জ্ঞান দান করিতে কোন পুস্তক উপায় হওয়া অসম্ভব। মনুষ্যহৃদয়ে তাহার জ্ঞান প্রকাশিত হয়। ঋষ্টান সমাজে স্পষ্ট-রূপে স্বাধীন ব্রাহ্মধর্ম প্রচার করাতে তাহাকে তাড়িত হইতে হইল। তাঁহার উক্তমত প্রত্যাখরণ করিয়া লইবার জন্ত এক সপ্তাহ সময় দেওয়া হইয়াছিল, কিন্তু তিনি তাহাতে আপনার সরল মত গোপন করিলেন না। এ প্রকার সাহসী বীর-প্রকৃতি একমাত্র লোকের সে দেশে এখন বিশেষ আবশ্যক হইয়াছে।”

ঋষ্টীয় সম্প্রদায়ের ঠোড়ামী, সংকীর্ণতা, কুসংস্কার ইত্যাদি দর্শনে তিনি উক্ত সম্প্রদায়ের প্রতি এতদূর বিরুদ্ধভাবাপন্ন হইয়াছিলেন যে, ঋষ্টাকে এক জন মাধুর্ক্য বলিয়া স্বীকার করিতেও কুঞ্জিত হইতেন। ব্রাহ্মগণ যে ঋষ্টার প্রতি ভক্তিমান, ইহা তিনি মোটেই পছন্দ করিতেন না।

প্রায় চল্লিশ বৎসর কাল ভয়েসী সাহেব ইংলণ্ডে একেধরবাদের সুসমাচার প্রচার করিয়াছেন। তিনি অধিকাংশ সময় সপ্তাহে সপ্তাহে এক একটি উপদেশ লিখিতেন, উহা মুদ্রিত করিয়া পাঠ ও বিতরণ করিতেন। তাঁহার বয়স প্রায় ৮৪ বৎসর হইয়াছিল, এই বৃদ্ধ বয়সেও তিনি উৎসাহের সহিত প্রচারকার্যে ব্যাপৃত ছিলেন। আমাদের সিন্ধুদেশবাসী ব্রাহ্ম-বন্ধু স্বর্গগত নেভাল রাও ও হিরানন্দের কনিষ্ঠ ভ্রাতা শ্রীমান্ মতিরাম ভয়েসী সাহেবের এক কন্যাকে বিবাহ করেন।

আমাদের প্রিয় ভাই কুমতলাল বহু উক্ত বিবাহে অচার্য্যের কার্য করিয়াছিলেন। মতিরাম বারেষ্টারী করিতেন, এখানে সিন্ধুদেশে জজের কর্ম করেন; ভয়েসী সাহেবের চারি পুত্র ও চারি কন্যা। ভগবান পরলোকগত আয়ার সঙ্গতি বিধান করুন এবং তাঁহার শোকাকুল মহানবর্গকে সান্ত্বনা দান করুন।

ভয়েসী সাহেবের অভাবে ইংলণ্ডের একেধরবাদী সমাজের কার্য কিরূপ চলিবে আমরা এখনও জানিতে পারি নাই।

(ধর্মতত্ত্ব)

#### মাগয়্যিক পাম্প

আমরা নিশ্চয় জানি, জাপানদেশ দূর হইলেও বঙ্গদেশের পুরুষ নারী সকলের নিকট জাপান সুপরিচিত। গত ১০১২ বৎসরের মধ্যে জাপান সকলের প্রিয় ও আদরের দেশ হইয়াছে। এখন জাপানের উন্নতিতে ও দুখে ভারতবাসী সুখী ও জাপানের দুখে সকলে দুঃখী। জাপানের সম্রাট মতহুহিতুর মৃত্যুর সংবাদ ইহা বঙ্গদেশের পক্ষে অত্যন্ত দুঃখের সংবাদ—আজ জাপানবাসীদের শোকে পৃথিবীর সকল সভ্যদেশ সহানুভূতি করিতেছেন, বঙ্গদেশের নরনারীও আজ জাপানের সহিত সমবেদনা প্রকাশ করিতেছেন। এরূপ সমবেদনা প্রকাশ করা অনেক সময়ে একটি বাহ্যিক ব্যাপার মাত্র হইয়া থাকে। কোন বড়লোকের মৃত্যু হইলেই সভা করিয়া শোক-প্রকাশ করা একটা

ভিত্তার নিয়ম হইয়া উঠিয়াছে, কিন্তু ফেমিকারু সপ্রতি সর্গারোহণ করিলেন তাঁহার জন্ত শোক-প্রকাশ করা একটি প্রাণের আবেগের ব্যাপার। পৃথিবীতে কত রাজ্য রাজ্যশাসন করিয়া মরিয়াছেন ও মরিবেন, কিন্তু সম্রাট মতহুহিতুর মত সম্রাট ইতিহাসে আর দ্বিতীয়টি দেখা যায় না। মতহুহিতু ১৮৪২ খ্রীষ্টাব্দের ৩রা নবেম্বর তারিখে জন্মগ্রহণ করেন। ১৮৬৭ সালের জানুয়ারী মাসে পিহু-সিংহাসনে আরোহণ করেন। গত ২৯শে জুলাই তাঁহার মৃত্যু হইয়াছে এবং তাঁহার একমাত্র পুত্র সম্রাট হুমার যোশীহিতু পিহু-সিংহাসন লাভ করিয়াছেন।

সম্রাট মতহুহিতুর রাজ্যের প্রারম্ভে জাপান সমস্ত পৃথিবীর সভ্যজগতে একটু অপরিচিত ছিল। একটু অসমসংগো পৃথিবীর উন্নত জাতিসকলের সহযোগী ও সমকক্ষ হইয়া উঠিবে, তাহা কেহ মনে করিতে পারে নাই। অন্ধশতাব্দীর পূর্বে যিনি প্রাচীনকালের প্রথা অনুসারে সাধারণের দৃষ্টির অতীত কাল্পনিক অমানুষিক শক্তি ও গুণে শোভিত ভয় ও মাংসের বস্ত্রমাত্র ছিলেন, এই অসংকাল মধ্যে তিনি প্রজাতন্ত্র নিয়মে শাসিত একটি উন্নত জাতির সর্কজনপ্রিয় রাজারূপে পরিচিত হইয়াছিলেন। বর্তমান সময়ে বিভিন্ন বিষয়ে যতকিছু উন্নতির স্রোত পৃথিবীতে প্রবাহিত হইতেছে, জাপান সে সমস্তের উপযুক্ত পরিমাণ অংশ লাভ করিতেছে। ভগবানের বিধানে যেমন সম্রাট উন্নতির পক্ষপাতী ছিলেন, তেমনই তাঁহার চারি-

দিকে অনেকগুলি মহদব্যক্তি উপস্থিত হইয়া এই অকাল মধ্যে জাপান দেশকে বর্তমান কালের প্রবলপ্রতাপ জাতি সকলের মধ্যে এক উচ্চ স্থান দান করিয়াছেন।

আমরা “ভারত মহিলা” হইতে “রন্ধন, আহার এবং গৃহস্থালী” বিষয়ে একটি প্রবন্ধ ‘মহিলার’ পাঠিকাগণের নিকট উপস্থিত করিলাম। ইহাতে গৃহিণীগণের কতব্য বিষয়ে কয়েকটি অতি সুন্দর কাজের কথা ও পরামর্শ আছে। শিক্ষিতা মহিলাগণের গৃহে সকল বিষয় সুব্যবস্থা হইবে, সময়ের সদ্ব্যবহার হইবে, ইহা কে না আশা করে? শিক্ষার ফল যদি গৃহে না দেখা যায়, তাহা হইলে মনে হয় তাঁহাদের শিক্ষা কেবল পুস্তকগত, কোন কার্যকর হয় নাই। নারীগণ চিরদিন গৃহকার্য করিয়াছেন এবং করিবেন, ইহার মধ্যে যাহারা যত অসময়ে যত উত্তমরূপে আপনাদিগের নিত্য নৈমিত্তিক কার্য সমাপন করিয়া অশ্রান্ত প্রয়োজনীয় কার্যে সময় ব্যয় করিতে পারিবেন, এবং প্রতিবেশীর সাহায্য করিতে পারিবেন ততই তাঁহাকে সফল ও সুদক্ষ গৃহকর্ত্রী বলা যাইবে। আমাদিগের গৃহকার্যগুলিকে এখন নূতন দৃষ্টিতে দেখিতে হইবে এবং নূতন আলোকে পরিচালিত হইয়া তাহা সুসম্পন্ন করিতে হইবে। গৃহের ভিতরে যদি সংস্কার না হয়, তাহা হইলে পরিবারের ও সমাজের উন্নতির আশা কোথায়? যে সকল গৃহিণী আপনাদিগের দৈনিক জীবনের জগ্ৰ উন্নততর ব্যবস্থা স্থাপনের প্রস্তাব ও চেষ্টা

করেন, তাঁহাদের প্রস্তাব ও কার্য সকল আমরা প্রকাশ করিয়া সকল পাঠিকার নিকট উপস্থিত করিব।

আজকালকার স্বাস্থ্যবিজ্ঞানবিদ পণ্ডিতগণ মাছির অনিষ্টকারিতা বিষয়ে দিন দিন অনেক কথা আমাদিগকে জানাইতেছেন। মাছি যে অত্যন্ত বিরক্তিকর ও অনিষ্টকর জীব, এ বিষয়ে আমাদিগের একটা স্বাভাবিক সংস্কার থাকিলেও আমরা এ বিষয়ে অধিক কিছু জানি না ও মাছি নিবারণের কোন চেষ্টাও আমাদের মধ্যে নাই। সম্প্রতি সংবাদ পত্রে প্রকাশ হইয়াছে যে, আমেরিকাতে ওএর নামক নগরে মাছির উচ্ছেদসাধনে বিশেষ চেষ্টা আরম্ভ হইয়াছে। বোস্টন নগরের এক মহিলাসমিতিও মাছি বিনাশের উপায় নির্দেশ করিয়া বিজ্ঞাপন প্রচার করিতেছেন। তাঁহারা সাধারণকে এই ভাবে অনুরোধ করিতেছেন :—

ঐ মাছিটা মারুন।

—কেন?

কারণ—

(১) মাছি যত প্রকার ময়লা ও পচা জিনিসে জন্মায়।

(২) মাছি টাইফয়েড জ্বর, যক্ষ্মা, উদরাময় প্রভৃতি বিবিধ ভয়ানক রোগের ময়লার উপর বসে ও চলে।

(৩) একটা মাছি আমাদের খাওয়া সামগ্রীর উপর ষাটলক্ষ রোগ-বীজ সংযুক্ত করিতে পারে।

(৪) একটা মাছি এক গ্রীষ্মকালের মধ্যে ১১৫, ৩১২, ৫০০, ০০০, ০০০, ০০০ মাছির উৎপত্তি করিতে পারে।

(৫) মাছি ষাঠ্যের শত্রু—আমাদিগের সমস্ত নগরের—সমস্ত সমাজের শত্রু।

আটদিনের কম মাছির ডিম পরিপক হইয়া নূতন মাছির জন্ম হয় না। যদি আমরা সমস্ত ময়লা প্রতিদিন, প্রতিসপ্তাহে উত্তমরূপে পরিষ্কার করি, যদি সমস্ত ময়লা উত্তমরূপে ঢাকিয়া রাখি তাহা হইলে মাছি জন্মিতেই পারে না।

এই অত্যাচারী শত্রুর বিরুদ্ধে সংগ্রাম করিতে আপনি কি সাহায্য করিবেন না?

এখন মহিলার পাঠিকাদিগের নিকট নিবেদন—তাঁহারা কি এই গ্রীষ্মপ্রধান দেশে মাছির ভয়ানক অত্যাচারের কথা স্মরণ করিয়া মাছি নিবারণের চেষ্টা করিবেন না?

বঙ্গাধিপ লর্ড কার্ণাইকেল সস্ত্রীক বঙ্গদেশের ভিন্ন ভিন্ন জেলা পরিদর্শন করিতেছেন, দেশের অবস্থা স্বচক্ষে সন্দর্শন করিতেছেন; নানা স্থানের প্রধান প্রধান ব্যক্তিদের সঙ্গে পরিচয়ে আপ্যায়িত করিয়া সর্কসাধারণের প্রীতিভাজন হইতেছেন। লর্ডপত্নী পুরুললনাদের সঙ্গে আলাপ পরিচয় করিয়া মহিলাদের সঙ্গে প্রীতির বন্ধন স্থাপন করিতেছেন। আমাদের চট্টগ্রামস্থ কোনও বন্ধু লিখিয়াছেন, “গত কয়েকদিন লাটসাহেবকে লইয়া এখানে খুব ধুমধাম হইয়া গিয়াছে। তাঁহাদের সৌজায়ে সকলেই প্রীত হইয়াছেন। গবর্নর পত্নী নিম্নলিখিত কয়েকটা মহিলাকে সায়ংকালে তাঁহার সঙ্গে চা পান পরিবার জগ্ৰ নিমন্ত্রণ করিয়া আপ্যায়িত করিয়াছেন। টেবিলে

কেক বিস্কুট ইত্যাদি সজ্জিত ছিল, অতিথিগণ উপস্থিত হইলে তিনি প্রথম তাঁহাদিগকে চা প্রস্তুত করিয়া দিতে লাগিলেন, এবং প্রায় একঘণ্টা কাল তাঁহাদের সকলের সঙ্গে আলাপ করিলেন। গবর্নর মহোদয়ও পরে আসিয়া তাঁহাদের সঙ্গে যোগদান ও জলযোগ করিয়াছিলেন। মহিলাগণ তাঁহাদের ব্যবহারে যারপর নাই মুগ্ধ হইয়াছেন। উপস্থিত মহিলাদের নাম—এডিসনাল সিভিলিয়ান জজ মিঃ গুরুসদয় দত্তের স্ত্রী, বেরিষ্টার মিঃ হুরেল্ল-ল ল খাস্তগিবীর স্ত্রী, ডাক্তার নবীনচন্দ্র দত্ত রায় বাহাদুরের পুত্রবধূ শ্রীমতী প্রেমলতা দত্ত, খাস্তগিবী বালিকা বিদ্যালয়ের শিক্ষয়িত্রী শ্রীমতী ভিক্টোরিয়া মুখার্জি, এম, এ, শ্রীমতী সুশীলা সেন বি, এ, শ্রীযুক্ত যাত্রামোহন সেনের দুই পুত্রবধূ এবং ডাক্তার দুর্গাদাস দত্তের পুত্রবধূ (ইনি হিন্দুমহিলা)।”

ভারতীয় শিক্ষিত সমাজে যদিও বাল্যবিবাহ কতক পরিমাণে হ্রাস পাইয়াছে, কিন্তু এখনও সমগ্র সমাজে বাল্যবিবাহের প্রাচুর্য্য বিলক্ষণ রহিয়াছে। দশ বৎসর পূর্বে যে জনসংখ্যা গণনা হইয়াছিল, তাহাতে দেখা যায় যে, এখনও ভারতে এক বৎসরের ন্যূনবয়স্ক ১৭০০০ মতের হাজার বালক বালিকা বিবাহিত। এক হাজার বালিকা বিধবা, তিনশত বালক বিপত্নীক। দশ বৎসরের ন্যূনবয়স্ক বালক বালিকা ৩১৫০০০ বিবাহিত। দশ বৎসরের বালক বালিকার দেহ মন কত

অপরিপা, এবং এই বয়সের পূর্বেই সাড়ে  
শ্রুতিশ লক্ষ বালকবালিকা বিবাহিত হয়;  
ইহা ভাবিলে কি মনে হয় যে এ অধঃপতিত  
ভারতে বাল্যবিবাহ রহিত হইতেছে?  
শিক্ষিত নরনারীদের কর্তব্য যে, স্বীয়  
প্রতিবেশীকে বাল্যবিবাহ হইতে প্রতি-  
নিবৃত্ত করিবার জন্ত বিশেষ যত্ন করেন।


সংবাদ পত্রে প্রকাশ যে, এক ফরাসী  
পুরুষের স্ত্রীর প্রকৃতি বড়ই উগ্র হইতে  
আরম্ভ হইল। ডাক্তার তাহাকে দেখিয়া  
বলিলেন, দেয়ালে যে লাল রঙের কাগজ  
মোড়ান আছে, উহাই এ উগ্রতা উৎপাদন  
করিয়াছে; লাল কাগজের পরিবর্তে সবুজ  
কাগজ মোড়ান হউক। তদনুসারে সবুজ  
কাগজ মোড়ান হইল; দুই দিন পরে দেখা  
গেল যে, স্ত্রীলোকটি দৈবশক্তি লাভ করি-  
য়াছে। সম্পূর্ণ পরিবর্তিত হইয়াছে। দেয়ালে  
মোড়ান সবুজ কাগজকে স্নায়ুবীজ পীড়া,  
অস্থিরতা, বিরক্তি, অকারণে উগ্রতার  
অমেষ ঔষধ রূপে ব্যবস্থিত হইয়াছে।

কেম্ব্রিজে একজন ভদ্রমহিলা। ষোষণা  
করিয়াছিলেন যে, তিনি একটি দরিদ্র-  
সন্তান প্রতিপালনের ভার গ্রহণ করিতে  
প্রস্তুত। গরীব লোকেরা কেহই সন্তানের  
মমতা ত্যাগ করিতে প্রস্তুত হইল না।  
বিধাতার প্রদত্ত সন্তানবাংসল্য অতিক্রম  
করা স্বাভাবিক নহে।

মা।

কি দিয়ে গড়েছ দেব স্বর্গের প্রতিমা?  
মানবের অন্তঃপুরে  
ভুবনমোহিনী হুরে  
রাঙ্গারিল কোন্ ধনি তোমার মহিমা!

মধুর বীণার তন্ত্রী কোন সুরে গায়  
যুগে যুগে কালে কালে  
এক(ই) সুরে এক(ই) তালে  
উঠেছে যে মধু বোল খামিবার নয়।  
অন্তঃমলিলা ফল্গু বয়েছে হৃদয়ে  
ছাপিয়া উভয় তীরে  
বাহি শ্রোত ধীরে ধীরে  
এ অনন্ত প্রেমধারা যেতেছে বহিয়ে।  
উন্নত পর্বত সম উদার চরিত  
ধরিত্রীর সহিষ্ণুতা  
ক্ষমা, দয়া, সরলতা  
শান্তি, শ্রীতি, একাধারে করেছ নিহিত।  
শরতের মেঘমুক্ত চন্দ্রিমার জ্যোতি  
মলিন ইহার কাছে;  
তাতেও কলঙ্ক আছে  
অকলঙ্ক শশধর জিনি এ মুরতি।  
বরিষার অনাবিল বারিধারা যথা  
পড়িয়া ভূমির পরে  
তাহারে সরস করে  
কঠিন ধরণী গাত্রে দেয় উর্বরতা;  
তেমতি এ স্নেহধারা মানবের চিতে  
সিঞ্চি সূশীতল রস  
উদ্ধতের করে বশ  
দান্তিকে সৃজন করে শিখায় নমিতে।  
জগতের একমাত্র কল্যাণ-রূপিণী  
আপনারে বিস্মরিয়।  
সুখ শান্তি বলি দিয়া  
অসহায় মানবের জীবন-দায়িনী!  
কোন মহা পুণ্যবলে মানবের স্বরে  
পাঠালে এ হেন দেবী  
অনন্ত প্রেমের ছবি  
মানবে কি লয়ে যাবে স্বর্গের দ্বারে?  
একি এ পবিত্র স্নিগ্ধা স্বর্গের মাধুরী  
গৃহে গৃহে মানবের  
পূর্ণ প্রেমস্বরপের  
প্রকাশ একি, একিবা আদ তোমারি?  
বাকীপুর } ইন্দুপ্রভা দেবী।



মাসিক পত্রিকা।

“স্বন নাশ্বিন্দু দুখ্যন্তে বমন্তে তন্ন ইবতা:”

১-শ ভাগ ] ভাদ্র ১৩ ৯। সেপ্টেম্বর, ১৯১২। [ ২য় সংখ্যা।

প্রার্থনা।

হে প্রেমময়ী পরম জননী, তোমার  
আশ্চর্য লীলাতে মুখাভ্যস্তা, আরামপ্রিয়া  
নারী, কষ্টসহিষ্ণু প্রেমময়ী জননীতে  
পরিণতা হন। যে নারী জননী হইয়া-  
ছেন তিনি আর আপনার জন্ত জীবন  
ধারণ করিতে পারেন না, তিনি স্নেহপর-  
বশ হইয়া সন্তানের সকল প্রকার অভাব  
নিবারণ করিতে ও তাহার সুখসৌন্দর্য  
বৃদ্ধি করিতে অকাতরে আপনাকে দান  
করেন। তাহা দেখিয়া তরু কবি গাহি-  
লেন—“মহাশক্তি রূপে নারীর হৃদয়ে  
সুকোমল মাতৃভাব প্রকাশিয়ে, করিলে  
মোহিত মানবের চিত দেখালে নুরতি  
ভুবনমোহিনী।” আমরা এই মাতৃভাব  
দেখিয়া স্বভাবতই মুগ্ধ হই—তোমাকে  
ধন্যবাদ দান করি। কিন্তু তোমারই  
নিয়মে সন্তান দীর্ঘকাল অসহায় থাকে না,  
সন্তান বয়ঃপ্রাপ্ত হয়, আর নারীর গেরূপ

জননীমূর্তি আমরা দেখিতে পাই না।  
কিন্তু সমাজে দেখিতে পাই, অপর কত  
শিশু স্নেহময়ী জননীর অভাবে কত ক্লেশ  
পায়, এমনকি সেই অবস্থায় শিশুকালে  
মানারূপ অভাবে, অমত্রে, কষ্টে ও রোগে  
প্রাণ হারায়। ইহা দেখিয়া মনে হয় যে  
তুমিই ইচ্ছা করিতেছ যে, যখন কোন জন-  
নীর আপনার সন্তানগণের জন্ত তত ব্যস্ত  
ধাকিতে হয় না, তখন তিনি মাতৃহীন  
বা হৃস্থ শিশুগণের জননী হইবেন। তুমি  
ঐহাদিগকে মাতৃত্ব দিয়া সম্পন্ন করিয়াছ  
তঁাহারা মাতৃত্বের কার্য্য করিবেন না ইহা  
তোমার অভিপ্রায় কখনও হইতে পারে  
না। অপর যে সকল নারীর অন্তরে মাতা  
হইবার আকাঙ্ক্ষা দিয়াছ, কিন্তু সন্তান দাও  
নাই তঁাহাদের প্রতি ইহাই তোমার আদেশ  
যে, তঁাহারা মাতৃহীনদিগের মাতা হইয়া  
আপনাদিগের অন্তনিহিত ভাবকে চরি-  
তার্থ করিবেন এবং এইরূপে তোমার  
জগতের মঙ্গল করিবেন। আমরা যখন

তখন দেখিতে পাই যে আমাদের দেশে একদিকে মাতাগণের ক্রোড় শূন্য রহিয়াছে, অপর দিকে মাতৃক্রোড় না পাইয়া নির্দোষ অসহায় শিশুগণ কষ্ট পাইতেছে ও নষ্ট হইতেছে তখনই প্রাণে আশায় আসে যে তোমার ব্যবস্থা পূর্ণ আছে— কেবল মানুষের দৃষ্টি খোলে নাই। তাই তব পাদপদ্মে প্রার্থনা করি তুমি কৃপা করিয়া মাতৃগণের মনে প্রেরণা দেও যে তোমার প্রেমে পরিচালিত হইয়া অসহায় বা মাতৃহীন শিশুগণকে ক্রোড়ে তুলিয়া লইয়া স্বর্গের দেবীত্ব লাভ করুন এবং তোমার রাজ্য পৃথিবীতে আসিবার পক্ষে সাহায্য করুন। তুমি কৃপা করিয়া এই প্রার্থনা পূর্ণ করিবে আশা করিয়া বার বার তব পাদপদ্মে প্রণাম করি।

### প্রবীণা মহিলাগণের কর্তব্য কার্য।

আমরা যে শ্রেণীর নরনারীর সহিত সর্কদা বাস করি, তাঁহাদিগকে শ্রমজীবী বলে না, কিন্তু দেখিতে পাই তাঁহাদের সকলকেই শ্রম করিতে হয়, এমন কি কাহাকে কাহাকেও গুরুতর পরিশ্রম করিতে হয়। বন্ধুবান্ধবের গৃহে যাইয়া দেখি গৃহকর্তা আপনার বাণিজ্য, ব্যবসায় বা চাকরী লইয়া এত ব্যস্ত যে কোন বন্ধু লোক দেখা সাক্ষাৎ করিতে আসিয়া একটু আলাপ শ্রমঙ্গ আরম্ভ করিলে অত্যন্ত বিরত হইয়া পড়েন এবং অনেক সময়ে কর্মের চাপে ভদ্রতা ত্যাগ করিয়া বন্ধুকে

অচিরে গৃহ হইতে বিদায় করিয়া দিতে বাধ্য হন। গৃহিণীগণের কার্যও তাঁহাদিগকে অত্যন্ত ব্যস্ত রাখে। যাহাদিগকে নিজে রন্ধনাদি গৃহকার্য করিতে হয়, শিশু ও বালকবালিকাগণের সেবাশুশ্রূষা ও শিক্ষাদান করিতে হয় তাঁহারা ক্ষণকালের জগ্ন বসিয়া কাহারও সঙ্গে কথা-বার্তা বলিতে পারেন না, বিশেষ কার্য্যানুরোধেও গৃহত্যাগপূর্বক অগ্রত যাইতে পারেন না। এরূপ অবস্থা প্রার্থনীয় কি না তাহা বিচার করিতে প্রবৃত্ত হই নাই, কিন্তু এ বর্ণনা যে সত্য তাহা সকলেই স্বীকার করিবেন। এই শ্রমই শরীর মনকে সুস্থ ও কর্মঠ করে এবং এই শ্রম করিয়া ধর্মসাধন করিলেই সত্যসাধন হয়। ইহার ভিতরে বৈজ্ঞানিক যন্ত্রাদির সাহায্য, সময় ও কার্খ্যের সুশৃঙ্খলা এবং পারিবারিক ও সামাজিক ব্যবস্থানসকলের উন্নতির সঙ্গে সঙ্গে কষ্ট অসুবিধা দূর হইবে কিন্তু এই মধ্যবিত্ত শ্রেণীর পুরুষ ও নারীর পরিশ্রম চিরদিন থাকিবে, কারণ ইহাই বিধাতার বিধান।

গার্হস্থ্য জীবনের যে পরিশ্রমের কথা বলা হইল তাহা কর্মঠ জীবনের কথা। সাধারণত পঞ্চাশ পঞ্চাষ বা ষাট বৎসর বয়সের মধ্যে এ জীবন একরূপ শেষ হয়। কিন্তু মাতৃষের জীবনের শক্তি ও ক্রিয়াশীলতা তাহার পরও থাকে। সংসারের কার্খ্যের প্রধান সময় চলিয়া গেলে পুরুষগণের পক্ষেও স্বীয় শক্তির ও সময়ের উপযুক্ত ব্যবহার করা কঠিন হইয়া পড়ে। অবসরপ্রাপ্ত ভদ্রলোক পুনরায় নূতন কর্মের

উদ্ভাবন করিয়া নূতন ব্যস্ততা লইয়া সময় ও শক্তির ব্যবহার করেন, তদভাবে আলোচ্য সময় কাটাইয়া শক্তি, উৎসাহ ও স্বাস্থ্য হারাইয়া দুঃখে জীবন শেষ করেন। ভদ্র মহিলাগণের অবস্থা এ বিষয়ে আরও কঠিন হয়। আমরা এই বিষয় একটু আলোচনা করিতে অগ্র প্রবৃত্ত হইতেছি। যে বয়সে আমাদের ভদ্রলোকের চাকরী হইতে অবসর প্রাপ্ত হন বা বয়স হইয়াছে বলিয়া পরিশ্রমের কার্য হইতে নিবৃত্ত হন তাহা অপেক্ষা অল্প বয়সে ভদ্র মহিলাগণ আপনাদিগের জীবনের দায়িত্ব-পূর্ণ কার্য সকল হইতে অবসর প্রাপ্ত হন। পঞ্চাশ বৎসর বয়স হইতে হইতেই পুত্র কন্যাগণের লালনপালন, প্রাথমিক শিক্ষা দান ও তাহাদের মঙ্গলের জগ্ন ও পরিবারের অপর কার্খ্যের ব্যস্ততা হইতে নারী অবসর প্রাপ্ত হন। সাধারণত বিশ বৎসর হইতে পঞ্চাশ বৎসর বয়স পর্যন্ত নারী গৃহিণী রূপে গৃহের সকল ভার বহন করেন, তিন এক দিনের জগ্ন গৃহ হইতে অনুপস্থিত থাকিলে সকল বিশৃঙ্খল হয়, মাতার অনুপস্থিতিতে শিশুর কোন বিপদ না হইতে পারে? কিন্তু যখন বালকবালিকাগণ যুবক যুবতী হইয়া উঠিল, যখন তাহারা আপনাদের জীবনের সঙ্গী ও সঙ্গিনী মনোনীত করিয়া আপনাদিগের মনোমত সংসারের ব্যবস্থা করিতে প্রবৃত্ত হইল, যখন পরিবারের ও সমাজের প্রতি ক্রোড়ের ভার তাহারা লইল, যখন তাহারা জনক জননী হইয়া আপনাদিগের শিশুদিগের মঙ্গল সাধনের জন্য চিন্তাকুল হইয়া উঠিল, তখন

প্রবীণা ভদ্রনারীর স্থান কোথায়? তাঁহার জীবনের কর্তব্য কি? প্রবীণাগণ আপনাদিগের শক্তি, অভিজ্ঞতা, ক্রিয়াশীলতা প্রভৃতি লইয়া কি করিবেন? এ বিষয়ে আমরা সর্বপ্রথমে আমাদের প্রাচীন সমাজের দিকে একবার দৃষ্টি করি। আমরা দেখিতে পাই প্রাচীন ভাবাপন্ন পরিবারে অপরিণত বয়সে বধু গৃহে আসিয়াছেন, যশ্র প্রভৃতির সাহায্য, উপদেশ ও পরামর্শ ভিন্ন স্বকীয় গৃহকার্য কিছুতেই করিতে পারেন না। তাঁহাদিগের অভিভাবক-হীন অবস্থায় সংসারের কার্য নিকাহ করা অত্যন্ত ক্লেশকর ও সময় সময় বিপজ্জনক। এস্থলে প্রবীণা মহিলাগণ নবীনাগণের সংসারকার্য নিকাহ করিবার পক্ষে একান্ত প্রয়োজন। কিন্তু নবীনা গৃহিণী গৃহকার্য বিষয়ে কিছু অভিজ্ঞতা লাভ করিয়াই আর প্রবীণাগণের সাহায্য ও পরামর্শ প্রয়োজন বোধ করেন না। তখন প্রাচীনগণের পক্ষে তীর্থবাস করিয়া বিশেষভাবে ধর্ম সাধনা একমাত্র শ্রেষ্ঠ পথ। ইংলণ্ড, ইউরোপ ও আমেরিকার পরিবারিক ব্যবস্থার কথা শুনিতে পাই যে প্রবীণা ও নবীনাগণের সংঘর্ষের বিশেষ কোন প্রয়োজন হয় না, কারণ পুরুষ ও নারী পরিণত বয়সে বিবাহ করিয়া আপনারা নূতন একটি সংসার স্থাপন করেন; মাতা, প্রবীণা জ্যেষ্ঠা ভগিনী বা অগ্র কোন অভিভাবিকার তাহাতে কোনও স্থান নাই। সে দেশে প্রবীণাগণ শেষ জীবনে ঠিক কি কার্য করেন তাহা জানি না, তবে বৃদ্ধা নারীগণ বৃথা গল্প, পরচর্চা ও অল্প অল্প ধর্ম সাধনা



করিয়া জীবন ব্যয় করেন এইরূপ ভ্রমিতোপাই। নবালোকের নব আদর্শ ও অসহ্য লইয়া সংসার করিতে যাহারা প্রবৃত্ত তাঁহাদিগের পক্ষে প্রাচীনা নারীগণের জীবনের কোনরূপ ব্যবহার প্রর্থনীত তাহা স্থির করা উচিত। কেবল তাহাতেই চলিবে না, যাহারা দেখিবেন যে বুদ্ধিদ্বারা ইহার মীমাংসা হয় না তাঁহারা ভগবানের চরণে প্রার্থনা করিয়া এ বিষয়ে তাঁহার অতিপ্রায় কি তাহা স্থির করিয়া লইবেন। মাতা, পরম পূজনীয়া নারী, পিতৃসমা, জ্যেষ্ঠা ভগিনী প্রভৃতি অত্যন্ত আদর ও সম্মানের পাত্রী; অথচ কেবল ভক্তিপ্রদা, মাগ্ন ও প্রণাম করিয়া আমরা তাঁহাদের জীবনের শক্তি, অভিজ্ঞতা ও ক্রিয়শীলতাকে অস্বীকার বা বধ করিতে পারি না। যদি তাঁহাদিগের জগৎ উপযুক্ত কার্য না দিতে পারি, যদি তাঁহাদিগকে এমন পথ না দেখাইয়া দিতে পারি যে তাঁহারা পূর্বে যেমন সংসার কার্যে দেহ মন প্রাণ দিয়া তৃপ্ত ও সুখী ছিলেন; পরেও সেইরূপ বা ততোধিকরূপ কার্যে তদুগত ও আপ্তকাম হইবেন; তাহা হইলে তাঁহারা অসুখ অশান্তিতে জীবন ধারণ করিবেন এবং তাঁহাদের পুত্র, ভ্রাতৃপুত্র ও তাঁহাদিগের বধুদিগকেও অসুখ অশান্তিতে মগ্ন করিবেন। বর্তমান সময়ে এই অবস্থা কতক পরিমাণে প্রকাশ হইয়া পড়িতেছে, এবং যদি সময় থাকিতে প্রাচীনা নারীগণের জীবনের সদব্যবহারের কোন স্বাভাবিক ও সুখপ্রদ ব্যবস্থা না হয় তাহা হইলে নূতন ভাবাপন্ন পরিবার সকলের ভয়ানক হৃদয়শূন্য হইবে।

বর্তমান সময়ে আমাদের দেশের সামাজিক ব্যবস্থা জুলির ফোপ পরিবর্তন হইতেছে তাহা পাশ্চাত্য সভ্যতার প্রভাবের ফল বলা যাইতে পারে এবং অনেক পরিবারের পক্ষে শুদ্ধ তাহাই বটে, কিন্তু যাহারা নূতন ধর্মের আলোক লাভ করিয়া আপনাদিগের জীবনের সকল বিভাগকেই সেই আলোকে নিয়মিত করিতে চেষ্টা করিতেছেন এবং সেই ধর্মের প্রভাব সামাজিক স্বরূপ সকলের সংস্কার করিতেছেন তাঁহাদিগের বিষয় বলিতে হয় যে ধর্মের আদর্শ অনুসারেই এ সকল পরিবর্তন হইতেছে। কঠোর শিক্ষিতা ও বয়ঃপ্রাপ্ত হইয়া, জীবন বিষয়ে উচ্চ আদর্শ লাভ করিয়া ও ধর্মদীক্ষা গ্রহণ করিয়া আপনার মনোমত স্বামী গ্রহণপূর্বক সংসার রচনা করিতেছেন। এইরূপে সংসার করা কেবল সভ্যতার কার্য নহে, ইহা একটি উচ্চ আধ্যাত্মিক আদর্শ সংগৃহীত রাখিয়া সাক্ষাৎ ভগবানের আদেশে গার্হস্থ্য জীবনে প্রবেশ। সুমার্জিতজ্ঞান ব্যক্তিগণ উচ্চ সামাজিক নীতি অনুসারে গৃহকার্য সম্পন্ন করিবেন কেবল তাহা নয়, তাঁহারা নিজ নিজ গৃহকে ঈশ্বরের গৃহ জানিয়া গৃহে নিয়মিত ঈশ্বরারাদনা করিবেন; এবং ঈশ্বর যেমন মঙ্গলকার্যে নিযুক্ত রহিয়াছেন তাঁহাদের মনে ও গৃহে সেইরূপ মঙ্গলচিত্তা ও মঙ্গল কার্য হইবে। এইরূপ বিগামী পরিবার যেমন সংসারের সমস্ত কার্য উচ্চ আদর্শ অনুসারে সম্পন্ন করিবেন, সেইরূপ নিত্য নিত্য সচ্চিদানন্দস্বরূপ দেবতার উপাসনা করিয়া তাঁহাতে প্রেমরস ও পুণ্য

রস আশ্রয় করিয়া তাহার প্রতিদিন দিন অধিক হইতে অধিকতর আকৃষ্ট হইবেন এবং যখনই আপনার পরিবারের প্রতি কঠোর সম্পাদন করিয়া একটু সময় পাইবেন তখনই অর্থের অজ্ঞানতা, দারিদ্র্য, দুঃখ প্রভৃতি দূর করিয়া মহাতৃপ্তি যোগে প্রতিবেশীর সহিত একাত্মতা সাধন করিবেন। যতই এইরূপে ধর্মশীলা গৃহিণী প্রেমভক্তির সাহিত্য পূজোপাসনাতে অগ্রসর হইবেন ততই দেখিতে পাইবেন যে সংসারের কার্যে যত দিন ব্যাপ্ত থাকি একান্ত প্রয়োজন তাহা অপেক্ষা একদিনও অধিক সংসার লইয়া জীবন যাপন করা কঠোর কারণ। কারণ সাধুজীবন পাঠ করা, সাধু চরিত্র অধ্যয়ন করা, ভক্তগণের সঙ্গে ভগবানের পূজা বন্দনা করা, তাঁহার মহিমার আলোচনাতে জীবনকে পূর্ণ রাখা মানুষের পক্ষে শ্রেষ্ঠতর অধিকার ও তাহাতে উচ্চতর সুখ। ভগবানের প্রেমের স্পর্শ লাভ করিয়া এবং সাধুচরিত্রে পরসেবায় গৌরব দর্শন করিয়া পৃথিবীর প্রতি প্রেমে আকৃষ্ট হইবেন এবং প্রতিবাসীর অভাব, অবিশ্বাস, পাপ, রোগ, শোক প্রভৃতির সংবাদ পাইবা মাত্র তাহাদিগের সেবার জগৎ ব্যস্ত হইয়া আপনাকে সেবা কার্যে নিযুক্ত করিবেন। ভগবানের নিয়মে নারী মাতা হন, মনুষ্য স্বভাবের যত প্রকার অভাব, যত প্রকার প্রয়োজন তাহা উত্তমরূপে জ্ঞাত হন। যখন নারী গৃহিণী তখন তিনি সমস্ত দেহ মন প্রাণ দিয়া স্বামী পুত্র কন্যার সেবা করিয়া সংসারের মঙ্গলরূপিণী দেবী হইয়া কার্য

করিলেন। সময়ে তাহার সেবার্যে শেষ হইয়া গেল কিন্তু তাঁহার শক্তি, অভ্যাস, অভিজ্ঞতা এবং সেবাতে সুখবোধ সকলই রহিয়া গেল। যৌবনে মনুষ্য প্রকৃতিই প্রধান শক্তি হইয়া তাঁহাকে কার্যে নিযুক্ত করিয়াছিল কিন্তু তিনি ধর্মশীলা সাধিকা; তাহার সঙ্গে সঙ্গে ধর্ম সাধন করিয়া স্বর্গীয় প্রেম স্পর্শ অনুভব করিতে শিখিয়াছেন। পরিণত বয়সে তিনি স্বর্গীয় প্রেম লাভ করিয়া, দেবীভবে চালিত হইয়া, মনুষ্যের সেবা করিতে প্রবৃত্ত হইবেন। পুত্রকন্যাগণ তাহার চির প্রিয়, কিন্তু তাহারা তখন বয়ঃপ্রাপ্ত হইয়াছে, তাহাদিগের নিকটে থাকিয়া সেবা করিবার তাঁহার প্রয়োজন নাই। প্রবীণ নারী এইরূপে সংসারের পরিমিত কর্মক্ষেত্রে নিঃস্বার্থ প্রেমে সেবা করিতে অভ্যস্ত হইয়া প্রমুক্ত সমাজের মঙ্গলের জগৎ এক দেবী হইয়া কাহির হইলেন। যেখানে অভাব, কষ্ট, পাপ, রোগ প্রভৃতি নরনারীকে ক্রোশ দান করিতেছে সেখানে যেমন স্বর্গের ঈশ্বর নিজ কৃপাতে দুঃখীর দুঃখ দূর করিতে নিযুক্ত রহিয়াছেন তাঁহার সেবিকাও সেবাকার্যে তাঁহারই ইচ্ছা জীবনে পূর্ণ করিতে নিযুক্ত রহিয়াছেন। ব্রহ্ম যে রসস্বরূপ; ব্রহ্ম যে আনন্দময়, ইহা অগ্ন সাধকের নিকট একটা বিপাস মাত্র হইতে পারে, কিন্তু যে নারী এইরূপে দেবতা লাভ করিয়া কার্যত ব্রহ্মোপাসনা করিবেন তিনি যত শুদ্ধ প্রেমে আশ্রয় দান করিবেন তত ব্রহ্মরস ও ব্রহ্মানন্দ পান করিবেন। আমাদের যে সকল পাঠিকা সংসারে

থাকিয়া ধর্ম সাধন করিতেছেন তাঁহারা যদি এই ভাবে ধর্ম ও সেবাব্রত সাধন করিতে প্রস্তুত হন তাহা হইলে যখন সংসার তাঁহাদিগকে তেমন চাহিবে না তখন এইপথে জীবনে ভগবানের ইচ্ছা পূর্ণ করিয়া তাঁহার আশীর্বাদরূপ শান্তি আনন্দ সম্ভোগ করিতে করিতে ধর্মে গমন করিতে পারিবেন ।

### মহিলাধর্ম ।

বর্তমান সময়ে প্রাচী এবং প্রতীচী উভয়ের সাক্ষাৎকার হইতেছে । জ্ঞান ধর্ম, আচার ব্যবহার, রীতি নীতি উভয় দিকে বিভিন্ন ছিল । এখন উভয় দিকের লোকের মিলন ও সংসর্গে উভয় দিকেই পরিবর্তন পরিলক্ষিত হয় । সবলের সহিত দুর্বলের মিলনে দুর্বলের ক্ষতি ; সবলেরই জয় হওয়ার কথা । কিন্তু প্রাচ্যদেশীয় মহিলাদিগের ধর্ম অতি দৃঢ় । সতীত্ব ও একনিষ্ঠতা, পতিপরায়ণতা ও গৃহকর্মে নিপুণতা, দুর্বল ও অজ্ঞান, হীন ও পতিত পূর্বদেশে সহস্র সহস্র বৎসর হইতে অত্যন্ত স্থির অবস্থাপন্ন । পশ্চিম-দেশের নব্য সভ্যতাগর্ভিত সমাজের মস্তক এ বিষয়ে পূর্বদেশের নিকট অবনত না হইয়া পারে না ।

অন্যদিকে সামাজিকভাবে সেবা ধর্ম ও তৎসংসৃষ্ট নীতি রীতি বিষয়ে পাশ্চাত্য রমণীগণ নম্র বলিয়া পরিগণিত হইতেছেন । এতদেশীয় পূর্বমহিলাগণ যখন যুদ্ধে আহত সৈনিকদিগের সেবাতে রত

পাশ্চাত্য মহিলাগণের সাহস, উৎসাহ ও ধৈর্য্য সহিষ্ণুতার কাহিনী শ্রবণ করেন তখন তাঁহারা শির অবনমিত করিয়া থাকেন । পক্ষান্তরে অস্তঃপুরচারিণী প্রাচ্য মহিলাগণের শ্রমশীলতা, নিস্পৃহতা, ভোগ-বিমুখীনতা এবং পতি পুত্রাদি ও অতিথি-গণের সুখ সুবিধার জন্ত প্রযত্ন-পরতার কাহিনী শ্রবণে পাশ্চাত্য সভ্যতাগর্ভে গর্ভিত মহিলাগণেরও হৃদয় মন বিস্ময়-রসে পরিপূর্ণ হইয়া উঠে ।

ইউরোপ এবং আমেরিকা খ্রীষ্টান । কিন্তু ভারতবর্ষ হিন্দু, চীন ও জাপানাদি বৌদ্ধ । রমণীধর্মের আদর্শ ভারত চীন জাপানে এক এবং ইউরোপ ও আমেরিকাতে অণুতর ।

খ্রীষ্টানধর্মে রোমান কাথলিক ও প্রটেস্ট্যান্ট মতানুসারে নারীজাতির ধর্ম-দর্শন এক হইয়াও দুই ভাগে বিভক্ত । এদিকে হিন্দু এবং বৌদ্ধধর্মের ভিন্নতানুসারে প্রাচ্য রমণীকুলেরও ধর্মাদর্শ বিভিন্নরূপ ।

রোমান কাথলিকদিগের মধ্যে সন্ন্যাসী সন্ন্যাসিনীর ব্রত প্রতিষ্ঠিত হইয়াছে । অনেক জ্ঞানী ধনী ও পদস্থ লোক চির-কুমার ব্রতধারী হইয়া থাকেন । তাঁহারা নরনারীনির্দেশে ভোগমুখে বিরত থাকেন, মনুষ্যজাতি যাহাতে জ্ঞান ধর্ম এবং বিশ্বাস ভক্তিতে সমুন্নত হইতে পারে, সেই উদ্দেশ্যে মনুষ্যজাতির সেবাকার্যে আপনাদের সমস্ত জীবন সমর্পণ করিয়া থাকেন । ঐ শ্রেণীস্থ সন্ন্যাসীদিগের এক এক জনের জীবন

শ্রমতঃ নির্মূল সলিলা শ্রোতৃসতীর ত্রায় অবাহিত থাকিয়া মানবজাতিরূপ ভূতলের উর্ধ্বতা বৃদ্ধি করে । সন্ন্যাসিনী খ্রীষ্ট-ভক্ত রমণীগণের শ্রদ্ধা ভক্তি নিষ্ঠা ও পবিত্রতা বাস্তবিকই অতি চমৎকার । ইহারা খ্রীষ্টভক্তিতে পরিপূর্ণ থাকিয়া নর-নারীর প্রতি অনাধারণ প্রীতিপূর্ণভাবে তাহাদের নানারূপ সেবাকর্মে জীবন অতিবাহিত করেন ।

ভারতে বৈষ্ণবধর্মে সেবার মহিমা বোধিত হইয়াছে । যদিও পুরুষের ত্রায় অনেক রমণীও বৈষ্ণবধর্মের আশ্রয়ে গৃহ সংসার পরিত্যাগ পূর্বক ভিক্ষাব্রতধারিণী হইতেছে, তথাপি তাহারা জনসমাজের বিশেষ সেবাব্রতে ব্রতী এরূপ পরিদৃষ্ট হয় না । যাহারা সংসার ত্যাগ করিয়া বৈরাগী বা বৈরাগিণী হইয়া লোকের দ্বারে দ্বারে মুষ্টিভিক্ষাদ্বারা উদ্বরণপূজা নির্বাহ করে, তাহাদের কেহ কেহ নামকীর্তন করিয়া ষংকিকিং জনসমাজের আত্মিক সেবা করিয়া থাকে ; নতুবা তাহাদের বৈরাগ্যব্রত দ্বারা অণু লোকের বিশেষ কোন কল্যাণ সাধিত হয় কি না তাহা নির্দেশ করা কঠিন ।

শুক্লোদনের উত্তরাধিকারী পুরুষগণ সকলেই যখন কেহ সন্ন্যাসী এবং কেহ মৃত হইল, রাজান্তঃপুরবাসিনীদিগের পরিরক্ষণকারী শেষ হইয়া গেল, তখন শাক্যসিংহের পত্নী গুণবতী সতী গোপা প্রভৃতি শাক্যকুলকামিনীগণ ভিক্ষুণী হইবার জন্ত একান্ত ব্যস্ত হইয়া উঠিলেন । বুদ্ধদেব গতান্তর না দেখিয়া ভিক্ষুণীদল

গঠন করিয়া দিলেন । শ্রীমতী গোপা সেই ভিক্ষুণীদল মধ্যে প্রধানা হইলেন । গোপা বৌদ্ধধর্ম প্রচারকার্যেও করিয়া-ছেন । বৌদ্ধ ভিক্ষুণীগণের কার্যের ইতিবৃত্ত বিশেষভাবে কাহারও বিদিত নাই । ভারতবর্ষের সীমা মধ্যে পূর্বকার মত বৌদ্ধধর্মের প্রাচুর্য্য নাই, এখানে বৌদ্ধসমাজ নাই । চীন জাপানাদি দেশে বৌদ্ধ ভিক্ষুণীগণের কোনরূপ সেবাব্রত প্রচলিত আছে কিনা তাহাও আমরা অবগত নহি ।

হিন্দুরমণীর ত্রায় বৌদ্ধসীমন্তিনীগণও সতীত্ব এবং সহিষ্ণুতা লইয়া স্ব স্ব গৃহ মধ্যে পতি পুত্রাদির সেবাকার্যেই জীবন ক্ষয় করিতেছেন । হিন্দু ও বৌদ্ধ উভয় ধর্মাবলম্বিগণের মহিলাকুল স্ব স্ব পরিবার মধ্যেই কার্যক্ষেত্র পাইয়া পরিতুষ্ট থাকেন । গৃহকার্য ও আহারীয় প্রস্তুত বিষয়ে, গৃহবাসীদিগের রোগ শোক দুঃখ বিপদে সহানুভূতিতে এবং উপযুক্তরূপে সেবা ও স্রষ্টাবিষয়ে হিন্দু ও বৌদ্ধরমণীগণ অতুল শক্তি প্রকাশ করিয়াছেন । এদেশে বৌদ্ধবংশ নির্বংশ প্রায় । সুতরাং বিদেশীয় বৌদ্ধদিগের অস্তঃপুরবাসিনীগণের অবস্থা হিন্দুদিগ হইতে সত্তর হওয়া আশ্চর্য্য নহে ।

বর্তমান সময়ে বঙ্গদেশে এক অভিনব ধর্মের আবির্ভাব হইয়াছে । ব্রহ্মজ্যোতি এবং ব্রাহ্মধর্ম সম্পত্তি কেবল বঙ্গে নহে সমস্ত ভারতবর্ষে বিস্তারিত হইয়াছে । বঙ্গদেশে এবং ভারতবর্ষের অপরাপর প্রদেশীয় রমণীসমূহ মধ্যে বিজ্ঞান ও

পাশ্চাত্য জ্ঞানের সঙ্গে ব্রহ্মজ্ঞান বিকাশ  
পাইতেছে। ভারতের ও বঙ্গদেশের  
স্বাভাবিক ও রীতিব্যবহার পূর্ব পশ্চিমের  
সম্মিলনে এক অভিনব ভাবাপন্ন হইতেছে।  
শিক্ষিতা মহিলাগণ প্রাচীন হিন্দুরমণীর  
মতও নহেন, সন্ত্যক্তাভাবাপন্ন পাশ্চাত্য  
রমণীসুন্দরও মত নহেন। তাঁহারা যে  
কি হইয়াছেন এবং তাঁহাদের যে আদর্শ  
কি হইবে তাহাও যেন অগ্রাবধি স্থিরতর  
হয় নাই।

নবধর্মের প্রভাবে অসম্মদেশে পুরুষ-  
দিগের মধ্যে যে ঘোর পরিবর্তন সাধিত  
হইয়াছে, সে রূপ ধর্মভাষের পরিবর্তন  
রমণীসুন্দর মধ্যে অগ্রাবধি সংসাধিত হয়  
নাই। রমণীসুন্দর ধর্মবিপ্লবের তরঙ্গ  
বিলম্বেই লাগিয়া থাকে। পতি-প্রেমের  
প্রভাবে অগ্রাবধি ভ্রাতৃস্নেহের আকর্ষণে  
পড়িয়া কোন কোন মহিলা নবাগত  
ধর্ম গ্রহণ পূর্বক কোন নবধর্ম সংস্কার  
কালেও কৃত্য হইয়াছেন এরূপও দেখা  
গিয়া থাকে। বৈষ্ণবধর্মে ভক্তিবাদ-  
নের কালে শ্রীমৎ অদ্বৈতাচার্য্যাদির  
পত্নীগণ ভক্তির ধর্মই অবশ্য গ্রহণ করিয়া  
ছিলেন। কিন্তু ভক্তিনিষ্ঠার জলন্ত  
দৃষ্টান্তরূপে, বৈরাগ্যের অগ্নিতে দ রূপে,  
কোন মহিলার নাম শ্রুতিগোচর হয়  
না। কোন সময়ে এতদেশীয় বৈষ্ণব  
রমণীগণ সংসার ত্যাগ পূর্বক ভিক্ষাত্রত  
ও নামজপকার্য্যকে মোক্ষকার্য্য রূপে গ্রহণ  
করিতে আরম্ভ করেন এবং কাহার দ্বারাই  
বা ইহার প্রবর্তনা হয় তাহাও জানিবার  
পথ নাই। কোন বৈষ্ণব কি এবি-

ষয়ে ঐতিহাসিক তথ্য বিদিত করিতে  
পারেন?

খ্রীষ্টধর্মে এ বিষয়ে ইতিহাস আছে।  
খ্রীষ্ট স্বয়ং অকৃতদার এবং প্রাচ্য  
সন্ন্যাসীর অবস্থাপন্ন জীবন ধাপন করিয়া-  
ছিলেন। কিন্তু তাঁহার দ্বাদশ শিষ্যের  
মধ্যে অনেকে বিবাহিত ছিলেন। তাঁহারা  
ব্যবসায় বিশেষ অবলম্বন পূর্বক পরি-  
বারদির প্রতিপালন এবং আবগুকতা-  
নুসারে প্রচার কার্য্যও করিয়াছেন।  
তাঁহাদের সময়ে সন্ন্যাসী কিস্বা সন্ন্যাসিনী  
দলের সৃষ্টি হয় নাই। খ্রীষ্টধর্ম মিশর  
ও ইউরোপের কোন কোন দেশে প্রবেশ  
করার পরে সন্ন্যাসী দলের বীজ গঠিত  
হয়; তাহা হইতে তৃতীয় ষষ্ঠ শতাব্দীতে  
সন্ন্যাসীর দল এবং ত্রয়োদশ শতাব্দীতে  
সন্ন্যাসিনী দল গঠিত হইয়াছিল।

বর্তমান সময়ে ব্রাহ্মধর্ম প্রথমতঃ  
বঙ্গদেশের পুরুষেরাই গ্রহণ করিয়াছিলেন,  
মহাত্মা রাজা রামমোহনের সময়ে ব্রাহ্ম  
সমাজের জন্মে কোন মহিলার সংশ্ব ছিল  
না। মহর্ষি দেবেন্দ্র নাথ ঠাকুরের অগ্রণে  
ব্রাহ্মধর্মের সহিত সংস্কারের ভাবও  
প্রবেশ করে। তিনি তাঁহার অন্তঃপুরে  
এবং জীবনের কর্তব্য-সাধনে ব্রাহ্মধর্মের  
প্রভাব প্রবেশের জন্ত যত্নবান হইয়া-  
ছিলেন। জ্ঞান ও সত্যধর্ম যাহাতে  
পুরমহিলাগণ গ্রহণ পূর্বক কুসংস্কার-  
বিমুক্ত ও অসত্য হইতে নিস্তার প্রাপ্ত  
হইতে পারেন মহর্ষি এ বিষয়ে সর্বশেষ  
চেষ্টা করিয়াছিলেন। তাঁহার পরিবারে  
এবং তাঁহার বন্ধুদিগের পরিবারে এ বিষয়ে  
সফলতাও লাভ হইয়াছিল।

ব্রহ্মানন্দ কেশব চন্দ্র এবং তাঁহার  
অনুবর্তী বন্ধুগণ উত্তীর্ণ ব্রাহ্মধর্ম  
এবং বিপ্রদ নীতি পরিবর্তন, জনসমাজে  
এবং সম্ম জীবনে প্রতিষ্ঠা করিবার দৃঢ়  
সংকল্প লইয়া নব ধর্মপথে যাত্রী হইয়া যে  
মহাপরিবর্তন প্রোক্ত খুলিয়া দিয়াছেন  
তাঁহার ফল সমস্ত ভারতবর্ষ ভোগ করি-  
তেছে। তাঁহাদিগের পত্নীগণও পতি প্রেমে  
আবদ্ধ হইয়াই নবধর্ম গ্রহণ করিতে বাধ্য  
হইয়াছিলেন। নবধর্মের আলোক আপ-  
নার এবং অপবমহিলাদিগের পারত্রিক,  
ঐহিক কল্যাণ লাভার্থিনী হইয়া তুই এক-  
জন মহিলা এ দুগের নবধর্ম গ্রহণ করিয়া-  
ছেন। এদেশেও জ্ঞান ধর্ম গ্রহণ পূর্বক  
কালে বহু মহিলা এক নবীন পথ প্রদর্শন  
করিবেন এরূপ আশা করা যায়। সুতরাং  
সে বিষয় এদেশীয় অগ্রণী নর নারীদিগের  
চিন্তা করা উচিত।

যে দেশে মৈত্রেয়ী, গার্গী বিপ্রবারা  
প্রভৃতি পরাবিদ্যায় পারদর্শিনী মহিলার  
জন্ম, যে দেশে শিক্ষা কল্প ব্যাকরণ গণি-  
তাদি অপরা বিদ্যায় বিদুষী বহু প্রাচীন  
মহিলা প্রাত্তভূত হইয়াছিলেন, যে দেশে  
সীতা সাবিত্রীর পদধূলি পাড়িয়া রহিয়াছে,  
সে দেশে বর্তমান যুগধর্মের পরিবর্তন কালে  
প্রাচীনের সহিত নবীন মিশাইয়া প্রাচ্যের  
সহিত প্রতীচ্যের সম্মিলন করিয়া নবীন  
মহিলাকুল সমুদ্ভূত হইবেন ইহা নিঃসং-  
শয়রূপে বলা যায়। এজন্ত নবধর্ম ও জ্ঞান,  
শিল্প ও কলাবিদ্যা, গৃহধর্ম ও পরসেবার  
সম্মিলনে এক অভিনব আদর্শ নারী-  
ব্রূলের সম্মুখে সংস্থাপন করা সমূহ আব-

শুক হইয়াছে। একাধিক শিক্ষিতা মহিলা-  
বৃন্দ যদি ধর্মপ্রাণ ব্যক্তিদিগের সহিত  
পরামর্শ পূর্বক স্থির না করেন তবে কে  
আর তাহা করিবে? গবর্গমেটের শিক্ষা  
বিভাগ যে আদর্শ নারীজাতির সম্মুখে  
ধরিয়াছেন ইহা নারীজাতির পক্ষে এদেশে  
নিতান্ত অকিকিংকর। শীঘ্র এ আদর্শ  
বিপর্য্যস্ত না হইলে এদেশীয় রমণীদিগের  
নিতান্ত অনিষ্ট হইবে। এ কথা কি  
শিক্ষিতা মহিলা এবং দেশ হিতৈষী পুরুষ  
গণের অন্তঃকরণে অন্তর্ভূত হইতেছে?  
মহিলাধর্ম বিষয়ে চিন্তা করা অগ্রণী ব্যক্তি  
দিগের অবশ্য কর্তব্য কর্ম।

দুইটি প্রশ্ন।

মহিলাতে পড়িলাম—এক জায়গায় কেহ  
লিখিতেছেন “বিপ্রবিদ্যালয়ের পরীক্ষায়  
উত্তীর্ণ হওয়া কেবল প্রয়োজন নয়, তাহা  
নহে, কিন্তু পরীক্ষায় উত্তীর্ণ হইতে একান্ত  
যত্ন চেষ্টা করা অনিষ্ট কর ও পাস হওয়াও  
অশান্তিকর।”

বিপ্রবিদ্যালয়ের বিদ্যা যে বিদ্যালয়ের  
সর্বোৎকৃষ্ট প্রণালী তাহা আমার আলো-  
চনার বিষয় নহে, কিন্তু পরীক্ষায় উত্তীর্ণ  
হওয়ার কোন প্রয়োজন নাই কিম্বা পাস  
হওয়া অশান্তিকর এ কথায় তো অন্ততঃ  
আমার মন সায় দেয় না।

যারা বিপ্র বিদ্যালয়ের পরীক্ষায় উত্তীর্ণ  
হইতেছেন কিম্বা হইবার জন্ত চেষ্টা করি-  
তেছেন, তাঁদের কি কিছুই সুশিক্ষা হই-  
তেছে না বলিতে হইবে? যদি না হইবে

থাকে কিনা না হয়, তবে তাহা শিক্ষ-  
য়িত্রী এবং ছাত্রীদের নিজেদের দোষ।  
অবশ্য এমন অনেকে আছেন যাহারা বিশ্ব-  
বিদ্যালয়ের পরীক্ষায় উত্তীর্ণ না হইয়াও  
উপাধিধারিণীদের অপেক্ষা অনেক বিষয়ে  
অনেক উন্নত, কিন্তু পরীক্ষায় উত্তীর্ণ না  
হইয়াও জ্ঞানী হওয়া যায়, হুশিক্ষা পাওয়া  
যায় বলিয়া কি আমরা এই সিদ্ধান্তে  
আসিব যে পরীক্ষায় উত্তীর্ণ হইতে চাহিলে  
সুশিক্ষা হয় না, কিনা উত্তীর্ণ হইবার  
প্রয়োজন নাই?

যেমন দিন দাঁড়াইয়াছে— তাহাতে  
খুব প্রয়োজন মনে হয়। ইহা তো অনেকে  
স্বীকার করেন যে মেয়েদের ও ছোট  
ছেলেদের শিক্ষার ভার মেয়েদের উপর  
দেওয়াই প্রয়োজন? যারা বিশ্ববিদ্যালয়ের  
পরীক্ষার বিরোধী, তাঁহাদের যখন শিক্ষ-  
য়িত্রী বাছিব ভার দেওয়া হয় তাঁহারা  
দেখি উপাধিধারিণীদের আগে বাছিয়া  
লন, তখন উপাধির আদর আগে করা হয়  
তাহার পর উপকৃত্য। যদি তাঁহারা  
দুই চারিজন শিক্ষিতা বিন-উপাধিধারিণী-  
দের উচ্চ শিক্ষা বিভাগের ভার দিয়া  
তাঁহাদের শিক্ষার সমাদর করিতেন, উৎ-  
সাহ দিতেন এবং এইরূপে তাঁহাদের  
কথার ও কার্যের সামঞ্জস্য রাখিতেন  
তাহা হইলে বোধ হয় অভিভাবকেরা এবং  
ছাত্রীরাও তাহাদের প্রস্তাব বৃদ্ধিতে প্রয়াস  
ও যত্ন করিতেন।

ইহাদেরই আবার কাহাকেও কাহা-  
কেও বলিতে শুনিয়াছি “যাহারা শিক্ষা  
য়িত্রীর কাজ করিবেন স্থির করিয়াছেন

তাঁহারা পরীক্ষা দিন, সকলের দিবার কোন  
দরকার নাই।” কিন্তু আমরা যা হইব  
কল্পনা করিয়া রাখি আমাদের জীবন যে  
ঠিক সেই রকম ভাবে নিশ্চয় কাটিবে ইহা  
কি আশা করা যায়? প্রত্যেক জীবনকে  
কি এমন ভাবে গঠন করিবার চেষ্টা করা  
উচিত নয় যে, তাহাকে যে অবস্থায় পড়িতে  
হউক না কেন সে সব অবস্থায় সোজা  
হইয়া দাঁড়াইয়া যখন যে কাজ আসিবে  
করিতে সমর্থ হইবে?

পরীক্ষার ভিত্তর দিয়া যে কত শিক্ষা  
আসে তাহা কি যাহারা পরীক্ষা দিয়াছেন  
তাঁহারা অস্বীকার করিবেন? মানুষের  
স্বভাবই এই যে বেশী চাপ না পড়লে  
কিছু করিতে চাহে না। অতি ভাগ্যবান  
তাঁহারা যারা সহজে, ইচ্ছা করিয়া কেবল  
শিক্ষার জন্ত বিদ্যা আলোচনা করেন।  
আমরা যদি অষ্টার প্রকাশ সৌন্দর্যের  
ভিত্তর সহজে সবাই তেথিতে পাঠ্যতাম,  
তাহা হইলে ভগবান মানবজীবনে এত  
পরীক্ষার আয়োজনই বা কেন করিতেন?  
ছাত্র ছাত্রীদের পরীক্ষাও জীবনের একটা  
মহা পরীক্ষা। তাহার জন্তও অনেক  
সংযমী হইতে হয়। ছোটবেলা একজন  
একটা বড় সুন্দর কথা বলেছিলেন, সেটি  
এখনও খুব মনে হয়, “লেখা পড়াই এখন  
তোমার তপস্যা, এই তপস্যাই এখন সাধন  
কর।” অবশ্য পরীক্ষায় উত্তীর্ণ হইতে  
চাহিলে এমন কতকগুলি বিষয় শিখিতে  
হয় যে, তার যে কি উপকারিতা তা  
ছাত্রীরা বুঝিয়া উঠিতে পারেন না, যাহা  
চাহি না শিখিতে তাহা কেবল জোর

করিয়া matriculation পর্যন্ত পড়িতে  
হয়; তার পর কলেজে তো নিজের ইচ্ছা-  
মত কি কি বিষয় পড়িব বাছিয়া লওয়া  
যায়। কি কার পক্ষে ঠিক তাহা বাছিয়া  
লইতেও যে সময় যায়। যে জিনিষ ভাল  
স্বাসিনা তাহা যখন করিতে যাই, তখন  
সেই করাটা কি বেশী করে সংযম এনে  
দেয় না? জীবনেও তো এমন অনেক  
স্বতন্য হয় যার উপকারিতা কিছুই বুঝিতে  
পারা যায় না। জীবনে কিছুই বুঝ যায়  
না। অল্প শাস্ত্র যাহা মেয়েদের কোনই  
দরকার মনে হয় না, তাহাও চঞ্চল মনকে  
স্থির করিবার চিত্তা শক্তি বাড়াইবার  
একটি খুব ভাল উপায়। (অবশ্য কাহা-  
রও কাহারও চিত্তাশক্তি না বাড়িয়া  
সংসার নাম শুনিলেই চিত্তাশক্তি লুপ্ত  
হইয়া যায়)।

বর্তমান অবস্থায় উপাধি-লাভাণী  
মহিলাদিগের সাহায্যরদিকে চাহিয়া দেখিলে  
পরীক্ষায় উত্তীর্ণ হইতে চেষ্টা কর যে ভয়া-  
নক অনিষ্টকর তাহা অনেকেরই মনে হয়,  
কিন্তু সেটা কি কেবল পরীক্ষার দোষ?  
স্বাস্থ্যহানির কারণ তন্নিয়মে দেখিলে দেখা  
যায় (মেয়ে পুরুষ উভয়ের পক্ষেই) যে  
সেটা কেবল পড়ার চাপ নয়, সেটা আরও  
কিছু। পরীক্ষায় উত্তীর্ণ হইতে পারিব  
কি পারিব না, এই ভাবনাই পরীক্ষায়  
প্রস্তুত হবার খাতনীর চেয়ে বেশী হয়ে  
দাঁড়ায় এবং অনেক সময় স্বাস্থ্য ভঙ্গের  
কারণ হয়। অবশ্য মেয়েদের অল্প অনেক  
কারণ আছে, অবরোধ প্রথা তাহার একটি  
প্রধান কারণ। যদি মেয়েদের পড়ার

চাপ হইতে শিক্ষয়িত্রীরা যত সাধ্য বাঁচাতে  
চেষ্টা করেন (অবশ্য সেই সঙ্গে ছাত্রীদেরও  
ফাঁকি দেবার অভ্যাস ছাড়িতে হইবে,) এবং মানসিক চালনার সঙ্গে সঙ্গে শারী-  
রিক চালনার ব্যবস্থা করা হয়, ও ছাত্রী-  
রাও প্রত্যেকে শরীরের প্রতি দৃষ্টি রাখা  
যে একটা প্রধান কর্তব্য, ইহা মনে রাখিয়া  
তার সঙ্গে কেবল গুরুজনের অনুরোধে নয়  
কিন্তু ভাগবাসিয়া নিজ হাতেই পড়ায় অনু-  
রাগিনী হন তাহা হইলে এতটা স্বাস্থ্য-  
ভঙ্গ বোধ হয় হয় না।

যে শিক্ষা কত সুন্দর সুন্দর জীবন  
গঠন করিয়া তুলিয়াছে সেই শিক্ষা যে  
আমাদের মানসিক অপকার করিবে অশা-  
স্তির কারণ হইবে ইহা বিশ্বাস করি না।  
যদি আমরা মন্দ হইয়া থাকি তাহা আগেই  
বলিয়াছি যে পুস্তকের দোষ নয়, যিনি  
পড়িতেছেন বা যিনি পড়াইতেছেন তাঁহার  
দোষ। আমাদের মধ্যে অনেক দোষ  
রহিয়াছে তাহা স্বীকার করি। কিন্তু  
শিক্ষার সঙ্গে সঙ্গে যেটুকু স্বাধীনতা দা-  
কার সেইটুকু বোধ হয় মেয়েদের দেওয়া  
হাচ্ছে না। Those that trust us  
Educate us—George Eliot এর  
এই কথা খুব সত্য। কেহ যখন বিশ্বাস  
করিয়া আমাদের উপর কিছু কাজের ভার  
দেন, সেই বিশ্বাস আমাদের বিশ্বাসের  
উপকৃত্য হবার আকাঙ্ক্ষাকে বাড়িয়ে তোলে  
না কি? অশাস্তির একটা কারণ হয়তো  
একেবারে স্বাধীনতা না দেওয়া। যে  
বিদ্যালয়ে যে পরিমাণে বিশ্বাস করা  
হয়েছে সেই বিদ্যালয়ে মনে হয় সেই

পরিমাণে উপযুক্ত ছাত্র ছাত্রী তৈরী হয়েছে। অবশ্য ছাত্র ছাত্রীদের সে রকম স্থলে কতটা দায়িত্ব বাড়িয়া যায় তাহা তাহাদের স্বাধীনতা চাহিবার সময় খুব মনে রাখা উচিত। কি বিদ্যালয়ে কি গৃহে, সব জায়গায় সবাই সবাইকে সাহায্য না করিলে কখনই শান্তি থাকিতে পারেন না। বালক; বৃদ্ধ, স্ত্রীলোক, পুরুষ, শিক্ষক, ছাত্র, যদি পরস্পরের মনের ভাবকে বুঝিতে চেষ্টা করিয়া পরস্পরের প্রতি সহানুভূতি করিয়া চলিতে চেষ্টা করেন তাহা হইলে বোধ হয় এত অশান্তি হয় না।

শিক্ষা যে ঠিক রকম হচ্ছে না তার জন্য বিদ্যালয়ের পরীক্ষা ততটা দায়ী নয় যতটা বাড়ীর লোকেরা বা মা বাপ ইত্যাদি গুরুজনের দায়ী। মা বাপেরা ছেলেমেয়েদের ভার শিক্ষকদের উপর দিয়াই নিশ্চিত, কিন্তু তাঁদের দায়িত্ব যে শিক্ষকদের চেয়ে অনেক বেশী তাহা বোধ হয় অনেকেই অনুভব করেন না। শিক্ষকেরা পিতা মাতাকে একটু সাহায্য মাত্র করিতে পারেন, তার চেয়ে যে বেশী কিছু সাধ্য হয় তা বড় মনে হয় না। বিদ্যালয়ের পরীক্ষায় উত্তীর্ণ হইবার প্রয়োজন নাই, ইহা না বলিয়া ধারা পরীক্ষা দিবেন তারা যেন অত্যন্ত প্রয়োজন গুলি ভুলিয়া না যান ইহা মনে করিয়া দিলে কেমন হয়? ধারা পরীক্ষায় উত্তীর্ণ হবার চেষ্টা করিতে ছেন কিম্বা চেষ্টা করিবেন, তাঁরা যেন তাঁদের শিক্ষা পরীক্ষার সঙ্গে সঙ্গে ইতি না করিয়া দেন, কিন্তু সেই শিক্ষা গুলিকে

জীবনগত করেন। পাস করিয়াছি, তাকে আমি একটি মস্ত লোক এই ভাব অনিষ্টকর এবং পাস করিলেই যে কৃতবিদ্যা হইয়া উঠিলাম আর আমার কাহারও কাছে কিছু জানিবার, বুঝিবার বা শিখিবার নাই ইহাই অনিষ্টকর। বিদ্যালয়ের পরীক্ষা কজন দিতেছেন? বিদ্যালয়ে শিক্ষাই বা কত মেয়ে পাইতেছেন? সবাই যে বিদ্যালয়ের পরীক্ষা দিতে অগ্রসর হইবেন সে ভয় করিবার কোন কারণ নাই। ভারতবর্ষের এত মেয়ের মধ্যে কতসংখ্যক বৎসরে ৫০।৬০ জনের বেশী মেয়ে বোধ হয় পরীক্ষা দেন না। এখনও অনেক স্কুল শিক্ষয়িত্রী খুঁজিয়া পায় না। তবে আবার ধাহারা শিক্ষা পাইতেছেন তাহাদের খুব সাবধান হইয়া যে অগ্রসর হইবার সময় আসিয়াছে এ কথাটা ভাবিবার সময় আসিয়াছে। আজকাল আমাদের কি অভাব হচ্ছে সেই প্রশ্ন গুলি আলোচনা করিলে কি ভাল হয় না? কি দরকার নাই আলোচনা না করে, আগে কি দরকার তাই আলোচনা করিলে কি ভাল হয় না?

আমার দ্বিতীয় প্রশ্ন পিতৃস্থানীয় ও ভ্রাতৃস্থানীয়দের কাছে—অবরোধের বিরুদ্ধে সংগ্রাম আরম্ভ করিলে আপনারা কি সাহায্য করিবেন? এ সংগ্রাম আমাদের মনে মনে অনেক দিন চলিতেছে, কিন্তু আমাদের দুঃখ কি আপনারা সকলে বোঝেন? মনে হয় না তো। আপনারা একদিন গৃহের বাহিরে না গেলে কি রকম বোধ হয়? আমরাও ঠিক সেই রকম

অনুভব করি, কিন্তু আমাদের সহানুভূতি করিবে কে? (অবশ্য মুক্তকণ্ঠে স্বীকার করি আমরা কেহ কেহ খুব সহানুভূতি পাইয়াছি এবং ব্যক্তিগত ভাবে বলিতে হইলে বলিতে হইবে যে, আমাদের কাহারও কাহারও এ সম্বন্ধে নাশিশ্য করিবার কিছুই নাই, তবে এখানে মেয়েদের অবস্থা মোটের উপর কি তাহাই বলা হইতেছে। যদি আজ বেড়িয়ে কাল আবার যাউতে চাই, তাহা হইলেই শুনিতে হইবে “মেয়ে-ছেলের আবার রোজ রোজ বেড়ান কি?”

এই অবরোধ প্রথা যে কি অনিষ্ট করিতেছে তাহা লোকে কলিকাতায় আসিলে খুব বুঝিতে পারে। কি অনিষ্ট হইতেছে তা সকলেই খুব ভাল করিয়া জানেন, তথা আবার লিখিবার প্রয়োজন দেখি না। অবরোধপ্রথা এখানে এখনি ভাঙ্গিয়া দেওয়া হউক তাহাও বলি না, এবং আমাদের দিন রাত বেড়াইতে দেওয়া হউক তাহাও বলি না, কেন না কলিকাতার ট্রামগাড়ীর ধাক্কা খাইয়া লোকের ঠেলাঠেলির ভেতর দিয়া হাঁটিয়া যাওয়া বড় দুঃখকর নয়; কিন্তু দরকারী কাজের সময় যেমন বাড়ী অন্দর হইলে হাঁটিয়া স্কুলে যাওয়া কিম্বা প্রতিবেশিনীদের অস্থিত ইত্যাদি হইলে দেখিতে যাওয়া, কি মন্দিরে যাওয়া—প্রথমে এই সব সময় অবরোধ প্রথা উঠাইবার চেষ্টা করা খুব উচিত। একটা কথা দাঁড়াইয়া গিয়াছে “কলিকাতায় কেউ কারুর খবর নেয় না”। কলিকাতারই বা দোষ কি! যদি এক টাকার কাছাকাছি না ফেলিলে একবার

খবর লওয়া যায় না, নে-অবস্থায় মধ্যবিত্ত গৃহস্থেরা মাসে কবার খবর লইতে পারেন? দায়ে পড়িয়া অনেকে সকল সম্বন্ধ বন্ধ করিয়া দেন।

অবরোধপ্রথা বাপ ও ভাইদের সাহায্য না পেলে আমরা কখনও উঠাইতে পারি না। এই সব দরকারী কাজে যদি তাহারা নিজেদের সঙ্গে করিয়া আমাদের লইয়া যান তাহা হইলে বোধ হয় বাহিরের লোকে বেশী কিছু বলিতে সাহস করেন না, প্রথম দু একদিন দু চারিটা কথা শুনিতে হবে বোধ হয়, কিন্তু সে বলাতে কিছু বড় আসে যায় না।

মেয়েরা—ধাহারা বাহিরে বাহির হইবেন, তাহাদেরও মনে রাখা উচিত যে রাস্তায় হাঁটিতে হইলে সপ্রতিভ ও স্বাভাবিক ভাবে চলা উচিত; কাপড়ের গাটীর মত জড়সড় হইয়া চলিলে, যিনি সঙ্গে লইয়া যান তাঁরও বিষম বিপদ হয়। তাকে হয়তো না হাঁটিয়া হাঁটিয়া আমাদের অবস্থা এমন হইয়াছে, যদি ছোটবেলা হইতে হাঁটিবার অভ্যাস থাকিত, হয়তো এত জড়সড় মনে হইত না। এসব বিষয়ে বেশী লেখালেখী না করিয়া একেবারে কার্যে আরম্ভ করিলে কি ভাল হয় ন? মেয়েদের রাতে হাঁটা কিছু কিছু আরম্ভ হইয়াছে, দিনে দরকার হলে হাঁটিতে লজ্জা কিসের? কিছু দোষ করছি না তো যে লুকিয়ে করিব।

সেনাপতি বখা :

সে আজ ২০ বৎসরের কথা। এক দিন শীতকালের কুয়াশারূত প্রত্যুষে

হাবড়া ষ্টেশনে বহু লোকের সমাগম। সকলেই উদ্গ্রীব, পঞ্জাব মেল কতক্ষণে আসে। যথাসময়ে সহস্র করে 'হরে' ধ্বনির সহিত ডাকগাড়ী সগর্বে ষ্টেশনে প্রবেশ করিল। প্রতিদিন শত শত যাত্রীকে ডাকগাড়ী বহন করিতেছে সেদিন যাত্রীকে আনিয়াছিল এমন যাত্রী কবে সে পাঠিয়াছে? যার জন্ত এত আশ, এত ব্যাকুলতা, অকক্ষণ মধোই তিনি গাড়ী হইতে নামিলেন, অগনি সেই সহস্র করে পুনরায় 'হরে' ধ্বনি ষ্টেশন কাঁপাইয়া দিল।

এ কোন ক্ষণজন্মা পুরুষ, যার জন্ত সেই শীতের ভোরে আরামশয্যা ত্যাগ করিয়া কাঁপিতে কাঁপিতে আমরা হাবড়ায় ছুটলাম? দেখিলাম উঁত সে ললাটে বিগাস এবং বিজয়ের জ্যোতি, প্রশংসে বক্ষে "রক্ত এনং আগুন" \* লেখা নয়নে যেন সেই ঈশার প্রেমদৃষ্টি সর্পিলা যেন এক অপার্থিব মহত্ত্ব। এ পুত দৃশ্য দেখিবার বটে, মূর্তিমান তাঁর যেন। যাহা দেখিলাম, ২০ বৎসরেও তাহা ভুলিতে পারিলাম কই?

আর গত ১২ই ভাদ্রের ছবি? সেই বিজয়ী বীর মহাশয়নে শায়িত। যে ব্রহ্মাস্ত্র বলে তিনি সহস্র যুদ্ধে জয়ী আজ সেই বাইবেল পুস্তক তাঁর শবাধারের উপরে শোভিত, আর আশে পাশে ইংলণ্ড ও জার্মানির সম্রাটপ্রেরিত পুষ্পোপহার। কি অপূর্ব সে শোভাযাত্রা যাহার মধ্যে সম্রাটের ও সকল জাতির প্রতিনিধি

\* Blood and Fire—মুক্তিসেনার Motto. ।

ছিলেন, এবং যাহা সুদূরপ্রসারী মাইল পথ ব্যাপিয়া চলিয়াছিল! ৪০টি ব্যাণ্ড বাজাইয়া ৫০০০ বিধাসী সেনা সেনাপতিকে শেষ সম্মান দিতে চলিয়াছেন, লগুনের পথে লোক ধরে না, আর সমগ্র ইংরাজজাতি, সমগ্র পৃথিবী চক্ষের জলে ভাসিতেছে। এ কোন সম্রাট, যার জন্ত সম্রাট হইতে দীন দরিদ্রের চক্ষে জল, যাকে সম্মান দিবার জন্ত সম্রাটের তংপর? ইনি সেই দরিদ্রের বন্ধু, বিপনের সহায়, ক্ষুধার অদাতা, পাপমগ্নদিগের ভেলাধরূপ সেনাপতি বুথ—যুগুগাহুর পূজিত হইবার যোগ্য নাম—সেনাপতি বুথ।

সেনাপতি, তাঁর জন্ত এত সম্মান? আশ্চর্য্য ব্যবহারে নরহত্যা করিতে তিনি সেনাপতি হন নাই, কিন্তু দুর্কলকে বল দিতে, পতিতকে তুলিয়া ধরিতে, যুযুকে নবজীবন দিতে, বাইবেলরূপী ব্রহ্মাস্ত্র ধরিয়াছিলেন। মহর্ষি ঈশার অসমাপ্ত কার্য্য তাই তিনি বহুদূর সমাপ্ত করিতে সফল হইয়াছেন। তাঁর শত্রু কে? এত মংগ্রামই বা কার সঙ্গে? প্রত্যেক নরনারীর যে শত্রু সেই তাঁর শত্রু, তাই তিনি দারিদ্র্য ও পাপের সহিত ভীষণ যুদ্ধ করিয়াছেন। তাঁর যুদ্ধের মূলমন্ত্র তিনি কলিকাতায় বলিয়া গিয়াছিলেন, "My religion is in four letters—L—O—V—E" ৪ অক্ষরে আমার ধর্ম, ভাল—বা—সা। এ মহামন্ত্র কি অমোঘ শক্তি ধরে আজ তার সাক্ষ্য সমগ্র পৃথিবীর দুঃস্থ নরনারী দিতেছে, আমাদের

ভারতের নিম্নতম শ্রেণীর অপরাধী জাতিগুলি (criminal tribes) দিতেছে। রাজা যাহা শত বিচারালয়ে ও জেলখানায় পাবেন নাই, সমাজ ও ধর্ম যাদের শাসন এবং ভয় প্রদর্শনে পাবেন নাই, ইনি সেই অব্যর্থ প্রেমমন্ত্রে অসম্ভব সম্ভব করিলেন।

"আগে পেট ঠাণ্ডা কর, পরে ধর্মকথা বলিও" ইহা তাঁরই কথা। তিনি বলিয়াছেন, "তোমার সম্মুখে এই যে ছিন্ন বস্ত্র পরিহিত দরিদ্র ক্ষুধার্ত্ত শ্রমজীবী দাঁড়ায়ে, তুমি তাকে লয়ে কি করিবে? সে কাজ চায়। ক্ষুধার্ত্তউদরে ও ছিন্নবস্ত্রেই সে এখন কাজে লাগিতে প্রস্তুত। তার ভাল করিতে চাও ত এখন তাকে কাজে লাগাও, কাজের তিতর তাকে শিক্ষা দাও, সে জীবনের নূতন পন্থা নিশ্চয়ই ধরবে এবং সমাজের অলঙ্কার হইয়া উঠিবে।" সেনাপতি উইলিয়ম বুথ যখন দরিদ্র ও পাপমগ্ন দেখিয়াছেন, আগে তার দেহের আরাম বিধান করিয়াছেন, শ্রমজীবীকে শ্রমের উপায় দেখাইয়াছেন, পরে তাকে ধর্মের পথে আনিতে পারিয়াছেন।

মেথডিস্ট (methodist) সম্প্রদায়ের মধ্যে যখন খ্রীষ্টীয় ধর্ম প্রচার করিতে ছিলেন, দরিদ্রের জন্ত তাঁর প্রাণ কাঁদিতো ছিল। তিনি দেখিলেন সমাজের দশম ভাগ লোক ঘোর দারিদ্র্য ও পাপে মগ্ন। চার্চে তাহাদিগকে পাওয়া যায় না, অথচ সভ্যতা ও উন্নতির পার্শ্বেই ঘোরতম দুর্দশায় বাস করে। এই সকল লোক ধরিতে তিনি চার্চ ছাড়িলেন, মান সম্মম, সুখ সচ্ছন্দতা ভুলিলেন, দারিদ্র্য উপবাস

ও নির্যাতনকে আলিঙ্গন করিলেন। পার্শ্বে তাঁর কে? ইনি বীরপতির যোগ্য। বীরপত্নী, মূর্তিমতী মহিষুতা ও অমিরুপিণী মুক্তি সেনার মাতা কাঁথারিন বুথ। দুটি বীর হৃদয় এক সেই প্রেমমন্ত্রে দীক্ষিত হইয়া লগুন সহরের জন্ত পত্নী East End এ ছুটিলেন। মাতাল, দহু, ব্যভিচারী, ও অকথ্য অপরাধে অপরাধীদিগের বাড়ী বাড়ী যাইলেন, তাদের গৃহের অভাব দূরীকরণ, স্বাস্থ্য ও পরিচ্ছাতা বিধান, রোগচর্চা, কলহ ও অশান্তি নিবারণ ইত্যাদি বিবিধ উপায়ে সেবা করিতে লাগিলেন। প্রকার ও প্রচুর পাইলেন, কোথাও নির্দর প্রহার, কোথাও মুখে খুংকার, কোথাও লাঞ্ছনা, কোথাও দুরীভবন। কিছুতে কি সে বীরহৃদয় দমিল না? ঈশার প্রেমমন্ত্র যাদের প্রাণে, ঈশার ক্রুশ যাদের অহরের অন্তরে, তারা গিয়াছিলেন সহ কারতে, তাই সব সহিয়া সেই পত্নীতেই তাদের বিজয় দিগান প্রোথিত করিলেন। তার পরে হস্তা শিক্ষারীরা যেমন পোষা হস্তী দ্বারা বগ্ন হস্তী ধরে সেইরূপ এই সব পরিবর্তিত পাপীদের দ্বারা নূতন পাপী ধরিতে লাগিলেন। ক্রমে তাঁর কার্য্যক্ষেত্র East End ছাড়াইয়া দেশময় পৃথিবীময় ব্যাপ্ত হইল।

কার্য্যক্ষেত্র বিস্তৃতির সঙ্গে সঙ্গে নূতন নূতন সম্রাট মীমাংসার প্রয়োজন হইল। এই সময়ে কাঁথারিন ও তাঁর স্বামী উইলিয়মের হৃদয় হইতে এক অপূর্ব সহানুভূতির ধারা বহিল, সেই অত পুস্তক "In Darkest England And The

Way Out" লিখিত হইল। পুস্তকের শেষ ফর্মা যখন মুদ্রিত হইতেছিল, এ লোকের নরসেবা হইতে উত্তর লোকে উত্তর সেবার জন্ত বিধাতা ক্যাথারিনকে তুলিয়া লইলেন। উইলিয়াম সেই অমি-মন্ত্রে দীক্ষিতা নারীর পুণ্যমতি হৃদয়ে জাগাইয়া রাখিয়া আরও অমিগয় হইয়া নরসেবায় মাতিয়া গেলেন। সেই পুস্তকের সমগ্র ভাব ক্ষুদ্র প্রবন্ধে কি দেওয়া যাইতে পারে? পুস্তকের প্রধানতঃ দুটি বিভাগঃ—

- ১। অন্ধকার,
- ২। মুক্তি,

অন্ধকারঃ—সমাজের দশম ভাগ (submerged tenth) পাপ ও দারিদ্র্য সাগরে মগ্ন। পৃহহীন, কর্মহীন প্রমজ্জীরী পাপেব ও ক্রম্বার উত্তেজনায়া আত্মস্বাতী, ব্যাভিচারী ও অপরাধী—এরা কি সমাজের অন্ধকারতম ছবি নয়? অন্ধকারতম ইংল-ওর কি স্বোর কালিমাময় চিত্র সেনাপতি আঁকিয়াছেন, পড়িলে রোমাঞ্চ হয়।

মুক্তি!—১। City Colony ;—নগরোপনিবেশ। নগরের ভিতর এদের জন্ত বহু অন্তর্ভাবস্থান (Institutions) রচিত যেখানে এদের দেহ মনের সেবা হইতে পারে।

লগ্ননের দারুণ শীতে দরিদ্র কাঁপিতেছে। গভীর রাত্রে মুক্তিসেনার কর্মচারী-বর্গ লর্ডেন ধরিয়া ধরিয়া তাদের খুঁজিয়া বাহির করিয়া আশ্রয় দিতেছে। জেল-খানা হইতে কয়েদী খালাস পাইতেছে, সেখানে মুক্তিসেনার কর্মচারী তাকে

সাদরে লইয়া আসিতেছে। স্বোর ব্যাভি-চারী মগ্নপায়ী নরনারী মোহ ও আসক্তিতে দুবিয়া রহিয়াছে, এই Blood and Fire মটোয় লালজামা পরিহিত মুক্তিসেনার কর্মচারী তাকে ধরিয়া তুলিতেছে, আশ্রয় ও কর্ম জুটাইয়া দিতেছে, তার দেহ ও মনের সেবা করিয়া সংপথে ধর্মপথে আনি-তেছে। ধর্ম এ প্রেমব্রত, ধর্ম এ নরসেবা!

২। Farm Colony :—কৃষি উপ-নিবেশ। এঁরা নগরের নিকটে সহস্র সহস্র একর (acre) জমি লইয়া এই সব জুর্ভূদিগকে কৃষি কার্যে প্ররুত করাইয়া জীবন ফিরাইতে পারিয়াছেন। যাহারা নগরের বহু জনতার মধ্যে সঙ্কীর্ণ স্থানে বাস করিয়া দেহ মনের ক্ষয় করিতে-ছিল, তাহাদের জন্ত কৃষিক্ষেত্রের মুক্তবায়ু কত প্রয়োজন, কত কল্যাণের আকর। এখানে অল্প ব্যয়ে সংসারযাত্রা নির্বাহ, নগরের পরিত্যক্ত দ্রব্যাদি দ্বারা ব্যবহার্য দ্রব্য প্রস্তুত করা, উদ্যানজাত শাকশবজি ও ফল মূলাদি উৎপাদন, ছুট ও ছুজাত দ্রব্যাদি প্রস্তুত করন এবং পণ্ড পক্ষী পালন প্রণালী শিক্ষা দেওয়া হয়। এখা-নেও মূলমন্ত্র সেই বাধ্যতা। বিচক্ষণ কর্মচারিগণ সর্বদা দেখেন ঘাহাতে পর-স্পরে সেবা ও সাহায্যে, কৃশলে ও স্বচ্ছলে, নীতিতে ও ধর্ম্মেতে বর্দ্ধিত হইতে পারে। এখানে মগ্ন প্রবেশ নিষেধ।

৩। Oversea Colony :—সমু-দ্রের পরপারের উপনিবেশ। দেশের বহু জনতা সকল উন্নতির পরিপন্থী। এই ভিত্তি যে সব দেশে প্রচুর পড়িত জমি

আছে সেই সব দেশে সেই সব ভূমি চাষের জন্ত এই সব লোককে লাগাইয়া এঁরা দেশের কল্যাণ, এই সব লোকেরও কল্যাণ করিয়াছেন। এখানকার কার্যপ্রণালী কৃষি উপনিবেশের অরূপ। সেই পর-স্পর সাহায্য ও সেবা, সেই শ্রমজাত ও কৃষিদ্রব্যাদি উৎপাদন, সেই আদর্শ পল্লী ও পরিবারগঠন, সেই বাধ্যতা ও নীতির দ্বারা ঈশার স্বর্গরাজ্য প্রতিষ্ঠার চেষ্টা হয়।

তাদের পরিবারের কথা কি বলিব? সে পরিবার নিতান্ত ক্ষুদ্র নয়;—৪টি ছেলে, ৩টি মেয়ে; আশ্চর্য কথা এই সব কয়টিই মুক্তিসেনার কর্মচারী, সব কয়টিই ধর্ম্মপথে প্রাণ উৎসর্গ করিয়াছেন। মাতা ক্যাথারিন সন্তান পালনের সঙ্গে সঙ্গে সন্তান দিগকে এই শিক্ষা দিয়া ছিলেনঃ—“বরং বিনষ্ট হইও তবু নিজের জন্ত কখনও অর্থোপার্জন করিও না।” এই মহাশিক্ষার ফলে পরিবারটি ধর্ম্মের পরিবার, ত্যাগী পরিবার হইয়াছে। পৃথি-বীর কোন মহাজনের এ সৌভাগ্য হইয়াছে?

বৈরাগ্য ব্রতধারী এই দল ভারতে আসিতেছেন গুনিয়া ১৮৮২ সালে আচার্য কেশবচন্দ্র প্রার্থনায় বলিয়াছিলেন “আমা-দের ঈশ্বরের চিহ্নিত ব'লে, প্রত্যাদিষ্ট প্রেরিত ব'লে মানিতে হইবে।” “এবার আমাদের গুরু শিক্ষক আসিবে।” যখন এইদল বোম্বাই সহরের পথে সঙ্কীর্ণন করার অপরাধে খ্রীষ্টান গভর্নমেণ্টের দ্বারা কারারুদ্ধ হন, আচার্য ব্রহ্মানন্দ কি ব্যথা পাইয়া কি আন্দোলন করিয়াছিলেন,

ইহারাও তাহা জানেন আমরাও তাহা জানি। মহংই মহংকে চিনে, মহতের সম্মান জানে।

সেনাপতি বুথ ও তাঁর সহধর্ম্মিণী এ যুগের মহাদৃষ্টান্ত। এঁরা ঈশার উপ-বুদ্ধ শিষ্য। নরসেবার জন্ত এঁদের নিকট আমাদের নব দীক্ষা লইতে হইবে। মাগুষ যে মানুষ, সে যে আমার ভাই বোন। আমি কে যে তাকে তুচ্ছ করি? তার ভিতরে যে ব্রহ্ম পুত্র ঈশা বাস করেন। বাহিরে একটা আবরণ বহিত নয়। একই সেবা ও সহায়ত্ব, একই হাতখানা বাড়ায়ে দেওয়া, একই পথ দেখায়ে দেওয়া, একই ভালবাসা তেলে দেওয়া আর অমনি সেই ব্রহ্ম পুত্রের প্রকাশ। এই মহা সঙ্কেত বুথ পাইয়া কৃতার্থ হইয়াছেন। আমরা কি এই প্রত্যনিষ্ট জীবনের এ মহা শিক্ষা ভুলিতে পারিব? বিধাতা আশীর্বাদ করুন এ জীবন যেন আমাদের মধ্যে সুফল প্রসব করে।

গড়নের সময়।

এখন গড়নের সময়—হাতে কলমে গড়নের সময়। উপদেশ দান বা সংহিতা পাঠের সময় অতীত যুগের ব্যাপার। উপদেশ পাইয়াছ, সংহিতা পাঠ করিয়াছ, এখন গড়িতে থাক। যাহাদের বিদ্যা বুদ্ধি আছে, যাহাদের শক্তিসামর্থ্য আছে, এখন কেবল তাঁহাদিগকে লইয়া চলিলে হইবে না। এখন সমাজের নিম্নস্তরে যাহারা

পড়িয়া রহিয়াছে তাহাদিগকেও উপেক্ষা করিলে চলিবে না। এখন সমাজ বলিতে বিহৃত মানব সমাজকে বুঝিতে হইবে; সমাজের জগৎ কিছু করিতে হইলে, অতি ক্ষুদ্রতমকেও গণনার মধ্যে রাখিতে হইবে। এই জগৎই এখন উপদেশ দান বা সংহিতা পাঠের সময় নয়—গড়নের সময়। প্রতিজনকে হাতে কলমে শিক্ষা দিয়া নূতন মানব সমাজ গড়িতে হইবে। এই গড়নের কার্যে যেমন পুরুষের তেমনি মহিলাদিগেরও রক্ত মাংস দান করিতে হইবে।

শ্রুতুর কথা, তুমি এক ভদ্রীর বাড়ীতে যাইয়া দেখিলে স্বরটী ভয়ানক নোঙরা—আবর্জনার পূর্ণ, এদিক ওদিকে জিনিস পত্রগুলি বিশৃঙ্খল ভাবে পড়িয়া রহিয়াছে। বাড়ী আসিয়া কথাপ্রসঙ্গে অগ্রাণ্ড ভদ্রীদিগকে কিস্বা অগ্ৰকে বলিয়া সেই ভদ্রীর দোষ কীটন করিলে, মনে রাখিও এযুগে ওরূপ বলায় তোমার মহা অপরাধ হইল। তুমি যদি সেই ভদ্রীকে তাহার স্বরের কোথায় কি করিতে হইবে উপদেশ দিয়া আস, তাহা হইলেও তোমার ধর্মরক্ষা হইল না। তোমাকে কাঁটা হাতে লইয়া ভদ্রীর সে স্বর পরিষ্কার করিতে হইবে, যেখানে যে জিনিস রাখিলে স্বরের সৌন্দর্য্য বাড়ে, পছন্দমত হয়, সেখানে সে জিনিসটি তোমাকে নিজ হাতে রাখিতে হইবে। সে ভদ্রীকে তোমার সাহায্যকারিণী পাইলেতো উত্তম কাজ হইল। তাহা হইলে তোমার ধর্ম হইল, কর্মও হইল, স্বর্কলা ভদ্রীকে হাতে ধরিয়া উঠাইলে।

অপর কোন ভদ্রীর বাড়ীতে যাইয়া তাহার ছেলে মেয়েদিগকে নোঙরা দেখিয়া ঘৃণা ও দুঃখ করিলে চলিবে না। উপদেশ দিয়া আসিলেও তোমার কর্তব্য হইল না। নিজহাতে গামছা বা তোয়ালে লইয়া তোমাকে সে ছেলে মেয়েগুলিকে দিব্য ফুলের মত করিয়া দিয়া আসিতে হইবে। তাহা হইলে তোমার ধর্ম হইল, ভদ্রীর প্রতি কর্তব্য পালনও হইল এবং হাতে কলমে উপদেশও হইল।

এখন বোধ হয়, গড়নের কথাটা বুঝিতে পেরেছ। আর একটী উদাহরণ দিই—কোন ভদ্রীকে বড় অবসন্ন ও বিষণ্ণ দেখিলে। তোমার মনে হলে তাহার বিষাদ ও অবসাদ লইয়া থাকা অশ্রায়। তুমি সে বিষয়ে তাহাকে উপদেশ দিয়া তাহার দুঃখ কষ্ট বাড়াইও না। উপদেশ দিলে বিপরীত ফল উৎপন্ন হইবে, দুঃখ যন্ত্রণার বোঝাটা আরো বাড়িবে। তুমি তাহার নিকটে বসিয়া ভগবানের দয়ার কথা বল, মধুর সঙ্গীত কর, সরল ভাবে প্রার্থনা কর। তোমার সে দুঃস্থা ভদ্রী শান্তি ও আরাম লাভ করিবেন।

যে ভদ্রীর বাড়ীতে যাইয়া যে অভাব ক্রটি দেখিলে সর্বপ্রথমে তাহা দূর করিয়া তৎপরিবর্তে শোভা সৌন্দর্য্য, শান্তি আনন্দ ও আরাম সে ভদ্রীর পরিবারে ছড়াইয়া আসিবে। এই গড়নের যুগে তোমাকে সব গড়িয়া দিয়া আসিতে হইবে। কেবল উপদেশ বা ব্যবস্থা দিয়া আসিলে কিছুই হইল না। বরং সেরূপ

করিলে তোমার মনেও অতৃপ্তিজনিত যন্ত্রণা উপস্থিত হইবে।

এই যুগ গড়নের যুগ। এই যুগের ধর্মবীর সকল স্বর্গরাজ্য গড়িবেন। সব প্রতিবেশীদিগকে ফুলের মত সুন্দর করিয়া তুলিবেন। তোমার দায়িত্ব বুঝিয়া কার্য-প্রণালী স্থির করিয়া লও, ভগবানের সাহায্য প্রার্থনা কর। তুমি যত কেন সামান্য ও ক্ষুদ্র না হও, তোমার সে সামান্য শক্তিটুকুও যদি স্বর্গরাজ্য গড়নে ভগবান ব্যবহার করেন, সে তোমার পরম সৌভাগ্য।

কিভাবে এই গড়নের ব্যাপার ভগবান সম্পাদন করিতে দেন, মুক্তিফৌজের কার্যে তাহা অতি স্পষ্টরূপে উপলব্ধি হয়। মুক্তিফৌজের নেতা জেনারেল বুদ্ধ দলে বলে ৩০ বৎসর এই গড়নের কার্য করিয়া ৮৪ বৎসর বয়সে সেদিন পরলোক গমন করিয়াছেন। তিনি এই মুক্তিফৌজের দল গঠন করিয়া গিয়াছেন। চোর ডাকাত মদ্যপায়ী ব্যভিচারীদিগকে ভদ্রসমাজের লোক করা, অজ্ঞানী অলস অকর্মণ্যদিগকে সমাজের শক্তি করিয়া দণ্ডায়মান করা, সর্বথা সমাজের পতিত ও অকর্মণ্য অংশে জীবন সঞ্চার করিয়া মানবসমাজকে উন্নত করা ইহাদের জীবনের ব্রত। ইহারা স্বহস্তে ও নিজের অর্থে এই গড়নের কার্য করিতেছেন। কত লক্ষ লক্ষ লোককে ইহারা ভাল করিয়া মানবসমাজের অবসন্ন অঙ্গকে সবল করিয়াছেন। ইহারা পতিত ও দুঃস্থদিগকে বড় ভালবাসেন, তাই তাহাদের দুর্গতি দেখিয়া আর স্থির

থাকিতে পারেন না। রাজশাসনে যাহা পারে নাই, ইহারা ভালবাসিয়া তাহা করিয়াছেন। মানবসমাজকে ভাল করিবেন এই তাহাদের পণ। ইহাদের যত, পরিশ্রম, অর্থব্যয় সর্বোপরি ভালবাসা জগতে নূতন সমাজ, পবিত্র সমাজ, গঠন করিতেছে।

যে ভালবাসা পৃথিবীকে নূতন পৃথিবী করিতে বসিয়াছে, জেনারেল বুদ্ধের সেই ভালবাসায় একবার জীবন ঢালিয়া দাও, তোমার সর্বপ্রকার হৃদয়ের ভার দূর হইবে। তুমিও এই গড়নের কার্যে অন্ততঃ ২৪টা ধূলিকণা দান করিয়া সুখী হইতে পারিবে। জেনারেল বুদ্ধের ভালবাসা ও কার্যশক্তি, তিনি আপনিই বলিয়াছেন, যিশুর রক্ত মাংসের অংশ। যিশুর রক্ত মাংস যিনি রচনা করিয়াছেন, জগতের সেই পিতা মাতার ভালবাসা কত—প্রত্যেক পুত্র কন্যার উদ্ধারের জগৎ তাহার যত চেষ্টি কত! একবার তদুৎপত্ত-ভাবে বুঝিয়া লও। সেই পতিতপাবনের ভালবাসার এক কণিকা পান করিয়া তাহার গড়নের কার্যে লাগিয়া যাও। তুমিও সেই মুক্তিফৌজের পাশে দাঁড়াইয়া তাহাদের গৌরব করিবে, এবং মানবসমাজকে উন্নত করিবার জগৎ ভগবানের কত ব্যস্ততা বুঝিতে পারিবে। এই গড়নের সময়ে কেবল দোষ ক্রটি দেখাইয়া, কেবল উপদেশ ও ব্যবস্থা দিয়া তোমার কর্তব্য সম্পাদন হইবে না, তোমাকে কিছু না কিছু গড়িয়া দেখাইতে হইবে। ধর্ম নীতিতে চরিত্রে গৃহে পরিবারে সমাজে



কিছু কিছু গড়িয়া সকলকে ঘাইতে হইবে। এইজগৎ এই যুগ বা সময় গড়নের সময়। এক এক যুগে এক একটা নতন তত্ত্ব আসে। উপদেশের ও ব্যবস্থার যুগ আসিয়া চলিয়া গিয়াছে। সেই সেই যুগে সেই ধর্ম, সেই কর্ম ছিল। এই যুগের নতন তত্ত্ব হাতে কলমে সকলকে শিখাইয়া নতন পৃথিবী করিতে হইবে। এখন অজ্ঞানীকে জ্ঞানী ও অসাধুকে সাধু করিতেই হইবে। এইজন্য দায়িত্ব ভার লইয়া প্রত্যেককে আপন আপন কার্য্যারম্ভ করিতে হইবে। ভগবানের পূজা, সাধুসেবার সঙ্গে সঙ্গে নানাপ্রকারে তর্কলভাই বোনদিগকে হাতে ধরিয়া তোলা। এই যুগের পরম ধর্ম। বরং ভগবানের পূজা ও সাধুসেবা পণ্ড হইবে, যদি তুমি তর্কলদিগকে ধরিয়া তুলিতে আপনার শরীর মন ও অর্থবিনিয়োগ করিয়া না থাক। এই যুগের ইহাই যুগধর্ম।

### নিবেদন।

যদি ও হে দেব! জানিছ সকলি  
নাহি কিছু কহিবার,  
তবু সাধ যায় নিবেদিতে কত  
ও চরণে অনিবার।  
দাও প্রভো! দাও টুটিয়া আমার  
মোহের বঁধন চয়,  
হৃদয় মাঝারে অসার কামনা  
যেন নাথ! নাহি রয়।  
এ ভবের ঘোর প্রলোভন ফাঁদে  
করোনা মুগ্ধ চিত,

ছুরবল হিয়া চলিতে সংসারে  
পদে পদে সদা ভীত।  
কোটি বাহ্যবাস্তে রহিয়া নিভীক  
অটল চিমাঙ্গি ছেন,  
বিষাদ বেদনা সহিতে ধরার  
পাই গে শক্তি যেন।  
প্রতিদান যশে না হয়ে প্রয়াসী  
যেন হে কসুম প্রায়,  
নীরবে সাধিয়া সাধনা আপন  
বিজনে জীবন যার।  
আর এই নথ! কর অশীর্ষাদ  
জীবনে মরণে আমি,  
তিলেক কখনো হারয়ে তোমারে  
না রহি—যেন গো স্বামী!

চট্টগ্রাম।

শ্রী হেমন্ত বাল্য দত্ত

### নারীর কার্য।

ভারত-স্ত্রী-মহামণ্ডল।

ভারতের সর্বত্রই নারীদিগের মধ্যে উদ্দীপনার চিহ্ন দেখা যাইতেছে। ১০ বৎসর পূর্বে নারীশক্তি গৃহকাঠোই পর্য্যবসিত হইত। নারীগণ আপনার ও আপনার আত্মীয় স্বজনের সেবা ভিন্ন পরচ্ছিত্তেষ্ণার চিন্তা করিতে পারিতেন না। আজ তাহার অনেক পরিবর্তন হইয়াছে।

কলিকাতার মহিলা শিল্পসমিতি, মহিলা পরিষদ, ভারত মহিলা সমিতি, সঙ্গীত সঙ্ঘ, সঙ্গীত সম্মিলনী, ব্রাহ্ম-বালিকা বিদ্যালয়, অনিন্দ সভা প্রভৃতি

কেবল মহিলাদের দ্বারাই পরিচালিত হইতেছে। আমরা নারীদের এই সকল সংকারণের বিবরণ ক্রমশঃ প্রকাশ করিব অর্থাৎ ভারত-স্ত্রীমহামণ্ডলের সংক্ষিপ্ত বিবরণ পাঠকদের অবগতির জন্য প্রকাশ করিতেছি।

প্রায় ৪ বৎসর হইল শ্রীমতী সরলা দেবী চৌধুরাণী বি, এ, 'ভারত-স্ত্রী মহামণ্ডল' নামে একটা নারী সমিতি স্থাপন করিয়াছেন। সমস্ত ভারতবর্ষের স্ত্রী জাতির স্থায়ী উন্নতি সাধন ইহার উদ্দেশ্য। এই কয় বৎসরে ভারতবর্ষের অনেক প্রধান প্রধান সহরে এই সমিতির শাখা স্থাপিত হইয়াছে। লাহোর, করাচী, হায়দ্রাবাদ (সিন্ধু), এলাহাবাদ, লক্ষ্মী, কলিকাতা, মেদিনীপুর, হাজারিবাগ প্রভৃতি স্থানে এই সমিতির শাখা প্রতিষ্ঠিত হইয়াছে। লাহোর, কলিকাতা, লক্ষ্মী ও এলাহাবাদে অস্তঃপুর শিক্ষার কাজ চলিতেছে, আর অসহায় বিধবাদের দ্বারা নির্ম্মিত শিশুদ্রব্য বিক্রয়ের জন্য পুরনারী নির্ম্মাণ-ভাণ্ডার খোলা হইয়াছে।

গত ২০এ শ্রাবণ কলিকাতায় মেরী কার্পণ্টার হলে ভারত স্ত্রী মহামণ্ডল সমিতির ষাণ্মাসিক অধিবেশন হইয়া গিয়াছে। প্রায় ১৪০ জন মহিলা উপস্থিত ছিলেন। কলিকাতার অনেক হিন্দু ও সমস্ত পরিবারের স্ত্রীলোকেরা উহাতে যোগ দিয়াছিলেন দেখিয়া আমরা অতিশয় আনন্দিত হইয়াছি। কারণ পূর্বে যে সকল সভাসমিতি হইত, তাহাতে শিক্ষিতা ও ব্রাহ্ম মহিলারাই অধিকাংশ স্থলে

উপস্থিত থাকিতেন, কিন্তু ভারত স্ত্রী-মহামণ্ডলের কার্যে অনেক হিন্দু মহিলাও উৎসাহের সহিত যোগ দিয়াছেন। কলিকাতার শাখা সমিতি এই দেড় বৎসর মাত্র স্থাপিত হইয়াছে, ইহার মধ্যেই প্রায় ৬০০ জন মেম্বর হইয়াছেন। সাধারণ মেম্বরের বার্ষিক টাঁদা ২ এক টাকা মাত্র, মুখ্য মেম্বরের বার্ষিক টাঁদা ১০ দশ টাকা। কলিকাতার প্রথমে ৬জন শিক্ষয়িত্রী লইয়া ১৮ গী বয়সী অস্তঃপুরবাসিনীকে শিক্ষা দিতে আরম্ভ করা হইয়াছিল, এখন এই সমিতি হইতে ২০ জন শিক্ষয়িত্রী দ্বারা ৭০ গী পরিবারের ১২৫ গী বয়সী বালিকাকে শিক্ষা দেওয়া হইতেছে। ভারতীয় স্ত্রীজাতির সমবেত চেষ্টার কাজ এই প্রথম, ইহার এত দ্রুত উন্নতি দেখিয়া আমরা আশীত আনন্দিত হইয়াছি। এই ভারত স্ত্রীমহামণ্ডলের উদ্যোগে বহু-বাজারে ১৪নং শ্রীনাথ দাসের লেনস্থ ভবনে একটা বালিকা বিদ্যালয় স্থাপিত হইয়াছে ইহাতে উপস্থিত এখন ৩০ গী বালিকা শিক্ষা পাইতেছে।

এতদিন দেশে অনেক শিক্ষিতা মহিলা থাকিলেও তাহারা নিজ নিজ শক্তি প্রয়োগের সুবিধা বা ক্ষেত্র পান নাই; এই ভারত-স্ত্রী-মহামণ্ডল তাহাদের সেই অস্ব-নিহিত শক্তি একত্র করিয়া স্ত্রীজাতির উন্নতিসাধন ও দেশের কল্যাণ সাধন করিবে, এই আমাদের আশা ও প্রার্থনা।

সঞ্জীবনী।

৩ স্বর্গীয় ব্রহ্মানন্দ শ্রীমৎ কেশবচন্দ্র সেনের  
অনুগামী, নববিধানে এসলামধর্মের  
ব্যাখ্যাতা পরলোকগত  
গিরিশচন্দ্র সেন মহাশয়ের  
মৃত্যু-দিন উপলক্ষে লিখিত।

দেব! ১

শ্রাবণের শেষ দিনে ঘন বরষায়  
ধরা হতে চিরতরে নিয়েছ বিদায়  
একে একে দিনগুলি  
ধীরে ধীরে গেলচলি  
বরষ ফিরিয়া এবে এল পুনরায়  
তব স্মৃতি হৃদি মাঝে জাগিছে সদায়

২

তাজিয়া সংসার তুমি নবীন যৌবনে  
জীবন সাঁপিয়া দিলে বিভূর চরণে  
ব্রহ্মচর্য্যে ব্রতী হয়ে  
প্রেমভক্তি ফুল দিয়ে

বিবেক বৈরাগ্য স্ত্রে গাঁথি সযতনে  
মনোরম প্রীতিমাল্য পরিলে আপনে

৩

সাধিতে আপন কাজ করুণা করিয়া  
দয়াময় হরি তোমা দিল পাঠাইয়া  
তাঁর কাজ শেষ করি  
নরদেহ পরিহরি

প্রেম, ভক্তি, শ্রদ্ধা, প্রীতি, হৃদি মাঝে নিয়া  
সে অমর ধামে তুমি গেলে গো চলিয়া।

৪

সর্ব্বধর্ম সমন্বয় করিতে প্রচার  
কেশবে পাঠালে হরি ধরার মাঝার  
প্রেম ভক্তি পুণ্য দিয়ে  
পবিত্রতা মিশাইয়ে

প্রেমানন্দ মহানীরে তুবি নিরন্তর  
কেশব চন্দ্রের হল নিখিল অন্তর

৫

কেশবের অনুগামী যত সাধুজন  
নব বিধানে তাদের হইল মিলন  
তুমিও তথায় যেয়ে  
মনোমত সাথী পেয়ে

অঘোর প্রতাপ আদি মহাজনগণ  
হইলে গো একেবারে পুলকে মগন।

৬

ব্রহ্মানন্দ বৌদ্ধধর্ম করিতে প্রচার  
অঘোর নাথেরে দিল সে কাজের ভার  
প্রেরিত প্রতাপ পতি  
আদেশিল মহামতি

বাখানিতে খ্রীষ্টধর্ম ধরার উপর  
সর্ব্বধর্ম সমন্বয় করিতে সত্ত্বর

৭

আর্য্য ধর্মের মহত্ত্ব করিতে বাখান  
দিলেন কেশব গোঁরে অনুমতি দান  
গীতা ভাগবত হতে  
নানাবিধ যতনেতে

মথিয়া ধর্মের সার করি সযতন  
প্রচার করিলা তিনি শ্রীনব বিধান

৮

তোমায় এসলাম ধর্ম করিতে ব্যাখ্যান  
করিলেন ব্রহ্মানন্দ আদেশ প্রদান  
সাধিতে আপন কাজ  
কিছু না করিয়া ব্যাজ  
মনের আনন্দে তুমি খাটি অহর্নিশ  
লিখিলে ত্রাপসমালা কোরাণ হৃদি

মোসলমান ধর্ম তুমি করিয়া জ্ঞাপন  
সাধিলে জগতে এক অশেষ কল্যাণ  
ভারতের হিন্দুজাতি  
যে ধর্মের গুঢ় নীতি  
না জানি আধারে মগ্ন ছিল নিশিদিন  
তুমিই করিলে তায় আলোক প্রদান

১০

পরহিতে চিরদিন যাপিয়া জীবন  
সাধিলে বিশেষ রূপে নারীর কল্যাণ  
তাদের হিতের তরে  
কতই যতন করে

লিখেছ প্রবন্ধ কত মধুর বচন  
ভুলিবনা তব বাণী জীবনে কখন

১১

আর্য্য ঋষিদের গ্রাম যাপিয়া জীবন  
যোগে মগ্ন হয়ে স্বর্গে করিলে গমন  
তব কাজ শেষ করি  
এই দেহ পরিহরি

গিয়েছ অমর লোকে তাজিয়া ভুবন  
(চিরদিন) তোমাহৃদে রাখি দেব করিব পূজন

ভিক্টোরিয়া মহিলাবিদ্যালয়।

পূর্ব্বেরগ্রাম গ্রীষ্মের ছুটির পরও ভিক্টো-  
রিয়া বিদ্যালয়ের মহিলাদের জন্ত প্রতি-  
শনিবার একটি করিয়া বক্তৃতা হইতেছে।  
শ্রদ্ধেয় প্রমথ লাল সেন “দ্বিতীয় বারের  
বিলাত যাত্রা” সম্বন্ধে দুইটি বক্তৃতা দিয়া-  
ছেন। তিনি সেখানে মেয়েরা কি রকম  
কাজ করিতেছেন, এবং মেয়েরা বড় বড়  
কাজে যোগ দিয়া কেমন সুন্দর রূপে কাজ

চালাইতেছেন সেই সম্বন্ধে তাঁহার অভি-  
জ্ঞতার কথা বলিলেন। আমাদের দেশে  
একটু একটু আরম্ভ হয়েছে, যেমন স্কুল  
ইত্যাদি; কিন্তু আরও অনেক কাজ আছে  
যাহা এখন মেয়েদের নিজেদের করা  
উচিত এই বিষয়ে আলোচনা করিলেন।  
শ্রীযুক্ত বাবু অবিনাশ চন্দ্র বহু মহাশয়  
Kindergarten সম্বন্ধে ছুটির আগে  
তিনটি বক্তৃতা দিয়াছিলেন ও ছুটির পর  
আরও তিনটি দিয়াছেন সেই বক্তৃতা-  
গুলির সংক্ষিপ্ত সার এই—(ক) কিশোর  
শার্টেনের ইতিহাস; ফ্রোবেলের জীবনী  
এবং তাঁহার শিক্ষার মত ও প্রণালী।

(খ) খেলারছলে শিক্ষা—

(গ) গৃহে শিশুশিক্ষা কেমন করিয়া  
আরম্ভ করিতে হয়

(ঘ) কেমন করিয়া শিশুকে স্বাভা-  
বিক ভাবে শিক্ষা দিয়া মানুষ করিয়া  
তুলিতে হয়

(ঙ) শিশুর মনোবৃত্তি সমূহের বিকাশ  
ও তাহার প্রণালী—

(চ) শিশুর বিদ্যালয়ে প্রবেশ, ১২-  
বৎসর পর্য্যন্ত তথায় কিরূপ শিক্ষা হওয়া  
উচিত জননী-গণের এই সময়ে কিরূপ  
সাহায্য করা প্রয়োজন।

আগষ্ট মাসে ডাক্তার বিধানচন্দ্র রায়  
“আমরা কি খাই” (ঐতিহাসিক) সম্বন্ধে  
বক্তৃতা দিয়াছেন।

বক্তারা তাঁহাদের অগ্রাণু অনেক কাজ  
সত্ত্বেও স্কুলের জন্ত যত্ন পরিশ্রম করিয়া  
থাকেন, মেয়েরা যদি আগ্রহ করিয়া শুনিয়া  
সেই মত কাজ করতে আরম্ভ করেন তাহা

হইলে তাহাদের সকল পরিগ্রহ সার্থক হয়। দুঃখের বিষয় এত সুযোগ থাকিতেও অনেকেই সেই সুযোগের সদ্ব্যবহার করেন না। অল্প বিকাল বেলা একেবারে ৩ ঘণ্টা বাহিরে থাকিতে অনেকের সুবিধা হয় না। বক্তৃতা একঘণ্টা হইলেও আসিতে ঘাইতে সময় সময় ৩ ঘণ্টার উপরও হইয়া যায়। কিন্তু হস্তায় একটী দিন ইচ্ছা করিলে কি সংসারের ব্যবস্থা করিয়া বাহির হওয়া যায় না, বাহির হওয়া কি খুব দরকার নয়? আর একটি নিবেদন মহিলাদের কাছে যে তাঁহারা যেন গাড়ী অনেকক্ষণ করিয়া দাঁড় করাইয়া না রাখেন তাহাতে অগাধ সকলেরই ক্ষতি হয়। বাহাদের বাড়ীতে গাড়ী আছে তাঁহারা অনুগ্রহ করিয়া নিজেরা আসিলে তো তাঁহাদের সময় বাঁচে এবং স্কুলেরও উপকার হয়। যেমন করিয়াই হোক শিখিবার এই সুযোগগুলি যেন বুখায় না যায় তাহার চেষ্টা সকলেরই করিলে ভাল হয় না কি?

### শৈল্পিক রহস্য।

সম্রাতি আমেরিকার যুক্তরাজ্য সকলের অন্তর্গত ওয়াশিংটন নগরে এক ব্যক্তি একটি ডাকবহন যন্ত্র (পেটেন্ট) একচেটিয়া করিয়া লইয়াছেন। এই যন্ত্রের যোগে ইপ্সাত নির্মিত চাকাশূণ্য গাড়ী বায়ুপথে ষটায় পাঁচশত মাইল ঘাইতে পারিবে। চুম্বকের আকর্ষণ পরীক্ষা করিতে যে তদ্বিপরীত একটী শক্তির প্রকাশ হয়

তাহার যথাযথ ব্যবহার দ্বারাই এই অত্যাশ্চর্য্য কার্য্য সম্পন্ন হইবে। নিউইয়র্কের বৈদ্যুতিক ইঞ্জিনিয়ার এমেল বেকেলেট এই যন্ত্রের আবিষ্কারক। পরীক্ষার সফলতা প্রদর্শনের জগু একটি ক্ষুদ্র আকারের যন্ত্র প্রস্তুত করা হইয়াছে। এই নমুনা যন্ত্রটি সহজে সকলেই বুঝিতে পারে। ইহা দ্বারা ডাকের চিঠিপত্র ষটায় তিনশত মাইল ঘাইতে পারে। আশ্চর্য্যের বিষয় এই যে, এই গাড়ী চালাইলে বায়ুপথে চলিবে, অথবা স্থির হইয়া বায়ুতে ভাসিয়া থাকিবে। কখনও ভূমিতে পড়িয়া যাইবে না। ইঞ্জিনিয়ার বেকেলেট তাড়িত ও চুম্বক আকর্ষণের কার্য্য পরীক্ষা করিতে করিতে দেখিতে পাইতেন যে যদিও প্রায় সমস্ত ধাতু চুম্বকের দ্বারা আকৃষ্ট হয়, এলিউমিনিয়াম ধাতু চুম্বকের শক্তি দ্বারা দূরে নিক্ষেপিত হয়। বেকেলেট পরীক্ষার জগু ৬ইঞ্চ লম্বা ৬ইঞ্চ চওড়া ও অর্ধ ইঞ্চ পুরু একখানি এলিউমিনিয়াম পাত প্রস্তুত করিয়া তাহা চুম্বকশক্তিপূর্ণ কতকগুলি জড়ান তারের উপর স্থাপন করেন তাহাতে গুরুভার ধাতুখণ্ড তৎক্ষণাত্ কতক দূর উর্দ্ধে উঠে এবং সেখানেই থাকিয়া যায়। চুম্বকশক্তি যত বাড়ান হয়, ধাতু খণ্ড তত উর্দ্ধে উঠে এবং চুম্বকশক্তি বন্ধ করিয়া দিলে, মাধ্যাকর্ষণের প্রভাবে ভূগতিত হয়। এই দ্রব্যগুণের জ্ঞান লাভ করিয়া বেকেলেট উপরি উক্ত যন্ত্রটি প্রস্তুত করিয়াছেন।



মাসিক পত্রিকা।

“যত্র নারীস্তু পূজ্যন্তে হমন্তে তত্র দেবতাঃ।”

১০শ ভাগ ] আশ্বিন, ১৩১৯। অক্টোবর, ১৯১২। [ ৩য় সংখ্যা।

### প্রার্থনা।

হে আনন্দময়ী জননী, তুমি সকল মঙ্গলাশীর্ষাদ লইয়া প্রত্যেক নর নারীর সঙ্গে বর্তমান রহিয়াছ এবং প্রত্যেক পরিবারে বিরাজ করিতেছ, একথা তোমার সাধু ভক্ত সন্তানগণ জগৎকে বলিয়া গিয়াছেন এবং তুমি বিশেষ রূপা করিয়া আমাদের মত পাপী অধম সন্তানকেও নিজমুখে বলিয়াছ। আমরা তাই বালিতে লিখিয়াছি, আমরা আমাদের পরম জননীর ক্রোড়ে নিশ্চিন্ত হইয়া বাস করিয়া এবং তাঁহার মঙ্গল ইচ্ছা জীবনে পূর্ণ করিয়া গুরু ও স্বামী হইব। কিন্তু দেখ, সর্বদর্শী দেবতা, আমরা এখনও মোহ মায়া, স্বার্থ ও অহঙ্কার লইয়া ব্যস্ত রহিয়াছি, আমাদের জীবনে ও পরিবারে তোমাকে স্থান দান করি নাই, ও বিপদ পরীক্ষার সময় তোমার মঙ্গলপ্রদ অভয় চরণ স্পর্শ করিতে পারি না। আমরা এখন বিলক্ষণ

রূপে অল্পভব করিতেছি যে আমরা যত বড় বড় কথা বলি না কেন, আমাদের প্রকৃত অবস্থা অতি হীন; আমরা সপরিবারে তোমার পরিজ্ঞানপ্রদ ধর্ম বিশ্বাস করি, একথা কেবল মুখের কথা মাত্র—ইহাতে আমাদের কোন উপকার হইতেছে না, জগতেরও উপকার হইতেছে না। তুমি রূপা করিয়া যে বিশ্বাসধনের সংবাদ আমাদের দিয়াছ তাহা এখন না পাইলে আমাদের কিছুতেই চলে না। প্রকৃত ধর্মপরায়ণ জীবনে ও পরিবারে কত নিশ্চিন্তভাব, কত শান্তি, কত সুখ তাহা চিন্তা করিয়া তোমার চরণ ধরিয়া প্রার্থনা করি তুমি তোমার প্রত্যেক কণ্ঠকে ও প্রত্যেক পুত্রকে আত্মপরিচয় দেও, এবং তোমার অনুগত করিয়া লও যে তাঁহারা তোমার মঙ্গল ক্রোড়স্পর্শ অল্পভব করিয়া নিশ্চিন্ত হইয়া তোমার মঙ্গল কার্য্য সাধন করিতে করিতে তোমার আনন্দরাজ্যের দিকে অগ্রসর হইতে পারেন। হে

কৃপাময়, তুমি নিজ কৃপায় তোমার কৃত্য-  
গণকে ও পুত্রগণকে যে ধর্মরাজ্যের পূর্বা-  
ভাস দান করিয়াছ, কৃপা করিয়া এখন  
সকলকে সেই রাজ্যে লইয়া যাইয়া কৃতার্থ  
কর এই তোমার চরণে প্রার্থনা ।

### বঙ্গদেশে নারীজাতির অবস্থা ।

বঙ্গদেশে বর্তমান সময়ে মহিলাকুলে  
ছই প্রকার মহিলা দৃষ্টিপথে পতিত হন ।  
যাঁহারা বর্তমান সময়ের আদর্শনুসারে  
বি এ, এম এ, এবং ইন্টারমিডিয়েট ও  
এন্ট্রান্স বা ম্যাট্রিকুলেশন পরীক্ষায় উত্তীর্ণ  
হইয়াছেন, যাঁহারা মাইনর ছাত্রবৃত্তি  
কি তন্নিম্নবর্তী পরীক্ষায় উত্তীর্ণ এমন  
পৌঢ়াবস্থা, যুবতী ও বালিকার সহিত  
অনেক সময়ে সাক্ষাৎ হয় । আবার ভদ্র  
ও শিক্ষিত শ্রেণীর মধ্যে অগ্ৰ্যপি অক্ষর-  
জ্ঞানশূন্য রমণীর লোপ পায় নাই । একপ  
বিদ্যাশূন্য নারীগণের অনেকে বিলক্ষণ  
বুদ্ধিমতী ও সাধারণ জ্ঞান প্রকাশ করিয়া  
থাকেন । তাঁহাদের গৃহকর্মের দক্ষতা,  
স্বপকারের কার্যে নিপুণতা এবং হৃদয়ের  
ঐদার্য্য ও মনের তেজ দেখিয়া তেমন  
পণ্ডিত লোকও তাঁহাদিগের নিকট নত-  
শির হইয়া থাকেন । বঙ্গদেশে উক্ত ছই  
শ্রেণী ভিন্ন আরও এক শ্রেণীর রমণী  
আছেন যাঁহারা আত্মচরিত্রে বাঙ্গালা  
ভাষা লিখিয়া সর্বদা অবসরকাল গ্রন্থপাঠে  
যাপন করেন । তাঁহাদের কাহারও কাঁহা-  
রও পাঠ্যরূপে যেমন অদ্ভুত, স্মৃতিশক্তিও  
তেমনি আশ্চর্য্য । তাঁহারা কিছু লেখা

পড়া জানেন বলিয়া প্রায় কেহ জানে না ;  
অথচ তাঁহাদের সহিত আলাপ করিলে  
বুদ্ধিতে হয় যে কাঁহারা বর্তমান সময়ের  
প্রচারিত জ্ঞানের অনেক তত্ত্ব হৃদয়-  
ভাণ্ডারে সঞ্চয় করিয়াছেন । ইঁহারা  
সকলেরই প্রশংসাম্পদ এবং শ্রদ্ধাম্পদ ।  
জ্ঞানালোচনার উদ্দেশ্য যদি জ্ঞানতৃষ্ণার  
দ্বারা সার্থকতা প্রাপ্ত হয়, তবে উঁহাদের  
জীবনে তাহা সফল হইয়াছে । ইঁহাদের  
কেহ কেহ অতি সুন্দর চিন্তাপূর্ণ প্রবন্ধাদি  
লিখিতে ক্ষমতা লাভ করিয়াছেন, কেহ  
কেহবা সুন্দর সুন্দর কবিতাও রচনা  
করিয়া থাকেন ।

রীতিমত যে সকল ললনা স্কুল কলেজে  
অধ্যয়ন করেন, বলিতে হুঃখ হয় যে, তাঁহা  
দের অনেকে অধ্যয়ন বা সচ্চিন্তায় তেমন  
অনুরাগ প্রকাশ করেন না । এমন  
শিক্ষিতা জননীও দেখা যায় যিনি আপন  
সন্তানের সুশিক্ষা বিধানে অল্পমাত্র আয়া-  
সও স্বীকার করিতে চাহেন না । তাঁহাদের  
সন্তানগণও শিক্ষার প্রতি তেমন অনুরাগী  
নহে । মাতা শিক্ষিতা হইলেই সন্তান  
যে সুশিক্ষিত হইবে একথা ঐরূপ দৃষ্টান্ত  
দেখিয়া কে স্বীকার করিবে? অথচ  
অক্ষর জ্ঞানশূন্য মুখ অথচ কর্মদক্ষ তেজ-  
স্বিনী অনেক বঙ্গমহিলার সন্তানগণ বিদ্যা,  
বুদ্ধি ও ক্ষমতায় বিলক্ষণ বিখ্যাত হইয়া-  
ছেন ।

অর্দ্ধ শতাব্দী কাল পূর্বে এতদেশে  
নাগরিক জীবনে অনেকের স্পৃহা লক্ষিত  
হইত না । ব্যবসায়ীলোকদিগের অনেকে  
নগরে বাস করিত । যাঁহারা বিদ্যাধ্য-

সায়ী, তাঁহাদের বাস গ্রামে ছিল । গ্রাম্য  
জীবন তাঁহারা পছন্দ করিতেন । গ্রামস্থ  
প্রতিবেশীদিগের মধ্যে সদ্ভাব ও সখ্যভূক্তি  
ছিল । নানা বিষয়ে পরস্পরকে পরস্প-  
রের সাহায্যের উপায় নির্ভর করিতে  
হইত । গ্রামবাসিনী অনেক সন্তানহীন  
বিধবা নানাক্রমে অপরের সেবা করিয়া  
সুখী হইত । অনেক বিধবা এইরূপে  
সেবারতে জীবন সফল করিত । যে  
উৎকৃষ্ট পাচিশ মাসে নানাভাঙিতে পাক-  
কর্মের শরীর খাটাইয়া যেমন অপরকে  
তেমন নিজেকে সুখী করিত । আমরা  
স্বচক্ষে দেখিয়াছি একটা ভদ্রকুলের বিধবা  
মহিলা অকাতরে নিজে অনাহারে থাকিয়া  
ও রোগীর সেবা শুশ্রূষা সুন্দররূপে করিতে  
পারিতেন । যে কোন গৃহে যে কেহ  
কঠিন রোগগ্রস্ত হইত তিনি সংবাদ পাইবা  
মাত্র তথায় উপস্থিত হইতেন এবং সুস্থতা  
লাভ পর্যন্ত সেই রোগীর সেবায় রত  
থাকিতেন ।

কোন মহিলা স্বভাবতঃ ধাত্রীকার্যে  
পটুতা লাভ করিয়াছেন । আমরা ভদ্র  
শ্রেণীর মধ্যে একরূপ মহিলা দেখিয়াছি ।  
গ্রামে যে কোন গৃহে কোন প্রসূতির  
প্রসবকাল উপস্থিত হইত, তিনি সংবাদ  
পাইলে তথায় উপস্থিত হইয়া নিরাপদে  
প্রসব করাইবার জন্ত সর্বপ্রকারে যত্নবতী  
হইতেন । অথচ ইহা তাঁহার ব্যবসায়  
নহে, অথবা ইহাধারা তিনি অর্থোপার্জন  
করিতেন না । কিন্তু শিক্ষা বিস্তারের  
সঙ্গে সঙ্গে একরূপ নিঃস্বার্থ সেবার জালসা  
যদি নগরনারীগণের জীবনে আধিপত্য

বিস্তার না করে তবে শিক্ষার উদ্দেশ্য  
সম্যক সফল হইল একথা কি বলা যায় ?  
ধর্ম নিষ্ঠা ও ধর্মের জন্ত অসাধারণ  
ক্রেতাকারের গুণ বঙ্গদেশে রমণী সমা-  
জেই বিশেষরূপে দেখা যাইত । অত্যাধি  
ইহা একেবারে বিলুপ্ত হয় নাই । পরন্তু  
বর্তমান প্রণালীর শিক্ষা বিস্তারের সঙ্গে  
সঙ্গে ধর্ম নিষ্ঠা ও আস্থা যদি বলবতী  
না থাকে তবে লোকে শিক্ষার প্রস্তাবকে  
নাশ্তিকতার প্রস্তাববৎ বোধ করিবে ।  
ইংরাজীতে একটি কথা আছে Science  
advancing, God retreating অর্থাৎ  
বিজ্ঞানের যত উন্নতি ঈশ্বরের তত বিলুপ্তি,  
এদেশে কি নারীজাতির জ্ঞানোন্নতি দ্বারা  
ধর্মনিষ্ঠার বিলুপ্তি হইবে ?

আমরা অতীত ও ভবিষ্যতের সংযোগ  
স্থলে দণ্ডায়মান হইয়াছি । আমাদের  
দেশে রমণীসমাজে ঘোর পরিবর্তন আরম্ভ  
হইয়াছে । প্রাচীন মহিলাকুলের বিদ্যা-  
হীনতার মধ্যে যেকরূপ মহৎ গুণ সকল  
প্রকাশ পাইত, অধুনা বিদ্যাল্যানুবিবন্ধন  
যদি তৎপ্রতি উপেক্ষা জন্ত তাহা মহিলা-  
চরিত্রে স্থান প্রাপ্ত না হয় তবে আমরা কি  
সমূহ ক্ষতি বোধ করিব না ? কৃষক যখন  
আপনার ক্ষেত্রজ শস্যের সহিত বাসবুদ্ধি  
দেখে তখন সাবধানে বাসরাশি উন্মূলিত  
করিয়া দূরে নিক্ষেপ করে এবং শস্য বর্ধিত  
হইতে দেয় । সেইরূপ উদয়ীমান নবীন  
মহিলাকুলে যাহা দোষ তাহা পরিহার-  
পূর্বক বিদ্যার সহিত সঙ্গুণরাশি পরি-  
বর্ধিত হইতে দিতে হইবে । একারণে  
বর্তমান বঙ্গীয় নারীসমাজে দোষ গুণের

আলোচনা এবং গুণের আদর করিতে হইবে। যে সকল গুণ ও সততা প্রাচীন মহিলাদিগের মধ্যে প্রকাশ পাইত সে সকল গুণ নবীনাদিগের হৃদয় ক্ষেত্রে যাহাতে উদ্ভূত হইতে পারে তৎক্ষণাৎ কিঞ্চিৎ যত্ন করা কি কতবা নহে ?

### জেনারেল বৃথ ।

আকাশের একটি উজ্জ্বল নক্ষত্রের স্থায় জেনারেল বৃথের জীবনালোক আমাদেবর দৃষ্টি পথ হইতে অপসারিত হইয়াছে। সে জীবনের আলোক কত নিরাশ, ভগ্ন, আশ্রয়শূন্য জীবনতরীকে পথ দেখাইয়া মুক্তির পথে লইয়া গিয়াছে! জেনারেল বৃথের জীবনকাহিনী আরম্ভ হইতে শেষ পর্য্যন্ত এক বৃহৎ সংগ্রামের কাহিনী। সে সংগ্রামের প্রাচীন অস্ত্র পেম। তাঁহার বিশাল উদার বিশ্বাসী হৃদয় মানব সাধারণের কল্যাণের নিমিত্ত পেমের ধারায় বিগলিত হইয়া সকলকে অভিষিক্ত করিতে চাহিয়াছে। বার্ককেও তাঁহার উৎসাহ ও আগ্রহের বিন্দুমাত্র হাস হইয়া নাট; গির্জায়, পথে, গৃহের বারান্দায় যখন যখন গিয়াছেন সেখানে জনমণ্ডলীকে পরিভ্রমণের সংবাদ দান করিয়াছেন ও আশ্চর্য্য শক্তিতে সকলকে অকর্ষণ করিয়াছেন। তাঁহার শুভ্র কেশ ও কুঞ্চিত ললাটের নিম্নে যৌবনের উৎসাহে দীপ্ত নয়ন-দ্বয় অন্তরের কি গভীর ভাবে প্রতিভাত হইত! তাঁহার দীর্ঘ দেহ বার্ককেও অন্তরের সরল বিশ্বাসে যুবকের স্থায় সবল

ও শক্তিশালী ছিল। জীবনের বে মতঃ কার্য্যে তিনি ব্রতী হইয়াছিলেন তাঁহার দেহ, মন, আত্মা, তিনিই তাহার উপযোগী ছিল। যে পতিতোক্লার-ব্রত মুক্তিক্ষেত্র ( Salvation army ) গ্রহণ করিয়াছিলেন জেনারেল বৃথ তাহার সত্য-বতঃ মনোনীত নায়ক ছিলেন। সে পেমের স্রোতে ভাসিয়া একদিন নবদীপে খ্রীষ্টেতত্ত্বদেব সকলকে পেমাস্রোতে অভিষিক্ত করিয়া ভক্তির তরঙ্গে ভাসাইয়াছিলেন, যে পেমের আবেগে তিনি অত্যাচার সহ্য করিয়া চলিয়াছিলেন, “মার্ব্বে মার্ব্বে কলসীর কানা, তাই বলে কি পেম দেবনা?” সেই পেম জেনারেল বৃথের হৃদয়ে জাগিয়া উঠিয়াছিল, ও প্রবাহের স্থায় পতিতের উদ্ধারের নিমিত্ত বহিয়া গিয়াছিল। কত লাঞ্ছনা অত্যাচার সহিয়া তিনি অত্যাচারীদের নিকটে বার বার গিয়াছেন ও মুক্তির বার্তা অক্রান্তভাবে শুনাইয়াছেন। তাঁহার জীবনের কার্য্য তরুণ বয়সেই আরম্ভ হইয়াছিল। ১৮২৯ সনে ভ্রমগ্রহণ করিয়া তিনি ১৫ বৎসর বয়সে খ্রীষ্টীয় ধর্ম্মাক্রান্ত হই সমাজের উপাসনা প্রণালীর তুলনা করিয়া মেথডিস্ট ( Methodist ) সম্প্রদায়ের প্রণালী অধিকতর হৃদয়গ্রাহী বলিয়া সেই দলে প্রবেশ করিয়াছিলেন। এই সময়েই সাধারণ লোকদিগের নিকটে সরল ভাষায় ধর্ম্ম প্রচার করিবার আকাঙ্ক্ষা তাঁহার মনে জাগ্রত হয়। একজন বিখ্যাত এমেরিকান ধর্ম্মপ্রচারকের পস্থা অবলম্বন করিয়া তিনি এবং তাঁহার কতিপয় বন্ধু সাধারণের

মধ্যে সভা করিয়া বক্তৃতা করিতে লাগিলেন। সর্বসাধারণকে ধর্ম্মের পথে আসিবার নিমিত্ত আহ্বান করিতে লাগিলেন। এবং দরিদ্র ও পীড়িতদিগের সাহায্য ও সেবা করিতে প্রবৃত্ত হইলেন। ওয়েসলিয়েন ( Wesleyan ) সম্প্রদায় তাঁহার ধর্ম্মোৎসাহ দেখিয়া তাঁহাকে প্রচারের কার্য্যে নিযুক্ত করিলেন। তিনি কিছুদিন পরিশ্রম স্বীকার করিয়া এই কার্য্য করিলেন, পরে ও সম্প্রদায়ের মধ্যে মতবিরোধ হওয়ায় তিনি সেই দল হইতে বিচ্ছিন্ন হইয়া নিজে সতন্ত্রভাবে কার্য্য করিতে প্রবৃত্ত হইলেন। এইরূপে বৃথ মেথডিস্ট সম্প্রদায় হইতে পৃথক হইয়া তাঁহার অনুগত সাধবী পত্নী ও চারিটি সন্তান লইয়া আপনাব বিশ্বাসের উপর নির্ভর করিয়া সত্যপ্রচারের নিমিত্ত দণ্ড যমান হইলেন। এই সঙ্কটের অবস্থায় ঈশ্বরের প্রতি গভীর বিশ্বাস তাঁহাদিগকে পরিত্যাগ করে নাই। বৃথের বাক্য ও কার্য্যে সাধারণের হৃদয় জাগ্রত হইয়া উঠিল। শত সহস্র লোক তাহা সাগ্রহে শুনিতে লাগিল। কিন্তু নানা স্থানে হুরাচার লোকদিগের নিকটে তাঁহাকে অত্যাচার ও দৈহিক আঘাতও সহ্য করিতে হইত! কত রজনী বৃথপত্নী চিন্তাকুল হৃদয়ে স্বামীর আগমন প্রতীক্ষা করিয়া ভাবিয়াছেন বৃষ্টি ছবৃহৎগণ তাঁহাকে প্রহার করিয়া দেহের কোনও অঙ্গ ভগ্ন করিয়া দিয়াছে তাই ফিরিতে বিলম্ব হইতেছে, রাস্তায় সামান্য শব্দ শুনিয়া চকিত হইয়া উঠিতেছেন বৃষ্টি আঘাতপ্রাপ্ত বৃথকে লোকেরা বাহিয়া ঘরে আনিতেছে। পরে

কত অসংযতচিত্র, মত্তপায়ী, দম্বা তাঁহার বাক্যে পাপপথ হইতে ফিরিয়া আসিয়া তাঁহাকে অনুসরণ করিয়াছে। সাধারণ লোক ক্রমে দলে দলে আসিতে লাগিল। বৃথ নিয়মপ্রণালী প্রণয়ন করিয়া তাহাদিগকে আবদ্ধ করিলেন। দ্বিপ্রহরের তাপে অথবা তীব্র শীতের রাত্রিতে যখন সকলে আশ্রয় অনুসন্ধান করিতেছে, বৃথ এবং তাঁহার দলের রক্তবর্ণ পরিচ্ছদ পরিহিত স্ত্রী পুরুষ চিহ্নিত টুপি মস্তকে পরিয়া রক্তবর্ণ পতাকার চারিদিকে মণ্ডলাকার হইয়া দাঁড়াইয়া গান গাইতেছে, প্রার্থনা ও বক্তৃতা করিতেছে। এবং বিক্রমকারী ও ছুটলোকের তিরস্কার সহিয়া তাহাদিগকে সাদরে আশ্রয় জানাইতেছে ও পরিভ্রমণের (salvation) বার্তা শুনাইতেছে। তাহার ফলে কত মত্তপায়ী মত্তপান নিবারণের ভার গ্রহণ করিল, কত পতিতলোক পতিতোক্লার কার্য্যে ব্রতী হইল, কত অহুতপ্ত স্ত্রীলোক হাঁটু পাতিয়া মণ্ডলীর সভার সমক্ষে নূতন ব্রতে দীক্ষা গ্রহণ করিয়া, পরিভ্রমণ লাভের নিমিত্ত ব্যাকুল হইল। লণ্ডন সহরের নিকট অবস্থাপন্ন শত সহস্র লোক কলকারখানার মজুরশ্রেণী, আমেরিকার কানাডাবাসী অসংখ্য লোক, এবং পৃথিবীর ৫০টি দেশে যেখানে মুক্তিসৈন্তের কার্য্যস্থান প্রসারিত হইয়াছে প্রত্যেক স্থানেই জেনারেল বৃথের কার্য্যের এবং তাঁহার মুক্তিক্ষেত্রের মুক্তির বার্তা প্রচারের জ্বলন্ত সাক্ষ্য প্রদান করিতেছে। কেবল যে শত সহস্র লোক তাঁহার দলে

আসিয়াছে তাহা নয় কিন্তু তিনি আপনার বিশ্বাস তাহাদিগকে প্রদান করিয়া জীবনে ধর্মসাধনের আদর্শ প্রদান করিয়াছেন। খ্রীষ্টবিশ্বাসী যাত্রিদলের মত তাহার উন্নতির পথে নববিশ্বাসে চলিয়াছে।

ধর্মের এই নবভাব যাহা বুথের হৃদয়ে ফুটিয়া উঠিয়াছিল তাহা পৃথিবীর একদেশে বদ্ধ হইয়া থাকিবার নয়। ইহার সার্ব-ভৌমিক ভাব জগতের নিকটে প্রচারের নিমিত্ত বুথ অগ্রসর হইয়াছিলেন। তিনি আপনাকে কোনও একদেশের লোক মনে করিতেন না; তিনি সকল দেশের ও সকল জাতির কার্যে আপনাকে দান করিয়াছিলেন। জীবনের সকল অবস্থায় তিনি মনে করিতেন ঈশ্বর যাহার সহায় তার একাই সহস্রের শক্তি, এই বিশ্বাসে আপনাকে জগতের সেবায় নিযুক্ত রাখিয়াছিলেন এবং মুক্তিক্ষেত্রের দলকে পুষ্ট করিয়া গিয়াছেন। সকল অবস্থায় প্রার্থনা তাঁহাকে বল প্রদান করিয়াছে, পথ প্রদর্শন করিয়া দিয়াছে।

এই কর্মমগ্ন জীবনের কাহিনীর সহিত আর একটি জীবনের বৃত্তান্ত অতি ঘনিষ্ঠ-ভাবে সম্বন্ধ; যে জীবনের গাঢ় আবেষ্টন ও সহায়তা ভিন্ন বুথের কার্যে এত সফলতা লাভ করিতে পারিত না। সেটি তাঁহার পত্নী ক্যাথারিন। এই দুটি জীবনের মিলনকে একজন গঙ্গা ও যমুনার মিলিত ধারার পূর্ণ প্রবাহের সহিত তুলনা করিয়াছেন। এমন দুটি এক ভাবাপন্ন জীবনের দৃষ্টান্ত বিরল। সংসারে ধর্ম-সাধনের আদর্শ ইঁহাদের জীবনে পূর্ণ

বিকশিত হইয়াছিল। বুথের পত্নীর সম্বন্ধে না বলিলে জেনারেল বুথের জীবনের এক অংশ অপ্রকাশিত থাকিয়া যায়।

এত অত্যাচার সহ করিয়া বুথ যে কাণ্ড সম্পাদনে ব্রতী হইয়াছিলেন তাহার পশ্চাতে মিসেস বুথের জীবনের শক্তি ও প্রভাব কার্য্য করিতেছিল। জেনারেল বুথের পত্নী, পতির সহিত সমভাবাপন্ন হইয়া যোগদান করিয়াছিলেন। তিনি পরে মদ্রপায়া, ছুরাচার লোকদিগের নিকটে বুথের আদেশে বক্তৃতা করিতে লাগিলেন। তাঁহার বক্তৃতার আকর্ষণী শক্তিতে ফল ফলিতে লাগিল। শত শত লোক আকৃষ্ট হইয়া পড়িল। যে দিন বুথ Wesleyan সম্প্রদায় পরিত্যাগ করিলেন সেদিন তাঁহার পত্নীর প্রভাবই বিশেষ কার্য্যকরী হইয়াছিল। এই দুই জীবনের মিলনের ইতিহাস ও অতি আশ্চর্য্য ঘটনায় পূর্ণ। মিসেস বুথ বলিয়াছেন—“আমি আমার ভাবী স্বামীর একটি প্রতিকৃতি পূর্বেই মনে মনে আঁকিয়া রাখিয়াছিলাম, তিনি দেখিতে কিরূপ, কেমন লম্বা, কেমন প্রকৃতিবিশিষ্ট হইবেন, উলিয়ম নামের প্রাতি ও পূর্বেই আমার আকর্ষণ ছিল।” মিষ্টার বুথ এ সকল বিষয়েই মিসেস বুথের আকাজক্ষার অনুযায়ী হইলেন; এবং পরস্পরের মধ্যে ধর্মসংক্রান্ত ও কার্য্যজনিত পরিচয় শীঘ্রই ঘনিষ্ঠতর পরিচয়ে পরিণত হইল। মিসেস বুথের বাল্যজীবনের একটি ঘটনা তাঁহাকে পরসময়ে সাধারণ লোকের জননীর পদে অভিষিক্ত হইবার পূর্নাভাস প্রদান করে। যখন ১২ বৎসর মাত্র বয়স

একদিবস বাড়ীর দ্বারে দাঁড়াইয়া মিসেস ক্যাথারিন মামফোর্ড দেখিলেন—পুলিশ একটি মাতালকে ধরিয়া লইয়া যাইতেছে এবং একদল লোক তাহার পশ্চাতে তাহাকে ঠাট্টা করিতে করিতে চলিয়াছে সেই মাতালের নিরাশ্রয় এবং কাতর দৃষ্টি দেখিয়া সেই বালিকার হৃদয়ের মাতৃভাব জাগিয়া উঠিল। ছুটিয়া গিয়া তিনি মাতালের হাতে আপনার ছোট্ট হাতখানি স্নেহে রাখিয়া তাহার সহিত থানায় চলিলেন; এবং তথায় গিয়া তাহার মুক্তিলাভ পর্য্যন্ত সঙ্গে রহিলেন। সেই বালিকা-হৃদয় পরজীবনে সাধারণের প্রতি উদার-স্নেহে পূর্ণ হইয়া মুক্তিক্ষেত্রের জননীর পদে আপনাকে অভিষিক্ত করিয়াছিল। মিসেস বুথ লিখিয়াছেন, “আমি এক সময়ে একটি ভগ্ন কুঠীরে জীর্ণকস্থায় শায়িতা একটি স্ত্রীলোক ছুটি যমজ সন্তান প্রসব করিয়া একা পড়িয়া আছে দেখিতে পাই শিশুসন্তান দুটিকে একটি ভগ্নপাত্রে স্নান করাইয়া দিতে দেখিয়া তাহাদের জননী ছিন্ন-কস্থার ভিতর হইতে আমাকে কি ক্রতজ্ঞতাপূর্ণ দৃষ্টিতে নিরীক্ষণ করিতে লাগিল, আমি তাহা আজিও বিশ্বস্ত হইতে পারি নাই। মিষ্টার ও মিসেস বুথ এইরূপে সেবার কার্য্য করিয়া গিয়াছেন।

মিসেস বুথ জেনারেল বুথের পূর্বে পরলোকে গমন করিয়াছিলেন। সেদিন জেনারেল বুথ ৮৪ বৎসর বয়সে দীর্ঘ-জীবনের কার্য্যের পরে চিরবিশ্রাম লাভ করিয়াছেন। বুথ গিয়াছেন, ইংলণ্ডে

সেদিন রাজসম্মানে তাঁহার কবর দেওয়া হইয়াছে। ৫ হাজার মুক্তিক্ষেত্রের দল, শোকবাণ্ড বাজাইয়া তাঁহার শবের পশ্চাতে পশ্চাতে কবরস্থানে গিয়াছিল। যে বুথ প্রথমে লণ্ডন সহরে একটি পুরাতন কবরস্থানে তাঁবু পাতিয়া বক্তৃতা আরম্ভ করিয়াছিলেন, সামান্য লোকদিগের নিকটে কত অত্যাচার সহ করিয়াও ফিরেন নাই, আজ পৃথিবীতে তাঁর কি স্মৃতিহং দল! এই ভারতবর্ষেও দুই সহস্রের অধিক সংখ্যক নরনারী তাঁর দলভুক্ত। মুক্তিক্ষেত্র সর্বত্র মুক্তির বার্তা বহিয়া লইয়া গিয়াছে। সামান্য সর্ব্বা-কণার মত বিশ্বাস পর্ব্বতকে টপাইতে পারে ধর্মের ইতিহাসে তাহার দৃষ্টান্ত বিরল নহে।

জেনারেল বুথ কর্তব্যসাধনে প্রবৃত্ত হইয়া কখনও বিশ্রাম স্তব্ধ ভোগ করেন নাই। একজন ইংরেজ বলিয়াছেন, কর্মের মধ্যে যে বিশ্রাম তাহাই শাস্তি প্রদ — নিম্নে প্রকাণ্ড জলস্রোত গভীর গর্জনে বহিয়া যাইতেছে, তীরস্থিত একটি বৃক্ষের শাখা সে জলস্রোতকে নত হইয়া যেখানে স্পর্শ করিতেছে তাহার উপরে একটি বিহঙ্গ নিশ্চিতভাবে বিশ্রাম লাভ করিতেছে! বুথের জীবনেও তেমনি, কর্মের স্রোতের পার্শ্বেই তাঁহাকে বিশ্রাম লাভ করিতে হইয়াছে; এখন তিনি চিরবিশ্রাম লাভ করিয়াছেন।

সকল দেশে ও কালে ধর্মের ও সামাজিক উন্নতির স্রোত যখন মন্দ হইয়া যায়, সেই সময়ে এক এক জন কর্মী সে

শ্রোতকে প্রবাহিত করিবার নিমিত্ত অগ্রসর হন। তাঁহাদিগের অশ্রুভাব গভীর রহস্যে পূর্ণ। জেনারেল বৃথ এই-রূপ আত্মরিক পেরণায় পতিতোক্কার কার্যে এই সভাজগতের প্রধান সহর লগুনে কার্যে প্রবৃত্ত হইয়াছিলেন। তিনি সংসারে ধর্মকে প্রতিষ্ঠা করিতে চেষ্টা করিয়াছেন। তিনি আপনাকে সন্ন্যাসী করেন নাই। গৃহ পরিবারের মধ্যে সামান্য অবস্থার ভিতরে ধর্মজীবন লাভের পথ প্রদর্শন করিয়া গিয়াছেন। বিংশ শতাব্দীতে লোক প্রেরিত মহাপুরুষদিগের পদাঙ্ক অনুসরণ করিতে গিয়া সাধারণ মানুষের ভিতরে ধর্মের প্রাণ জীবন্তভাবে দেখিতে চায়। জেনারেল বৃথ সেই দৃষ্টান্ত রাখিয়া গিয়াছেন।

### আমাদের অতীত ও ভবিষ্যৎ।

বর্তমান সময়ে পরিবার ও সমাজের আদর্শ দেশের আলোচ্য বিষয় হইয়াছে। পরিবার ও সমাজ এই দুইয়ের সম্মিলিত কার্যশ্রেণিতে মানব জীবনকে উন্নতির দিকে অগ্রসর করিতেছে। এক সময়ে সমাজ ও পরিবার ভিন্ন ভিন্ন পথে কার্য করিত; উন্নতির লক্ষ্যে বিভিন্ন গতিতে চলিত কিন্তু সভ্যদেশসমূহ, প্রাচীন গ্রীষের কাল হইতে ইহা বুঝিয়াছিল—“মানুষ সামাজিক জীব। তাহাকে কেবল পরিবারে শিক্ষিত করিলে তাহার পূর্ণ মনুষ্যত্ব বিকাশ লাভ করেনা, প্রাচীন স্পার্টানদিগের মত তাহার জীবন শুধু সমাজের ও দেশের সেবার জন্ত লক্ষ্য-

বধি বিক্রীত হইতে পারেনা। যে মাতৃ-কোলে শিশু জন্মলাভ করে তাহাদের মধ্যে তাহার পথম জ্ঞান লাভ হয়, যাহাদের সম্বন্ধে সে জগতে আপনাকে পরি-চিত করিতে পারে তাহাদের সহিত তাহার সর্বশ্রেষ্ঠ সম্বন্ধ, তাহাদের প্রতি তাহার সর্বপ্রধান কর্তব্য। কিন্তু জীবনের উন্নতি-সাধন, আদর্শজীবনগত, যাহা মানব সমাজকে উন্নতির দিকে লইয়া যাইবে, সে জীবন কোথায় কিরূপে বিকশিত হইবে অর্থাৎ এ প্রশ্ন চারিদিকে উঠিয়াছে।

আমরা অতীতের দিকে চাহিতেছি, ইতিহাস আলোচনা করিয়া জীবনের পথে অগ্রসর হইতে চেষ্টা করিতেছি। কিসে জীবন উন্নত হয় কোথায় সে উন্নতির ভিত্তিভূমি? ধর্ম, জ্ঞানে, কর্মে, স্বার্থ-ত্যাগে, দেশচর্চায়, পরসেবায় জীবনের ব্রত কিসে পালন হয়? পরিবারে, গৃহের প্রাঙ্গণে, সমাজে, বিদ্যালয়ে, সভা সমিতির মধ্যে ধর্মমণ্ডলীতে, কোথায় জীবন কুসুম অঙ্কুল বায়ুতে ফুটিয়া উঠিবে? রাম মোহন কি বলিয়া গেলেন? ভারতের নব যুগের প্রভাবে দাঁড়াইয়া পূর্বদিকে অঙ্কুল সঞ্চালন করিয়া কি বলিলেন? পশ্চিম গগনে তিনি সহসা অন্তমিত হইয়া গেলেন; শিক্ষা, সমাজ, পরিবার সম্বন্ধে কি বলিয়া গেলেন? পাশ্চাত্য জাতি ভারতবর্ষে নব আধিপত্য স্থাপন করিয়াছে, পাশ্চাত্য জ্ঞান দেশে বিস্তার লাভ করিতেছে, বৈদেশিক সভ্যতার তরঙ্গ এদেশের সভ্য-তার উপরে আসিয়া পড়িয়াছে, রাজা রামমোহন তাহা স্বচক্ষে দেখিয়াছেন।

তিনি পরিবার, সমাজ ও দেশ নবযুগের পরিবর্তনের মধ্যে গড়িয়া তুলিবার কোন পথ দেখাইলেন? তিনি স্বদেশে নব-লোকের জন্ত দ্বার খুলিয়া দিলেন। পাশ্চাত্য জ্ঞান বিজ্ঞানের আলোক রশ্মি প্রাচ্য গৃহ প্রাঙ্গণে পবেশ লাভ করিল। পাশ্চাত্য শিক্ষার প্রয়োজনীয়তা বুঝিয়া ভেভিডু হেয়ারের সাহচর্যে নিযুক্ত হইলেন। স্ত্রী শিক্ষার প্রয়োজনীয়তা প্রচার করিয়া গেলেন। কিন্তু তিনি পাশ্চাত্য জগতের সম্মুখে আপনার দারিদ্র্য লইয়া লইয়া দণ্ডায়মান হন নাই। এ দেশের জ্ঞানগরিমা লইয়া তিনি পাশ্চাত্য শিক্ষা ও সভ্যতার পাত্র গ্রহণ করিয়াছিলেন, ভিত্তিরীর বেশে তিনি স্বদেশকে অস্ত্রের কাছে তুলিয়া ধরেন নাই, কিন্তু ভারতের প্রাচীন সভ্যতা ও শাস্ত্র জ্ঞানের বিনিময়ে পাশ্চাত্য শিক্ষাকে গ্রহণ করিয়াছিলেন। স্বদেশকে আদর্শ দান করিয়া গেলেন, কিরূপে প্রাচ্য ও প্রতীচ্যের মিলন সাধিত হইবে। খ্রীষ্টান ধর্মের মাহাত্ম্য তিনি খ্রীষ্ট জীবনের মাহাত্ম্য স্বীকার করিয়াছেন, কিন্তু খ্রীষ্টান মিশনারীর মতিত তাঁহাদের কুসংস্কারাপন্ন মতসম্বন্ধে দ্বন্দ্ব নিযুক্ত হইতে কুঞ্জিত হন নাই। তাহার ফলে তিনি প্রাচীন শাস্ত্র সমূহ মন্বন করিয়া কত লুপ্ত-রত্ন উদ্ধার করিয়া রাখিয়া গিয়াছেন। সে সময়ে সে কার্যে তিনি হস্তক্ষেপ না করিলে আজিকার দিনে আমরা সমাজের অন্ধমূর্ত্তি দেখিতে পাইতাম। ভারতের চিন্তা, সমাজসভ্যতার স্রোত যে কদম্ব হইয়া পঙ্কিল হইয়া পড়ে নাই, রামমোহ-

নের উদ্ধার চিন্তা ও পাশ্চাত্যজ্ঞানলাভের নিমিত্ত চেষ্টা দেশকে সে বিষয়ে জাগ্রত করিয়া দিয়াছিল। পরে যাহারা সামাজিক প্রশ্নের নীমাংসায় প্রবৃত্ত হইয়াছেন তাঁহারাও ভবিষ্যৎ দৃষ্টিতে রাজা রাম-মোহনের চিন্তার অনুসরণ করিয়াছেন। মহাত্মা পণ্ডিত ঈশ্বর চন্দ্র বিদ্যাসাগর বিধবাবিবাহান্দোলনে নিযুক্ত হইলেন, সে সম্বন্ধে ঘোর প্রতিবাদের মধ্যে আইন পাশ করাইলেন। প্রাচীন আদর্শ নিজ-জীবনে অনুসরণ করিয়া ও তিনি সামাজিক ব্যবস্থার পরিবর্তনের আবশ্যকতা বুঝিয়া-ছিলেন ও কার্যতঃ তাহা সম্পন্ন করিয়া গিয়াছেন।

একদিকে সামাজিক জীবনে নূতন স্রোত প্রবাহিত হইল, অন্ডিকে পারি-বারিক জীবনে তাহার প্রভাব বিস্তৃত হইতে লাগিল। গৃহপরিবারে বৈদেশিক শিক্ষার তরঙ্গ স্পর্শ করিল। পরিবারিক জীবন, স্ত্রীশিক্ষা ও স্বাধীনতার প্রশ্ন গুলি তখন নীমাংসার বিষয় হইল। দেশে বিভিন্ন ধর্মের আন্দোলনের বাড় বহিতে লাগিল। একদিকে খ্রীষ্টান সম্প্রদায় বৈদেশিকের নব উৎসাহে ও উচ্চমে বিস্তীর্ণ ভারতক্ষেত্রে স্বধর্মের বীজ বপন করিতে প্রাণপণে কার্য ক্ষেত্রে অবতীর্ণ, অন্ডিকে নবজাগ্রতি ভারতীয় ধর্ম সার্বভৌমিকভাবে তাহার বিরুদ্ধে দণ্ডায়মান। মুসলমান, জৈন, বৌদ্ধ, সকল সম্প্রদায় সে দ্বন্দ্বের আন্দোলনে আন্দোলিত। ইংরাজি শিক্ষা গৃহমধ্যে প্রভাব বিস্তার করিয়াছে, স্ত্রীশিক্ষা বৈদেশিকভাবে আবৃত্ত হইয়াছে।

সেই সময়ে পারিবারিক জীবনের প্রশ্ন আচার্য্য কেশবচন্দ্র নূতন ভাবে আলোচনা করিতে প্রবৃত্ত হইলেন। পরিবারের আদর্শকে সকলের সম্মুখে স্থাপন করিতে চেষ্টা করিলেন। বাহিরের জীবন, সামাজিক জীবন, যে উন্নত-জীবন-লাভের প্রকৃত স্থান নয় তাহা প্রদর্শন করিলেন। বিশ্ব বিদ্যালয়ের শিক্ষা, বৈদেশিক সভ্যতা দেশকে ভাসাইয়া নৈতিক অবনতির দিকে লইয়া চলিয়াছিল, কারণ পারিবারিক শিক্ষার তখন বিশেষ অভাব ছিল। বাহিরের সঙ্গে গৃহের অবস্থার অত্যন্ত প্রভেদ ঘটিয়াছিল। বিশ্ববিদ্যালয়ের রীতি অহুমায়ে স্ত্রীশিক্ষা গ্রহণ করিয়া স্ত্রীজাতি আপনাদের প্রকৃত উন্নতি সর্বতোভাবে লাভ করিতে পারেন না তাহাও কেশবচন্দ্র বুঝিয়াছিলেন। সেই নিমিত্ত পারিবারিক দায়িত্ববোধে স্ত্রীশিক্ষা প্রধান অঙ্গ বলিয়া তিনি নির্দেশ করিলেন। সুখী পরিবার গঠন ভিন্ন প্রকৃত জীবন গঠন হইতে পারে না, বাহিরের সত প্রহের মীমাংসা গৃহেই সংস্কৃত হয় ও জীবনে গ্রহণের উপযোগী করিয়া লওয়া যাইতে পারে, তাহা তিনি বুঝাইয়া দিয়াছেন। সামাজিক উন্নতি, গৃহের উন্নতি ভিন্ন সম্ভব নয় তাহা তিনি বুঝিয়াছিলেন। বিভিন্ন ধর্মের স্রোত বাহিরের জীবনকে স্পর্শ করিয়া গেল, কিন্তু জীবনে পরিবারে উদ্ধার ধর্মের ভিত্তিস্থাপন প্রয়োজন হইয়াছিল। আজও দেশে এই নূতন ও পুরাতনের মিলনে যে প্রশ্ন উঠিয়াছে তাহার সম্পূর্ণ মীমাংসা হয় নাই। প্রাচীন

কোথায় স্থান পাইবে নূতনকে কতদূর গ্রহণ করিতে হইবে, পরিবারে সমাজ পদ্ধতিতে প্রাচীন সমাজের ভাব ও চিন্তা কতদূর গ্রহণীয় এবং নূতন শিক্ষা ও সভ্যতার এ আলোক কতটুকু প্রয়োজন, জাতিভেদ কতদূর পর্য্যন্ত রক্ষা করা উচিত, বিভিন্ন ধর্মকে কতদূর স্বীকার ও গ্রহণ করা উচিত, সমাজে ও দেশে সে সকল বিষয়ে শেষ মীমাংসা হয় নাই। কিন্তু জীবনের স্রোত প্রবাহিত হইতেছে, নব-চিন্তা দেশে জাগ্রত হইয়াছে।

পরিবর্তনের স্রোত চারিদিকে বহিত হইতেছে। গৃহ, সমাজ সে স্রোতে ভাসমান। জীবনের উন্নতি, আদর্শ জীবন এ পরিবর্তনের ভিতর দিয়া কেমন করিয়া বিকাশ লাভ করিবে, সে বিষয়ে সকলের চিন্তা নিয়োজিত হইয়াছে। যুগযুগান্তর ধরিয় এ দেশে গৃহ সর্বশ্রেষ্ঠ স্থান অধিকার করিয়া রহিয়াছে। সেই গৃহের মাতৃ-মূর্তিখানি এ দেশের নরনারীর নিকটে সকল কল্যাণ ও মঙ্গলের আকর স্বরূপ হইয়া রহিয়াছে। ধন, জন, জ্ঞান, ধর্ম আর যাহা কিছু আকাঙ্ক্ষিত সকলই এই পারিবারিক জীবনের মধ্য দিয়া সার্থকতা লাভ করে। বিদুষী নারীগণ বিদ্যাকে বাহিরের কাজে যতই ব্যয় করুন, গৃহেই তাহার প্রকৃত ব্যয়ের স্থান। বিশ্ববিদ্যালয়ের উপাধিপ্রাপ্ত যে সকল শিক্ষিতা মহিলা এদেশে নানা ভাবে সাহিত্য ও শিক্ষার চর্চা করিয়াছেন তাহা দেখিয়া স্ত্রীশিক্ষার সুফললাভসম্বন্ধে কাহারও সন্দেহ থাকিতে পারে না। তাহারা

বাণীর গৃহে অশেষ সম্মানে ভূষিত হইয়াছেন, কিন্তু যাহারা বিশ্ববিদ্যালয়ের শিক্ষা ভিতর লাভ করেন নাই তাহাদিগের মধ্যেও অনেকে সাহিত্য ও শিল্পে আপনাদের চিন্তা ও ভাবের উৎকর্ষ প্রকাশ করিয়াছেন। “কাব্যকুম্ভমাঞ্জলী” রচয়িত্রী প্রভৃতি খ্যাতনামা অনেক নারী শিক্ষার প্রভাবে গৃহেও আপনাদিগের ভাবরাশির আশ্চর্য্য বিকাশ সম্পাদন করিতে সক্ষম হইয়াছেন। শিক্ষার প্রভাব দেশে বিস্তৃত হইয়াছে ইহাই তাহার কারণ। এই শিক্ষার ভিতর দিয়া প্রকৃত জীবনগঠনের উপযুক্ততালাভের চিন্তা জাগ্রত হইয়াছে। শিশুর জীবনের ভিতরেই পূর্ণ বয়োপ্রাপ্ত মানবের ভবিষ্যৎ জীবন নিহিত থাকে। সে শিশুজীবন ভুবনবিখ্যাত চিত্রকর র্যাফালের অঙ্কিত মাতৃমূর্তির (Maccinna) কোলেই বৃদ্ধি প্রাপ্ত হয়। সে মূর্তিখানি আমাদের গৃহের আদর্শ হওয়া প্রয়োজন। সে মেহদৃষ্টি, সে পবিত্র মানবের জ্যোতির তুলনা কোথায়? আজকার দিনের রাজনৈতিক অধিকার-প্রয়োগী উগ্রমূর্তি সাক্রাজিষ্টের সঙ্গে সে মূর্তির তুলনা করিলে কোন্‌দিকে শ্রেষ্ঠতা দান করিতে হয়? এই সামাজিক আন্দোলনের দিকে পরিবারের আদর্শের মধ্যে মাতৃমূর্তিকে গৃহের সর্বোচ্চ স্থানে প্রতিষ্ঠিত করিতে হইবে, নতুবা সমাজের ও দেশের কোনও চেষ্টা সফলতা লাভ করিবে না।

এই সামাজিকতার দিনে সমাজের সঙ্গে পুরুষ ও নারীর প্রকৃত স্থাননির্দি-

শের চেষ্টা সকল দেশে আরম্ভ হইয়াছে। ইংলণ্ডে জন ষ্টুয়ার্ট মিলের কাল হইতে একদল লোক নারীকে পুরুষের সহিত সমান ভাবে কার্য্য করিবার অধিকার গৃহের বাহিরেও দান করিতে প্রস্তুত। তাহারা কি পরিবারে কি সমাজে কি দেশের সেবার নারীকে সর্বত্র পুরুষের সহিত সাহচর্য্যে নিযুক্ত করিতে প্রস্তুত, এবং তাহাদ্বারা অধিকতর উন্নতিলাভ হইবে মনে করেন। তাহাদের বিবেচনায় নারী ও পুরুষের কার্য্যস্থান (Sphere) একই। এ অতি জটিল তর্ক। অধিকাংশ দেশে এ মত গ্রহণ করিতে পারে না। নারী-সমাজ নানা বিষয়ে সে দেশে পুরুষের সহিত সমান ভাবে কার্য্য করিতেছে সত্য, কিন্তু তাহার সূদূর পরিণাম কে বলিতে পারে। তাহারাও পুরুষের স্থায় বক্তৃতা করিতেছেন, মঙ্গলান নিবারিণী সভার সভ্য হইয়া দেশ বিদেশে গমন করিতেছেন, ধর্মপ্রচার কার্য্য সাগর পার হইয়া কতদেশে যাইতেছেন, আহত সৈন্তের সেবার নিমিত্ত যুদ্ধ ক্ষেত্রে ambulance লইয়া যাইতেছেন, শিক্ষাবিস্তারের নিমিত্ত কোমার্ঘ্যব্রত গ্রহণ করিয়া রহিয়াছেন, এবং স্বাধীন জীবিকা উপার্জন করিয়া স্বাধীনভাবে জীবনানতিপাত করিতে চাইতেছেন। প্রাচ্য দেশসমূহ—অত্রদিকে স্ত্রীজাতিকে অন্তঃপুরের গণ্ডীর মধ্যে আবদ্ধ রাখিতে চিরপ্রয়াসী। সামাজিক জীবনের কার্য্যে স্ত্রীজাতি কার্য্যতঃ বাহিরে কোনও উদ্যম করিতে অক্ষম, যাহা কিছু কার্য্য গৃহাভ্যন্তর হইতে তাহারা পরোক্ষ-



ভাবে পুরুষদিগের সাহায্যের নিমিত্ত  
করিতে পারেন, ইহাই এদেশের চিরন্তন  
ধারণা। ঐতিহাসিক যুগে আমাদের  
দৃষ্টির সম্মুখে শিক্ষা ও সমাজের কার্যে  
মহিলাদিগের মিলিত চেঁচায় অনেক শুভ-  
ফল ফলিয়াছে, এ দেশেও স্ত্রীশিক্ষাবিস্তার,  
শিল্পালোচনায় স্ত্রীজাতির চেঁচা সফলতা  
লাভ করিতেছে। কিন্তু পাশ্চাত্য দেশের  
সেবাত্রধারণী প্রাতঃস্মরণীয়া কুমারী  
ফ্লোরেন্স নাইটিঙ্গেলের আদর্শও এদেশের  
সামাজিক দৃষ্টি আকর্ষণ করিয়াছে।  
ক্রিমিয়ার ভীষণ যুদ্ধ ক্ষেত্রে আহত, মুগ্ধ,  
তৃষ্ণার্ত, ক্লান্ত, সৈন্যদিগের শাহিদায়িনী,  
শুশ্রূষানিরতা, করুণরূপিনী, ফ্লোরেন্স  
নাইটিঙ্গেলের সেবাত্রভ কি আমাদের  
আদর্শকে নব আকারে গড়িয়া তুলি-  
তেছে না?

গৃহে স্নেহরূপিনী জননী, বাহিরে সেবা-  
নিরতা মূর্তিমতী শান্তি দুইই আদর্শ  
হইতে পারে। সমাজ, দেশ যত অগ্রসর  
হইবে আমরা ততই গৃহ ও বাহিরের  
সামঞ্জস্যসাধনে সমর্থ হইব। আমাদের  
ভবিষ্যৎ এই প্রশ্নের সীমাংসার উপরে  
নির্ভর করিতেছে, তাহাতে সন্দেহ নাই।  
আমাদিগের আশাদৃষ্টির সম্মুখে ভবিষ্যতের  
আলোকহস্তে জননীমূর্তি গৃহে ও সমাজে  
ধীরে ধীরে ফুটিয়া উঠিতেছে।

### বেদনা।

আজিকে আমার সদয় আকারে  
বহিছে প্রবণ বেদনা,

নিজে সামালিতে না পারি কিছুকি  
জারাইয়ে ফেলি চেতনা।  
সেই মুখচ্ছবি হৃদয়েতে জাগি  
দিতেছে অসীম যাতনা,  
চারিদিকে যাই কোথা তারে পাই  
কোথা গেলে পাই সান্তনা।  
নিষ্ঠুর এ ধ্বনি হৃদয়েতে গুনি  
প্রাণ যে থাকিতে চাহে না,  
তবু দেখি হায় জীবন না যায়  
অবিরত সহে যাতনা।  
করেছি যে পাপ তারি এত তাপ  
দিতেছে জীবনে বেদনা,  
পতিত পাবন দিয়া দরশন  
ফিরাও আমার চেতনা;  
তুমি না চাহিলে কে চাহিবে মোরে  
কে দিবে আর সান্তনা।

স—

### সান্ত্বনা।

বড় আশা করে এ মরত ভ্রমে  
বৈধে ছিছ ঘর হার  
এমন সময় সে ঘর ভাঙ্গিয়া  
কে মোরে ডাকিল আয় ?  
মোহে অচেতন ছিল যেই প্রাণ  
না ছিল চেতন-আশা,  
এমন সময় কে তুমি আসিয়া  
হৃদয়ে বাসিলে বাসা ?  
সহস্র নয়ন খুলিল গো যেন  
তব অমৃত পরশে,  
কিসে মগ্ন ছিছ দেখালে হে মোরে  
তব উজ্জল দরশে।

তোমা ছাড়ি আমি মোহে বন্ধ হয়ে  
ডুবেছি নিশিদিন,  
তুমি থাকিতে না পে'রে এ হৃদয় এসে  
বাজালে করুণ বীণ।  
হৃদয়ে আঘাত লাগিল যখন  
তখন দেখিছ চেয়ে,  
তুমিই সকলি তোমারি ভিতর  
রয়েছে সকলি ছেয়ে।  
এমন করিয়া নয়ন খুলিয়া  
যদি দেখাইলে পথ,  
এই কর দেব যেন পথ ভুলি  
পুন না যাই বিপথ।

স—

### কিণ্ডারগার্টেন।

পৃথিবীর প্রায় সকল দেশেই অর্থো-  
পার্জনের প্রয়োজনে শিশুগণকে স্মৃতি-  
শক্তির সাহায্যে লেখাপড়া ও গণিত শিক্ষা  
দেওয়া হইয়া থাকে। এই প্রণালী  
বহুকাল হইতে জনসমাজে একরূপ বন্ধমূল  
হইয়া গিয়াছে যে, ইহা অপেক্ষা কোন  
শ্রেষ্ঠতর শিক্ষাপ্রণালীর আবশ্যকতা  
সাধারণ লোকে উপলব্ধি করিতে পারে  
না। সাধারণ লোকে অক্ষভাবে প্রচলিত  
প্রথা অবলম্বন করিয়া চলে, কিন্তু  
প্রতিভাশালী মহাপুরুষ তাহাতে তৃপ্ত হন  
না।

সুইজরলণ্ড দেশে পেপ্টলট্‌সি নামে  
একজন প্রতিভাশালী শিক্ষক জন্মগ্রহণ  
করেন, তিনি শিশুশিক্ষার পুরাতন প্রণালী  
ছাড়িয়া, এক নূতন প্রণালীর সৃষ্টি করেন।

পেপ্টলট্‌সি এই প্রণালীর সৃষ্টি কর্তা হইলেও  
মহাত্মা ফ্রোবেলই উহার গূঢ় তাৎপর্য ও  
উপকারিতা বিশেষরূপে বুঝিয়াছিলেন।  
তিনিই উক্ত প্রণালীতে কার্য্য করিয়া,  
আর তাহার উপকারিতা সম্বন্ধে প্রবন্ধাদি  
লিখিয়া শিক্ষিত সমাজের দৃষ্টি আকর্ষণ  
করেন।

ফ্রোবেল তাহার শিক্ষাপ্রণালীর নাম  
দিয়াছেন “কিণ্ডারগার্টেন শিক্ষাপ্রণালী।”  
জার্মান ভাষায়, “কিণ্ড” শব্দের অর্থ  
শিশু, তাহার বহুচনে কিণ্ডার হয়।  
গার্টেন শব্দ ইংরাজি গার্ডেন শব্দের সমার্থ-  
বাচক, ইহার অর্থ উদ্যান। অতএব  
“কিণ্ডারগার্টেন” শব্দের অর্থ শিশুগণের  
উদ্যান বা শিশুদ্যান। উদ্যানে যেমন  
বীজ হইতে গাছগুলি অঙ্কুরিত হয় এবং  
ক্রমশঃ পরিণতি লাভ করিয়া ফুলফলে  
সুশোভিত হয়, শিশুও তেমনি গৃহে ও  
বিদ্যালয়ে, স্বাভাবিক নিয়মে স্বচ্ছন্দভাবে  
জ্ঞান, নীতি ও কর্ম্ম শিক্ষা করিতে  
করিতে যথাসময়ে আপনা আপনি আসল  
মানুষটি হইয়া দাঁড়াইবে, ইহাই কিণ্ডার-  
গার্টেন প্রণালীর মূলমন্ত্র।

শিশু-বিদ্যালয়ের সহিত একটি ফল-  
পুষ্পের উদ্যান সংলগ্ন থাকিবে ইহাই  
ফ্রোবেলের অভিমত ছিল, এবং তাহার  
স্বপ্রতিষ্ঠিত বিদ্যালয়ের সংস্বেও একরূপ  
উদ্যান ছিল। সেই অর্থে তিনি আংশিক-  
রূপে “কিণ্ডারগার্টেন” শব্দের ব্যবহার  
করিয়াছিলেন। সহৃদয় শিশু-প্রকৃতিদর্শী  
ফ্রোবেল স্বপ্রবর্তিত শিশু-বিদ্যালয়কে  
যেমন পূর্ব প্রচলিত কঠোর শিক্ষাপ্রণালীর

সর্বপ্রকার বন্ধন হইতে মুক্ত করত, তন্মধ্যে একটী কোমল, স্বেচ্ছন্দ নূতন শিক্ষানীতির প্রতিষ্ঠা করিয়াছিলেন, তদ্রূপ তিনি স্কুলনামের বিভীষিকাময়ী স্মৃতি হইতেও ইহাকে মুক্ত করিয়া, শিশু-প্রকৃতির উপযোগী কোমল নামে অভিহিত করিয়াছিলেন। ফ্রোবেল বৃক্ষ-জীবনের সহিত শিশুজীবনের তুলনা করিয়াছেন। বীজ হইতে অক্ষুর উদ্গত হয়, সেই অক্ষুর সূর্য্যাকিরণ, জল, বায়ু প্রভৃতি শোষণ করত, পত্রাবলী-শোভিত ক্ষুদ্র বৃক্ষের আকার ধারণ করে, এবং সেই বৃক্ষ-শিশুই পীয় অভ্যন্তরীণ শক্তি বিকাশ করত ক্রমে ক্রমে বর্দ্ধিত হইয়া, ফল ফুলে পরিশোভিত হইয়া অবশেষে পূর্ণ পরিণতি লাভ করে। মানব-শিশুও আপনার অভ্যন্তরে সর্বাঙ্গীণ মনুষ্যত্বের বীজ লইয়া ধরাতলে জন্মগ্রহণ করে। বাহু-জগতের সংস্পর্শে সেই বীজ হইতে ধীরে ধীরে অক্ষুর উদ্গত হয়। জনক জননীর স্নেহের মুছ মধুর পবনহিল্লোলে, সোদর সোদরার আদর যত্নের শীতল বারিসিঞ্চনে, আত্মীয় স্বজনের শুভাকাঙ্ক্ষার সুস্নিগ্ধ আলোকে সেই মনুষ্যত্বের অক্ষুর স্বীয় অভ্যন্তরস্থ শক্তি বিকাশ করত ক্রমে ক্রমে বর্দ্ধিত হইতে থাকে, এবং সুশিক্ষার গুণে জ্ঞান, ভক্তি ও কর্ম সুশোভিত হইয়া পরিণত জীবনে পূর্ণ মনুষ্যত্ব লাভ করে। বৃক্ষ-শিশু উদ্যান মধ্যে সযত্নে লালিত পালিত হয়। কোমল প্রকৃতি মানব-শিশু যে বিদ্যালয়ে শিক্ষা-লাভ করিবে, সেই বিদ্যালয়ে ও তাহার

শিক্ষাপ্রণালী শিশুর অভ্যন্তরীণ শক্তি সমূহের স্বাভাবিক ও স্বচ্ছন্দ বিকাশের পক্ষে সম্পূর্ণ উপযোগী ও অক্ষুকূল হইবে, ইহাই ফ্রোবেলের অভিমত। এই জগুই তিনি স্বপতিষ্ঠিত শিশু-বিদ্যালয়কে “কিণ্ডারগার্টেন” আখ্যা দান করিয়া-ছিলেন। তাঁহার শিশুবিদ্যালয়ে তিনি যে প্রণালীতে শিক্ষা দান করিতেন, তাহাই পাশ্চাত্য জগতে “কিণ্ডারগার্টেন প্রণালী” নামে সুবিদিত। পেপ্তালটসি অথবা ফ্রোবেলের মতে শিক্ষার প্রধান উদ্দেশ্য কি তাহা প্রথমতঃ ভাল করিয়া বুঝিয়া দেখিতে হইবে। এক কথায় বলিতে গেলে শিশুর সর্বাঙ্গীণ কর্মবিকাশই শিক্ষাদানের প্রকৃত উদ্দেশ্য, অর্থাৎ যে উপায়ে শিশুর শারীরিক, মানসিক ও প্রকৃতিগত বৃত্তিগুলি একই সময়ে উন্নতির দিকে অগ্রসর হইতে পারে তাহাই শিক্ষাদানের শ্রেষ্ঠ প্রণালী। যে শিক্ষাপদ্ধতি দ্বারা শিশুর এই ত্রিবিধ অঙ্গই একত্রে, একই সময়ে বিকশিত হয় না, অর্থাৎ যাহা দ্বারা একটী বা দুইটী মাত্র অঙ্গের বিকাশ হয়, সে শিক্ষাপদ্ধতি উক্ত মহাত্মাগণের মতে অসম্পূর্ণ এবং এজগু অগ্রাহ্য। মন, শরীর ও আত্মা এই তিনের কোনটাই বাদ দিবার নহে। যাহাতে এই তিনটিরই এক সঙ্গে উন্নতি হয়, ফ্রোবেলের শিক্ষাপদ্ধতির তাহাই মূলমন্ত্র।

মানুষের শরীর আছে, মন আছে, নৈতিক বৃত্তি আছে ও ধর্ম প্রবৃত্তি আছে। ইহার কোনটাকে বাদ দিলে মানুষ আসল

মানুষ হয় না। সবগুলি এক সঙ্গে ফুটিয়া উঠিলে তবে পূর্ণ মানুষটি দাঁড়ায়। এই ফুটিয়া উঠার নামই বিকাশ। মানুষের শরীর বিকশিত হইবে, মন বিকশিত হইবে, নীতি বিকশিত হইবে, ধর্ম বিকশিত হইবে। এই সবগুলি এক সঙ্গে বিকশিত হওয়ার নাম সর্বাঙ্গীণ বিকাশ। এই সর্বাঙ্গীণ বিকাশই মনুষ্যত্ব। যাহার প্রতিভা যতটুকু তাহার বিকাশ ততটুকুই হইবে। কিন্তু বিকাশটী সর্বাঙ্গীণ হওয়া আবশ্যিক। অল্পশীলনেই এইরূপ বিকাশ সংসাধিত হইয়া থাকে। পুনঃ পুনঃ চালনার নাম অল্পশীলন। শরীরের অল্পশীলন করিলে, শরীরের বিকাশ হয়। বুদ্ধির অল্পশীলন করিলে বুদ্ধির বিকাশ হয়, হৃদয়ের অল্পশীলন করিলে প্রেম, ভক্তি ও সৌন্দর্য্যবোধের বিকাশ হয়, সত্য, ত্যায়, সংযম ও কর্তব্য বুদ্ধির অল্পশীলন করিলে নৈতিক চরিত্রের বিকাশ হয়, পরহিতের অল্পশীলন করিলে সামাজিক জীবন বিকাশ লাভ করে এবং ধর্ম প্রবৃত্তির অল্পশীলন করিলে ধর্ম জীবনের বিকাশ হয়। এই সবগুলি এক সঙ্গে অল্পশীলন করিলে সকল গুণিই একত্রে বিকশিত হইয়া পূর্ণ মনুষ্যত্ব, সম্পূর্ণ মানব-জীবনের সৃষ্টি করে। আমরা যদি তাহার কোনটাকে বাদ দিয়া কোনটির অল্পশীলন করি, তবে পূরা মানুষটি আসল মানুষটি পাইব না—আধখানা সিকিখানা, অথবা তাহারও কম মানুষ পাইব। কিন্তু সম্পূর্ণ মনুষ্যত্বই আমাদের উদ্দেশ্য। সম্পূর্ণ মনুষ্যত্বলাভের জগুই আমাদের অল্প-

শীলন করিতে হইবে। এই সর্বাঙ্গীণ মনুষ্যত্ববিকাশই ফ্রোবেলের শিক্ষাপ্রণালীর উদ্দেশ্য। যাহাতে মানবের একাধারে শারীরিক, মানসিক, নৈতিক সর্ববিধ বৃত্তিরই স্বতন্ত্র এবং সমঞ্জসীভূত অল্পশীলন দ্বারা পরিণামে তাহাকে সর্বাঙ্গীণ পূর্ণ মনুষ্যত্ব উপনীত করিতে পারে, শিশু-কালে তাহার সূত্রপাত করাই কিণ্ডারগার্টেন শিক্ষাপ্রণালীর উদ্দেশ্য।

কিণ্ডারগার্টেন প্রণালীর তত্ত্ব অতি গভীর, শিশু প্রকৃতির নিগূঢ় স্থানে তাহার মূল প্রোথিত এবং ইহার শাখা বহু বিস্তৃত। ইহার তত্ত্ব বুঝিতে হইলে অধ্যবসায়, অধ্যয়ন, চিন্তা এবং শিশুর স্বভাব আচরণের নিয়ত পর্যবেক্ষণ আবশ্যিক। শিশুর মন সাদা কাগজের ত্যায় নহে যে, তাহাতে যাহা খুসি লিখিয়া দেওয়া যাইবে এবং তাহাই তাহাতে চিরমুদ্রিত হইয়া থাকিবে। অথবা ইহা কাদার তালের ত্যায় নহে যে, তাহাকে যেমন ইচ্ছা আকার প্রদান করা যাইবে। শিশুর শরীর সজীব ও মন চেতন, ভিতর হইতে আপন নিগূঢ় শক্তিতে ইহার বাড়িয়া উঠে। বৃক্ষটী বীজ হইতে যেমন ধীরে ধীরে উদ্গত হয় ও বাড়িয়া উঠে, শিশুর ক্ষুদ্র দেহ মনও তেমনি ক্রমশঃ অক্ষুরিত ও বিকশিত হইয়া পরিণামে পূর্ণাবয়ব প্রাপ্ত হয়। এই ক্ষুদ্র দেহ ও মনের বৃত্তিগুলি কি কি নিয়মে বিকশিত হয় তাহা জ্ঞাত হইয়া তাহার মধ্যে শিশুকে স্থাপিত করিলেই সে আপনা আপনি জ্ঞানলাভ করে, বললাভ করে ও কর্মশীল হইয়া উঠে।

শিশু-জীবনে পঞ্চমাবধি কর্মশীলতার প্রকাশ দেখা যায়। ভূমিষ্ঠ হওয়া অবধি সে হাত পা ছুঁড়িয়া শরীর চালনা করে এবং হাঁসিয়া কাঁদিয়া ইচ্ছিতে ও অঙ্গভঙ্গী করিয়া বৃদ্ধি, মনোভাব ও ইচ্চার পরিচয় প্রদান করে। ক্রমে তাহার চোখে, মুখে, আঁক কান ফোটে অর্থাৎ ইন্দ্রিয়শক্তির উন্মেষ হয় এবং অন্তরেও বৃদ্ধি, চিন্তা, স্মৃতি, কল্পনা, অনুসন্ধিৎসা, স্বথ ভ্রুৎখে, ক্ষয় ক্রমজ্ঞতা বিকাশ লাভ করে। সঙ্গে সঙ্গে তাহার ইচ্ছাশক্তিও বিকশিত হইয়া উঠে এবং তাহার ক্ষুদ্র হাত দুখানি নানা বস্তু ধরিতে থাকে। ইন্দ্রিয়বোধ ও অনোবিকাশ কর্মশীলতার সহিত গাঁথা। কর্মকে পরিহার করিয়া ইন্দ্রিয়বোধ ও অনোবৃত্তির উন্মেষ হয় না।

শিশু স্বভাবের সম্ভান। প্রথম হইতেই সে প্রকৃতির কোড়ে লালিত পালিত হয় ও শিক্ষালাভ করে। যেখানে ফুলটি ফোটে, পাখীটি ডাকে, বিড়াল ছানাটি খেলা করে, শিশু সেখানেই ছুটিয়া যায়। সেখানে জলে মাছ ভাসিয়া উঠে, হাঁস সাঁতার দেয়। গুলি শামুক ধীরে ধীরে মুখ খোলে শিশু সেখানে নাচিতে নাচিতে ছুটিয়া যায়। যেখানে নীলাকাশে চাঁদ উঠে, নক্ষত্র ফোটে, ছায়াপথ প্রকাশিত হয়, শিশুর নবীন চক্ষু আনন্দে ও বিস্ময়ে সেখানে চাহিয়া থাকে। এই চিরসুন্দর, চিরনবীন, চিরসজীব বিশ্ব-রাজ্যের সৌন্দর্য্য ও জ্ঞান শিশুর নূতন, নির্মল, মুগ্ধ বিস্ফারিত নেত্রে যেরূপ প্রতিভাত হয়, সংসারচিন্তাক্রিষ্ট জ্যোতি-

হীন চক্ষে তাহার শতাব্ধির একাংশই হয় না। প্রকৃতির নম্রো বসিয়া আমবা দেখানে কেবল শাক, বেগুন, লাউ দেখি, শিশু সেখানে প্রাণ দেখে, সৌন্দর্য্য দেখে, অনন্তকে অনুভব করে। এই বিশ্ব শিশুর নিকট প্রাণ ও সৌন্দর্য্য পরিপূর্ণ। অতএব যখন শিশুর দেহ পৃষ্ঠে ও বলিষ্ঠ হইবার জন্ত কেবল কর্মশীলতা চাছে তখন তাহাকে যথেষ্ট পুষ্টিকর আহার দাও এবং অবাধে ছুটাছুটী, লাফালাফি ও চীৎকার করিয়া খেলা করিতে দাও— দেখিবে তাহার শরীর আপনা আপনি কেমন সুন্দররূপে গড়িয়া উঠিতেছে। জগতের বিচিত্র রূপ, রস, শব্দ, স্পর্শ ও গন্ধের মধ্যে তাহাকে ছাড়িয়া দিয়া তাহার ইন্দ্রিয়বোধকে উন্মেষিত কর ও ছদ্মবেশ বিমল আনন্দের সঞ্চার করিয়া দাও। নানা বস্তু ও ঘটনা সম্বন্ধে সে যখন সরল ও স্বাভাবিক ভাবে প্রশ্নের পর প্রশ্ন করিতে থাকিবে, তখন অতি সহজ ভাষায় সেই সকল প্রশ্নের সঙ্গত ও সত্য উত্তর দাও, কেবল তাহাই নহে, পর্যবেক্ষণ ও পরীক্ষা দ্বারা তাহাকে নিজ হইতে সেই সকল তত্ত্বের সীমাপ্তা করিয়া লইবার সুযোগ দাও। আর ঐ মৌমাছিটি যেমন ফুলে ফুলে মধু সংগ্রহ করিতেছে, তেমনি তাহাকে জগতের প্রত্যেক সুন্দর ও সজীব পদার্থের সৌন্দর্য্য পান করিতে দাও, ঐ প্রজাপতিটির মত আনন্দে বাহু বিস্তার করিয়া তাহাকে নীলাকাশের তলে, উজ্জল সূর্য্যকিরণে, মুক্ত বায়ুতে নাচিয়া বেড়াইতে দাও। শিশুর মুগ্ধ

নেত্র জড়, উদ্ভিদ বা প্রাণিজগতের যে কোন বস্তুর প্রতি পতিত হয় তাহারই স্বভাবের সহিত তাহার ঘনিষ্ঠ পরিচয় করাইয়া দাও। বিশাল ধরণীবক্ষে দাঁড়াইয়া শিশু অনুভব করুক নীলাকাশে প্রাণ আছে, জলতরঙ্গে প্রাণ লুকাইয়া আছে, ইতরজীবের মধ্যে তাহারই গায় প্রাণ সাড়া দিতেছে। ধরণীসতীকে পুষিয়া, গাভীর গায়ে হাত বুলাইয়া, ফুলগাছে জলসেচন করিয়া, পাতা, লতা, ফুল ফল, পাখীর পালক, কড়ি, ঝিলুক সংগ্রহ করিয়া মাঠে মাঠে ঘুরিয়া, বাগানে বাগানে বেড়াইয়া শিশুকে জ্ঞান, প্রীতি, আনন্দ ও কর্মের সাধনা করিতে দাও। তারপর গৃহমধ্যে ও বিদ্যালয়ে তাহার হাতের কাছে এমন সকল কাজ আনিয়া দাও যাহা করিয়া সে মানব-জীবন ও মানব-সমাজের দায়িত্ব ও মহত্ত্ব বুদ্ধিতে শেখে এবং ক্রমশঃ কর্ম ও সংঘমসাধনায়, নীতি ও ধর্মের সাধনায় সুন্দর, দৃঢ়, বলিষ্ঠ ও কর্মঠ যৌবন লাভ করে। প্রকৃতির মধ্য দিয়া শিশুকে ঈশ্বরসমীপে উপনীত করিয়া দেওয়া এবং কর্মের মধ্য দিয়া তাহাকে বিশাল মানব-সমাজের পথ দেখাইয়া দেওয়াই শিক্ষার প্রকৃত উদ্দেশ্য। ইহাই কিণ্ডারগার্টেন শিক্ষাপ্রণালীর সারমর্ম।

কিণ্ডারগার্টেন শিক্ষাপ্রণালীর প্রবর্তক মহাত্মা ফ্রেড্রিক ফ্রোবেল শিশু-প্রকৃতির একটা নিগূঢ় তথ্য, শিশু-জীবন বিকাশের একটা মূলসূত্র নির্ধারণ করিয়া গিয়াছেন। উহা শিশুর স্বাভাবিক কর্ম-

শীলতা। স্ত্রীঃএর শক্তিতে যেমন ঘড়ীর সকল চাকাগুলি ঘোরে, এই স্বাভাবিক কর্মশীলতার প্রভাবে তেমনি শিশুর শারীরিক, মানসিক, নৈতিক ও ধর্ম-বৃত্তিগুলি একযোগে বিকাশলাভ করে। এইরূপ সম্পূর্ণ, অথও মানুষটিকে গড়িয়া তুলিবার জন্ত কিণ্ডারগার্টেন শিক্ষাপ্রণালী সুন্দর আয়োজন করিয়া শৈশবেই মানবের কর্মশীলতাকে জাগ্রত করিয়া দেয়। এই কর্মশীলতাকে শৈশবে সংরুদ্ধ বা বিকৃত করিয়া ফেলিলে মনুষ্যত্বের বিকাশ হইতে পারে না।

ক্রমশঃ।

### বর্তমান যুগে আমাদের কি কর্তব্য।

জগতে যতই জ্ঞানের আলোক প্রকাশিত হইতেছে ততই লোকের শিক্ষার পিপাসা বৃদ্ধিত হইতেছে এবং সকলেরই প্রাণে উন্নতির আশা জাগিতেছে। এমনকি গরীব ছঃখীরা পর্যন্ত আজকাল অশিক্ষিত থাকিতে চায় না কিন্তু অর্থাভাবে, কিম্বা অন্ত কোন বাধা বশতঃ শিক্ষালাভ করিতে পারে না। সেই জন্ত আমরা কি করিতে পারি? আমরা মনে করি আমরা কিছুই জানি না। আমরা আবার পরকে কি শিক্ষা দিব? কিন্তু এই চিন্তা করিয়া যদি আমরা আমাদের সামান্য জ্ঞানটুকু হারাইয়া ফেলি তাহা হইলে কোন ফল হয় না। যার যে টুকু জ্ঞান লাভ হইয়াছে তার সেই টুকুই জগতে বিলাইয়া দিতে

উৎসুক হওয়া প্রয়োজন। কোন একটা কাজে অগ্রসর হইবার সময় চারিদিক হইতে নানা প্রকার বাধা বিঘ্ন আসিবেই, কারণ বিপদ প্রলোভন ভিন্ন কোন কাজ সম্পন্ন হয় না। বিপদ আসিবে বলিয়াই যদি আমরা দুর্বল হইয়া ফিরিয়া যাই, এবং লোক-নিন্দা ভয়ে কিম্বা পরিশ্রম-সাধ্য বলিয়া যদি পশ্চাৎপদ হই তাহা হইলে আমাদের দ্বারা জগতের কোন উপকার হইবে না। আবার আমরা সকলেই সহজ জ্ঞানেই জানিতে পারি যে, এই বিশাল ব্রহ্মাণ্ডে ভগবান যত প্রাণী সৃজন করিয়াছেন সকলেই সকলের উপকারের জন্ত। সামান্য পিপীলিকা পর্যন্ত জগতের উপকার করিতেছে, আর আমরা জগতের শ্রেষ্ঠ প্রাণী হইয়া যদি সামান্য কষ্ট সহ করিতে হইবে বলিয়া পরস্পরের উপকার হইতে বিরত হই তাহা হইলে আমাদের পক্ষে ইহা অপেক্ষা লজ্জা ও ঘৃণার বিষয় আর নাই। সাংসারিক প্রত্যেক কাজে কত রকম শিক্ষা লাভ হয়, সেই সব শিক্ষা কখনও ভুলিয়া যাওয়া উচিত নয়। প্রতি পাদবিক্ষেপে আমরা কত রকম শিক্ষা পাই সেই সব শিক্ষা নিজের জীবনের কার্যে পরিণত করিয়া পরে অপরকে শিক্ষা দেয়া কর্তব্য। বর্তমান কালে বালক, বৃদ্ধ, যুবা, স্ত্রী, পুরুষ সকলেরই স্বাধীন হবার ইচ্ছা অত্যন্ত প্রবল। কেন মানুষ স্বাধীন হইতে চায়? স্বাধীন হইলে ইচ্ছামত পরস্পরের ব্রতে ব্রতী হইতে পারিবে বলিয়া কেহ কেহ স্বাধীন হইতে চায়। সংসারে বিশেষতঃ আমাদের দেশে

নারীজাতি অত্যন্ত পরাধীন, কোন কাজ ইচ্ছামত করিতে পারে না, এই জন্ত অনেক সময় অত্যন্ত কুফল হয়, কিন্তু অনেক উপকারও হয়। নারীজাতি যে পরাধীন, ইহার মধ্যেও কি ভগবানের কোন মঙ্গল ইচ্ছা নিহিত নাই? একে-বারে স্বাধীন হইলে হয়তো মতি স্থির থাকিত না কিম্বা সং ইচ্ছা সকল চলিয়া গিয়া আপনার মধ্যে “আপনি” বড় হইয়া উঠিত, হৃদয়ে পরের জন্ত স্থান থাকিত না। আর অধীন বলিয়া সেই সকল পরোপকারের ইচ্ছা সূদৃঢ় ও উৎসুক হয়। আমরা যে এই নবযুগে নব ধর্মের জন্ম গ্রহণ করিয়াছি ইহা আমাদের কত সৌভাগ্য, কিন্তু ইহার উপযুক্ত হওয়া অত্যন্ত কঠিন। আমাদের কত সুযোগ বহিয়া বাইতেছে, কিন্তু আমরা তাহার সং ব্যবহার করিতে পারি না বলিয়া আমাদের এই দুর্গতি। আমরা প্রতিনিয়ত কত উপদেশ পাই-তেছি, কত প্রার্থনা শুনিতেছি, কিন্তু তাহা পাথর জারগায় বীজ বপনের ছায় নিষ্ফল হইয়া বাইতেছে। কিন্তু এখন আর তাহা হইলে চলিবে না। যাহা শুনিব তাহা অন্তরে আঁকিয়া রাখিতে হইবে, এবং গভীর চিন্তা দ্বারা তাহা হইতে সত্যকে ধারণ করিয়া তাহা জগতে বিলা-ইতে হইবে। প্রতিদিন ভোরের আলোতে যেই চারিদিক আলোকিত হইয়া উঠে, এবং চারিদিক হইতে পাখীরা তাহাদের স্তমধুর তানে গান গাহিতে গাহিতে নব-উৎসাহে নব আনন্দে তাহাদের নিজের নিজের কার্যে ধাবিত হয় এবং সূর্য্য

তাহার অনন্ত জ্যোতিতে জগৎকে জাগাইয়া তোলে তখন মনে কেবল এই ভাবই আসে যেন এই সকল বিধ প্রকৃতির সৃজনকর্তা প্রকৃতিকে কার্যে রত করাইয়া মানব জাতিকে বলিয়া দিতেছেন “ওরে তোদেরও কাজ আছে আর বসে থাকবার সময় নেই; সকল মোহ ত্যাগ করে একবার ভোর নিজের জীবনের দিকে ফিরে তাকিয়ে দেখ, কত অপূর্ণতা এখনও তোমার প্রাণে বিরাজ কচ্ছে, কত কর্তব্য এখনও তোমার পড়ে রয়েছে”। এই বাণী যদি প্রত্যেক মানবের প্রাণে প্রতিদিন বীণার সঙ্কারের মত বাজিয়া উঠে, আর সকলেই যদি সেই আহ্বানে জেগে ওঠে তাহলে জগতের আর এতদুর্দশা থাকিবে না। এখনও প্রতি ঘরে ঘরে কত শিক্ষার অভাব কত জ্ঞানের অভাব, হায়! কে তাহা মোচন করিবে? তাই মনে হয় যিনি যতটুকু হৃদয়ে জ্ঞানালোক লাভ করিয়াছেন, তিনি সেইটুকু দান করিবার জন্ত উৎসুক হউন। আর ঘুমাইবার সময় নাই, এখন কেবল কাজ করিতে হইবে। কিন্তু সর্ব প্রধান কর্তব্য, সর্ব প্রথমে নিজের মনকে শুদ্ধ পবিত্র স্থির সংযমী করা, পরে অল্পকে শিক্ষা দিতে যাওয়া। কারণ যে ব্যক্তি নিজে তত মার্জিত নয় সে যদি অপরকে উপদেশ দিতে যায় তাহা হইলে তাহার সে উপদেশে কোন ফল হয় না। অতএব বর্তমান কালে আমাদের বিশেষ কর্তব্য, নিজের নিজের জীবনকে শুদ্ধ করিয়া পরের সাহায্য করা। আর বসিয়া থাকিবার সময় নাই। জাগ!

জাগ ভাই ভগ্নীগণ এবং পরোপকারে রত হও। ও জগতের জন্ত চিন্তা করিতে শেখ। আর আপনাকে নিয়ে থাকিলে চলিবে না। আপনাকে ভুলে গিয়ে জগতের উপকারে রত হও। যতদিন আপনার মধ্যে আপনাকে সঞ্চিত রাখিবে, জানিও জীবনের কোন উন্নতি হইবে না। অতএব আপনাকে ভুলে যাও।

অকূলে ভরসা।

(১)

চারিদিকে ছেয়ে গেছে নিবিড় আঁধার,  
ওগো জ্যোতির্ময়!

দেখাও তোমার আলো!

বলে দাও পথ ভালো

যে পথে যাইলে পাব মঙ্গল অক্ষয়।

আঁধারে ঘিরিছে দিক

কোথা যাব নাই ঠিক

কোন পথে যেতে হবে নাহি পরিচয়।

তুমি মোর হাত ধরে

লয়ে চল দয়া করে

স্থান দাও কোলে তব অনন্ত নির্ভয়।

(২)

ভ্রমোময় সংসারের মাঝে জ্বলিতেছ,

তুমি ধ্রুব তারা!

সুধা স্নিগ্ধ জ্যোতি তার

দেহ মোরে অনিবার

যে আলো করিবে আলো মরুময় কারা

সঙ্গী নাই সাধী নাই

অকূল সংসারে তাই

চলিয়াছি পাহ আমি একা লক্ষ্য হারা!

বিপথ হইতে নাথ

টেনে তোলা ধরে হাত

সাথে লও ভ্রাতৃ আমি পথ খুঁজে সারা ।

( ৩ )

সংসার সমুদ্রবক্ষে নাহি হেরি কুল

পারের কাণ্ডারী !

অসীম এ বারিরাশি

কোথায় যাইব ভাসি

কোথায় তরঙ্গ যায় পড়িব আছাড়ি ।

উঠেছে তুফান ঘোর

কর্ণহীন তরী মোর

অতলে ডুবিলে কিগো এ জীবন তরী !

মোরে লয়ে চল তীরে

তরণী বাহিয়ে ধীরে

নিখিল-শরণ তব চরণ ভিখারী ।

( ৪ )

চারিদিকে ধু ধু করে শুধু মরুভূমি

ওহে ভগবান !

তুষার কাতর হিয়া

কোথায় জুড়াবে গিয়া

দেখাইয়া দাও কোথা আছে মরুত্যান ।

তপ্ত বালুকার রাশি

রয়েছে পৃথিবী গ্রাসি

না জানি কোথায় গেলে জুড়াবে পরাগ ?

তুমি এসো দয়াময়

স্নিগ্ধ কর এ হৃদয়

তোমা ছাড়া পাব কোথা জুড়বার স্থান ।

শ্রী ইন্দুপ্রভা দেবী ।

বাঁকিপুর ।

রাণী ।

নরনারী দুই মিলিয়া সংসার । দুইয়ের  
মিলিত চেষ্টায় ইহার সাফল্য । নর  
যুগেন, নারী শক্তিসঞ্চারণ করেন, নর  
আনেন, নারী রাধেন । পুরুষের ক্ষেত্র  
বহির্ভায়ে, নারীর ক্ষেত্র অন্তঃপুরে । যত  
বড় বীর হউন না কেন, তাঁর সকল  
বীরত্ব এখানে পরাস্ত । এ যে নারীর  
একাধিপত্য ; এখানে যে নারী রাণী ।  
অতএব হে শক্তিরূপী নারী, তোমায়  
প্রণাম করি ।

এ যে রাজতনয় ; তুমি আমি যেমন  
তেমন করিয়া রাখিব, ইহার শোভা নষ্ট  
করিব, ইহার শান্তিভঙ্গ করিব, তাহা  
হইবে কেন ? রাণীর হুকুম—“সব পরি-  
পাটি, পরিষ্কার, পরিচ্ছন্ন থাকিবে ।”  
তুমি কে যে ইহার প্রতিবাদ কর ? মাথা  
পাতিয়া আজ্ঞা পালন কর । শ্রদ্ধা ও  
সম্মানের সহিত, বাধ্যতা ও বিনয়ের সহিত  
এ পুরে প্রবেশ কর । একটি কুটাণ্ড  
স্থানভ্রষ্ট করিও না, একটু কণিকাও শ্রীভ্রষ্ট  
করিও না, অতএব হে পরিপাটীরূপী  
রাণী, তোমায় প্রণাম করি ।

রোগে জীর্ণ, শোকে শীর্ণ, পাপ তাপে  
মলিন, বিষাদে শ্রীহীন কোথায় তুমি  
একটু আরামের প্রত্যাশা করিবে ? সে ত  
এই স্থান, যার অধিষ্ঠাত্রী দেবতা ঐ  
সেবিকারূপে তোমার জন্ত অপেক্ষা  
করিতেছেন । তুমি কি সেই মেহম্পর্শের  
মূল্য দিতে পার ? তুমি কি সেই সহ-  
বেদনার প্রতিদান করিতে পার ? নাহয়

রাণী ।

৬৯

যে পলকে পরিবর্তিত হয় সে ত এই  
সেবার গুণে । তার রোগ যায়, শোক  
যায়, পাপ যায়, বিষাদ যায়, সে ত এই  
সহানুভূতির গুণে । অতএব হে সেবা-  
রূপিনী দেবী, তোমায় প্রণাম করি ।

পুরুষ কোথায় একটু জীবনকে তুচ্ছ  
করিয়। পরের জন্ত আত্মদান করিল,  
সংবাদ পত্রে ও জগৎময় কত ধন ধন  
পড়িয়া গেল, কিন্তু ঘরে ঘরে নারী যে  
নীরবে কত আত্মদান করিয়া যাইতেছেন  
তার সংখ্যা কেহ কখন রাখিতে পারিবে  
কি ? প্রকাশের জয় পৃথিবীময় বটে, কিন্তু  
অপ্রকাশের জয় গৃহে গৃহে । এ লোকে  
ইহার সংবাদ কেহ না রাখিলেও আর  
এক লোকে ইহার প্রত্যেকটির হিসাব ও  
পুরস্কার আছেই আছে । অতএব হে  
আত্মদানকারিণী, তোমায় প্রণাম করি ।

মুখর ও বাচাল পুরুষ সদাই আত্ম-  
গুণগান আত্মকীর্তি ঘোষণা ও আত্ম-  
প্রতিষ্ঠার তরে প্রাণপণ করেছেন ;  
লজ্জাবতী নারীর মুখে কবে তা শুনেছেন ?  
নারী জানেন মুখখানি বৃজিতে, অভি-  
যোগ ভুলিতে, অত্যাচার সহিতে, নীরবে  
চক্ষের জলে ভাসিতে । স্বর্গে ও মর্ত্তে  
এর অপেক্ষা মহত্তর ছবি দেখা যায় কি ?  
নারী প্রকৃতি, সে যে কেবল আত্মগোপন  
আর আত্মগোপন । তোমার নিঃস্বপ্ন  
সমালোচনা সংঘত কর, এই ছুরবগাছ  
হৃদয়ের ভিতর প্রবেশ করিয়া সেই অদৃশ্য  
সহশক্তি অনুভব করিতে চেষ্টা কর  
তোমার জাহ্নু নত হইবে, ছুটি কর ।  
অঙ্গলীবদ্ধ হইবে, আর লেখকের মত

তুমিও বলিবে, হে সহকৃপিনী, তোমায়  
প্রণাম করি ।

এত যে ধর্ম্ম ধর্ম্ম কর, হে পুরুষ,  
তোমার সে ধর্ম্মের মূল্য কি যদি নারী  
তার রক্ষক না হন ? সহস্র সহস্র বৎসর  
ধরিয়া কত কত বৈরনির্যাতন সহিয়া,  
এই যে প্রকাণ্ড হিন্দুধর্ম্ম আজও জগতের  
নিকট আপন অক্ষুণ্ণ প্রতাপ ঘোষণা  
করিতেছেন, এ কি কেবল ঋষিদের সাধ-  
নার গুণে, কেবল কতকগুলি শাস্ত্রবিধির  
প্রভাবে ? আমাদের গৃহদেবীদের নিষ্ঠা  
ভক্তি না থাকিলে এ সব কোথায়  
থাকিত ? ধর্ম্মের অগ্নি কে জ্বলাইয়া  
রাখিয়াছে, এই নারী অগ্নিহোত্রীরা  
নন ? কঠোর ধ্যান চিন্তায়, তর্ক আলো-  
চনায় ঋষিরা সত্যলাভ করেছিলেন বটে,  
কিন্তু এ সত্য পালন করে কে ? ধর্ম্মের  
কঠোর বিধি নিয়মাদি জীবনে পরিণত  
করে কে ? ধর্ম্মকে অঙ্গের ভূষণ, জীবনের  
মেরুদণ্ড, ভবপথের সম্বল, পরলোকের  
এক লক্ষ্যই করে কে ? সে কি এই নারী  
নন ? আর এই নববিধান, যাহা নারীকে  
উপেক্ষা না করিয়া তাঁর উচ্চবেদীতে  
তাকে বসাইয়া বরণ করিতে চাহিতেছেন,  
এই নববিধান কি কখনও পূর্ণ হইবে  
নারীকে ছাড়িয়া ? নরনারী এক হৃদয়  
হউন । এবার এক হইয়া একের পূজা  
হউক, তবে পূজা সার্থক হইবে । অত-  
এব হে ধর্ম্মরক্ষয়িত্রী রাণী, তোমায় প্রণাম  
করি ।

## সময়ের উক্তি ।

বাজায়ে করণ বেণু হৃদয় মন্দিরে  
সময় কাতরে কাঁদি কয়,  
পদ্মপত্রে বারিধারা সদৃশ ধরায়  
এ জীবন চিরস্থায়ী নয় ।

যে কোন মহান কাজ করিবে আশায়  
কল্প নাই আজো সমাপন,  
অচিরে সমাধি তাহা পরিহরি হেলা  
কোরোনাক গোণ কদাচন ।

লইলে বিদায় আমি আসিনাক ফিরে  
জগতের শত সাধনায়,  
নীরবে সাধিয়া চলি কর্তব্য আপন  
রহিনাক কারো প্রতীক্ষায় ।

না করে উপেক্ষা মোরে বিচক্ষণ জন  
সময়ে সাধন করে কাজ,  
করিব করিব আশে যাপিলে সময়  
পরে সে যে পায় দুখ, লাজ ।

কত পুণ্যফলে লভি ছলভ জীবন  
বৃথা হায় ফুরাবে এমন ?  
ছোট বড় কত কাজ রহে বসুধায়  
কর শেষ যা পার যেমন ।

এ ক্ষণভঙ্গুর ভবে সবি হবে শেষ  
না রবে কিছুই বর্তমান,  
কার্য শুধু অবিনাশী নাহি কত লয়  
রহিবে তাহাই গরীয়ান্ ।

ফলাফল অরপিয়ে ভগবান্ পদে  
আপন কর্তব্য কর শেষ,  
বিফলে নিরাশে ভগ্ন না হবে তা হলে  
কদাপিও ও মরম-দেশ ।

না হবে কাঁদিতে তবে জীবন ফুরালে  
“অসম্পূর্ণ হায়” বলি আর,

লভিবে পরমানন্দে পরম আশ্রয়  
দেবতা চরণে আপনার ।  
শ্রী হেমসুভালা দত্ত ।  
চট্টগ্রাম ।

## মীরাবাই ।

( ১ )

[ ভারতবর্ষের পশ্চিমাঞ্চলের প্রায় সর্বত্রই—রাখাল বালকগণের আবেগপূর্ণ সঙ্গীতে, যুবকদিগের সাক্ষামজলিসে অথবা ধনিগণের বিলাস-কক্ষে প্রতিধ্বনিত গীতবাণের মধ্যে একটি পপ্তিচিত নাম সর্বদাই শ্রুত হইয়া থাকে। বলা বাহুল্য, ইনিই আমাদের ইতিহাসে উল্লিখিত মীরাবাই । আজ আমরা ইহার পবিত্র জীবনের কয়েকটি সংক্ষিপ্ত ঘটনা সংযোজিত করিয়া কাহিনীরূপে উপস্থিত করিতেছি । বোধ হয় পাঠক পাঠিকা-দিগের নিকট তাহা অনাদৃত হইবে না । ]

রাজপুতানার অন্তর্গত ‘নিরতা’ একটি ক্ষুদ্র মনোরম গ্রাম । গ্রামটির চারিপার্শ্বেই ছোট ছোট পাহাড়, সেই পাহাড় হইতে বাহির হইয়া সঙ্কীর্ণ কয়েকটি নদী একে বেকে গ্রামটির ভিতর দিয়া বহিয়া চলিতেছে । দেখিলে মনে হয়, যেন প্রকৃতি কত সৌন্দর্য্য একত্র করিয়া এই ক্ষুদ্র স্থানটিকে বেষ্টিত করিয়া আছেন । এই স্থানেই আমাদের স্বনামধন্য ধর্মপরায়ণা সতীলক্ষ্মী মীরাবাই জন্মগ্রহণ করেন । তাঁহার শ্রায় সুন্দরী

তৎকালে রাজপুতানায় আর কেহই ছিল না, তাই তাঁহার অতুলনীয় সৌন্দর্য্য দেখিয়া রাজপুতানার অধিবাসিগণ তাঁহাকে ‘জ্যোতির্ময়ী বলিয়া আখ্যাত করিত ।

অতি বাল্যকাল হইতেই রমণীসুলভ যাবতীয় গুণ—দয়া শ্রদ্ধা ভক্তি প্রভৃতি তাঁহার সেই ক্ষুদ্র হৃদয়টিকে পূর্ণ করিয়া রাখিয়াছিল । দেবতার প্রতি তাঁহার অসীম ভক্তি ও ত্রৈকান্তিক বিশ্বাস তাঁহার আধ্যাত্মিক জীবনকে আরও উন্নীত করিয়া তুলিয়াছিল । এতদ্ব্যতীত তিনি এমন সুন্দর সুন্দর গান রচনা করিতে পারিতেন যে তাহা শুনিলে বালক বৃদ্ধ সকলেই আশ্চর্য্যান্বিত হইয়া ভাবিত, এত অল্প বয়সে ইনি এ সকল বিষয় কিরূপে আয়ত্ত করিতে পারিলেন । শ্রীমৎভাগবত হইতে শ্রীকৃষ্ণের বাল্যলীলা শ্রবণ করিয়া অল্প তাহা ছোট ছোট ছড়া করিয়া যখন সুললিত স্বরে গাহিতে থাকিতেন তখন কত বৃদ্ধেরও চক্ষু দিয়া পেমার্শ পড়িত । ভগবানে এমন আত্মনির্ভর জগতে ছলভ । কৃষ্ণলীলা গাহিতে গাহিতে মীরা কত দিন বাহ্যজ্ঞানশূন্য হইয়া পড়িয়াছেন, আবার জ্ঞানলাভেও অনেক সময়ে আপনার আরাধ্য দেবতাকে মনে করিয়া কাঁদিয়া আকুল হইয়াছেন ।

বাল্যকাল কাটিয়া ক্রমে যৌবন আসিল । চিতোরের মহারাণা কুন্তসিংহের সহিত তাঁহার বিবাহ হইয়া গেল । মহারাণাও বাল্য হইতে কবিতাপ্রিয় ছিলেন । নববিবাহিত বধুর সহিত দিন-

কতক বেশ একরূপ সুখে কাটিল । কিন্তু চিরকাল সমান যায় না ।

মীরা প্রায় সর্বদাই সখীগণসহ শ্রীকৃষ্ণের লীলাগানে বিভোরা । কখন বা কোন সখীকে শ্রীকৃষ্ণ সাজাইয়া স্বয়ং রাধিকা হইয়া তাহার বায়ে দাঁড়াইতে-ছেন, আবার কখন বা নিজেই শ্রীকৃষ্ণ হইয়া শ্রীমতীর মানভঞ্জন পাল্য অভিনয় করিতেন । মহারাণা প্রথম প্রথম বেশ আনন্দ পাইলেও শেষে আর এসব ভাল লাগিত না । তিনি যেটুকু চান সেটুকু যেন মীরার নিকট হইতে পান না—এই তাঁর আক্ষেপ । তরুণ বয়সে যাহা তাঁহার আকাঙ্ক্ষা মীরার পক্ষে তাহা যেন মুক্তির পথে প্রতিবন্ধক ।

( ২ )

দিল্লীর রত্নসিংহাসনে বসিয়া মোগল সম্রাট আকবর সা মীরাদেবীর সঙ্গীতের প্রশংসা শুনিলেন । আকবর সা চিরদিনই গুণগ্রাহী ছিলেন, তাঁহার নিকট হিন্দু মুসলমান ভেদাভেদ জ্ঞান ছিল না । এই সহৃদয়তা গুণেই তিনি একদিন বিস্তৃত মোগল-সাম্রাজ্যের আধিপত্য লাভ করিতে পারিয়াছিলেন ।

ক্রমশঃ ।

## সাময়িক প্রসঙ্গ ।

কিছুদিন পূর্বে আমরা শুনিয়া অত্যন্ত সন্তোষ হইয়াছিলাম যে হাইকোর্টের প্রসিদ্ধ বারিষ্টার মেঃ, টী পালিত ( শ্রীযুক্ত তারকনাথ পালিত ) কলিকাতা বিশ্ববিদ্যালয়ের

কর্তৃপক্ষগণের হস্তে এই সর্ভে সাতলক্ষের অধিক টাকা দিয়াছেন যে তাঁহার ঐ টাকা দ্বারা বিজ্ঞানের উচ্চ শিক্ষার জ্ঞ প্রয়োজনীয় সুব্যবস্থা করিবেন। তাঁহার আর একটি সর্ভ এই আছে যে এই উচ্চ বিজ্ঞান শিক্ষালয়ের অধ্যাপকগণ ভারত বাসী হইবেন। ইহাও তাঁহার অভিপায় আছে যে যদি ভারতবাসীগণের মধ্যে উপযুক্ত অধ্যাপক না পাওয়া যায় তাহা হইলে যোগ্য ভারতবাসীকে বৃত্তিদান করিয়া উপযুক্ত করিয়া লইয়া অধ্যাপক নিযুক্ত করা হইবে। এই আশ্বিন মাসের নূতন সংবাদ এই যে পালিত মহাশয় আরও প্রায় আট লক্ষ টাকা সেই কার্যের জ্ঞ বিশ্ববিদ্যালয়কে দান করিয়াছেন। ভারতে এরূপ দান নাই বলিলেই হয়। কত ধনী মহাধনী আছেন, কিন্তু সাধারণের মঙ্গলের জ্ঞ, দেশের শিক্ষার উন্নতির জ্ঞ কে আপনার সর্বদান করিতে পারেন। এখন হইতে পালিত মহাশয়ের নাম প্রাতঃস্মরণীয় হইয়া রহিল। স্বদেশের উন্নতিকল্পে উদারমতি পালিত মহাশয় যাহা করিয়া গেলেন আমরা আশা করি ইহাতে দেশের সকল ধনীর দৃষ্টি আকর্ষণ করিবে এবং দেশের মঙ্গলের জ্ঞ মুক্তহস্তে দান করার সংবাদ আমরা সর্বদাই শুনিয়া আনন্দিত হইব। শুনিতে পাই পালিত মহাশয়ের রোগের অবস্থা অতি কঠিন। তিনি হৃদ্রোগে পীড়িত, কখন জীবন শেষ হয় বলা যায় না—এরূপ অবস্থায় যদি কলিকাতার সকল শিক্ষিত নরনারী মিলিত হইয়া তাঁহাকে একটি কৃত-

জ্ঞতা ও শ্রদ্ধাচক পত্র প্রেরণ করেন, তাহা হইলে একটি কর্তব্য কর্ম সম্পাদন করা হয়।

স্বর্গগতা প্রাতঃস্মরণীয় মহারাণী ভিক্টোরিয়ার জীবনের একটি ক্ষুদ্র ঘটনা সম্প্রতি সংবাদ পত্রে প্রকাশিত হইয়াছে। মহারাণী যে সময়ের কার্য ঠিক সেই সময়ে করিতেন, কখনও কোথাও উপস্থিত হইতে বিলম্ব করিতেন না। এক দিন তাঁহার একটি সভায় যাইবার সময় স্থির আছে, কেবল তাঁহার একজন সম্মানিতা সঙ্গিনী উপস্থিত নাই। তাঁহাকে না লইয়া যাওয়া ভাল হয় না, কিন্তু সময় হইল তথাপি সেই সঙ্গিনী আসিলেন না, ভিক্টোরিয়া অগত্যা গাড়ীতে উঠিলেন, এমন সময়ে সেই উচ্চ পদস্থা মহিলা অতি ব্যস্ত হইয়া কি বলিতে বলিতে গাড়ীতে মহারাণীর সম্মুখে আসিয়া বসিলেন। মহারাণী আর কিছু না বলিয়া আপনার একটা হীরার হারের সহিত গ্রথিত একটা নূতন ঘড়ী তাঁহার গলদেশে ঝুলাইয়া দিলেন।

শারদীয় উৎসবোৎসব ভিক্টোরিয়া ইনষ্টিটিউশন বন্ধ হইয়াছে। ১৪ই অক্টোবর সোমবার হইতে ১০ই নবেম্বর রবিবার পর্যন্ত বন্ধ থাকিবে। আগামী ১১ই নবেম্বর সোমবার পুনরায় স্কুলের কার্য আরম্ভ হইবে। মহিলাবিভাগের বক্তৃতাও ঐ সময়ে আরম্ভ হইবে। স্কুলের বোর্ডিং এর কার্য উত্তমরূপে চলিতেছে। যে সকল অভিভাবক স্কুলে বা বোর্ডিং এ বালিকাগণকে ভর্তি করিতে ইচ্ছা করেন, তাঁহারা ২০নং বীডন ষ্ট্রীট স্কুলের সম্পাদকের নিকট আবেদনপত্র পাঠাইবেন।



মাসিক পত্রিকা।

“যত্র নার্যন্তু পূজ্যন্তে রমন্তে তত্র ঈবতাঃ।”

১০শ ভাগ ] কার্তিক, ১৩১৯। নবেম্বর, ১৯১২। [ ২র্থ সংখ্যা।

প্রার্থনা।

হে সচ্চিদানন্দকপিণি জননি, তোমার রূপায় তোমার কৃপাগণ অর অর জ্ঞান ও বিগাস লাভ করিয়া উন্নতিলাভ করিতে যত্ন করিতেছেন, তোমার অনেক কৃপাগণের গৃহে সুরুচি, সুশৃঙ্খলা ও সৌন্দর্য দেখিয়া প্রাণে কত মুখ হয়। তুমি তাঁহাদের গৃহে বিরাজ করিতেছ প্রত্যক্ষ করিয়া বড়ই আনন্দ হয়। তুমি তাঁহাদের গৃহে রহিয়াছ, কিন্তু তাঁহাদের গৃহে থাকিয়া ধন-ধাত্ত লক্ষী শৃঙ্খলা সৌন্দর্য দান করিতেছ, দেখিতে পাই তাঁহারা তোমাকে অবতীর্ণরূপে দর্শন করিয়া তোমার প্রতি ভক্তি প্রেমে মত্ত হইয়া পুণ্যে ও আনন্দে জীবনযাপন করিতে পারিতেছেন না। তোমার চরণে তাই বিনীত প্রার্থনা করি, তুমি তোমার কৃপাগণের প্রতি বিশেষ রূপা করিয়া যদি এত আশীর্বাদ বর্ষণ করিলে, তবে আপনাকে দান করিয়া তাঁহা-

দিগকে চিরস্থায়ী কর। এই প্রার্থনা করিয়া তব পাদপদ্মে বার বার প্রণাম করি।

শান্তিঃ শান্তিঃ শান্তিঃ।

অরুপ্পান।

এক সময়ে মহাবীর নেপোলিয়ন বলিয়াছিলেন যে, “অসম্ভব” কথাটা কেবল মুখের অভিধানেই পাওয়া যায়, অর্থাৎ কোনও বিষয় আমরা অসম্ভব মনে করিতে পারি না। বাস্তবিক মানবজাতির শক্তি উত্তরোত্তর যে পরিমাণে বৃদ্ধি হইতেছে, ইহাতে ঐ মহাপুরুষের কথার সত্যতা যথেষ্ট প্রমাণ হইতেছে। মানুষ সর্বদাই নূতন শক্তি লাভ করিবার জন্ম ব্যস্ত, যাহা সাধ্যাতীত তাহা সাধ্যায়ত্ত করিবার জন্ম সতত চেষ্টাশীল। সত্য কথা বলিতে গেলে এখন “অসম্ভব” বলিয়া কোনও বিষয় স্বীকার করা প্রায় অসম্ভব হইয়াছে।

এবং অসাধ্যসাধন এখন নিত্য নৈমিত্তিক ব্যাপারের মধ্যে গাঁড়াইয়াছে।

বিজ্ঞানের উন্নতি যদিও প্রধানতঃ আজকাল বৈজ্ঞানিক শক্তির সহিত জড়িত, তথাপি অজ্ঞান বিষয়েও ক্রমাগতই প্রাণপণ চেষ্টা চলিতেছে। কিন্তু ভূপৃষ্ঠের আকার পরিবর্তন বোধহয় সর্বাশ্রয়ক। বিস্ময়কর! প্রয়োজনানুসারে মহাদেশ এবং মহাসমুদ্রের উপরে হস্তক্ষেপ করা যেন জ্ঞানাত্মক মনে হয়, কিন্তু পাশ্চাত্য পণ্ডিতগণ ইহা হইতেও বিরত হন নাই। এবিষয়ে ফরাসী দেশের পণ্ডিতগণ অগ্রগণ্য। এক সময়ে ইউরোপ হইতে ভারতবর্ষে আসিতে আফ্রিকার দক্ষিণ উপকূল বেষ্টিত করিয়া আসিতে হইত। ইহাতে বাণিজ্যের বহু অসুবিধা হওয়ায় আফ্রিকা এবং এশিয়া মহাদেশের মধ্যস্থিত সঙ্কীর্ণ ভূভাগ সুয়েজ প্রণালীদ্বারা দ্বি-খণ্ডিত করিয়া ফরাসী ইঞ্জিনিয়ার ডি লেসেপ্ বাণিজ্যপথ বহুপরিমাণে সংক্ষিপ্ত করিয়া দেন। ভূপৃষ্ঠের আকার পরিবর্তনে মানুষের বোধ হয় এই প্রথম হস্তক্ষেপ। মহাদেশ দ্বি-খণ্ডিত করিবার চেষ্টা সপ্রতি আর একটি হইতেছে। মানচিত্রে অনেকে দেখিয়া থাকিবেন যে, উত্তর এবং দক্ষিণ আমেরিকা অতি সংকীর্ণ একটা ভূমি-খণ্ডের দ্বারা যুক্ত; ভূগোলে এই ভূমি-খণ্ডের নাম পানামা যোজক। ফরাসী ইঞ্জিনিয়ারগণের পরামর্শে এই যোজক দ্বি-খণ্ডিত করিয়া আটলান্টিক ও প্রশান্ত মহাসাগরদ্বয়কে যুক্ত করা হইবে, এবং এই পানামা ক্যানালের কার্য প্রায় শেষ হইয়া আসিয়াছে। কিন্তু ইহাতেও দেখা

যায় মানুষ সম্ভ্রষ্ট হয় নাই; নূতন সমুদ্র এবং নূতন দেশ সৃষ্টি করিতে না পারিলে মানুষ দুর্নি কখনও সম্ভ্রষ্ট হইবে না। ফরাসী দেশের একজন বিখ্যাত পণ্ডিত অধ্যাপক এশেগোয়ে প্রস্তাব করিয়াছেন যে, সুদীর্ঘ প্রণালী দ্বারা আনীত সমুদ্রজল দিয়া সাহারা মরুভূমি প্লাবিত করা হউক। সাহারা মরুভূমি বর্তমান অবস্থায় যতদিন থাকিবে, ততদিন উহা মানুষের উপকারে আসিবার কোনও সম্ভাবনা নাই; সুতরাং এই অসুবিধা ভূমিকে অনর্থক পড়িয়া থাকিতে না দিয়া ইহাকে সমুদ্র জলদ্বারা প্লাবিত করিয়া উদ্ধার করা হউক, তাহা হইলে মানুষের বাসোপযোগী স্থান আরও বিস্তৃত হইবে। এই প্রস্তাবে সমস্ত সভ্য-জগৎ চমৎকৃত হইয়াছে এবং ইহা সম্ভব কি না, এবং ইহা কার্যে পরিণত হইলে ইহার ফলাফল কি হইতে পারে তাহা নির্দিষ্ট করিতে এখন সম্ভবে ব্যস্ত।

ইউরোপ মহাদেশের দক্ষিণে ভূমধ্য-সাগর, এবং তাহার দক্ষিণে আফ্রিকা মহাদেশ। আফ্রিকার প্রায় সমস্ত উত্তরার্ধ অধিকার করিয়া সাহারা মরুভূমি বিস্তৃত। পৃথিবীর মধ্যে সাহারা সর্বাশ্রয়ক বৃহৎ মরুভূমি এবং আয়তনে ভারতবর্ষের দ্বিগুণ; ইহার বহু অংশ এখনও অনাবিষ্কৃত এবং এই ভয়ানক স্থানের গভীরতম প্রদেশে কি বিকট রহস্য লুক্কায়িত আছে তাহা এখনও সভ্যজগতের নিকট উদ্ঘাটিত হয় নাই। সাহারা দৈর্ঘ্যে দুই সহস্র মাইল এবং প্রস্থে প্রায় এক সহস্র মাইল হইবে। এই মহাবিস্তৃত মরুভূমি বালুকারাশিতে পূর্ণ।

সমুদ্রের সহিত অনেকাংশে ইহার সাদৃশ্য আছে, বাস্তবিক ইহা বালুকারাশির সমুদ্র-বিশেষ। সমুদ্রেরই ত্রায় ইহা ভয়াবহ, অথচ সুমহান এবং বিস্ময়জনক; যতদূর চক্ষু যায় কেবল বালুকারাশির স্তূপ এবং সমতলভূমি দৃষ্টিগোচর হয়।

সাহারা মরুর করেকটা অতি বিশেষত্ব আছে, তাহার মধ্যে সর্বপ্রধান এই যে মরুভূমির সীমারেখা অতি সুস্পষ্ট। এক এক স্থানে যেন কেবল রেখা দিয়া উর্ধ্বা এবং অর্ধা ভূমি পৃথক করিয়াছে মনে হয়। এইজন্ত সমুদ্রের সহিত ইহার সাদৃশ্য আরও অধিক, যেন বালুকারাশির তরঙ্গ তাহার উপকূল পর্যন্ত আসিয়া আর আসিতে পারে না। কিন্তু এই বালুকারাশিতে ভূমি সমতল নহে, বরং কোথাও অল্পতরঙ্গ পর্বত, কোথাও শুষ্ক মৃত্তিকার উচ্চভূমি, কোথাও বা শিলাখণ্ডপরিপূর্ণ বিস্তীর্ণ প্রান্তর, কোথাও বা লবণাক্তজলপূর্ণ জলাভূমি এবং কোথাও বা শুষ্ক কটকটফের সমষ্টি দেখা যায়। কোনও কোনও স্থানে বালুচণাগুলি এত স্থল যে পথিকের হকে তাহা প্রবেশ করে, এবং যখন এই বালুকার তুফান উথিত হয় তখন নিশ্বাস প্রশ্বাস অসম্ভব হইয়া উঠে। অনেক স্থানে সমুদ্রের পর্বতসমান তরঙ্গের ত্রায় সাহারাতেও বালুকার অতি উচ্চ তরঙ্গ-শ্রেণী দেখা যায়; সামান্য ঝড় হইলেই এই অসুস্থ তরঙ্গশ্রেণী আকার পরিবর্তন করে।

সাধারণতঃ সাহারার অধিকাংশই সমুদ্রপৃষ্ঠ হইতে অনেক উচ্চ, কিন্তু এমন

অনেক স্থানও আছে যাহা সমুদ্রপৃষ্ঠ হইতে অনেক নিম্নে। অধ্যাপক এশেগোয়ে এই নিম্ন ভূমি সকল সমুদ্রজলে প্লাবিত করিবার প্রস্তাব করিয়াছেন। ইহা সিদ্ধান্ত হইয়াছে যে, জলের অভাবেই সাহারা প্রদেশ মরুভূমিতে পরিণত হইয়াছে; ভূমির কোনও দোষ নাই, সুতরাং ইহারা স্থির করিয়াছেন যে, যথেষ্ট পরিমাণে জল পাইলেই মরুভূমি উর্ধ্বা ভূমিতে পরিণত হইবে। ইহা করিতে হইলে আফ্রিকার উত্তরভাগে একটা সুদীর্ঘ প্রণালী বা ক্যানাল প্রস্তুত করিতে হইবে, এই প্রণালী দ্বারা ভূমধ্য সাগরের বাসি বাসি মরুভূমির বক্ষে আনয়ন করিলে উত্তম কঠিন স্থান সকল নূতন সরস জীবনে সঞ্জীবিত হইয়া উঠিবে। ইহাতে যে প্রকাণ্ড একটা হ্রদের সৃষ্টি হইবে তাহা নহে, কারণ আমরা দেখিয়াছি যে সাহারার অনেক স্থান যথেষ্ট উচ্চ, সুতরাং এই সকল স্থান প্লাবিত হইবে না, বরং দ্বীপ-পুঞ্জ পরিণত হইবে। এই প্রস্তাব যদি সফল হয় তাহা হইলে কবিগণ "মরুভূমিতে বাসিন্দগণ" একটি অসম্ভব ব্যাপার বাসিবার অধিকার হইতে বঞ্চিত হইবে না।

সাহারা মরুভূমির অধিকাংশ ফরাসী শাসনের অধীন, এবং যে অংশে বাসিন্দগণ করিবার প্রস্তাব হইয়াছে তাহাও ফরাসীদিগের আয়ত্তে, সুতরাং এই হ্রদ এবং দ্বীপ-পুঞ্জ সৃষ্ট হইলে ফরাসীদিগের যে সর্ববিধ উন্নতি হইবে তাহার সন্দেহ নাই। কিন্তু অনেকে এই প্রস্তাবে আপত্তি করিতেছেন, কারণ তাহাদের বিশ্বাস যে,



এই উত্তর মরুভূমির জল ইউরোপের উত্তরাংশ কিছু পরিমাণে শীত হইতে রক্ষা পায় ; সুতরাং যদি এই উত্তাপ নষ্ট করা হয়, তাহা হইলে ইংলণ্ড এবং অগ্ন্যাগ্ন দেশ এত শীতল হইবে যে বাস করা প্রায় অসম্ভব হইবে ; কিন্তু অল্পক্ষণ দেখাটতে চেষ্টা করিতেছেন যে একরূপ ভয় করিবার কোনও কারণ নাই। সাহারা হ্রদের গুণে আফ্রিকাদেশের অনেক স্থান অল্প অপেক্ষাকৃত শীতল হইবে, কিন্তু ইউরোপের কোন দেশে তাহার কোনও কুফল অনুভব করিবার সম্ভাবনা নাই।

পুনরায় কেহ কেহ বলিয়াছেন যে, এত অধিক পরিমাণে জল স্থানপরিবর্তন করিলে পৃথিবীর ভারের সামঞ্জস্য নষ্ট হইবে, এবং তাহা হইলে তাহার মেরুখণ্ডের দিক পরিবর্তন পরিবর্তিত হইবে, ফলে ইহাতে নূতন কোনও অনর্থ সংঘটিত হইতে পারে। অনুমান করা গিয়াছে যে এই নূতন হ্রদে ৯৭৫,৭৫৪,০০০,০০০,০০০ মণ জল আসিতে পারে। এই জল প্রথমতঃ ভূমধ্যসাগর হইতে সাহারা হ্রদে আসিলে আটলান্টিকের জল ভূমধ্যসাগরে আসিয়া প্রবেশ করিবে। ইহাতে পশ্চিমেরা বলিতেছেন, পৃথিবীর ভারসামঞ্জস্য অধিক কিছু পরিবর্তিত করিবে না, কারণ প্রতিদিন সমুদ্রে যে জোরারভাটা হয় তাহাতে কত লক্ষ লক্ষ মণ জল স্থানপরিবর্তন করে, এবং তাহাতে যদি কোনও ভয় না থাকে তাহা হইলে ইহাতেও কোনও ভয় নাই। এই সকল আপত্তি যে ভাবে খণ্ডিত হইয়াছে ইহাতে মনে হয় যে এই অতুত কার্যে

শীতল ফরাসীগণ হস্তক্ষেপ করিবেন। মানুষ ক্রমে ক্রমে প্রকৃতই অতুতকর্য হইয়া উঠিতেছে। তাহার ইচ্ছামুত্রে সমুদ্র বহিষ্কৃত ও গৃহীত হইতেছে, ইহা অপেক্ষা অতুত কি হইতে পারে? হলাণ্ড দেশ হইতে সমুদ্রকে বহিষ্কৃত করিয়া সে দেশ মনুষ্যবাসোপযোগী করা হইয়াছে; আর সাহারাতে সমুদ্রকে অভ্যর্থনা করিয়া লইয়া মরুভূমিকে মনুষ্যের আবাসভূমি করিবার চেষ্টা হইতেছে।

### পরিষ্কার পরিচ্ছন্নতা।

নীতি যেমন ধর্মের দৃঢ়তা পরিষ্কার পরিচ্ছন্নতা তেমনি সংসারের শোভা। সাহারা ধর্মশালনে দৃঢ় হইয়া ছোট ছোট নীতিপালনে উদাসীন, তাহাদের জীবন স্বথজনক বা সুদৃশ্য হয় না। সাহারা গৃহী হইয়া পুত্রকন্যা লইয়া সংসারধাত্রা নিষ্কাহ করে, তাহারা যদি অন্তর কিংবা বাহ্য সকল বিষয়ে পরিষ্কার পরিচ্ছন্নতা রক্ষায় অমনোযোগী হয়, তাহাদেরও গৃহকার্য সুখকর হয় না, বরং তাহাদের গৃহ কদাকার ধারণ করে।

প্রত্যেক ধর্মসম্প্রদায়ের শাস্ত্রে নীতি-বিষয়ে শাসন এবং পরিচ্ছন্নতা বিষয়ে উপদেশ আছে। তথাপি অনেক ধর্মসম্প্রদায়ে শাস্ত্রের সেই শাসন এবং উপদেশ কার্যকর হয় নাই। ভারতবর্ষ এক বিস্তীর্ণ ভূভাগ। ইহাকে একটি মহাদেশ বলিলেও অত্যুক্তি হয় না। এ ভূভাগে কতপ্রকার বিভিন্নজাতি, কতপ্রকার বিভিন্ন

ধর্মসম্প্রদায় বর্তমান আছে। তন্মধ্যে বর্তমান সময়ে হিন্দু মুসলমান এবং খ্রীষ্টানই প্রধান। বৌদ্ধ প্রায় নাই। দুই একটি বৌদ্ধ গ্রাম কোন কোন স্থানে বিদ্যমান। বঙ্গ প্রদেশে অল্পসংখ্যক পরসীক সম্প্রদায় রহিয়াছে। তাহাদের গণনা কে করে?

হিন্দুদের পতিত অবস্থা হইলেও পরিষ্কার পরিচ্ছন্নতা বিষয়ে হিন্দু অগ্ন্যাগ্ন ধর্মসম্প্রদায় অপেক্ষা ছীন নহে। হিন্দুজাতির মধ্যে আর একটি আশ্চর্যব্যাপার এই যে নিম্নশ্রেণীর হিন্দুগণও পরিষ্কার পরিচ্ছন্নতার প্রতি বিশেষ মনোযোগী। স্বর বাড়ী বাসনপত্র পরিষ্কার রাখা বিষয়ে অনেক নিম্নশ্রেণীস্থ হিন্দু বরং উচ্চশ্রেণী অপেক্ষা শ্রেষ্ঠত্ব প্রকাশ করে।

মুসলমানগণ এ বিষয়ে অতি ছীনদশা-পর। অনেক ধনী মুসলমানের পরিধেয় বস্ত্রাদি বেশ পরিষ্কার। কিন্তু তুমি যদি তাহার আন্দর মহলে বা বাসগৃহে প্রবেশ কর, তবে নিতান্ত গুরুজনক দৃশ্য দেখিয়া কষ্টবোধ করিবে। জাতীয় দৃষ্টান্তের প্রভাবই ইহার মূলভূত কারণ। শাস্ত্র শাসনবাক্য এবং উপদেশে কিছুমাত্র ফল হয় না। নিম্নশ্রেণীর একটি হিন্দু পল্লী এবং মুসলমানপল্লী যদি দেখিয়া থাক, তবে উহাদের বিভিন্নতাও সহজেই হৃদয়ঙ্গম করিয়াছ। আমাদের দেশে বর্তমান সময়ে স্থানে স্থানে খ্রীষ্টান পল্লীও স্থাপিত হইয়াছে। কিন্তু নিম্নশ্রেণীর খ্রীষ্টানপল্লী অপেক্ষা পরিচ্ছন্নতা বিষয়ে হিন্দুপল্লী এখনও শ্রেষ্ঠ রহিয়াছে।

পাদ্রী সাহেবগণ হিন্দুর ধর্ম ও নীতির যত কেন নিন্দা করুন না, এবং যত উৎসাহের সহিত কেন হিন্দুধর্মের উচ্ছেদ সাধনপূর্বক খ্রীষ্টধর্ম সংস্থাপনে যত্বান হউন না, নিম্নশ্রেণীর হিন্দুগণ নীতি ও পরিচ্ছন্নতা বিষয়ে যে তথাকথিত খ্রীষ্টধর্মপ্রিতদিগ হইতে অনেক উন্নত, তাহাতে কোন সংশয় নাই।

যে জাতিতে বা যে ধর্মসম্প্রদায়ে কলকামিনীগণ পরিষ্কার পরিচ্ছন্নতার প্রতি অনবহিত, সে জাতি বা সে ধর্মসম্প্রদায়ের গৃহধর্ম পরিষ্কার পরিচ্ছন্নতা নিশ্চয় উপেক্ষিত হইয়া থাকে। নারীগণ অলস এবং কস্মে শিথিল হইলে সে গৃহে অপরিচ্ছন্নতা সত্ত্বর প্রবিষ্ট হইবে। মুসলমান রমণীগণ বিলাসবাসনায় অগ্ন্য সম্প্রদায়ের রমণীগণ অপেক্ষা প্রধান; কিন্তু বিলাসের বাসনা হইতে তাহাদের শরীর মনে ঘোর আলস্যের সঞ্চার হয়। অলস লোকের গৃহ বা দেহ অচিরে অতি মলিনমূর্তি ধারণ করে। যে সকল গৃহের রমণীগণ অলস, তাহাদের গৃহের কোণে আবর্জনা জমিয়া থাকে। বাড়ীর এদিক ওদিক হইতে দুর্গন্ধ ছুটিয়া নাসিকা রোধ করে। তাহাদের বেশ কেশ সকলই মালিন্যপূর্ণ হইয়া থাকে।

রমণী গৃহলক্ষ্মী। রমণী গৃহের ভূষণ। কিন্তু রমণী যখন আলস্যে ও উদাস্যে পূর্ণ হয়, তখন সেই রমণীই গৃহের লক্ষ্মী ছাড়াইয়া থাকে; এবং রমণীই গৃহে শ্রীহীনতা আনয়ন করে। মাজা বসা, বাঁট দেওয়া, পরিষ্কার করা গৃহিণীগণেরই কার্য। অল-

সতার সেবিকা হইলে ওসব কে করিবে ? মুসলমান জাতির মধ্যে অনেক নারী ধর্ম-শাস্ত্রের অনুশাসন ক্রমে কোরাণ পাঠ করিয়া থাকেন। কিন্তু কোরাণ বা পারসী ও আরবী পড়িয়া বিধী হইলেও অভাব-গত কিংস্বা জাতিগত দৃষ্টান্তের প্রভাব হইতে কেহ মুক্ত হইতে পারে না।

পরিষ্কার পরিচ্ছন্নতা বিনয়ে রমণী-দিগকে বাল্যাবধি বিশেষরূপে অভ্যাস ও শিক্ষা করান গতি আবশ্যিক। বাল্যাবধি যাহারা অপরিষ্কার অপরিচ্ছন্নতায় অভ্যস্ত যৌবনে বা জীবনে তাহারা সে অভ্যাসের প্রভাব দূর করিতে পারে না। কোন কোন গৃহে খাদ্য ও পানীয় এত অপরিষ্কার ভাবে ও অযত্নে রক্ষা করা হয় যে সে সকল গৃহে আহাৰ বা জল পান করা অনেকে ক্লেণজনক বোধ করেন। এগুলিও মহিলা-গণের অননুভব প্রযুক্ত হইয়া থাকে। অতএব ঐ সকল বিষয়ে ধনী নিধন, বিদ্বান মুগ্ধ, উচ্চ নীচ নির্ভেদে সকল রমণীরই বিশেষ সতর্ক হওয়া নিতান্ত কর্তব্য। যে সকল পুরনারী বা বালিকা মহিলা পত্র গ্রহণ বা অধ্যয়ন করেন আমরা তাঁহাদিগকে নিরক্ষরসহকারে অহুরোধ করি, তাঁহারা গৃহধর্মের পরিষ্কার পরিচ্ছন্নতা আনয়ন করিবার জন্ত যেন বিশেষ যত্নশীলা হইয়েন। গৃহের বাহ্যদৃশ্য ও আঙ্গিনা বেশ পরিষ্কার পরিচ্ছন্ন রাখিতে সকলেই পারেন। এখন সহরে অনেকে আঙ্গিনা পরিষ্কার কার্যে মেথর ও চাকরের উপরে নির্ভর করেন। কিন্তু তাহা হইলেও গৃহস্থ মেয়েদের দৃষ্টি ও শাসন যদি না থাকে, মেথরের দ্বারা

যথাযথ কার্য হয় না। চাকরেরাও ফাঁকি দেয়। পানীয় জল ও দুগ্ধ, আহাৰ্য সামগ্রী পরিষ্কার রাখা ও আবৃত রাখা এবং যত্নের সহিত নষ্ট হইতে না দেওয়া বিষয়ে গৃহবাসিনী নারীগণেরই প্রধান কর্তব্য। এ সকল বিষয়ে বাল্যাবধি নিজের রাখিতে শিক্ষা করাও প্রয়োজন। কেবল গ্রন্থ অধ্যয়নে জীবন যাপনের উপযুক্ত শিক্ষা হয় না। গ্রন্থপাঠ আবশ্যিক বটে, কিন্তু জীবিকা নির্বাহ এবং সুন্দররূপে মানব জীবন এ পৃথিবীতে যাপন করিতে হইলে অশন বসন গৃহ ও গার্হস্থ্য সামগ্রী সকল যত্নসহকারে রক্ষা করা, পরিষ্কার পরিচ্ছন্ন করাও নিত্য নৈমিত্তিক অত্যাবশ্যিক কার্য। একাধা যাহারা বাল্যাবধি রীতিমত শিক্ষা ও অভ্যাস না করে, তাহারা নিজেকে সুশৃঙ্খলভাবে রক্ষা করিতে বা অশ্রের সেবা সুষ্ঠুরূপে সম্পন্ন করিতে অপারক হয়। যাহারা সুপৃষ্টি ও যাহারা গৃহধর্মের সুশিক্ষিতা, তাহারা আমাদের এ প্রস্তাব যে অপ্রাসঙ্গিক নহে তাহা বুঝিতে পারিবেন।

স্মৃতি :\*

দেব,

শ্রাবণের শেষ দিনে যখন বরষায়  
ধরাহতে চিরতরে নিয়েছ বিদায়,

\* তাই গিরিশচন্দ্র সেনের স্বর্গারোহণের প্রথম সান্ন্যাসরিক দিনে তাঁহার ভাতৃপুত্রবধু কর্তৃক লিখিত।

একে একে দিনগুলি

ধীরে ধীরে গেল চলি,  
বরষ ফিরিয়া এবে এল পুনরায়,  
তব স্মৃতি হৃদিমাকে জাগিছে মনায়।

২

তাজিয়া সংসার তুমি নবীন যৌবনে  
জীবন সাঁপিয়া দিলে বিভূর চরণে ;

ব্রহ্মচর্য্যে ব্রতী হয়ে

প্রেমভক্তি কুল দিয়ে,

বিবেক বৈরাগ্য স্ত্রে পাখি সমতনে,  
মনোরম প্রীতিমালায় পরিলে আপনে।

৩

সাধিতে আপন কাজ রক্ষণ করিয়া  
দয়াময় হরি তোমা দিল পাঠাইয়া ;

তাঁর কাজ শেষ করি

নরদেহ পরিহরি,

প্রেম ভক্তি শ্রদ্ধা প্রীতি হৃদিমাকে নিয়ে,  
সে অমরধামে তুমি গেলে গো চলিয়ে।

৪

সর্বধর্ম সমন্বয় করিতে প্রচার,  
কেশবে পাঠালে হরি ধরার মাঝার ;

প্রেমভক্তি পুণ্য দিয়ে

পবিত্রতা মিশাইয়ে,

প্রেমানন্দমহানীরে ডুবি নিরন্তর,  
ধীরে ধীরে কার্যক্ষেত্রে হলে অগ্রসর।

৫

কেশবের অনুগামী যত সাধুজন,  
নববিধানে তাঁদের হইল মিলন ;

তুমিও সেথায় যেয়ে

মনোমত সঙ্গী পেয়ে—

অঘোর প্রতাপাদি মহাজনগণ,  
হইলে গো একেবারে পুলকে মগন।

৬

ব্রহ্মানন্দ বৌদ্ধধর্ম করিতে প্রচার,  
অঘোরনাথেরে দিল সে কাজের ভার ;  
প্রতাপচন্দ্রের প্রতি

আদেশিল মহামতি,

বাখানিতে খ্রীষ্টধর্ম ধরার উপর,  
সর্বধর্ম সমন্বয় করিতে সত্বর।

৭

তোমায় এছলামধর্ম করিতে বাখান,  
করিবেন ব্রহ্মানন্দ আদেশ প্রদান ;

সাধিতে আপন কাজ

কিছু না করিলে ব্যাজ,

মনের আনন্দে তুমি খাট অহানশ,  
লিখিলে তাপসমালা কোরাণ হাদিশ।

৮

মোসলমানধর্ম তুমি করিয়া বাখান,  
সাধিলে জগতে এক অশেষ কল্যাণ ;

ভারতের হিন্দু জাতি

যে ধর্মের গৃঢ়নীতি,

নাজানি আধারে মগ্ন ছিল চির দিন,  
তুমিই করিলে তায় আলোক প্রদান।

৯

পরহিতে চির দিন যাপিয়া জীবন,  
সাধিলে বিশেষ রূপে নারীর কল্যাণ ;

নারীর হিতের তরে

কতই যতন করে,

লিখেছ প্রবন্ধ কত মধুর বচন,  
ভুলিবনা তব বাণী জীবনে কখন।

১০

আর্য্য ঋষিদের তায় যাপিয়া জীবন,  
যোগময় হয়ে স্বর্গে করিলে গমন ;

তব কাজ শেষ করি

এই দেহ পরিহরি,

গিয়াছ অমরলোকে ত্যজিয়া ভুবন ;  
(চিরদিন) তোমাহুঁদে রাখিদেব করিব পূজন।

শিলচর। শ্রীমতী সৌদামিনী

সেনগুপ্ত।

কিণ্ডারগার্টেন।

(পূর্বানুবৃত্তি)।

কোবেল তাঁহার অভিনব শিশুশিক্ষা প্রণালীটি শিশু-প্রকৃতির কতকগুলি মূল তত্ত্বের উপর প্রতিষ্ঠিত করিয়াছেন। শিশু প্রকৃতির বিশিষ্ট পর্যবেক্ষণ ও পর্যালোচনারদ্বারা তিনি যে সকল সিদ্ধান্তে উপনীত হইয়াছেন, তাহাই তাঁহার শিক্ষা-নীতির মূল স্তম্ভ। যথাক্রমে সেই মূল স্তম্ভগুলির উল্লেখ করা যাউতেছে।

১। শিশুর শরীর ও শ্রমপ্রবণতা— শিশু সুকোমল দেহ লইয়া ধরাতলে জন্মগ্রহণ করে এবং ভূমিষ্ঠ হওয়া অবধি জননীর স্তন্যপান হইতে আরম্ভ করিয়া স্বাভাবিক অঙ্গ সঞ্চালন ও বিবিধ কার্যক্রীড়ার মধ্য দিয়া এই শ্রমপ্রবণতার পরিচয় প্রদান করে এবং বয়োবৃদ্ধির সঙ্গে সঙ্গে উচ্চরোম্বর প্রকৃষ্ট প্রণালী অনুসারে স্বকীয় জীবন ধারণ ও সামাজিক কল্যাণ সাধনোপযোগী শ্রমশীলতায় অভ্যস্ত হইয়া পরিণত বয়সে পূর্ণ শারীরিক বিকাশ লাভ করিয়া থাকে।

২। দেহ ও মনের স্বনিষ্ঠ সম্বন্ধ— শিশুর শারীরিক ও মানসিক প্রকৃতি এক-টার সহিত অণ্ডটি অপরিহার্য সম্বন্ধে

আবদ্ধ। শারীর বৃত্তির সচ্ছন্দ বিকাশ মনোবৃত্তি বিকাশের অপরিহার্য উপায়। আবার মনোবৃত্তি নিচয়ের স্বাভাবিক স্ফূর্তি ও তজ্জনিত আনন্দ না হইলে, শারীরিক শক্তি ও স্বাস্থ্য সংরক্ষণ হইয়া পড়ে।

৩। ইন্দ্রিয় বিকাশ ভূমিষ্ঠ হইবামাত্র বাহ্য জগতস্থ বিচিত্র পদার্থের সংস্পর্শে শিশুর ইন্দ্রিয়বিকাশ আরম্ভ হয়। ক্রমে ক্রমে তাহার দর্শন, স্পর্শ, শ্রবণ, ঘ্রাণ, আশ্বাসন স্ফূটতর হইতে থাকে; এবং তাহার ফলে, সে জড়জগৎ সম্বন্ধে বিবিধ ক্ষুদ্র ক্ষুদ্র অভিজ্ঞতা লাভ করে। মনো-বৃত্তি নিচয় ইন্দ্রিয়পথে বাহ্য জগতের রূপ, রস, শব্দ, স্পর্শ, গন্ধের জ্ঞান লাভ করিয়া বিকশিত হইয়া থাকে।

৪। সৌন্দর্য্যবোধ—শিশুর চক্ষু, কর্ণ, নাসিকা, জিহ্বা, ত্বকের শক্তি বিকশিত হইলে সে যেন এক সজীব, সুন্দর, অনন্দোচ্ছ্বসিত, রহস্যপরিপূর্ণ জগতে আসিয়া দণ্ডায়মান হয়। বৃক্ষ লত র বিচিত্র সজ্জা, পশু পক্ষী কীট পতঙ্গের বিচিত্র গঠনভঙ্গী ও ভাবগতি, চন্দ্রতারকার অপূর্ণ শোভা, ফলসমূহের বিভিন্ন রস ও বিবিধ বর্ণ, পুষ্প-রাজীর বিচিত্র গন্ধ তাহার সুপ্ত সৌন্দর্য্য-বোধকে জাগরিত করিয়া দেয়, এবং তাহার বিম্ব-বিম্ব অটুট মনোমধ্যে অতুতপূর্ণ আনন্দের সঞ্চার করে।

৫। পর্যবেক্ষণ ও পরীক্ষা—শিশু যাহাতে স্বচেষ্টা ও স্বাবলম্বনে প্রত্যক্ষ পরীক্ষা দ্বারা স্বীয় অন্তরোখিত প্রশ্নাবলীর প্রকৃত উত্তর লাভ করিতে পারে, তজ্জন্ম প্রকৃতি তাহার অন্তরে পর্যবেক্ষণ শক্তি

নিহিত করিয়া দিয়াছেন। ইহারই দ্বারা পরিচালিত হইয়া, সে নীরবে আপনাপনি বিবিধ রঙ্গর স্বরূপ ও বিবিধ ঘটনার প্রক্রিয়া পর্যালোচনা করিয়া থাকে।

৬। কৌতূহল ও অসুস্থসংসা— সৌন্দর্য্যবোধ বিকশিত হইলে, তাহা শিশুর মনে কৌতূহলের উদ্বেক করে। সে তখন মনে মনে আত্মীয় স্বজনকে প্রশ্ন করিয়া তাহার ধারণার অন্তর্গত যাবতীয় বস্তু উৎস ও যাবতীয় ঘটনার কারণ অনুসন্ধান করিতে থাকে। একটা হইতে আর একটা, তাহা হইতে আর একটা প্রশ্ন উত্থাপিত করিতে করিতে বস্তু বা ঘটনার কার্য-কারণ-শৃঙ্খলা নির্ণয় করিতে থাকে।

৭। কর্মপ্রবণতা ও ক্রীড়াশীলতা— পর্যবেক্ষণ ও পরীক্ষা দ্বারা শিশু কোন সিদ্ধান্তে উপনীত হইবামাত্র প্রকৃতি তাহার সেই সিদ্ধান্তকে কার্যে পরিণত করিবার শক্তি প্রদান করিতে থাকেন। সে তাহার পর্যবেক্ষণ ও পরীক্ষালব্ধ জ্ঞানকে অনবরত ক্রীড়ার আকারে কার্যে পরিণত করিতে থাকে। তাহার অন্তর-মধ্যে ক্রিয়াশীলতা, সজীবতা, উৎসাহ-শীলতায় এক উৎস প্রচ্ছন্ন আছে। তাহা হইতে অবিপ্রাপ্ত প্রবাহে শক্তি নিঃসৃত হইয়া শিশুজীবনে বিচিত্র ক্রীড়ার সৃষ্টি করিতে থাকে। শিশুর যে অন্তর্নিহিত কর্মপ্রবণতা এইরূপে উপমায় ক্রীড়ানিচয়ের সৃষ্টি করে, তাহাই পরিণামে বিভিন্ন শ্রম-বিভাগে বিবিধ শিল্পজাত, চিত্র বা স্থপতি-কার্যে বিবর্তিত হইয়া বাল্যজীবনের ব্যবহারে প্রযুক্ত হয়।

৮। নৈতিক ও সামাজিক বৃত্তি— শিশুর অন্তরে দয়া, স্নেহ, ভক্তি, বাধ্যতা, বিনয়, সৌজন্ম, ক্ষমতা প্রভৃতি নৈতিক ও সামাজিক বৃত্তিসমূহের বীজ নিহিত আছে। শিশু অন্ধ ভিত্তারীর কাতর কঠ-নিঃসৃত সঙ্গীত শ্রবণ করিয়া ক্রীড়া পরি-ত্যাগপূর্বক ক্ষণকালের জন্ত সজলনয়নে তাহার প্রতি দৃষ্টিপাত করে। ক্ষুদ্র সরলা বাল্য বহুপ্রার্থী দীনহুঃখীকে স্বীয় ক্রীড়া-গৃহ হইতে পুস্তলিকার পরিবেশ ক্ষুদ্র চৌর-খণ্ড আনয়ন করিয়া সক্রম নয়নে প্রদান করে। ক্রীড়াক্ষেত্রে দুর্বল বালক সর্বল বালককর্তৃক উৎপীড়িত হইলে অগ্ৰাণ্ড বালকগণ দুর্বলের পক্ষাবলম্বন করত অভিচারীর তাঁর প্রতিবাদ করে। সম-পার রোগশয্যায় শিরোদেশে উপবিষ্ট হইয়া, ক্ষুদ্র বালক তাহার জন্ত ব্যাকুলতা প্রকাশ করে। বীরত্ব ও সাহসের কাহিনী শ্রবণ করিতে করিতে শিশুগণের মুখশ্রী উৎসাহে উদ্দীপ্ত হইয়া উঠে এবং সাধু-কার্যের জয় ও পুরস্কার, অসাদু আচরণের পরাজয়-বৃত্তান্ত শ্রবণ করত তাহারা পরম সন্তোষ প্রকাশ করে। এইসকল ঘটনা দ্বারা শিশুর স্বভাবজাত নৈতিক ও সামা-জিক বৃত্তি সুরণের প্রত্যক্ষ পরিচয় প্রাপ্ত হওয়া যায়।

৯। স্বপ্নপ্রবৃত্তি—শিশুর অন্তরে যে পর্যবেক্ষণ শক্তি নিহিত আছে, তৎপ্রণো-দিত হইয়া সে জীবনের উষাকাল হইতেই বস্তু ও ঘটনাসমূহের নিয়ে সর্বপ্রথম তত্ত্বের অন্বেষণ করে। শিশু স্বীয় আভ্য-ন্তরীণ কার্যপ্রবণতা হইতে প্রতিদিন

শিশুজনোচিত অসংখ্য কর্মের সৃষ্টি করিতে থাকে, এবং সঙ্গে সঙ্গে আপনাকে ঐ সকল কর্মের স্রষ্টা বলিয়া উপলব্ধি করে। অতঃপর যখন তাহার মন ক্রমে ক্রমে প্রাকৃতিক দৃশ্য ও ঘটনাবলীর উপর ছড়াইয়া পড়ে এবং বাহ্যজগতের বিশালতা তাহার নিকট ক্রমে ক্রমে প্রকাশিত হইতে থাকে, তখন তাহার বিশ্বাস হয় যে, এই প্রকাণ্ড পৃথিবীর অন্তরালে একজন খুব প্রকাণ্ড বুদ্ধিমান ব্যক্তি লুক্কায়িত থাকিয়া এই সকল দৃশ্য ঘটনাবলীর সৃষ্টি করিতেছেন।

১০। ঐক্য ও সামঞ্জস্যত্ব—তত্ত্ব-দর্শী ফ্রোবেল এই বিশাল বিশ্বের যাবতীয় পদার্থ মধ্যে এক অনন্ত নিগূঢ় শক্তি এবং সৃষ্টিকার্য্য মধ্যে একই অটল নিয়ম দর্শন করিয়াছিলেন। ফ্রোবেল দেখাইয়াছেন যে, মানবের শারীরিক, মানসিক, নৈতিক ও আধ্যাত্মিক বৃত্তিনিচয়ের মধ্যে ঐক্য ও সামঞ্জস্য আছে, মানবের শৈশব, কৈশোর, যৌবন ও প্রৌঢ়াবস্থার মধ্যে ঐক্য ও সামঞ্জস্য আছে, বুদ্ধি, চিন্তা, হৃদয়বৃত্তি ও কার্য্যকরী শক্তির মধ্যে ঐক্য ও সামঞ্জস্য আছে। কলিকা যে রূপ পুষ্প ও পুষ্প ফলে পরিণত হয়, তদ্রূপ শৈশব, কৈশোর, যৌবন ও প্রৌঢ়াবস্থা যথাক্রমে একটী আর একটীর পরিণতিমাত্র। ফ্রোবেল অন্তর্জগতের সহিত বাহ্য জগতের অপরিহার্য্য ঐক্যবন্ধন এবং বিভিন্ন বিদ্যা ও শাস্ত্রসমূহের মধ্যে এক অচ্ছেদ্য নিগূঢ় যোগ প্রদর্শন করিয়াছেন। তাঁহার মতে সাহিত্যে ও গণিতে, দর্শনে ও বিজ্ঞানে,

শিল্পে ও বাণিজ্যে, কাব্যে ও অর্থনীতিতে, সমাজবিজ্ঞানে ও ধর্মশাস্ত্রে কোন বিরোধ নাই। এজ্ঞ তিনি শিশুর শিক্ষার জন্ত এমন একটী সর্বোৎকৃষ্ট প্রণালী সৃষ্টি করিয়াছেন, যাহার মধ্যে শিল্প ও শ্রমিক শিক্ষা এবং সাহিত্য, কাব্য, গণিত, ইতিহাস, সঙ্গীত, চিত্রবিদ্যা প্রভৃতির সামঞ্জস্য হইয়াছে। ফ্রোবেল মানবের জ্ঞান, ভক্তি ও কর্মের মধ্যে অপরিহার্য্য ঐক্য এবং সামঞ্জস্য প্রদর্শন করিয়াছেন, এজ্ঞ তিনি স্বপ্রবর্তিত শিশুশিক্ষা প্রণালীটী একরূপে নিশ্চয় করিয়াছেন যে, তদ্বারা শিশুগণের একাধারে বুদ্ধির প্রাথর্ষ্য, হৃদয়-বৃত্তির উন্মেষ ও কার্য্যকরী শক্তির সম্যক স্ফূর্তিলাভ হয়। মনোবিজ্ঞানের এই মূল সূত্রগুলির উপর, শিশুপ্রকৃতির এই মূল তত্ত্ব সমূহের উপর, প্রকৃতি ও মানবের এই চিরন্তন সম্বন্ধের উপর ফ্রোবেল তাঁহার সমগ্র শিক্ষাপ্রণালীটির প্রতিষ্ঠা করিয়াছেন। ফ্রোবেল দেখিয়াছিলেন যে পর্য্যবেক্ষণ ও পরীক্ষার সহিত সংযুক্ত না হইলে কোন প্রকার জ্ঞানই প্রত্যক্ষ হইতে পারে না—পরোক্ষই থাকিয়া যায়। এই জন্ত ফ্রোবেলের শিক্ষাপ্রণালী সম্পূর্ণ কার্য্যগত। শিশুগণ আপনাপনি শিক্ষা করিবে, আপনাপনি পর্য্যবেক্ষণ ও পরীক্ষা করিবে, কল্প শিক্ষা করিবে এবং তিনি কেবল পরিদর্শকরূপে শ্রীতির সহিত তাহাদিগকে চালনা করিবেন, তাহাদিগকে সূত্র ধরাইয়া দিবেন, তাহাদিগের ত্রুটি সংশোধন করিয়া দিবেন এই তাঁহার শিক্ষারীতি ছিল। ফ্রোবেল শিশুগণের

প্রতি বৃত্তির স্বতন্ত্র অনুশীলন, পুনশ্চ সকল গুলির একযোগে অনুশীলন দ্বারা সেই আদর্শকে কার্য্যে পরিণত করিতেন। তিনি কার্য্যগত শিক্ষাদ্বারা বৃত্তিসকলের বিকাশ-সাধন ও তাহাদিগের সামঞ্জস্য বিধান করিতেন। কোন্ কোন্ বিষয়ের মধ্য দিয়া ফ্রোবেল শিশুগণকে শিক্ষাদান করিতেন এক্ষণে তাহারই উল্লেখ করা যাইতেছে।

১। ক্রীড়া—ফ্রোবেল শিশুর ক্রীড়া-প্রবণতাকে ঐগরিক শক্তি বলিয়া বিধা করিতেন। ফ্রোবেল ক্রীড়াকে তিন দিক দিয়া দর্শন করিতেন। (ক) শিশুগণের শারীরিক স্বাস্থ্য ও বলবিধানে ক্রীড়ার উপকারিতা। (খ) শিশুগণের মানসিক বৃত্তিসমূহের অনুশীলনে ক্রীড়ার উপকারিতা। (গ) শিশুগণের নৈতিক শিক্ষায় ক্রীড়ার উপকারিতা। সজীব সতেজ ক্রীড়া দ্বারা শিশুগণের দৈহিক মাংসপেশী সমূহ দাভাবিক ভাবে পরিচালিত হয় এবং প্রতি অবয়বে বলের সঞ্চারণ হইয়া থাকে। ক্রীড়া শরীরের আভ্যন্তরীণ যন্ত্রগুলিকে স্বাভাবিক ভাবে উত্তেজিত করে; স্বাস-ক্রিয়া, রক্তসঞ্চালন ক্রিয়া, পরিপাকক্রিয়ার সচ্ছন্দতা সাধন করে এবং মস্তিষ্কের বিভিন্ন কেন্দ্রে বলসঞ্চারণ করিয়া থাকে। ক্রীড়ার দ্বারা মনোযোগ, পর্য্যবেক্ষণ, বিচার, স্মৃতি, কল্পনা এবং অত্যাশ্র মনো-বৃত্তির অনুশীলন হইয়া থাকে। ক্রীড়ার দ্বারা নৈতিক ও সামাজিক বৃত্তিসমূহেরও বিকাশ সাধন করিয়া থাকে এবং ক্রীড়ার মধ্য দিয়াই শিশুগণের প্রথম আত্মত্যাগ

বোধ জন্মিয়া থাকে। ক্রীড়ার মধ্য দিয়াই তাহারা পরস্পরের ব্যবহার সমালোচনা করিতে শিখে, সত্যাসত্য, আত্মত্যাগ মন্বন্ধে বাদপ্রতিবাদ করে, সত্য ও আত্মত্যাগের পক্ষ সমর্থন এবং অসত্য ও অত্যাগের তীব্র প্রতিবাদ করে। তদ্বারা তাহাদের নৈতিক বিচারশক্তির অনুশীলন হয়, নীতিজ্ঞান পরিষ্কৃত হয়, সহানুভূতি ও শ্রীতি, সাহস ও উপযোগিতা জাগরিত হইয়া উঠে। ক্রীড়ার সহিত ড্রিলও কিণ্ডারগার্টেন-মধ্যে স্থান প্রাপ্ত হইয়াছে। বিদ্যালয়ের শিক্ষাকার্য্যে শৃঙ্খলা ও শাসন, শিশুগণের সমবেত বশতা ও শারীরিক ব্যায়ামশিক্ষা এবং তাহাদিগের সামাজিক বৃত্তিসমূহের পক্ষে ড্রিল অত্যন্ত উপযোগী।

(ক্লেমশঃ)

### ব্রতগ্রহণ ।

আমাদের পাঠিকাগণের মধ্যে যাহারা নবসংহিতা পাঠ করিয়া থাকেন তাহারা অবশ্যই জানেন বিধাসী গৃহস্থগৃহিণীর এবং তাহাদের পরিবারস্থ বালকবালিকা-গণের ব্রতগ্রহণ সম্বন্ধে একটি অধ্যায় সংহিতাতে নিবন্ধ আছে। প্রত্যেক বিধাসী গৃহস্থ পরিবারকে ধর্মের দিকে প্রেম, পূণ্য, পবিত্রতা, সত্যনিষ্ঠা ও সদাচারের দিকে অগ্রসর করিবার পক্ষে এই ব্রতগ্রহণ ব্যাপারটি যে কিরূপ সহায় ও প্রয়োজনীয় তাহা বলিয়া শেষ করা যায় না। এদেশের আর্ধ্য ঋষিগণ ইহার উপকারিতা এবং প্রয়োজনীয়তা স্বরূপ উপ-

লক্ষি করিয়াছিলেন মানব জাতির ইতিহাস পাঠ করিলে দেখা যায় পৃথিবীর অল্প কোনও জাতির ধর্ম্মনৈত্বগণ ত্রুপ করেন নাই। না পরিবার কারণ, সেই সেই দেশের ও জাতির অবস্থা ভিন্ন আর কিছুই নহে। ভারত উৎকর্ষপ্রধান দেশ, ইহার ভূমি অতি উৎকর্ষ, এখানে অসংখ্য পরিভ্রমে গৃহস্থের আহার পানের সংস্থান হইয়া থাকে। স্মৃতরাং গৃহস্থের পক্ষে ব্রতাদি গ্রহণপূর্ব্বক ধর্ম্মভাবসকল জাগ্রত এবং পরিবর্দ্ধিত না করিলে, শূন্য জীবনে ও মনে দুর্লভভাবে পাপাত্মর প্রবিষ্ট হইয়া সর্জনশ করিবার কথা। ঋষিগণপ্রতিষ্ঠিত ব্রতাদি নানা কারণে কালক্রমে বিবিধ পৌত্তলিক ক্রিয়াকলাপে এবং কুসংস্কারে পরিণত হইয়াছিল। ব্রহ্মজ্ঞানালোকে এদেশের অসংখ্য অসংখ্য নরনারী এইসকল শুষ্ক অনুষ্ঠান জানে পরিভ্র্যাগ করিয়াছেন ও দিন দিন আরও করিতেছেন, এবং করি-  
বেন। নববিধানে পবিত্রাত্মা ভগবানের পবিত্র আলোকে এবং নির্দেশে বর্তমান যুগের এবং যুগধর্ম্মের আশ্রিত নরনারী ও সন্তানগণের অবস্থা ও আবশ্যকতা বুঝিয়া সংহিতাতে যে সকল ব্রতের উল্লেখ করা হইয়াছে তাহা যে প্রত্যেক বিশ্বাসী পরিবারের প্রকৃত কল্যাণজনক তাহা বলা বাহুল্য। বিশ্বাসী পরিবারের বালক বালিকা ও যুবক যুবতী দিগের মধ্যে ধর্ম্ম-  
ভাব, ঈশ্বর বিশ্বাস, এবং প্রেম ভক্তি প্রবণত বৃদ্ধি করিবার পক্ষে ব্রতাদি প্রদান এবং ব্রতাদি গ্রহণ একান্ত প্রয়ো-  
জন। আমরা জানি যে এই প্রয়োজনীয়তা

উপলক্ষি না করাতে ব্রাহ্ম পরিবার মধ্যে দিন দিন ধর্ম্মহীনতা, উপাসনার প্রতি উদাসীনতা, স্মৃতরাং ধীরে ধীরে চরিত্রে এবং জীবনে নানা প্রকার হীনতা ও পাপ প্রবেশ করিতেছে। এক শ্রেণীর ব্রাহ্ম পরিবারে দিন দিন ইয়োরোপীয় ভাব প্রবল হইয়া জাতীয় ভাবকে একেবারে মূলে নিশূল করিয়া দিতেছে। আর এক শ্রেণীর ব্রাহ্ম পরিবার না জাতীয় না বিজাতীয় কোনও সাধুভাবে প্রতিষ্ঠা লাভ করিতেছে না। এক্ষণে দেশের এমনই ছরবস্থা যে ব্রতাদির নাম শুনিলেই, উহা কুসংস্কার বলিয়া সকলে উড়াইয়া দিতে প্রস্তুত। কিন্তু বিশ্বাসিগণ চিরদিনই ইহার আদর করিয়াছেন ও করিবেন। প্রভু পরমেশ্বর তাঁহার সন্তানদিগের জন্ম এতই ব্যস্ত যে তিনি যুগে যুগে দেশে দেশে অবস্থা বুঝিয়া ব্যবস্থা করিয়া থাকেন। যদি এদেশে এবং বর্তমান সম্ভার যুগে নব-  
সংহিতার কোনও আকর্ষণতা না থাকিত, যদি প্রত্যেক মনুষ্য, প্রত্যেক পরি-  
বারের পিতা মাতা ও সন্তান সমস্তি সম্যক বুঝিয়া আপন আপন কর্তব্য নিষ্কারণ করিতে পারিতেন তাহা হইলে নবসংহিতা প্রণয়নের আবশ্যক হইত না। যাহারা ব্রাহ্ম সমাজে নবসংহিতার একান্ত বিরোধী তাহারাও ইহা পাঠ করিয়া থাকেন এবং ইহা হইতে উপদেশ, নিয়ম ও শিক্ষা সকল আদরে গ্রহণ করিয়া থাকেন। স্মৃতরাং যাহারা নববিধান বিশ্বাসী, যাহারা নবসংহিতাকে আদর করেন, প্রদ্বা করেন এবং মন্ত্র করেন তাহারা অবশ্যই বিবেচনা

করিবেন যে ইহার ব্রত গ্রহণ অধ্যায়টির প্রয়োজনীয়তা কত।

আর্য্য ঋষিগণ, অশ্রাশ্র ব্রতাদির সঙ্গে চাতুর্মাণ্ড প্রতিপালন করিতেন। নব-  
বিধানের অভিনব আর্ঘ্যবংশ কি সেই সকল একেবারে ভুলিয়া গিয়া অল্প দশ জনের সঙ্গে সময়ের স্রোতে অঙ্গ চালিয়া দিবেন? যাহারা এ বিষয়ে দায়িত্ব বোধ না করেন তাহারা যে সময়ের স্রোতে পড়িয়া, আপনাদিগকে অপর দশজন গণ্য মাণ্ড ও সুপরিচিত লোকদের মধ্যে পরি-  
গণিত হইতে দিবার জন্ত ব্যস্ত হইবেন তাহা আশ্চর্য্য কিছুই নহে। কিন্তু বিশ্বাসী ব্যক্তি কখনও স্রোতে ভাসিয়া যাইতে পারেন না। প্রস্তুতরথও জলে ভাসে না, তৃণ, শুষ্ক, বৃক্ষাদিই ভাসিয়া যায়। বিশ্বাসিগণের দায়িত্ব বড় গুরুতর। তাহারা বিশ্বাস বৃদ্ধির জন্ত অবতী বিশ্বাসী পূর্ব্ব পুরুষ দিগের উপর দৃষ্টি করেন। আর পুণ্য, পবিত্রতা, বিনয়, সত্যনিষ্ঠা প্রভৃতি যাহাতে বৃদ্ধি হইতে পারে তজ্জন্ত ভবিষ্যৎ বংশীয়-  
দের প্রতি দৃষ্টি করিয়া থাকেন। স্মৃতরাং ভূত কালের অনুষ্ঠিত ব্রতাদির অনুরূপ সময়োপযোগী ব্রতানুষ্ঠান যে ভবিষ্যৎ বংশীয়দের জন্ত একান্ত প্রয়োজন তাহা উপলক্ষি না করিয়া পারেন না। আমরা আশা করি আমাদের চিত্তাশীল ও চিত্তা-  
শীলা পাঠক পাঠিগণ আমাদের বিষয়টি বিশেষ বিবেচনা পূর্ব্বক চিন্তা করিবেন।

প্রণতি।

আসিল নবীন উষা।

মূহ হাসি অধরে ;

কপালে সিদ্ধুর বিন্দু

জাগাইছে সবারে।

ফুটায়ে কুসুম কলি

কুসুমের বাগানে,

হাসিতেছে মূহ হাসি

প্রাভাতিক পবনে।

ভানুপ্রিয়া সূর্য্যমুখী

হাসিতেছে নীরদে,

দাঁড়ায়ে বসুধা রাণী

পুষ্পাজলি করেছে।

অলস বসন টানি

চাঁদিমামা লাজেতে,

যাইতেছে ধীরে ধীরে,

নিরানন্দ মনেতে।

বিহঙ্গম মধুস্বরে

বিভূষণ গাহিয়া,

তরুশাখে বসে আসি

প্রেমানন্দে ভাসিয়া।

জাগিছে সকলে এবে

আমিকি ঘুমায়ে রব ?

অবশ পরাগ মোর

চেয়ে কেন আছে নভঃ।

হও আগুয়ান ভাই

হও সবে আগুয়ান,

সাধিব প্রভুর কাজ

বাঁধি নিজ নিজ প্রাণ।

রাঁচি :— শ্রীমতী প্রিয় বালা গুপ্তা।

## ভারত স্ত্রী মহামণ্ডল ।

প্রায় ৪ বৎসর হইল শ্রীমতী সরলা দেবী চৌধুরাণী ভারত স্ত্রী মহামণ্ডল নামক একটি নারী সমিতি স্থাপন করেন । ভারতবর্ষের সকল ধর্ম, বর্ণ, ও সম্প্রদায়ের নারীদিগকে একত্র আনয়ন করিয়া শিক্ষাদ্বারা তাঁহাদের নৈতিক, মানসিক ও অবস্থাগত উন্নতি সাধন করা এই সমিতির উদ্দেশ্য ।

এই উদ্দেশ্য পূর্ণ করিবার অভিপ্রায়ে ( ১ ) ভারতীয় সকল প্রদেশের স্ত্রীজাতিকে একত্র করিবার জগ্ৰ ইহার সভ্যদের মধ্যে সাময়িক মিটিং ডাকা হয় । ( ২ ) ভারতবর্ষীয় নারীদিগের চারদিকের অবস্থা বুঝিয়া শিক্ষা দিবার সুবন্দোবস্ত করা হইতেছে । ( ৩ ) ভারতবর্ষীয় ভাষা সমূহের পুষ্টি ও বিস্তারের জগ্ৰ উৎসাহ দিয়া যাহাতে ভারতমহিলাদের মধ্যে আধুনিক চিন্তা ও জ্ঞানের বিস্তৃতি হয় ও সদগ্রন্থ সকল স্বল্পব্যয়ে ও সহজে তাঁহাদের হস্তগত হয়, তাহার চেষ্টা করা হইতেছে ।

ভারত বর্ষীয় স্ত্রীদিগের দ্বারা প্রস্তুত দ্রব্য সকল বিক্রয়ের সুবিধার জগ্ৰ স্থানে স্থানে "পুরনারী নিরীহ ভাণ্ডার" নামে ডিপো খোলা হইয়াছে । ঐরূপে নিঃস্ব ও অভাবগ্রস্ত স্ত্রীদিগের দ্রব্যাদি বিক্রয়ের সুবিধা হইলে উহার দ্বারা অনেক দরিদ্র পরিবারের ভরণ পোষণের সুবিধা হইবে ।

ভারতবর্ষের সর্বত্র এই মহাসমিতির শাখা স্থাপিত করিয়া যাহাতে ভারত স্ত্রী মহামণ্ডলের কার্য সকল প্রদেশে ও সকল

নগরে সুশৃঙ্খলরূপে চালিত হয়, তাহার বন্দোবস্ত করা হইতেছে । এই কয়েক বৎসরের মধ্যে ইহার শাখা লাহোর, করাচী, হায়দরাবাদ ( সিন্ধু ), এলাহাবাদ, লক্ষ্ণৌ, কলিকাতা, হাজারিবাগ, মেদিনীপুর, প্রভৃতি স্থানে খোলা হইয়াছে । ভিন্ন ভিন্ন অঞ্চলের সেক্রেটারীগণ উদ্যোগী হইয়া ভিন্ন ভিন্ন স্থানের কাজ চালাইতেছেন ।

প্রায় দুই বৎসর হইল কলিকাতায় ভারত স্ত্রী মহামণ্ডলের শাখা স্থাপিত হইয়া স্ত্রী শিক্ষা প্রভৃতি কার্য আরম্ভ করা হইয়াছে । ১৯১১ সালে শ্রীমতী সরলা দেবী কলিকাতায় আসিয়া উহার ভিন্ন ভিন্ন পল্লীতে মিটিং ডাকিয়া বঙ্গ মহিলাদের নিকট এই মহা সমিতির উদ্দেশ্য প্রচার করেন । অনেক সম্ভ্রান্ত ও শিক্ষিতা মহিলা সাগ্রহে ইহাতে যোগদান করিয়াছেন । দেড় বৎসরের উপর কলিকাতায় অন্তঃপুর শিক্ষা কার্য আরম্ভ করা হইয়াছে । প্রথমে ৬ জন শিক্ষয়িত্রী লইয়া ১৬টী বয়স্থা বালিকাকে শিক্ষা দিতে আরম্ভ করা হয়, এখন প্রায় ২০ জন শিক্ষয়িত্রীর সাহায্যে ১২০টী বিবাহিতা স্ত্রীলোক শিক্ষা প্রাপ্ত হইতেছে । ইহা ছাড়া আবশ্যক বোধ হওয়াতে সমিতি কলিকাতার বহু-বাজার অঞ্চলে একটি ছোট বালিকাদের জগ্ৰ স্কুল খুলিয়াছেন, ইহাতে ছাত্রী সংখ্যা এখন ৫০ জন । ৩ জন শিক্ষয়িত্রী ইহার কাজ চালাইতেছেন ।

নারী জাতির হিতকারী যত প্রকার কার্য এ পর্যন্ত সাধিত হইয়াছে তার মধ্যে

## চট্টগ্রাম ভগ্নীসমাজে পঠিত ।

[ ১৯০৮ সনের কথা ]

নারীর সাহায্যে নারীজাতির উন্নতি সাধনের চেষ্টা এই প্রথম । এই প্রথম প্রয়াসেই যেরূপ সফলতা লাভ করা যাইতেছে তাহাতে আশা হয়, অচিরে এই সমিতির দ্বারা দেশের একটী প্রধান অভাব দূর হইবে । আর ভারতের সমস্ত স্ত্রী-জাতি এক বাঁধনে বদ্ধ হইয়া পরস্পর পরস্পরের উন্নতির সাহায্য করিতে কৃতসংকল্প হইবে ।

কলিকাতার শাখা সমিতিতে প্রায় ৬০০ জন মেম্বর হয়েছেন । জাতি, ধর্ম ও শ্রেণী নির্বিশেষে যে কোন স্ত্রীলোক এই ভারত স্ত্রীমহামণ্ডলের উদ্দেশ্য পালনে সহায়তা করিবেন তিনিই ইহার সভ্য হইতে পারেন । ইহার মেম্বরগণের প্রবেশিকা ফি ১ এক টাকা মাত্র, আর বার্ষিক চাঁদা ১ এক টাকা । বৎসরে ১০ টাকা চাঁদা দিয়া প্রায় ৮০ জন মহিলা মুখা মেম্বর হয়েছেন ।

অন্তঃপুরস্থ নারীদিগকে শিক্ষা দিবার জগ্ৰ সম্ভ্রান্ত ব্যক্তিদের নিকট হইতে শিক্ষয়িত্রীদের পারিশ্রমিক লওয়া হইয়া থাকে । ক্রমশঃ সমিতির ফণ্ড বৃদ্ধি হইলে গৃহস্থ ও দরিদ্র পরিবারদিগকে বিনা বেতনে শিক্ষা দেওয়া হইবে । এখন আশা করা যায়, ভারতের সমস্ত নারী উদ্যোগী হইয়া সমবেত চেষ্টা দ্বারা এই ভারত স্ত্রী-মহামণ্ডলের কার্যকে স্থায়ী করিবেন । আশা ইহা দ্বারা দেশের মহা কল্যাণ সাধিত হইবে ।

শ্রীকৃষ্ণ ভাবিনী দাস ।

বিবাহের পর আমি যখন স্বামিসঙ্গে তাঁহার কার্যস্থল রাঁচি আসিতেছিলাম, তখন আমার পূজনীয় পিতৃদেব বলিয়া দিলেন, তুমিতো এখন মফঃসলে মফঃসলে ঘুরিবে, যদি পার গরিব দুঃখীদের জগ্ৰ কিছু সময় ও অর্থ প্রদান করিও ।

মফঃসল আসার পর গ্রামবাসীদের মধ্যে কেহ কেহ আমার নিকট ঔষধ চাহিতে আরম্ভ করিল । দুই তিন গ্রামে এই রকম ঔষধ চাওয়াতে মনে হইল প্রভুর পুত্র কন্যাদের সেবা করিবার এই একটী মহা সুযোগ । তাড়াতাড়ি চিঠি লিখিয়া কলিকাতা হইতে হোমিওপ্যাথিক ঔষধ ও একখানি পুস্তক আনাইলাম ।

প্রথম চিকিৎসা।—একদিন প্রাতে বসে আছি, এমন সময় দেখিতে পাইলাম ৩৪.৩৫ বৎসর বয়স্ক একজন লোক, চলৎ-শক্তি প্রায় রহিত, ধীরে, অতি ধীরে, লাঠি ভর দিয়ে আমাদের তাঁবুর নিকটে আসিতেছে । আমি মনে করিলাম, জায়গা জমি সম্বন্ধে কোন গুরুতর কথা বলিবার জগ্ৰ আমার স্বামীর নিকট আসিতেছে । আমি তাই ভেবে তাড়াতাড়ি আমার স্বামীকে ডাকিয়া দিলাম । তিনি দেখিয়া শুনিয়া বলিলেন, এর ভারী অসুখ, ঔষধ দিতে হবে, ওর কাছে যেয়ে, ভাল করে জিজ্ঞাসা করে, ঔষধের ব্যবস্থা করে দাও । ঔষধ দিতে হবে শুনে তো ভয়ে আমার চক্ষু-স্থির; চেহারা দেখে মনে হইতেছিল

বুঝি ২৪ দিনের বেশী আর বাঁচবে না। আমাকে বলিয়া থাকিতে দেখিয়া আমার স্বামী রাগ করে বলিলেন, বসে ভাবছ কি? ঔষধ দিতেই হইবে। ধীরে ধীরে “চিকিৎসাতত্ত্ব” হাতে করিয়া কাছে গেলাম, বেশী বলিবার শক্তি নাই, সঙ্গীরা বলিল, কয়দিন যাবৎ খুব জ্বর, ভয়ানক কাশি, বুকে পিঠে এত ব্যথা হইয়াছে যে, তজ্জন্ম শ্বাস গ্রহণ ও পরিত্যাগ করিতে বড়ই কষ্ট হয়; আর রাত্রিতে কাশির জন্ম মোটেই ঘুম হয় না, এবং ব্যথার জন্ম শুইতেও পারে না। বই দেখিয়া বুঝিলাম ভয়ানক ব্রঙ্কাইটিসে একেবারে জ্বক করিয়া ফেলিয়াছে। ঔষধ দিলাম, বুকে পিঠে মালিশ করিবার জন্ম কিছু খাঁটি সর্ষপ তৈল, সর্ষপ মুখে রাখিবার জন্ম কিছু মিছরী ও পথ্য করিতে সাগু দিলাম। দুদিন বড় কিছু উপকার বোঝা গেল না, তৃতীয় দিন হইতে রাত্রিতে ঘুম হইতে লাগিল এবং কাশির সঙ্গে সঙ্গে জ্বরও কমিতে লাগিল। ২ মাইল ৪ মাইল দূরে যখন যেখানে কেম্প পাড়িত সেখানেই লোক পাঠিয়ে দিয়ে নিয়মমত ঔষধ ব্যবহার করিতে লাগিল। ১৫২০ দিন পরে তাহাদের গ্রাম হইতে তিন মাইল দূরে অল্প গ্রামে যখন আমাদের কেম্প পাড়িল তখন দেখি একদিন সে এক “চুকা” (ছুধের ছোট ছোট হাড়িকে চুকা বলে) ছুধ হাতে করিয়া আসিয়াছে। তাহাকে দেখিয়া উপস্থিত সকলেরই খুব আনন্দ হইল। সে চেহারা আর নাই। এখন শরীরে একটু বল হইয়াছে, মুখও বেশ প্রশন্ন হইয়াছে।

সে আমাকে দেখিয়া তাড়াতাড়ি সেলাম করিয়া কত আনন্দ, কত কৃতজ্ঞতা প্রকাশ করিল এবং ঔষধের কত প্রশংসা করিতে লাগিল। আমি তাহাকে বলিলাম, তগবান তোমাকে রক্ষা করিয়াছেন, তুমি তাঁহাকে প্রশংসা কর। তাহাকে প্রশংসা করিতে বলিয়া আমি নিজেও মনে মনে প্রশংসা করিয়া বলিলাম “প্রভু! তুমি যাকে রক্ষা করিতে ইচ্ছা কর, তাহাকে কে বিনাশ করিতে পারে?” তাহার কৃতজ্ঞতার চিহ্ন দুধ আমি উপযুক্ত দামে ক্রয় করিয়া রাখিলাম। এই গ্রামের মেয়েরা একদিন দলবদ্ধ হইয়া ষট্টা হুই বেশ নাচিয়া গেল। এই লোকটী ভাল হওয়াতে তাহাদের মনে খুব আনন্দ হইয়াছিল। এই কোল নাচ অনেকেই পছন্দ করেন, এমন কি সাহেব মেমেরা যখন রাঁচি কিম্বা মফঃগলে যান তাহারাও একবার এই নাচ দেখিয়া যান। এইরূপ গ্রাম হইতে গ্রামান্তরে প্রভুর পুত্রকথাগণের সেবার কার্য চলিতে লাগিল। দ্বিবসের সব সময়েই ঔষধ দেওয়া অসুবিধাজনক বলিয়া প্রাতে সাতটা হইতে নয়টা পর্য্যন্ত দুই ষট্টা ঔষধ বিতরণের সময় নির্দ্ধারিত করিয়া লইলাম। এই সময় ৪৫ মাইল দূর হইতেও লোকসকল ঔষধ লইয়া যাইত। শুধু যে গরিব কোলেরাই আসিত এমন নয়, জমিদার হিন্দুস্থানীগণও আসিত। কোন গ্রামেই একটা ডাক্তারখানা বা একজন ডাক্তার দেখিলাম না। তাই প্রাণের ব্যাকুলতায় লোক বহুদূর হইতে ছুটিয়া আসিত।

অনেক প্রাচীন রোগীও আসিত। মাসের মাসের এমন রোগী আসিত যে তাহাদের কষ্ট দেখিয়া অশ্রুজল সম্বরণ করা যাইত না। অনতিদূরতার জন্ম কঠিন কঠিন রোগীদেরকে শুধু মিষ্ট কথায় তুষ্ট করি-  
ছাই দিবার করিতাম। কি রোগ তাহার নাম পর্য্যন্ত জানি না, তাই ঔষধ দিতে বড়ই কষ্ট হইত। তবুও বই উঠিয়ে পাঠিয়ে দেখিতাম, যদি কিছু পাট।

একদিন একজন প্রৌঢ়া আসিয়া বলিল ৫ কোশ দূর হইতে একজন জনানা ঔষধের জন্ম আসিয়াছে, আজ ৪ মাস যাবৎ জ্বর, জ্বর অপর্মান্ত আর ছাড়ে নাট। বিছানা হইতে উঠে বসিতে পারে না। জিজ্ঞাসা করিলাম, “সে কোথায়?” সে বলিল, “জনানা পর্দানসীন, বাতির আসিবে না। গ্রামের তিতর তার মেয়ের বাড়ীতে আছে। তার মেয়েই ঔষধ খাওয়ার জন্ম তাহাকে এখানে আনিয়াছে।” এই প্রৌঢ়াটির সঙ্গে ঐ বাড়ীর একটা ছোট ছেলে সামান্য জ্বরের ঔষধের জন্ম আসিয়াছিল। আমি তাহাকে দুদিনের জন্ম ঔষধ দিয়ে বলিলাম, “তুমি ওবেলা এসে তার ঔষধ নিয়ে যাইও। আমি এখন রান্না করিতেছি, অনেক দিনের জ্বর, একবার বইটা ভাল করে দেখে তারপর ঔষধ দিব।” প্রৌঢ়া অবস্থা বলে চলে গেল। তারপর দুদিন আর কারুর সঙ্গে দেখা নাই। কারকে না দেখে, “তখনই ঔষধ দিলাম না কেন?” মনে মনে এই ভাবিতে লাগিলাম। যাহা হউক, তৃতীয় দিনে সেই

প্রৌঢ়াটিকে দেখিবারাত্রই বলিলাম, তুমি বলে গেলে, “আমি ঔষধ নিয়ে যাব”; আর এগে না কেন? সে বিনীত হয়ে বলিল, “আমি এখান হইতে গিয়েই কার্যাত্তয়ে অল্প গ্রামে চলিয়া গিয়াছিলাম, এই মাত্র এসেছি।” আমি বলিলাম, শিশি এনেছ ত? সে বলিল না, তুমি যে ঔষধ ঐ ছেলেটিকে দিয়েছিলে, ঐ বুড়ি সেই ঔষধ আপনাই খেয়ে ফেলেছে, আর একটু আবারও হইয়াছে, এখন আর জ্বর হয় না, বিছানার উপর উঠিয়া বসিতেও পারে। আমরাতো শুনে হেঁসেই অস্থির, কার ঔষধ খেয়ে কে ভাল হয়ে গেল।

রাঁচিতে আজকাল হিন্দুস্থানীই বেশী হইয়াছে। এদেশের রাজা হিন্দুস্থানী। কোলজাতি আজকাল বড়ই গরিব। বহুপূর্বে ইহাদের ধনধান্যের অভাব ছিল না। কিন্তু যে দিন হইতে উহার “হাড়িয়া” বলে মদের মতন এক প্রকার নেশা করিতে শিখিয়াছে, সেই দিন হইতেই উহাদের অধঃপতন হইয়াছে। কি স্ত্রীলোক, কি বালক, কি বৃদ্ধ সকলেই উহা পান করে। পরিভ্রম করে ছু পয়সা পোলেই ভাটিখানাতে দৌড়ে যায়। ঔষধ মেবার জন্ম শিশি আনিতে বলিলে সেই বড় বড় মদের বোতল গুলিই লইয়া আসে। ইহাদের স্ত্রীলোকেরা খুব পরিভ্রমী। শিশু পিঠে বাঁধিয়া ইহার সব কাজ করে। ইহার খুব সঙ্গীত ও বুল-প্রিয়। মেয়েরা, যুবক ও বালকেরাও খুব গয়না পরিতে ভালবাসে। বিয়ে উভয়েরই অল্প বয়সে হইয়া থাকে।

২০২২ বৎসর বয়স্ক যুবককে যদি বলি, এত গয়না পরেছ কেন? হাসিতে হাসিতে বলে, আমার বৌ তাহা হইলে আমাকে খুব ভালবাসবে। ছেলেগুলিও পরে, মেয়েরা যেন দেখে আদর পছন্দ করে। এদেশে বিয়ে হয়ে গেলে, তারা আর কারুর হাতে থাকে না। খেতে বন্ধে বলিবে, আমি সাদি করেছি, আর তোদের হাতে খাব না। গ্রামের মেয়েরা দলবদ্ধ হইয়া যেখান হইতে জল লইয়া যায়, সেখানে গিয়ে আমি উপস্থিত হইলে তাদের বড় ভয় হয়, যে পাছে কলমী হোঁয়া যায়। তারা যে অত বড় হিন্দু আমি তাহা জানিতাম না। এরা গরুর মাংস খাবে, কুকুরের হোঁয়া খাবে, কিন্তু মানুষের হোঁয়া জলও খাবে না। ঋষ্টান প্রচারকেরা এদেশে খুব কাজ করিতেছেন। অনেক কোলই এখন ঋষ্টান হইয়াছে, নান্দদের স্থলে কোল মেয়েতে ভরা। ঋষ্টান মেয়েগুলি বেশ সভ্যও হইয়াছে, তাদের গায়ে সর্ষদাই জ্যাকেট থাকে। মফঃস্বলের অনেক জায়গায় গির্জা ঘর আছে এবং সেখানে কোল প্রচারকও আছে।

আর একটি ঘটনা লিখিয়া আমি আমার লেখা শেষ করিতেছি। একবার আমরা দুমাসের জন্ত লোহার ডগায় গিয়াছিলাম, সেখান হইতে ফিরে এসে রাঁচি হইতে ১৫ মাইল দূরে মফঃস্বলে আমাদের ক্যাম্প পড়ে। লোহার ডগায় ফাবার পূর্বে আমরা এ এলাকায়ই থাকিতাম। একদিন বেলা ১১টার সময় সেই গ্রামের জমিদার ( হিন্দু-স্থান ) এ. ব. না. যু. জোনার বড়

ছেলের কলেরা হইয়াছে, মাকে ঔষধ দিতে বল। আমি জোলাকে ডেকে জিজ্ঞাসা করিলাম, কোন সময় হইতে দাস্ত আরম্ভ হইয়াছে ও ছেলের বয়স কত। জোলা বলিল, ভোর রাত্রি হইতে পায়খানা ও বমি হইতেছে; এই আমার বড়ছেলে, ইহার ৩৫ টা সন্তান হইয়াছে। পায়খানার সঙ্গে সঙ্গে প্রস্রাব হইতেছে কি না জিজ্ঞাসা করিলাম, সে পারখানার সঙ্গে সঙ্গে প্রস্রাবও বন্ধ বলিল। এখন অবস্থা কি রকম? তাতে বলিল, হাত পা ঠাণ্ডা হয়ে গেছে, আর পিপাসার বড় জোর। কলেরার যত শেষ লক্ষণ সমুদায়ই বলিতে লাগিল। বুঝিলাম মরিবার আর বেশী দেরী নাই। জোলাকে কথ বলিতে বলিতেই আমার স্বামী সকাল বেলায় কাছারী হইতে আসিলেন। তিনি আসিয়া ঘটনা কি জিজ্ঞাসা করিলেন, আমি আছোপান্ত সব বলিয়া বলিলাম, এই অবস্থায় আমার ঔষধ দিতে ইচ্ছা হয় না। একে তো কিছুই জানি না, তারপর রোগীরও এই অবস্থা, মরিবে তো নিশ্চয়, শেষে বাপ, মার ও স্ত্রীর চিরদিনের অভিসম্পাতের পাত্রী হইয়া থাকিব, অগ্র ডাক্তার ডাকিতে বল। তখন তিনি তাহাকে বলিলেন, দেখ, আমরা তো তেমন কিছু জানি না, বই পড়ে ঔষধ দিই, তোমার ছেলের একটু শক্ত ব্যারাম হইয়াছে, অগ্র একজন ভাল ডাক্তার দিয়ে চিকিৎসা করাও। তখন সে বলিল, বাবু আমরা তিনটি ভাই এক সঙ্গে থাকি, পত বৎসর কলেরাতে ( সেই বৎসর রাঁচির সহর হইতে মফঃস্বলের প্রতি গৃহেই কলে-

ঘাতে ২১ জন হইলেও লোক মরিয়াছে ) আমাদের এক বাড়ীতেই ১০ দশটী ছেলে মারা গিয়াছে। গ্রামে কোন ডাক্তার বা কবিরাজ নাই, যদি দয়া করে ঔষধ দেন, তাহা হইলে পেটে একটু ঔষধ পড়িবে, তা না হলে অগ্নি থাকিবে। বাবু, এই আমার বড়ছেলে, এই বলেই বুড়ো কাঁদিতে লাগিল। তখন বাবু বলিলেন, যখন অগ্র কোন উপায় নাই, তখন আর নিশ্চেষ্ট হইয়া থাকা ভাল নয়, তাড়াতাড়ি বই খুলিয়া হুজনে মিলিয়া ঔষধ ঠিক করিয়া আধ ঘটা অহুর খেতে দিলাম। আর পিপাসা লাগিলে একটু একটু করিয়া পরিষ্কার ঠাণ্ডাজলও দিতে বলিলাম। সারা দিন ঔষধ দেওয়ার পর বিকাল বেলা গা একটু পরম হইল, যাহা হউক সারা রাত্রিই আধ ঘটা অহুর ঔষধও ব্যবস্থা করা হইল। মারো মারো লোক পাঠিয়ে সংবাদ আনিয়া ঔষধ পরিষ্রমও করিলাম। সকাল বেলা রোগী আগন কে নন সকল মালা যন্ত্রণ হইতে একটু সুস্থ বোধ করিল। ক্রমে যত সংবাদ পাইতে লাগিলাম, তাতে রোগী ক্রমশঃ আরামই পাতেছে বুঝিতে পারিলাম। যখন যে ঔষধের আশঙ্ক হইত, তখনই সেই ঔষধ দেওয়া হইত, তিন দিনের দিন একটু প্রস্রাব হইল। এই রোগীর জন্ত আমাদের যে ব্যস্ততা ও উদ্বেগ হইয়াছিল তাহা এখন ভাষা দ্বারা বুঝান অসাধ্য, কারণ দায়িত্ব যখন মাথার পড়ে, তখন আপন পর জ্ঞান থাকে না। কি রকম করে তাহাকে রক্ষা করা যায়, দিনরাত্রি কেবল হুজনে

এই চিন্তাই করিতাম। যাহা হউক, ভগবানের অশেষ রূপায় রোগী এ যাত্রা রক্ষা পাইল। আমরা এ গ্রামে প্রায় মাসাবধি ছিলাম। এ রোগী আরোগ্য হওয়াতে প্রতিদিনই ঔষধ লইবার লোক বাড়িতে আসিতে লাগিল। ঔষধের প্রতি প্রতি-জনেরই দৃঢ় বিশ্বাস হইয়াছিল। একবার হুজর খেলেই বলে ভাল হয়ে গেছি, আর খাব না। আপনারা দূরে আছেন, আমি উপস্থিত থাকিয়াও অনেক সময় ওদের কথা বিশ্বাস করিতে পারি নাই। মনে করিতাম বুঝি ফাঁকি দিতেছে, কিন্তু বাস্তবিক গুরা সত্যই আরোগ্য লাভ করিত। একেতো কোন দিন ঔষধ খায় নাই তার উপরে বিশ্বাস, এই দুইই উহাদিগকে আরোগ্য করিত। মারো মারো মেয়েরা ছেলে হইবার ঔষধও চাহিতে আসিত।

দেব প্রসাদে ব প্রসাদ লাভ করিয়া কতাই হইয়াছি। কিন্তু ইহার ভিতর আমার যে সমস্ত দোষ ও ক্রটি ছিল, তাহা স্মরণ করিয়া আমি অহুতপ্ত হইতেছি। প্রভু বলিয়াছেন, “যে আমার একজন সন্তান কেও ফিরাইবে, সে আমাকেই ফিরাইবে।” নিজের সুবিধার জন্ত প্রভুর অনেক পুত্র-কণ্ঠার প্রাণে কষ্ট দিয়াছি, কখন ও বা কেহ বসিয়া বসিয়া চলিয়া গিয়াছে। রোগীর সব দোষ মার্জনীয়, এই মহাবাক্য প্রায় অনেক সময়ই মনে রাখিতে পারিতাম না। সময় অসময় নাই, যখন যার ইচ্ছা সে তখনই আসিত, তাই সময় সময় বিরক্ত হইয়া যািতাম। আজ সে হুজর প্রভুর নিকট ক্ষমা ভিক্ষা করিতেছি।



তিনি আমাকে দোষ ক্রটা দূর করিবার উপযুক্ত বল বিধান করুন।

৪ঠা আগষ্ট বৃহস্পতিবার ১৯১০।

### সাময়িক প্রসঙ্গ।

দিল্লীতে মহিলাদের মেডিকেল কলেজ :—দিল্লীদরবারের পর ভারতের সম্রাট ও সম্রাজ্ঞী কোটারাজ্যে গমন করেন, তৎপক্ষে কোটার মহারাজা দিল্লীতে মহিলাদের জন্ত একটি মেডিকেল কলেজ স্থাপন করিতে এক লক্ষ টাকা দান করেন। মহিলাদের জন্ত একটি স্বতন্ত্র মেডিকেল কলেজের প্রয়োজনীয়তা সকলেই স্বীকার করিবেন, কেননা পুরুষদের সঙ্গে একত্র শিক্ষা লাভ করিতে হয় বলিয়া উপযুক্তমতাক উচ্চশ্রেণীর হিন্দু-মহিলা এ বিষয়ে অগ্রসর হইতেছেন না। এই কারণে ইণ্ডিয়া গভর্নমেন্ট মহারাজার এই উদার দানকে মূলরূপে গ্রহণ করিয়া দিল্লীতে মহিলাদের জন্ত একটি উৎকৃষ্ট মেডিকেল কলেজ স্থাপনার ভারতীয় রাজাদিগের নিকট হইতে যথোপযুক্ত অর্থ সংগ্রহের মনস্থ করিয়াছেন। এই কার্যের জন্ত ১৫ লক্ষ টাকার প্রয়োজন স্থিরীকৃত হইয়াছে। ইণ্ডিয়া গভর্নমেন্টের প্রদত্ত সংবাদ দৃষ্টে অবগত হওয়া গিয়াছে যে, হায়দরাবাদের নিজাম, মহারাজা সিক্রিয়া, মহারাজা হোলকার, বিকানীর মহারাজা, পাতিয়ালার মহারাজা, আগখাঁ, দারভাজার মহারাজা এবং অগ্রা রাজাদিগের নিকট এই কার্যের

জন্ত প্রয়োজনীয় অর্থের অর্ধেক টাকার স্বীকৃতি পাওয়া গিয়াছে। আমরা আশা করি, ভারতীয় ললনাগণের হৃৎক দুরীকরণ যে কার্যের উদ্দেশ্য, সে কার্যে সাহায্য দান করিতে দক্ষিণাত্যের নৃপতিরন্দ্র তাঁহাদের দ্রাহস্থানীয় পুত্রোক্ত নৃপতিগণের পশ্চাৎপদ হইবেন না। আমরা বিবেচনা করি, বর্তমানে এই কার্যের জন্ত অর্থ সংগ্রহ করিতে সর্দস্যধারণের নিকট উপস্থিত হওয়ার প্রয়োজন নাই। যদি তেমন দরকার উপস্থিত হয়, তাহা হইলে আমরা নিঃসংশয়ে বলিতে পারি, এবিষয়ে যথেষ্ট আন্তরিক সহানুভূতি পাওয়া যাইবে। প্রস্তাবিত মেডিকেল কলেজে ভারতীয় নারীবৃন্দের প্রকৃত ও স্থায়ী উপকারের উপাদান সকল নিশ্চিত রাখিয়াছে। আমরা আশা করি, ভারত সাম্রাজ্যের নতন রাজধানী দিল্লীতে এই বিদ্যালয়টি কোন অংশে হীন হইবে না।

বিবাহিত মহিলাগণের জন্ত বিদ্যালয় :—সপ্রতি লাহোর নগরে ভারতীয় ললনাগণের কর্তৃক মহিলা শিক্ষাবিষয়ে এটি বৃহত্তী সভার অনুষ্ঠান হইয়া গিয়াছে, তাহাতে সাধারণ সম্প্রদায়ী স্ত্রী সুলতা দেবী বর্তমান ও অতীতের পর্দানশীন মহিলাদিগের সম্বন্ধে একটি বক্তৃতা দান করেন। সেখানে অনেকগুলি শ্রোতা উপস্থিত ছিলেন। বিবাহিত মহিলাদের জন্ত বিদ্যালয় প্রতিষ্ঠাকরণ বিষয়ে প্রস্তাব নির্ধারিত হয়।

ভারতে লেডি ডাক্তারদের পৃথক সার্ভিস স্থাপনের জন্ত ইংলণ্ডে একটি আন্দোলন চলিতেছে। আমরা জানিতে পারি যে হুখী হইলাম, কর্তৃপক্ষগণ ভারতে মহিলাদিগের মেডিকেল কলেজের বিধান এই ধরণে সার্ভিস প্রতিষ্ঠার পূর্ববর্তী কারণ মনে করিতেছেন। লেডি ডাক্তার মহিলাদিগের জ একটি মেডিকেল কলেজ ও হাসপাতাল প্রতিষ্ঠা করিতে সংকল্প লিয়া নৃপতিগণের সহানুভূতি আশ্রয় করিয়াছেন। দিল্লীতে এ উপ একটি কলেজ দূরবর্তী স্থানের মহিলাগণের অবাধ গন্তব্য হইবে কিন, ইহা জ্ঞাতব্য বিষয় বটে। কিন্তু যদি এই আন্দোলন সুপথে পরিচালিত হয়, তবে নিঃসন্দেহে অগ্রা প্রাদেশিক কলেজ স্থাপন জন্ত ইহার অহুত্ত্ব হইবে। বোম্বাই গভর্নমেন্ট যে কোন রূপেই হউক একটি বিদ্যালয়ের জন্ত সম্পূর্ণ প্রস্তুত।

ব্রহ্মদেশে বিবাহ প্রথা :—বিবাহের উমেদারি ও বিবাহ বিষয়ে ব্রহ্মদেশীয় কুমারী যে পরিমাণ স্বাধীনতা প্রাপ্ত হয়, তাহা অগ্রা উন্নততর দেশের পক্ষে স্বপ্নেরও অগোচর। গৃহকন্ডার একমাত্র ব্যবহারের জন্ত রাস্তায় রাখিয়া স্বতন্ত্র একটি কঠোরী নির্দিষ্ট হয়। যখন কোন কুমারী স্বামীপছন্দ করিতে ইচ্ছা করে, তখন সে প্রস্তুত প্রদীপ জানালাতে স্থাপন করে, এবং যে কোন যুবক আপনাকে নির্বাচনের উপযুক্ত মনে করে, সে উঠিয়া তাহাকে দেখিতে পারে। যদি সে

কুমারী তাহার সঙ্গে পরিচিত হইতে ইচ্ছা করে, তবে সে আর একটি প্রদীপ প্রথম প্রদীপের পাশে স্থাপন করে। তখন সেই কুমারী সেই যুবকের পার্শ্ব সম্প্রদায় তাপিকা চাহিয়া বসে। যদি সেই সাক্ষাতের ফলে সেই কুমারী সন্তুষ্ট না হয়, তবে সেই যুবকের প্রস্থান করিবার চিন্তা করিয়া প্রদীপ জানালায় স্থাপন করে। সে চলিয়া গেলে হুখী প্রদীপ স্থানান্তরিত হয় এবং তৎপর অগ্রা প্রার্থী আগমন করে।

ব্রহ্মদেশের পাইগ্রাম সকলে অত্যন্ত জনবহুল একথা মনেই জানেন। যে সকল গ্রাম নদীতীরে স্থিত তাহাদিগের অবস্থা অবশ্য ভিন্ন, কিন্তু সাধারণত গ্রাম মাত্রই জলের অভাব অনুভব করে। ফাল্গুন, চৈত্র, বৈশাখ ও জ্যৈষ্ঠ মাসে অনেক স্থানে জলের এত অভাব হয় যে, যথেষ্ট পরিমাণে জল পাওয়া দুর্লভ হয় এবং যে জল পাওয়া যায় তাহাও স্ব স্বের পক্ষে একান্ত অনিষ্টকর। ব্রহ্মদেশের প্রথম গবর্নর লর্ড কারমাইকেল এই বৎসরে রাজ্যভার গ্রহণ করিয়াই অনেক জেলার সদর স্টেশন স্বয়ং পরিদর্শন করিয়াছেন এবং যে স্থানের যে বিশেষ অভাব তাহাও জ্ঞাত হইয়াছেন। ইহা অতি আশা ও আনন্দের কথা যে, মহা-মতি লর্ড কারমাইকেল সপ্রতি দার্জিলিং বাস কালে বিভিন্ন জেলার প্রতিনিধি কয়েকজন ভদ্রলোকের সহিত এ বিষয়ে মন্তব্য করিয়াছেন। লর্ড কারমাইকেল সমাগত ভদ্রমহোদয়গণকে সাদর সম্বর্ধনা

করিয়া ও সভার উদ্দেশ্য সংক্ষেপে বর্ণন করিয়া সভা হইতে চলিয়া যান। তৎপর মাননীয় মেঃ সমসুলহদা সভাপতি হইয়া মন্ত্রণা সভার কার্য সম্পন্ন করেন। এই সভায় বিশেষ প্রয়োজনীয় কয়েকটি প্রশ্ন উপস্থাপিত হয় ও সে সকল বিষয়ে সকলের মত গ্রহণ করা হয়। অপর এক দিনও এইরূপ সভা হইয়াছিল। এই মন্ত্রণাসভার আলোচনা দ্বারা জনা যায় যে, বঙ্গদেশের অধিকাংশ গ্রামে পুষ্করিণী খনন করিয়া অথবা প্রাচীন পুষ্করিণীর পঙ্কোদ্ধার করিয়া জলের অভাব মেচন করাই প্রয়োজন। কোন কোন স্থানে খাল কাটয়া অথবা যেসকল খাল মরিয়া গিয়াছে তাহা পুনরায় গভীর করিয়া দিলে যথেষ্ট জল পাওয়া যাইবে। বঙ্গলাদেশে কূপের জলে বড় প্ৰবিধা হয় না। ভূমিতে লোহার নল চালাইয়া যে রূপ প্রাপ্ত হইবে, তাহাদ্বারাও বড় সফল হয় নাই। এজন্ত পুষ্করিণীই অধিকাংশ স্থানের পক্ষে একমাত্র উপযোগী জলাশয়। কিন্তু পুষ্করিণীর জল অনেক স্থানে অপরিষ্কার করা হয়। মানুষের স্নান করা, কাপড় কাচা, পাট বা বাঁশ পচান, গো মহিষাদি ধোয়ান, অপরিষ্কার স্থানের জল পুষ্করিণীতে আসা, পচা পাতা ডাল পালা ইত্যাদি দ্বারা জল দূষিত হয়। কতকগুলি পুষ্করিণী রক্ষণ ও পানীয় জলের জগ স্থির করিয়া রাখিলে ও নিকটে গাছপালা হইতে না দিলে ও অপরূপে অপরিষ্কার হইতে না দিলে অনেক পরিমাণে উত্তম জল পাওয়া যাইবে। আমরা আশা করি মহামতি গব্বার সাহেব

যখন এবিষয়ে বিশেষ মনোযোগী হইয়াছেন এবং বলিয়াছেন যে আমার রাজত্ব কালে যদি এই অভাব কতক পরিমাণেও দূর করিতে পারি তাহা হইলেই কৃতার্থ হইব, তখন অতি শীঘ্রই আমাদের পল্লী-বাগিগণ জলকষ্ট হইতে অনেক পরিমাণে রক্ষা পাইবেন। ভাল পানীয় জল যে কত প্রয়োজন ও তাহা পাওয়া যে কত সৌভাগ্য তাহা সকলে উত্তমরূপে বুঝিয়া অল্প জলকে পবিত্র রাখিবেন ও ভাল জলের সদ্ব্যবহার করিবেন।

সাবু মহাজনের যুগে যুগে শান্তি সংস্থাপনের পথ দেখাইয়া গিয়াছেন। নর-জাতিহিংসিত্ববিগণ, বিখ্যেত্রিকগণ, বহুকাল হইতে চেষ্টা করিয়া আসিতেছেন যে পৃথিবীতে সমরানল আর প্রজ্বলিত না হয়। চিত্রাশীল বাবসায়ী লোকেরাও নানা উপায়ে যুদ্ধ বিগ্রহের নিবৃত্তি করিতে যত্নবান আছেন। ফলে সকল সংলোকেই শান্তি ইচ্ছা করেন। কিন্তু পৃথিবীতে যুদ্ধ বিগ্রহ চিরদিন চলিতেছে। এখনও কতকাল মানুষ মানুষের পাণ হরণ করিবে, এক দেশ অপর দেশের সর্বনাশ করিবে তাহা কেহ বলিতে পারে না। সংবাদপত্রে প্রায়ই মহা অশান্তির, যুদ্ধবিগ্রহের সংবাদ প্রকাশিত হইতেছে। আমরা ইতিহাসে মহা-মহা যুদ্ধের বিষয় ও সে সকল দ্বারা রাষ্ট্রবিপ্লবের ও সামাজিক অবস্থার মহা পরিবর্তনের বিষয় অবগত হই, কিন্তু আমাদের জীবিতকাল মধ্যেও অনেক মহা-যুদ্ধ ও তাহার মহাফল সকল আমরা দেখিতে

পাই। প্রায় চল্লিশ বৎসর পূর্বে রাশিয়ার সহিত তুরস্কের যুদ্ধ হইয়া কতকগুলি নূতন ক্ষুদ্র রাজ্য তুরস্কের শাসন হইতে কতক মুক্তি লাভ করিয়াছিল। এখন সেই সকল ক্ষুদ্র রাজ্য প্রবল হইয়া পূর্ণ স্বাধীনতা লাভ ও রাজ্যবিস্তারের জগ্ন যুদ্ধ আরম্ভ করিয়াছে। ইটালী জানি না কোন কারণে তুরস্কের অধীনস্থ ত্রিপলী রাজ্য লইতে যুদ্ধ আরম্ভ করিল। তুরস্ক কোন বাধা দিতে পারিল না। কার্যত সমস্ত রাজ্যটি ইটালীকে দিয়া সন্ধি স্থাপন করিতে হইল। গত ১৫ই অক্টোবর ইটালীর সহিত তুরস্কের এই সন্ধিপত্র স্বাক্ষরিত হয়। এদিকে তাহার পূর্বে হইতেই তুরস্কের উত্তর এবং পশ্চিমসীমাস্থিত বুলগেরিয়া, সার্বিয়া, মন্টিনিগ্রো ও মেসিডেনিয়ার সহিত যুদ্ধ লাগিয়া উঠিয়াছে। অপর গ্রীসও যুদ্ধ করিতে প্রস্তুত এবং ক্রীটও গ্রীসের সহিত যোগ দিয়া তুরস্কের সহিত যুদ্ধ করিতে প্রস্তুত হইতেছে। এদিকে তুরস্ক বহুদিন হইতে অতি দুর্বল হইয়া পড়িয়াছে। পূর্বে সুলতানকে পদচ্যুত করিয়া নূতন প্রণালীতে রাজ্য চালনা কেবল আরম্ভ হইয়াছে মাত্র। ক্ষুদ্র ক্ষুদ্র রাজনৈতিক দল সকল একে একে প্রাধাণ্য লাভ করিয়া আপনাদিগের শক্তি ও ইচ্ছামত রাজ্য রক্ষা করিতে চেষ্টা করিতেছে, কিন্তু কিছুই করিতে পারিতেছে না। যুদ্ধের সংবাদে দিনদিন কত যুদ্ধের বর্ণনা প্রকাশ হইতেছে, ইহার প্রায় প্রত্যেকটিতে সুলতানের সৈন্যগণ পরাজিত ও অত্যন্ত ক্ষতিগ্রস্ত হইতেছে। যেমন দেখা যায় তাহাতে

যেন ইউরোপে মুসলমানরাজ্য আর থাকে না, যদিও থাকে হয়ত এক কনষ্টানটিনোপল থাকিবে। এদিকে ওন যার খ্রীষ্টিয়ান রাজাগণ ভিতরে একরূপ পরামর্শ স্থির করিয়া এই যুদ্ধারম্ভ করিয়াছেন, ইহার নাকি কারণ এই যে তুর্কির সুলতানের রাজ্যের অধিকাংশ প্রজাই খ্রীষ্টিয়ান, সুলতান নাকি ইহাদিগের প্রতি ভাল ব্যবহার করেন না। অপর ওন যার যে যখন মুসলমান সৈন্যগণ পরাজিত হইয়া কোন স্থান হইতে পলায়ন করে, তখন সেস্থানের খ্রীষ্টিয়ানদিগকে হত্যা করিয়া চলিয়া যায়। কিন্তু আমরা বিশেষ অবগত আছি যে, যুদ্ধের সময়ে যেসকল সংবাদ প্রকাশ হয়, তাহার অনেকাংশ ঠিক নয়। এজন্ত মুসলমান সৈন্য বা সুলতানের কর্মচারীদিগের বিরুদ্ধে যেসকল সংবাদ প্রকাশ হয় তাহার অনেক অংশ অতিরঞ্জিত হইতে পারে। যে কয়টি ক্ষুদ্র রাজ্য তুরস্কের সহিত যুদ্ধ আরম্ভ করিয়াছে তাহার মধ্যে বুলগেরিয়ার সৈন্যগণই অধিক জয় লাভ করিয়াছে। তাহারা হয়ত শীঘ্রই তুরস্কের রাজধানী ইস্তাম্বুল অথবা কনষ্টানটিনোপল অধিকার করিয়া বসিবে। ইউরোপের মহাশক্তি সকল এখনও কোন সন্ধির প্রস্তাব উপস্থিত করা সঙ্গত মনে করেন নাই। তাহারা আপন আপন স্বার্থ রক্ষা করিতে ব্যস্ত আছেন। রাজধানী শত্রু হস্তগত হইবার উপক্রম দেখিলে সুলতান এশিয়া মাইনরে পলায়ন করিবেন। তাহা হইলেই হয়ত ইউরোপ হইতে মুসলমানরাজত্ব উঠিয়া গেল। সময়ে সকল রাজ্যই যাইবে,

কিন্তু আমরা সামান্য মানব, একটা মহা শক্তির পতন দেখিলে মনে ক্রোধ হয়। অপর দিকে সংবাদ পাওয়া যাইতেছে যে, মুসলমান সৈয়দগণ স্থানে স্থানে জয়ী হইতেছে।

ভিক্টোরিয়া মহিলা বিদ্যালয় (২০নং বীডন ষ্ট্রট ভবনে)। পূজা উপলক্ষে ইহার সকল বিভাগেই প্রায় একমাস কাল বন্ধ ছিল, গত ২৭শে কার্তিক, ১২ই নবেম্বর মঙ্গলবার বালিকাবিদ্যালয় ও ছাত্রী আশ্রমের কার্য পুনরায় আরম্ভ হইয়াছে। মহিলাগণের সীমনশিক্ষাবিভাগের কার্য ও বিবিধ বিষয়ের বক্তৃতা বিভাগের কার্য শীঘ্রই পুনরায় আরম্ভ হইবে। যে সকল পিতা মাতা, অভিভাবক বা অভিভাবিকা আপনাদিগের বালিকাগণকে এই বিদ্যালয়ে ভর্তি করিতে ইচ্ছা করেন তাঁহারা বিদ্যালয়ের প্রধান শিক্ষয়িত্রী কিংবা সম্পাদক মহাশয়ের নিকট আবেদন করিবেন। এই বিদ্যালয়ে ভদ্র মহিলাগণের জন্ত প্রতি সপ্তাহে যে সকল বক্তৃতা হয় তাহা গ্রহণ করিতে যাঁহারা উপস্থিত হইতে ইচ্ছা করেন তাঁহারা বিদ্যালয়ের কর্তৃপক্ষকে আপনাদিগের অভিপ্রায় জানাইলেই সাগরে নিমন্ত্রিত হইবেন—যাঁহারা বিদ্যালয়ের নিকটস্থ স্থানে বাস করেন তাঁহারা বিনাব্যয়ে বিদ্যালয়ের গাড়ীতে আসিতে পারেন।

নারীশিক্ষার পক্ষপাতী ও দেশের হিতাকাঙ্ক্ষী ভদ্রমহিলা ও মহোদয়গণের এবং উদার গবর্নমেন্টের অনুগ্রহে ভিক্টোরিয়া মহিলা বিদ্যালয় দিন দিন উন্নতি লাভ করিতেছে দেখিয়া আমরা আনন্দিত। কিন্তু আমরা অত্যন্ত দুঃখের সহিত আমাদের পাঠিকাগণকে অবগত করিতেছি যে, ভিক্টোরিয়া মহিলা বিদ্যালয়ের একটা প্রধান উদ্দেশ্য আজ পর্যন্ত কিছুই কার্যে পরিণত হইতে পারে নাই। বর্তমান সময়ে শিক্ষা

বিষয়ে আমাদের দেশে এমন একটা হীন-ভাব আদিয়াছে যে, মানসিক উৎকর্ষ সাধনের জন্ত বিদ্যালয় লাভ করা অতি তুল্য হইয়াছে। সুবকগণ সাধারণত বিদ্যালয়ে উপাধি ও পদশাভের উপায়স্বরূপ মনে করেন এবং উক্ত দুইটি বস্তু লাভ হইলেই বিদ্যালয় সম্বন্ধে সন্তোষ শেষ করেন। বালিকাশিক্ষা বিষয়েও কার্যত এই প্রকার দুর্গতি উপস্থিত হইয়াছে। এখন কলিকাতা জন্ত যোগ্য বর পাইবার অভিপ্রায়ে কলিকাতা ইংল্যান্ডী স্কুলে ভর্তি করিয়া দেওয়া হয়—যদি বালিকা উচ্চ শ্রেণীতে উঠিতে পারে তাহা হইলেই যেন উচ্চ পদ বরের যোগ্য হয়। অপর দুই একটা পাস হইলে উচ্চ বেতনে কর্ম করিতে পারে, সে দিকে অনেকের দৃষ্টি। ইহাই কি মানসিক উন্নতিসাধনের লক্ষ্য! কি দুঃখের বিষয়।

কুমারীগণ বিশ্ববিদ্যালয়ের পরীক্ষার গুরুভার বহন করিয়া অনেক সময়ে চিরদিনের জন্ত স্বাস্থ্য হারান। ফলতঃ যৌবনের প্রথমে অতিরিক্ত মানসিক পরিশ্রম করাতে অনেক অনিষ্ট হয়, এজন্য কুমারীগণ যাঁহাতে সহজে সাধারণ উচ্চ শিক্ষা লাভ করিতে পারেন, মানসিক বিকাশ ও উন্নতিলাভ হয় তাঁহারা ব্যবস্থা করা ভিক্টোরিয়া মহিলাবিদ্যালয়ের অগ্রতর উদ্দেশ্য। এখন এরূপ শিক্ষা দিবার সুব্যবস্থা আছে, কিন্তু কোন উচ্চশ্রেণীর বালিকা কেবল সুশিক্ষার জন্ত অধ্যয়ন করিতে প্রস্তুত হন নাই, সকলেই বিশ্ববিদ্যালয়ের পরীক্ষার জন্ত প্রস্তুত হইতেছেন ও বিদ্যালয়ের কর্তৃপক্ষেরও সে রূপ ব্যবস্থা করিতে হইয়াছে। কিন্তু আমরা দেশের সকল চিন্তাশীল মহিলা ও ভদ্রমহোদয়গণের নিকট অত্যন্ত ব্যাকুলভাবে নিবেদন করি যে, তাঁহারা এদেশের নারীশিক্ষা বিষয়ে রুচির সংস্কার করিতে যত্নবান হউন।



## মাসিক পাত্রিকা ।

“যত্র নারীস্তু পূজ্যন্তে বমন্তে তত্র দেবতাঃ”

১১শ ভাগ ] অগ্রহায়ণ, ১৬১৯ । ডিসেম্বর, ১৯১২ । [ ৫ম সংখ্যা ।

### প্রার্থনা ।

হে সর্বমঙ্গলময় পূর্ণ ব্রহ্ম, তুমি নরনারীকে শত শত সর্গের আশীর্বাদ দান করিয়াছ। তাঁহারা তোমার কৃপায় সৃষ্টির সকল জীবের মধ্যে গ্রেষ্ঠ হইয়াছেন কেবল তাহাই নহে, তাঁহারা তোমার চরণ পূজা করিয়া ভক্তি প্রদ্বার সহিত তোমার ইচ্ছা জগতে ও জীবনে পূর্ণ করিয়া কৃতজ্ঞতা হইবার অধিকার পাইয়াছেন, পৃথিবীর নরনারী তোমার কৃপায় যে উচ্চ অধিকার সময় সময় লাভ করিয়াছেন, তাহা স্মরণ করিয়া সমস্ত নরজাতি আপনাদিগকে গৌরবাহিত মনে করিতেছেন। আমরা সর্বদাঃবরণে তোমাকে ধন্যবাদ দান করি যে, তুমি পৃথিবীর সামান্য নরনারীর ভিতরেও এমন ধন রাখিয়াছ যে তাঁহারা তোমার পথে চলিবার সময়ে সেই উচ্চ অধিকার লাভ করিবেন। ফলে যাঁহারা উচ্চ জ্ঞান, উচ্চ চরিত্র, মহদত্তা লাভ করিয়াছেন,

তাঁহাদের জীবনে তোমার প্রেম পুণ্যের সৌন্দর্য প্রকাশিত হইয়া থাকে, তাহাতে আমরা সহস্র সহস্র ব্যক্তি মুগ্ধ হইয়া তোমার গুণানুবাদ করি। কিন্তু দেবতা, যদিও তুমি এমন অধিকার নরনারীকে দিয়াছ, একবার দেখ যে তোমার কত অধিক সংখ্যক পুত্রকন্যা তোমাকে ভুলিয়া সংসারে সুবিয়া অতি দুর্দশায় জীবন যাপন করিতেছেন। বিশেষ যখন আমরা তোমার এ দেশের কল্যাণের কথা মনে করি, তখন যেন মনে হয় তাঁহারা তাঁহাদের উচ্চ নিয়তি ও অধিকারের বিষয় কিছুই জানেন না। হে সর্বদর্শী দেবতা, আমরা যতটুকু দেখিতে পাই তাহাতে যেন মনে হয় এদেশের তোমার প্রায় সকল কন্যা কেবল সংসার লইয়া ব্যস্ত রহিয়াছেন; তাঁহাদের জন্ত তুমি যে সুন্দর নীতি, চরিত্র, প্রেম, জ্ঞান, সুখ, আনন্দ, শান্তি রাখিয়াছ, তাঁহারা একাগ্র হইয়া ব্রত ও প্রার্থনা করিলে সকল নীচতা, অজ্ঞা-

নতা, সংকীর্ণতা, অশুদ্ধতা ও শোক হইতে রক্ষা পাইতে পারেন একথা যেন তাঁহারা মনে স্থানও দেন না। তাই তব পাদপদ্মে প্রার্থনা করি, যিদ নরনারীর মনে উন্নতির ইচ্ছা স্বাভাবিক করিয়া দিয়াছ, যদি পৃথিবীর নানা দেশের নারীগণ প্রকৃত উন্নতির জন্ত যত্ন করিতে প্রবৃত্ত হইয়াছেন, তবে কৃপা করিয়া তোমার এদেশের কণ্ঠাগণকে সকল প্রকার প্রকৃত উন্নতি লাভের জন্ত ব্যাকুল কর।

### নারীর সময় বৃথাব্যয়।

মানুষের জন্ম মৃত্যু পর্যন্ত যে সময় সেই সময়েরই নাম ইহজীবন। সুতরাং ইহলোকে থাকা পর্যন্ত সময় ও জীবনে কোন বিভিন্নতা নাই। সময় যাওয়াই জীবন শেষ হওয়া। এজন্ত কণ্ঠিত হয়, সময় বৃথা যাপন করিও না। ঈশ্বরের বিধানানুসারে নরনারী নির্বিশেষে সকলে বাল্য যৌবন প্রৌঢ় বার্দ্ধক্য অবস্থা লাভ করে। বাল্যকাল এবং যৌবনেরও অধিকাংশ মানুষের পক্ষে শিক্ষার সময়। যৌবনের শেষ ভাগ, প্রৌঢ়াবস্থা ও বার্দ্ধক্যের প্রথম ভাগ সকলের পক্ষেই কার্যকাল। শরীরকে ঈশ্বর বাহু জগতের অগ্রাগ্র পদার্থের ত্রায় নিয়মাধীন করিয়াছেন। সেই নির্দিষ্ট নিয়ম পালন করা সকলেরই পক্ষে কর্তব্য। যদি কেহ উচ্ছৃঙ্খল হইয়া নিয়ম লঙ্ঘন করে তবে তাহার শরীর নানা রোগে আক্রান্ত হইয়া পড়ে। অতএব তাহারই শারীরিক

নিয়ম লঙ্ঘন করা উচিত নহে। যথাকালে শয্যা ত্যাগ, প্রাতঃকৃত্য-সমাপন, ভ্রম, আহার, বিশ্রাম এবং নিদ্রামগ্ন হওয়া আবশ্যিক। প্রতিদিন আহাৰাদিতে অধিকাংশ লোকের ১০ বার ষট্টি কাল যাপিত হয়। বার ষট্টির অধিক প্রায় কেহ শিক্ষায় বা কার্যে কালক্ষেপ করে না। নারীর শরীর স্বভাবতঃ কোমল ও দুর্বল। এজন্ত নারীজাতি সকল দেশেই পুরুষাপেক্ষা বিশ্রাম ও নিদ্রায় অধিক কালক্ষেপণ করিয়া থাকে। অনেক সমাজেই নারীজাতি পরিবারবর্গের সেবায় অধিক সময় কাটাইতে বাধ্য হয়। সকলকে সুখী ও আমোদিত করা নারীজাতিরই কর্তব্য মধ্যে গণিত। এজন্ত নারীজাতি আমোদপ্রিয়। ক্রীড়া, গীতবাণ, পরিহাস, রসিকতা নারী জাতির স্বভাবসিদ্ধ গুণ। নারীজাতিকে জ্ঞানশিক্ষা দেওয়ার সঙ্গে ঐ সকল বিষয়ে ও বিশুদ্ধ ভাবে শিক্ষা দেওয়া এবং উৎসাহ দেওয়া আবশ্যিক। যদিও কলাবিদ্যাতে পুরুষই অগ্রাবধি পৃথিবীতে মুখ্যতা লাভ করিতেছে, তথাপি ত্রায়ত বিচার করিয়া বলিতে হইবে যে কলাবিদ্যায় নারীজাতিই অধিকারিণী বটে।

ধর্মরক্ষা, সংসাররক্ষা, আমোদ আহ্লাদ রক্ষা সকলই নারীর কার্য। অথচ নারীর জন্ত বিশ্রাম, নিদ্রা, ক্রীড়া পুরুষাপেক্ষা অধিক প্রয়োজনীয়। নারী পুরুষের পক্ষে পত্নী ও গৃহিণী; শিশু এবং বালকের পক্ষে আদর্শ ও জননী। এহেন নারীকে নারীর উপযোগী শিক্ষাদান যে অত্যন্ত গুরুতর কর্তব্য তাহা বলা বাহুল্য। ধর্ম যদি নারী-

দিগের সর্বপ্রকার শিক্ষার শিরোমণি না হয়, তবে নারী আপন জীবনের উপযুক্ততা লাভ করিতে পারেন না। ধর্মের ভয়ে নারীর শরীরমন কণ্টকিত থাকিবে, এবং ধর্মানুরাগের প্রকুল কমল নারীহৃদয়ে সদা প্রফুল্লিত থাকিবে। তবে নারীর জীবন পত্নীরূপে, জননীরূপে এবং ভগিনী ও সঙ্গিনীরূপে সকলকে সর্বাভ্যায় পরিপোষণ ও পরিরক্ষণে সমর্থ হইবে। এই বিভিন্ন কার্যে নারী ব্যাপৃত হইয়া বৃথা সময় যাপন করিতে পারেন না। আমাদের দেশে নারীগণ সামাজিক জীবনে সর্বদা সঙ্গিনীরূপে বর্তমান থাকেন না। অগ্রাবধি নারীদিগের শিক্ষাও সর্ববিষয়ে সুন্দর রূপে আরম্ভ হয় নাই। প্রাচীন হিন্দুসমাজের মহিলাগণ আপনাদের মধ্যেই সামান্য রূপ শিল্পকলার চর্চা করিতেন, আপনাই কোন কোন সময়ে কোন প্রকারে সংগীতের রসাপাদন করিতেন। অবসরকালে আপনাই কোন না কোনরূপ ক্রীড়ামোদ ভোগ করিতেন। পুরাকালে কোন কোন রমণী স্বভাবতঃ অতি সুন্দর পরিহাস রসিকতা দ্বারা অশ্রুকে আনন্দিত করিতেন। পশ্চাত্য প্রণালীর জ্ঞান চর্চা এদেশে পদার্পণ করিয়া সে সকল নির্বাসিত করিয়াছে। অথচ উন্নত প্রণালীতে জ্ঞান শিক্ষার সহিত মহিলাসমাজে শিল্প কলাদির শিক্ষা প্রবর্তিত হয় নাই। অনেকের মধ্যে অধুনা তাসখেলা এবং নাটক পড়ার আমোদ প্রবর্তিত দেখা যায়। কিন্তু যে ভাবে এই দুই ব্যাপার বঙ্গীয় মহিলাকুলে অধিকার বিস্তার করিয়াছে ইহা যে কামিনী-

গণের জীবন বা সময়নষ্টকারী এবং দূষণীয়, তাহা অল্পকাল মধ্যে অনেকেই হৃদয়ঙ্গম করিয়াছেন। অথচ এবিষয়ে উৎকৃষ্টতর ব্যবস্থা প্রচলন তিন্ন নিকৃষ্টের নিঃসরণ কি সম্ভব হইবে?

বঙ্গদেশে এখন অনেক শিক্ষিতা মহিলা স্বকীয় কুলের কল্যাণ চিন্তা করেন। ভারত ধর্মমহামণ্ডলে এসকল বিষয়ে মহিলাগণ সমালোচনা ও উপযুক্ত বিধান স্থির করুন, আমাদের এই মাত্র নিবেদন। অনেক শিক্ষিতা ললনাই বুঝিতে পারিতেছেন যে, ভারতের ললনাকুল না জাগিলে ভারত জাগ্রত হইবে না। সুশিক্ষা-প্রভাবে ধর্মগত অন্ধবিশ্বাস ও কুসংস্কার ত্যাগ করা স্বাভাবিক। শিক্ষার প্রভাবে যথাসময়ে উহা স্বতঃই ঘটিবে। কিন্তু সত্য ঈশ্বরের প্রতি ভয় ও ভক্তি যাহাতে নারী হৃদয়ে স্থানলাভ করে, তৎসহ পরিবার ও সমাজের কল্যাণ এবং উন্নতি সাধিকা সর্বতোমুখী শিক্ষা যাহাতে নারীজাতির জীবনে বিস্তার প্রাপ্ত হয়, তাহা সর্বপ্রথমে করিতে হইবে। নারীগণ এবিষয়ে উগোগিনী হইলে পুরুষগণ সমুদায় শক্তির সহিত সহায়তা করিবেন। নারীর জীবন, নারীর সময় যেন কোন মতেও বৃথা না হয় ইহাই প্রার্থনীয়। শিক্ষা-প্রভাবে ক্রমে দৃষ্ট হইবে যে, আমোদ আহ্লাদ খেলায় সময় যাপন বৃথা কালক্ষেপ নয়। সঙ্গীত ও কলাবিদ্যায় কালযাপনত কোন মতেও বৃথা নহে; এমন কি গল্প ও পরিহাসে নারীগণ অশ্রুকে যে আনন্দদান করেন তাহাও বৃথা কালক্ষয় নহে।

মূল কথা এই যে, মানুষের ইচ্ছা ও উদ্দেশ্য যদি ধর্মদ্বারা নিয়মিত হয়, তবে কোন কিছুই নিরর্থক হইতে পারে না।

নিরন্তর অধ্যয়ন বা অধ্যাপনা, নিরন্তর গৃহকার্যে তৎপরতা, নিরন্তর কর্মের কর্তব্যে মগ্নতাও নারীর পক্ষে স্বাভাবিক নহে। উহা বৃথা; কেননা উহা অনুষ্ঠিত হইলে নারীপ্রকৃতি বিকৃত হয়। যে সকল কুলকামিনী অধুনা অধ্যয়ন বা অধ্যাপনতে জীবন উৎসর্গ করিয়াছেন, তাঁহাদেরও সময়ের সমাক্তভাগ ঐরূপে ব্যয় করিয়া কি সার্থকতা বোধ হয়? প্রকৃতির পরিতুষ্টি না হইলে নির্যাল আনন্দ উপভোগ করা যায় না। ঈশ্বর নরনারীকে যে জন্তু ঐহিক জীবন দান করিয়াছেন তাহার সকল দিকে দৃষ্টি না পড়িলে, সকল দিক বিকাশ না পাইলে সময় বা জীবন সফল হইল একথা কোন পুরুষ বা নারী সিদ্ধান্ত করিতে পারেন না। আমাদের জীবনের সময় কোন এক আদর্শ কোন বিষয়ে বৃথা বলিয়া নির্দেশ করে। আবার অন্তরূপ আদর্শে তাহা বৃথা গণ্য হয় না। ক্রীড়া, বিলাস, আরাম, আমোদ, সংগীত, কথোপকথন কিছুই বৃথা নহে। উদ্দেশ্য-বিহীন হইলে সকলই বৃথা। সত্য ঈশ্বর এবং অন্তরস্থ বিবেকের অধীন হইয়া মহিলা বৃন্দ যাহা করেন, তাহাই সুফল প্রদান ও সময়কে সার্থক করিবে।

### সঙ্গীত চর্চা।

ভক্ত কবি গাইলেন “আনন্দময় ভোমার বিশ্ব শোভাশুখপূর্ণ, আমি আপন

দোষেহুঃখ পাই, বাসনা অনুগামী।” এই যে বাসনার অনুগামী হইয়া মনুষ্য সন্তান হুঃখ অনুভব করে, এ হুঃখও তাহার দূর করিবার জন্ত যিনি বিশ্বসংসারকে আনন্দ-ময়করিয়া সৃষ্টি করিয়াছেন, তিনি সঙ্গীতের ভিতরে শান্তি, আরাম এবং আনন্দ ঢালিয়া দিয়াছেন। এজন্ত সঙ্গীত মানবজাতির সৃষ্টিকাল হইতেই যে সমুৎপন্ন হইয়াছে, তাহা বলা যায়। কি সত্য, কি অসত্য বর্ষের সকল শ্রেণীর লোকের মধ্যেই সর্বকালে এবং সর্বদেশে সঙ্গীতের ব্যবহার দেখিতে পাওয়া যায়। সুতরাং সঙ্গীত যে মানুষের স্বভাবের সহিত সংযুক্ত তাহা বলা নিস্পয়োজন। শুধু মনুষ্য কেন; সঙ্গীতের মাধুর্যে পশু, পক্ষী এবং সরীসৃপ পর্যন্ত মুগ্ধ হইয়া থাকে তাহার ভূরি ভূরি প্রমাণ পাওয়া যায়। পরস্তু দেখা যায় আমাদের দেশীয় সঙ্গীতের স্বরাবলী পশু পক্ষীর স্বর হইতেই গৃহীত হইয়াছে। পাঠিকাগণের স্মরণার্থ এখানে তাহা সংক্ষেপে প্রদর্শন করা যাইতেছে। সা; ঙ, গা, মা, পা, ধা, নি এই সপ্তস্বরের নাম অনেকেই জানেন। ইহার বিশেষ পরিচয় নিম্নে প্রদত্ত হইল।

সা—ষড়্জ—কেকারব, ময়ূরের শব্দ।  
(১) নামা, (২) কঠ, (৩) মুচ্চা, (৪) তালু,  
(৫) জিহ্বা, এবং (৬) দন্ত এই ছয়টি স্থান স্পর্শ করিয়া উচ্চারিত হয় বলিয়া উহাকে ষড়্জ বলা হয়। সপ্তস্বরের প্রথম স্বর।

ঋ—ঋষভ, গো অথবা চাতকের স্বরের তুল্য স্বর। ইহার উৎপত্তি স্থান নাভিনূল। সপ্তস্বরের দ্বিতীয় স্বর।

গ—গ'কার, ছাগ দরতুল্য স্বর। নাভি হইতে উৎপন্ন হইয়া কঠ ও শীর্ষাহত করিয়া গমন করে সপ্তস্বরের তৃতীয় স্বর।  
মা—মধ্যম, ক্রৌঞ্চস্বরতুল্য স্বর। উৎপত্তি স্থান বক্ষঃ। সপ্তস্বরের চতুর্থ স্বর।

পা—পঞ্চম, তন্ত্রী কৌশ্লিত স্বর-বিশেষ। উচ্চারণ স্থান উরস্, গলা ও শিরঃ। সপ্তস্বরের পঞ্চম স্বর।

ধা—ধৈবত, নারদ মতে অশ্বস্বর-তুল্য। তানসেন মতে ভেকস্বরতুল্য। ইহার উচ্চারণ স্থান ললাট। সপ্তস্বরের ষষ্ঠ স্বর।

নি—নিষাদ, হস্তিস্বরতুল্য স্বর। উচ্চারণ স্থান ললাট। সপ্তস্বরের সপ্তম স্বর।

উল্লিখিত বিশেষ পরিচয় হইতে দেখা যায় যে ময়ূর, বৃষভ, ছাগ, ক্রৌঞ্চ, অশ্ব এবং হস্তী এই সকল পক্ষী ও পশুর স্বরাবলম্বনে সপ্তস্বর গৃহীত হইয়াছে। বলা বাহুল্য যে এক মানুষের স্বভাবে ইহার সমুদয়ই আছে এবং ইহাদের স্বাভাবিক যোজনাতে সঙ্গীত সমুৎপন্ন হইয়াছে। মানুষের স্বভাবের সহিত স্বরের এবং সঙ্গীতের নিষ্টি যোগ আছে বলিয়াই পক্ষিগণের শব্দ সকলও গান নামে অভিহিত হইয়াছে। পক্ষীর শব্দে কোনও ভাষা নাই, সুতরাং ‘বৌ কথা কও’ বলিলেও যা, ‘বৌ চরকা তোল’ বলিলেও তা। ভিন্ন ভিন্ন দেশে এবং ভিন্ন ভিন্ন জাতির মধ্যে এবং ভাষাতে এক পক্ষীর বা এক পশুর শব্দেরই বিভিন্ন নাম বা ব্যাখ্যা দেওয়া হইয়াছে। মনুষ্য নিজে

কোনও স্বর প্রস্তুত করে নাই। স্বরাবলম্বনে তাহার অধরে যে তদ্ভাবব্যঞ্জক ভাব উৎপন্ন হইয়াছে তাহা ধরিয়াই সে স্বরের ব্যাখ্যা প্রদান করিয়াছে। চোখ্, গেল পাখী কখনই কাহাকেও চোখ্, গেল বলে না। কিন্তু তাহার শব্দে যখন মনে ঐ ভাব উৎপন্ন হইল তখনই মনুষ্য ঐ পক্ষীর জন্ত নাম না জানিয়া উহাকে চোখ্, গেল পাখী নাম দিল। যাহা হউক আমরা সঙ্গীতের বা স্বরের স্বাভাবিকত্ব দেখাইতে যে কয়টি কথা বলিলাম, তাহাই বোধ হয় এ স্থলে যথেষ্ট হইয়াছে।

অতি প্রাচীন কাল হইতে যে আৰ্য্য-জাতির মধ্যে সঙ্গীতের চর্চা ছিল, তাহা অনাবাসেই গন্ধর্ব্ব শব্দ হইতে প্রমাণিত হয়। গান করাই গন্ধর্ব্ব জাতির কার্য ছিল এবং এজন্ত সঙ্গীত শাস্ত্রের অপরাধ নাম গান্ধর্ব্ববিদ্যা। আৰ্য্যদিগের মধ্যে একটা জাতি সঙ্গীতের আলোচনা করিয়া তদ্বারা জীবনযাত্রা নির্বাহ করিয়া গন্ধর্ব্ব নাম প্রাপ্ত হইয়াছিল। ইহাতে বিলক্ষণ প্রতীতি হয় যে, আৰ্য্যগণ বিলক্ষণ রূপেই সঙ্গীতের চর্চা করিয়াছিলেন। সামবেদের শেষে গান্ধর্ব্ববেদ নামে একটা অধ্যায় আছে। উহাকে আয়ুর্বেদ ও ধনুর্বেদের ত্রায় একটা উপবেদ বলা হইয়াছে। সুতরাং আৰ্য্যজাতি সোপান পরম্পরায় সত্যতার শিখরে আরোহণকালে সঙ্গীতচর্চাও তাঁহাদের সঙ্গে সঙ্গেই চলিয়া আসিয়াছিল। জাতীয় উত্থান পতনের সঙ্গে যে ঐ চর্চারও উত্থান ও পতন ঘটিয়াছিল তাহাতেও সন্দেহ নাই। মুসলমান রাজ-

তের সময় বিশেষতঃ মোগল সম্রাট- ডামনি আকবরের সময় পুনরায় ভারতে সঙ্গীত-চর্চা বিশেষভাবে আরম্ভ হইয়াছিল, শুনিতে পাওয়া যায়। কিন্তু তাহা যে আর্ধ্যঋষিগণের ভাবে নয় তাহা বেশ বুদ্ধিতে পারা যায়।

আমরা যখন অমরাবতীতে ইন্দ্রের সভায় পুরাণোক্ত গন্ধর্ব্ব, বিদ্যাধরী ও অপ্সরাদিগের গান ও নৃত্যাদির কথা স্মরণ করি, তখন দেখিতে পাই সঙ্গীতশাস্ত্র যেন কেবল বিদ্বৎ আমোদ গমোদের জন্তই রচিত হইয়াছিল। কিন্তু যখন সামবেদের শেষে গান্ধর্ব্ববেদ নামে যে একটি অধ্যায় আছে তাহার বিষয় আলোচনা করা যায়, তখন বুদ্ধিতে পারা যায় যে আর্ধ্যঋষিগণ ধর্ম্মসাধনের একটা উপায়রূপে সঙ্গীত গ্রহণ করিয়াছিলেন। এ সম্বন্ধে একটি শাস্ত্রীয় বচনও এদেশে জনসাধারণের মধ্যে প্রচলিত আছে। বচনটা যদিও অনেকের মুখেই শুনা গিয়া থাকে, তথাপি এস্থলে তাহার উল্লেখ অপ্রাসঙ্গিক হইবে না। বচনটা এই :- “গানাং পরত্তরো নাস্তি”। অর্থাৎ সঙ্গীতের সহায়তায় যে ধর্ম্ম সাধন হয় অর্থাৎ পরমাত্মাতে আগ্ন সমাধান করিবার সুযোগ হয়, তাহার তুল্য সহজ ও স্বাভাবিক শ্রেষ্ঠ সাধন আর নাই। আমরা শৈশব কাল হইতে ভক্ত রামপ্রসাদ, মুনসি রাম তুলাল প্রভৃতির নাম ও তাঁহাদের রচিত মাহাভিষেক সঙ্গীত শুনিয়া আসিতেছি। তাঁহাদের সঙ্গীত পুস্তকাকারে প্রকাশিত হইয়া সাধারণে প্রচারিতও হইয়াছে। আজ কাল শিক্ষিত সমাজে

উহা প্রচলিত না থাকিলেও সর্ব সাধারণের মধ্যে তাহা বিলক্ষণ আদৃত হইয়া থাকে। ব্রাহ্মধর্ম্মের এবং ব্রাহ্ম সমাজের প্রতিষ্ঠাতা রাজা রামমোহন রায়কৃত সঙ্গীত সকল এক সময় শিক্ষিত সমাজে প্রচলিত ছিল। শত শত শিক্ষার্থী যুবকের মনে রামমোহনকৃত সঙ্গীত প্রবেশ করিয়া বৈরাগ্যের সঞ্চার হইতে দেখা গিয়াছে। ‘কত আর সুখে মুখ দেখিবে দর্শনে।’ ‘মনে কর শেষের সে দিন ভয়ঙ্কর।’

এই সকল কথা যাহারা একটু স্থির-চিন্তে চিন্তা করেন তাঁহাদের যে মানব-জীবনের চঞ্চলতা ও পরলোকের সম্বল সঙ্কয়ের প্রয়োজনীয়তা যুগপৎ উপস্থিত হইয়া থাকে তাহাতে সন্দেহ নাই। কিন্তু রামমোহনকৃত সঙ্গীতের আর পূর্বের মত চর্চা শিক্ষিত সমাজে নাই। বঙ্গীয় শিক্ষিত সমাজে বিশেষতঃ ব্রাহ্মসমাজে, রাজার সঙ্গীতের পরে সঙ্গীতপ্রচারক শ্রীযুক্ত ত্রৈলোক্যনাথ সান্না্যাল কৃত সঙ্গীত, অনেকে গাইতেন। এক্ষণে কবিবর রবীন্দ্রনাথ ও কোন কোন স্থলে রজনীকান্ত সেন কৃত সঙ্গীত সকলের শিক্ষিত সমাজে বাহুল্য-প্রচার দৃষ্ট হইয়া থাকে। বলিতে কি রবীন্দ্রনাথের প্রতিভা বর্তমান সময়ে যে এত শ্রেষ্ঠ স্থান অধিকার করিয়াছে তাহার অগ্রতম কারণ তদীয় মিস্ট্র সঙ্গীত।

এক্ষণে আমরা মূলতত্ত্বের আলোচনাতে প্রবৃত্ত হইবার পূর্বে সঙ্গীত সম্বন্ধে পাশ্চাত্য সুসভ্য জাতির মধ্যে কিরূপ ব্যবহার দৃষ্ট হয় তাহার বিষয়ে দুই একটা কথা বলিব। ভক্ত কবি বিহদিরাজ দাউদ

যে সকল সামগান-সঙ্গীত রচনা করিয়া বিহদিজাতিকে পৃথিবীর মহোচ্চ স্থানে সংস্থাপিত করিয়া রাখিয়া গিয়াছেন তাহা পুরাতন বাইবেল শাস্ত্রের সহিত এক্ষণে পৃথিবীর সহস্র সহস্র ভাষায় পরিবর্তিত হইয়া সভ্য অসভ্য তাবৎ জাতিকে ঈশ্বরো-পাসনার সহায়তা প্রদান করিতেছে। এদেশেও আমরা দেখিতে পাই তাবৎ খ্রীষ্টীয় ধর্ম্মমন্দিরে দাউদের গীত উপাসনার একটা প্রধান অঙ্গ। এতদ্বারা প্রমাণিত হইতেছে যে, যেমন প্রাচীন আর্ধ্যঋষি-দিগের ভিতর দিয়া ভারতে, তেমনি প্রাচীন যিহুদিজাতির ভিতর দিয়া ইউরোপ, আমেরিকা ও অগ্রাগ্র দেশে সঙ্গীত ঈশ্বরোপাসনার প্রধান সহায়রূপে গৃহীত হইয়াছে।

আমরা পূর্বেই বলিয়াছি, সঙ্গীত বিদ্বৎ আমোদ লাভের এবং চিত্তবিনোদন করিবারও প্রধানতম উপায়। তবে এক্ষণে সঙ্গীতের ব্যবহার সম্বন্ধে দুইটা দিক পরিষ্কাররূপে দেখা যাইতেছে।

সঙ্গীত-চর্চা-সম্বন্ধে আমরা উপরে যাহা বলিলাম তাহা অনেকেই জানেন, নূতন কিছুই নহে। তবে আমাদের নূতন করিয়া কিছু বলিবার না থাকিলে এ প্রস্তাব অগ্র উত্থাপন করিবার প্রয়োজন ছিল না।

পাশ্চাত্য সভ্য জাতি সকলের একটা বিশেষত্ব এই দেখা যায় যে, তাঁহারা চির-প্রফুল্ল। তাঁহাদের শরীর যেমন সুস্থ, মনও তদনুরূপ শক্তিসম্পন্ন এবং হৃদয়ও সর্বদা হর্ষযুক্ত। শরীর সুস্থ রাখিবার জন্ত তাঁহারা শুধু পুষ্টিকর বলকর

আহার নিয়মিত পরিমাণে, নিয়মিত সময়ে, প্রতিদিন গ্রহণ করেন তাহা নহে, শরীরের স্ফূর্তিজনক বায়ু সেবন ও ক্রীড়া ব্যায়ামাদিও নরনারী-নির্ধিশেষে সকলে যথানিয়মে করিয়া থাকেন। মানসিক উন্নতির জন্ত জ্ঞান-গর্ভ পুস্তকাদি অধ্যয়ন তাঁহারা নিয়মিতরূপে করিয়া থাকেন। আবার চিত্তের প্রফুল্লতা-বর্দ্ধনার্থ পেয়ানো, হার্মোনিয়ম প্রভৃতি যন্ত্রযোগে সুমধুর তান-লয় যুক্ত সঙ্গীত গান ও শ্রবণ করিয়া থাকেন। কিন্তু আমাদের শিক্ষিত বাঙ্গালীর জীবনে কি তদনুরূপ অনুষ্ঠান প্রতিদিন প্রত্যক্ষ করিয়া থাকি? আমরা অনেক স্থলেই তাঁহাদের শরীর মনের বল ও স্ফূর্তিজনক কার্য্য সকল পরিহার করিয়া কখন কখন হয়ত বিদ্বৎ সঙ্গীত দ্বারা শুধু চিত্ত বিনোদনের প্রয়াস পাইয়া থাকি।

সঙ্গীতের দেবতা বাসুদেবী, বীণাপাণি সরস্বতী। এতদ্বারা নারীজাতির সহিত সঙ্গীতের নিগূঢ় যোগ প্রমাণিত হইতেছে। সঙ্গীত-বিদ্যাতে নারীদিগেরই যে শ্রেষ্ঠ অধিকার তাহা পুরাণে বিদ্যাধরীদিগের উল্লেখও প্রমাণিত হয়। তবে মুসলমান আধিপত্যের সময় যেমন এদেশে নারী জাতির অবরোধ প্রথা প্রচলিত হইয়াছিল, তাহার সঙ্গে সঙ্গে ভদ্র সমাজে নারীদিগের দ্বারা নৃত্য গীতাদি করাইয়া যে বিদ্বৎ আমোদ সন্তোষ পূর্বক চিত্তের প্রফুল্লতা সম্পাদন করা তাহাও চলিয়া গিয়াছিল। পুনরায় ইউরোপীয় জাতিসকলের সমাগমে এদেশে নারীজাতি মধ্যে বিদ্যাচর্চার সঙ্গে

সঙ্গে সাহেবদিগের অনুকরণে শিক্ষিত পরিবার সকলে নারীজাতি মধ্যে সঙ্গীত চর্চাও প্রতিষ্ঠা হইয়াছে। এক্ষণে হার্মোনিয়ম প্রভৃতি যন্ত্র প্রায় ঘরে ঘরেই দৃষ্ট হইয়া থাকে এবং বালিকাদিগের বিদ্যালয়শিক্ষার সঙ্গে সঙ্গে তাহাদের সঙ্গীত শিক্ষা ও হার্মোনিয়ম শিক্ষারও ব্যবস্থা অনেক স্থানেই দেখিতে পাওয়া যায়। এ সকল যে সময়ের শুভলক্ষণ, তাহাতে বিন্দুমাত্রও সন্দেহ নাই। কিন্তু আলোকের পশ্চাতে যেমন অন্ধকার থাকে, তেননি ভাল জিনিষের সঙ্গে সঙ্গেও মন্দ জিনিষের সমাগম দেখিতে পাওয়া যায়। এজগৎ সঙ্গীত-চর্চা-সম্বন্ধে আমাদের কোনও কোনও বিষয়ে দুই একটী কথা বলিবার আছে।

ইহা অত্যন্ত সুখের বিষয় হয়, যখন স্বামী অথবা পিতা বা ভ্রাতা বা অপর কোনও আত্মীয় সমস্ত দিন সংসার ক্ষেত্রে পরিশ্রম করিতে করিতে একান্ত ক্লান্ত, শ্রান্ত, বিমর্ষ ও বিষন্ন হইয়া সায়ংকালে গৃহে প্রত্যাপন হন, তখন যদি একটী বা দুইটী সঙ্গীতরসী তাহাদের চিত্ত বিনোদন করা যায়। যে সকল গৃহস্থের ঘরে একপ ব্যবস্থা আছে নিশ্চয়ই সে পরিবারে সুখ শান্তি আরাম লাভের বেশ একটী উপায় আছে। যে পরিবারে এ ব্যবস্থা নাই সেখানে ইহার প্রয়োজনীয়তা সন্দেহ বোধ হয় কাহারও দ্বিমত হইবে না। তবে যাহারা এ ব্যবস্থা বর্তমান সময়ে অবলম্বন করিয়াছেন তাহাদিগেরও একটী বিষয়ে সাবধানতা অবলম্বন করিবার আছে।

একান্ত অল্পবয়স্ক বিনয় সহকারে তাহাদের নিষ্ঠুর আগাদের এই নিবেদন যে তাহারা যেন ভজন-সঙ্গীত সকল আমাদের জগৎ, শুধু চিত্তের প্রকল্পতঃ বৃদ্ধির জগৎ ব্যবহার না করেন; ভজনের সঙ্গীত সকল শুধু সাধন ভজন, ঈশ্বরারাধনার সময়ই ব্যবহার করিবেন। আর পিতা মাতা গণও সন্তান দিগকে ঐ সকল সঙ্গীত যখন তখন গান করিতে না দেন। ভজন-সঙ্গীত যখন তখন গান করিলে তাহাদের সাধন ভজনের উপযোগিতা আর থাকে না। পশ্চিম দেশীয় সভ্যতম জাতিদিগের মধ্যেও ভজন-সঙ্গীত ভজনের সময় ভিন্ন গীত হয় না। কিন্তু নতুন সব বিষয়েরই যেমন একটা বাড়াবাড়ি হয় এবং তদ্বারা তাহার অপব্যবহারও হইয়া থাকে, তদ্রূপ বর্তমান শিক্ষিত পরিবার মধ্যে এবং ব্রাহ্মসমাজেও অনেক স্থলে সঙ্গীতের এত বাড়াবাড়ি সময় সময় দেখিতে পাওয়া যায় যে, ভজনসঙ্গীতের অপব্যবহার হওয়াতে অনেক ভাল ভাল ভজনসঙ্গীত শুধু আমাদের জগৎ, চিত্তবিনোদনের জগৎ গীত হইয়া থাকে। আমরা জানি না আমাদের কথা গুলি শ্রোতৃবর্গের কর্ণকে আঘাত করিবে কি না। আশ্চর্যের আশঙ্কাতেই আমরা অনুন্নয় ও বিনয় সহকারে কথাটা বলিলাম। আশা করি আমাদের কথা রুচি বিরুদ্ধ হইলে তাহারা ক্ষমা করিবেন। প্রস্তাব সুদীর্ঘ হইবার ভয়ে অগ্ৰ এখানে শেষ করা গেল।

## একটা কিছু ।

মবাই বাস্তু, কেউ হ'তে, কেউ পেতে, কেউ দিতে, কেউ নিতে। স্রষ্টা হ'তে সৃষ্ট, দেবতা হ'তে মানব, চিন্ময় হ'তে মূর্খ, কার লক্ষ্য নয় একটা কিছু ?

এত বড় ব্রহ্মাণ্ড রচিত হইল, এত যে সৃষ্টির প্রবাহ ব'য়ে চলিল, সবই কি অহেতুক ? এতে কি আনন্দময়ের আনন্দ প্রকাশ হয় নি ? এ বিচিত্র বিশ্বরূপে কি তাঁর আয়রূপে প্রতিফলিত হইবে? আর না ? ও ছিল না ? কে বলিবে—না ?

ঐ যে মহাশূন্যে প্রচণ্ডবেগে পৃথিবী ঘুরছে, কারও বাধা মানে না, কারও বারণ শুনে না, কেবল অবিরামগতি অজানা রহস্য হতে রহস্যে ছুটেই চলেছে, ওর কি সম্মুখে ও পশ্চাতে একটা প্রকাণ্ড অভিপ্রায় নাই ? একদিন অহা নীরবতা ভেদ করে স্বোরাঙ্ক-কারে শব্দ উঠল "হও সৃষ্টি" অমনি হ'ল সৃষ্টি। "এস আলো" অমনি এলো আলো। শব্দ উঠল "বেড়ে যাও, পূর্ণ হও" অমনি সব বাড়বার জগৎ অগ্রসর হ'ল, পূর্ণতার জগৎ ছুটল। সে অবধি এই মহা ছুটা-ছুটি, কার সাধ্য রোধ করে এ প্রচণ্ড গতি ?

সুদূরতম ঐ পরমাণুটি, নগণ্য ঐ ধূলিকণাটি, ওর উপর এত শক্তির ক্রিয়া কেন ? নিমিষে নিমিষে ওর পরিবর্তন কেন ? আর ওর পাশের সকল অবস্থার সঙ্গে আপনাকে মিলাবার এত চেষ্টা কেন ? তাকে থামতে বল দেখি, যেমন তেমনিটি থাকতে বল দেখি, সে তোমায় তুচ্ছ করে

ঐ শূন্য বলছে "আমি বেড়ে যাব, পূর্ণ হব, একটা কিছু হব।"

আর মানুষের মন ? সে কি এত ছুটা-ছুটির মধ্যে আপনাতে আপনি বদ্ধ থাকতে পারে ? মহাবিশ্বের মহা আহ্বান—"আয় ছুটি", সেও ত এ আহ্বানে আহূত, সেও ত ঐ মহা নিমন্ত্রণে নিমন্ত্রিত, তাই সে জন্ম হতে মরণে, মরণ হতে অনন্ত জীবনে ছুটেই চলেছে। সহস্র চেষ্টা কর, শৈশবে, কৈশোরে, যৌবনে, প্রৌঢ়ে, বার্দ্ধক্যে কোন বয়সে তাকে থামাতে পারবে না, সে একটা কিছু হবেই, সে পূর্ণতা লাভ করবেই।

এই "একটা কিছু" যে জগতের মহা লক্ষ্য, মহা চালক। কেউ জেনে কেউ না জেনে, কেউ ব'সে কেউ ছুটে, কেউ ধ্যানে কেউ কর্মে এই লক্ষ্য অনুসরণ করছে। জেনে ফেলেছে যে ধন্য হয়েছে সে। আর "চোখ ঢাকা বলদের মত" অজানা টানে যে এই লক্ষ্য পানে ছুটেছে, পরিণামে ধন্য হতে চলেছে সে।

নিষ্কণ্টা ভাই, একটা কিছুর অভাব পূরবার জগৎ তুমি প্রবীণ আত্মীয়ের গঙ্গা-যাত্রার ব্যবস্থা কর জানি। নিষ্কণ্টা মহিলা কখনও আত্মগরিমার, কখনও পরকুৎসার, কখনও বা দশবৎসর পূর্বে মৃত আত্মীয়ের জগৎ শোকের ভাগ করিয়া বিকট চীৎকারে প্রতিবাসীর কানে তালা লাগাও তা জানি। কিন্তু ও তোমার নিয়তি নয়, ও তোমার স্বভাবের গতি নয়। তুমি যে এমের বড় হ'তে, পূর্ণ হ'তে। হাত গুটায় ব'সে ভাবছ কি ? ওঠ—ছোট--স্বা হ'বে জ

হ'য়ে পড়। ঐ ব'য়ে চলেছে মহাশব্দ-  
তরঙ্গ, মহা গগন কাঁপাতে কাঁপাতে উঠছে  
মহা সুর—“আয় ছুটি”, ঐ ব'য়ে চলেছে  
যুগ যুগ ধ'রে বিপুল জনপ্রবাহ—সবাই  
ডেকে ব'লে যাচ্ছে “আয় ছুটি”। আর  
ঐ কোন অজানা দেশ হ'তে প্রতিধ্বনি  
তারস্বরে উত্তর দিচ্ছে “আয় ছুটি”।

কিসের মোহ, কিসের নিদ্রা? অনন্তের  
সন্তান, আপনার নিয়তি পুরাও। কিছু  
আদর্শ পেয়ে থাক হারাও কেন? কিছু  
টান বুকে থাক বাধা দাও কেন? ধূলার  
স্বরখানি ভাঙতে কতক্ষণ, অন্তরে যে  
তোমার জন্ত মণিময় স্বর বাঁধা রয়েছে,  
অনন্তে যে তোমার জন্ত অনন্ত স্নেহ  
অপেক্ষা করছে।

এই একটা কিছুকে চিনে লও, আর  
তারই দিকে জীবন-তরী ছেড়ে দাও।  
তোমার মায়ার নঙ্গর আল্লা পেলেই সে  
আপনি ভেসে চ'লে যাবে। আর এটা  
ওটা ভাববার দরকার কি? নিরুশ্বা ভাই  
বোন, কিছু করবার না থাকে, হরিণাম  
জপ ক'রে দেখ, এতে সময়ট ও কাটবে  
ভাল, লক্ষ্যটিও সিদ্ধ হবে।

### কিওয়ারগার্টেন।

(পূর্বানুবৃত্তি)।

২। শিশুশিক্ষায় খেলানা।—ফ্রোবেল  
শিশুগণের খেলানাশ্রিতার সুযোগ পাইয়া  
তাহাদিগকে খেলারছলে শিক্ষা দিবার জন্ত  
কতকগুলি সুন্দর খেলানা প্রস্তুত করেন।  
তিনি বহু বিবেচনা পূর্বক, মনোবিজ্ঞানের  
মূল সূত্রানুসারে জড়বিজ্ঞান ও গণিতের

মৌলিক নিয়মানুসারে তাহাদের নির্মাণ  
করিয়াছিলেন। শিশুগণ এইগুলি লইয়া  
খেলেতে খেলিতে অত্যন্ত আমোদ প্রাপ্ত  
হয় এবং অজ্ঞাতসারে সহজে গণিত,  
জ্যামিতি ও বিজ্ঞানের মূলতত্ত্বগুলি শিখিয়া  
ফেলে। এই খেলানাগুলি দ্বারা তাহাদের  
চক্ষু, কর্ণ, ত্বক্ প্রভৃতি ইন্দ্রিয় নিচয়ের  
অনুশীলন হয়। মনোযোগ গাঢ়তা প্রাপ্ত  
হয়, বিচারশক্তি প্রখর হয় এবং তাহা-  
দিগের বুদ্ধিকে বিজ্ঞান শিক্ষার উপযোগী  
করিয়া তুলে।

৩। শিশু বিদ্যালয়ের কার্যাবলী—  
ফ্রোবেল স্বপ্রবর্তিত শিক্ষাপ্রণালীমধ্যে  
এমন কতকগুলি শিশুজনমূলত কার্যের  
অবতারণা করিয়াছেন, যাহা প্রাপ্ত হইলে  
শিশুগণের আনন্দের সীমা থাকে না।  
সেগুলি যথা—Stick laying বা শলাকা  
স্থাপন; Ring laying বা বৃত্তস্থাপন;  
Tablet laying বা ফলক স্থাপন;  
Peas-work বা বীজ সংস্থাপন; Paper  
cutting বা কাগজ কৰ্তন; Paper  
folding বা কাগজ ভাঁজকরণ; Mat-  
weaving বা শীতলপাতী বয়ন; Per-  
forating বা কাগজ ছিদ্রকরণ; Clay  
modelling বা মৃৎ-গঠন ইত্যাদি। এই  
শিশুজনমূলত কার্যাবলীর মধ্যে মানব-  
সমাজের যাবতীয় শিল্পকার্যের মৌলিক  
নিয়ম সকল নিহিত রহিয়াছে। শিশুগণ  
এই গুলিতে নিপুণতা লাভ করিলে  
ভবিষ্যৎ জীবনে যে কোন শিল্পের মধ্যেই  
সহজে প্রবেশ এবং বিচক্ষণতার সহিত  
তাহার উন্নতিসাধন করিতে পারে।

৪। অঙ্কন ও চিত্রশিক্ষা—ফ্রোবেল  
শিশুপ্রকৃতিমধ্যে অঙ্কন চেষ্টার মূহুসুরণ  
দর্শন করত উহাকে প্রকৃতপথে পরিচালিত  
করিবার জন্ত কিওয়ারগার্টেন প্রণালী মধ্যে  
অঙ্কন ও চিত্রশিক্ষার রীতিমত ব্যবস্থা  
করিয়াছেন। ফ্রোবেলের মত এই যে,  
শিশুগণকে অতি সহজ সরল রেখাপাত  
হইতে আরম্ভ করিয়া উত্তরোত্তর জটিল  
অঙ্কনে উপনীত করিতে হইবে। শিশুগণ  
প্রথমতঃ ‘দাগা বুলান’ হইতে আরম্ভ  
করিয়া ক্রমে যে পরিমাণে তাহাদের বুদ্ধি  
হস্তনিপি শিক্ষিত ও নিয়মিত হইয়া  
উঠবে, এবং মনোরত্তির বিকাশ হইতে  
থাকিবে, সেই পরিমাণে তাহারা স্বচেষ্টা ও  
স্বাবলম্বনে স্বাধীন পর্যবেক্ষণ ও বিচারে  
মুক্তহস্তে অঙ্কন অভ্যাস করিবে। অঙ্কন-  
শিক্ষারার শিশুগণের দর্শনশক্তির অনু-  
শীলন হয়, পর্যবেক্ষণশক্তি বিকাশ লাভ  
করে চিত্রের সমাধান, সত্যচিত্র ও সত্য  
কথনের অভ্যাস হয় এবং নীরব কল্পনিক  
সামনা হইয়া থাকে। অঙ্কন শিক্ষার  
উৎকর্ষের সঙ্গে সঙ্গে শিশুগণের হস্ত-  
নিপিও উৎকর্ষ সাধিত হইয়া থাকে।

৫। পদার্থপাঠ, প্রকৃতিপাঠ ও বৈজ্ঞা-  
নিকপাঠ।—পদার্থশিক্ষা আরম্ভ করিয়া  
প্রথমতঃ শিশুগণ পদার্থনিচয়ের বিবিধ  
আকার ও বর্ণবিষয়ে শিক্ষালাভ করে।  
বস্তুতত্ত্বের সাধারণ জ্ঞানলাভ হইলে পর,  
তাহাদিগকে সহজ বৈজ্ঞানিকপাঠ প্রদত্ত  
হইয়া থাকে। শিশুগণের বয়ঃক্রম ও  
বুদ্ধির বিকাশানুসারে গ্রেণীবিভাগ করিয়া,  
তাহাদিগকে সোপানপরম্পরার উদ্ভিদ-

বিদ্যা, পদার্থবিদ্যা, রসায়ন, স্বাস্থ্যবিজ্ঞান,  
গার্হস্থ্যনীতি প্রভৃতির স্কুল স্কুল ভিত্তি শিক্ষা  
দেওয়া হইয়া থাকে। নানাবিধ ক্রীড়া-  
সামগ্রী, চিত্রপট, মৃৎমূর্তি ও অত্যাঙ্গ  
বিবিধ উপকরণ অবলম্বনে এবং জীব-  
নিবাস, বৃক্ষবাটিকা প্রভৃতি স্থানে তাহা-  
দিগকে লইয়া গিয়া শিশুজনবোধগম্য  
সহজ ভাষায়, প্রত্যক্ষ প্রণালীতে প্রাকৃতিক  
বৈজ্ঞানিক শিক্ষা প্রদত্ত হইয়া থাকে।

৬। নাট্য ও সঙ্গীত।—পদার্থতত্ত্ব বা  
বৈজ্ঞানিকপাঠ শিক্ষা হইলে শিশুরা ভঙ্গী  
ও সঙ্গীত সহকারে খেলায় তাহার  
অভিনয় করিয়া থাকে। টঙ্কশালা, মুদ্রাযন্ত্র,  
কাগজ প্রস্তুতের যন্ত্র, দীপশলাকার যন্ত্র,  
বস্ত্রবয়ন যন্ত্র, কাচপাত্র নির্মাণাগার প্রভৃতি  
দর্শন করিয়া আসিয়া শিশুগণ বিদ্যালয়ে  
অঙ্কনবিদ্যার সাহায্যে তৎসমুদায়ের  
আলোচনা করে এবং অভিনয় ও সঙ্গীত  
বর্ণনা দ্বারা এই সকল তত্ত্বকে সজীব ও  
মনোহর করিয়া তুলে। এতদ্বারা বিবিধ  
বস্তু ও বিষয়ের তত্ত্ব তাহাদের মনে  
চিত্রমুদ্রিত হইয়া যায়।

৭। শিশুগণের কাহিনী প্রবণ ও  
তাহার পুনরাবৃত্তি।—শিশুগণের মনো-  
যোগ, অনুশীলন ও চিত্তসমাধানের পক্ষে  
গল্প একটা প্রধান উপায়। তদ্ব্যতীত  
কাহিনী-প্রবণ করিতে করিতে স্মৃতি ও  
ধারণশক্তি উন্নীত হইয়া থাকে। শিশু-  
গণের মনোযোগ মনোহর গল্পের মধ্যে  
স্বতঃই প্রবিষ্ট হইয়া থাকে এবং কৌতু-  
হলের বশবর্তী হইয়া তাহারা পূর্বাপর  
ঘটনাবলী মনে করিয়া রাখিতে শিখে।



ইহা হইতে পুনরাবৃত্তির বাসনা তাহাদের মনোমধ্যে উদ্ভিত হইয়া থাকে। অবশেষে কাহিনী-শ্রবণ ও তাহার পুনরাবৃত্তিতে এতাদৃশ অভ্যস্ত হইয়া উঠে যে তন্মধ্যে একটী মাত্রও ঘটনা বিস্মৃত না হইয়া অবলীলাক্রমে পুনরাবৃত্তি করিয়া যাইতে পারে। ইহাতে মনোযোগের এতাদৃশ সাধনা হয় যে অল্প সময়ে শিশু যখন পাঠ করিবে বা লিখিবে তখন তৎসংক্রান্ত তাহাই করিবে, অল্প কিছু করিবে না। পুনরাবৃত্তির অভ্যাস দ্বারা শিশুদিগের মনোভাব প্রকাশের ক্ষমতা জন্মে। সুকাহিনীর, সংকথার নৈতিক উপকারিতা যে কতদূর তাহা বলিয়া শেষ করা যায় না।

৮। লেখাপড়া ও গণিতশিক্ষা।— কিণ্ডারগার্টেন বিদ্যালয়ে লেখাপড়া ও গণিতশিক্ষার প্রণালী সম্পূর্ণরূপে মনোবিজ্ঞানের নিয়মাবলীর উপর প্রতিষ্ঠিত। এই প্রণালীর শিক্ষা শিশুগণের পক্ষে অতিশয় মনোরম, তাহাদিগের শারীরিক ও মানসিক কোমল প্রকৃতির সম্পূর্ণ অনুকূল।

৯। নৈতিক ও সামাজিক শিক্ষা।— ফ্রোবেল অল্পাল্প বিষয়ের জ্ঞান কার্যদ্বারাই শিশুগণকে নীতিশিক্ষা দিতেন। শিশুদিগের চরিত্র গঠন করিয়া তোলা সম্পূর্ণরূপে শিক্ষকের উপরেই নির্ভর করে। এ বিষয়ে বিদ্যালয়ে এমন একটা “আবহাওয়ার” সঞ্চালন করিয়া রাখা প্রয়োজন, যাহার মধ্যে আসিয়া পড়িলেই শিশুগণ আপন আপন সম্ব্যবহার ও শিষ্টাচারে

অভ্যস্ত হইতে থাকিবে। শিক্ষকের অকপট স্নেহ ও সহানুভূতি, তাহার মধুর ব্যবহার শিশুগণের হৃদয় জয় করিয়া তাহাদিগকে সদনুষ্ঠানে প্রবৃত্ত করে বা অসদনুষ্ঠান হইতে নিবৃত্ত রাখে।

সৌন্দর্যবৃত্তির অনুশীলন নীতিশিক্ষার একটী প্রকৃষ্ট উপায়। এজন্ড ফ্রোবেল শিশুগণকে লইয়া নদীতীরে, প্রান্তরে, উপবনে, নিষ্ক্ষেপে, পর্বতে, উপত্যকার ভ্রমণপূর্বক প্রাকৃতিকদৃশ্য দর্শন ও তজ্জনিত আনন্দ সম্ভোগদ্বারা তাহাদের সৌন্দর্যবৃত্তির উৎকর্ষ সাধন করিতেন।

কিণ্ডারগার্টেনের নীতিশিক্ষা-প্রণালীও প্রত্যক্ষ জ্ঞানের উপর প্রতিষ্ঠিত। এজন্ড কিণ্ডারগার্টেন বিদ্যালয়ের শিশুগণকে অনাথাশ্রম, কুষ্ঠাশ্রম, পীড়িতাশ্রম এবং সাধারণ সেবালয় সমূহ প্রদর্শন, নানাবিধ পুণ্যকাহিনীর উদ্ভীপনাপূর্ণ বর্ণন এবং অন্ধ, আতুর, রোগী, অনাথ, কাজাল, গরিবদিগের সাহায্যার্থ ফুল, ফল, আহাৰ্য্য, বস্ত্র, অর্থ প্রভৃতি সাধ্যমত সংগ্রহ করিবার জন্ত উৎসাহ প্রদান দ্বারা তাহাদিগের অন্তরের নৈতিক বৃত্তিসমূহ সুরিত করিয়া দেওয়া হয়।

১০। ধর্মশিক্ষা।—কি প্রকারে শিশুর মনে ধর্মভাবের উন্মেষ হয়, ধর্মপিপাসা জাগ্রত হইয়া উঠে তৎসম্বন্ধেও কিণ্ডারগার্টেন প্রবর্তকের বিশেষ মত ও কার্য আছে। তাহা সনাতন ও সার্বভৌমিক। এ বিষয়টীও শিক্ষকের উপর নির্ভর করে। ভগবদ্ভক্তির অনুশীলন করা প্রত্যেক শিক্ষকেরই কর্তব্য।

উপসংহার।

কিণ্ডারগার্টেন প্রণালীর সংক্ষিপ্ত মত এই যে, শিশুর উপর ছাপা পুস্তকের ভার চাপান উচিত নহে। সে নিজে দেখিয়া শুনিয়া, নাড়িয়া চাড়িয়া, বুঝিয়া ছুঁঝিয়া জগতের নানা বস্তু ও ঘটনার জ্ঞানলাভ করিবে ও কর্মের মধ্য দিয়া, অনুষ্ঠানের মধ্য দিয়া নীতি ও চরিত্র লাভ করিবে। ছোট ছেলেকে ভূগোল, ইতিহাস ও ব্যাকরণের পুস্তক কঠিন করাইও না, কিন্তু তাহাদিগকে গল্প বল, ছড়া বলিতে শিখাও, গান গাহিতে ও অঙ্গচালনা করিতে শিখাও, ঘূলা কাঁদা লইয়া খেলা করিতে দাও, ছবি আঁকিতে ও শিল্পকর্ম করিতে শিখাও, বাগান করিতে ও পত্রপক্ষী পুষিতে শিখাও আর এই সকলের সহিত সংযুক্ত করিয়া তাহাদের বয়স ও ক্ষমতানুসারে অতি সহজ ও আনন্দময় প্রণালীতে, তাহাদিগকে লেখাপড়া ও গণিতশিক্ষা দাও। কতকগুলো বৃথা কথা মুখস্থ করাইয়া তাহাদিগের আনন্দময় শিশুজীবনকে মাদী করিয়া ফেলিও না। তাহাদিগকে শাসন করিবার বা দণ্ড দিবার কোন প্রয়োজন নাই। শারীরিক দণ্ড বা নিষ্ঠুর শাসনে তাহাদের শারীরিক, মানসিক ও নৈতিক অনিষ্ট হইয়া থাকে। শিশুজীবন অতি কোমল, অতি সুন্দর ভালবাসা ও আনন্দই তাহার উপযোগী। শিশু যেমন ভালবাসা বোঝে, এমন আর কে বুঝে? ভালবাসিয়া আনন্দ দিয়া শিশুকে বশ কর, তাহাকে তিরস্কার বা প্রহার করিও না। কিণ্ডারগার্টেন প্রণা-

লীর মত এই যে, শিশুর মধ্যে যে সজীব কর্মশীলতা খেলার আকারে সর্পিদাই প্রকাশ পাইতেছে, তাহাকে সংরুদ্ধ করিও না, কিন্তু সে ভাব বাহির হইয়া আসিতে দাও। তাহাতেই তাহার স্বকৃতি, তাহাতেই তাহার স্বাস্থ্য ও মুখ, জীবন ও মনুষ্যত্বের শিক্ষা। স্বয়ং প্রকৃতিদেবী, স্বয়ং ভগবান পুস্তক-নিরপেক্ষ ভাবে তাহাকে যেরূপ শিক্ষা দিয়া গড়িয়া তুলিতেছেন, পিতামাতা ও শিক্ষক তাহাকে সেই শিক্ষাপথেই সহায়তা করিবেন। অল্পবয়সে বালক বালিকাগণকে পাকাইয়া সংসারী করিয়া তোলা কিণ্ডারগার্টেন শিক্ষার উদ্দেশ্য নহে। কিন্তু যতদিন পর্যন্ত তাহারা স্বাভাবিকভাবে বালক বালিকা থাকে, ততদিন তাদের বাল্যতাবকে অক্ষয় রাখিয়া, প্রকৃতির প্রণালীতে সহজে শিক্ষা দিয়া তাহাকে ফুটাইয়া তোলাই ইহার উদ্দেশ্য। কিণ্ডারগার্টেন প্রণালী পিতামাতা ও শিক্ষককে বলে—তোমরা বালক বালিকাগণকে যেদপ নরনারী দেখিতে চাও, বাল্যকালেই তাহার নিকট তাহা আশা করিও না, কিন্তু তাহাদের বাল্য-প্রকৃতির উপরেই তাহাদের সেই মনুষ্যত্ব ও নারীত্বের সূত্রপাত কর, দেখিবে যথাসময়ে তাহারা সম্পূর্ণ নরনারী, প্রকৃত নরনারী হইয়া তোমাদের আনন্দবিধান করিবে\*।

শ্রীযতীন্দ্রনাথ বসু।

\* এই প্রবন্ধ শিশু-জীবন সম্পাদক শ্রীযুক্ত অমিনাশচন্দ্র বসুর অনুমতানুসারে “শিশু-জীবন” পত্রিকায় প্রকাশিত প্রবন্ধগুলির বিশেষ বিশেষ অংশ হইতে সংকলিত করিয়া রচিত হইয়াছে।

### জেনারেল নোগীর ইচ্ছা মৃত্যু।

ইদানীং প্রাচ্য মহাধণ্ডের অল্প কোনও দেশ আপানের ত্রায় সমস্ত জগতের দৃষ্টি আকর্ষণ করিতে সমর্থ হয় নাই। যে মহাকৃষি কেবল অতীতের লীলাক্ষেত্ররূপে পরিগণিত ছিল, যাহার ভবিষ্যৎ কেবল অন্ধকারময় নিশ্চিত ছিল, তাহারই এক অগমিত ও অস্পষ্ট প্রান্ত হইতে এক ক্ষুদ্র দ্বীপ হঠাৎ জাগরিত হইয়া এবং তাহার জাগরণের সংবাদ অনপেক্ষিতভাবে বোঝিত করিয়া সকলকে চমকিত করিল। তাহার পর হইতে জাপান নানা ভাবে জগতের চক্ষের সম্মুখে নিজকে রাখিয়াছে, কিন্তু যে মহাকৃষি জয়ী হইয়া জাপান প্রধান সাম্রাজ্যগুলির মধ্যে একটি হইতে পারিয়াছে, সেই যুদ্ধের প্রধান বীর জেনারেল নোগীর ইচ্ছামৃত্যুতে সমস্ত শিক্ষিত জগৎ যেভাবে বিস্মিত ও স্তব্ধ হইয়াছে, এরূপ আর কখনও হয় নাই। স্বীয় প্রাণের উপর হস্তক্ষেপ পাশ্চাত্য সভ্যতার হিসাবে অতি কাপুরুষ এবং ঘৃণিত ব্যক্তির কল্প, অথচ এই মহাবীর যে কেন এমন ভাবে মৃত্যুকে আলিঙ্গন করিলেন তাহা কেহই বুঝিতে পারিতেছেন না এবং সাহস করিয়া তাঁহাকে ঘৃণিত আশ্রয়তা দোষে দোষীও করিতে পারিতেছেন না। বাস্তবিক এই ব্যাপার কি তাহা বুঝিতে পারা অত্যন্ত কঠিন, কারণ আমাদের চক্ষে আশ্রয়তায় ত্রায় মহাপাপ আর অধিক নাই, অথচ আমরা চক্ষের সম্মুখে যখন একজন মহৎ এবং বীর-

পুরুষকে এই দোষে দোষী দেখিতে পাই, তখন তাঁহাকে বিচার করিতে হইলে বাস্তবিকই আমাদের সাবধান হইয়া মতামত প্রকাশ করিতে হয়।

একথা অবশ্য বলিবার প্রয়োজন কিছুই নাই, কারণ ইহা কোনও নতুন সত্য নহে, যে ইহজীবনে আমরা যাহা কিছু লাভ করি তাহার মধ্যে জীবনই সর্বাপেক্ষা মহাদান। এ দানের আর তুলনা নাই, কারণ ইহা না হইলে আমাদের কোনও অস্তিত্বই থাকে না। আবার সভ্যতা যতই অগ্রসর হইতেছে ততই এই মহাদান অর্থাৎ প্রাণের মূল্য আমরা বুঝিতে পারিতেছি। অসত্য বর্ষের জীবন যে কিরূপ মহামূল্য রত তাহা কখনও বোধ করে কি না সন্দেহ। আমরা যাহাকে “প্রাণের মারা” বলি তাহা নিশ্চয়ই তাহাদের আছে; কোন প্রাণীর তাহা নাই? কিন্তু আমাদের জীবন যে আমাদের পক্ষে একটা মহা সৌভাগ্য এবং গৌরবের বস্তু সে ভার শিক্ষিত সমাজ ভিন্ন অল্প কোথাও পাওয়া সম্ভব নহে এবং যতই মানবজাতি উন্নততর আদর্শের ভূমিতে উঠিতেছে, ততই এই ভাব আরও ফুটিয়া উঠিতেছে। কিন্তু ইহারও অবশ্যই কোন সীমা আছে। প্রাণ মহামূল্য বটে, কিন্তু তাহা অপেক্ষা মূল্যবান বস্তু কি আর কিছুই নাই? ইহা মহৎ বটে কিন্তু তাহা অপেক্ষা মহত্তর বস্তু কি আমাদের সম্মুখে কখনও উপস্থিত হয় না? ইতিহাসবেত্তা মাত্রই স্বীকার করিবেন যে তাহা নহে। কত লোকে দেশের জন্ত, ধর্মের জন্ত, ত্রায়ের জন্ত অকাতরে

প্রাণত্যাগ করিয়াছেন। এক হিসাবে তাঁহাদিগকেও কি আমরা আশ্রয়ত্যা-দোষে দোষী করিতে পারি? না। কিন্তু তাহা কি আমরা কখনও স্বপ্নেও ধারণা করিতে পারি? তাঁহাদের দোষী মনে করা দূরে থাক, তাঁহাদিগকে আমরা ভক্তির সহিত উচ্চ আসনে স্থান দিয়া আমাদেরই কৃতার্থ মনে করি।

সুতরাং এ বিষয়ে সন্দেহ নাই যে, সভ্যতার উন্নতির সহিত আমাদের জীবনের উদ্দেশ্য, অর্থ এবং মূল্যের আদর্শ ক্রমশই উন্নত হইতেছে। কিন্তু তাহার সঙ্গে সঙ্গেই আরও কত উচ্চ আদর্শ আসিয়া পৃথিবীর মহাজাতি সকলের হৃদয় অধিকার করিতেছে। এই সকল উচ্চ আদর্শ যে জাতি প্রাণ অপেক্ষা যত প্রিয় করিতে পারিবেন, সেই জাতি সভ্যতার সোপানে তত উন্নত বলিয়া গণ্য হইবেন, এবং যে সকল জাতির আদর্শ জীবনের মূল্য সর্বাপেক্ষা অধিক থাকিবে, সেই সকল জাতি অতি হীন বলিয়া গণ্য হইতে বাধ্য। জীবনধারণই যদি সর্বশ্রেষ্ঠ আদর্শ হইল, ধর্ম, ত্রায়, আশ্রয়সম্মান এ সমস্ত জগাঞ্জলি দিয়া যদি আমরা প্রাণরক্ষা করিতে ব্যস্ত হই, তাহা হইলে ইহাকে কেহ শ্রেষ্ঠ মনুষ্যত্ব বলিতে পারেন না। জীবনের তুলনায় মহত্তর বস্তু যে জাতি বা যে ব্যক্তির যত অধিক আছে, সেই জাতি বা সেই ব্যক্তিকে তত শ্রেষ্ঠ বলিয়া স্বীকার করিতে আমরা বাধ্য। সুতরাং যদি আমরা পৃথিবীর সমস্ত জাতির প্রাণ-পেক্ষা প্রিয় কোন কোন বস্তু, অর্থাৎ কোন

কোন আদর্শের জন্ত তাহার প্রাণ তুচ্ছ জ্ঞান করিতে প্রস্তুত, ইহার ডালিকা করিতে পারি, তাহা হইলে এক অতি সহজ উপায়ে জাতিসকলের সভ্যতার মাপ পাইতে পারি। ভিন্ন ভিন্ন জাতির আদর্শ ভিন্ন ভিন্ন প্রকারের, সেই জন্ত এক এক জাতির চক্ষে এক এক বস্তু মহৎ এবং শ্রেয়স্কর বলিয়া মনে হয়। এক জাতি যে বস্তুকে জীবন-বিনিময়ে রক্ষা করিতে প্রস্তুত হইবে, অল্প জাতি সে বস্তুকে অতি তুচ্ছ মনে করিতে পারে। আদর্শের এই ভিন্নতা আছে বলিয়াই এ সকল বিষয় বিচার করিতে আমাদেরই অত্যন্ত সাবধান হইতে হয়।

বাস্তবিক এই আদর্শের পার্থক্যই এখানে আমাদের অন্তরায়। যেমন নানা-দেশে নানা নাতি প্রচলিত থাকিলেও সকলেরই মূলে নীতির কতকগুলি মহাসত্য নিহিত আছে, তেমনই নানাদেশে নানা প্রকারের বিভিন্ন আদর্শ গৃহীত হইলেও সকলেরই ভিত্তিতে প্রকৃত আদর্শের কতকগুলি মহাসত্য অবশ্যই আছে। ইউরোপের বীরগণ এক প্রকার আদর্শ নিজেদের চালিত করিতেছেন এবং জাপানের বীরবংশ অল্প প্রকার ভাবে চালিত হইতেছেন, কিন্তু আদর্শ পৃথক বলিয়াই এক দেশ অল্প দেশকে মুখ এবং হাশ্বাস্পদ বলিতে পারেন না। এমন খুব অল্পসংখ্যক বস্তুই আছে যাহাকে ইউরোপ প্রাণাপেক্ষা প্রিয় মনে করেন, কিন্তু অল্পদিকে জাপানীগণের এমন বহু-সংখ্যক বস্তু আছে যাহার তুলনায় তাহার,

প্রাণকে তুচ্ছ জ্ঞান করেন প্রায় সকল জাতির মধ্যেই মানবের প্রাণীয় বস্তু মধ্যে প্রাণ সর্বপ্রথম স্থান অধিকার করিয়াছে, কিন্তু জাপানীগণ প্রাণাপেক্ষা অল্প বহু বস্তু অধিকতর প্রাণীয় মনে করেন। তাঁহাদের চক্ষে রাজভক্তির তুলনায় প্রাণ তুচ্ছ, প্রভুর আঙ্গাশালনে নিজের সর্পনাশ হওয়া অপেক্ষা প্রাণ তুচ্ছ, আত্মসম্মান রক্ষা করিতে হইলে প্রাণ তুচ্ছ। যতক্ষণ জীবনের কতকগুলি আদর্শ পালিত হইতে পারিবে ততক্ষণই প্রাণের মূল্য আছে। অথবা এ আদর্শগুলি অত্রের চক্ষে হাথা পদ হইতে পারে, কিন্তু আমরা পূর্বেই বলিয়াছি যে তাহাতে কিছু ক্ষতিবৃদ্ধি নাই।

এখন দেখা যাইতেছে যে জেনারল নোগীর ইচ্ছামৃত্যু বৃদ্ধিতে হইলে তাঁহার জাতীয় আদর্শের সহিত তাঁহাকে মিলাইয়া দেখিতে হইবে, এবং একই সময়ে তাঁহার ব্যক্তিগত আদর্শের কথাও আমাদের মনে রাখিতে হইবে। তিনি বাল্যকাল হইতে পুরাতন সময়ের সেনানীতির ভাবে শিক্ষিত হইয়াছিলেন, এবং সে শিক্ষার মূলমন্ত্র “প্রভুভক্তি”। সে শিক্ষায় কেবল জীবনধারণ করা কিছু মহৎ বলিয়া গণ্য ছিল না, বরং বংশগত নৈতিক এবং সামাজিক আদর্শের ব্যতিক্রম উপস্থিত হইলে জীবনকে তুচ্ছ জ্ঞান করিতেই তিনি শিক্ষা করিয়াছিলেন। কর্তব্যপালনের সময়ে কর্তব্যই মুখ্যলক্ষ্য এবং প্রাণধারণ গৌণলক্ষ্য। ইহার ফল এই যে কর্তব্যসাধনের পথে মৃত্যু উপস্থিত হইলে

পশ্চাৎপদ হইবার সম্ভাবনা ছিল না। এই জন্তই তিনি তাঁহার একমাত্র পুত্রকে বিনাবাক্যব্যয়ে পোর্ট আর্থারের যুদ্ধে পাঠাইয়াছিলেন এবং তাহার মৃত্যুসংবাদ শুনিয়াও অবিচলিত ছিলেন। কিন্তু ইহা হইতে যদি আমরা মনে করি যে, তাঁহার চিন্ত কঠোর ছিল তাহা হইলে আমরা মহাত্মমে পতিত হইব। কি শক্ কি মির সকলের মৃত্যুই তাঁহার হৃদয়কে বাধিত করিত এবং মৃত্যুশক্তি মাত্রকেই তিনি সম্মানার্থ মনে করিতেন। বাস্তবিক মৃতের প্রতি সম্মান তাঁহার পক্ষে একটা অতি গভীর ও মহৎ বিশ্বাস ছিল। এই জন্ত পোর্ট আর্থার যুদ্ধের অবসানে তিনি যুদ্ধস্থলে সৈন্য এবং কর্মচারীদিগকে সমবেশ করিয়া বুদ্ধে হত সমস্ত পরলোকবাসী আত্মার উদ্দেশ্য বোধকা নিশ্চিত করিয়া তাঁহাদের জাতীয় প্রধানসারে পারলৌকিক ক্রিয়া সম্পন্ন করেন এবং মৃতব্যক্তিদিগের আত্মার উদ্দেশ্য একটা গভীর প্রার্থনা পাঠ করেন।

অতএব আমরা দেখিতেছি যে নোগীর চরিত্রের বিশেষত্বের মধ্যে এই ছিল যে, প্রভুর জন্ত, তাঁহার প্রতি সম্মান প্রকাশের জন্ত বাহা প্রয়োজন তাহা করিতে হইবে, তাহা মৃত্যুই হউক বা জীবনধারণই হউক, এবং দ্বিতীয়তঃ মৃতের প্রতি যথেষ্ট সম্মান প্রদর্শন করিতে হইবে। এই দুইটি জিনিস বৃদ্ধিতে পারিলেই আমরা নোগীর ইচ্ছামৃত্যু বৃদ্ধিতে পারিব। গত ৩০শে জুলাই সম্রাট মংসুহিস্তোর মৃত্যু হয় এবং তাহার পঁয়তাল্লিশ দিন পরে তাঁহার কবর

হয়। যখন মৃতদেহ সমাধিস্থলে লইয়া যাওয়ার সংবাদ কামানধরনিতৈ চতুর্দিকে ঘোষিত হইল তখন সেই সময়েই জেনারল নোগী নিজ গলদেশে অস্ত্রচালনা করিলেন এবং তাঁহার সহধর্মিণীও তাঁহার সহগামিনী হইলেন। নোগীর এই কার্য তাঁহার দুর্দলতার চিহ্ন নহে, অসহশোকের দারুণ পীড়নের ফল নহে, কিম্বা উমাদের কার্য নহে। তিনি স্থিরভাবে একমাত্র পুত্রকে যুদ্ধে পাঠাইয়া দিয়া পরে অবিচলিত-চিত্তে তাহার মৃত্যু সংবাদ শুনিতে পারিয়াছিলেন তাঁহার এই কার্যকে শোকের দুর্দলতাজনিত কি করিয়া বলিব? এবং সম্রাটের মৃত্যুর পর এই মাসাধিককাল মধ্যে তাঁহাতে উন্নততার কোনও লক্ষণ দেখা যায় নাই। সুতরাং এ সকল তাঁহার মৃত্যুর কারণ নহে। যতক্ষণ সম্রাটের দেহ চক্ষের সম্মুখে ছিল ততক্ষণ মৃত-প্রভুর প্রতি যাহা যাহা কর্তব্য নোগী স্থিরভাবে সম্পন্ন করিয়াছিলেন, কিন্তু যখন দেহ সমাধিতে শায়িত করিবার জন্ত নীত হইল, যখন আর কোনও কর্তব্য সম্পাদন অসম্পূর্ণ রহিল না; তখন মৃতব্যক্তির প্রতি সম্মান প্রদানার্থ এবং প্রভুভক্তি প্রকাশ করিবার জন্ত এইরূপ কঠোরভাবে মৃত্যুকে আলিঙ্গন করা তিনি তাঁহার কর্তব্য মনে করিলেন, কারণ এই মূলমন্ত্রই তিনি বাল্যকাল হইতে শিক্ষা করিয়া আসিতেছিলেন। এ কার্যকে আমরা অন্তায় বলিতে পারি বটে কিন্তু যে ভাবে তিনি তাঁহার আদর্শ উপলব্ধি করিয়াছিলেন সেইভাবে যে তিনি

জীবনদান করিয়াছেন ইহার জন্ত তিনি সকলের স্মরণীয়।

অতএব আদর্শ ভিন্ন বলিয়া আমরা স্মৃতিত কাপুরুষের তালিকায় তাঁহার নাম রাখিতে পারি না। আদর্শ যদিও ভ্রমশূন্য নহে, তথাপি উচ্চ, ইহা স্বীকার করিতে হইবে। তাঁহার মৃত্যুতে তিনি সকলকে দেখাইলেন যে জীবনধারণ প্রাণীয় এবং বাঞ্ছনীয় হইলেও এমন বহু সামগ্রী আছে যাহার তুলনায় জীবনধারণ হের। নোগী তাঁহার শিক্ষানুসারে উচ্চ আদর্শানুযায়ী কর্তব্য সম্পাদন করিয়াছেন বলিয়া আমরা তাঁহার মৃত্যুকে আত্মহত্যা না বলিয়া ইচ্ছামৃত্যু বলিতে বাধ্য হইলাম।

### জ্ঞান ও ভক্তি, দোহার শুভসম্মিলন ।

[ জ্ঞান । ]

জ্ঞান বলে জগপতি অজ্ঞের অপার ভক্তি বলে প্রাণপতি হৃদয়ে আমার।

পতি দূরে নহে।

জ্ঞান বলে সুল স্কন্ধ কে বৃদ্ধিবে তাঁরে,  
ভক্তি বলে প্রাণ নাথ প্রাণের মাঝারে।

তাই যে বেঁচে আছি।

“জ্ঞান বলে কেবা তাঁরে দেখেছে শুনেছে?  
ভক্তি বলে ক্রীমুখেতে কথা লেগে আছে

বলচেন “আমি আছি”।

জ্ঞান বলে আদি দেবের আদি অস্ত নাই,  
ভক্তি বলে আদি অস্ত জানিতে না চাই।

কাছে পেলেই বাঁচি।



পুত্রের মনোরঞ্জন করিতে যত্নবতী হন, নিশ্চয় তাঁহারা সেই সকল সামগ্রী নিজে ভোজন করিয়া এবং পতি ও পুত্র কন্যা-দিগকে ভোজন করাইয়া আন্তর্ভূক্তি বোধ করিলেও পরিণামে রোগসমাগমের পন্থাই পরিষ্কার করিয়া দিয়া থাকেন। ভ্রূষের মহিলাগণ যদি মহাকবি কালিদাসের একটি কথার প্রতি বিশেষ মনোযোগ দেন তাহা হইলে প্রত্যেক পরিবারের অশেষ কল্যাণ সাধিত হইতে পারে। সে কথাটী এই :—

শরীর মাতৃংখলু ধর্ম সাধনং।

শরীর রক্ষা ধর্মসাধনের মূল। ফলতঃ নিজের এবং পতি ও পুত্রকন্যাগণের শরীরে কোন সূক্ষ্মরোগে আশ্রয় প্রবেশ করিতে পারে তৎপ্রতি বাহাদের মনোযোগ কম তাঁহারা কোন প্রকারে সুগৃহীণী বলিয়া পরিচিত হইতে পারেন না। বাহারা নিজের মনের সাধ পূর্ণ করার জন্ত বিবিধ মিষ্ট সামগ্রী গ্রহণ করিয়া অনটনের পরিবার মধ্যে দারিদ্র্যের ক্রান্তি ভঙ্গী দর্শনের আবরণ উন্মুক্ত করিয়া দেন, তাঁহাদিগকে আর কোন কথা বলিয়া প্রবোধ দেওয়া যায়তে পারে? তবে কোনও কোনও পার্ঠিকা হয়তঃ জিজ্ঞাসা করিতে পারেন, যে সকল কার্যে হস্ত ও মনের চালনা হইয়া থাকে তাহা কি নিদর্শনীয়? না তাহা কখনও নহে। শেলাইকর্ম, নিজের ও কন্যাদের বেশবিন্যাস, মিষ্ট সামগ্রী গ্রহণ কি আচারাদি গ্রহণ এ সকল কর্ম চিরদিনই মহিলাদের উপযোগী তাহাতে সন্দেহ নাই। তবে সকল বিষয়েরই একটা সীমা আছে। সেই

সীমা উল্লঙ্ঘন করা কাহারও পক্ষে কর্তব্য নহে। কোনও মহিলা যদি আহার ও বিক্রাম করিয়া অবশিষ্ট সময় কেবল শেলাই কার্যে হস্ত ও মনের পরিচালনা করেন, তদ্বারা তাহার হস্ত ভিন্ন শরীরের অন্যান্য অঙ্গপ্রত্যঙ্গের বলবৃদ্ধি হইবে না। যাহাদ্বারা সমুদয় অঙ্গপ্রত্যঙ্গের পরিচালনা হয় তদনুরূপ শ্রম করা প্রয়োজন। বাহারা সহরে নগরে বাস করেন তাঁহাদের দালানের ছাদের উপর পরিষ্কার বায়ুসেবন ও শরীর সঞ্চালনের জন্ত অন্ততঃ কতক ক্ষণ বিচরণ করা প্রয়োজন। যাহাদের ছাদে বিচরণের সুবিধা নাই, তাঁহাদের উচিত যে তাঁহারা প্রতিদিন নিয়মিত সময়ের জন্ত নিজ নিজ বারগায় পরিভ্রমণ করিয়া অঙ্গপ্রত্যঙ্গের সঞ্চালনকার্য সম্পাদন করেন। হস্ত সঞ্চালনে শুধু হস্তেরই বলবৃদ্ধি হইতে পারে কিন্তু পদব্রজে ভ্রমণে সমুদয় শরীর সঞ্চালিত হয় এবং তদ্বারা মর্দশরীরে বলবৃদ্ধি হইবার উপায় হইয়া থাকে। মহিলাগণ যদি নিজে নিজে চিন্তা করিয়া শরীর মনের স্ফূর্তিজনক কার্যে প্রতিদিন পরিশ্রম করেন এবং নিয়মিত সময়ে পরিষ্কার বায়ুতে বিচরণ করিয়া অবস্থানুসারে সর্বাঙ্গের পরিচালনা করেন তাহা হইলে তাঁহাদের কল্যাণ অনায়াসে সাধিত হইতে পারে। কোনও এক পরিবারের মহিলাদের অবস্থার সহিত অগ্র কোনও পরিবারের মহিলাদের অবস্থা এক হইতে পারে না, সুতরাং সকলের পরিশ্রমজনক স্বাস্থ্যকর কার্যের জন্ত কোনও একটা সাধারণ বিধি স্থির হইতে

পারে না। অথচ মহিলাদের প্রতিজন যদি শরীরের সর্বাঙ্গ পরিচালনার একান্ত প্রয়োজনীয়তা অনুভব করেন তাহা হইলে প্রতিজ্ঞেনই আপন আপন অবস্থার অনুযায়ী ও সম্যক উপযোগী কার্যেরও ব্যবস্থা করিয়া লইতে পারেন তাহাতে সন্দেহ নাই। এ সম্বন্ধে আমাদের আরও অনেক কথা বলিবার থাকিলেও প্রস্তাব সুদীর্ঘ হইবার ভয়ে অগ্র এখানেই শেষ করা গেল।

কল্পতরু।

হিন্দুশাস্ত্রে ষ্টী দেবতরুর উল্লেখ আছে তন্মধ্যে কল্পতরু একটা। এই বৃক্ষের নিকট প্রার্থনারূপ ফললাভ হইয়া থাকে। প্রতি বৎসর ১৯শে নবেম্বর আচার্য্য কেশবচন্দ্রের জন্মদিনে কলিকাতা কলেজকুটারে এবং কুচবিহার সাবিত্রীকুটারে কল্পতরু প্রদর্শিত হইয়া থাকে। এই কল্পিত বৃক্ষের শাখা প্রশাখায় বিবিধ প্রকারের খেলনাসহ মিষ্ট সামগ্রী সকল সংলগ্ন থাকে। কল্পতরু প্রদর্শিত হইলে শাখা হইতে ঐ সকল তুলিয়া আনিয়া শিশুদের মধ্যে বিতরণ করা হয়। শিশুগণ একাধারে বিবিধ খেলনা এবং মিষ্ট সামগ্রী প্রাপ্ত হইয়া মহানন্দে তাহা গ্রহণ করিয়া থাকে। এই কল্পতরু যে উদ্দেশ্যে প্রদর্শিত হয় তাহা বাহারা জানেন না, তাঁহাদিগের অবগতির জন্ত অগ্র হই একটি কথা বলা আবশ্যিক বিবেচনা হয়। কেশবচন্দ্রের জীবন বিধাতার কৃপায় কল্পতরুর মত

জগতের নিকট প্রকটিত হইয়াছে। তিনি ঈশ্বরের নিকট সরল প্রার্থনা সহকারে জীবন আরম্ভ করিয়াছিলেন। শিশুসময় যখন প্রথমে মাতৃস্তনের স্তন্যদ্বারাই পরিপুষ্ট হইয়া ক্রমে এই সংসারে একজন বড় এবং গণ্যমান্য লোক হইয়া উঠায়, তদ্রূপ কেশবচন্দ্র ঈশ্বর চরণে প্রতিদিন সরল সুমিষ্ট প্রার্থনার রস আশ্বাদন করিতে করিতে যথাসময়ে ধর্মজগতে এত বড় লোক হইয়া গিয়াছেন। তাঁহার পরিপক্ব ধর্মজীবন সত্য সত্যই একটি কল্পবৃক্ষসদৃশ হইয়াছিল। তাঁহাতে যোগ, ভক্তি, কর্ম, জ্ঞান, বিশ্বাস, বৈরাগ্য, বিনয় প্রভৃতি স্বর্গের যাবতীয় দেবগুণ আশ্রিত হওয়াতে সর্পিধর্ম সময়ের এমন একটি মিষ্ট দেবজীবন পৃথিবী দর্শন করিল যে তাহার তুলনা পৃথিবীতে নাই। তাঁহার ছিল না, এমন কিছুই নাই, অথচ তিনি আপনাকে কখনও কোনও বিষয়ে আমি একটা কিছু এমন জ্ঞান করেন নাই। তাঁহার জীবনে যাহা চাও তাহাই পাওয়া যায় সুতরাং উহা কল্পতরু।

সাময়িক প্রসঙ্গ।

সম্প্রতি রাজপ্রতিনিধি লর্ড হার্ডিঞ্জ লেডি হার্ডিঞ্জসহ পরিদর্শনে বাহির হইয়া ভূপালরাজ্যে গমন করিয়াছিলেন। এসময় ভূপালের বেগম স্বীয় রাজ্যমধ্যে নারীদিগের ডাক্তারি শিক্ষার জন্ত একটি মেডিকেল কলেজ স্থাপন করিবেন অভিপ্রায় প্রকাশ করিয়াছেন। ইহা শ্রবণে

সকলেই সুখী হইবেন সন্দেহ নাই। রমণী ছাত্রী দগকে অবশ্য সুশিক্ষিত এবং লক্ষ্যপ্রতিষ্ঠা রমণী ডাক্তার দ্বারা শিক্ষা দিবার বন্দোবস্ত হইবে। ইহাতে অনেক টাকা ব্যয় হইবে তাহাতে সন্দেহ নাই। কিন্তু ইহা কার্যে পরিণত হইলে এদেশের এবং বিশেষতঃ ভূপাল রাজ্যের বিশেষ কল্যাণ সংশোধিত হইবে। মহিলাদের চিকিৎসার জন্ত রমণী ডাক্তার পাওয়া হইল, আর পাটলেও ব্যয়বাহুল্য অনেক। কেবল রমণীগণের জন্তে একটি মেডিকেল কলেজ প্রতিষ্ঠিত হইলে রমণীদিগের ডাক্তারি শিক্ষার সম্বন্ধে আপত্তি বড় কাহারও থাকিবে না। একথা ভবিষ্যৎ বাণীরূপে বলা যাইতে পারে। আমরা আশা করি বেগম সাহেবা তাহার এই সদনুষ্ঠানের প্রস্তাবটী যতশীঘ্র পারেন কার্যে পরিণত করিয়া দেশের কল্যাণ সাধন করিবেন। পরমেশ্বর বেগম সাহেবার মঙ্গল করুন এবং তাহাকে দীর্ঘজীবন দিয়া একরূপ বিবিধ সদনুষ্ঠানের সাধন করাইয়া লউন ইহাই প্রার্থনা।

নির্জীব ভারতমহিলা সমিতি পুনরায় সজীবতা প্রাপ্ত হইয়াছে এবং ধীরে ধীরে কার্যক্ষেত্রে অবতরণ করিতে প্রবৃত্ত হইয়াছে এ সংবাদ কোন্ মহিলার না মনে আনন্দের সঞ্চার করিবে। “যে সমুদায় নরনারী সমস্ত দিন পরিশ্রম করিয়াও উদারানের সংস্থান করিতে পারে না, সেই নিরন্ন দুঃখীদিগের কল্যাণসাধন ও শিক্ষাদান এই সভার অগ্রতর উদ্দেশ্য। মহিলাগণ যাহাতে জ্ঞান, ভক্তি ও পবিত্রতা সহকারে

জীবনের কর্তব্য সুসম্পন্ন করিতে পারেন, তৎপক্ষে যথাসাধ্য সহায়তা করা এই সমিতির একটি উদ্দেশ্য।” ১৯১০ সালের ৪ঠা আগষ্ট সমিতির জন্মদিনে শ্রীমতী বিরাজমোহিনী রায় প্রবন্ধ পাঠ করেন। এই বৎসর শ্রীযুক্তা কুমুদিনী দাস বি, এ সভানেত্রী ও শ্রীযুক্তা কুমুমকুমারী মৈত্র সম্পাদিকা পদে নিযুক্ত হইলেন। ১৯১১ সালের ৪ঠা আগষ্ট শ্রীযুক্তা লীলাবতী মিত্র, শ্রীযুক্তা মনোরমা চট্টোপাধ্যায় এবং শ্রীযুক্তা বিরাজমোহিনী রায় প্রবন্ধ পাঠ করেন। ১৯১২ সালের ৪ঠা আগষ্ট তারিখে শ্রীযুক্তা কুমুমকুমারী মৈত্র, শ্রীযুক্তা বিরাজমোহিনী রায় এবং শ্রীযুক্তা সুখদা দেবী প্রবন্ধ পাঠ করেন। স প্রতি সমিতি মহিলাগণের শিক্ষাকার্য শিক্ষার জন্ত একটি সেলাইয়ের ক্লাশ খুলিয়াছেন। মেয়েদের সেবাকার্য (nursing) শিখিবার বন্দোবস্ত করিয়াছেন। আমরা সমিতির দীর্ঘজীবন ও কার্যকারিণী শক্তির বৃদ্ধি কামনা করি।

গত ২৯শে অগ্রহায়ণ শনিবার বালিগঞ্জ সারক্লার রোড নং ১৩ নং বাটীতে খ্রীষ্টীয় রমণীগণের মিশনারী ট্রেনিং কলেজের বার্ষিক অধিবেশন হইয়া গিয়াছে। সভাতে বালক বালিকাগণের হস্তরচিত বিবিধ দ্রব্যে নিপুণতা ও উৎকর্ষতার পরীক্ষা হইয়াছিল। যথাঃ— (১) মৃত্তিকা দ্বারা বিবিধ আকারের বস্তু নির্মাণ (২) অঙ্কন এবং (৩) বিভিন্ন প্রকারের চিত্র কার্য। ইহার সঙ্গে শিশু সন্তানদিগের জন্ত বিবিধ প্রকারের খেলারও বন্দোবস্ত ছিল এবং

এই খেলার আরম্ভে ও শেষে সঙ্গীতের ব্যবস্থা করা হইয়াছিল। এখানে শিক্ষার্থিনীগণকে নিত্য নৈমিত্তিক বিবিধ কার্যে পারদর্শিতা, প্রাথমিক সাহায্যে এবং ধাত্রী কার্যে প্রশংসাপত্র লাভের যোগ্যতা এবং স্বরলিপি শিক্ষা দিবার উপযোগিতা শিক্ষা দেওয়া হইয়া থাকে।

আমাদের মহিলাগণ যে “এবস্ত্রকার পবিত্র কার্যে কতদিনে প্রবৃত্ত হইয়া দেশের প্রকৃত মঙ্গল সাধনে যত্নবতী হইবেন, তাহা মঙ্গলময় বিধাতাই কেবল জানেন।

বেখুন কলেজের ছাত্রী শ্রীমতী ক্ষীরোদ মণি সেন প্রথম আর্ট পরীক্ষা দেওয়ার জন্ত গত মে মাস হইতে এক বৎসরের জন্ত ২০ বিশটাকার বৃত্তি পাইয়াছেন। তিনি ইতি পূর্বেও দুই বৎসর এরূপ বৃত্তি ভোগ করিয়াছেন। মাননীয় গবর্নমেন্ট নারীদিগের শিক্ষার জন্ত এদেশে অকাতরে অর্থ ব্যয় করিতেছেন। শিক্ষার্থিনীগণ ইহা স্বরণে রাখিয়া কৃতজ্ঞ অন্তরে ইহার সাফল্য প্রমাণিত করিতে পারিলেই প্রকৃত মঙ্গল।

### শিবপুরের ঘাটে দুর্ঘটনা।

বিগত ৪ঠা অগ্রহায়ণ শিবপুর কলেজের ঘাটে গঙ্গাতে এক অতি দুর্ভাগ্যবশত শোকজনক দুর্ঘটনা ঘটিয়াছে। ঐ দিবস সমুদয় স্কুল কলেজ এবং অফিস কাছারী বন্ধ থাকিতে ইয়ংমেনস্ খ্রীষ্টীয়ান এসোসিয়েশন সংস্থার সাহেব ও বাঙ্গালী নরনারী, যুবক যুবতী, স্কুল কলেজের ছাত্র,

শিক্ষক, শিক্ষয়িত্রী প্রভৃতি অনেকে আমোদ আফ্লাদ করিতে এবং সমস্ত দিনটা সুখে যাপন করিতে শিবপুর কোম্পানীর বাগানে গমন করেন। যাইবার সময় প্রাতঃকালে ষ্ট্রিমার ভাড়া করিয়া যাওয়া হয়। সায়াংকালে ফিরিবার সময় পার হইবার জাহাজ ভাটার জন্ত নদীগর্ভে দূরে থাকিতে একখানি ডিক্সি নৌকাতে চড়িয়া সকলে ক্রমে ক্রমে ঘাট হইতে জাহাজে উঠিতে ছিলেন। শেষবারে ডিক্সিতে অধিক লোক হওয়াতে এবং কোন কোন যাত্রী সবেগে আসিয়া নৌকারোহণ করাতে নৌকা ডুবিয়া গিয়া নৌকাহিত সাহেব বাঙ্গালী সকলেই জলমগ্ন হন। অল্প কয়েক জনের মাত্র জীবন রক্ষা হইয়াছে। অধিকাংশ আরোহীই সস্তরণ না জানাতে ও সেই সময় দৈবদুর্ভাগ্যকে জাহাজের চেউ লাগাতে এবং উপযুক্তরূপে সহায়তা না পাওয়াতে গঙ্গাতে প্রাণত্যাগ করেন। ঐ দিন আচার্য্য কেশব চন্দ্রের জন্মোৎসব করিয়া সকলে যখন ঘরে ফিরিলেন তখন এই রোমহর্ষণ ভীষণ সংবাদ প্রাপ্ত হইয়া অনেকেরই হর্ষে বিষাদ উপস্থিত হইল। মৃতগণের মধ্যে আমাদের আচার্য্য পরিবার সংস্পৃষ্ট দুইটি যুবক ছিলেন। একজন শ্রীমান অরবিন্দ স্বর্গীয় কৃষ্ণ বিহারী সেনের শ্যালক পুত্র, দ্বিতীয়টি শ্রীমান সনৎ কুমার, আচার্য্যের ভাগিনেয় আমাদের কুচবিহারস্থ বন্ধু শ্রীযুক্ত হেমেন্দ্র নাথ গুপ্তের জ্যেষ্ঠ পুত্র। সাধারণ ব্রাহ্মসমাজ সংস্থারও কোন কোন যুবক ছিলেন। অত্যাচার সাহেব ও বাঙ্গালী মধ্যে মিস ট্রেজ নামী একটা দ্বাবিংশবর্ষ

বয়স্ক মহিলা পিতার সঙ্গে ঐ ডিক্লিটে পার হইতে প্রাণ হারাইয়াছেন। মেডিকেল কলেজের কোন কোন ছাত্রকেও মৃত-দের মধ্যে পাওয়া গিয়াছে। এই দুর্ঘটনাতে অনেকেই মর্মান্বিত হইয়াছেন। স্বয়ং গবর্নর বাহাদুর লর্ড কারমাইকেল হুঃখ ও শোক সহানুভূতি প্রকাশ করিয়াছেন। এ উপলক্ষে বিগত ৮ই অগ্রহায়ণ অপরাহ্নে কলিকাতার হিন্দু, ব্রাহ্ম, হুঃষ্টানগণের কতিপয় নেতা সম্মিলিত হইয়া কলেজস্কয়ার গোলদিঘির পূর্বধারে এক বৃহত্তী সভা করিয়া ছিলেন। সভাতে শ্রীযুক্ত বাবু ললিত মোহন দাস এম এ, প্রার্থনা করেন এবং শ্রীযুক্ত ভাই প্রমথ লাল সেন, ডাক্তার প্রাণ কৃষ্ণ আচার্য্য, মেসার্স ডব্লু ই, ইলিয়ট, কে, জে, সাণ্ডার্স, মহামহো-পাধ্যায় সতীশ চন্দ্র বিদ্যাতৃষণ এম্ এ এবং ভাই ব্রজগোপাল নিয়োগী সহানুভূতি প্রকাশ করিয়া উপদেশপূর্ণ বক্তৃতা করেন। সভারন্তে সমরোপযোগী একটি নূতন শোক সঙ্গীত হইয়াছিল। সঙ্গীতগী ভাই মহিম চন্দ্র সেন রচনা করিয়া দিয়াছিলেন। উহা আমরা এখানে প্রকাশ করিলাম।

সুরাট মল্লার—একতাল।

হায় ! কি গুণিলাম শ্রবণে।

হৃদয় বিদরে, চোখে অশ্রু ঝরে, কথা না সরে বদনে।

সাহেব বাঙ্গালী যুবক যুবতী, গেল শিব-পুরে খেতে চড়াই ভাতী ; আসিবার কালে মরে গঙ্গার জলে শিহরে পরাণ গুনে।

ঝড় বৃষ্টি বাণ না ছিল তুফান, খেয়া

পার হতে সবে দিল প্রাণ ; মানুষের ভারে, ডিঙ্গি মগ্ন করে, চেউলাগে সেইক্ষণে ; ( জাহাজের ) পিতা কণ্ঠা দৌছে একত্র ডুবিল, বাঁচাতে কণ্ঠারে পিতা চেষ্টাপেল, ছেড়ে দিয়ে শেষে আপনি বাঁচিল ; শোকে দহিছে পরাণে। ( পিতা )।

পুত্র শোকে কাঁদে পিতা মাতা গণ, কত ভদ্র ঘরে উঠিছে ক্রন্দন ; হাহাকার ধ্বনি, স্থানে স্থানে গুনি, জল আসে ছুন-য়নে ; লাট বাহাদুর গুনি এঘটনা, কোমল হৃদয়ে পাইলা বেদনা ; হৃদয়ের ব্যথা প্রকাশি ভারত, দিলা সান্ত্বনা বচনে।

শোকে হুঃখে তাহে কাতর হইয়া, দাঁড়াইলু আজ প্রান্তরে আসিয়া, মানব জীবন, চঞ্চল এমন, আশ্রু নাই ক্ষণে ক্ষণে ; বিভূ পদে করি সরল প্রার্থনা, শোকার্ভ হৃদয়ে দিউন সান্ত্বনা, যারা গঙ্গাজলে মরিল-অকালে, দিন স্থান স্মিচরণে ! ( তাঁদের )

সভাভঙ্গের পূর্বে পুনরায় “তোমার ইচ্ছা হউক পূর্ণ করণাময় স্বামী” এই সঙ্গীত হয়। প্রিয়দর্শন শ্রীমান হরিদাস তালুকদার স্বীয় ললিত কণ্ঠে সঙ্গীত দুটি করিয়াছিলেন।

আমরা এই দুর্ঘটনা সংসৃষ্ট শোকার্ভ পরিবারের সহিত সর্কান্তকরণে সহানু-ভূতি করি। শান্তিদাতা শোকসন্তপ্ত হৃদয়ে সান্ত্বনাবিধান করুন এবং মৃতগণের অম-রাত্রা সকলকে শান্তি ও আরামের রাজ্যে স্থান দান করুন ইহাই প্রার্থনা। তাঁহার মঙ্গল ইচ্ছা পূর্ণ হউক। [ ধর্মতত্ত্ব ]।



## মাসিক পত্রিকা।

“যস্ম নার্মস্তু পূজ্যন্তে বমন্তে তন্ন দৈবতাঃ।”

১০শ ভাগ ] পৌষ, ১৩১৯। জ্যৈষ্ঠয়ারী, ১৯১৩। [ ৫ম সংখ্যা।

### প্রার্থনা।

হে মঙ্গলময় পরমেশ্বর, তুমি কৃপা করিয়া তোমার বঙ্গবাসিনী কণ্ঠাগণের উন্ন-তির পথ খুলিয়া দেও। তুমি তাঁহাদিগকে মঙ্গলপথের যাত্রী করিয়া সংসারে এক এক জনকে এক একটি অবস্থা দিয়াছ, কিন্তু তাঁহারা কার্যাত সেই অবস্থার দাসী হইয়া হুঃখে দিনযাপন করিতেছেন। তাঁহারা আপনাদিগকে নিজ নিজ অবস্থার দাসী মনে করিয়া দিনরাত্র তাহারই মেঘায় জীবন ব্যয় করিতেছেন। তোমার তাঁহারা অবস্থার সেবা প্রাপ্ত হইয়া সুখে তোমার রাজ্যে বাইবেন, না, অবস্থার ভাড়াগ্রহ হুঃখ বিপদ নিরাশার অন্ধকারে পড়িয়া ক্রন্দন করিতেছেন। তোমার বিশেষ দয়া না হইলে তাঁহাদের এই ভয়ানক ভ্রান্তি দূর হইবে না। তাঁহারা স্বচ্ছ-লতা বা দারিদ্র্যের জন্ত সৃষ্ট হন নাই, কিন্তু ধন ও দারিদ্র্য তাঁহাদের সেবার জন্ত আনিয়াছে। কোন অবস্থা তাঁহাদিগকে

শাসন করিবে না, কিন্তু তাঁহারা সকল অবস্থাকে আপন আপন জীবনের উচ্চ লক্ষ্য সাধনের জন্ত ব্যবহার করিবেন— এই যে তোমার মঙ্গল অভিপ্রায় ইহা তুমি কৃপা করিয়া তোমার সকল কণ্ঠাকে বুঝাইয়া দেও। তাঁহারা তোমার মঙ্গল অভিপ্রায় জানিয়া সকল অবস্থার সাহায্যে ঘাহাতে তোমার চরণের দিকে অগ্রসর হইতে পারেন, তুমি কৃপা করিয়া এই আশীর্বাদ কর।

### অবরোধ প্রার্থা।

মনুষ্যের জ্ঞান শক্তি প্রভৃতির স্বত উন্নতি হইয়াছে তাহা মনুষ্যের সহিত ও প্রকৃতির জড়জীব সকলের সহিত পরিচয়ে লাভ হইয়াছে। আমরা স্বভাবত ইচ্ছা করি যে, এজগতে ঘাহা কিছু জানিবার ও লাভ করিবার বস্তু, সে সমস্ত আমাদের আয়ত্ত হইবে। এই নিয়মের অগ্রসরণ করিয়া সুসভ্য দেশ সকলের বণিকগণ

পৃথিবীর সকল দেশে বাণিজ্য করিতে যাইতেছে, যদি কোন দেশ বা নগরে প্রবেশের পথ রুদ্ধ থাকে অমনই তাহারা মহা আন্দোলন উপস্থিত করে। যদি বিদ্যার্থীকে বলা হয় যে, অমুক অমুক শাস্ত্র তাহার পক্ষে নিষিদ্ধ, সে অমনই প্রতিবাদ উপস্থিত করিবে যে, তাহার জ্ঞানের দ্বার অবরুদ্ধ করিলে তাহার প্রতি ভয়ানক অবিচার করা হইবে। বর্তমান সময়ের সভ্যতার বিশেষত্বই সকল প্রকার অবরোধের অবসান। আজ পর্যন্ত যে সকল বিষয় বা স্থান অবরুদ্ধ করিয়া রাখা হইয়াছে, নিশ্চয়ই তাহা অচিরে অবরোধ-বিমুক্ত হইবে। সভ্যতা পৃথিবী-ব্যাপী হইলে পৃথিবীর সকল স্থান ও সকল জ্ঞান প্রত্যেকের পক্ষে মুক্তভাবে জানিবার ও প্রয়োজন অনুসারে গ্রহণ করিবার বিষয় হইবে।

আমরা বিধাতার রূপায় এই সভ্যতার স্রোতের অগ্ণা এই নব জাগরণের সুরণ কিছু কিছু অনুভব করিতেছি। প্রায় এক শতাব্দী হইল আমরা দেশে বিবিধ বিষয়ে সংস্কার আরম্ভ হইয়াছে। উপযুক্ত শিক্ষার অভাবে দেশের লোকের মন অবরুদ্ধ ছিল, ক্রমে ক্রমে সে অবরোধ দূর হইতেছে; সমুদ্রের অপরপারে যাহা কিছু আছে, সে সমস্ত আমাদের নিকট অবরুদ্ধ ছিল, সে অবরোধ দূর হইতেছে। স্বস্ত গ্রাম বা নগরের বাহিরে যাওয়া দুঃস্বপ্ন ব্যাপার ছিল, এখন গতায়াত সুগম হইয়াছে ও আরও সুগম হইতেছে। জাতি-বিভাগ ভিন্নতার প্রধান কারণ, তাহাও

শিথিল হইয়া মিলামিলা সহজসাধা করিয়া দিতেছে। যে সকল শাস্ত্র ও জ্ঞান বিশেষ বিশেষ জাতির নিকট আবদ্ধ ছিল, তাহা এখন সাধারণের সম্পত্তি হইতেছে। অতি প্রাচীনকাল হইতে এদেশে যত প্রকারের আবদ্ধভাব সঞ্চিত হইয়াছিল এবং যেগুলি অথগু বিধি বা সনাতন রীতি বলিয়া স্বাভাৱ প্রাপ্ত হইতেছিল, সে সমস্তও এই নূতন তরঙ্গের আঘাতে চূর্ণ হইয়া যাইতেছে। ফলে এদেশ কোথায় যাইতেছে, তাহা আমরা কেহ জানি না; আমাদের আহাৰ পরিচ্ছদ, তৈজসপত্র, যান, বাহন, ধন ভাঙ্গা, বিদ্যা প্রভৃতি কি আকার ধারণ করিবে, তাহা কেহ বলিতে পারে না। এখন পুরাতন ধরিয়া রাখা বিড়ম্বনা মাত্র। তাহার মধ্যে যদি কেহ অল্প কোন মানুষকে অবরুদ্ধ করিয়া রাখিতে ইচ্ছা করেন, তাহা একান্ত বিফল হইবে। যাহারা স্বদেশের মঙ্গলের জন্ত অল্প দেশের সহিত মুক্ত বাণিজ্য করিতে দিতে চাহেন না, তাহাদিগের চেষ্ঠা যেমন বিফল হইবে, তেমনই যাহারা আপনাদের কাল্পনিক গৌরব রক্ষার জন্ত উচ্চ সামাজিক নিয়মকে স্থান দিতে অনিচ্ছুক, তাহাদের দৃষ্টিও সেইরূপ হইবে।

যে সংস্কারের জন্ত সকল দেশ বাস্ত, আমরাও যে সংস্কারকার্যে প্রবৃত্ত, তাহা প্রকৃতপক্ষে এক প্রকার গতি, উর্দ্ধদিকে গমন—যেন কোন পর্বতে আরোহণ করা। জার্মানী, ফ্রান্স, আমেরিকার যুক্তরাজ্য, বৃটিশ রাজ্য সকলেই যেন অত্যন্ত পরিশ্রম করিয়া উন্নতির পর্বতে আরোহণ করি-

তেছে। আমরা যে উন্নতি লাভ করিতে ইচ্ছা করি, ইহাও সেই পর্বতারোহণের জায় শ্রমসাধ্য। কিন্তু গতি বা কার্য করিতে হইলে কেবল চিন্তা, ভাব বা কল্পনাদ্বারা তাহা সাধিত হয় না। কার্য করিতে হইলে দুই খানি হস্ত চাই, চলিতে হইলে দুই খানি পদ চাই; এক হাতে কার্য করা বা এক পদে চলা কোনরূপে প্রাণরক্ষার যোগ্য হইতে পারে, কিন্তু উন্নতির শ্রমসাধ্য কার্যের পক্ষে সম্পূর্ণ অযোগ্য। দেশের একজন বা দুজন লোক ধনী হইলে বা কৃষী হইলে যেমন দেশের দুঃখ যায় না, তেমনই দেশের এক শ্রেণী বা এক জাতি উন্নতি লাভ করিলে সমস্ত দেশের উন্নতি হইল, বলা যায় না। অন্ততঃ অধিকাংশ লোক উন্নতির দিকে অগ্রসর হইলে তখন বলা যাইতে পারে যে, দেশ উন্নতির পথে যাইতেছে। ভারতবর্ষের উন্নতি সাধন করিবার পক্ষে দুই চারি জন উন্নত লোকের চেষ্ঠা কখনও বিশেষ ফলপদ হইবে না। সমস্ত প্রদেশের যথেষ্ট সংখ্যক ব্যক্তি জাগরণ লাভ করিয়া দেশের সংস্কার ও প্রকৃত মঙ্গল সাধনের কার্যে প্রবৃত্ত হইলে তখন বলা যাইবে যে, উন্নতির দ্বার খুলিয়া গিয়াছে।

জনসমাজ অর্থ নরনারীর সমষ্টি। কতকগুলি পুরুষ বা কতকগুলি স্ত্রীলোক লইয়া সমাজ হয় না। এক একটি দম্পতি সমাজের এক এক অঙ্গ। যদি সমাজকে উন্নতির দিকে লইয়া যাইতে হয়, দুজনে একজন হইয়া কার্য করিতে হইবে।

আমরা কত দেখিয়াছি, স্বামীর উচ্চভাব, উচ্চজ্ঞান দেশের বা সমাজের মঙ্গল সাধনের জন্ত কৃতসঙ্কল্প হইল, কিন্তু স্ত্রী সে জ্ঞান, সে ভাব প্রাপ্ত হন নাই, তিনি উহার বিরোধী হইলেন—স্বামীর দ্বারা কোন কার্যই হইতে পারিল না। কত স্থানে দেখিতে পাওয়া গিয়াছে, স্ত্রী উচ্চ ধর্মভাবে জীবনযাপন করিতে ইচ্ছুক, কিন্তু স্বামী বিষয়কর্মে একান্ত অতিভূত, স্ত্রীর মনের ভাব মনেই লম্বপ্রাপ্ত হইল। যতদিন সমাজের দুই হস্ত বা দুই পদ অর্থাৎ পুরুষ ও নারী সমান উন্নত আদর্শ সম্মুখে রাখিয়া মুক্তভাবে অগ্রসর হইতে না পারিবে, ততদিন কখনও প্রকৃত উন্নতি আরম্ভ হইবে না। দুখানি পদের এক খানি যদি বেড়ীদ্বারা আবদ্ধ থাকিল, তাহা হইলে কার্যাত গমনাগমন বন্ধ হইল; যদি দুখানি হস্তের একখানি অবশ হইয়া থাকে, তাহা হইলে সে লোকদ্বারা অতি অল্প কার্যই হইতে পারে। স্বামী স্ত্রীর মধ্যে একজন যদি অন্ধ বা খঞ্জ হন, তাহা হইলে যেমন তাহাদিগের দ্বারা সাধারণের মঙ্গল কার্যে দূরে থাকুক, আপনাদিগের সংসারের সকল কার্যে নিরীহ করাই কঠিন হয়, তেমনই যদি সুশিক্ষাতে, অভিজ্ঞতাতে, সংসাহসে একজন অত্যন্ত হীন হন, তাহা হইলে তাহাদের দ্বারা বিশেষ কিছু হইতে পারে না। এজন্য আমরা আপনাদিগকে স্বীকার করিতে হইবে যে, আমরা যে দেশের ও সমাজের সংস্কার বা উন্নতিসাধনকার্যে ব্রতী হইয়াছি, ইহা সম্পন্ন করিতে আমাদের সর্বপ্রথমে



আপন আপন গৃহকে উপযুক্তরূপে উন্নত করিতে হইবে।

আমাদের দেশের অবরোধ প্রথাই অত্যন্ত বিশেষভাবে আলোচনার বিষয়। ইহা পূর্বকালে ছিল না, মধ্যযুগে সম্ভবতঃ বিশেষ প্রয়োজন অনুসারে আমাদের মধ্যবিত্ত ও উচ্চশ্রেণীর নারীগণকে অবরুদ্ধ করিয়া রাখিবার প্রথা প্রচলিত হইয়াছে। আমরা সে বিষয়ে ঐতিহাসিক আলোচনা করিব না। আমরা এখন বলিতে উচ্চা করি যে, আজও কেন অবরোধপ্রথা এদেশে প্রচলিত রহিয়াছে? বিশেষতঃ বাহার নব জাগরণের অল্পমাত্র স্পর্শও অনুভব করিয়াছেন, বাহার দেশকে উন্নততর অবস্থায় লইয়া যাইতে অল্পমাত্রও যত্নশীল হইয়াছেন, তাহার আজিও কেন নারীগণকে অবরোধ মুক্ত করিতে যত্নশীল হইতেছেন না? যখন দেখিতে পাইবে, অবরোধপ্রথার মহাপাপে এদেশের মহিলাগণ বিদ্যাশিক্ষা করিয়াও অজ্ঞ থাকিতেছেন, তীক্ষ্ণবুদ্ধি সত্ত্বেও নির্দোষের ছায় জীবনযাপন করিতেছেন, চক্ষু থাকি সত্ত্বেও অন্ধের ছায় অন্ধকারে বাস করিতেছেন, তখন মনে হয় বর্তমান সময়ে আমাদের জাতির যত কলঙ্ক জগৎ দেখিতেছে, তাহার মধ্যে নারীগণের অবরোধপ্রথা সর্বাপেক্ষা লজ্জাকর। বাহার আপনার ভগিনী, স্ত্রী, কন্যা প্রভৃতির জ্ঞানের শ্রেষ্ঠ দ্বার চক্ষুকে অবরুদ্ধ করিয়া রাখিলেন, তাহাদিগের পক্ষে দেশের বা সমাজের নীতি, জ্ঞান, ধর্ম প্রভৃতির উন্নতির চেষ্টা করা একান্ত

অসম্ভব। ইহা স্বীকার করিতে হইবে। আমরা পূর্বে দেখাইয়াছি যে, মানুষের সকল প্রকার উন্নতি মনুষ্য ও জড়জীবপূর্ণ প্রকৃতির সহিত পরিচয়ে লাভ হইয়া থাকে। গৃহে বসিয়া চিন্তা করিলে বা সারগর্ভ পুস্তক পাঠ করিলে সে উন্নতি হইবার কোন সম্ভাবনা নাই।

কেহ কেহ বলিবেন যে ইচ্ছাৎ অবরোধ-প্রথা তুলিয়া দিলে অনেক দুর্ঘটনা ঘটতে পারে, তাহাতে সতাই বিপদের সম্ভাবনা। উত্তরে এই বলা যাইতে পারে যে, তাহার হঠাৎ কাহাকে বলেন? যদি বলা যায় যে, যখন ভারত স্বাধীনতা হারাইয়াছিল, তখন কোনরূপে ভয়ে ভয়ে আপনার ধন, মান, প্রাণ গোপনে রক্ষা করিতে চেষ্টা করিয়াছিল, তাহা হঠাৎ ক্রমে ক্রমে এই অবরোধপ্রথা আসিয়াছে; কারণ ভারত বহু শতাব্দী এই ভাবেই জীবনরক্ষা করিয়াছে। কিন্তু আমরা কি দেখিতেছি না, আমাদের দেশের সে দুর্দিনের অবসান হইয়াছে; আজ দেড়শত বৎসর ইংরাজ শাসনের অধীনে থাকিয়া আমরা সেরূপ ভয়ের হাত হইতে রক্ষা পাইয়াছি, কেবল তাহাই নয়, কিন্তু আমাদের রাজস্বাধিকার ও অস্বাভাবিক নারীগণ স্বাধীনভাবে সমাজের মহল কার্য করিবার অধিকার পাইয়া কত উচ্চ হইয়াছেন এবং কত মাগু পাইতেছেন তাহাও আমরা বহুকাল হইতে দেখিয়া আসিতেছি। এখন যদি আমরা সকলে একবাক্য হইয়া স্বীকার ও বিশ্বাস করি যে, অবরোধ প্রথা সর্বথা পরিভ্রান্ত এবং যদি স্বীকার করি যে,

দেশে শান্তি ও সুশাসন দৃঢ় প্রতিষ্ঠিত আছে, এখন অবরোধপ্রথা তুলিয়া দিবার ঠিক সময় হইয়াছে, তাহা হইলেই উন্নতির একটা বিশেষ পথ খুলিয়া যায়। অবরোধ হইতে মুক্তিদানকার্য আরম্ভ হইলে কোন কোন বিষয়ে নারী ও পুরুষের অধিক সাবধান ও সুবাস্তিত হইতে হইবে। প্রকৃতপক্ষে যে পথে অগ্রসর হইতে যাও তাহাতেই বিপদ আছে, এই বিপদের সহিত সংগ্রাম করাই মনুষ্য জীবনের নিয়তি ও মহত্ত্ব। গৃহে আবদ্ধ করিয়া রাখা নিরাপদ নহে, ইহা আমরা বিলক্ষণ জানি; তাহা হইলে নারীকে শিক্ষা ও স্বাধীনতা দান করিয়া যদি উন্নতির পথ উন্মুক্ত করিয়া দিলে বিপদের কিছু সম্ভাবনা থাকে, তাহা সত্ত্বেও সেই পথ খুলিয়া দিতে হইবে। উন্নতির সাধারণ নিয়মে সে বিপদের প্রতীকারও অবশ্য হইবে।

নারীগণ স্বাধীন মনুষ্য, তাহার মুক্তভাবে বিচরণ করিতে অধিকারী। তাহাদিগের পক্ষে গৃহের প্রাচীরের অভ্যন্তরে অবরুদ্ধ থাকা অত্যন্ত অস্বাভাবিক ইহা যতই কেন বলা হউক না, অনেক মহিলা আছেন, বাহার বলিবেন যে, আমরা এই অবস্থাতেই ভাল আছি, আমরা স্বাধীনতা চাই না; যার তার সঙ্গে আলাপ করিব, যা তা দৃশ্য দেখিব, যেখানে সেখানে যাইব, এরূপ স্বাধীনতায় আমাদের প্রয়োজন নাই। যেমন পক্ষী দীর্ঘকাল পিঞ্জরাবদ্ধ থাকিলে আর মুক্ত আকাশে উড়িতে পারে না, পিঞ্জরের দ্বার খুলিয়া দিলেও পুনরায়

পিঞ্জরে আবদ্ধ হইতে আসে, আমাদের দেশের অনেক মহিলায় সেইরূপ ভাব হইয়াছে সন্দেহ নাই। মহিলাগণ অবরুদ্ধ থাকিতে তাহাদের জ্ঞানবিকাশের কত বাধা হইতেছে, তাহাদের হৃদয় কত সংকীর্ণ রহিয়াছে ইহা হয়ত এখন অনেককে বুঝাইতে হইবে। নারীগণকে সুশিক্ষা না দিয়া এবং গৃহে অবরুদ্ধ রাখিয়া যে তাহাদের প্রতি ঘোর অবিচার করা হইয়াছে এবং যেন কার্যত তাহাদিগকে পুরুষ অপেক্ষা নিম্নতর জীব করিয়া রাখা হইয়াছে, একথা বহুনারী অতি সহজেই বুঝিতে পারিবেন। নারী সমাজে ও পরিবারে আপনার প্রাপ্য স্থান গ্রহণ করিলে যে তাহাদের প্রভূত উন্নতি হইবে এবং সমাজের ও দেশের মহা মঙ্গল হইবে এবিষয়ে আর কোন সন্দেহ নাই।

এ দেশের নবজাগরণের প্রথম সুরণে ব্রাহ্মসমাজের জন্ম হয় এবং ব্রাহ্মসমাজ বহুবিধ সংস্কারকার্যে প্রবৃত্ত হন, নারীর অবরোধপ্রথা দূর করা তাহার একটি প্রধান সংস্কার কার্য। ব্রাহ্মসমাজ নারীকে অবরোধমুক্ত করিতে অনেক যত্ন করিয়াছেন এবং এখনও করিতেছেন, অনেক ব্রাহ্মিকা অবরোধ ত্যাগ করিয়া বিস্তৃত আকাশের তলার আপনাকে স্থাপন করিতে সক্ষম হইয়াছেন। ইহা আমাদের আনন্দের বিষয়, কিন্তু এখনও অনেক পরিবারে নারীর অবরোধ দূর হয় নাই। এখনও অনেকে মনে করিতেছেন যে নবধর্ম জাতীর ভাব রক্ষা করিতে যে আদেশ করেন অর্থাৎ

বিজাতীয় ভাবের অযথা অনুকরণ করিয়া বিকৃত ও উপহাস্যাম্পদ অস্বাভাবিক অবস্থা যাহাতে না আসে তাহার জন্ত যে উপদেশ দেন, তাহার অর্থ এই যে অবরোধপ্রথা বা জাতিভেদ প্রভৃতি অতি চরমীয় ব্যবস্থান গুলিকে রক্ষা করিতে বলেন! বর্তমান সময়েও একরূপ ভ্রম হওয়া অত্যন্ত চরমের বিষয়। যাহা মানব চরিত্র গঠনের পক্ষে অপকারী যাহা সমাজের অনিষ্টকর প্রথা তাহাই কি জাতীয় ভাব বলিয়া আদৃত হইবে? চীন দেশের লোকেরা আফিম খাইয়া অপদার্থ হইয়া যাইতেছিল, এখন চীন-বাসীগণ যে মহা উত্তম করিয়া দেশ তহিতে আফিমকে তাড়াইয়া দিতেছেন তাহার কি ইহা দ্বারা বিজাতীয় ভাব গ্রহণ করিতেছেন? তাহা কখনই নহে। কোন দোষ বা কুসংস্কার রক্ষা করা জাতীয় ভাবে সম্মান করা হইতে পারে না। যাহারা নূতনধর্ম গ্রহণ করিয়াছেন নূতন নূতন উন্নতি লাভ করিতে বাস্তু, তাহার প্রথমে আপনাদিগের মাতা ভগিনী স্ত্রী কণ্ঠা প্রভৃতিকে অবরোধ মুক্ত করিয়া সকল উন্নতি দ্বারা মুক্ত করিয়া দিবেন ইহাই অত্যন্ত স্বাভাবিক।

বর্তমান সময়ে বিবিধ বিষয়ে সংস্কার আরম্ভ হইয়াছে। যেখানে দেশহিতকর চিন্তাশীল নরনারী সভা সমিতিতে মিলিত হইতেছেন সেই স্থানেই দেশের কুসংস্কার ও কুপ্রথা দূর করিবার প্রস্তাব ও চেষ্টা উপস্থিত হইয়াছে। সেদিন বাঁকিপুরে যে সামাজিক বৃহৎ সভা হইয়া গিয়াছে তাহাতে অল্প সকল বিষয় সংস্কারের

প্রস্তাবের সহিত অবরোধ প্রথা দূর করিবার প্রস্তাব হইয়াছে।

### জন্মোৎসব।

প্রত্যেক মানবসন্তানের পক্ষেই আপন আপন জন্মোৎসব করা একান্ত প্রয়োজন। মনুষ্যসন্তান এই সংসারে যত প্রকার সুখ সৌভাগ্যের অধিকার প্রাপ্ত হইয়াছে, তাহার নিজের জীবনই তাহার মূল্যবৃত্ত কারণ। সুতরাং পৃথিবীর এবং স্বর্গের যাবতীয় দানের মধ্যে তাহার নিজের জীবনই সর্বাপেক্ষা শ্রেষ্ঠ দান। যে ব্যক্তি এই শ্রেষ্ঠ দানের জন্ত জীবনদাতা ঈশ্বরের নিকট হৃদয়ের কৃতজ্ঞতা প্রকাশ করে না সে তাহার ভোগের জন্ত যে ভুলোকে ও ছ্যলোকে অসংখ্য অসংখ্য দান প্রদত্ত হইয়াছে, তাহারও প্রকৃত মূল্য বুদ্ধিতে পারে না এবং তাহা ভোগ করিয়াও প্রকৃত সুখী হইতে পারে না। এজন্য প্রত্যেক গৃহস্থের ঘরে পিতা মাতার সর্বাপেক্ষা প্রধান কর্তব্য এই যে, তাহার আপনাপন সন্তানদিগকে জীবনের মূল্য সর্বাপেক্ষে বুঝাইয়া দেন। এই জীবনের মূল্য বুঝাইয়া দিবার জন্ত সন্তানদিগের এবং পিতৃমাতৃগণের আপন আপন জন্মোৎসব করাও প্রয়োজন। অবশ্য এই উপলক্ষে নূতন কিছু ভাল খাবার প্রস্তুত করিয়া দেওয়া, পরিধেয় নূতন বস্ত্র দেওয়া অথবা অল্প প্রকারের বিশেষ বিশেষ উপহার অর্পণ করা, আর শিশুদিগকে সুন্দর খুঁতল কি অথবা কোনও রূপ খেলনা

দেওয়া, ছবির পুস্তক দেওয়া এবং উপদেশজনক সহজপাঠ্য পুস্তকাদি ও রামায়ণ মহাভারতাদি উপদেশ মহাকাব্য গ্রন্থ দান করা সুখের বিষয় সন্দেহ নাই। কিন্তু তাহার সঙ্গে সঙ্গে জীবনের প্রকৃত মূল্যও যাহাতে প্রতিজন বুদ্ধিতে পারেন এবং সন্তানগণও একটু একটু বুদ্ধিতে পারে তাহারও ব্যবস্থা করা প্রয়োজন। জন্মের পূর্বে সন্তান যে ছিল না, ভগবানের আশ্চর্য্য কৌশলে দিন দিন জগতের সঙ্গে তাহার সঙ্গ বৃদ্ধি হইতেছে ও সে যে পার্থিব জীবনে একটা ব্যক্তি হইয়া দাঁড়াইতেছে এ সকল বিষয়ে যাহাতে তাহার অন্ততঃ মোটামুটি কটা জ্ঞান জন্মে পিতা মাতার পক্ষে তাহা করা কর্তব্য। আর এই মনুষ্যজীবনে জীবনদাতার কি মহত্বদেষ্ণু সংস্কৃত হইতে দিবার আছে তাহাও কিছু কিছু করিয়া এই উপলক্ষে বুঝাইয়া দিতে চেষ্টা করা বিধেয়।

সন্তানদিগকে জীবনের মহত্বদেষ্ণু বুঝাইতে গিয়া যে পিতামাতার জীবনের আপনাপন লক্ষ্যের প্রতিও দৃষ্টি পড়িয়া যায় তাহা বলা বাহুল্য। সুতরাং জন্মোৎসব শুধু আমোদ আহ্লাদ ও ভাল খাওয়া ও বস্ত্রাদি লাভের উৎসব নহে, উহার সঙ্গে যে জগৎপিতা ঈশ্বরের প্রতি কৃতজ্ঞতা এবং জীবনের কর্তব্যের সঙ্গে ঈশ্বরের ইচ্ছা জীবনে পালন করিবার সঙ্গে যোগ আছে তাহাও প্রত্যেক পিতা মাতারই সন্তানদিগকে বুঝাইয়া দেওয়া নিতান্ত আবশ্যিক। শিশুগণ পিতামাতার নিকট যাহা কিছু ভাল জিনিষ প্রাপ্ত হয়

তাহাই অতিশয় আদরের সহিত ও আনন্দের সহিত গ্রহণ করিয়া থাকে। জনক-জননী সন্তানের জন্মদিনে তাহাকে জীবনের মহত্ব, দায়িত্ব এবং কর্তব্য সপক্ষে যে উপদেশ ও শিক্ষা দিবেন তাহা যে পিতা আনন্দের সহিত গ্রহণ করিবে এবং তাহা যে চিরদিনের জন্ত তাহার চিত্তফলকে মুদ্রিত হইয়া থাকিবে তাহাতে কোনও সন্দেহ হইতে পারে না। একেত পিতা মাতার নিকট শিক্ষাই সন্তানের সর্বাপেক্ষা প্রধান শিক্ষা এবং সেই শিক্ষার ফল যাব-জীবন সে ভোগ করিয়া থাকে। তাহার উপর জন্মদিনে জন্মোৎসবের সময় তাহার মন যখন প্রফুল্ল থাকে, হৃদয় প্রমুগ্ধ থাকে এবং চিত্ত আনন্দে উদ্ভাসিত হইতে থাকে সেই শুভ লগ্নে মহেন্দ্রক্ষেপে পিতামাতা সন্তানলাভের জন্ত ঈশ্বরচরণে কৃতজ্ঞতা দিতে দিতে মানবজীবনের দায়িত্ব যেরূপ সহজে অর্জব করিবেন তাহা সন্তানকে বুঝাইয়া দিলে তাহার চিরকল্যাণ হইবে। “জন্ম দিয়েছ যদ শরণ দিতে হবে, শীতল চরণারবিন্দে।” এ প্রার্থনা জন্মদিনোপলক্ষে যেরূপ সরল ও স্বাভাবিক ভাবে অন্তরে আসে অল্প দিনে তেমন আসে না। আর “ছোট তারা হাসে আকাশের গায়, ছোট ফুল ফুটে গাছে, ছোট বটি তবু তোমার জগতে আমাদের কাজ আছে।” এতক্য জন্মদিনে শিশুদিগকে আপন জীবনের মহত্ব সহজে বুঝাইতে যে সক্ষম তাহা কেহ অস্বীকার করিতে পারেন না।

## পূর্ণ।

সে এক অবস্থা যা ভাবতে কল্পনা হার মেনে যায়। না ছিল সূর্য, না ছিল চন্দ্র, না ছিল আলোক, না ছিল আকাশ, না ছিল সৃষ্টি, না ছিল কিছু, ছিল কেবল ঘোর আঁধার বিজনে এক মহাসত্তা। সত্তা—স্থিতি—থাকা কেমনে তা কে বলতে পারে? সেরূপ কে দেখেছিল, সে শুধু কে মজেছিল যে কথায় বা ইঙ্গিতেও প্রকাশ করবে? আশ্চর্য্য সে অবস্থা—সেই আপনাতে আপনি।

এ সত্তা কারেও অবলম্বন ক'রে নয়, কারও অবলম্বন হ'য়ে নয়। কারেও যেন তাঁর প্রয়োজন হয় নি, কারেও যেন তাঁকে প্রয়োজন হয়নি। আপনাতে আপনি, বাইরে যেতে হয়নি, ছিলনা প্রকাশ, ছিলনা বিকাশ। আপনার সমস্ত সত্তাটুকুতে আপনি পূর্ণ, আপনার সমস্ত সত্তাবটুকুতে আপনি মগ্ন।

চাঁও তাঁর পরিচয়? ইনি সেই আদি সত্তা,সেই মহা স্থিতি যাকে ধারণা করতে "বুদ্ধি বচন হারে।" না পিতা, না মাতা এলেন আপনা হতে, ছিলেন আপনাতে, সবই তাঁর আপনাতে। চাঁও কারণ? আদি কারণের আবার কারণ কে? চাঁও মূল? আদি স্থিতির আবার মূলাধার কে? আদি শক্তির আবার প্রস্রবণ কে?

তাঁর আবার প্রতিষ্ঠা? আত্ম প্রতিষ্ঠা সে বিরাট সত্তার প্রতিষ্ঠার জন্তু কারণও ব্যস্ত হবার প্রয়োজন হয়নি। আর ছিলই বা কে যে ব্যস্ত হবে? একটিও

পাখী ডাকেনি, একটিও ভক্ত গায়নি, একটিও তারা আরতি করেনি, একটিও ফুল তাঁতে অর্পিত হবার জন্তু ফুটেনি। আপনার বিরাট মহিমায়, আপনার সৌন্দর্য্যগরিমায় আপনি মগ্ন। দ্রষ্টা নাই, স্তাবক নাই, মুগ্ধ হবার পাত্র নাই, অথচ এতেই তিনি তুষ্ট।

কেউ নাই তাতে কি? নাইয়ের অভাববোধও নাই। পূর্ণের কি অভাব যে অপূর্ণের। যার আপনার ভিতর সব, তাঁকে কি আর বাইরে চাইতে হয়? আর তিনিই যখন সব, সব বলতে যখন একমাত্র তিনি, তখন তাঁর আর বাইরে কে? তাঁর চিন্তা, তাঁর আনন্দ, সবই যে তাঁতে। তাঁর ভাব তাঁতেই উঠে, তাঁতেই লীন হয়েছে, তাঁর ইচ্ছা তাঁতেই খেলা ক'রে তাঁতেই পূর্ণতা লাভ করেছে।

এমন ভাবে কত দিন গেল কে বলবে? দিন ছিলনা, কালগণনার উপায় ছিল না, ইতিহাস ছিল না, মানুষ ছিল না—কে বলবে কত দিন কি ভাবে তাঁর কেটেছিল?

আর পৃথিবী? বীজ যেমন মাটিশযায়, ভ্রূণ যেমন জরায়ুশযায় ঘুমায়ে, এ সৃষ্টিও তেমনি সেই মহাসত্তাশযায় ঘুমাচ্ছিল। একটা কিসের সম্ভাবনা যেন, একটা কি যেন হবে, একটা রহস্যময় ভবিষ্যৎ যেন—লুকিয়ে রয়েছিল।

লেখনী সংঘত হও, পূর্ণ থাকুন পূর্ণ।

শ্রীকালীনাথ ঘোষ।

## বুদ্ধের নির্বাণ কি?

যে ব্যক্তি যে বস্তু আশ্রয় করে আই, সে সে বস্তুর স্বাদের কথা বর্ণনা করতে পারে। না যে ব্যক্তি লণ্ডন নগর দেখে নাই সে সেই মহানগরীর বর্ণনা একরূপে কারবে? সেই রূপ যে নিজের নির্বাণ লাভ করে নাই সে নির্বাণের কথা বর্ণনা করতে পারে না। কিন্তু জীবের আশ্রয়নের বিষয় অথের মুখে শুনিয়া বা পুস্তক পড়িয়া কতকটা বলা যাইতে পারে এবং আমরা বাহারা লণ্ডন নগর দেখি নাই, আমরাও এত কাল লোক মুখে বর্ণনা শুনিয়া, পুস্তক পাঠ করিয়া ও কল্পনা বিস্তার করিয়া লণ্ডন নগরের কথা কিছু কিছু আলোচনা করিতে পারি। সেইরূপ আমরা নির্বাণের আশ্রয়ন নিজেরা না পাইয়াও নির্বাণের কথা কিছু আলোচনা করিতে পারি।

আমরা জানি নির্বাণ অর্থ শান্তি। বুদ্ধদেব ছয় বৎসর তাব সন্ধান কারয়া শেষে যে অবস্থা লাভ করিয়াছিলেন তাহা নির্বাণ শান্তির আশ্রয়। বৌদ্ধগণ পাঠ করিয়া জানিতে পাই, তাহার অহঙ্কার বিনাশ হইয়া গেল, বাসনানল নিব্বাপিত হইল, তাহার পর শান্তি লাভ হইল। এতকৈ আর আমরা প্রবেশ করিতে পারি না। জগতের ধর্মের ইতিহাসে দেখিতে পাই আর এক জন ধর্মপ্রবর্তক মহাপুরুষ এই শান্তির কথা বলিয়া গিয়াছেন। ইহুদী সম্বন্ধে যিশুখ্রীষ্ট বলিয়া গেলেন আমি তোমাদিগের জন্ত শান্তি রাখিয়া যাই-

তেছি। যিশুকে শান্তির রাজা বলে, তিনি আপন শান্তিতে জীবন শেষ করিলেন, এবং পৃথিবীর জন্ত শান্তির ধর্ম রাখিয়া গেলেন।

আমরা দেখিতে পাই, সমস্ত মনুষ্যজাতি যে শান্তিহারা হইয়া ব্যাকুলভাবে সংসারে বিচরণ করিতেছে এই দুই ব্যক্তি সেই শান্তির সমাচার দান করিয়া গিয়াছেন। যেন হয় সমস্ত নর জাতির পূর্ব প্রতিনিধি এই দুইটী মহাপুরুষ মানব জাতির জীবনের সমস্তা পূরণ করিতে যত যত উপায় উদ্ভাবন হইয়াছে এই দুই জনের জীবনে ও শিক্ষায় তাহার সার সংকলন হইয়াছে। আজ পর্যন্ত ভবসাগর পার হইবার যত তরঙ্গী পাবিত হইয়াছে তাহার শ্রেষ্ঠতম তরঙ্গী এই দুইটি মহাপুরুষের দ্বারা আবিষ্কৃত ও প্রচারিত হইয়াছে। ইহারা দুজনে সম্পূর্ণ বিপরীত দিক হইতে মানবজীবনের সমস্তা পূরণ করিতে আরম্ভ করিয়াছেন তথাপি উভয়ের জীবনে ও শিক্ষায় বিলক্ষণ সাদৃশ্য আছে।

ইশা একেশ্বর বিশ্বাসী ইহুদি জাতির ধর্ম বিধান লইয়া সাধন আরম্ভ করিয়াছিলেন। ঈশ্বর মঙ্গলময় পিতা, এই বিশ্বাসে আপনার সকল ভাবনা হইতে মুক্ত হইলেন ও মঙ্গলময় পিতার অমুকরণ করিয়া চির জীবন নর নারীর মঙ্গল করিলেন। পরম পিতা ঈশ্বরের নিত্য প্রেমে দৃঢ় বিশ্বাস বশতঃ অস্তরে যে সত্য ও গভীর নির্ভর হয়, তাহার উপরই ঈশ্বরের শান্তি প্রতিষ্ঠিত হইল। প্রেম ভক্তি, সততা, মঙ্গলাভি-প্রায়, একান্ত বিনয়, নিঃসন্দেহচিত্তে মঙ্গল

ময়ের মঙ্গলস্বরূপে অটল বিধানে যে শান্তি দেয়, জৈশা সেই শান্তি আপনি সম্ভোগ করিলেন এবং চিরদিনের জ্ঞান সকল বিশ্বাসীর পক্ষে শান্তির দ্বার খুলিয়া দিয়া গেলেন । এপক্ষে অনেকেই শান্তি অন্বেষণ করিতেছেন এবং বিশ্বাস নির্ভরের ভারতময় অহুসারে ব্রহ্মরূপায় অল্লাধিক শান্তি সম্ভোগ করিতেছেন ।

সিদ্ধার্থ শাক্যসিংহের পথ সম্পূর্ণ পৃথক । তিনি এদেশের যোগী ঋষি মহর্ষিদিগের পথের পরিসমাপ্তিতে যাইয়া উপস্থিত হইয়াছিলেন । ঋষিগণ গভীর জ্ঞান ও আত্মনির্ভরের দ্বারা ভবসাগর পার হইতে সাধন পরায়ণ হইয়াছেন শাক্যসিংহ তাঁহাদের সকলের প্রতিনিধি হইয়া মহা সাধন ও তাহার অভূতপূর্ব সিদ্ধি রাখিয়া গিয়াছেন তিনি সৃষ্টিতে হুঃখকেই রাজত্ব করিতে দেখিলেন । তাঁহার দৃষ্টিতে জন্ম হইতে মৃত্যু পর্যন্ত সমস্ত অবস্থাতেই হুঃখের প্রাধান্য বিশেষভাবে রোগ, জরা, মৃত্যু, হুঃখ । তিনি হুঃখ দেখিলেন এবং হুঃখের উপর আপনার দর্শন শাস্ত্র ও সাধন স্থাপিত করিলেন ; এজগৎ বুদ্ধকে অনেক পণ্ডিত হুঃখবাদী বলেন, কিন্তু তিনি হুঃখের উপাসক ছিলেন না । তিনি শান্তির অন্বেষণে প্রবৃত্ত হইয়াছিলেন, দীপ্ত শরীরের নরনারীকে শান্তি জগে স্নান করিবার পথ বলিয়া দেওয়াই তাঁহার জীবনের কার্য ছিল । অথচ তিনি সম্মুখে সত্যই হুঃখ দেখিতে পাইলেন । মহাবীর শাক্যসিংহ হুঃখ দেখিয়া ভীত হইলেন না । তিনি আপনার সহায় সম্পদ বল ভারসার বিষয়

আলোচনা করিয়া দেখিলেন সম্মুখে উপস্থিত মহা শত্রু হুঃখের সহিত যুদ্ধ করিতে আর কাহারও সাহায্য পাইবার সম্ভাবনা নাই । আত্ম নির্ভর ভিন্ন গতি নাই । তিনি দেখিতে পাইলেন যে তাঁহাকে সাহায্য করে এমন পূর্বে কেহ ছিল না, এখন কেহ নাই, পরেও কেহ হইবে না । এই বিষয়ে প্রত্যেকে আপনার উপর নির্ভর করিবে । এই সত্য অন্তরে প্রতীতি হইলে তিনি একান্ত দৃঢ়তার সহিত সাধন আরম্ভ করিলেন । এই হুঃখ বিনাশ কার্যের প্রথম সাধন হইল রাজ্য সম্পদ স্ত্রী পুত্র পরিত্যাগ করিয়া বনে গমন ও সন্ন্যাসাশ্রম গ্রহণ । তাহার পর প্রাচীন ধর্মাবলম্বী উপদেষ্টা গুরু প্রভৃতির উপদেশ অহুসারে সাধন করিলেন ; যখন তাহাতে কিছু হইল না তখন পুনরায় আপনার উপর নির্ভর করিয়া উরুবিধ গ্রামের বহির্ভাগে বাস করিয়া কঠিন আত্মচিন্তা ধ্যান ধারণা আরম্ভ করিলেন । বহুদিন সাধনের পর দেখিতে পাইলেন যদও পদ মান জাত গোত্র ভোগ সূখ প্রভৃতি সমস্ত ত্যাগ করা হইয়াছে তথাপি অন্তরে ও বাহিরে অনেক হুঃখের কারণ রহিয়াছে ।

তখন বাহিরের জগতের সহিত সকল সম্পর্ক ছেদন করিতে তিনি পঞ্চস্কন্ধের নিবৃত্তি সাধন করিতে আরম্ভ করিলেন । বৌদ্ধ শাস্ত্রানুসারে পঞ্চস্কন্ধ এই পাঁচটি যথা :—রূপ, বেদনা, বিজ্ঞান, সংজ্ঞা ও সংস্কার । আমরা শুনিয়াছি সেদিন রামকৃষ্ণ পরমহংস মহাশয় অর্থের প্রতি আসক্তি দূর করিতে এক বিশেষ সাধন করিয়া-

ছিলেন । এক হস্তে একখণ্ড মৃত্তিকা লইলেন ও অপর হস্তে একটা মুদ্রা লইলেন ; তারপর ক্রমাগত মাটির টুকরা টাকাটির স্থানে লইতে লাগিলেন এবং মাটির স্থানে টাকা লইতে লাগিলেন আর বলিতে লাগিলেন মাটি টাকা, টাকা মাটি, এই রূপে কিছুদিন সাধনা করিয়া টাকা যে মাটি, তাহা তাঁর সাধন হইয়া গেল, ধনাসক্তি আর থাকিল না । তাঁহার হাতে টাকা দিলে নাকি হাত বাঁকিয়া যাইত । বুদ্ধদেব এইরূপ সাধন করিতে আরম্ভ করিয়া যাহা যাহা অন্তরায় হইল তাহা দূর করিলেন । রূপ । যাহা দেখা যায় তাহা অতি চঞ্চল, অতি অসার, অতএব রূপ কিছু নয়, রূপ মিথ্যা, যাহার যে রূপ আছে তাহা থাকিবে না, অতএব রূপকে আর আমি বস্তু বলিয়া গ্রহণ করিব না । এইরূপে রূপকে ভেদ করিলেন । যেমন অর্থ সূখ হুঃখের অন্তর্ভূতি । বৌদ্ধশাস্ত্রে সমস্ত অন্তর্ভূতির এক নাম বেদনা, পরে ইহাকেও ভেদ করিলেন, তাহার পর বিজ্ঞানকে ভেদ করিলেন, অর্থাৎ মনুষ্য, পশু, আকাশ, পৃথিবী, দিব্য রাত্রি, ঘট পট প্রভৃতি ভিন্ন বস্তুর ভিন্ন ভিন্ন নাম কিছু নয়, এসকল প্রভেদ অসার ক্ষণিক, অপদার্থ, ইহার পারমার্থিক সত্তা নাই, এসকল প্রভেদ নিত্য নহে, তাহা দৃঢ়রূপে উপলব্ধি করিয়া তাহা হইতে উদ্ধার পাইলেন । তার পর সংজ্ঞা ভেদ করিলেন, অর্থাৎ ভিন্ন ভিন্ন বস্তুর জ্ঞান ও যেমন কিছু নয় তেমনই তাহাদিগের নামও কিছু নয়, মিথ্যা, ইহা সাধন করিলেন । এইক্ষেত্রে শেষ সাধন সকল সংস্কার

রের শেষ দর্শন । বৌদ্ধশাস্ত্রে সংস্কার অতি বিস্তৃত ও গভীর অর্থে ব্যবহৃত হয় । যাহা কিছু ছই বা অধিক বস্তুর যোগে হইয়াছে, অথবা যাহা কিছু সৃষ্ট হইয়াছে, তাহাই সংস্কার । যখন সাধন বলে সংস্কার ভেদ হইল, তখন আর বাহ্য জগৎ বিষয়ে তাঁহার কিছুই অবশিষ্ট রহিল না ।

সিদ্ধার্থ বাহ্য জগতের সহিত সকল সম্পর্ক ছিন্ন করিলেন কিন্তু তখনও অন্তরে হুঃখের বীজ রহিয়াছে । তিনি তাহাও দূর করিতে প্রবৃত্ত হইলেন । বৌদ্ধশাস্ত্রে অন্তরের এই সকল শত্রুকে আসব ব হুঃখ বলে । ইহা চারি প্রকার, কাম, অস্মিতা, মিথ্যা দৃষ্টি ও অবিজ্ঞা । অবিজ্ঞা অর্থ ভ্রান্তি মিথ্যা জ্ঞান, যাহা যে বস্তু নহে তাহাকে সেই বস্তু মনে করা । ইহার সাধন সত্যকে সত্য বলিয়া জানা অল্প সকলকে ত্যাগ করা, গভীর ধ্যানে সিদ্ধার্থ তাহাতে কৃত কার্য হইলেন । তাহার পরের শত্রু কাম বা কামনা, কোন বস্তুর কামনা অন্তরে স্থান না দেওয়া । সমস্ত পৃথিবীতে বা স্বর্গে কোন বস্তুর প্রতি কোন কামনা নাই, এই সাধনে সিদ্ধ হইলেন । তাহার পরের শত্রু অস্মিতা । ইহার অর্থ অস্তিত্বের ইচ্ছা, থাকিবার ইচ্ছা, মুখে থাকি, হুঃখে থাকি, স্বর্গে থাকি নরকে থাকি, আমার অস্তিত্বটা থাকে, না যায়, সিদ্ধার্থ হইতেও সিদ্ধ হইলেন । সকলের শেষ শত্রু অর্থাৎ সকল হুঃখের মূল অবিজ্ঞা বা আমি আমি বোধ, আমি সাধন করি আমি ইচ্ছা করি, আমি মরি, আমি আমি, সকলের সঙ্গেই আছে ।

দ্রুত সাধনে ইহা তাঁহার সিদ্ধ হইল। ইহাতে তাঁহার সকল বন্ধন ছিন্ন হইল। তিনি যে সাধনে প্রবৃত্ত হইয়া ছিলেন তাহাতে সিদ্ধি লাভ হইল, কিন্তু তিনি যে দুঃখের নিবৃত্তি চাহিয়াছিলেন তাহা লাভ হইল না। ইহার রহস্য কে বুঝিবে যে এত কঠিন সাধনে সমস্ত বাহ্য জগতে অন্তর্জগতের উপর জয় লাভ করিয়াও শ্বাকসিংহের নির্বাণ হইল না।

যে কয়টি সাধনের কথা উল্লেখ করা হইল বৌদ্ধশাস্ত্রে ইহা ভিন্ন অনেক প্রকারের সাধন আছে কিন্তু এই কয়টি সর্ব প্রধান ও বিশেষ উল্লেখ যোগ্য।

এই সুদীর্ঘ কঠোর সাধন সময়ে সিদ্ধার্থের অন্তরে মধ্যে মধ্যে নিরাশা অন্ধকার উপস্থিত হইত। তিনি মহাজন, মহাবীর সত্য, কিন্তু তিনি মানুষ, তিনিও আমাদের জাতীয় জীব, তাঁহার মনেরও যে উত্থান পতন ছিল তাহা ললিত বিস্তর পাঠে বিলক্ষণ বুঝিতে পারা যায়। এক এক সময়ে তাঁহার মনে হইত বৃষ্টি গৃহ তাগ করা ঠিক কার্য হয় নাই, কখনও সন্দেহ হইত নির্বাণ লাভ হইবে না। ফলে এ সময়ের সামান্য সাধকগণের যে সকল অন্তরায় উপস্থিত হয় তাঁহারও তাহা হইত, তবে অদৃষ্ট অস্তি অল্পপরিমাণে হইত ও তিনি অতি সত্বর তাহা দূর করিতে পারিতেন। এই সকল সময়ে কোন বিশেষ আলোকে পুনরায় অন্তরে বল লাভ করিতেন। এ সকল কথা নানা রূপ রূপক বর্ণনায় পূর্ণ বলিয়া ঠিক কি ষটিয়াছিল তাহা বলা যায় না। যখন এত

সাধন করিয়াও সম্বোধি লাভ হইল না। তখন পুনরায় তাঁহার মনে সংশয় আসিল। তখন তাঁহার নিকট পূর্ব পূর্ব বুদ্ধগণের সমাগম হইল। ষাঁহারা পূর্বকালে নির্বাণ লাভ করিয়া তথাগত হইয়াছিলেন তাঁহারা তাঁহাকে দর্শন দিয়া আশ্বাসবাণী বলিয়া গেলেন। ঈশা পর্বতোপরি গভীর উপাসনায় নিমগ্ন ছিলেন, তখন যেমন তাঁহার নিকট আইজায়া ও মুশা উপস্থিত হইয়াছিলেন, ইহা ঠিক সেইরূপ ব্যাপার। তাঁহারা ঈশার জীবনের শেষ উন্নতি ও পরিসমাপ্তির কথা বলিয়া গেলেন, পূর্ব বুদ্ধগণও উপস্থিত হইয়া শাক্যের নির্বাণ লাভের কথা বলিয়া গেলেন। আধ্যাত্মিক রাজ্যের এই গভীর সত্য কেহ অস্বীকার করিতে পারেন না যে মানুষ মহাবীর হইলে, সকল ধর্ম পালন করিলেও ঠিক আপনার চেষ্ঠায় ভবসাগর পার হইতে পারে না, আপনার অতীত শক্তি আসিয়া সাহায্য করা প্রয়োজন হয়, শাক্য ঈশার বিশ্বাস লইয়া সাধন করেন নাই। বৌদ্ধশাস্ত্রে ঈশ্বরের নামই নাই। কিন্তু ষাঁহারা ঈশ্বররূপায় বিশ্বাসী তাঁহারা অসম্মত বলিবেন যে এই গণে ব্রহ্মরূপ অবতীর্ণ হইয়া তাঁহাকে উৎসাহ দান করিল।

যে বৈশাখী পূর্ণিমার রাত্রিতে শাক্য সিংহ সম্বোধি লাভ করিলেন তাহার পূর্বেই তাঁহার প্রাণে আশা পাইয়াছিলেন যে অভিষ্ট সিদ্ধির সময় উপস্থিত। তিনি রাত্রির প্রথম প্রহরে তৃণ আসনে বস্তু প্রতিজ্ঞা করিয়া বসিলেন। যত প্রকারের

ধানে অভ্যাস ছিলেন তাহাতে সাধনবলে প্রবেশ করিলেন; আপনি অকিঞ্চন, স্বর্গ মর্ত্ত কিছুই সম্মুখে নাই, এই অবস্থাতে আকাশবৎ অবস্থার স্থিতি করিলেন। তাহার পরের ধানের বিষয় লিখিত আছে যে “একদিভাব” হইল। বৌদ্ধ ধর্মশাস্ত্রে ইহার অনেক টীকা ও অর্থ আছে, আমরা তাহার মর্ম ধারণ করিতে পারি না। কিন্তু ঈশ্বর বিশ্বাসীর ভাষায় বলিতে গেলে হয়ত বলিতে হইবে যে, শাক্য ধ্যানযোগে এক অদ্বিতীয়কে দর্শন করিলেন, অর্থাৎ জীবে নিতা সত্যকে দর্শন করিলেন। তাহার পর চতুর্থ ধ্যানে তিনি নির্বাণ ধাতুতে বিলীন হইয়া গেলেন। বৌদ্ধ টীকাকারগণ একথার আর টীকা করেন নাই। কারণ তিনি যে অবস্থা লাভ করিলেন তাহাতে সকল নিবৃত্তি, বর্ণনাও নিবৃত্তি। তখন থাকিল কেবল শান্তি; লাভ হইল অভূতপূর্ব আনন্দ। তাঁহার স্বভাব মঙ্গল স্বভাব হইল।

অনেকের মনে প্রশ্ন উপস্থিত হয় বুদ্ধদেবের আমিত্ব বিনাশ হইয়াছিল, তিনি একেবারে নির্বাণিত হইয়া গিয়াছিলেন, তাহা হইলে তখনই তাঁহার জীবনেরও কি শেষ হইয়াছিল? আমরা জানি তিনি ২৯ বৎসর বয়সে গৃহ ত্যাগ করেন, ৩৬ বৎসর বয়সে সম্বোধি লাভ করেন এবং অশিতি বৎসর বয়সে দেহ ত্যাগ করেন। তিনি নির্বাণ লাভের পর ৪৫ বৎসর জীবিত ছিলেন, এই দীর্ঘকালে তাঁহার জীবন যাহা প্রকাশ করিয়াছে তাহা দ্বারাই আমরা বুঝিতে পারি নির্বাণ কি? অর্থাৎ নির্বাণ

লাভ হইলে কি কি যায়, কিকি থাকে, নির্বাণের দ্বারা কি লাভ হয় তাহা আমরা আলোচনা করিতে পারি। এই কথা আলোচনা করিতে সর্ব প্রথমে শান্তির কথা মনে হয়। কি অলৌকিক শান্তিই তিনি লাভ করিয়াছিলেন এবং জনগণকে কি শান্তি দান করিয়া মুগ্ধ করিতেন চিন্তা করিলে অবাধ হইতে হয়। মহা শত্রু তাঁহার নিকট আসিয়া শত্রুতা ভুলিয়া যাইত, ভয়ানক শোকাক্ত তাঁহার নিকট যাইয়া শান্তি পাইত। দস্যু তাঁহার নিকট যাইয়া দস্যুত্ব ত্যাগ করিত। যুদ্ধ করিতে প্রবৃত্ত হই সেনানায়ক তাঁহার সহিত সাক্ষাৎ করিতে আসিয়া বিজয় তৃষ্ণা হইতে মুক্ত হইত। এই দীর্ঘ কালের কত ঘটনা বর্ণিত আছে কিন্তু বুদ্ধের বাস্তবতার কোন উল্লেখ নাই, এক মুহূর্ত্তের জগৎও তিনি শান্তি হারা হন নাই। এমন কি সমস্ত বৌদ্ধ শাস্ত্রের একটি বিশেষত্ব এই যে ইহা আলোচনা করিতে করিতে অন্তরে শান্তির ভাব উপস্থিত হয়। যে সকল দেশ বৌদ্ধ ধর্ম গ্রহণ করিয়াছেন সেই সকল দেশের কোটি কোটি নরনারীকে পৃথিবীর অপরা সকল ধর্মাক্রান্ত লোক হইতে এইটি পৃথক যে বৌদ্ধগণ শান্তি প্রিয়, শান্তিতে অভ্যস্ত শান্তির সাধক বুদ্ধের অপরা বিশেষ ভাব সহানুভূতি, উদার প্রেম, যিনি অপরের দুঃখের অত্যন্ত নিবৃত্তি করিলেন, করিলেন, তিনি সকল দুঃখীর দুঃখে দুঃখিত ছিলেন। নরনারী বাসনানলে জলিতেছে ইহাই তাঁহার জীবনের এক দুঃখ ছিল এবং এই জগৎই সকলের হিতের

জন্ম অশীতি বৎসর বয়স পর্য্যন্ত নানা স্থানে বিচরণ করিয়া ছুঃখ নিবৃত্তি বা পথ প্রচার করিলেন।

শ্যাকাসিংহ ছুঃখকে সম্মুখে দেখিয়া তাহাকে সত্য বলিয়া স্নিকর করিলেন এবং ছুঃখের অন্ত করিয়া জগৎকে বলিয়া গেলেন যে আমি চারিটি অর্থাৎ সত্য আবিষ্কার করিয়াছি তাহা সকল নরনারীর পক্ষে সত্য, একজন্ম ইহা সকলের গ্রহণীয়। সে সত্য চারিটি এই, যথা :— (১) ছুঃখ সত্য, (২) ছুঃখের উৎপত্তি সত্য, (৩) ছুঃখের নিবৃত্তি সত্য, ও (৪) ছুঃখ নিবৃত্তির পথ সত্য। সেই পথ বা মার্গ অষ্টাঙ্গ। তাহাকে যাহারা ছুঃখবাদী বলেন তাহারা তাহাকে ছুঃখান্তক বলিলেই কথাটা সত্য ও শোভন হইত। কারণ তিনি নিজে ছুঃখের সমস্ত পূরণ করিয়াছেন এবং জগতের ছুঃখ নিবৃত্তির পথ দেখাইয়া গিয়াছেন। তাহাকে নানাশ্রেণীর দার্শনিকদিগের সহিত একভাবাপন্ন প্রমাণ করিতে যত্ন করা হয়। কেহ তাহাকে অজ্ঞেয়বাদী বলেন, কেহ বস্তুবাদী বলেন, কেহ নিরীশ্বরবাদী বলেন। এ সকল শ্রেণীর চিন্তাশীল লোকের সহিত তাহার চিন্তার সাদৃশ্য থাকিতে পারে, কিন্তু শ্যাকাসিংহ কেবল দার্শনিক মত দ্বারা পরিচিত হইবার লোক নহেন। তিনি এক অদ্বিতীয় ধর্মবীর ও কর্মবীর। তাহার প্রদর্শিত সত্য গ্রহণ করিয়া অষ্টাঙ্গমার্গ সাধন করা প্রত্যেক ধর্ম সাধকের পক্ষে প্রয়োজন। আমরা এ বিষয় যতই আলোচনা করি ততই মনে হয় যে ঈশ্বর বিশ্বাস ও

নির্ভরের শাস্তি, সাধন ও যেমন তাঁহাকে পিতার ইচ্ছা পূর্ণ করিতে সমস্ত জীবন তীব্র সংবেগের সহিত প্রেম সাধন করিতে হইয়াছে শ্যাকাসিংহকেও নির্বাণ শাস্তি লাভ করিতে তীব্র সংবেগসম্পন্ন হইয়া কঠোর সাধন করিতে হইয়াছে। শ্যাক্য বলিলেন নির্বাণ অর্থ শাস্তি, ঈশ্বর বলিলেন, নির্ভর অর্থ শাস্তি।

আমরা এ বিষয়ে যাহা আলোচনা করিলাম তাহাতে ইহাই প্রমাণিত হইতেছে যে শ্যাকাসিংহ সাধনবলে মনুষ্য স্বভাবের হীনতা পরিহার করিয়া দেবভাবে জীবনধারণ করিয়াছেন, অতএব নির্বাণ অর্থ মনুষ্যের মরণশীল অংশের নির্বাণ বা মৃত্যু একরূপ জীবন কাহার না আকাঙ্ক্ষার সামগ্রী?

### মহর্ষি জীবনের কয়েকটি

#### বিশেষত্ব। \*

মহর্ষিদেবের দীক্ষা-দিন উপলক্ষে আজ আমরা এখানে সকলে সমাগত হইয়াছি। যাহারা আমাদের ধর্মপথের—কল্যাণপথের প্রকৃত সন্ধান জানাইয়া দেন, তাহারা আমাদের গুরু ও নমস্কার। বর্তমান যুগে মহর্ষিদেবের সমুন্নত জীবনের প্রভাব আমাদের সকলের উপর যেরূপ বিশেষ ভাবে কার্য করিয়াছে, তাহা নিতান্তই বিষ্ময়জনক। অতীত এই শুভদিনে

\* মহর্ষিদেবের দীক্ষা-দিন উপলক্ষে বিগত ৭ই পৌষ মহর্ষিদেবের বাটীর দালানের বেদী হইতে শ্রীযুক্ত চিত্তামণি চট্টোপাধ্যায় কর্তৃক বিবৃত।

মহর্ষিদেব ব্রাহ্মধর্মের দীক্ষা গ্রহণ করিয়াছিলেন। এই দিন হইতেই তিনি আপনার সমুদয় বলবীর্ষ্য ব্রাহ্মধর্মের উন্নতিকল্পে নিয়োগ করিতে আরম্ভ করেন। সুতরাং এ দিনটি যে কেবল মহর্ষিজীবনের একটি পবিত্র দিন তাহা নহে, এ দিন আমাদের সকলের পক্ষে স্মরণীয়।

মহর্ষি জীবন আলোচনা করিলে সর্বপ্রথমেই আমরা দেখি :—

১। সত্যলাভের জন্ম তাহার দারুণ ঔৎসুক্য। কিসের উপর দাঁড়াইয়া ব্রাহ্মধর্ম প্রচার করিবেন, স্থির করিতে পারিতেছেন না। প্রকৃত সত্য বুঝিবার জন্ম তিনি বেদান্তবাগীশ প্রভৃতি চারি জনকে বেদাধ্যয়নের জন্ম বারাগসীতে প্রেরণ করিয়াছেন। অস্থির হইয়া বেড়াইতেছেন, ঈশ্বরের স্পর্শ এক একবার লাভ করিতেছেন, পরক্ষণেই তাহাকে হারাইতেছেন। এই সময়কার তাহার রচিত সঙ্গীত তাহার হৃদয়ের প্রকৃত ভাব সুস্পষ্ট প্রকাশ করিয়া দিতেছে,—

“আহা কে দিবে আনিয়ে তাঁরে ;

হারিয়ে জীবন-শরণে

কি কাজ জীবনে আমার।”

ঈশ্বরের অন্বেষণ জীবন পর্য্যন্ত বিসর্জন দিতেও তিনি প্রস্তুত, তাহাকে তিনি না পাইলে ফিরিবেন না।

২। ধর্মকে সকলের মধ্যে দিবার জন্ম একান্ত চেষ্টা। পরে যখন তিনি ঈশ্বরকে লাভ করিলেন, তখন সে আনন্দ তিনি একাকী ধারণ করিয়া রাখিতে পারিলেন না। কিসে সকল লোক সেই

আনন্দ উপভোগ করবে, তাহার জন্ম তিনি অস্থির হইয়া পড়িলেন। তিনি নিজে প্রচারত্রয় গ্রহণ করিলেন। আচার্য্য উপাচার্য্য প্রচারক নিয়োগ করিয়া সে আনন্দ পরিবেশন করিতে আরম্ভ করিলেন। অর্থব্যয়ের ইয়ত্তা রহিল না। তিনি তাহার আয়ের বহুল অংশ ধর্ম প্রচারের জন্ম অকাতরে ব্যয় করিতে লাগিলেন। প্রকৃতপক্ষে ধর্মজগতে তাহার মত মুক্তহস্ত পুরুষ নিতান্তই বিরল।

৩। তাহার দীনতা। তিনি ধনী সন্তান। কিন্তু তিনি ব্রাহ্মধর্মের প্রচার জন্ম সমুদয় অভিমান এককালে বিসর্জন দিয়া জনসাধারণের সহিত তুল্যভাবে মিশিতেন এবং অপরকে উচ্চ আসন দিতেন। প্রথমে তিনি বেদীর সম্মুখে দাঁড়াইয়া উপদেশ দিতেন—বলিতেন “আমি ব্রাহ্মসমাজের বেদীতে বসিয়া উপদেশ দিবার অধিকারী নই। বিদ্যা-বাগীশ, বেদান্তবাগীশ প্রভৃতি পণ্ডিতগণেরই উহাতে উপযুক্ত অধিকার। আমি বিষয়ীর পুত্র—বিষয়ী যজ্ঞমানের ছাত্র আচার্য্য ও পুরোহিতগণের অধস্তন সোপানে দাঁড়াইয়া কার্য্য করাই আমার যোগ্য।” পরে অনেক দিন বিলম্বে সকলের অনুরোধে তিনি বেদীতে বসিতে আরম্ভ করেন।

৪। তাহার নিষ্ঠা। ব্যাখ্যান তাহার রসনা-বিনির্গত। এই সময়ে তিনি প্রতি বুধবার প্রাতে ব্রাহ্মসমাজে আসিয়া বেদীর নিম্নে ধ্যানস্থ হইয়া বসিয়া থাকিতেন। একবার বাটীতে গিয়া স্নানাহার সম্পন্ন

করিয়া আবার ধ্যানে বসিতেন। সন্ধ্যার পূর্বে আর একবার বাটী গিয়া স্নানান্তে পটুবাস পরিধান করিয়া আসিয়া বেদীতে বসিতেন। তাঁহার বক্তৃতা এক নূতন ধরণের ছিল। বলিতে বলিতে এক একবার তিনি থামিয়া যাইতেন, পরক্ষণেই আগ্নেয়গিরির অগ্নিধারার ত্রায় ব্রাহ্মধর্মের অপূর্ণ ব্যাখ্যানগুলি তাঁহার মুখ হইতে সবেগে বিনির্গত হইত। বৃদ্ধ বয়সে তিনি বলিতেন যে যখন আমি এ বয়সে ব্যাখ্যান পাঠ করিয়া আমার এখনকার জ্ঞানের সহিত মিলাইয়া দেখি, তখন আশ্চর্য্য হইয়া যাই,—বুঝিতে পারি না যে কেমন করিয়া সেই তরুণ বয়সে আমার মুখ হইতে সেই সকল উপদেশ বাহির হইয়াছিল।

৫। তাঁহার ভোগ। বিষয়রাজ্যে তাঁহার ভোগ ছিল না, কিন্তু তাঁহার প্রকৃত সন্তোষ “ব্রহ্মজ্ঞান ব্রহ্মধ্যান, ব্রহ্মমৃত রস পানে।” “বিষয়ের সূখ যাহা, জানি তা, কাজ নাই সে সূখে সে ধনে” ইহাই তাঁহার রচিত সঙ্গীত। তিনি বলিতেন আমরা যে জেগে আছি এ জাগা নয়, এ যে মূর্ত্তা, এ যে অসাড়তা; আত্মার জাগাই জাগা, আত্মার স্পন্দনই প্রকৃত স্পন্দন। তাঁহার রচিত সঙ্গীত হইতেই তাঁহার হৃদয়ের প্রকৃত পরিচয় পাই—

“যোগী জাগে,

ভোগী রোগী কোথায় জাগে—

ব্রহ্মজ্ঞান, ব্রহ্মধ্যান, ব্রহ্মমৃত রসপান—  
স্পীতি ব্রহ্মে যার, সেই জাগে।”

৬। তাঁহার উপাসনাপরায়ণতা। মহর্ষি পরিবারবহুল সংসারে অবস্থান করিতেন। কত বিপ্লব কত শোকাবহ ঘটনা তাঁহার মস্তকের উপর দিয়া চলিয়া গিয়াছে। কিন্তু সকল অবস্থাতেই তিনি অচল, অটল। একদিনের জন্তও তাঁহার উপাসনা ব্রত ভঙ্গ হয় নাই। তাঁহার আশ্চর্য্য নির্ভরের ভাব সন্দর্শন করিয়া আমরা বিমুগ্ধ হইয়া যাইতাম।

৭। প্রকৃতির ভিতর দিয়া ঈশ্বর সন্দর্শন। আমরা প্রতিদিন “ষোদেবো-হমৌ ষোপুঃ” এই মন্ত্র পাঠ করি। ফলত তিনি যে অগ্নিতে জলেতে সর্ব বস্তুতে রহিয়াছেন এ বাক্যের প্রকৃত মর্ম্ম আমরা গ্রহণ করিতে পারি না। কিন্তু মহর্ষিদেব ঈশ্বরের সৌন্দর্য্য তাঁহার শক্তি তাঁহার বল সকল পদার্থের ভিতরে সুস্পষ্ট-ভাবে হৃদয়ঙ্গম করিতেন। তিনি নৌকা-যোগে পদ্মায় বিচরণ করিতেছেন। পূর্ণিমার চন্দ্রকিরণে চারিদিক শুভ্র হইয়া গিয়াছে। তদর্শনে তাঁহার অন্তর্দৃষ্টি খুলিয়া যাইত। তিনি অনিমেষ নেত্রে সে শোভা সন্দর্শন করিতেন। সকল শোভার আকর, সকল সৌন্দর্য্যের প্রশ্রবণ যিনি, তাঁহাকে উপলব্ধি করিয়া তাঁহার মস্তার তিনি ডুবিয়া যাইতেন। তিনি নৌকার ছাদে বাসিয়া অমৃত পান করিতেন। চক্ষু নিদ্রা নাই, আলম্ব নাই, সমস্ত রাত্রি এই ভাবে কাটিয়া যাইত। তিনি বাহুজ্ঞান শূন্য। আমরা তাঁহার পার্কীটস্থ ভবনে প্রায়ই যাইতাম। প্রাতে গিয়া দেখিয়াছি তিনি উদীয়মান সূর্য্যের

উপরে পলকহীন দৃষ্টি স্থাপন করিয়া বসিয়া আছেন। তাঁহার সমুদয় জীবন বিগলিত। যিনি সূর্য্যের সূর্য্য, তাঁহারই ধ্যানে তিনি নিমগ্ন। বোলপুর শান্তি-নিকেতনে তাঁহার বারান্দার পূর্ব দিকের সমুদয় গাছগুলি তিনি কাটিয়া ফেলিয়াছিলেন। প্রাতঃসূর্য্যের মহিমা হিত উদয় দেখিয়া তাঁহার মহিমায় নিরমিতরূপে নিঃশব্দ ডুবিবেন, এই তাঁহার প্রাণের মাধ ছিল। তিনি এত স্থান থাকিতে সেই বিপুল প্রাণের ভিতরে বোলপুরের শান্তি-নিকেতন কেন প্রতিষ্ঠিত করিলেন, এ প্রশ্নের উত্তরে তিনি বলতেন, দে, সেই অসীমের সহিত হৃদয়ের পর মিলাইতে হইলে ঐক্য অকূল স্থানের নিত্য প্রয়োজন।

৮। তাঁহার অনুশাসন—তাঁহাকে প্রীতি কর, তাঁহার প্রিয়কার্য্য সাধন কর। আমরা প্রতিদিন প্রভাতে শব্দ্য ভাগ্য করিয়া দিবসের কার্য্যে প্রবৃত্ত হই, কিন্তু তাঁহার শিক্ষা এই, “যাহার রূপার তুমি খুলিলে নয়ন, তাঁরে আগে দেখিও”।

৯। ঈশ্বরের মঙ্গল স্বরূপে তাঁহার আশ্চর্য্য বিশ্বাস। আমরা তাঁহাকে শেষ প্রায়ই বলিতাম যে, আপনার অভাবে ব্রাহ্মসমাজের আধ্যাত্মিক ভাবের যে ভয়ানক দুর্গতি হইবে, তাহা আলোচনা করিয়া আমরা ভীত হই। তিনি আমাদেরকে আশাস দিয়া বলিতেন যে, ঈশ্বর তাঁহার এই পবিত্রতম সত্যধর্ম্মকে বিনষ্ট হইতে দিবেন না। তিনি ইহার উন্নতি ও রক্ষার উপায় ব্যবস্থা করিয়া দিবেন; ব্রাহ্মধর্ম্মের

সহা স্নান হইবার নহে। “ব্রাহ্মসমাজের বোঝা যে আমার মস্তকের উপরে অধিক পড়বে কে ভাবিয়াছিল। তাঁহার মঙ্গলস্বরূপে বিশ্বাস স্থাপন কর, তিনি নিঃশব্দে উহার বিধান করিবেন”।

১০। তাঁহার অমঙ্গলপরায়ণতা। বলাই তাঁহার একমাত্র লক্ষ্য, ব্রাহ্মধর্ম্ম প্রচারই তাঁহার জীবনের একমাত্র পরম উদ্দেশ্য ছিল। তাই অল্প কোন বিষয়ে বা সমাজ-সংসারে তিনি আপনার শক্তি নিয়োগ করেন নাই। তিনি আপনার পরিবারের ভিতরে বশোচিত সংস্কার পূর্ণাঙ্গায় অনয়ন করিয়াছিলেন। কিন্তু ব্রাহ্মধর্ম্ম প্রচার তাঁহার জীবনের এমনই পবিত্রতম ব্রত ছিল এবং উহার ভিতরে এতই পরমানন্দ তিনি উপভোগ করিতেন, যে অল্প কোন কারণে তিনি তাঁহার শক্তিকে বিধা হইতে দেন নাই। ব্রাহ্মধর্ম্মকে সর্বসাধারণের উপভোগ্য করিবার জন্ত তাঁহার চিরব্যাকুলতা ছিল।

১১। তাঁহার প্রাথমিক-বিস্মৃতি। কত গ্রাম, কত নগরে, কত দূরবিস্তারে তিনি ব্রাহ্মধর্ম্ম প্রচার করিয়া বেড়াইয়াছেন, কত ব্রাহ্মসমাজ প্রতিষ্ঠা করিয়া গিয়াছেন, সংবাদ পত্র তাঁহার সন্ধান জানে না। তিনি নিঃস্পৃহভাবে প্রচার করিয়া বেড়াইয়াছেন। নীরবে নির্জনে তিনি সাধনা করিয়াছেন। প্রশংসালালের ব্যাকুলতা তাঁহাকে কোন বয়সে আকূল করিয়া তোলে নাই। মহর্ষির দেহান্তে তাঁহার ভক্তরাশি শান্তিনিকেতনে স্তান পাইবে এবং তাঁহার উপর একটি মন্দির নির্মিত

হইবে, এক সময়ে তাঁহার জীবদ্দশায় এই-রূপ একটি প্রস্তাব তাঁহার সম্মান সন্ততি ও শিষ্যবর্গের মধ্যে উঠিয়াছিল। যখন এ কথা মহর্ষির কাণে পৌঁছিল, তিনি তাঁহার স্নযোগ্য পুত্র ও পৌত্রকে ডাকিয়া বলিলেন যে, “তোমরা কখনও একরূপ কার্যে প্রবৃত্ত হইও না। এ অবতারপ্রাপ্ত দেশে ওকথা মুখে আনিও না। আমার আদেশ জানিয়া উহা হইতে নিবৃত্ত থাকিবে। ঈশ্বরের প্রাপ্য সম্মানের বিন্দুমাত্র আমাতে আরোপ করিয়া পাছে আমার সমাধির উপরে কেহ ফলপুষ্প উপহার দেয়, ইহাই আমার দারুণ আশঙ্কা।” যখন চিন্তা করি বিস্মিত হইয়া পড়ি, আশ্চর্য্যান্বিত হইয়া যাই। কি অসাধারণ মহত্ব। কি উচ্চ গগনে তাঁহার আত্মা সঞ্চরণ করিত। ভবিষ্যৎ দৃষ্টির কি আশ্চর্য্য প্রধরতা তাঁহাতে বিদ্যমান ছিল। তাঁহার সম্বন্ধে ষতই চিন্তা করি, তাঁহার বিশেষত্ব দেখিয়া আশ্চর্য্য হইয়া যাই। এই যে দীক্ষা—এই যে ধর্মজগতে প্রথম পদবিচ্ছেদ, কে ইহার গুরুত্ব মহর্ষির মত এমন বিশেষ ভাবে উপলব্ধি করিয়াছে। কৃতকৃত্যপূর্ণ হৃদয়ে ঈশ্বরের করুণার প্রথম রেখাপাত মহর্ষির মত কে বা অশ্রুপূর্ণ নয়নে জাগ্রীবন স্মরণ করিয়াছে।

তিনি ত চালিয়া গিয়াছেন। কিন্তু এ দীক্ষা কেবল তাঁর নয়। তাঁহার দীক্ষাতে আমাদের সকলেরই দীক্ষা। তাঁহার দীক্ষা হইতে ব্রাহ্মসমাজের প্রত্যেকেই আলোক লাভ করিয়াছেন। ব্রাহ্মসমাজ যতকাল থাকিবে, মহর্ষির দীক্ষাতে সকলেরই দীক্ষা

ঘটিবে, গতিমুক্তির পথ সম্মুখে অনাবৃত্ত দেখিয়া সকলেই কৃতকৃত্যার্থতা লাভ করিবে।

শ্রীচিন্তামণি চট্টোপাধ্যায় :

কেন ?

কেন আশাহত হয় মানবে  
নিভতে নিজনে হৃদয়ের কোণে  
যে আশা লতাটি রাখেগো যত্নে  
কেন ব্যথিয়া পরাণ নিশ্বাস করে  
নিশ্বাস করে দানবে !

কেন আশাহত হয় মানবে ?

কেন এত দুঃখ বাজে হৃদয়ে  
ফাঙ্ক ভাল বাসে অন্তর দিয়া  
সে যদি কভুগো তুচ্ছ করিয়া  
কথা নাহি কম চলে যদি যাম  
চরণে দলিয়া নিদয়ে !

কেন এত দুঃখ বাজে হৃদয়ে ?

কেন মর্ম বিদরে হায়রে,  
ভাল বেসে ফাঙ্ক দেয় উপহার  
হৃদে বড় বাজে উপেক্ষা তার,  
কেন সরল পরাণ হেরি অপমান  
মরমে মরিয়া যায়কে,  
কেন মর্ম বিদরে হায়রে ?

কেন নীরবেতে আঁখি ঝরেগো  
জ্বলিত ধনে নাহি যদি পায়

প্রতি পলে পলে শোণিত শুকান

কেন হৃদয় ভিতরে ভীষণ আশুপ

দগ্ন করিয়া মারে গো,

কেন নীরবেতে আঁখি ঝরেগো ?

কেন অন্তর জ্বলে পিয়াসে

তৃষ্ণি যদিগো কখন হবেন।

সংঘম বিনা শান্তি রবেন।

কেন বাসনা অনল পশিয়া হৃদয়ে

তবেগো জ্বলয় নিরাশে ;

কেন অন্তর জ্বলে পিয়াসে ?

কেন গঠনি পরাণ পাষণে

( যদি ) দিবে এত দুঃখ সহিতে মানবে

কঠিন ব্যাথাই হৃদয়ে জানাবে

কেন দাগনি সে সব সহিতে শক্তি

রাখিতে মনেরে শাসনে ;

কেন গঠনি পরাণ পাষণে ?

শ্রীহিন্দু প্রভা দেবী—

দানাপুর ক্যান্টনমেন্ট

স্ত্রীলোকদিগের জাতীয় বিষয়ে  
মত প্রকাশের অধিকার সম্বন্ধে  
বিপক্ষ দলের মত।

[ প্রশ্নের উত্তর। ]

আমার প্রথম পবন্ধ মহিলাতে বাহির হইবার পর যিনি প্রশ্ন করিয়াছিলেন। তাঁহার উত্তর দিতে এত বিলম্ব হইল বলিয়া আশা করি তিনি মার্জনা করিবেন। যে মাসের মহিলাতে প্রশ্ন বাহির হইয়াছিল, সেই মাসের মহিলা অনবধানতাবশতঃ খুব অল্প দিন হইল আমার কাছে আসিয়াছে এবং সেই জন্তই উত্তর দিতে এত বিলম্ব হইল।

প্রশ্নকারী দুইটি বিষয় জানিতে চাহিয়াছেন। প্রথম—“বিরুদ্ধ দল ( Anti Suffragists ) নারীর অধিকার দাবীর বিরুদ্ধে কি যুক্তি দেখান,” এবং দ্বিতীয়—

“আজ পর্যন্ত Suffragistরা তাঁহাদের আন্দোলিত সংস্কারকে কতটা কার্যে পরিণত করিতে পারিয়াছেন।”

আজ আমি প্রথম প্রশ্নের উত্তর দিতে চেষ্টা করিব।

সাক্ষাজিষ্ঠদের বিরুদ্ধে যা মত, তাহা বুঝিতে হইলে বোধ হয় ইংলণ্ডের মহাসভার সাধারণের প্রতিনিধি সভার ( House of Commons ) আধুনিক বক্তৃতার, অগ্রাণু সাধারণ স্থলে পঠিত বক্তৃতার এবং সংবাদ পত্রে তাঁহাদের মতামতের কিছু কিছু উদ্ধৃত করিয়া দিলে তাহা সহজে বোধগম্য হইবে।

তাঁহাদের প্রথম যুক্তি—“স্ত্রীলোকেরা যে সমান অধিকার চান, তাঁহাদের শরীরের শক্তি কি পুরুষের সমান ? যেহেতু কি যুদ্ধ করিতে পারেন ?”

অতীত ইতিহাস আলোচনা করিলে স্ত্রীলোক বীর-যোদ্ধীর অনেক দৃষ্টান্ত পাওয়া যায়, এবং স্ত্রীলোকেরা প্রয়োজন হইলে যুদ্ধের দায়িত্বের ভাগ আহ্লাদের সহিত আলিঙ্গন করেন, ইহা কি কেহ অস্বীকার করিতে পারেন ? কামানের সাহায্যে শত্রুনিপাত করা অপেক্ষা কর্তব্যজ্ঞানে রোগ ও মৃত্যুর সঙ্গে যুদ্ধ করিতে যে শক্তি ও সাহসের দরকার, তাহা প্রদর্শন করিয়া সেবার্থিনী সৈন্যদল কি যুদ্ধ করিবার অধিকতর প্রকৃত শক্তির পরিচয় দেন না ? আবার স্ত্রীলোকেরাই দেশ রক্ষার জন্ত মাতারূপে সম্মানদিগকে কি লালন পালন করেন না ? তবে তাঁহাদের কি দুই কাজই করিতে বলা হইবে ?



এ রকম হুক ছাড়িয়া দিয়া আমরা যদি বিরুদ্ধ দপকে জিজ্ঞাসা করি যে, পুরুষেরা যুক্ত করিতে পারেন না কি এই তাঁহাদের ভোট দিবার অধিকার দেওয়া হইয়াছে? বাহারা সাংসদিক অধিকার নিবন্ধন যুক্ত করিতে অসমর্থ তাঁহাদের এই অধিকার হইতে কি বঞ্চিত করা হইয়াছে? কখনই না। সাধারণ দেশদাসী দেশ রক্ষার্থে সৈন্য ও রণতরীর জন্ত কর দিয়া কেবল মাত্র সাহায্য করিয়া থাকেন, আর এ রকম সাহায্য পত্রাক স্ত্রীলোক পত্রাক বা অপ্রত্যক্ষ ভাবে করিয়া থাকেন। এ রকম যুক্তির মজা এই যে, যেই কোন পুরুষ নৈতদন ভুক্ত হয় সে ভোট দিবার অধিকার হইতে দিচ্যুত হয়।

তর্কিকেরা কিছুকিট বিচলিত নন। কথায় কথায় তাঁহাদের প্রিয় পক্ষটি উত্থাপন করেন, "স্ত্রীলোকেরা কি সংসদ দিবার শাসনকার্য নিরীহ করিতে সক্ষম?" আনি সাহস করিয়া বলিতে পারি যে এই প্রশ্নের উত্তরও পঞ্চম যুক্তির উত্তরের মত। এই সময়ে উইটি পঞ্চম বিষয় এই যে, প্রথমতঃ সিপাহি উইদি দ্বারা নগরাদির শাসনকার্য নিরীহ করার সুব্যবস্থা হইবার পূর্বে হইতেই স্ত্রীলোকেরা অধিকার পাইবার জন্ত দাবী করিতেছেন, দ্বিতীয়তঃ নারীগণ যে পুলিশের কাজ এনে-বারে পারেন না তাহা নহে। আমেরিকা ও ইউরোপে কোথাও কোথাও মেয়েদের পুলিশের কাজে নিযুক্ত করা হইয়াছে ও তাহারা বেশ সচাকরুপে কার্য সম্পন্ন করিতেছেন।

বিরুদ্ধপক্ষের একজন Parliament এর বিখ্যাত সভ্য এইরূপে তাঁহার বক্তৃতা আরম্ভ করিয়াছেন, "স্ত্রীলোকদিগকে ভোট সম্বন্ধে স্বাধীনতা ইউরোপের কোন দেশে কোন কালে দেওয়া হয় নাই"; অত-এব রিট্রীপ রাজতন্ত্রেরও এই রকম কার্যে উৎসাহ দান করা অবিশেষ্য কার্য।

কেহ আগে করেন নাই বলিয়া করা উচিত নয়, এই মতের পরিপেষণ করিলে কি আজ আমাদের পুরুষেরা আধুনিক বৈজ্ঞানিক, শিল্প, নৈতিক, ইত্যাদি উন্নতি—যাহা এখন আমাদের গৌরবের বিষয়— তাহা লাভ করিতে সমর্থ হইতেন?

স্ত্রীলোকটি আরও বলিতেছেন যে, যে সকল মহিলার municipal (নগরের বিধিবদ্ধ কার্য সভ্য সম্বন্ধীয়) ভোট দিবার অধিকার আছে—তাঁহারা তাহা একেবারেই ব্যবহার করেন না, তবে আর কেন স্ত্রীলোকদিগকে এই অধিকার দেওয়া? উইচর পূর্বেই যিনি বক্তৃতা দিয়াছিলেন, তিনি উইচর টিক উইচর বক্তৃতা দেখাইয়া বলিয়াছিলেন যে, যদি স্ত্রীলোকদের অধিকার দেওয়া হয়, তাহা হইলে তাঁহারা সকলে একমত হইয়া পুরুষদের বিরুদ্ধে দাঁড়াইবেন ও মতদানে পুরুষদের একে-বারে পরাস্ত করিবেন; এরকম অবস্থা কল্পনা করাও ভয়ানক, সুতরাং মেয়েরা নাহাতে অধিকার না পান সে জন্ত প্রাণ-পণে চেষ্টা করা উচিত।

কিন্তু অধিকারার্থিনীগণ বলিতেছেন— যদি কয়েকজন নারী তাঁহাদের একটা অধিকার ভাল করিয়া ব্যবহার না করিয়া

থাকেন কিবা উদাসীনতা দেখাইয়া থাকেন, সেই জন্ত কি বাহারা নাগরিকের কর্তব্য পালনের জন্ত বাগ ও উৎসুক তাঁহাদের সেই অধিকার হইতে বঞ্চিত করা যায়-সম্ভব?

নারীগণ দ্বারা পুরুষদের 'একেবারে পরাস্ত' হইবার ভয় একেবারে অমূলক। তাঁহারা মনে করেন যে সমস্ত স্ত্রীলোকেরা একমত হইবেন ও সমস্ত পুরুষেরা সন্তুষ্ট হইবেন। কিন্তু একটু ভাবিয়া দেখিলেই বুঝা যায় যে, এই রকম অবস্থা কখনই সম্ভব নয়। এখন স্ত্রীলোকেরা তাঁহাদের ছায়া অধিকার পাইবার জন্ত প্রায় সকলেই একমত কিন্তু অধিকার পাইলে যে রাজনৈতিক প্রমাণ সম্বন্ধে সবাই একমত হইবেন তাহা কখনই নহে; পুরুষদের মধ্যে যেমন মতবিরোধ হয় তেমনি তাঁহাদেরও হইবে। পুরুষদের মধ্যে যেমন প্রত্যেকের একটা স্বতন্ত্র স্বাধীন মত আছে, মতের বিভিন্নতা আছে, স্ত্রীলোকদিগের ভিতরও ঠিক সেই রকমই আছে, আর এই স্বতন্ত্রতাই তো ভবিষ্যতের আশা।

একজন ভূতপূর্ন মন্ত্রী (Cabinet Minister) বলিতেছেন যে স্ত্রীলোকেরা ভোট লইতে ইচ্ছুক নহেন সুতরাং তাঁহাদের পাওয়া উচিত নয়। স্ত্রীলোকেরা চান কি না তাহা বুঝতে হইলে ব্রিটেনের এই তথ্যগুলি দেখিলেই বুঝতে পারিবেন। আমি যতদূর জানি ব্রিটেনে ৩০টি সমিতি স্ত্রীস্বাধীনতার পক্ষে ও কেবলমাত্র একটা বিরুদ্ধে আছে। গত পঞ্চাশ বৎ-

সর এত বেশী সমিতি হইয়াছে যে, তাঁহার সংখ্যা করা অসম্ভব। তবে সাফে-জিষ্ট সংখ্যা কি পরিমাণে বাড়িয়াছে তাহা মৌহুহলের বিষয়। ১৯০৭ সালের ফেব্রুয়ারী মাসে হাইড পার্ক হইতে একজটর হলে ৩০০০ স্ত্রীলোক প্রবেশন করিয়া গিয়াছিলেন। ১৯০৮ সালের জুন মাসে ১৫০০০ স্ত্রীলোক লণ্ডন সহ-রের ভিতর দিয়া গিয়াছিলেন। ১৯০৮ সালে জুলাই মাসে হাইড পার্কে ৪০টি মঞ্চ হইতে সাধারণ লোকের জন্ত বক্তৃতা দেওয়া হইয়াছিল, তাহাতে ৩৪ লক্ষ লোক বেগ দিয়াছিলেন। আবার ১৯১১ সালের জুন মাসে ৪০০০০ স্ত্রীলোক লণ্ডনের ভিতর দিয়া প্রবেশন করিয়া গিয়াছিলেন। মেয়র ভোট চান, কি চান না তাহা এই সংখ্যাগুলি দেখিলেই বুঝতে পারা যায়।

অধিকারপ্রার্থীদের কেবলমাত্র একটা মণ্ডলী নয়; The Woman's Social & Political Union এ পর্যন্ত, ১৩৭,০০০ পাউণ্ড চাঁদা সংগ্রহ করিতে সক্ষম হইয়াছে এবং এই মণ্ডলীর ১০০০ জন সভ্যকে শান্তির জন্ত অপরাধ অহুসারে এক সপ্তাহ হইতে পাঁচ বৎসর পর্যন্ত কারাগারে অব-রোধ করা হইয়াছে। গত সপ্তাহে আমার সৌভাগ্য বলিতে হইবে যে ৪০০০ কি ৫০০০ মহাজাতিকারীদের একজন হইয়া সকলে মিলিয়া ৬ জন বীরনারীকে অভ্যর্থনা করিতে অবকাশ পাইয়াছিলাম। ইহারা এডিনবরা হইতে লণ্ডন পর্যন্ত ৪০০ মাইল হাঁটিয়া আসিতেছিলেন। কেবল-

মাত্র গবর্ণমেন্টের কাছে আগত সভাতে যেন স্ত্রীলোকদের ভোট দিবার অধিকার দেওয়া হয় এই সম্বন্ধে একটি আবেদনে ঐহাদের এই কার্যে সহানুভূতি আছে তাঁহাদের স্বাক্ষর লইবার জ্ঞান ইহাদের এই পরিশ্রম। সেই সহিরা খাতা এত বড় হইয়াছিল যে, একটি প্রকাশ্য শকটে রাখিয়া তাহা টানিয়া লইয়া যাওয়া হইয়াছিল।

স্ত্রীলোকদের এই রকম দৃঢ় প্রতিজ্ঞা ও এই রকম স্বার্থত্যাগ চক্ষে দেখিয়াও যে পুরুষেরা কি করিয়া বলেন যে স্ত্রীলোকেরা ভোট চান না তাহা বুঝিয়া উঠা কঠিন।

বিরুদ্ধ দলেরা কেহ কেহ এই ভয় পান যে মেয়েদের এই অধিকার দেওয়া হইলে রাজনৈতিক মতের ভিন্নতা প্রযুক্ত গৃহে গৃহে অশান্তি হইবে। কিন্তু অশান্তির ভয় কি কেবল মেয়েদের ভোট দিলেই হইবে? তর্কিকেরা সংসারে ধর্মবিষয়ে, শিল্পবিষয়ে, আচার ব্যবহার, খাদ্য, পোষাক, পরিচ্ছদ ইত্যাদির অনৈক্যে শান্তিভঙ্গের ভয় করিলেন না, করিবার কারণ দেখিলেন না, দেখিলেন কেবল, বুঝিলেন কেবল, বুঝাইলেন সগাইকে, যে যদি শান্তি রাখিতে চাও মেয়েদের ভোট দিবার অধিকার দিও না।

মতের অনৈক্য হইলেই কি হিংস্রক ও কলহপিয় হইতে হয়? মতের ভিন্নতা কি বিশ্বস্রষ্টার প্রদত্ত নূতন প্রাণ, নূতন সজীবতার, নূতন নূতন সৌন্দর্য্য প্রকাশ করে না? বিরুদ্ধবাদিগণ নিজের জোরে বলিতে-

ছেন যে অমুক লোকেরা এ সম্বন্ধে কিছুই বুঝেন না জানেন না স্ত্রীরাও তাঁহাদের কথা বলিয়া দরকার নাই, বলিলেই মতে মিলবে না, অশান্তি হইবে। বলি, শান্তির ভিত্তিরা, আমাদের মুখ বন্ধ করিয়া কি তোমরা শান্তি স্থাপনের চেষ্টা করিতেছ? চেষ্টা বিফল হইবে। শান্তি সম্ভাব কোথায়? যেখানে সকলের সঙ্গে খুব গভীর খুব উচ্চ সহানুভূতি আছে যেখানে স্বাধীন মতের ভিতর সমন্বয় দেখিবার সহানুভূতি আছে, সেখানে শান্তি সম্ভব।

কৌতূহলের বিষয় এই যে, যে মহিলাটি বলিতেছেন যে মেয়েরা রাজনৈতিক বিষয় কিছু জানেন না কিছু বুঝেন না তিনি নিজেই স্বপক্ষীয় কোন সংবাদ পত্রে “ইংরাজ শাসনে লর্ডসভার (House of Lords) মূল্য ও উপকারিতা” বিষয়ে প্রবন্ধ লিখিতে সাহস করিতেছেন। তাঁহার পুত্র যাহাতে ভবিষ্যতে Parliament এর সভ্য হইতে পারেন তাহার সমর্থন করিবার জ্ঞান যে সব সভ্যসমিতি হইয়াছে তাহাতে তিনি নিজের পুত্রের পক্ষ সমর্থন করিয়া সাধারণ সভাতে অনেক বক্তৃতা দিয়াছেন ও সাধারণের সম্মুখে পুত্রের নিকট হইতে তাহাকে পার্লামেন্টের সভ্য করিয়া দিতে সমর্থ হইয়াছেন বলিয়া ধন্যবাদ পাইয়াছেন!

আমার মনে হয় যে পার্লামেন্টে এমন একটি সভ্য নাই যিনি সভ্য হইবার জ্ঞান, স্ত্রী, কিসা কত্যা, কিসা ভগ্নী, কিসা কোন মহিলা বন্ধুর কাছে সাহায্য না লইয়াছেন; সাহায্যকারী মহিলা সভাতে পক্ষ

সমর্থন করিয়া বলিয়াছেন কিসা বাড়ী বাড়ী গিয়া ভোট সংগ্রহার্থ চেষ্টা করিয়াছেন। তবুও এই ভুলোকেরাই বার বার বলিতে ভুলেন না যে, “মেয়েরা রাজনৈতিক বিষয় আবার কি জানেন!”

ক্রমশঃ।

### বিবিধ প্রসঙ্গ।

ভিক্টোরিয়া মহিলাবিদ্যালয়।—বড় দিনের ছুটির পর ভিক্টোরিয়া মহিলা বিদ্যালয়ের কার্য আবার নিয়মিত রূপে আরম্ভ হইয়াছে। সকলে শুনিয়া মুখী হইবেন যে ছুটির পূর্বে School Inspector শ্রীযুক্ত মণীন্দ্রমোহন বসু ও সম্পতি শ্রীযুক্ত সর্ব আশুতোষ মুখোপাধ্যায় ও মহামাণ্ড কাশীম বাজারের মহারাজা বাহাদুর স্কুল দেখিতে আসিয়াছিলেন। তাঁহারা স্কুলের বন্দোবস্ত দেখিয়া অত্যন্ত আশ্লাদ প্রকাশ করিয়াছেন। মেয়েদের Cooking Class and Music Class দেখিয়া তাঁহারা বিশেষ সন্তুষ্ট হইয়াছেন। মহামাণ্ড মহারাজা যাইবার সময় বলিয়া গেলেন যে “তোমরা খুব লেখাপড়া শিখিবে; আগে এদেশে যে সব মেয়ে ছিলেন যেমন লীলাবতী, খনা প্রভৃতি তাঁহাদের মত হইবে।” ইহাদের আগমন উপলক্ষে স্কুল তিন দিন বন্ধ ছিল।

এখন স্কুলে একশত একচল্লিশটি শিশু ছাত্র ও ছাত্রী হইবে এবং এ মাসের মধ্যেই দেড় শতের অধিক ছাত্র ছাত্রী হইবে এমন আশা করা হইতেছে। এ বৎসর স্কুল

হইতে দুইটি ছাত্রী Matriculation পরীক্ষা দিবেন। শনিবারে মহিলাদিগের জ্ঞান বক্তৃতা প্রদানের কার্য আবার আরম্ভ হইয়াছে। প্রথম শনিবারে পারশু দেশ হইতে আগত মেঃ সিরাজী বি, এ, “পারশু ও পারশু-মহিলা” সম্বন্ধে বক্তৃতা দিয়াছিলেন। বোর্ডিং এর ছাত্রী সংখ্যা এখনও খুব কম, নূতন বৎসরে ছাত্রীর সংখ্যা বেশী হইবে এমন আশা করা হইতেছে।

মহিলার পাঠিকাগণ বোধ হয় ফাদার ডামিয়ানের কথা শুনিয়াছেন ইনি ৩০ বৎসর পূর্বে হনলুই উপনিবেশে কুষ্ঠরোগী দর উপনিবেশে গমন করিয়া নিজে তাহাদের সেবা শুশ্রূষার ভার লইয়াছিলেন। কয়েক বৎসর পর তিনি নিজেও উক্ত দুরারোগ্য রোগে আক্রান্ত হইলে তাহাদিগের সঙ্গে বাস করিয়া আশা ও বিশ্বাসের বার্তা এবং অত্মীয় ও মরত্ব, পরলোকতত্ত্ব ও ঈশ্বরপ্রেম প্রচার করিয়া অমরধামে চলিয়া যান। ঈশ্বরের পেম যুগে যুগে মানবজাতির কল্যাণের নিমিত্ত প্রকাশিত হয়।

আমরা অতঃ দ্বিতীয় ফাদার ডামিয়ান ডাক্তার সার জর্জ টারনারের সম্বন্ধে কিছু বলিতেছি;—ইনি দক্ষিণ আফ্রিকার ট্রান্সভাল দেশে আপন গভীর গবেষণা দ্বারা টাইফয়েড প্রভৃতি দুরারোগ্য রোগের সংক্রামকতা হ্রাস করিবার অনেক উপায় আবিষ্কার করিয়া প্রভূত উপকার সাধন করিয়াছেন। উক্তস্থানে তিনি কুষ্ঠরোগী

দিগের জন্তও একটী সত্বর উপনিবেশ স্থাপন করিয়াছেন। অক্রান্ত সেবা ও পরি-শ্রমের ফলে তিনি কুঠেরোগক্রান্ত হইয়া গত ২ বৎসর হইতে ডিভনসায়রে এখানে দিনাতিপাত করিতেছেন। সম্রাট পঞ্চম জর্জ ইহা অবগত হইয়া নিজেই নববর্ষের দিনে তাঁহাকে Knight উপাধিতে ভূষিত ও তাঁহার পেনসন্ বৃদ্ধির ব্যবস্থা করিয়াছেন। এক্ষণে কুঠরোগে তিনি বামহস্ত হারাইয়াছেন।


বডলাট লর্ড হার্ডিং দিল্লীতে নিদারুণ আঘাত প্রাপ্ত হওয়ায় তাঁর পত্নী লেডি হার্ডিং এর সহিত সহানুভূতি প্রকাশ করিবার জন্ত ও তাঁহাদিগের জীবন রক্ষার জন্ত আনন্দ প্রকাশ করিতে মাদ্রাজ গবর্ণর পত্নী লেডি পেট্রিয়াণ্ড ভারতীয় নারীজাতিকে আহ্বান করিয়াছেন। তাঁর ভাবের অনুবরণ করিয়া আমাদের গবর্ণর পত্নী লেডি কারমাইকেলও নারীদিগকে আহ্বান করিয়াছেন। ভারতীয় নারীদিগের স্বাক্ষরযুক্ত যে পত্র প্রদত্ত হইবে তাহাতে রাজভক্ত বঙ্গমহিলার যে সম্পূর্ণ মত আছে তাহা অবশ্য বলিবার অপেক্ষা রাখেনা। মহিলার পাঠিকাগণ এই কার্যে অবগুই যোগদান করিবেন।

নূতন ধুমকেতু।—হারভার্ড কলেজের মানমন্দিরে গত ৮ই সেপ্টেম্বর অধ্যাপক গেল এবং সিডনে একটা নূতন ধুমকেতু দর্শন করিয়াছেন।

চলিফু চিত্রাবলী ও বাস্তব কথন।—অনেকেই বায়স্কোপ দেখিয়াছেন। বায়-

স্কোপের চিত্রসমূহ কেন ওরূপ ভাবে জীবন্ত বা চলিফু মনে হয় তাহার কারণ সমসাময়িক আলোচিত হইবে। কালকাতার পাসিক বায়স্কোপ কোম্পানী সময়ে সময়ে চলিফু চিত্রের সহিত গ্রামোফনের গান এইরূপ ভাবে সংযোজিত করেন, তাহাতে মনে হয় যেন চিত্রই বাস্তবক গান করিতেছে। ১৯০৫ খ্রীষ্টাব্দে ডাক্তার কিট্‌স এই পস্থা উদ্ভাবন করেন। সম্প্রতি তিনি গানের পরিবর্তে গ্রামোফনের রেকর্ডে চিত্র সমূহের কথাবার্তা উস্থিত করিয়া লইয়া এইরূপ ভাবে চিত্র প্রদর্শন করিয়াছেন যে হঠাৎ মনে হয় যেন চিত্র সমূহ কথা-বার্তা কহিতেছে। ইহা এখনও আমাদের দেশে আনদানী হয় নাই।

রমণী ও জারমান বিশ্ববিদ্যালয়।—জারমান বিশ্ববিদ্যালয়ে রমণী ছাত্রীর সংখ্যা দিন দিন বৃদ্ধি পাইতেছে। সম্প্রতি ২,৯৫৮ জন ছাত্রী বিশ্ববিদ্যালয়ের তালিকাভুক্ত হইয়াছে। ইহাদের মধ্যে প্রায়মান বিশ্ববিদ্যালয়ে ১,০৬২, তিনটি বাভেরিয়ান বিশ্ববিদ্যালয়ে মোট ২৭৯, দুইটি বাডেন বিশ্ববিদ্যালয়ে মোট ৪১৭ এবং অবশিষ্ট ৩০০ সমগ্র জারমান দেশে ছড়াইয়া রহিয়াছে। ইহাদের মধ্যে ২,৫০০০ রমণী বিশ্বদ্র জারমান বংশ সন্তৃত। ২,৯৫৮ জন ছাত্রীর মধ্যে ১,৬৩০ জন সাহিত্য এবং ইতিহাস, ৫৩০ গণিত এবং প্রকৃতি বিজ্ঞান, ৬৫ জন চিকিৎসা বিজ্ঞান, ৭৪ জন রাজনীতি এবং কৃষি বিজ্ঞান, ৩৯ জন আইন বিদ্যা, ২৮ জন দস্ত বিজ্ঞান, ৭ জন ঔষধ প্রস্তুত প্রণালী এবং ১১ জন ধর্ম নীতি বিজ্ঞান অধ্যয়ন করিতেছেন।



## মাসিক পত্রিকা।

“যত্র নার্যন্তু দুঃখন্তে বমন্তে তত্র ইবতাঃ”

১-শ ভাগ ] ম. ব. ১৩-৯। ফেব্রুয়ারী, ১৯১৩। [ ১-ম সংখ্যা।

### প্রার্থনা।

হে পূর্ণ, হে মঙ্গলময়, দেখ, নরনারী সকলেই আপন আপন অভাব অপূর্ণতার জন্ত চীৎকার করিতেছেন। যাহার যাহা আছে তাহা তুমি দিয়াছ; কোথায় সে জন্ত তোমার নিকট কৃতজ্ঞ হইয়া, তোমার প্রেম স্বীকার করিয়া, তোমার চির পূর্ণপ্রেমে ডুবিবে তাহা না করিয়া প্রত্যেকে সংসারেই সকল প্রকারের ধন, সুখ, ও পূর্ণতা অন্বেষণ করিতেছেন। তুমি আপনার পূর্ণ মঙ্গল বিধানে এখানে কাহাকেও পূর্ণতা বিধান করিবে না। ইহা আমরা বুঝিয়াও বুঝি না; ধন, জন, স্বাস্থ্য, সম্ভোগ এই সকলকেই একমাত্র প্রার্থনীয় বস্তু মনে করিয়া চিরদিন তাহাদেরই অন্বেষণে দিন কাটাই। তুমি অনন্ত সুখধাম, তুমি তোমার সকল দান হইতে উচ্চ ও শ্রেষ্ঠ, একথা মুখে বলি অথচ অন্তরে তোমাতে চাই না, সংসার চাই। তাই তব পাদপদ্মে প্রার্থনা

করি, তোমার কঠাগণকে বলিয়া দেও যে, তুমি এখানে ঘাঁহাকে যাহা দিয়াছ যেন তাহা অপেক্ষা অধিক বৃথা প্রার্থনা না করেন এবং যত কিছু অভাব, অসুখ, কষ্ট, দুঃখ, তাহা দূর করিতে যেন অধিক হইতে অধিকতররূপে তোমাকে অন্বেষণ করেন। হে প্রেমময়, তুমি তোমার কঠাগণকে অত্যন্ত ভালবাস বলিয়াই তাঁহাদিগকে অনেক বিষয়ে অভাবগ্রস্ত করিয়াছ, যে সে অভাব পূরণ করিতে তাঁহারা তোমার নিকট উপস্থিত হইবেন এবং তোমার পরিচয় পাইয়া ইহপরকালের সকল অভাব সকল ক্ষতিপূরণস্বরূপ তোমাকে লাভ করিয়া কৃতকৃতার্থ হইবেন। তবে হে পূর্ণমঙ্গলময়, আশীর্বাদ কর যে, তোমার কঠাগণ যেন তোমার অভিপ্রায় বৃদ্ধিতে পারিয়া, তোমার বিধান পালন করিয়া সকল দুঃখ অভাব হইতে উদ্ধার পাইতে পারেন। তব পাদপদ্মে এই প্রার্থনা করিয়া বারবার প্রণাম করি।

## টাইটানিক—কাহিনী।

বিগত ইংরাজী মে মাসে আটলান্টিক মহাসাগরের বক্ষে যে ভয়ানক দুর্ঘটনা হইয়া গিয়াছে, তাহা অবশ্যই এখনও জনসাধারণের চিত্তে জাগরুক রহিয়াছে। বিশাল “টাইটানিক” অর্ধবপোতের ভয়ভাবনাশূন্য যাত্রিগণের মধ্যে প্রায় দেড় সহস্র যাত্রী কি প্রকারে ন্যূনাধিক দুই ঘণ্টাকালের মধ্যে সাগরবক্ষে প্রাণ হারাইল, তাহা সে সময়ে সকলেই সংবাদপত্রে পাঠ করিয়াছেন। কিছুদিন হইল মিস্টার লরেন্স বীজলি নামক টাইটানিকের একজন যাত্রী ঐ দুর্ঘটনার সম্পূর্ণ বিবরণ পুস্তকাকারে বিবৃত করিয়াছেন। ইহা পাঠে এই ভয়ঙ্কর ঘটনার ভয়ঙ্কর রূপ দেখিয়া স্তম্ভিত হইতে হয়।

১০ই মে, বুধবার, টাইটানিক ইংলণ্ড হইতে আমেরিকা যাত্রা করে; ইহাই তাহার প্রথম আটলান্টিক সাগর মন্থন এবং ইহাই তাহার শেষ হইল। আধুনিক সভ্য জগতের বিলাসকাননরূপে এই অর্ধবপোত খানি নির্মাণ করা হইয়াছিল। এত বৃহৎ তরী আর প্রস্তুত হয় নাই এবং এত সুখ সচ্ছন্দ্যর বস্তুও পূর্বে কোনও তরীতে একত্রিত করা হয় নাই। যাত্রিগণ টাইটানিককে আমোদভূমির ত্রায় মনে করিয়া নিশ্চিতমনে ও নিরুদ্বেগচিত্তে নান্নি নিরীহ আমোদে সময় যাপন করিতেছিলেন। এই ভাবে রবিবার সন্ধ্যাপর্যন্ত নিরাপদে কাটিয়াছিল।

রবিবার সন্ধ্যার সময়ে সন্ধ্যাক্ষয়

কটা জাহাজ হইতে তারহীন বার্তাপত্র জানিতে পারা যায় যে, টাইটানিকের সম্মুখে ভাসমান বরফ দেখা দিয়াছে। এই সংবাদ পাইয়া টাইটানিকের নায়ক কাপ্তেন স্মিথ সকল কর্মচারীকে তুষারগিরি লক্ষ্য করিবার জন্ত সতর্ক করিয়া দেন। অনেকক্ষণ পর্যন্ত কোনও বরফ দেখা যায় নাই, কিন্তু রাত্রি প্রায় ১১টা ৪৫ মিনিটের সময়ে হঠাৎ সম্মুখে একটি তুষারগিরি লক্ষিত হইল। লক্ষিত হইবামাত্র টেলিফোনে সেই সংবাদ কাপ্তেনকে জ্ঞাত করা হইল এবং সেই মুহূর্তেই টাইটানিকের গতি একেবারে ফিরাইয়া লওয়া হইল। কিন্তু ইহাতে কোনও ফল হইল না; বিশালাকার পোতখানির গতির বেগ রোধ করিতে না পারিয়া মহাবেগে বরফ পর্বতের গায়ে আসিয়া পড়িল এবং বৃহৎ তরীখানির তলদেশের একপার্শ্ব একেবারে চূর্ণবিচূর্ণ হইল। আশ্চর্যের কথা এই যে, যদিও এই সংঘর্ষণ এত প্রচণ্ড হইয়াছিল, তথাপি আরোহিগণের মধ্যে কেহই চীহা বিশেষভাবে অনুভব করিতে পারেন নাই। মিস্টার বীজলি বলেন যে, ঐ সময়ে তিনি তাঁহার শয্যা পুস্তক পাঠ করিতেছিলেন, কিন্তু তিনিও বিশেষ কিছুই অনুভব করিতে পারেন নাই, এমন কি কোনও শব্দ পর্যন্ত তাঁহার কর্ণপোচর হয় নাই।

যাহা হউক সংঘর্ষণ হইবামাত্র জাহাজের গতিরোধ করা হইল এবং সংবাদ লইয়া কাপ্তেন জানিতে পারিলেন যে, ঐ আঘাতে টাইটানিকের তলদেশ এমনভাবে চূর্ণ হইয়াছে যে, তাহার আর রক্ষা নাই।

তৎক্ষণাৎ তিনি লাইফবোট প্রস্তুত করিবার জন্ত এবং চতুর্দিকে তারহীনবার্তায় টাইটানিকের বিপদের সংবাদ প্রেরণ করিতে আদেশ দিলেন।

ইতিমধ্যেই কয়েকজন আরোহী কারণ জানিবার জন্ত ডেকে উপস্থিত হইলেও সকলেরই মন উদ্বেগশূন্য ছিল এবং কেহ বিপদের আশঙ্কা প্রকাশ করিলেই অল্প কয়েকজনে বিপদের হাসি হাসিতেছিলেন। কারণ কেহই কল্পনা করিতে পারে নাই যে, টাইটানিকের ত্রায় জাহাজের কোনও বিপদ ঘটতে পারে। কিছু কাল ডেকের উপরে থাকিয়া আরোহিগণ স্বস্থ স্থানে চলিয়া গেলেন; কিন্তু তাহার কিছু পরেই কাপ্তেন স্মিথ সকল আরোহীকে লইয়া বেঁট সহ ডেকের উপরে আসিতে আদেশ করিলেন।

এই আদেশ শ্রবণ করিয়াও কাহারও মুখে কোনও আশঙ্কার চিহ্ন প্রকাশ পাইল না। সকলে লাইফ বেঁট লইয়া উপরে আসিয়া উপস্থিত হইলেন বটে, কিন্তু কাহারও কোনও ব্যস্ততা ছিল না, কোনও চীংকার বা কারণ জিজ্ঞাসা কিছুই লক্ষিত হয় নাই। সকলে যখন নীরবে ডেকের উপর সমবেত ভাবে দণ্ডায়মান, তখন নাবিকেরা লাইফবোটগুলি প্রস্তুত করিতেছিল। কিন্তু সমস্ত প্রকৃতি এরূপ শান্ত, সমস্ত আকাশ এমন নির্গল এবং সুন্দর দেখাইতেছিল, নক্ষত্রগুলি এমন স্থিরভাবে জ্বলিতেছিল যে, সমূহ বিপদের কথা কাহারও মনে স্থান পায় নাই।

ক্রমে লাইফবোটগুলি প্রস্তুত হইলে

পর আত্মা হইল যে, কেবল স্ত্রীলোক এবং শিশুগণকে প্রথমে লাইফবোটে লওয়া হইবে। এই সময়ের দৃশ্য হৃদয়ঙ্গম করা কষ্টকর, কিন্তু সে সময়ে কেহই সেরূপ কষ্টবোধ করিয়াছিলেন, তাহা মনে হয় নাই। কেহ কেহ তাঁহাদের স্বামিগণকে ছাড়িয়া যাইতে অত্যন্ত অনিচ্ছুক ছিলেন, স্ত্রীরাও তাঁহাদের বলপূর্বক নৌকায় বসাইয়া দেওয়া হইল। এই ভাবে লাইফবোটগুলি একে একে পূর্ণ করা হইল। এপর্যন্তও কাহারও মনে ভেগন ভীতির সঞ্চার হয় নাই, কিন্তু হঠাৎ টাইটানিকের ডেক হইতে হাউই মহাশব্দে আকাশে উঠিয়া অন্ধকাররাশি আলোকিত করিয়া বহু উচ্চ শব্দে বিপদবার্তা চতুর্দিকে জ্ঞাপন করিল। তখন আর কাহারও বুঝিতে বাকি রহিল না যে, টাইটানিকের বিপদ সামান্য নহে। ক্রমে ক্রমে তিনটি হাউই আকাশে উঠিয়া যাত্রিগণের উদ্ধারের জন্ত সাহায্যপ্রার্থনা করিল। সেই অন্ধকারের মধ্যে, প্রকৃতির শাস্ত, নীরবতার মধ্যে এই আলোকশিখায় যাত্রিগণ কি বিভীষিকা দেখিয়াছিলেন, তাহা সহজেই হৃদয়ঙ্গম করা যায়। যাহা হউক ইতিমধ্যে লাইফবোটগুলি যাত্রিগণকে লইয়া একে একে সমুদ্রবক্ষে ভাসিতে আরম্ভ করিল। বিপদের গুরুত্ব না বুঝিতে পারায় অনেকেই নৌকায় উঠিতে সম্মত হন নাই, সেই জন্ত যেসকল নৌকা সর্বপ্রথমে ভাসান হইয়াছিল তাহা পূর্ণ হয় নাই।

লাইফবোটগুলি একে একে টাইটানিক হইতে দূরে সরিতে আরম্ভ করিল,

কিন্তু নৌকারোহিগণ কি অদ্ভুত দৃশ্য দেখিলেন। সমস্ত আকাশ পূর্ণ করিয়া নক্ষত্রতারকাচয় সমুদ্রস্থিত এই তরীর অসহায় অবস্থা মহাশূন্যের বক্ষে দূরতম তারকামণ্ডলে স্বেষণ করিবার জগ্ন যেন অধিকতর তেজে জ্বলিতেছিল; পবনদেব নিশ্চল যেন নিশ্বাসরেখ করিয়া উৎকণ্ঠিত-চিত্তে তিনি রত্নগর্ভার এই বিকটলীলা দেখিতেছিলেন; আর সমুদ্রবক্ষে তরঙ্গমালা হিল্লোলশূন্য, মে হিল্লোল এত মূর্খে বিশালকায়্য তরীখানি তাহার স্পর্শ অশুভব পর্য্যন্ত করে নাহি। এই সুন্দর অপরূপ দৃশ্যের মধ্যে আকাশগাত্রে টাইটানিকের বিরাটবীর আকৃতি; তাহার পার্শ্বদেশ আলোকমালায় সজ্জিত, যেন তখনও তাহার অবয়ব কিছুমাত্র বিকল হয় নাহি। কিন্তু সহজেই ইহা বৃথা যাইতেছিল যে, তাহার সমুখদেশ সাগরবক্ষে অন্তর্হিত হইতেছে। ক্রমে যতই টাইটানিকের সমুখদেশ ডুবিতেছিল ততই তাহার পশ্চাত্তাগ সাগরবক্ষে হইতে উঠিতেছিল।

কিন্তু এ অবস্থাসম্মেও কর্মচারিগণ স্থিরভাবে শেষ নৌকাখানিতে পর্য্যন্ত আরোহীদিগকে সাবধানে উঠাইয়া দিয়াছিলেন। টাইটানিক অদৃশ্য হইবার অল্প পূর্বেই শেষ নৌকাখানি ভাসমান হয়। যাহা হউক ইতিমধ্যে তাবহীনবাত্তা অবিভ্রান্ত ভাবে চতুর্দিকে প্রেরণ করা হইতেছিল, কিন্তু যদিও ছয় সাতটা জাহাজের সংবাদ পাওয়া গিয়াছিল, সে সকল গুলিই বহুদূরে থাকিতে তাহাদের সাহায্য লাভ

করা একরূপ অসম্ভব ছিল। সর্দাপেক্ষা নিকটবর্তী ৬০ মাইল দূরস্থিত “কার্পেথিয়া” জাহাজ সংবাদ পাওয়া মাত্র উদ্ধারকল্পে প্রাণপণ বেগে অগ্রসর হইতে লাগিল। অত্র একটা জাহাজ টাইটানিকের এত নিকটে ছিল যে, তাহার আলোক দেখা গিয়াছিল; কিন্তু দুর্ভাগ্যবশতঃ তাহার মনে যোগ কোনও মতেই আকাঙ্ক্ষা যায় নাহি।

শেষ নৌকাখানি যখন ভাসমান হইয়া গেল তখন আর কিছুই করিবার রহিল না। কর্মচারী এবং আরোহিগণ স্থিরভাবে মৃত্যুর অপেক্ষা করিতে রহিলেন। আটলাণ্টিকবক্ষে সে রাত্রিতে বীরোচিত কার্য অনেক হইয়াছিল বটে, কিন্তু জাহাজের বাদকদিগের দল যে সাইস দেখাইয়া ছিল, তাহা আর কেহ দেখায় নাহি। রাত্রি একটার কিছু পূর্বে বাদকগণ স্ব স্ব যন্ত্র লইয়া ডেকার উপর উপস্থিত হন এবং যেমন তিলে তিলে টাইটানিক উদ্গিমানার মধ্যে অদৃশ্য হইতেছিল, ঐ সম্মে যন্ত্রিগণও নিভাক ও অবিচলিতচিত্তে সঙ্গীতের সুরে সকলের প্রাণ উৎসাহিত এবং শীতল করিতেছিলেন। এই বীরজনোচিত কার্য সম্যক ধারণা করিতে আমাদের হৃদয় স্তম্ভিত হয়। তখন প্রায় রাত্রি দুইটা। জাহাজের সমুখভাগ প্রায় সমস্তই নিমগ্ন হইয়াছে। অথচ সকলে নিস্তব্ধ, অবিচলিতভাবে দণ্ডায়মান, সকলেই মৃত্যুর জগ্ন প্রস্তুত। যন্ত্রিগণ মূর্খমুখে পতিত আরোহিগণের প্রাণে সান্ত্বনা এবং আশার বাণী শুনাইতে তখনও নিস্তব্ধ। যাহাতে শেষ

মুহূর্ত্ত পর্য্যন্ত ডেক তাড়িতালোকে আলোকিত হইতে পারে তাহার জগ্ন ইঞ্জিনীয়ারগণ তখনও যন্ত্রক্ষে তড়িৎযন্ত্রের নিকট স্থিরভাবে দণ্ডায়মান! এই ভাবে কিছুকাল থাকিবার পর টাইটানিক ধীরে ধীরে স্রী দেহ আলোড়িত করিয়া উদ্ধাধো ভাবে দণ্ডায়মান হইল এবং ঐ সম্মে জাহাজের বিদ্যুতালোক নির্বাণিত হইল। নির্বাণিত হইবামাত্র দর্শাদিক পূর্ণ করিয়া এক মহাশব্দ উথিত হইল; মিঃ বিজলী বলেন যে, বোধ হয় জাহাজের যন্ত্রাদি সমস্ত স্থানচ্যুত হইয়া জাহাজের একটা অংশ লইয়া সশব্দে সমুদ্রগর্ভে নিমগ্ন হইল। এই মহাশব্দ আকাশে মিল'ইয়া যাইবার পর কয়েক মিনিট পর্য্যন্ত জাহাজখানি এক বিগল স্তম্ভের স্থায় স্থির ছিল। কিন্তু কিছু পরেই এক পায়ে সামান্য মাত্র নত হইয়া মানববুদ্ধির চরমসীমার নিদর্শন টাইটানিক চিরকালের জগ্ন সাগরগর্ভে অন্তর্হিত হইল। আটলাণ্টিক তাহার বিকটগ্রাসে টাইটানিককে গ্রহণ করিল বটে, কিন্তু তাহাতে সমুদ্রবক্ষের কোনও বিক্ষোভ হইল না, অতলস্পর্শ সমুদ্র পূর্কেরই স্থায় স্থির, শান্তবক্ষ হইয়া রহিল। কিন্তু সমুদ্রবক্ষ স্থির থাকিলেও এই ব্যাপারের সম্মে হৃদয়বিদারক এক গগনভেদী হাহাকার শুনা গেল। শত শত যাত্রী সাগরমধ্যে নিক্ষিপ্ত হইয়া প্রাণরক্ষার নানা চেষ্টার মধ্যে গভীর ক্রন্দনে আকাশ পূর্ণ করিলেন। কিন্তু মায়ামমতাসূত্র প্রকৃতিদেবী পূর্কেরই স্থায় স্থির, নিঃশব্দ। এ ক্রন্দন দর্শাদিক ব্যাপ্ত করিয়া উঠিতে

লাগিল এবং লাইফবোটস্থিত আরোহীদিগের শ্রবণগোচর হইল, কিন্তু উদ্ধার করিতে যাওয়া বৃথা জানে; কেহ সাহস করিয়া অগ্রসর হইতে পারিলেন না। ক্রমে ক্রমে হাহাকারধ্বনি ক্ষীণতর হইয়া প্রায় অন্ধবর্তার পরে একেবারে মিশাইয়া গেল, সমুদ্রের নিঃশব্দলীলা শেষ হইল।

আর অধিক কিছু বলিবার নাহি। সমুদ্রবক্ষে বিক্ষিপ্ত যাত্রিগণের মধ্যে অতি অল্পসংখ্যকই উদ্ধারলাভ করিয়াছেন। একটা অর্ধনিমগ্ন নৌকার পৃষ্ঠে দণ্ডায়মান হইয়া প্রায় ১০জন যাত্রী প্রাণরক্ষা করিয়াছিলেন। সমস্ত রাত ঐভাবে যাপন করিয়া প্রাতে তাহারা একটা লাইফবোটস্থান পান। লাইফবোটগুলিও সমস্ত রাত্রি দিক্শূন্য হইয়া বিচরণ করিয়া প্রাতে “কার্পেথিয়া” জাহাজ দেখিতে পায় এবং একে একে কার্পেথিয়ার নিকটে আসিয়া উপস্থিত হয়। এই ভাবে পুনর্জীবন লাভ করিয়া সকলে এই জাহাজে আশ্রয় লাভ করেন।

### নববিধান কি ?

‘নববিধান’ শব্দের অর্থ ও মূলতত্ত্ব সকলের বিশেষতঃ ‘নববিধান’-বিশ্বাসীর জ্ঞাত হওয়া নিতান্ত প্রয়োজন।

ব্রাহ্মসমাজের মহিলাদিগের মধ্যে অনেকেই হয়ত ইহার অর্থ জানেন না এবং জানিবার আবশ্যকতাও মনে করেন না; কিন্তু তাহারা যে ধর্ম গ্রহণ করিয়াছেন, যাহার আশ্রয়ে থাকিয়া কত উন্নতি লাভ

করিতেছেন, সেই ধর্ম কি এবং তাহার বিশেষত্ব কি তাহা কি বুঝিবার ও ভাবিবার বিষয় নহে? সহজ ভাবে ইহা আমরা সকলেই জানি যে ব্রাহ্মধর্ম উদার ধর্ম, এক ঈশ্বরই আমাদের পূজনীয় পিতা এবং সমগ্র মানব জাতি আমাদের ভ্রাতা ও ভগ্নী; কিন্তু এই উদার ধর্ম কি পরিমাণে আমাদের নিকট উদার, তাহাই আলোচনার বিষয়। আমরা এক ঈশ্বর পূজা করিয়া যে টুকু আলোক পাইয়াছি, তাহা দ্বারা ইহাই বুঝিতে শিখিয়াছি যে, মূলতঃ সকল মানবজাতির ধর্মই এক, কেবল ধর্ম বিশেষের বিশেষত্ব আছে মাত্র; সেই ভাবে ব্রাহ্মধর্মে নববিধানের যাহা বিশেষত্ব আছে তাহা অতি নিগূঢ় বিষয় হইলেও আমরা আপাততঃ ইহাকে অতি সহজে ও সংক্ষেপে বুঝিবার চেষ্টা করিব।

আজ প্রায় ত্রিশবৎসর এই নতন ভাব ব্রাহ্মধর্মে প্রবেশ লাভ করিয়াছে, কিন্তু ইহার গভীর অর্থ বুঝিবার অভাবে ইহার প্রসার উত্তম রূপে হইতে পারে নাই। আমরা আশা করি, ইহা ক্রমশঃ সরল হইয়া আমাদের নিকট প্রকাশিত হইতে থাকিবে যাহাতে সমগ্র হৃদয়ের সহিত আমরা ইহাকে গ্রহণ করিতে পারি।

প্রথমতঃ আমরা বিধান শব্দ বুঝিবার চেষ্টা করিব; বিধানের স্থূল অর্থ ব্যবস্থা, কিন্তু ধর্মের ব্যবহার অর্থ কি? যুগে যুগে কত ধর্মের বিধান কিংবা ব্যবস্থা এই ভারতবর্ষে হইয়াছে; ইহা কি তাহা হইলে এসিয়া বা ভারতবাসীরা পরামর্গ ও সঙ্কল্প করিয়া বিধান করিয়াছে? এক এক দেশে

এক এক মহাপুরুষের অভ্যুত্থান এবং এক ঈশ্বরের পূজা প্রচলন কি পঃমণ্ডলের প্রেরণীয় হয় নাই? ইহাকে ঈশ্বরের বিধান না বলিয়া কেবল মনুষ্যের বুদ্ধি ও জ্ঞানের উৎকর্ষের ফল কেমন করিয়া বলিব? আমরা আমাদের জীবনের ঘটনা সমূহ ও অবস্থায় পরিবর্তনকে যদি বিধাতার বিধান বলিয়া গ্রহণ করি, তাহা হইলে যুগে যুগে যে সকল ধর্মের প্রকাশ হইতেছে তাহা আমাদের আধ্যাত্মিক উন্নতির জন্ত বিধাতার বিশেষ ধর্মবিধান বলিয়া স্বীকার করিব না কেন? প্রথমতঃ পরমেশ্বর যে তাহার ধর্মবিধান প্রেরণ করেন, তাহাতে আর সন্দেহ কি? তাহার ধর্মবিধান ভক্তি ও বিশ্বাসের সহিত গ্রহণ করিয়া এবং তাহা দ্বারা জীবনের উন্নতি সাধন করাই আমাদের কর্তব্য।

ব্রাহ্মধর্ম যে আমাদের উদ্ধার করিবার জন্ত আসিয়াছেন, ইহা কি আমরা অস্বীকার করিতে পারি? যদি না পারি, তবে ইহাকেই যেন ভগবানের বিশেষ বিধান বলিয়া গ্রহণ করি।

একণে ইহাই বিচার্য যে, এই ধর্মবিধানের নতনত্ব কোথায় এবং এই বিধানকে "নব" বলিব কেন?

যখন যে ধর্মের বিকাশ হয়, সাধারণ ভাবে তাহাই নতন, কিন্তু ব্রাহ্মধর্মবিধানের নতনত্ব এই যে, ইহা সকল ধর্মকেই সত্য বলিয়া গ্রহণ করিয়াছে; এই উদার ধর্মে বিশ্বাস করিলে কোনও ধর্মকেই মিথ্যা ও কোন সাধু মহাজনকে ভ্রান্ত বলিয়া অবহেলা করিতে পারি না।

পৃথিবীর সকল ধর্ম ও মহাজন ব্রাহ্মধর্মবিশ্বাসী ও 'বিধান'-বিশ্বাসীর প্রশংসা।

প্রকৃত ব্রাহ্ম হইতে হইলে যেমন সকল ধর্মকেই প্রকৃত ভাবে গ্রহণ করিতে হইবে, তেমনি যিনি প্রকৃত হিন্দু, প্রকৃত মুসলমান ও প্রকৃত খৃষ্টান তাহাকেও সকল ধর্মের প্রতি প্রকৃত বিশ্বাসী ও আস্থাযুক্ত হইতে হইবে, নতুবা কোন ধর্মবিশ্বাসীই নিজ ধর্মে প্রকৃত বিশ্বাসী হইতে পারেন না।

সর্বজাতিনির্মিশেষে সকলের ধর্ম এক সূত্রে গাঁথিয়া রাখাই ব্রাহ্মধর্মের বিশেষত্ব ও নতনত্ব এবং সকল পুরাতন ধর্মবিধিকে নতন দৃষ্টিতে নতন করিয়া দেখিবার জন্তই ব্রাহ্মধর্মের অগ্রতম ও উচ্চতম নাম "নব-বিধান"।

শ্রীআনোদিনী ঘোষ ।

বাঙ্গালী মেয়ের খাওয়া পরা ।

পৃথিবীর মধ্যে বাঙ্গালী মেয়েদের খাওয়া পরা যেমন সোজা হুজি এবং অন্নব্যয়সাধ্য ছিল, অল্প কোন দেশীয় মেয়েদের খাওয়া পরা এরূপ নহে। এরূপ খাওয়া পরার দোষ গুণ আমরা এখন বিচার করিতেছি না। কেবল ইহার সম্পূর্ণ আড়ম্বরহীনতা এবং খরচের ন্যূনতাই গণনা করি। সামান্য একখানা বস্ত্র পরিয়া এবং সকলের খাওয়ার পরে সামান্য উপকরণে বা বিনা উপকরণে কয়েক গ্রাস অন্ন উদরসাৎ করিয়া আনন্দে প্রফুল্লচিত্তে প্রায় দিবানিশি নানারূপ খাইনী খাটিতে পারে, অর্থে, বিত্তে, গৃহসম্পদের কোনরূপ

কর্তৃত্ব অধিকার নাই, এমন নারী বঙ্গদেশে ছাড়ি কোথায় জন্মে কি? বাঙ্গালা দেশে মহিলা হলে নব্য শিক্ষা এবং ব্রাহ্মধর্মের প্রভাব আসিয়া পূর্বাভাষা দূরীকরণে রত হইয়াছে। তথাপি অগ্র্যাপি অসংখ্য বঙ্গীয় কুলকামিনীদের অবস্থার কিছুমাত্র পরিবর্তন পরিলক্ষিত হয় না। অন্ন অশন বসনে সন্তুষ্ট থাকা সকল মনুষ্যের পক্ষেই কর্তব্য। অশন বসনে বাসনা বলবতী করিলেই ক্রমে ভোগবিলাসের পাপে মনুষ্যকে জর্জরিত হইতে হয়। ভোগের লালসা যাহারা যৌবনাবধি বর্ধিত করে, তাহারা আজীবন তাহাতে দগ্ন হইয়াও নিবৃত্তি বোধ করে না।

লজ্জা ও শীত নিবারণার্থে বস্ত্রের ব্যবহার। শারীরিক অভাব মোচনার্থ স্তম্ভা তৃষ্ণা; স্তম্ভা তৃষ্ণা দূরীকরণার্থ অন্ন পান। বস্ত্রদ্বারা যেন লজ্জা ও শীত নিবারিত হয়, ইহা দেখিতে হইবে। অন্নপানে যেন শরীর পরিপোষণোপযোগী উপকরণ লাভ করে, ইহাও দেখা চাই।

বঙ্গীয় রমণীসমাজ যেরূপ বস্ত্র পরিধান করিয়া এতকাল যাপন করিয়াছেন, ইহা লজ্জা এবং শীত নিবারণের নিতান্তই অনুপযোগী। পৃথিবীর অত্যাগ্র দেশের কথা দূরে থাকুক, ভারতের অপর প্রদেশে গুহিতে নারী জাতির বস্ত্র ব্যবহার বাঙ্গালা দেশের নারীর বস্ত্র ব্যবহার অপেক্ষা অতি উৎকৃষ্ট। সে সকল প্রদেশে বস্ত্রের উদ্দেশ্য সফল দেখা যায়। কিন্তু বঙ্গীয় নারীগণের পুরাতন প্রণালীর বস্ত্র ব্যবহারের উদ্দেশ্যই সফল হইত না। ব্রাহ্মধর্ম আশ্রয় পূর্বক

যাহারা দেশীয় রীতি নীতির দোষ গুণ বিচারে প্রবৃত্ত হইয়াছিলেন, তাঁহারা ইঙ্গ প্রমহিলাদের বেশ পরিবর্তনে সচেষ্টি হইয়াছিলেন। ব্রাহ্মসমাজের প্রভাবে অধুনা হিন্দুসমাজেও কামিনীগণের অনেকে নব প্রণালীতে বস্ত্রাদি ব্যবহারে রত হইয়াছেন। বঙ্গদেশের ধনী, দরিদ্র, নাগরিক এবং গ্রামবাসী সকল মহিলার পক্ষেই নূতন রীতিতে বস্ত্র ব্যবহার করা অত্যাবশ্যক। কিন্তু পরিবর্তিত বেশের সহিত যেন বঙ্গীয় নারীকুলে বিলাসের বিষ প্রবিষ্ট না হয়। বঙ্গীয় গৃহিণী এবং রমণীগণ কি জানেন না যে, বাঙ্গালী জাতি পৃথিবীর সমস্ত সভ্য জাতি অপেক্ষা দরিদ্র? বাঙ্গালী জাতিতে স্বচ্ছল অবস্থার লোকের সংখ্যা অতি কম। ঋণ না করিয়া পরিবার প্রতিপালন করিতে পারে, একপ লোকও খুব কম। এ অবস্থায় দেশে পূর্নাপেক্ষা আহার পরিচদের মূল্য অনেক বৃদ্ধি হইয়াছে। তাহার উপরে যদি সমাজমধ্যে নারীগণ নিত্য নূতন ফ্যাশানের বেশধারণে অস্তিত্ব হইয়া উঠেন, তবে সে জগৎ কত প্রকারের ক্লেশ পরিবার ও অভিভাবকদিগের হইতে পারে, তাহার চিন্তা কি মহিলাগণ করিবেন না?

যাহারা বর্তমান সময়ে নব্য শিক্ষা প্রাপ্ত হইতেছেন, নবধর্মের আশ্রয় লাভ করিয়াছেন এবং নবভাবের পরিবর্তনশ্রোতে পতিত হইয়াছেন, কিন্তু যাহারা হিন্দুসমাজ মধ্যে বাস করিয়া নূতন শিক্ষা, রীতি ও ব্যবহার গ্রহণ করিয়াছেন, তাঁহাদের এ সকল বিষয়ে প্রাণধান হয়, আমরা ইহা

প্রাথমিক বোধ করি। এ দেশের লোকদিগকে সভ্য ভাব্য করিতে হইলে নারীজাতির বিশেষ সন্যাসতার প্রয়োজন। নারীজাতি সভ্য, ভাব্য ও শিক্ষালোকে আলোকিত এবং কুসংস্কারবিবর্জিত না হইলে পুরুষ কখনই অগ্ৰাণ্য সভ্যজাতি সকলের সমন্বয় হইতে পারিবে না।

স্বল্পে সৃষ্টি মানুষের মহদগুণ, তুচ্ছ এবং শাস্তিপাতের জগৎ ইহা গভীররূপে দরকার। প্রাচীন ঋষিগণ সামান্য ফল মূল আহার এবং সামান্য বস্ত্রলে গাত্রাচ্ছাদন ও পর্নকটীতে পরমানন্দে বাস করিয়া কত গভীর তত্ত্ব সমালোচনায় ও তৎপ্রচারে ব্যাপৃত থাকিতেন, ঋষিপত্নী ও কন্যাগণ তাঁহাদের সহায় ছিলেন, সে কথা আমাদের সর্বদা স্মৃতিপথে জাগ্রত রাখিতে হইবে।

বর্তমান সময়ে সভ্যসমাজে মুক্তভাবে চলা ফিরার জগৎ রমণীগণকে পুরাতন প্রণালীর বস্ত্র ব্যবহার ত্যাগ করিতে হইতেছে। কিন্তু বেশবিলাসের বায়ুশস্ত্র হইয়া যেন সে জগৎ কেহ নিজের বা অণ্ডের সমুহ ক্লেশের হেতু না হন।

শরীরের শক্তি ও পুষ্টিকর জগৎ আহার। যেকোন আহারে কোনরূপ রোগ না জন্মিতে পারে, তাহাই সকলের পক্ষে গ্রহণীয়। বর্তমান সময়ে যে সকল বালিকা ও যুবতী স্কুলবোর্ডিংএ থাকিয়া শিক্ষা লাভ করিতেছে, তাহাদের নানা কারণে আহার খুব কমিয়া যাউতেছে। বাঙ্গালী রমণীগণ স্বভাবতঃ অন্নাহারী। শিক্ষাপ্রাপ্তদিগের বেশের আড়ম্বরের প্রতি দৃষ্টি যাইতেছে, কিন্তু আহার খুবই কমিয়া

যাউতেছে। বোর্ডিংগুলিতে আহার্য ব্যঞ্জনাতির পাকপ্রণালীও বোধ হয় অনেক মেয়েরই রুচিকর হয় না। সুতরাং রুচিকর আহার্য না পাইলে আহার কমিয়া যাউবারই কথা। তত্বপূরি অনেক মেয়ে চা পানে খুবই অসুস্থতা; চাপান বিষয়ে নানা জন নানা মত প্রকাশ করেন। আমরা শারীরতত্ত্ববিৎ ও বস্তুতত্ত্ববিৎ নছি, সুতরাং চাপানের ইষ্টানিষ্ট বিষয়ের আলোচনার আধিকারী নছি; কিন্তু চা পানে কিছুটা অন্তর্গত যে অরুচি জগায় অর্থাৎ চায়ের স্বাভাবিক স্খুধা দূর করিবার যে শক্তি আছে, ইহা আমরাও স্বীকার করিতে বাধ্য। কেন না যাহারা অধিক পরিমাণে চা পান করে, তাহারা প্রায়শঃ অতি অন্নাহারী হইয়া উঠে।

পূর্বে এদেশে নারীজাতির বিদ্যাশিক্ষা বিষয়ে নানারূপ কুসংস্কার ছিল। এখন দেশ হইতে সেরূপ কুসংস্কার দূর হইয়াছে, কিন্তু নারীজাতির শিক্ষার প্রণালী অগ্রাধিক হইয়া উঠে নাই। এ বিষয়ে শিক্ষিত নরনারীগণের বিশেষ চিন্তা ও পরিশ্রমিত হয় না। যে প্রণালীতে শিক্ষা হইতেছে, ইহা নারীজাতির সর্বাঙ্গীন কল্যাণপ্রদ বলা যায় না। ইহা নারীজাতির শরীর-ক্ষয়েরও নূতন সূত্র হইয়াছে। নারী-হিতৈষিগণের এ বিষয়ে মনোযোগ যাউতেছে কি?

পূর্বেকালে আমাদের দেশীয় মেয়েদের মানসিক পরিভ্রম কিছুই করিত না। বাল্যাবধি নানারূপ শারীরিক শ্রমে নিযুক্ত থাকিত। তদ্বারা তাহাদের যথেষ্ট স্খুধা-

বৃদ্ধি হইত। চায়ের আহার পদার্থের এদেশে সর্বত্র অপ্রচলন ছিল। কাজেই সেকালে বাঙ্গালী মেয়েদের যৎসামান্য অন্নাহারেও বেশ কল্যাণমত এবং শারীরিক শক্তি রক্ষা হইত। অধুনা শিক্ষাকার্যে ব্যাপৃত মেয়েদের পক্ষে মানসিক শ্রম যথেষ্ট পরিমাণে বৃদ্ধি প্রাপ্ত হইয়াছে। তাহাদের শারীরিক শ্রম কিছুই নাই বলিলে কি অত্যুক্তি হয়? তাহার পর বোর্ডিংএ অরুচিকর আহার্য অনেকের গলাধঃকরণে ক্লেশবোধ হয়। তৎপরে স্খুধা ও রুচি অনেক মেয়ে চাপান দ্বারা নষ্ট করে। কাজেই বাঙ্গালী মেয়ের পক্ষে অন্নাহারের অন্নাহার হইয়া উঠিতেছে। যদি ধনশালিনী যুবতীগণের কোন প্রকারে আহারে বিলাস থাকে, তাহা মনস্ক দোকানের মিঠাই! সেগুলি শরীরের পক্ষে অধিকতর অনিষ্টকর। সুতরাং বলিতে হইতেছে, যদিও নবীন শিক্ষা ও সভ্যতার প্রভাবে বঙ্গীয় নব্য রমণীকুলে জ্ঞান, সূনীতি ও সূরীতি প্রবর্তিত হইতেছে, তথাপি শারীরিক শ্রমভাবে এবং আহারের অতিরিক্ত মাত্রায় অন্নতায় শিক্ষিতদিগের শরীর কক্ষের অতি অযোগ্য এবং মনোনিবাস হইয়া পড়িতেছে।

বোর্ডিংএর অনেক মেয়ে (আমরা এরূপ ক্ষত আছি) নাকি আহার কমান একটা গৌরবের বিষয় মনে করে। চেষ্টা করিয়া ক্রমে তাহারা খাওয়া কমাইয়া ফেলে। বোর্ডিংএর অধ্যক্ষ রমণীগণের এবং সমস্ত মেয়েদেরই ইহা সন্ধান করা আবশ্যিক। দেহ রক্ষা না হইলে জ্ঞান দ্বারা সংসারে কে কি কাজ করিতে সক্ষম

হয়? কার্যের জন্ত জ্ঞান। জ্ঞানলাভে অবহিত হইয়া শরীরকে অনাহারে বা অন্নাহারে নষ্ট করিলে নিজের বা পরিবারের কিংবা দেশের কি লাভ? নারীগণ শিক্ষিতা হইয়া যদি ক্ষীণ ও রুমা-দেহ হন, তবে দেশের গৃহিণী, মাতা ও ভগিনীগণ যে অকরণ্য রুগ্ন হইয়া পড়িবেন।

যাঁহারা এদেশে মহিলাকুলের শিক্ষা-কার্যে ব্যাপৃত, অথবা নগরে নগরে যাঁহারা মহিলাবোডিংএর কর্তৃপক্ষ এবং পরিচালিকা, আমরা তাঁহাদের এবিষয়ে মনোযোগ আকর্ষণ করিতে চাই। শিক্ষা ও জ্ঞানবৃদ্ধির সঙ্গে শারীরিক শক্তি ও কর্মক্ষমতা বৃদ্ধি পাইতেছে কি না, মেয়েদের শরীর রোগমুক্ত কি রোগাগার হইতেছে, তাঁহারা যদি ইহা সন্ধান না করেন, তবে তাঁহাদের স্ত্রীশিক্ষাবিস্তার-যত্ন একপ্রকার পণ্ড হইতেছে। অনেক গৃহে অনেক মাকিস্ত মাঝে মাঝে এ অভিযোগ উত্থাপন করিতেছেন যে, মেয়েগুলি পড়ে পড়ে রোগা হইতেছে। বোধ হয় শিক্ষাকার্যের কোন অধ্যক্ষের কর্ণে এরূপ অভিযোগ প্রবেশ করিতেছে না। অনেক শিক্ষিতা মেয়ে সাজে গোজে খুব জমকাল দেখায়; কিন্তু তাহাদের দেহের সাজগোজ খুলিলে দেখা খানা কঙ্কালসদৃশ দেখায়। আবার অনেকে দেখিতে খুব মোটামোটা, অথচ নিজে সর্বদা অতি দুর্বল বোধ করে, সুতরাং সে মোটামোটোর কোন মূল্য নাই। অনেক মেয়ে পড়িতে পড়িতেই আপনার শরীর নানারূপ রোগে কাতর বোধ করে,

অথচ সে সকল অস্ত্র ভালরূপ টেরও পাইতে পারে না।

শিক্ষাবারা শরীর এবং মন উভয়ই যাহাতে সুস্থ, সমর্থ এবং জ্ঞানমণ্ডিত হইয়া উঠে, তাহাই কি বাস্তব নহে? আমাদের দেশে স্ত্রীশিক্ষার আরম্ভেই সমবায়-ভাবে শিক্ষার ফল মেয়েদের জীবনে ফলিতেছে না। আমরা বর্তমান সময়ের যুবতী শিক্ষার্থিনী এবং শিক্ষিতাদিগের অবস্থা পর্যালোচনা করিয়া যাহা প্রত্যক্ষ করিতেছি, তাহাই শিক্ষিত এবং শিক্ষিতাদিগের গোচরীভূত করিলাম।

### ইউরোপীয় নারীগণের সমরপন্থী ভাব।

বিলেত কেন, জগতের প্রায় সকল সভ্য দেশেই আজ কাল রাজনৈতিক আন্দোলনের ভিতর স্ত্রীলোকদিগের একটা গভীর উত্তেজনার ভাব দেখা দিতেছে। এই উত্তেজনার মানে কি? কিসের জন্ত নিজের নিজের ঘরের সুখ স্বচ্ছন্দতার বিতৃষ্ণ হ'য়ে শত শত স্ত্রীলোক নিজেদের জীবন এই জ্বলন্ত অগ্নিতে উৎসর্গ ক'রতে একেবারে দৃঢ়সংকল্প হ'তেছেন? এই যে এক মহা হোমের অনল সমস্ত ইউরোপ ব্যাপিয়া জ্বলে উঠেছে, আর তাতে আহুতি দেবার জন্ত প্রত্যহ এতগুলি জীবনের অশান্ত অধ্যবসায় প্রকাশ পাচ্ছে, এর ভিতর কি কোন মানে নেই? আমরা কাগজে প্রায়ই দেখতে পাই যে, কতগুলি মেয়ে দোকানের ডাল্লা দরজা ভেঙ্গে

জেলে গেলেন; ইংলণ্ডের নানা স্থানে এই প্রকারের নানা অশান্তির কথা প্রায়ই খবরের কাগজে প্রকাশ পাচ্ছে। আমাদের দেশে অনেকেই আজকাল স্ত্রীলোকের এই উগ্র ভাবের অসম্মোদন ক'রতে পারেন না; বিশেষতঃ স্ত্রীলোকদিগের স্বভাব-সুলভ কোমলতা ও পুরুষজাতির উপর তাঁহাদের অবিচলিত ভক্তির কথা যখন ভাবেন, তখন বিলেতের মেয়েরা যে "পাগল" হ'য়ে গেছে, এই কথাই সাব্যস্ত ক'রে নেন; আবার আর এক দিকে সূক্ষ্ম বিচারের পক্ষপাতা অনেক লোক আছেন, যাঁরা হঠাৎ এই সকল মেয়েদের "পাগল" বলে উপহাস না ক'রে, বাস্তবিকই এই গভীর আন্দোলনের ভিতর এই "সামরিক ভাবের" স্থান কোথায়, তাই অন্বেষণ ক'রতে ইচ্ছুক।

ইউরোপ ও আমেরিকার মত সভ্য-জগতে স্ত্রীজাতির মধ্যে এই যে একটা "মরিয়ান" ভাব এসেছে, এটাকে কি আমরা পাগলামি বা চিষ্ট্রিরিয়া বলে উপহাস ক'রে কান্ত হবো? এটা কি তাঁদের মধ্যে সম্পূর্ণ জ্ঞানগুণতার প্রমাণ, না পুরুষজাতি নিজে-রাই অন্ধতাবলম্বিতঃ স্ত্রীজাতির এই নতুন ভাবের প্রতি সম্যক্ মহাকুহুতি প্রকাশ ক'রতে অক্ষম? আমরা তো মনে হয়, ওদেশের স্ত্রীজাতির মধ্যে এই গভীর আন্দোলনের নিগূঢ় অর্থ অনেকের কাছেই স্পষ্টরূপে প্রতীয়মান হয় নি। আজ যে কার্যটাকে সকলে পাগলামি বলে উড়িয়ে দিতে চাচ্ছে, সেটা হ'তে পারে এই যে, রাজনৈতিক আন্দোলনকারী স্ত্রীলোক-

দিগের বর্তমান কার্যকলাপের দিকে তাকিয়ে প্রথমতঃ "পাগলামি" ছাড়া আর কিছু মনে হয় না; কিন্তু জগতের ইতিহাসের অশান্ত সংস্কারের প্রথম অবস্থার কথা ভেবে দেখলে বেশ বোঝা যায় যে, এখানেও জনসমাজের অধিকাংশ লোকই এই আন্দোলনের নিগূঢ় অর্থ বুঝতে অসমর্থ হ'য়েছেন।

সভ্যজগতে মানবসমাজে আজ কত শতাব্দী হ'তে দেখতে পাওয়া যাচ্ছে যে, সময়ে সময়ে এক একটা নতুন ভাব এসে নতুন যুগের অবতারণা করে দিয়েছে; সে ভাবটা হ'তে পারে, প্রথম প্রথম নানা-প্রকার জটিলতার ভিতর দিয়ে আসে; ভাবের প্রকাশও এমন কি প্রথম অবস্থায় সম্যকরূপে বোধগম্য করা অসম্ভব হ'য়ে উঠে; কিন্তু সেই সব ক্ষণিক অসম্পূর্ণতার মধ্যে দিয়েও মহাকল্যাণকর এই ভাব-গুলি জনসমাজের ভিতর আপনাদের মহান মতের পরিচয় দিয়ে আস্তে আস্তে নব জগৎপরিবর্তন এনে দিয়েছে। তাই যদি এ আন্দোলনের মধ্যে আপাততঃ অনেক অসম্পূর্ণতা থাকা সত্ত্বেও ইহা নব যুগের একটা নব ভাব।

এই যে শত শত স্ত্রীলোক নিজেদের সুখস্বচ্ছন্দতার উপর ভ্রক্ষেপ না ক'রে আপনাদের জীবন এই নতুন ভাবের উদ্দেশ্যে উৎসর্গ ক'রচেন, জগতের ইতিহাসে এটা কি একটা সামান্ত কথা? প্রত্যেক শিক্ষিত ব্যক্তিরই এটা একটা ভাববার বিষয়। সে দিন যে ইতালী স্বাধীন হ'লে, তা কি কেবল ঐ নোলা-



গুলির সাহায্যে? না, কখনই না। হুগু আত্মা জেগে উঠেছিল; তাই নিজেদের আনারকমের ভুল ভ্রান্তি সত্ত্বেও সমস্ত ইউরোপের লোকটিতে দৃকপাত না করে, সকল ষাধা বিঘ্ন উল্লেখন করে পরিশেষে জয়যুক্ত হ'তে সমর্থ হ'য়েছিলো। কেউ কেউ হয়তো বলবেন, "তারা তো পুরুষ ছিল।" "দেশের সেবার তাঁরা আহুত হ'য়েছিলেন।" বাস্তবিকই তাদের চোখের সম্মুখে ইতালী এক "নতুন দেশ" হ'য়ে উপস্থিত হ'য়েছিলো, যার জন্ত দেশভক্তদিগের হৃদয় সর্বদা অক্লান্ত ভাবে দেশের সেবার জন্ত নিয়োজিত হতে পেরেছিল। সেই রকম স্ত্রীজাতির এই নতুন ভাব, দেশভক্তদিগের সেই "নতুন দেশের" ছবির জায় কি জনসমাজে আজ আদৃত হবে না? আজ স্ত্রীজাতির ভিতর যে সেই হুগু আত্মা জেগে উঠেছে, তাকি অস্বীকার করা যায়? এখন স্ত্রী পুরুষের ভেদাভেদ নিয়ে বিচার করলে চ'বে না, কারণ জগতের ইতিহাসে এরূপ অনেক দৃষ্টান্ত দেখা গিয়াছে। যখন সত্যকে প্রতিষ্ঠিত করবার জন্ত নরনারী তাঁদের নিজেদের বাহু পাখিকের কথা একেবারে ভুলে গিয়ে, আধ্যাত্মিক রাজ্যে সকল আত্মার সঙ্গে এক হয়ে জগতের কল্যাণার্থে অগ্রসর হতে চান।

আজ এই যে স্ত্রীলোকেরা "সামরিক পন্থার" সাহায্য নিয়েছেন, হতে পারে ইহাতে যথেষ্ট পরিমাণে ক্রাউ ও ভ্রম আছে, কিন্তু এর ভিতর যে একটা আধ্যাত্মিক বিদ্রোহের ভাব বিরাজ করছে, তা বোধ হয় অনেকেই বুঝিতে পারছেন না। জগ-

তের সমস্ত স্ত্রীজাতির ভিতর আজ একট নতুন জাগরণ এসেছে, এ উদীপনার বিরাম নেই, প্রত্যহই নতুন নতুন মোড়ের সঙ্গে মিলিত হয়ে জনসমাজে ইহা এক মহাপ্রপঞ্চের অবতারণা করছে।

যদি আত্ম স্মরণভাবে নিরীক্ষণ করি, তাহলে স্ত্রীজাতির এই নতুন সামরিক ভাবের ভিতর "জ্ঞান" "শক্তি" ও "মানবপ্রেমের," বিস্তীর্ণ ক্ষেত্র দেখতে পাই। পুরাকালে মধ্যযুগ ও উচ্চ শ্রেণীর অনেক স্ত্রীলোকেরাই সমাজের অনেক ক্ষত ও গলিত স্থান একেবারেই দেখতে পেতেন না; কিন্তু এখন শিক্ষার প্রসারের সঙ্গে সঙ্গে সে সব স্থান আর গুপ্তায়িত নাই। আজ যে অমিতে স্ত্রীলোকেরা উত্তেজিত, অক্ষত-বশতঃ সে অমির উত্তাপ পুরাকালের স্ত্রীলোকদের ভিতর একেবারে প্রবেশ করে নাই। আজ জ্ঞানের সাহায্যে যারা সকল অবস্থা জানতে পারছেন, যারা নিজের ক্ষুদ্র গণ্ডীর ভিতর নিজেদের আবদ্ধ রাখতে চান না, জগতের কল্যাণের জন্ত যাদের হৃদয় আজ ব্যথিত, তাঁদের আজ জড়ের জায় বসে থাকা অসম্ভব। দেশের শত শত অপরিণতবয়স্ক বাসিন্দারা যখন সমস্ত পৃথিবীর অসদাচার এই পুরুষদিগের পাপ বাসনার অহত্মস্বরূপ উৎসর্গীকৃত হচ্ছেন (White Slave Traffic), ক্ষুদ্র ক্ষুদ্র শিশুদের সর্বনাশের কথা যখন মনে হয়, এবং ততুপরি যখন আইনের অসম্পূর্ণতা ও এই সকল ভয়াবহ ব্যাপারের বিষময় ফল উপলব্ধি করিয়া ও দেশের মধ্যে গভীর জড়তার ভাব প্রতীয়মান হয়, তখন কোন

স্ত্রীলোক দেশের অবস্থার দিকে তাকিয়ে চুপকরে বসে থাকতে পারেন? এরকম অবস্থায় এটা কি একটা আশ্চর্যের কথা হবে, যদি কোন স্ত্রীলোক বলেন, যে দেশের আইন কাহুন বদলাবার জন্ত আমি ভগবানের দ্বারা আহুত হয়েছি? স্ত্রীজাতির সতীত্বে ও মার্জত্বে কি কলঙ্ক পড়বে না, যদি কোন স্ত্রীলোক এই সকল ঘোর অবিচার দেখেও গভীর স্বার্থপরের জায় নিজের সুখ স্বচ্ছন্দতার জন্ত ব্যস্ত হয়ে উঠেন? আত্মসম্মান ও সমসাহস যেমন পুরুষের ভূষণস্বরূপ, তেমনি দয়া, শুদ্ধতা ও পবিত্রতা রক্ষা করা প্রত্যেক নারী জীবনের মুখ্য ধর্ম ও সাধনার বস্তু। অনেকে এই সকল রাজনৈতিক অধিকারিণী স্ত্রীলোক দিগকে (সাক্রাজেট) "পুরুষধর্মী" (unwomanly) বলে অবজ্ঞা করে থাকেন, কিন্তু আমার তো মনে হয়, যারা এইসকল হুগু ও যন্ত্রণার কথা শুনেও চুপ করে বসে আছেন, কিম্বা যারা কোন কাজ করা দূরে থাকুক, বরং যে সকল নারী এই মহৎ উদ্দেশ্যে আপনাদের জীবন উৎসর্গ করেছেন, তাঁদের উপর বিদ্রোহের ভাব প্রকাশ করেন, তাঁরাই ঐ নামের প্রকৃত অর্থের সার্থকতার পরিচয় দিতেছেন।

সাক্রাজেটদের জানলা দরজা ভাঙাটা অনেকেই "পাগলামি" বলে উড়িয়ে দিতে চেষ্টা করেন; কিন্তু এই "পাগলামি" প্রকৃত অর্থ কি এবং ইহার সূত্রপাত কোথায়, তা বোধ হয় অনেকে খোঁজ রাখেন না। এই যে একটা নবজাগরণ

স্ত্রীলোকদের ভিতরে এসেছে। এই জাগরণই বি-ম্ম প্রদেশে স্ত্রীজাতির ভিতর আত্মসম্মান রক্ষার জন্ত নব নব পন্থার সৃষ্টি করে দিচ্ছে। এই জন্ত প্রত্যেক দেশেই স্ত্রী পুরুষের ভিতর একটা সংগ্রামের ভাব লক্ষিত হয়েছে। এমন কি অনেক স্থানে দেখা যাচ্ছে যে পুরুষ ও স্ত্রীর জীবনের ভিতর একটা দূরত্বের ভাব এসেছে। "জানলা দরজা ভাঙার" চেয়েও এটা আরও গুরুতর, এতে সন্দেহ নাই। অনেকে বলেছেন যে, রাজনৈতিক ব্যাপারে স্ত্রীলোকদিগকে কোন স্থান না দেওয়াতেই এই পারিবারিক অশান্তি এসে পড়েছে। কিন্তু একটু ভেবে দেখলেই বেশ বোঝা যায় যে, কতকগুলি স্ত্রীলোক এই সকল ঘোর অবিচারে মর্গাহত হয়ে এবং ততুপরি পুরুষদের কোন সহানুভূতি না পেয়ে নিজেদের একেবারে নিরুপায় মনে করছেন। এই নিরুপায় ভাবই অনেকের ভিতর এই "পাগলামির ছিট" এনে দিয়েছে। সকলেই যে জানলা ভাঙতে দৌড়াচ্ছেন এমন নহে, কেউ কেউ এমন সকল পন্থা অবলম্বন করছেন, যা আরও ভয়ানক ও তীব্র। অনেকে বলছেন, যে যতদিন না এই সকল অত্যাচার অবিচারের একটা মীমাংসা হবে ততদিন পুরুষের সঙ্গে আমাদের কোন সম্বন্ধ থাকা অসম্ভব। এমন কি অনেক বিবাহিত ও অবিবাহিত স্ত্রীলোক আজ এই ভাবানুযায়ী কাজ ক'রতে বন্ধপরিকর হ'য়েছেন। এই সব কথা শুনে অনেকের মনে হ'তে পারে যে, তবে কি স্ত্রীলোকদিগের ভিতর ক্রমে ক্রমে

“মাতৃস্নেহ অবক্ষা” এসে প’ড়েচে? কিন্তু একটু ভেবে দেখলেই সমাজ বেশ বুঝতে পারবেন যে, “অবক্ষার” পরিবর্তে বরং আরও গভীরতর মাতৃস্নেহের ভাব নতন জাগরণের সঙ্গে সঙ্গে স্ত্রীজাতির ভিতর এসে কার্য ক’রছে। নারীর এই নতন আত্মা পুরুষের নূতন আত্মার সঙ্গে মিলতে ব্যস্ত; জগতে যেখানে নির্দয়তা ও নিঃসমতার প্রকাশ পাচ্ছে, সেখানে প’শাপাশি ঠাডিয়ে তুজনে এক হয়ে এদের বিরুদ্ধে সংগ্রাম ক’রবে, এই নব দীক্ষাধিনীর বাসনা। কিন্তু যতদিন না পুরুষ সে ইচ্ছা’র সাথ দিতে পা’চেন, ততদিন এই জাগ্রত আত্মা পুরুষের সঙ্গে মিলতে অসমর্থ।

বর্তমান সময়ে স্ত্রী-জাতির ভিতর সামরিক ভাব প্রকাশের এই ভাবার্থ। “জালনা ভাঙ্গা” বিশাল সমুদ্রের মধ্যে একটি তরঙ্গ মাত্র; এ একটি তরঙ্গ এক দিন থেমে যেতে পারে, কিন্তু বিশাল সমুদ্রের গর্জনে থামবার নয়।

সকল যুক্তি ও তর্কের প্রথম অবস্থায়ই আমরা মেনে নিতে চাই যে, বিবাহ জিনিষটা যেমন স্ত্রী-পুরুষের ভিতর একটা অকাট্য বন্ধন, পুরুষজাতিই যেমন এই জড়জগতে সকলের পথপ্রদর্শক, তেমনই স্ত্রীজাতির সকল অবস্থাতেই অতি ধীর ও নম্র থাকা একান্ত বাঞ্ছনীয়। বাস্তবিকই এ কথায় যে মহান সত্য নিহিত আছে, তা’তে কোন সন্দেহ নাই। কিন্তু এ সব কথাতে আদর্শ সমাজের পক্ষে খাটে। যখন দেখছি বর্তমান অবস্থায় মাতৃস্নেহের মধ্যে আধ্যাত্মিক শক্তি অপেক্ষা শারীরিক বলই

অধিকতর প্রবল, সমাজের মধ্যে নানা প্রকার অত্যাচার ও অবিচার থাকা সত্ত্বেও প্রতীকারের উপায় কম, তখন কি করে বলা যায় যে, মনুষ্যসমাজে বিবাহ মাত্রই অতি পবিত্র ও স্বর্গীয় বন্ধন। যে আদর্শ সমাজের কথা বলা হ’লো, তা তো ভবিষ্যতের; এমন দিন আসবে হয়তো যে দিন আজকের এই সমরপন্থী স্ত্রীজাতিই অতি নম্র ও ধীর ব’লে সমাজের কাছে আদৃত হবেন। তখন নূতন যুগের প্রবর্তনকারী এই সামরিক ভাব জগতের কাছে একটা নূতন শক্তি ব’লে আখ্যাত হবে। “আজকাল স্ত্রীলোকেরা ঠিক উচিতমত কাজ ক’রচেন কি না, প্রত্যেক কাজে তাঁদের জ্ঞানের পূর্ণ বিকাশ হ’য়েছে কি না,” ভবিষ্যৎ বংশ এ কথার কখনও অনুসন্ধান করবে না। “নব জাগরণের সঙ্গে সঙ্গে এরা জেগে উঠেছিলো কি না, উদার প্রেমের বিকাশের জন্ত এদের প্রাণ কেঁদে উঠে নিজেদের সুখ স্বচ্ছন্দতাকে জলাঞ্জলি দিতে পেরেছিলো কি না” এই কেবল তখন ভাবী বংশ জানতে ব্যস্ত হবে। আজকাল এই “সমরপন্থী” স্ত্রীলোক যে পথই ধরে চলুন না কেন, যতই ভুল ভ্রান্তি তাঁদের জীবনে হউক না কেন, নূতন ও উদার প্রেমের বিস্তারিত ক্ষেত্র জগতে প্রসারিত করবার জন্ত এঁদের জীবন যে উৎসর্গিত হ’য়েছিলো এই মনে ক’রেই ভবিষ্যৎ বংশ সর্বদা এঁদের কাছে কৃতজ্ঞতাপাশে বদ্ধ থাকবে। সে দিন এঁদের জীবনের দুঃখ ক্লেশের ভার অনেকটা অপনোদিত হবে, এতে কোন সন্দেহ নাই; আজ জগতের

সম্মুখে যেটা “কাঁটার মুকুট” ব’লে ঘৃণিত হ’চ্ছে, হয়ত একদিন সেই মুকুটই “পুণ্যের মুকুট” ব’লে জনসমাজে গৌরবায়িত হবে।

স্ত্রীলোকদিগের জাতীয় বিষয়ে  
মত প্রকাশের অধিকার সম্বন্ধে  
বিপক্ষদলের মত।

[ প্রশ্নের উত্তর। ]

( পূর্বাভূত্ব। )

বিরুদ্ধবাদীরা মনে করেন যে, যখন তাঁহারা বলেন যে গৃহই স্ত্রীলোকের কর্মক্ষেত্র, তখন তাঁহারা আমাদের যুক্তি একেবারে খণ্ডন করিতে সক্ষম হইয়াছেন। কিন্তু আমরাও যে তাঁহাদের মতের সঙ্গে সায় দি ও অহ্লাদের সহিত অনুমোদন করি। নিশ্চয়ই, গৃহই আমাদের কর্মক্ষেত্র এবং সেই জন্তই পরিবার এবং শিশুদিগের সম্বন্ধে যে সব নিয়ম করা হয় তাহাতে আমাদের মতামত লক্ষ্য নিশ্চয়ই দরকার। যেমন দিন ঘাইতেছে আমরা দেখিতেছি যে, ত্রায়তঃই হউক কিম্বা অত্যাচার রূপেই হউক, পারিবারিক বিষয় সকল এখন জাতীয় বিষয় হইয়া দাঁড়াইতেছে। দেশের অবস্থা যখন এই, তখন মাতা কিম্বা কন্যাকে জাতীয় সভায় মতামত প্রকাশ করিবার অধিকার হইতে বঞ্চিত করা কি সম্ভব?

আমরা ভোট দিবার অধিকার প্রার্থিনী বলিয়া সাধারণের সম্মুখে আমাদের তিরস্কার করা হয় এবং আমরা পারিবারিক কর্তব্য অবহেলা করিতেছি বলিয়া নিন্দা

করা হয়। বিরুদ্ধ পক্ষের মহিলা যখন নিজের গৃহের ও পরিবারের কর্তব্য ভুলিয়া সাধারণের সম্মুখে গৃহই “স্ত্রীলোকের কর্মক্ষেত্র” বিষয়ে বক্তৃতা দিবার জন্ত মঞ্চ দাঁড়ান তখন তাঁহাদের মতের বিষয় স্মরণ করিয়া হাত স্মরণ করা কঠিন হইয়া উঠে।

লর্ড কার্জন, যিনি বিরুদ্ধবাদীদিগের নেতা, তিনি বলেন স্ত্রীলোকদের মহান সাম্রাজ্য সম্বন্ধে চিন্তা করিবার শক্তি নাই, স্বতরাং তাঁহারা ভোট পাইবার উপযুক্ত নন। এই উক্তির উপর আমার আর টীকা দিতে ইচ্ছা করে না, তবে এইটুকু বলি যে, মাননীয় লর্ড কার্জন মহোদয় যখন বলিলেন যে, স্ত্রীলোকদের শাসন কার্যের শক্তি নাই, তখন তিনি প্রকৃতই সত্য কথা বলিলেন। তিনি মেয়েদের রাজস্বীয় বিষয় ভোট দিবার অধিকার দিতে ভয় পান; কেননা তিনি জানেন যে, ভোটা হইলে রাজ্যশাসনে প্রেম, সত্য ও ত্রায় ভিত্তি কোনও অত্যাচারের উপর স্ত্রীলোকেরা রাজ্য প্রতিষ্ঠিত করিবেন না।

“Times” সংবাদ পত্র ভোট দিবার অধিকার সম্বন্ধে এই আপত্তি উত্থাপন করেন যে, অধিকার পাইলেই স্ত্রীলোকেরা “সমান পরিশ্রমের জন্ত সমান পারিশ্রমিক চাহিবেন”, আর ইহাতে তাঁহাদের কারবারে স্ত্রী শ্রমজীবী নিযুক্ত হয়, তাঁহাদের কারবার চালান শক্ত হইয়া উঠিবে; কেননা এখন স্ত্রীলোক শ্রমজীবী অনেক কম পারিশ্রমিকেই পাওয়া যায়। কিন্তু “Times” এর সঙ্গে সঙ্গেই একটা সাধা-

রণ সভাতে একজন বিখ্যাত রাজমন্ত্রী বলেছিলেন যে, ভোটে অধিকার দিবার সঙ্গে স্ত্রীলোকদের পারিশ্রমিক বাড়াইবার প্রস্তাব কোনও সম্পর্ক নাই।

সুতরাং আমরা এই সিদ্ধান্তে উপস্থিত হই যে, স্ত্রীলোকদের ভোট দিবার অধিকারের বিরুদ্ধে কোন যুক্তিসঙ্গত কারণ নাই। একই পক্ষের লোকেরা নিজেদের মতোই বৃথা মারামারি কাটা কাটি করিতেছেন, এবং চিন্তাশীল ব্যক্তিগণ নিরাশ-ভাবে প্রস্তুত করিতেছেন, “ইহাদের এইরূপ ব্যবহারের কি কোন কারণ আছে?” আমাদের মনে হয়, বিপক্ষবাদের প্রধান কারণ কুসংস্কার এবং অজ্ঞ কারণ বোধ হয় এই যে, স্ত্রীলোকেরা নীতির যে উচ্চ আদর্শ গার্হস্থ্য ও সামাজিক জীবনে পালন করিতে চেষ্টা করিতেছেন, পুরুষেরা সেই আদর্শকে ভয় পান।

“নারীগণ মস্তামত প্রকাশের অধিকার পাইলে দেশের মঙ্গল হইবে” এই আশাকে যাহারা বৃথা কল্পনা মনে করেন ও মন্দেহ করেন, তাঁহাদের জন্ত অষ্ট্রেলিয়ার শাসন-সভার যে প্রস্তাব সদস্যসম্মতিক্রমে গৃহীত হইয়াছিল ও প্রধান মন্ত্রীর নিকট পাঠান হইয়াছিল, তাহা উদ্ধৃত করিয়া আমি আমার বক্তব্য শেষ করিব।

এই শাসনসভার মত এই যে, “অষ্ট্রেলিয়ার মহিলাদিগকে রাজকীয় ও প্রজাতন্ত্র মহাসভায় পুরুষদের সমান অধিকার দেওয়াতে দেশের খুব উপকার হইয়াছে। প্রথমতঃ ইহাদের যোগ দেওয়াতে সভ্য-নির্বাচনকার্য বেষ্ট শাস্ত্রভাবে ও শৃঙ্খলার

সহিত সম্পাদিত হয় এবং রাজসভার সভ্যেরা নারীদিগের ভোট অধিকসংখ্যক প্রাপ্ত হন। দ্বিতীয়তঃ নারীরা উপস্থিত গুরুতর প্রশ্নগুলিকে অবহেলা না করিয়াও স্ত্রীলোক ও বালকদের সম্বন্ধে বিশেষ আইন বাবস্থাপন করিতে সর্বশেষ রূপে সংস্কার মনোযোগ আকর্ষণ করিয়াছেন। তৃতীয়তঃ দেশরক্ষা ও সাম্রাজ্য সম্বন্ধীয় প্রশ্নের মীমাংসায় তাঁহারা পুরুষদের মতই দূরদর্শিতা ও সূক্ষ্ম বিবেচনাশক্তির পরিচয় দিয়াছেন। যদিও এই অধিকার দিবার সময়, ইহার ফলে ভয়ানক বিপত্তি হইবে বলা হইয়াছিল, তথাপি আমরা এই সংস্কারে উপকার ছাড়া আর কিছুই পাই নাই। যে সমস্ত জাতি প্রতিনিধিঘটিত শাসন সম্ভোগ করেন, তাঁহাদের নিকট আমাদের এই মবিনয় নিবেদন যে, তাঁহারা স্ত্রীলোকদিগকে ভোট দিবার অধিকার দিয়া দেশের মঙ্গল সাধন করুন”।

এই সপ্তাহের সংবাদপত্রে দেখিলাম যে, আমেরিকার যুক্ত প্রদেশে আরও চারিটি রাজ্যে নারীদিগকে এই অধিকার দেওয়া হইয়াছে। সর্বশুদ্ধ এখন দশটি রাজ্য এই অধিকার সম্ভোগ করিতেছেন। শেষের এই চারিটি রাজ্য এই অধিকার দিবার পূর্বে নিশ্চয়ই পূর্বের ছয়টি রাজ্যের সামাজিক জীবনের উন্নতি দেখিয়াই তবে এই সংস্কার নিজেরা করিয়াছেন। তাঁহাদের যোগ দেওয়াতে অধিকার প্রার্থিনীদের মত যে প্রকৃত সত্য এবং কল্পনিক নহে, তাহা বেশ বুঝা যায়।

মেবেল ওয়াশ্‌টন।

## বেহারে স্ত্রীশিক্ষার প্রয়োজনীয়তা সম্বন্ধে গুটিকতক কথা। \*

আজ আমাদের পরম আনন্দ ও সৌভাগ্যের দিন; কেন না ভারতের নানাদেশের কত শিক্ষিতা মহিলাগণ কোথায় পদার্থ করিয়া বেহার ভূমিকে পবিত্র করিতেছেন। যে আকর্ষণ তাঁহাদের এখানে টানিয়া আনিয়াছে তাহার মূল শিক্ষা নাই? ভারতের উন্নতিকল্পে যঁহাদের মনে বিন্দুমাত্রও চেষ্টা জাগিয়াছে, তাহার কারণ শিক্ষা। যে নূতন বাতাস পৃথিবীর সর্বত্র বহিয়া বাইতেছে—চীনের গ্রাম বিস্তৃত রাজ্যকে ও অল্পদিনের মধ্যেই সুসভ্য সমাজে পরিচিত করিয়া দিতে চলিয়াছে—যে সুবাতাস ভারতের অগ্রাগ্র দেশে মৃদু মধুর গন্ধের সহিত প্রবাহিত হইতেছে, তাহার ভেট বেহারেও লাগিয়াছে; কিন্তু কত মৃদু—কত ক্ষীণ! এখন শুনিতে পাই গুজরাট, বোম্বাই, মাদ্রাজ, বাঙ্গলা, যুক্তপ্রদেশ ইত্যাদি সকল দেশের মহিলাগণ স্ত্রীশিক্ষার উন্নতি কল্পে বন্ধ-পরিচর হইয়াছেন এবং ইহার সাফল্য অসম্ভব ও লাভ করিতেছেন, তখন হৃদয় আনন্দে নাচিয়া উঠে এবং অন্তরে কেবল এই ইচ্ছাই প্রবল বেগ জাগিয়া উঠে যে, বেহারবাসিনী ভগ্নীগণও জাগিয়া উঠুন।

ভগবানের রাজ্যে এই নিয়ম দেখতেছি যে, পুরুষ এবং স্ত্রী উভয়েই শিক্ষা প্রাপ্ত না হইলে জাতীয় উন্নতি অসম্ভব।

\* ১৯১২ সালের Social Conference এ পঠিত হিন্দী প্রবন্ধের অনুবাদ।

যে জাতি যতদিন পর্যন্ত নারীকে ক্রীড়া-পুত্রি ও বিলাসসামগ্রীর গ্রাম গৃহরূপ আলমারিতে লোকচক্ষুর অন্তরালে লুক্কায়িত রাখিয়াছেন, ততদিন সে জাতি উন্নতির সর্বনিম্নস্তরে স্থান পাইয়াছেন। আমাদের ভারতের ইতিহাসেও তাহার প্রমাণের অভাব নাই। ধর্মশাস্ত্র বলেন, “বালিকাকে শিক্ষিতা ও সর্বগুণালঙ্কৃত করিবে। তাহাকেও পুত্রনির্কর্ষে পালন করিবে।” পুরাকালে এ বাক্যের সার্থকতা পূর্ণমাত্রায় সম্পাদিত হইত বলিয়াই আমরা গার্গী, মৈত্রেয়ী, দ্রৌপদী, সীতা, সাবিত্রী, লীলাবতী এবং আরও অনেক শিক্ষিতা ও সাধ্বী রমণীর নাম ভারতের উন্নত পর্বের সহিত জড়িত দেখিতে পাই। যতদিন ভারতে স্ত্রীশিক্ষা, স্ত্রীস্বাধীনতা প্রচলিত ছিল, ততদিন ভারত সভ্যতার জন্ত বিখ্যাত ছিল।

মধ্যে রাজাপরিবর্তনের সহিত অব-রোধ-প্রথার প্রচার ও শিক্ষার বিলোপ সাধিত হয়। কিন্তু আজ কাল ব্রিটিশ-রাজের গ্রাম ও শাস্তির রাজ্যে গৃহের কন্ঠা, বধু অপহরণের কথা কেহ শুনিতে পায় না। তবে এত শৃঙ্খল, এত আবরণের আবশ্যিকতা কি?

শতাব্দী-শতাব্দী ধরিয়া যে অন্ধকারের ভিতর দিয়া স্ত্রীজাতি প্রাপ্তিপালিত হইয়া আসিতেছেন, তাহা হইতে অস্ত্রের সাহায্য ব্যতীত আলোকে উত্তীর্ণ হওয়া সম্ভব নয়। এ ক্ষেত্রে পুরুষগণ সাহায্য না করিলে তাঁহাদের আর অজ্ঞ পথ নাই। যঁহারা শিক্ষিত তাঁহারা যদি আপন আপন পরি-

বার্ষিক বাৎসরিক ও স্ত্রীশিক্ষার শিক্ষা ও উন্নতির পথ মুক্ত করিয়া দেন, তাহা হইলে সে সদৃষ্টান্তে আরও অনেকে এ পথে অগ্রসর হইবেন।

অনেকেই মনে করেন, মাতৃভাষায় চিঠি পত্রের আদান প্রদান ও রামায়ণ মহাভারত পড়িতে পারাই স্ত্রী ও কন্যার পক্ষে যথেষ্ট; কারণ তাঁহাদেরতো অর্থোপার্জন করিয়া পরিবার প্রতিপালন করিতে হইবে। তাঁহাদের কেবল এই জিজ্ঞাসা করি যে, শিক্ষার উদ্দেশ্য কি কেবল অর্থোপার্জন? ইহার দ্বারা কি তাঁহারা জীবনে আর কোনও ফল লাভ করেন নাই? যদি তাহাই হইবে, তবে কেন তাঁহারা শ্রীমতী Annie Besant, Sister Nibedita, ভারতেন্দু হরিশ্চন্দ্র, খুদাবক্সাখাঁ ও অন্যান্য সাধবী ও মহাত্মাদের প্রশংসা করিয়া থাকেন? পরস্পরের প্রতি প্রীতি ও সহানুভূতি উদ্ভেদ করিবার, মার্জিত রুচির সংস্কারের ও জাতীয় চরিত্র গঠনের এক মাত্র উপায় কি শিক্ষা নয়?

বালিকাগণ শুধু গৃহে আবদ্ধ থাকিয়া সকল শিক্ষা লাভ করিতে পারেন না; তাঁহাদের অবশ্য বিদ্যালয়ে প্রেরণ করা উচিত, কারণ পরস্পরের সহিত সঙ্গের আদান প্রদানের ভিত্তি দিয়া যে সহানুভূতি, আত্মনির্ভরশীলতা, পরোপকারের ভাব ও শিক্ষা জাগিয়া উঠে তাহা বাড়ীতে থাকিলে হয় না। সফীর্ণতার গভী পার না হইতে পারিলে শিক্ষার উদ্দেশ্য অসম্পূর্ণ থাকিয়া যাইবে উদার হৃদয় সং-শিক্ষার পরিচায়ক।

আর একটি কথা, শুধু মাতৃভাষায় শিক্ষা দিলেই চলিবে না। সঙ্গে সঙ্গে ইংরাজী ভাষা অবশ্য শিক্ষা দেওয়া উচিত। কারণ প্রথমতঃ ভারতের এমনকি পৃথিবীর সকল স্থানেই এ ভাষার প্রচলন বেশী। দ্বিতীয়তঃ ইংরাজী সাহিত্যভাণ্ডার অমূল্য রত্নে পরিপূর্ণ যাহা এখনও কোনও ভাষায়ই প্রায় পাওয়া যায় না। তৃতীয়তঃ স্ত্রীশিক্ষা কেবল মাত্র প্রাথমিক শিক্ষায় পরিসমাপ্ত হইলে অন্ধকার আরও ঘনীভূত হইবে। শাস্ত্র বলেন, “অল্পবিত্ত্য ভয়ঙ্করী”। তাহাতে বিলাসিতা, অহঙ্কার, আত্মাভিমান ও স্বার্থাভিষণ বাড়িয়া যায়—যাহার পাপে জাতি আরও অবনতির পথে অগ্রসর হইবে। যে শিক্ষায় স্বার্থত্যাগের ইচ্ছা হৃদয়ে জাগিয়া উঠে, রাজভক্তি ও জাতীয় প্রেম পরিপূর্ণ হয়, মনে গভীর চিন্তা, ভাব ও দায়িত্বের উদ্ভেদ হয়, হৃদয় বিনীত ও ভগবৎপ্রেমে পরিপূর্ণ হয় সেই শিক্ষারই এখন প্রয়োজন হইয়াছে। পৃথিবীর ধন, মান, ক্রোধাদি ক্ষেত্রের অথ সকল পার্থিব আশীর্বাদ অপেক্ষা এই শিক্ষাদানই কি শ্রেষ্ঠ নয়?

পুরুষগণ! আর নিজেদের উন্নতির পথে বাধা প্রদান করিবেন না। স্ত্রীশিক্ষার অন্তরায় হওয়া মানে আত্ম-উন্নতির পথ বন্ধ করিয়া রাখা। কারণ স্ত্রীজাতি পরিবারের কেন্দ্র, সমাজের ও গৃহের অর্ধাঙ্গই অধিকার করিয়া আছেন। যদি ভবিষ্যৎ জাতিকে উন্নত করিবার ইচ্ছা থাকে, তাহা হইলে আপন আপন স্ত্রী ও কন্যাগণকে স্নশিক্ষা প্রদানে পশ্চাৎপদ

কুইবেন না। স্মৃতা হইলে ঘরে ঘরে সুসন্তানও অবশ্যই জন্মিবে। কিন্তু যত দিন স্ত্রীজাতির উন্নতি সাধিত না হইবে, ততদিন ইহা সম্ভব নয়। মহাকবি Gen. nyson যে বাক্য রচনা করিয়াছিলেন, তাহার প্রতিশব্দ মহা সত্য। সেই বাক্য আবার স্মরণ করুন ও জীবনে প্রতিপালন করিতে চেষ্টা করুন।

“The woman's cause is man's ;  
they rise or sink  
Toghther, dwarfed or God-like  
bond or free.  
If she be small, slight-natured,  
miserable  
How shall men grow ?”

ভগ্নীগণ! আপনারাও সকলে উন্নতির পথে অগ্রসর হউন। বাধা বিঘ্ন অনেক আসিবে, কিন্তু সে সকল অতিক্রম করিয়া অগ্রসর হইতে হইবে। একের ইচ্ছায়, একের উৎসাহে ইহা কখনই সম্ভব নয়। কিন্তু এই বৃহতী সভা আমাদের স্মরণ করাইয়া দিতেছে যে, আমরা একা নই। ইহারাও সকলেই আমাদের শুভাকাঙ্ক্ষী ও শুভাকাঙ্ক্ষণী এবং সেই কারণেই কত দূর দেশ হইতে আগমন করিয়াছেন। বেহারবাসিনী ভগ্নীগণ! অসুন সকলে মিলিয়া ইহাদের পদচিহ্ন অনুসরণ করিয়া দৃঢ় প্রতিজ্ঞার সহিত শিক্ষা ও উন্নতির পথে অগ্রসর হই। ক্ষেত্রের এই অবাচিত দান যাহা পুণ্যসলিলা জাহ্নবীর ত্রায় বেহারের ভূমিকে পবিত্র করিতে আসিয়াছে, সেই দান হৃদয়ের গভীর প্রেমের সহিত গ্রহণ করিয়া ধন্য হই।

সত্যং জ্ঞানমনস্তং ব্রহ্ম ।

বয়ং স্বাং জগৎসাক্ষিকপং নমামঃ ।

যে দেবতা আমাদের প্রত্যেকের আয়ত্যা সকল কার্গোরই সাক্ষী-সরূপে বর্তমান সেই প্রাণারাম পরমেশ্বরকে নমস্কার করি।

যে মাঘোৎসবের জন্ম সনৎসর ধরিয়া দেবতারাও প্রতীক্ষা করিতেছিলেন, আজ আমাদের সেই প্রিয় মাঘোৎসব সমুপস্থিত। সেই এই ব্রহ্মোৎসবে কত ধর্ম-প্রাণ মহাত্মা কত সুন্দর সুন্দর ধর্মকথা সকল বলিয়া গিয়াছেন। আর আজ সেই ব্রহ্মোৎসবে আমার ত্রায় ক্ষুদ্র ব্যক্তি অল্প কি-ই বা নূতন কথা বলিতে পারিবে? কেটি কোটি রবিশিগ্রহ যে বিরাট বিশাল ব্রহ্মচক্রে ছন্দে ছন্দে নৃত্য করিতেছে, কেটি কোটি মানবাত্মা যে ব্রহ্মচক্রে ভগবানের জয়গান করিয়া অতুল আনন্দ অনুভব করিতেছে, সেই ব্রহ্মচক্রে মধ্য আমার ক্ষুদ্রতা অনুভব করিয়া আমি নিজে স্তম্ভিত হইয়া পড়ি।

কিন্তু যে বিশ্বেশ্বর দেবাধিদেবের বনে মুক ব্যক্তি বাচালতা লাভ করে, যাহার বলে পক্ষু যে, সে-ও অনায়াসে গগনস্পর্শী পর্কিত উল্লঙ্ঘন করিতে পারে, আজ এই ব্রহ্মোৎসবে তাঁহারই বলে বলী হইয়া, তাঁহারই সাহসে সাহস প্রাপ্ত হইয়া প্রাণের একমাত্র আরাম সেই ভগবানেরই বিষয়ে দুইচারিটি কথা সমাগত সাধুমণ্ডলীকে শুনাইবার জন্ম উপস্থিত হইয়াছি। কোন ব্যক্তি এমন পুণ্য ক্ষেত্রে এমন পুণ্য মুহূর্ত্তে

ভগবানের পূণ্য কথা শুনাইবার অবসর পরিত্যাগ করিতে পারে ?

এই শুভ মাসোৎসবের দিনে ব্রাহ্মসমাজ কর্তৃক সেই অপ্রতিম পরমাত্মার উপাসনা সংসারে সুপ্রতিষ্ঠিত হইয়াছিল বলিয়া অগ্নিকার দিবস আমাদের এত প্রিয়। এই মাসোৎসবের দিন ব্রাহ্মের জন্মোৎসবের দিন। এই শুভদিনে ব্রাহ্মসমাজ সেই পরমদেবতা একমেবাদ্বিতীয়ং পরব্রাহ্মের জয়পতাকা উড্ডীন করিয়া সমগ্র নবজগতের ধর্মরাজ্যে স্বীয় রাজত্ব স্থাপনের স্বত্রপাত করিয়াছিলেন, তাই আজিকার দিন আমাদের এত প্রিয়। পূর্বদিকে প্রাতঃসূর্য্য প্রথম উদিত হইয়া আমাদের দান করে বলিয়া পূর্বদিক যেমন আমাদের প্রিয়, সেইরূপ এই ব্রাহ্মোৎসবের দিবস হইতেই ব্রাহ্মসমাজ ভারতে ব্রাহ্মনামের জয় পুনঃ প্রতিষ্ঠিত করিয়া আমাদের অস্তরে প্রাণ-আনয়ন করিয়াছেন বলিয়া এই ব্রাহ্মোৎসবের দিন আমাদের এত প্রিয়। তাই আমরা আমাদের হৃদয়দেবতাকে আমাদের সমবেত হৃদয়ের পূজা দিবার জন্ত আজ এই পুণ্যক্ষেত্রে সমাগত হইয়াছি।

ব্রাহ্মসমাজের কলাপে আমাদের দেশের যে কি মহান উপকার সাধিত হইয়াছে, আমরা চারিদিকেই আজ তাহার পরিচয় পাইতেছি। কাহার ইহা অবিদিত আছে যে কি ধর্ম, কি সমাজ, কি সাহিত্য বিজ্ঞান প্রভৃতি ব্রাহ্মসমাজই নবভারতের সর্বাঙ্গীন উন্নতির প্রথম বীজ প্রোথিত করিয়াছিলেন। সেই বীজ আজ বৃক্ষ-

রূপে পরিণত হইয়া আমাদের সকলকে ছায়াদান করিতেছে। এক ধর্মবিধ্বংসই ব্রাহ্মসমাজ কত না উন্নতির সহায়তা করিয়াছেন। ব্রাহ্মসমাজ প্রতিষ্ঠিত না হইলে নবজগতে ধর্মসম্বন্ধ সমূহের প্রস্তাবনাই হইত কি না সন্দেহ। ব্রাহ্মসমাজের সেই আদিকালে বজিতে গেলে সমগ্র ভারতে সেই একমাত্র তত্ত্ববোধিনী পত্রিকা প্রকৃত ধর্মের আলোচনার স্বত্রপাত করিয়া দিয়াছিল, আর আজ তাহার স্থলে এক বঙ্গদেশই ধর্মবিসম্বন্ধ কত মাসিক পত্র, কত পুস্তক পত্রিকাদি প্রকাশিত হইয়াছে এবং হইতেছে।

ইহা অল্প আশাপ্রদ নহে। ইহার দ্বারা প্রকাশ পাইতেছে যে ভারতে ধর্মের আলোচনা বিশেষভাবে আরম্ভ হইয়াছে, ভারতবাসীর সাতাবিক ধর্মপ্রবণতা জাগ্রত হইয়া উঠিয়াছে। একথা স্বীকার্য যে ব্রাহ্মসমাজের উদ্দেশ্য কতক পরিমাণে সফল হইয়াছে। কিন্তু এইতো সময়, যখন ব্রাহ্মসমাজকে আরও অগ্রসর হইতে হইবে। ধর্মের আলোচনা যখন আরম্ভ হইয়াছে, তখন তো ব্রাহ্মসমাজের জয়মূর্ত্তি সন্নিহিত। এই আলোচনারই ফলে প্রকৃত সত্যধর্ম স্বীয় জ্যোতির্ময়রূপে শীঘ্রই ভাবিভূত হইবেন নিঃসন্দেহ। এমন শুভমূর্ত্তি ব্রাহ্ম সমাজ নিদ্রিত থাকিয়া আলস্যে সময় অতবাহিত করিলে অমার্জনীয় অগ্নয় কার্য হইবে। সুপ্রসিদ্ধ বীর নেলসন প্রত্যেক ইংলণ্ডবাসীকে একটি জাগরণমন্ত্র দিয়া গিয়াছেন—“ইংলণ্ড আশা করে যে প্রত্যেক মনুষ্য নিজ নিজ কর্তব্য

সাধন করিবে।” পূজাপাদ পিতামহদেব সেইরূপ প্রত্যেক ব্রাহ্মকে একটি জাগরণমন্ত্র দিয়া গিয়াছেন—প্রত্যেক ব্রাহ্মের হৃদয়ে তাহা সর্বাঙ্গেরে অঙ্কিত রাখা কর্তব্য সেই মন্ত্রটি এই—“সমস্ত জাতি অপেক্ষা ব্রাহ্মেরা সকল বিষয়ে কি জ্ঞানে, কি বদ্যায় কি ধর্মে, কি অর্থে, উন্নত না হইলে ব্রাহ্মসমাজের পতন অবশ্যম্ভাবী।”

ব্রাহ্মসমাজ অগ্রসর হইতে কেনই বা কুণ্ঠিত হইবেন? ব্রাহ্মসমাজের দেবতা যিনি, তিনি পরাজয় কাহাকে বলে তাহা জানেন না। ব্রাহ্মসমাজ যখন সেই অপরাজিত দেবতার নামাঙ্কিত পতাকা স্বীয় স্কন্ধে বহন করিতেছেন এবং যখন সেই দেবদেব ব্রাহ্মসমাজের মস্তকে স্বীয় অক্ষয় আশীষ দিবার জন্ত সক্ষমদাই প্রস্তুত, তখন ব্রাহ্মসমাজের পরাজয়ই বা কোথায় এবং ভয়ই বা কিসের?

ব্রাহ্মসমাজের সেই অপরাজিত দেবতা ভারতের চিরপুরাতন ঋষিবন্দিত সেই সত্যং জ্ঞানমনস্তং ব্রহ্ম—সত্যস্বরূপ জ্ঞানস্বরূপ অনন্তস্বরূপ পরব্রহ্ম। এই সত্যং জ্ঞানমনস্তং ব্রহ্মকে আমাদের জানিতে হইবে, প্রত্যক্ষ দেখিতে হইবে এবং জানিয়া তাঁহাকে হৃদয়ের দ্বারা অনুভব করিতে হইবে, স্পর্শ করিতে হইবে।

সেই সত্যস্বরূপ জ্ঞানস্বরূপ পরব্রহ্মের পরিচয় আমরা তো আমাদের চতুর্দিকে নিত্যই দেখিতেছি, জীবনের প্রতিমূর্ত্তিই প্রাপ্ত হইতেছি। ইহা কেবল কথার কথা নহে যে তিনি আছেন তাই জগত-সংসার আছে, তিনি আছেন তাই আমরা

বাঁচিয়া আছি। আমাদের কল্পনাতেও ইহা আসিতে পারে না যে তিনি না থাকিলে এই ব্রহ্মচক্রের অস্তিত্ব কি প্রকারে সম্ভব হইত। ইহাও কি কখনও সম্ভব যে এই ব্রহ্মাণ্ডকে ধারণ করিবার কেহই নাই, কাহারও ইচ্ছা ইহার ভিতরে কার্য্য করিল না, অথচ এই সুবিশাল ব্রহ্মাণ্ড আপনাপনি আবির্ভূত হইল এবং সমগ্রই কতকগুলি সৃষ্টিাত্মক নিয়ম আবিষ্কার করিয়া আপনাকে তাহাতে পরিচালিত করিতে লাগিল?

এই ব্রহ্মচক্র যে কি আশ্চর্য্য নিয়মে কার্য্য করিতেছে তাহা ভাবিলে নীর্ব্বাক হইতে হয়। সকলেই জানেন যে জ্যোতিষিগণ গণনা করিয়া বলিয়া দেন যে সূর্য্যচন্দ্র অমুক দিন অমুক মুহূর্ত্তে উদিত হইবে এবং অমুক মুহূর্ত্তে অস্ত যাইবে। এখন, যদি সেই গণিত মুহূর্ত্তে সূর্য্যচন্দ্রের উদয়াস্ত না হইল, তবে আমরা বলিব যে নিশ্চয়ই জ্যোতিষীদের গণনাতেই ভুল হইয়াছে; কিন্তু একথা আমরা কখনই বলিল না যে সূর্য্যচন্দ্র ভ্রমক্রমে উদয়াস্তের নির্দিষ্ট মুহূর্ত্তকে অতিক্রম করিয়াছে—ভগবৎপ্রতিষ্ঠিত নিয়মের অত্রান্তায় আমাদের এতই অটুট বিশ্বাস। এই বিশ্বাসেরই বশবর্তী হইয়া জ্যোতির্বেত্তাগণ শতসহস্র বৎসর, পূর্ব্বের এবং শতসহস্র বৎসর পরবর্তী কালেরও সূর্য্যগ্রহণ প্রভৃতি ঘটনা সকল অনায়াসে গণিয়া বলিতে পারেন। কে বলিতে সাহস করিবে যে এই সকল সৃষ্টিাত্মক নিয়মসকল আপনাপনি আসিয়াছে? সেই সত্যস্বরূপ জ্ঞানস্বরূপ মহান্-

পুরুষের জ্ঞান ব্যতীত আর কাহার জ্ঞান এই সকল নিয়ম প্রতিষ্ঠিত করিয়া তাহার পরিচালনভার স্বীকার করিতে পারে? এই যে জীবজন্তুদিগের জন্মের ক্ষেত্র গেম দয়াভক্তি প্রভৃতি সাধুভাব সুপ্রতিষ্ঠিত দেখা যায়, এগুলি কে এই সংসারকে মধু-ময় করিবার জন্ত প্রেরণ করিলেন? এমন সুন্দর ভাবগুলিকে মিথ্যা বলিতে পারি না। আমার সেই প্রাণারামের স্নেহ আমার হৃদয়ে নামিয়া আমাকে যে আনন্দ-রসে ডুবাইয়া দিতেছে; আমার সেই স্নেহময়ী জননীর দয়া পীতি প্রতিমূর্ত্তে আমাকে যে রক্ষাকবচরূপে রক্ষা করিতেছে; এবং আমারও হৃদয় যে সেই জীবনের জীবন, প্রাণের একমাত্র আরাম-স্থল প্রাণের দেবতাকে পাইবার জন্ত কতবার ছুঁ ছুঁ করিয়া উঠিয়াছে—এই সকল ভাব যদি মিথ্যা হয় তবে তো কিছুই সত্য নহে। আর এই সকল ভাব যদি সত্য হয়, তবে সেই জ্ঞানময় পুরুষের ইচ্ছা ব্যতীত আর কাহার ইচ্ছাতে এগুলি যথাযথ নিয়মে অভিব্যক্ত হইয়া আপনাপন কার্য করিতেছে?

যাহার ইচ্ছাতে এই সকল জ্ঞানমূলক নিয়ম এবং ভাবরাশি অবিশ্রান্ত ভাবে আপনাপন নির্দিষ্ট কার্য করিতেছে, সেই সত্যস্বরূপ জ্ঞানস্বরূপ মহান পুরুষের ক্ষমতাও যেমন আশ্চর্য্য, তাহার কার্যকুশলতাও তেমনি আশ্চর্য্য। তিনি যে নিখাসে অগণ্য অগণ্য কোটি কোটি স্বর্ষাচন্দ্রগ্রহ-নক্ষত্রকে আপনাপন কক্ষপথে নিয়মিত করিতেছেন, তিনি সেই নিখাসেই আমা-

দের প্রত্যেকের হৃদয়ে শুভবুদ্ধি প্রদান করিয়া আপনার মঙ্গলনিয়মে আমাদের প্রত্যেককে নিয়মিত করিতেছেন।

ব্রহ্মচক্রের নিয়ন্তা সেই পরম পুরুষকে জানা, তাঁহাকে চিনিয়া লওয়া কিছুমাত্র কঠিন ব্যাপার নহে। সেই মহৈশ্বর্যবান ভগবান যে স্বপ্রকাশ। তিনি স্বকীয় মহিমাতে অগস্ত্র জীবন্ত মূর্ত্তিতে যেমন মস্তকের উপরে ঐ সুনীল আকাশে প্রকাশিত, তিনি সেইরূপ জীবন্তভাবে এই সভামণ্ডলেও প্রকাশিত এবং সেই একই ভাবে তিনি আমাদের প্রত্যেকের হৃদয়-সিংহাসনে অধিষ্ঠিত। আমাদের জ্ঞান মোহেতে নিতান্ত অচ্ছন্ন হইয়া না গেলে একথা বলা অসম্ভব যে এই ব্রহ্মাণ্ডের নিয়ন্তা কেহ নাই অথবা থাকিলেও তাঁহাকে জানিতে পারি না। অমৃতঃ ভারতবাসী আমরা ভারতের ঋষিদিগের আবিষ্কৃত অমূল্য রত্ন আত্মজ্ঞানের উত্তরাধিকারী হইয়া যেন একথা না বলি যে আমরা সেই অনন্ত পুরুষকে জানিতে পারি না।

তাঁহাকে আমাদের জানিতেই হইবে। তাঁহাকে না জানিলে আমাদের হৃদয়সিংহাসনে অথ কাহাকে বসাইয়া হৃদয়ের পূজা অর্পণ করিব? তাহার প্রতিমূর্ত্তি স্থাপিত করিয়া পূজা করিতে চাও? তাহা অসম্ভব। আমাদের দেবতা যিনি, তিনি যে অনন্ত অদ্বিতীয়। তাহার সমান জগতে আর কি আছে যে তাঁহাকে তাঁহার প্রতিমূর্ত্তি বলিয়া গ্রহণ করিব? জগতের সকলই যে কালে বা স্থানে

সীমাবদ্ধ, কিন্তু একমাত্র তিনিই অনন্ত, স্থান ও কাল প্রভৃতি সকল প্রকার সীমার অতীত। কিন্তু আশ্চর্য্য এই যে, সেই দয়াময় ভগবান এমনই নিয়ম করিয়া দিয়াছেন যে, আমরা সীমাবদ্ধ হইয়াও তাঁহাকে জানিতে পারি। তিনি আমাদের জ্ঞানকে তাহার জ্ঞানের সহিত সম-ধর্ম্মী করিয়া দিয়াছেন এবং আমরা আমাদের জ্ঞানের দ্বারা সমধর্ম্মীতাসূত্রে সেই জ্ঞানস্বরূপকে জানিতে পারি, এবং তখন হৃদয়ের ভক্তিপীতি দ্বারা তাঁহাকে স্পর্শ করিতে পারি।

সেই সত্যজ্ঞানমনস্তঃ ব্রহ্ম কেবল জ্ঞানরূপ নহেন, তিনি অনন্তমঙ্গলও বটে। তাঁহার অনন্ত জ্ঞানের পরিচয় যেমন আমরা সর্বত্র বিস্তৃত দেখি, সেইরূপ তাঁহার অনন্ত মঙ্গলভাবেরও পরিচয় সর্বত্রই প্রাপ্ত হই। জীবজন্তুগণ পাণ ধারণ করিবে বলিয়া তাহাদিগের সৃষ্টির বহু-পূর্বেই তিনি বায়ু সৃষ্টি করিয়া দিলেন। উচ্চনীচ পর্বতসমূহ হইতে নদনদী প্রভৃতি জলপ্রবাহসকল প্রবাহিত করিয়া দিলেন। যুগযুগান্তর পরবর্ত্তী কালে প্রয়োজনে আসিবে বলিয়া তিনি ভূগর্ভে অঙ্গার ও তৈল সঞ্চিত রাখিয়া দিলেন। আমাদের হৃদয়ে প্রেম প্রভৃতি যে সকল সুমঙ্গল ভাব দিয়া রাখিয়াছেন, তাহাতেও তাঁহার কত না মঙ্গলভাবের পরিচয় প্রাপ্ত হই।

সত্যই একবার চাহিয়া দেখ, সেই মঙ্গলময় পরমেশ্বর স্বীয় প্রশান্ত মূর্ত্তিতে, স্বীয় আনন্দরূপে অমৃতরূপে এখনি এখানে প্রকাশিত রাখিয়াছেন। তিনি তাঁহার অমৃতবারিতে অভিব্যক্ত করিয়া আমাদের মৃত্যুর অতীত করিবার জন্ত এখনি এখানে বর্ত্তমান আছেন। তিনি তাঁহার

অভয় আশীষবাক্যে আমাদের অগ্রসর হটবার জন্ত অবিরত উৎসাহিত করিতেছেন। আইস, আমরা তাঁহার অভয়বাণী শ্রবণ করিয়া নির্ভয় হই এবং বলের নৃহিত দেশ হইতে দেশান্তরে, নগর হইতে নগরান্তরে, সেই পবিত্র ব্রহ্মনামের জয় ঘোষণা করিতে থাকি। তাঁহাকে হৃদয়ের পূজা না দিয়া আমরা বাঁচিতেই পারিব না। সেই আত্মার আত্মাকে পূজা করিয়া অপার আনন্দলাভের পর সীমাবদ্ধ বস্তুকে ভক্তিপীতি দিয়া কি বাঁচিতে পারি? সাগরের মৎস্য কি ক্ষুদ্র পুষ্করিণীতে ক্ষণ-কালের জন্তও বাঁচিতে পারে?

হে পরমাত্মন! তুমি আকাশ অপেক্ষাও মহান, কিন্তু তোমার কি আশ্চর্য্য করুণা যে তুমি আমাকে তোমায় স্পর্শ করিবার অধিকার দিয়াছ। তুমি আমার একমাত্র প্রাণের আরামস্থল। তুমিই একমাত্র আমার জীবনসংসার। তোমারই অতুল প্রভাব নামের জয়মন্ত্র হৃদয়ে সযত্নে ধারণ করিয়া সংসারের সমুদয় সম্পদ ও বিপদের অতীত হইয়া তোমারি পথে যেন চলিয়া যাই।

ওঁ একমেবাদ্বিতীয়ং ।

শ্রীক্ষিতীন্দ্রন'থ ঠাকুর ।

( তত্ত্ববোধিনী পত্রিকা হইতে )

সাময়িক প্রসঙ্গ ।

নারীর উচ্চ আকাঙ্ক্ষা।—ফ্রান্সদেশে প্রজাতন্ত্র শাসন প্রণালী প্রতিষ্ঠিত। মেম ডেনিজার্ড নামক একটা নারী এই প্রজাতন্ত্রের পেসিডেন্ট ( শাসনকর্ত্তী ) হইতে যত্নবর্ত্তী হইয়াছিলেন। ইনি এম্মিয়েন নগরে বাস করেন এবং স্ত্রীজাতির উন্নতিকল্পে বিবিধ কার্যে নিযুক্ত থাকেন। পেসিডেন্ট মনোনীত হইবার জন্ত যত ব্যক্তি চেষ্টা করিয়াছেন, তাহার মধ্যে মেম ডেনিজার্ডও ছিলেন। এক জন তাঁহার


এই বছর দেখিয়া জিজ্ঞাসা করিয়াছিলেন, আপন কি চান? তিনি বলিলেন, নারী দেশের সর্বোচ্চ স্থানে প্রেসিডেন্ট পদে প্রতিষ্ঠিত হইবে না কেন? লোকে এখন ঠাট্টা করিতে পারে; কিন্তু ক্যাথেরাইন এবং ভিক্টোরিয়া কি রাণী হন নাই?

অমৃতপুরচারিণী মহিলাগণের সভা।— গত ১৫ই ফেব্রুয়ারী শনিবার ৪নং মেডিকেল কলেজ ষ্ট্রীটত ভবনে তুরস্কদেশীয় আহত সৈন্যগণের সাহায্যার্থ দানসংগ্রহের জন্ত অমৃতপুরচারিণী মহিলাগণের এক সভা হইয়াছিল। উপস্থিত মহিলাগণের মধ্যে মিসেস আর্ এন্ড হোসেন তুরস্কের আহত সৈন্যদিগের সম্বন্ধে হৃৎখোদীপক একটি ক্ষুদ্র বক্তৃতা দান করেন। তিনি সভায় লেই "Sultana's Dream" নামক তাঁহার ২০০ শত খণ্ড পুস্তিকা দান করিয়া তুরস্কসাহায্যভাণ্ডারে টাঁদাদানে অগ্রবর্তিতা প্রদর্শন করেন।

ফরাসী মহিলার সংস্কৃত উপাধি।— গত ৩রা ফেব্রুয়ারী মিস্ কার্পেলিন নামক সংস্কৃতভাষানুরাগিণী ফরাসী মহিলাকে কলিকাতা সংস্কৃত কলেজ হইতে "ভারতী" উপাধি দেওয়া হইয়াছে। তিনি নিজ দেশে কয়েকজন সংস্কৃতজ্ঞ ফরাসী অধ্যাপকের নিকট সংস্কৃত ভাষা পাঠ করিতে আরম্ভ করেন। ক্রমে সংস্কৃত ভাষার প্রতি তাঁহার অনুরাগ বৃদ্ধি পাওয়ায় তিনি ভারত আসিয়া সংস্কৃত শিখিতে আরম্ভ করেন। তিনি রামায়ণ ও মীতা চরিত্র পাঠ করিয়া অতীব মুগ্ধ হইয়াছেন। তাঁহার এ উদ্যম অতীব প্রশংসনীয় ও অঙ্করনীয় বটে। ভারতে এক সময়ে সংস্কৃত বিহীন অনেক রমণী ছিলেন, যাহাদের গৌরবে ভারত গৌরবান্বিত ছিল। অধুনাতন ভারতীয় মহিলাগণ কি সে গৌরব আরও বাড়াইয়া তুলিবেন না?

মাঘোৎসব—পলে পলে ঘুরিতে ঘুরিতে

পিন্ন মাঘোৎসব আমাদের নিকট আসিল এবং চলিয়া গেল; কি স্মরণে দয়া গেল, কাহার অশ্রু মুছল, কাহার প্রাণের দারুণ ক্ষত শুকাইল, এ সব বিচার্য বিষয় বটে। বৃথা কি উৎসব আসিল এবং চলিয়া গেল? আশাকরি, এ নিষ্ফলতা কাহারও জীবনে ঘটে নাই। বিশেষতঃ পুরুষ অপেক্ষা নারী হৃদয়ে এ সফলতা অধিকতররূপে কার্য্য কার্য্যী হইয়াছে বলিয়া আমাদের বিশ্বাস। কোমলহৃদয়া ভক্তিপ্রীতির উৎসরূপিণী মহিলাবৃন্দ বাস্তবিকই উৎসবানন্দের প্রকৃত রসমাধুরী পান করিয়া আপনারা যেমন কৃতার্থ হন, তেমনি স্ব স্ব পরিবারে আনন্দ ধারা ছড়াইয়া সকলকে কৃতার্থ করেন। আমরা ভারতীয় লোক, আমাদের স্বাভাবিক একটা বিশ্বাস এই যে, পরিবারের ধর্ম, সুখ, স্বাস্থ্যাদি যাহা কিছু নারীগণ কর্তৃকই রক্ষিত ও বর্দ্ধিত হয়। ভারতীয় মহিলাকুলে তাদৃশী আদর্শরমণীর ভূরি প্রমাণ বিধাতা দেখাইয়াছেন। এখন যে তিনি নারীগণের সে সৌভাগ্য বন্ধ করিয়া দিয়াছেন, তাহা কখনই নহে। কুসংস্কার-বর্জিতা শিক্ষিতা নারীগণের মধ্যে এই সৌভাগ্য আমরা আরও অধিকতররূপে দেখিতে চাই। আমাদের ব্রাহ্মিকাগণের হাতে বিধাতা যে পরম সম্পদ দিবে গুরুতর দায়িত্বের জন্ত আহ্বান করিতেছেন, আশাকরি, তাঁহার সে আহ্বানধ্বনি শুনিয়া জীবনপথে অগ্রসর হইবেন। তাঁদের ভিতর দিয়াই বিধাতাপুরুষ এবার পরিবার, সমাজ ও দেশ তাঁহার মনোমত রূপে গড়িবেন, এই ইঙ্গিত করিতেছেন। এবার এই উৎসবে যে প্রসাদ তাঁহার পাইলেন, এবং তাঁহার ভিতরে যে গুরুতর দায়িত্ব রহিয়াছে, তাহা অমৃতের অমৃতের বৃষ্টিয়া এই নূতন বৎসরের জন্ত সকলেই প্রস্তুত হউন।



## মাসিক পত্রিকা।

"যত্র নারীস্তু পূজ্যন্তে বসন্তে তত্র দিব্যতাঃ।"

১২শ ভাগ ] ফাল্গুন, ১৩১৯। মার্চ, ১৯১৩। [ ৮ম সংখ্যা। ]

### প্রার্থনা।

হে মনোবুদ্ধির অতীত পরম দেবতা, মরনারী কখনও তোমাকে জানিতে পারিবে না তাহা সত্য, কিন্তু তোমাকে জানিতে পারিবে না বলিয়া তোমাকে ত্যাগ করিয়াও শান্তি পায় না। এই জন্তই সকল ধর্মপ্রাণ অহুযাসন্তান তোমার অহুসন্ধানে নিযুক্ত আছেন। আমরা তোমার চরণে প্রার্থনা করি, তুমি আমাদের এই শ্রেণীর করিয়া লও। আশীর্বাদ কর, আমরা যেন মনে না করি যে, আমরা তোমাকে জানিয়া ফেলিয়াছি; আর যেন কখনও মনে না করি যে, তোমাকে যখন কখনও আয়ত্ত করা যায় না, তখন তোমার অব্বেষণ ত্যাগ করিয়া কেবল সংসার লইয়াই থাকি। এই প্রার্থনা করি, যেন আমরা চির দিন তোমাকে জানিতে একাগ্রচিত্ত হইয়া নিযুক্ত থাকি এবং তুমি কৃপা করিয়া যখন

যেখানে প্রকাশিত হও সেইরূপে তখন তোমাকে পাইয়া পুনরায় যেন নব নব প্রকাশের জন্ত বিনীত ও ব্যাকুল হইয়া অগ্রসর হই।

### বঙ্গ বালিকাশিক্ষার সঙ্কট।

বঙ্গদেশীয় হিন্দুসমাজস্থ পুরুষ পাশ্চাত্য জ্ঞানালোক লাভে যত কেন জ্ঞানে, পদে, ধনে সমুন্নত হউন না, তাহাদের হিন্দুসমাজের বিষম বিভীষিকা ত্যাগের ক্ষমতা নাই। হিন্দুসমাজের আচার রীতি নীতি অল্পসরণ করিলে হিন্দু বালিকাদিগের সুশিক্ষা কিংবা উচ্চ শিক্ষা হইতে পারে না। বালিকাবিবাহ বালিকাশিক্ষার বিষম পরিপন্থী। বালিকাদিগকে তাহাদের মতের কোন অপেক্ষা না করিয়া অভিভাবকের সুবিধা এবং ইচ্ছানুসারে পাত্ত করিয়া হইয়া থাকে। শিক্ষিতা হইলে বালিকাদিগের স্বাধীনতা এবং

বিচারক্ষমতা প্রস্ফুটিত হইবার কথা ।  
সেইরূপ শিক্ষিতা কোন বালিকা কি যাকে  
তাকে পতিরূপে বরণ করিয়া সুখী হইতে  
পারে ? নব্য শিক্ষিত অভিভাবকগণ কি  
বিবাহকালে কন্যার মতামতের প্রতি অমু-  
মাত্র লক্ষ্য করেন ? তাঁহারা শিক্ষিত  
হইলেও কন্যাদানকালে প্রাচীন বর্ষের  
প্রথা পরিহার করিতে অসমর্থ । গুরু,  
পুরোহিত, সমাজ তখন খড়্গহস্ত হইয়া  
সম্মুখে দণ্ডায়মান হয় । সমাজের মন-  
স্তুষ্টি না করিয়া কন্যা বা স্বকীয় বিবেকের  
তুষ্টিসাধনে তাঁহারা দৃকপাতও করেন না ।  
অশিক্ষিতা হিন্দু বালিকা বিবাহসূত্রে যে  
অবস্থাতেই কেন পতিত হউক না,  
তাঁহারা পুরুষ পরম্পরাগত অদৃষ্টবাদের  
উপর ভর করিয়া কোনরূপে জীবন যাপন  
করে । বিচারক্ষমতায়ুক্ত শিক্ষিতা বালি-  
কার পক্ষে ঐরূপ অদৃষ্টে ভর করা  
দুঃসাধ্য ।

হিন্দুর ধর্ম ও সমাজ এবং বিবাহ-  
প্রথার পরিবর্তন না হইলে হিন্দুসমাজস্থ  
বালিকাবৃন্দের সুশিক্ষা হওয়া অসম্ভব ।  
এইক্ষণ হিন্দুসমাজে কন্যার শিক্ষা কেবল  
বিবাহজন্তু । যাহারা বিবাহ করে সেই  
সকল যুবকেরা একটু লেখাপড়া জানা  
মেয়ে খোঁজে । সেই জন্তু বালিকাদিগকে  
কিঞ্চিৎ লিখিতে পড়িতে শিক্ষা দেওয়া  
পিতা মাতার আগ্রহের বিষয় হইয়াছে ।

আমাদের বাল্যকালে এ উৎপাত  
ছিল না । মেয়ে লেখাপড়া জানে কি না  
সেকালে কোন বরপক্ষ এ অগ্রাসঙ্গিক  
প্রশ্ন উত্থাপন করিত না । মেয়ে রান্না

বাড়া করিতে পারে কি না ? আলোপনা  
দিতে এবং পীড়ি চিত্র করিতে জানে কি  
না, শিকা প্রস্তুত করিতে, কাপড়ের পাখা  
তৈয়ার করিতে শিখিয়াছে কি না এই  
সকল প্রশ্নের সত্ত্বের পাইলেই তখনকার  
লোক কন্যার সম্বন্ধে সন্তুষ্ট হইত । অধুনা-  
তন কালে যুগান্তর ও ভাবান্তর উপস্থিত  
হইয়াছে । বরেরা বিদেশে থাকেন ।  
কন্যা যদি পত্র লিখিতে না পারেন তবে  
পত্রদ্বারা আলাপ চলিবে না । সুতরাং  
পত্র লেখা কন্যার অভ্যাস হইয়াছে কি  
না, নাটকাদি পাঠ করিয়া শুনাইতে  
পারিবে কি না এজন্ত লেখাপড়ার প্রশ্ন  
কন্যাসম্বন্ধে উঠিয়া থাকে ।

যে লেখা পড়ার জ্ঞান জন্মে, কুসংস্কা-  
রের অন্ধকার দূর হয়, মূর্খ ও চরিত্রহীন  
গুরুপুরোহিতের পদরজে ভক্তি থাকে না,  
সে লেখাপড়াকে অগ্রাবধি হিন্দুসমাজ  
অত্যন্ত ভয় করিয়া থাকে । শিক্ষিত  
যুবারা স্কুল কালেজে জ্ঞানশিক্ষার সঙ্গে  
সঙ্গে এখন পৌত্তলিকতা ও কুসংস্কারে  
পরিপকতা লাভ করে । ছাত্রাবাসগুলিতে  
চৈতন্য এবং রামকৃষ্ণ পভূতির মূর্তি পূজা  
হইতেছে, মহা আড়ম্বরের সহিত মৃগয়া  
সরস্বতীর পূজা হইতেছে । এবস্ত্রকার  
শিক্ষিত যুবাগণ কি কোন কালে হিন্দু-  
সমাজসংস্কারে বন্ধপরিকর হইবে ?

বঙ্গীয় নারীকুলও যদি এইরূপ শিক্ষা  
প্রাপ্ত হয় তদ্বারা দেশের যে কি হিতসাধিত  
হইবে তাহা প্রকৃত দেশহিতৈষী ব্যক্তি  
মাত্রে বুঝিতে পারেন । জ্ঞানে যদি অজ্ঞা-  
নতা দূর না হয়, ধর্মে যদি অধর্ম দূর না

করে, সমাজের মূঢ়তা যদি শিক্ষিত  
লোকেরও ভয়ের কারণ থাকে, তবে সে  
জ্ঞান সে ধর্মের সার্থকতা কি ?

হিন্দুসমাজ রমণীর মূর্খতা আজও  
বাঞ্ছনীয় বোধ করিতেছে । মহাপরাক্রম-  
শালী ঈশ্বরের কৌশলে বঙ্গদেশে যে  
সমাজসংস্কার এবং জ্ঞানধর্মের প্রবল তরঙ্গ  
উখিত হইয়াছে অল্পসংখ্যক লোক সেই  
স্রোতে ভাসিয়া গিয়াছে । তাহাদের  
দ্বারা ব্রাহ্মসমাজ গঠিত হইয়াছে । ব্রাহ্ম-  
সমাজস্থ বালিকাগণ নানারূপ উচ্চ শিক্ষা  
গ্রহণ করিতেছেন বলিয়া এদেশে রমণী-  
কুলে উচ্চ শিক্ষা গৃহীত হইতেছে । কিন্তু  
বিস্তীর্ণ হিন্দুসমাজ যদি বালিকাদিগকে  
উচ্চশিক্ষা গ্রহণে উৎসাহিত না করে,  
তবে দেশময় মহিলাসমাজে উচ্চ শিক্ষা  
প্রবেশ করিবে না ।

শিক্ষার যে অল্প কিরণ হিন্দুসমাজে  
প্রবেশ করিয়াছে ইহারই প্রভাবে কুসং-  
স্কারাঙ্ককারের ঘনত্ব হ্রাস হইয়াছে ।  
প্রাচীন পণালীর পূজার্কন্যার অনেক মহি-  
লার পূর্ববৎ আস্থা নাই । তবে সমাজ-  
ভয়ে পুরুষ নারী সকলেই আড়ষ্ট হইয়া  
আছে । বিবেকের সম্মান নাই । সত্য  
ঈশ্বরের উপাসনাদিতে দৃঢ়তা দেখা যায়  
না । অনিচ্ছায়ও গুরুর পাদোদক পুরো-  
হিতের পদরজঃ গ্রহণ করিতে হয় ।  
বিবাহাদি সামাজিক অনুষ্ঠানে অনেক  
অর্থহীন কার্য করিতে অনেককেই বাধ্য  
হইতে হয় । জ্ঞান এবং স্বাধীনতা মনুষ্য-  
মাত্রের মহাশক্তি । এ শক্তি হিন্দুসমাজে  
আদৃত হইবার নহে । প্রচলিত প্রথার

আনুগত্য পুরুষ নারী সকলকেই স্বীকার  
করিতে হয় । যে বিষয়ে যাহার আস্থা  
নাই, পুরুষ নারী নির্বিশেষে সকলকেই  
সমাজের সন্তোষ সাধনার্থ তাহারও অনু-  
ষ্ঠান করিতে হয় । এরূপ অনুষ্ঠানে মনু-  
ষ্যের প্রকৃত শক্তি লোপ পায় ।

হিন্দুর শাস্ত্রে সত্যনিষ্ঠা এবং ব্রহ্মপূজা  
বিষয়ে অনেক উপদেশ আছে । আবার  
মূর্তিপূজা ও লোকাচারের অনুবর্তন বিষ-  
য়েও বহু অনুশাসন দেখা যায় । সুতরাং  
হিন্দুসমাজের প্রাচীন অবস্থানুসারে বর্ত-  
মানকে চালাইতে হইলে বুদ্ধমানকেও  
হতবুদ্ধি হইতে হইবে ।

আমরা জানি হিন্দুসমাজস্থ বহু মহিলা  
বর্তমানকালের প্রভাবে অনেক বিষয়ে  
সুশিক্ষা এবং সদ্ভাব প্রাপ্ত হইয়াছেন ।  
ভারত ধর্মমহামণ্ডলে অনেক শিক্ষিতা  
হিন্দুমহিলা সভা আছেন । তাঁহারা কি  
আপনাদের বিষয় সঙ্কটের বিষয় কখন  
চিন্তা করেন না ? এ সঙ্কটে যে মিথ্যা  
এবং কপটতাই বুদ্ধি পাইতেছে ।

অনেক পদস্থ পুরুষ উন্নতির স্রোতে  
গা ভাসাইতে না পারিয়া ইচ্ছাপূর্বক  
পৌত্তলিকতা ও নানারূপ কপট ধর্মভাব  
দ্বারা স্ত্রীয় পরিবার পরিজনকে ভুলাইতে  
চেষ্টা করেন । অনেক পরিবারে কর্তৃ-  
পক্ষের এরূপ চেষ্টা একেবারে পণ্ড হইয়া  
যায় । কিন্তু ঈশ্বরের ইচ্ছা এবং কালের  
গতির বিরুদ্ধে কতকাল এরূপ সংগ্রাম  
চলিতে পারে ? বঙ্গদেশে মহিলাকুলে  
জ্ঞানের স্রোত প্রবেশ করিতেছে, আরও  
করিবে । আলোকের প্রকাশে অন্ধকার



যেমন স্বতঃই দুঃ হইয়া যায়, তেমনই জ্ঞানের প্রকাশে অন্ধকার ও কুসংস্কার চলিয়া যাইবে। অশিক্ষিতাদিগের এক প্রকার ছরবস্থা। তাহা সকলেই স্বীকার করে এবং বুঝিতে পারে। কিন্তু সমাজের প্রভাবে শিক্ষিতা মহিলাগণও যে এক প্রকার ছরবস্থা ভোগ করে তাহা কি বঙ্গদেশের শিক্ষিত লোকদিগের মনে প্রকাশ পায় না? শিক্ষায় যদি জীবনের পরিবর্তন না করে তবে সে শিক্ষায় উপকার কি? হিন্দুসমাজ পরিবর্তিত না হইলে হিন্দুসমাজে নারীর শিক্ষার ফল ফলিবে না এ কথাটি শিক্ষিত এবং শিক্ষিতাগণের ভাবিয়া দেখা আবশ্যিক।

### নারীশিক্ষার সেকাল একাল।

মৈত্রেয়ী গার্গী খনা লীলাবতী পভতি জন্মপরিগ্রহদ্বারা যে দেশকে ধৃত করিয়া গিয়াছেন সে দেশের লোক স্ত্রীশিক্ষার নামে খড়্গহস্ত হইয়াছিল, সে দেশে মহিলামাত্র অক্ষরজ্ঞানশূণ্য ইহা অপেক্ষা শিক্ষার পরিবর্তন পৃথিবীর অন্তর্দেশে হইয়াছে এমন স্ফুটিগোচর হয় নাই। নব যুগপরিবর্তনে বঙ্গদেশে প্রায় ষাট বৎসর হইল বালিকা শিক্ষার পর্বর্তনা হইয়াছে। এদেশে নারী শিক্ষার সঠিত মহামতি বেথুন সাহেবের নাম চিরকাল গ্রথিত থাকিবে। যখন লর্ড ডেলহাউসি ভারতের গবর্নর জেনারেল এবং বেথুন মহোদয় কাটনসিলের মেম্বর তখনও সমস্ত বাঙ্গালী স্ব স্ব প্রাথমিক হিত্তাগণের

জ্ঞানোন্মেষের ভয়ঙ্কর বিরোধী, কচিং চই একজন কৃতবিদ্য লোক মাহস পূর্বক স্ত্রীশিক্ষার পক্ষসমর্থন পূর্বক কোন কোন সংবাদপত্রে প্রবন্ধ লিখিতেন। এসময় মহাত্মা বেথুন সাহেবের মনে এদেশে স্ত্রীশিক্ষা প্রবর্তনের প্রবল সংকল্প জাগ্রত হইল। তিনি কলিকাতাতে আপনাক নামে বালিকাবিদ্যালয় স্থাপন করিলেন। বাবু দক্ষিণারঞ্জন মুখোপাধ্যায় বর্তমান বেথুন বিদ্যালয়ের ভূমি দান করেন। মহাত্মা বেথুন সম্পূর্ণ নিজস্বায়ে সেই স্থানে বিদ্যালয় বাটিকা নিৰ্মাণ করিয়াছিলেন। তখন ঈশ্বরচন্দ্র বিদ্যাসাগরের নাম কলিকাতায় বিখ্যাত হইয়াছে। তিনিও স্ত্রীশিক্ষার পক্ষপাতী। তাঁহারই যত্নে কলিকাতার অনেক প্রসিদ্ধ লোক বেথুন-বালিকাবিদ্যালয়ে স্ব স্ব কত্থাকে বিদ্যাশিক্ষার্থ প্রেরণ করিতে তাঁহারা সমাজ-চ্যুত হইয়াছিলেন। এই সকল শিক্ষাপ্রাপ্ত কত্থাদিগের উদাহরণ্যাপারেও বিদ্যাসাগর মহাশয়কে মধাবর্তিতা করিতে হইত। কেন না শিক্ষিতা কত্থাদিগকে কেত স্ব স্ব পত্রবধু করিতে চাহিত না।

স্ত্রীশিক্ষা বিষয়ে বঙ্গদেশে সেই এক কাল গিয়াছে, অধুনা ঈশ্বররূপায় আবার এই এক কাল উপস্থিত হইয়াছে। এখন সকলেই শিক্ষিতা বধু পাইবার জন্ত আগ্রহান্বিত। ব্রাহ্মণ বৈদ্য কায়স্থাদি শিক্ষিত দিগের মধ্যে স্ত্রীশিক্ষার বিরোধী লোক নাই বলিলেও বোধহয় মিথ্যা হয় না। স্ব স্ব কত্থা ও ভগিনীগণকে কে অধুনা মূর্খতার অন্ধকারে আচ্ছন্ন রাখিতে

ইচ্ছুক? এদেশের গবর্নমেন্টও নারীশিক্ষা-বিস্তারে যথেষ্ট অর্থব্যয় এবং নানারূপ উপায়াবলম্বন করিতেছেন।

স্ত্রীশিক্ষাপ্রবর্তনে পূর্বে যে সকল দোষ ঘটয়াছে সে সকল দোষ এখন সংশোধনের সময় উপস্থিত হইয়াছে। বঙ্গদেশে বহু শিক্ষিতা মহিলা এখন স্ত্রীশিক্ষা বিষয়ে অধাক্ষতা করিতেছেন। তাঁহাদের মনোযোগ অর্কর্ষণার্থ আমরা বর্তমানে স্ত্রীশিক্ষাপ্রণালীর কয়েকটি দোষ নিম্নে উল্লেখ করিতেছি।

১। আমরা ইতিপূর্বে কয়েকবার উল্লেখ করিয়াছি, আবারও উল্লেখ করিতেছি যে এদেশে স্ত্রীশিক্ষার সূত্রপাত হইতে পুরুষের আদর্শানুসারে মেয়েদিগকে শিক্ষা দেওয়া হইতেছে। ইহা হওয়া কখনই উচিত নহে। বঙ্গদেশে যখন নারী শিক্ষার বহুল বিস্তার হইতেছে তখন মেয়েদের আদর্শও স্বতন্ত্র হওয়া আবশ্যিক। শীঘ্রই ঢাকা নগরে ভিন্ন ইউনিভার্সিটি স্থাপিত হওয়ার প্রস্তাব হইয়াছে। কিন্তু ঢাকা ইউনিভার্সিটির প্রস্তাব বিষয়ক প্রকাণ্ড গ্রন্থমধ্যেও নারীজাতির শিক্ষা বিষয়ে স্বতন্ত্র আদর্শের কোন কথা উল্লেখ দেখা যায় না। এ বিষয়ে দেশীয় শিক্ষিতমণ্ডলীর কিম্বা শিক্ষাসদস্যগণের মনোযোগমাত্রও আকৃষ্ট হইতেছে না। ঈশ্বর নরনারীর শরীর ও হৃদয় মন কি পরস্পর হইতে কিঞ্চিৎ বিভিন্ন করেন নাই? তাহাদের সংসারে কি বিভিন্ন কার্যসাধনে জীবন যাপন করিতে হয় না? নারী নরের কিংবা নর নারীর প্রতিযোগী নহে। তাহারা পর-

স্পরের সহায়। তবে শিক্ষাক্ষেত্রে তাহা-দিগকে পরস্পরের প্রতিযোগী করা হইবে কেন? ঢাকা ইউনিভার্সিটি যদি নারীশিক্ষার ভিন্ন আদর্শ স্থাপন করেন তবে বঙ্গদেশে নারীজাতির শিক্ষাবিধায়িনী বিধির একটি গুরুতর দোষ সংশোধিত হইতে পারে।

২। নারীজাতির বর্তমান শিক্ষাপ্রণালীর দ্বিতীয় দোষ শিক্ষার সঙ্গে ধর্মশিক্ষার অভাব। এ অভাব যে কিরূপে উন্মোচিত হইবে তাহা নির্ধারণ করাও উঃসাধ্য। কারণ এক বঙ্গদেশেই হিন্দুধর্ম নামে বিবিধ প্রকার ধর্ম প্রচলিত। সেই প্রচলিত ধর্মগুলি আবার নানারূপ কুসংস্কারে বিজড়িত। বাঁহারা বালিকাদের শিক্ষাকার্যে রত তাঁহারা কেহ বা হিন্দু, কেহ বা ব্রাহ্ম, কেহ বা খ্রীষ্টান, কেহ বা মুসলমান, কেহ বা কোন ধর্মের ধার ধারেন না একরূপ পুরুষ বা স্ত্রীলোক। একরূপ অবস্থায় কিরূপে কে কি ধর্ম বালিকাদিগকে শিক্ষা দিবেন? ধর্ম্মেতে প্রগাঢ় আস্থা এবং এক বিন্দু অহুরাগ না থাকিলে অতের ধর্ম্মের অভাবের ক্রেশ কাহারও অহুভূত হইতে পারে না। অথচ নারী যদি বাল্যাবধি অভ্যাঙ্গে ব্যবহারে এবং শিক্ষাবিষয়ে ধর্ম্মহীন হয় তবে সমাজের বা পরিবারের ধর্ম্মরক্ষা কে করিবে? নৈতিক চরিত্রের ভিত্তি ধর্ম্মেতে। স্বতরাং ধর্ম্মে উদাসীন যে নারীর পক্ষে অতিশয় অনিষ্টজনক, দেশের পক্ষে ভয়াবহ তাহাত যুক্তি দ্বারা বুঝান যায়। কিন্তু ইহার প্রতীকারের উপায়

নির্দেশ করা সহজ নহে। যাহা হটক আমরা এ গুরুতর অভাবের বিষয় উল্লেখ করিলাম, নারীহিতৈষিগণ এ বিষয়ে প্রাণিধান করুন চাহাই আমাদের নিবেদন।

৩। বালিকাগণ জ্ঞান শিক্ষার সহিত যদি নানারূপ গৃহকর্মে শিক্ষালাভ না করে তবে গৃহিণী হইবার উপযুক্ততা কোথায় লাভ করিবে। পুরুষদিগের এবিষয়ে শিক্ষার কোন প্রয়োজন নাই। অগতঃ মেয়ে নানারূপ গৃহকর্মে দক্ষতা লাভ না করিলে গৃহরক্ষা করিতেই সমর্থ হয় না। মেয়েদের স্কুলে কিম্বা কলেজে নানারূপ গৃহকর্মের উপযোগী শিক্ষাদানের ব্যবস্থা থাকা কি অত্যাশঙ্ক নহে? আমাদের শিক্ষাক্ষেত্রের অধ্যক্ষগণ বিদেশী। এবিষয়ে তাঁহাদের জ্ঞান বা সহানুভূতি আছে কি না তাহা তাঁহারা জানেন। কিন্তু তাঁহারা নারীজাতির শিক্ষাবিষয়ী বাবস্থা কার্যে এদেশীয় শিক্ষিত নরনারীদিগের আনুকূল্য প্রার্থনা করিতেছেন। এ সুযোগ এতদেশীয় শিক্ষিত পুরুষ বা মহিলা কাহারও উপেক্ষা করা উচিত নহে।

বালিকাশিক্ষার যাহাতে বিশেষরূপ বিস্তার হয় এবং বালিকাদিগের শিক্ষা যাহাতে তাহাদের জীবন ও কার্যক্ষেত্রের উপযোগীরূপে সর্বাপেক্ষা হইতে পারে বঙ্গদেশীয় শিক্ষিত লোকমাত্রের সে চেষ্টা করিবার বিশেষ সময় সমুপস্থিত। ষাট্ বৎসর পূর্বে পুরুষ নারীদিগকে বৃদ্ধান কঠিন হইত যে তাঁহাদের আশ্রিত বালিকাদিগকে জ্ঞান শিক্ষায় নিয়োগ

করা কর্তব্য। তখনকার মহারথিগণের ঐরূপ চেষ্টাতেই সময় গিয়াছে। এখন যে জননী সয়ং মর্খ সে জননীও আপন কন্যা সম্বন্ধে জ্ঞানদানের আবশ্যিকতা অনুভব করিতেছে। এ সময়ে যে রাজ্য প্রজার যুগপৎ বালিকাশিক্ষায় আবার বিশেষরূপে চিত্ত প্রধাবিত হইয়াছে ইহা বিধাতা প্রেরিত শুভক্ষণ বলিয়া গণনা করিতে হইবে। এ সময়ে সকলের সমবেত যত্ন যেন বঙ্গীয় বালিকাগণের উপযোগিনী শিক্ষাবিধি প্রবর্তনে নিযুক্ত হইতে পারে ইহাই প্রার্থনীয়।

“মহিলার” ক্ষীণকণ্ঠধ্বনি বঙ্গদেশের শিক্ষাবিষয় নিযুক্ত গণমাগ্ন ব্যক্তিগণের কর্ণগোচর হইবে কি না জানি না আমরা চাই বঙ্গদেশের আপামর সাধারণে স্ত্রীশিক্ষার বিস্তার হয়। বঙ্গদেশের মহিলা-প্রকৃতিতে সতঃই ধর্মভয় ও ধর্মাসুরাগ বর্তমান। ইহা যেন শিক্ষালাভে পরিপুষ্ট ও পরিশুদ্ধ হয়। বঙ্গীয় সীমন্তনীগণ অনংখ্য প্রকার কুসংস্কারে অত্যাপি বিজ-ডিত। জ্ঞানালোকে যেন সে সকল কুসংস্কার-শৃঙ্খল স্থলিত হইতে পারে। পুরুষের প্রতিযোগী হওরা নিবন্ধন বঙ্গীয় নারীজাতির স্বাভাবিক সঙ্গুণ রাশির যেন বাত্যায় না হয়। স্ত্রীশিক্ষার মধ্যে যত প্রকার ত্রুটি ঘটিয়াছে কিম্বা ঘটতে পারে তাহা শিক্ষাসদস্যদিগের নেত্রপথে পতিত হটক। সে সকল ত্রুটি ও অভাব দূরীকরণের উপায় যেন এ সময়ে অব-ধারিত এবং কার্যে পরিণত হইতে পারে।

### ব্রহ্মকন্যার অধিকার \*।

যখন এবার ব্রাহ্মিকা উৎসবের উপাসনার ভার এই দীন অকিঞ্চনের উপর হস্ত হইল, তখন ভাবিয়া ছিলাম, উপাসনা করিব, কিন্তু আমি আবার কি উপদেশ দিব, আচার্য্যাদেবের উপদেশের পুস্তক হইতে একটি উপদেশ পাঠ করি-লেই ভাল হইবে, এই চিন্তার পরমুহূর্ত্তেই চঠাৎ “ব্রহ্ম কন্যার অধিকার” এই বাক্যটি আমার হৃদয় মধ্যে উথিত হইল। এই বিষয় চিন্তা করিয়া যা’ তু’ একটি কথা মনে আসিল, তাহা আজ ভগিনী-দিগের নিকট না বলিয়া থাকিতে পারি-লাম না।

বাহিরের সকল কোলাহল দূরে রাখিয়া যখন জীবনের দিকে তাকাই, তখন কি দেখি না সকলের স্রষ্টা নিয়ন্তা যিনি তিনি এই জীবনের মূলে রয়েছেন। এই জীবন তাঁর স্রীহস্তগঠিত; কত সুন্দর ভাব দিয়ে যিনি এই জীবনকে গঠিত করিয়াছেন, কেন তিনি এমন সুন্দর ভাবে আমাদের জীবনকে গঠিত করি-লেন, আজ তাহা একবার স্মরণ করি।

জড়রাজ্যে, প্রকৃতিরাজ্যে নিরন্তর প্রতিনিমেষে পলকে তাঁর অভিপ্রায় সংসাধিত হইতেছে। গোলাপ ফুলের ঐ ছোট গাছটী কি বলতে পারে, না আমি ফুল ফোটাও না, আকাশের ঐ সূর্য্য কি কোন দিন বলতে পারে, না

\* কটকের ত্র্যশীতিতম মাঘোৎসবে ব্রাহ্মিকা উৎসবের উপাসনায় রচিত।

আমি আজ আলো বিতরণ করিব না; না, ইহা কখনই হইতে পারে না, সনাই তাঁর শুভ ইঙ্গিত মানিয়া নিজ নিজ পথে চলিতেছে, নিজের অধিকার নিজের অঙ্গাতে বুঝিয়া লইয়া নিজ নিজ পথে চলিতেছে।

আমরা ব্রহ্মকন্যা, আজ আমরা আমাদের নিজেদের অধিকারের কথা একবার স্মরণ করি। করুণাময় মঙ্গলময় পিতা কেন এত সুন্দর ভাবে সাজাইয়া তাঁর কন্যাদিগকে জগতে প্রেরণ করি-লেন, আজ আমরা একথা একবার চিন্তা করি। সেই সনাতন ব্রহ্ম কি তাঁর কন্যা-দিগকে আপনার ক্ষুদ্র সংসারের স্বার্থ সাধনের জন্ত প্রেরণ করিয়াছেন? না। তিনি পরিবারের কল্যাণের জন্ত, সমাজের কল্যাণের জন্ত, জগতের কল্যাণের জন্ত তাঁর কন্যাদিগকে স্বর্গের সুন্দর সুন্দর ভাব দিয়ে পৃথিবীতে প্রেরণ করিয়াছেন। সেই সনাতন ব্রহ্ম তাঁর কন্যাদিগকে কত বড় উচ্চ অধিকার দিয়াছেন তাহা যখন এই হৃদয়ের মধ্যে একবার চিন্তা করি, তখন কি এক মহান্ ভাবেতে হৃদয় ডুবে যায়, তা নিজেই ভাল করিয়া বুঝতে পারি না।

আমাদের এই জীবন, আমাদের পরিবারের জন্ত, ব্রহ্মসমাজের জন্ত, পৃথিবীর সমুদয় ভ্রাতৃমণ্ডলী ও ভগ্নীমণ্ডলীর জন্ত। এবার উৎসবের আরম্ভ হইতে বড় আশার কথা, বড় সুখের কথা আমরা গুনিতে পাইয়াছি, ব্রহ্মকন্যা তাঁর উচ্চ অধিকারের কথা, ব্রহ্মকন্যা তাঁর স্থান

কোণায়, তাহা বুঝিতে চেষ্টা করিতে-  
ছেন, এবং সেই পথে অগ্রসর হইতেছেন ;  
ব্রহ্মকৃত্য আর অশ হৃদয় লইয়া নিশ্চেষ্ট  
ভাবে বাসিয়া রহিবেন না। ব্রহ্মমন্দিরের  
পবিত্র বেদী হইতে কত ভ্রাতার আকুল  
প্রাণের ভক্তি, প্রীতি, পূজার্চনা যা'  
ব্রহ্মের চরণে অর্পিত হয়েছে, ব্রহ্মকৃত্য  
তাহা দেখিয়া শুনিয়া বুঝিয়া এতদিন  
কৃতার্থ হইয়াছেন, জীবন ধন্য করিয়াছেন;  
এখন ভগিনীর আকুল প্রাণের ভক্তি  
প্রীতি, ব্রহ্মোপাসনা শুনিয়া দেখিয়া  
ভ্রাতৃগণ সুখী হউন, তাঁদের নিরাশ  
হৃদয়ে আশার সঞ্চার হউক। ব্রহ্মকৃত্য  
মুখে ব্রহ্মের পবিত্র জ্যোতি, পুষোর প্রভা,  
ব্রহ্মের সুবমল সৌন্দর্য্য দেখিয়া জগৎ  
মোহিত হউক, ব্রহ্মকৃত্যর জীবন সফল  
হউক।

নদীতে বন্যা আসে, আবার বন্যার  
জল শুখাইয়া যায় সত্য, কিন্তু সেই বন্যার  
জল কি কিছু দিয়ে যায় না? নদীতে  
যখন বন্যা আসে, তার দুই দিকের স্থল-  
ভূমিকে সিক্ত করিয়া সেই স্থলভূমিকে  
ফলপ্রদ করিয়া তুলে এবং সেই শুষ্ক নদীর  
বক্ষে কত স্থানে পাল জমিয়া সেই সমস্ত  
স্থানকে উর্বরা করিয়া তোলে। তেমনি  
উৎসব বৎসরে বৎসরে আসে এবং ধায়,  
কিন্তু আমাদের জন্ম কি কিছু রাখিয়া  
যায় না? যায় বৈ কি, কত নীরস শোক  
পাপ জর্জরিত প্রাণকে সরস করিয়া  
সমস্ত মলিনতা পাপ জঞ্জাল ধুইয়া দিয়া  
যায়, স্বর্গের কত কথা শুনায়ে, কিন্তু  
আমরা সেগুলিকে প্রাণে ধরে রাখতে

পারি না। কিন্তু আজ কেন মনে হচ্ছে  
এবার থেকে 'উৎসবে যা' পাব, তা'  
প্রাণে সযত্নে রাখবো, জীবনকে ব্রহ্মের  
ইচ্ছানুগত করিয়া চালাইব, আর সংসা-  
রের কলুষিত বাসনা, কামনা, স্বার্থের  
মধ্যে নিজেকে ঢেলে দিব না, ব্রহ্মদত্ত ধনে  
ধনী হব, নিজ নিজের অধিকার বুঝিয়া  
লইব।

কটক।

রেবারায়।

### পৌত্তলিকতা।

মূর্ত্তি গঠন করিয়া দেবতার আরাধনা  
করা কত দিন হইল এদেশে প্রচলিত  
আছে তাহা নির্ণয় করা কঠিন। তবে  
এইমাত্র বলা যাইতে পারে যে, এদেশের  
প্রাচীন ধর্মগ্রন্থে মূর্ত্তিপূজার কোন উল্লেখ  
নাই। প্রাচীন কালে লক্ষ লক্ষ নরনারীর  
মধ্যে দুই চারিজন ব্রহ্মবাদী ছিলেন অথবা  
উচ্চাধিকারিগণ পরমাত্মার আরাধনা  
করিয়াছিলেন এবং গ্রন্থে তাঁহাদিগের  
জীবনের অভিজ্ঞতার বিষয় লিখিয়া গিয়া-  
ছেন। কিন্তু তাহাতে এ কথা প্রমাণ  
হয় না যে, সে সময়ের সকল লোকই  
নিরাকার ব্রহ্মের উপাসনা করিতেন।  
প্রকৃত প্রস্তাবে মানুষের উপাস্ত দেবতা  
তাহার মনের অবস্থার উপযোগী হইয়া  
থাকে। অশিক্ষিত মানুষকে উচ্চ ব্রহ্মতত্ত্ব  
বলিলেই সে ব্রহ্মোপাসনা করিবে তাহা  
সম্ভব নয়। তাহার জ্ঞানোন্নতি না হইলে  
নিরাকার উপাসনা করিতে উপদেশ দিলেও  
সে আপনার মনের মত উপাস্ত স্থির

করিয়া লইবে। এজন্য অনেক সন্দেহবদী  
পণ্ডিত মনে করেন যে, সকল প্রকার  
উপাসনাতেই পৌত্তলিকতা আছে। একপ  
কারিয়া পৌত্তলিকতার ভয় করা এবং  
পৌত্তলিকতার ভয়ে ধর্ম পর্যাণ্ড ভাঙ্গ  
করিতে প্রস্তুত হওয়া কোন কোন পণ্ডি-  
তের মত। মৌভাগ্যের বিষয় যে, মনুষ্য-  
সাধারণ সে মত কখনও গ্রহণ করিবে না।  
ইহুদীজাতের প্রাচীন ধর্মগ্রন্থ আলোচনা  
করিয়া দেখা যায় যে, অতি প্রাচীন  
কালেই এই জাতি পৌত্তলিকতা পরিহার  
করিতে বন্ধপরিকর হইয়াছিল। ঐ সময়ে  
চারিদিকের সমস্ত জাতি যে পৌত্তলিক  
ছিল তাহা নিশ্চয়, তবে একথাও সত্য  
যে, ঐ সকল জাতির মধ্যেও সময় সময়  
ধর্মসংস্কারক উপস্থিত হইয়া পৌত্তলিকতা  
পরিহার করিতে উপদেশ দিয়াছিলেন।  
একমাত্র ইহুদী জাতিতে নিরাকার ঈশ্বরে  
বিশ্বাস প্রতিষ্ঠিত হইয়াছিল। অপর  
দিকে ইহুদীজাতি পৌত্তলিকতা ভাঙ্গ  
করিয়াই যেমনতা নিরঞ্জন সত্য ঈশ্বরকে  
পাইলেন তাহা কেহ বলিতে পারে না।  
তাঁহারা অদৃশ্য বা নিরাকার ঈশ্বরের পূজা  
আরম্ভ করিলেন, কিন্তু তাঁহাদিগের উপাস্ত  
দেবতা ক্ষুদ্রতা ও বিকার হইতে রক্ষা  
পাইলেন না। কেবল পৌত্তলিকতার  
প্রতি বিদ্রোহ বন্ধমূল রহিয়া গেল। ইহুদী  
ধর্মের ভিতর দিয়া খ্রীষ্টধর্ম আসিল, অব-  
শেষে খ্রীষ্ট ও ইহুদী ধর্মের সংঘর্ষে মুসল-  
মানধর্ম উপস্থিত হইল। এই তিন ধর্মের  
শোকই সেই আদি স্বভাব অর্থাৎ পৌত্ত-  
লিকতার তীব্র প্রতিবাদ চিরদিন রক্ষা

করিয়াছে। ইহারা অল্প সকল প্রকার  
বিদ্রোহ ধর্মের প্রতি ক্ষমাশীল হইতে  
পারে, কিন্তু মূর্ত্তিপূজাকে ক্ষমা করিতে  
পারে না। আমরা খ্রীষ্ট ধর্মের প্রভাবে  
পড়িয়া খ্রীষ্টানদিগের নজ্জাগত ভাব মূর্ত্তি-  
পূজার প্রাচ্যে বিদ্রোহ শিক্ষা করিয়া-  
ছিলাম। নূতন ভাবাপন্ন ধার্মিক লোক  
ধর্মের নামে সকল প্রকার অযৌক্তিক  
কার্য্য সমর্থন করিতে পারেন, কিন্তু  
পৌত্তলিকতাকে অসহ্য গর্হিত কার্য্য বলিয়া  
মনে করেন। ইহার ভিতরে কতগুলি  
মিথ্যা ধারণা আছে সে সকলের আলো-  
চনা করা সুখকর ও শিক্ষাপ্রদ।

জগতের কারণ, সৃষ্টিস্থিতি ও প্রলয়-  
কর্ত্তা পরমেশ্বর কখনও মানবমনের  
গোচর হন নাই, কখনও হইবেন না।  
তিনি সৃষ্টির অতীত, কাজেই মানব-  
বুদ্ধিরও অতীত। যাঁহারা এই সত্য  
উপলব্ধি করিছেন তাঁহারা অবশ্যই  
ঈশ্বার করিবেন যে, পরমেশ্বরের বিষয়ে  
যিনি যে শব্দ ব্যবহার করেন, যে কল্পনা  
পোষণ করেন, কিম্বা ধ্যানে বা জ্ঞানে  
সে ধারণা করিয়াছেন তাহা আংশিক,  
অযোগ্য বা অপূর্ণ। যত স্তব স্তুতি করা  
হয়, যত মন্ত্র উচ্চারণ করা হয়, কিছুই  
উপযুক্ত রূপে অনন্ত পূর্ণব্রহ্মকে প্রকাশ  
করিতে পারেনা। এই জন্ম তত্ত্বদর্শী  
ব্যক্তিগণ বলিয়াছেন যে তিনি নিত্য  
অবাক্ত, অনন্ত, অগম্য। উপনিষদ্ তাই  
বলিলেন, যিনি মনে করেন আমি ব্রহ্মকে  
জানিয়াছি তিনি ব্রহ্মকে জানেন নাই।  
সকলেই বুঝিতে পারিবেন যে ব্রহ্মকে কেহ

জানিতে পারে না, কাজেই মানুষের প্রদত্ত কোন নাম তাঁহার পূর্ণ স্বরূপ প্রকাশ করিতে পারে না। আমরা পরমেশ্বরের মহত্বের বিষয় যত চিন্তা করি ততই আমাদের শক্তির অযোগ্যতা ও তাঁহার অনন্তত্ব দর্শন করিয়া অবাক হই। সত্য ঈশ্বরকে জানিতে চেষ্টা করিয়া আমরা দেখিতে পাই যে তাঁহাকে জানা যায় না। এই অশক্তি আমাদের একভাবে নিরাশ করিতে পারে, কিন্তু নিরস্ত্র কারতে পারে না। তাঁহাকে কখনও পূর্ণরূপে জানিতে পারিব না, আমরা বুঝিতে পারি, কিন্তু তাই বলিয়া তাঁহার বিষয় উদাসীন ও নিশ্চিন্ত হইয়া থাকিতে পারিব না। আমাদের স্বভাব ও আমাদের জীবনের নিত্য নব নব সূত্র ছুঃখের অন্তর্ভুক্তি আমাদের তাঁহার বিষয় অনুসন্ধান করিতে ও তাঁহার লীলার বিষয় আলোচনা করিতে প্রবৃত্ত করে। ব্রহ্মতত্ত্ব আলোচনা করিতে করিতে সকল মানুষকেই এই অবস্থায় উপস্থিত হইতে হয়। কাজেই তাঁহারা যাহা বলেন তাহাতে জ্ঞানীকে কতকটা জ্ঞানদান করিতে পারে, কিন্তু যে ব্যক্তি আপনার উপাস্য দেবতাকে মনোপায় সমর্পণ করিয়া আধ্যাত্মিক উপলক্ষ ও তৃপ্তি অনুভব করিতে ব্যাকুল তাহার কোন সাহায্য করিতে পারেনা। সংক্ষেপত, ভক্তি বিশ্বাসের নিকট বাক্য মনের অগোচর অনন্ত ঈশ্বরের তত্ত্ব কখনও গ্রহণীয় হইবে না। ভক্তের মন এবিষয়ে নিষ্ক্রিয় থাকি জ্ঞান পায়ে না—চিরদিন মানুষ আপন আপন জ্ঞান বুদ্ধি অনুসারে ভক্তিপূর্বক

ভগবানের পূজাবন্দনা করিয়াছে, এবং করবে। কত জ্ঞানী পণ্ডিতগণ বলিয়া গেলেন যে ব্রহ্মের উপাসনা হয় না কত লোক বলিয়া গেলেন তাঁহার নিকট পূর্ণতা করিয়া কোন লাভ নাই, কত বড় বড় লোক বলিলেন নিত্যনির্বিকার ব্রহ্ম যাহা উচ্চা করিয়াছেন তাহা অবশ্যই হইবে মানুষের চেষ্টা বা সাধন বৃথা—কিন্তু ধর্ম-জগৎ কোন পণ্ডিতের কথা শুনিয়া তুচ্ছ স্ততি সাধন ভজন পূজাপাঠনা করা বন্ধ করেন নাই। চিরদিন ধর্ম মানব সমাজে প্রতিষ্ঠিত রহিয়াছে এবং চিরদিন থাকিবে।

অতি উচ্চ তত্ত্বজ্ঞানের কথাও যেমন অধিকদিন ধর্মপিপাসাকে তৃপ্ত করিতে পারে না সেইরূপ প্রস্তুত, কাষ্ঠ, ধাতু বা ঐ সকল উপাদানে গঠিত মূর্তিও প্রকৃত ধর্মপিপাসাকে তৃপ্ত করিয়া রাখিতে পারে না। এই উভয়বিধ আত্মাস্তিক অবস্থার মধ্যে মনুষ্যকে স্থিতি করিতে হইতেছে। যাহারা অজ্ঞানতাবশত জড়বস্তু, নগরবস্তু, বা সৃষ্ট জীবকে উপাস্যরূপে গ্রহণ করিয়াছে তাহারা পরমেশ্বর স্বয়ং জ্ঞানলাভ করে নাই, কেবল আপনাদিগের ভাবে ও বিশ্বাসে একটা উপাস্ত্র স্থির করিয়া লইয়া তাঁহার উপাসনার মনোপায় সমর্পণ করিয়া ভাব ভক্তি চরিতার্থ করিতেছে। ব্রহ্ম-তত্ত্বজ্ঞ উচ্চ ধর্মাক্রান্ত নরনারীর সহিত তাহাদিগের বাহ্যিক ভিন্নতা অতি সত্য, কিন্তু যিনি অন্তর দর্শন করেন, যিনি ভক্তবৎসল তাঁহার দৃষ্টিতে হয়ত অজ্ঞান ভক্তের অবস্থা অনেক পরিমাণে উচ্চ ও

শান্তিপূর্ণ। মূনদমানসাধকগণের নিকট একটা আধ্যাত্মিক শূন্য যাহা হইবে, হজরত ইব্রাহিম অত্যন্ত নিষ্ঠাবান্ এক ঈশ্বর বিশ্বাসী ছিলেন বলিয়া একসময়ে তাঁহার মনে একটু অহঙ্কার হইয়াছিল। তিনি একদিন ঈশ্বরকে জিজ্ঞাসা করিলেন, হে আদিতীয় ঈশ্বর, তোমার প্রকৃত বিশ্বাসী কে? ঈশ্বর বলিলেন, নিকটে অরণ্য মধ্যে এক প্রাচীন মন্দিরে অধোমুখ করিলে আমার শ্রেষ্ঠ বিশ্বাসীকে দেখিতে পাইবে। এই কথা শুনিয়া অত্যন্ত কৌতূহলক্রান্ত হইয়া ইব্রাহিম তথায় উপস্থিত হইলেন। সেখানে জনমানব কাহাকেও দেখিতে পাইলেন না, কেবল দেখিলেন যে, ঐ মন্দিরের মধ্যে এক বৃহৎ দেবমূর্তি আছে, তাহার সম্মুখ ভক্তিভাবে মগ্ন একটা মানুষ বসিয়া আছে। ইহা দেখিয়া তিনি অত্যন্ত আশ্চর্যান্বিত হইলেন এবং ঈশ্বরকে জিজ্ঞাসা করিলেন যে এমনি মূর্তিপূজক ইহাকে তুমি বিশ্বাসী বলিলে কেন? ঈশ্বর বলিলেন, তুমি ইহার সম্মুখে মূর্তি দেখিতেছ, আমি ইহার অন্তরে বিশ্বাস দেখিতেছি। এই গল্পটিতে বাস্তবের ও অন্তরের দর্শনের পার্থক্য উৎকর্ষরূপে দেখাইতেছে। যদি জ্ঞান উজ্জ্বল না হয়, অন্তর শুদ্ধ না হয়, তাহা হইলে কেবল মূর্তিপূজাতে বিশ্বাস না থাকিলেই কোন-রূপ শ্রেষ্ঠতা হয় না।

ধর্ম আধ্যাত্মিক ব্যাপার। পূজা উপাসনার পদ্ধতি, ঈশ্বর ও জীবাত্মা বিষয় জ্ঞান, নীতি ও সামাজিক অনুষ্ঠানের ব্যবস্থা সকল বিষয় ধর্মের অঙ্গ এবং ধর্মের

বাহ্যপমাণ মাত্র। যদি অহরে সত্যধর্ম প্রতিভাত না হয় তাহা হইলে বাহ্য অনুষ্ঠান বা মতাদির শ্রেষ্ঠতা সে অর্থাৎ কিছুতেই পূরণ করিতে পারে না। যতদিন আত্মাতে পরমাত্মার সাক্ষাৎকার লাভ না হয়, যতদিন ভগবান্ লীলাধর ব্যক্তিরূপে, মানুষের পিতা মাতা গুরু বন্ধু উপাস্ত্র ও আনন্দময় শেষগতিরূপে প্রকাশিত না হন ততদিন অপৌত্তলিকতার অভিমান করা লজ্জার বিষয়। বাহ্যর অন্তরে সত্যধর্ম নাই সে পৌত্তলিক কি অপৌত্তলিক তাহার সংবাদ লওয়া বৃথা। মূর্তিপূজা শ্রেষ্ঠ পূজা নহে, একথা সকলেই জানে। বাহ্যর মূর্তিপূজা করিয়া ধর্মভাব চরিতার্থ করে তাহাদিগের মনোপায় মূর্তি দর্শনেই তৃপ্ত হয়—তাহাদের দর্শন অস্ত্রের দৃষ্টিতে জড়দর্শন বা অত্যন্ত স্বল্পদর্শন মনে হইবে, কিন্তু যে সত্যই মূর্তিতে আপনার উপাস্ত্র দেবতাকে দর্শন করে—সে তাহার ভক্ত বিশ্বাসের বস্তুর উপস্থিত দর্শন করিয়া কৃতার্থ হয়। বাহ্যরা উচ্চ জ্ঞান লাভ করিয়া সত্য ঈশ্বরের পতি বিশ্বাস স্থাপন করিতেছেন, তাহারা যতদিন তাহা দর উপাস্ত্র দেবতা সচ্ছিদানন্দরূপে নিরাকার পরমেশ্বরকে উপাস্ত্র দেবতা স্থির করিয়াছেন তাহাদের পক্ষে এখন প্রয়োজন যে তাহারা অশিক্ষিত সত্য পৌত্তলিকের চক্ষুর সম্মুখ উপস্থিত উপাস্ত্র দেবতার আয় তাঁহার নিরাকার উপাস্ত্র দেবতাকে বিশ্বাসচক্ষে দর্শন করেন। যতদিন নিরাকার ঈশ্বরকে সেইরূপ প্রত্যক্ষ দর্শন না করা হয় ততদিন ঠিক

উপাসনা করা হইতেছে বলা যায় না। যাহারা পৌত্তলিকতা ত্যাগ করিয়া নিরাকার সত্য ব্যক্তি স্বরূপ ঈশ্বরের আরাধনা করিতে শিক্ষা করিয়াছেন, তাহারা পৌত্তলিকের ত্রায় প্রত্যক্ষ দেবতার পূজা করিতে যদি শিক্ষা না করিয়া থাকেন তবে তাঁহাদিগের পক্ষে পৌত্তলিক অর্দশ উপাসক হইলেন। তাহারা তাহাদিগকে ছোট মনে করিতে পারেন না। প্রকৃত ধার্মিক ব্যক্তি আপনার ধর্মকে যেমন মান্য করেন অত্ন সকল সাত্বিক ধর্মপথাবলম্বীর ধর্মকেও শ্রদ্ধা করেন। পৌত্তলিককে যিনি অবজ্ঞার চক্ষু দেখেন তিনি ধর্মবিষয়ে অদূরদর্শী।

জগদীশ্বরকে অনাদি অনন্ত বলিয়া যাহারা বিশ্বাস করেন তাহারা যে উচ্চ ও সত্যধর্ম সাধনে প্রবৃত্ত হইয়াছেন মনে রাখিয়া তাঁহাদিগকে আপনাদিগের উপযোগী বিশ্বাস ও ভক্তি লাভ করিতে হইবে। মনুষ্য-হস্ত-রচিত পুতুল বা মূর্তি, নদী, পর্বত, তিঁপ, বাঘ, সূর্য্য চন্দ্র, বক্ষলতা প্রভৃতি উপাস্ত হইতে পারে না, কিম্বা মনুষ্য মনুষ্যর উপাস্ত দেবতা বা পরিভ্রাতা হইতে পারে না। ইহা বলা কঠিন নহে। প্রকৃত প্রস্তাবে বর্তমান সময়ের সকল পুরুষ ও সকল নারীই এ সত্য লাভ করিয়াছেন। যাহারা জানিয়া বুঝিয়াও এক অদ্বিতীয় পরমেশ্বর ব্যতীত অত্ন বস্তু বা ব্যক্তির পূজা করেন তাহারা পৌত্তলিক নহেন, তাহারা অসরল বা ভণ্ড অর্থাৎ ধর্মের নাম করিয়া লোকের প্রশংসা বা মাগু পাইতে চেষ্টা করেন,

তাঁহাদিগকে প্রকৃত ধর্ম সাধকের শ্রেণীতে গণ্য করবার প্রয়োজন নাই। বর্তমান সময়ে পৌত্তলিকতা কথার কথা মাত্র। ধর্মহীন লোকেরা কোন অভিশ্রয় সাধনের জগু পুতুল পূজা করে, তাহারা নাস্তিক। কিন্তু যদি কোন একজন সরল বিশ্বাসী থাকেন যিনি মূর্তিতেই জীবন্ত জাগ্রত পরিভ্রাতা ঈশ্বরকে দর্শন করিয়া পূজা করেন তিনি অত্ন সকল উপাসকের মাগুর পাত্র হইবেন। এজগু বর্তমান সময়ে পৌত্তলিক বলিয়া কাহাকেও অবজ্ঞা করা উচিত নহে। প্রকৃত বিশ্বাসী পৌত্তলিক শ্রদ্ধার পাত্র এবং কপট পৌত্তলিক অপর সকল ধর্মহীন লোকদিগের শ্রেণীভুক্ত এবং রূপার পাত্র।

### আমাদের গল্প।

আমাদের একটা বদনামই আছে যে আমরা যেখানে যাই সেখানে কেবল দশ জনের সঙ্গে দেখা হইবে গল্প করিতে পারিব এই আশা কবিরাই যাই। আমাদের বর্ত্তিতা স্তনিত যোগ্য ঐ জগু আর মন্দিরে যাওয়াও ঐ জগু। এই বদনাম ছেলেরা আমাদের রাগাইবার জগু বলিলেও সহজ ভাবে দোষ স্বীকার করিতে হইলে বলিতে হয় যে সত্য সত্যই গল্প করা রোগটা আমাদের আছে। অবশ্য ছেলেরা আমাদের দোষ ধরতে অস্বীকার কোন অধিকার নেই, কেন না তাঁরা যদি আমাদের মত বাধা থাকতেন হস্তায় একবার করে কি দুবার করে বেরুতে

পেতেন, তাহলে তাঁদের গল্প করিবার অভ্যাসটা কি রকম হতো তা ভাবার বিষয়। ছেলেবেলার কথা মনে পড়ে, কোন এক জায়গায় একদিন বেড়াইয়া আসিয়া আবার দু তিন দিন পরে যাইতে চাইলাম; বাবা বলিলেন, “রোজ রোজ আবার যাওয়া কি?” কিছু বলিলাম না, কিন্তু মাকে জিজ্ঞাসা করলাম “মা বাবা রোজ রোজ কেন বন্ধুর সঙ্গে বেড়াতে যান, আমাদের বুঝি ইচ্ছা করেনা?” বাবার কানে এ কথা উঠিল; তার পর হতে ওরকম ভাবের কথা আর কখনও বলেন নাই।

আমাদের অবস্থার অনেক পরিবর্তন হয়ে গিয়েছে ও হচ্ছে এটা সকলেই অনুভব কচ্ছেন, ইহা কিছুই অপ্রত্যাশিত নয় বরং খুব স্বাভাবিক; কিন্তু এক পরিবর্তন যে আর এক পরিবর্তনের পথ খুলে দেয় জীবনের দায়িত্ব বাড়িয়ে দেয় সেটাও ভাবার কথা। যখন কেহ জিজ্ঞাসা করেন, “তোমার Suffragist দের সম্বন্ধে মত কি?” আমার খুব হাঁসি পায়-মাথা নেই তখন আবার মাথা ব্যথা কিসের? একধারে ছবি দেখছি অধিকার পাবার জগু, “মস্তের সাধন কি শরীর পতন”, অত্ন ধারে দেখছি ক্রমাগত ডাক পড়ছে এগোও না, এগোও না, কে এগোবে? উত্তর আসছে ওসব আমাদের দ্বারা হবে না বাপু। ওকি মেয়েদের কাজ। আগেই বলেছি অনেক পরিবর্তন হয়ে গিয়েছে, আরও পরিবর্তনের দরকার হলে তাও হবে। যে অধিকার হতে আমরা বঞ্চিত

তা আমরা নিশ্চয়ই পাব, পাব কি পাচ্ছি, আমাদের ও রকম যুদ্ধ করবার দরকারও হবে না। আমরা যদি অসম হই তাই-দের, বাবাদের বোকা। একটু কমে যায়। তাঁরা আফ্রাদের সঙ্গে আমাদের পথ ছেড়ে দেবেন। সেদিন একজন সিদ্ধি ভ্রলোক বলছিলেন যে, “মিষ্টার সিরাজী এক জন গোঁড়া Suffragist;” কিন্তু Mr. Shirazি লোকটার সুনাম এবং “গোঁড়া Suffragist” এরও বই পড়লাম দেখলাম Mr. Shirazিই আমাদের বেশী বাড়ালেন। তিনি গাছ ইত্যাদির উদাহরণ দিয়ে বলেন, স্ত্রী জাতিই বেশী ফল প্রসব করে ও কাজে আসে; কিন্তু Suffragist কি চাইছেন? তিনি স্ত্রী ও নারী যে দুই একে-বারে “এক” “সমান” তা একটুও বলছেন না, তিনি বলছেন মেয়ে পুরুষ একসঙ্গে না থাকিলে চলবে না, নূতন যুগে মেয়েরা পুরুষদের, কিম্বা পুরুষরা মেয়েদের সহানু-ভূতির চখে দেখবেন না, কিন্তু পরস্পর পরস্পরকে সহকর্মী মনে করবেন এবং সহকর্মী হতে গেলে যে অধিকার পাওয়া দরকার সেই সব নেওয়া হচ্ছেনা বলেই মেয়েদের এই যুদ্ধ। এঁরা যা বলছেন তাকি আমরা অনেক দিন হতে আমাদের দেশে শুনছি না? এখন থেকে শুনবার নয়, কিন্তু আমাদের ভাবার ও সেই সঙ্গে সঙ্গে কাজ করবারও সময় হয়েছে। Suffragistদের গালাগালি দিলেও গোরব হবেনা কিম্বা নিজেদের প্রশংসা শুনে সুখী হলেই চলবেনা। ইদানীং ক্রমাগত আমাদের প্রশংসাই শুনে আসছিলাম,

আর মনে হচ্ছিল ছেলেরা বেশ অল্প বার-  
করেছেন। যত প্রশংসা করবেন, যত  
আমাদের কাছ হতে প্রত্যাশা করবেন,  
ততই আমাদের দোষগুলো বেরিয়ে পড়বে;  
বেশ ভাল জন্ম করবার পস্থা।

বদনাম ও সুনামের ধারে বেশী  
দৃষ্টি না করে আমাদের অভ্যাস গুলোর  
কতটা ভাল কতটা মন্দ সেই বিষয়ে  
আলোচনা করে একটু একটু ছাড়তে  
চেষ্টা করলে খুব ভাল হয়। আমাদের  
গল্পর কথাই আরম্ভ করেছি। গল্প করাটা  
যে খুব খারাপ কথা তা একেবারেই নয়,  
কিন্তু প্রত্যেক জিনিষের সময় ও স্থান  
আছে। যখন বাড়িতে কোন অতিথি  
অভ্যাগত আসিয়াছেন, কিম্বা বাড়ীর  
ছেলেরা খাটিয়া খুটিয়া বাড়ী এলেন, কিম্বা  
বাড়ীর ছোট ছেলের একটু গল্প করিতে  
আসিল, তখন যদি আমরা গল্পী হইয়া  
একখানি বই নিয়ে বসে থাকি তাহলে  
কেমন লাগে? আমাদের যদি সকলকে  
আনন্দিত করবার—সুখী করবার সুযোগ  
বেশী করে দেওয়া হয়েছে, আমরা তা  
বদনামের ভয়ে করবই বা না কেন? খুব  
বেশী করে করবো এমন করে যে অচেনা  
চেনা হয়ে যাবে, অসুখী সুখী হয়ে যাবে,  
শ্রান্তের ক্লান্তি দূর হয়ে যাবে। কিন্তু  
তাই বলিয়া বাড়ীতে যখন ছেলেরা পড়ছেন  
সেই সময় নিজের পড়া দূরের কথা, গিয়া  
গল্প জুড়িয়া বসিলাম, বন্ধা বন্ধু তা দিতে-  
ছেন তাঁহার সমনে বসিয়াই অনায়াসে  
ফিস্ ফিস্ করিয়া “তোমার বোঁ কেমন”  
“কতদিন দেখা হয়নি” ইত্যাদি চলিতে

থাকিবে। এরূপ গল্প অবশ্য ত্যাগ করিতে  
হবে।

উঃসব চলিয়া গেল, প্রতি উঃসবের  
সময় একটা জিনিষ খুব বেশী করে লাগে,  
সেটা মন্দিরে আমাদের গল্প। উঃসব  
মানাই আনন্দ, উঃসবে গল্পীর সন্তীর  
হইয়া সকলে আসিবেন ইহা বলিবার  
উদ্দেশ্য নয়, কিম্বা উপাসনার আগে কি  
পরে একেবারে কথা বলিবেন না তাও  
নয়, কিন্তু তারই ভিতর খুব একটা সংযম  
থাকা দরকার, আমরা খানিকটা গোলমাল  
করে আনন্দ নিতে চাই কি? অনেক  
ভগিনীরা আসিয়া যোগ দেন বলিয়া  
যায়গাও একটু অক্ষয়ন হয় ও যাহাতে  
বেশী লোকে যোগ দিতে পারেন সেজ্ঞ  
আরও যায়গা বাড়ানোর চেষ্টা করা হয়  
ও হচ্ছে। কিন্তু উপরে নবীনাদের হুম্ হুম্  
করিয়া ছাত পেটা গোছ করিয়া চলা এবং  
প্রবীণদের কলরব, উপরে তো প্রায় কেহ  
যোগ দিতে পারেন না, নীচেও বিরক্তি-  
কর হইয়া উঠে বোধ হয়। তখন কি  
আমরা সব নীরবে করি, কথা বলি, হাঁটি?  
প্রশংসাসাগুলি তখন মনে পড়ে না? আর  
গল্প করার বদনাম মনে পড়ে না? নবীনী-  
দের বারণ করা যায় কিন্তু মাতৃস্থানীয়দের  
বলাও দায়। আজকালকার মেয়েদের  
বদনামই আছে। কতগুলি কথা  
আলোচনা করিতেও কষ্ট হয়, কিন্তু নিজেরা  
না বলিলে অল্প দশজনে বলিতেছে ও  
আলোচনা করছে, তখন নিজেদের দোষ  
স্বীকার করে শুধরাইতেই বা চেষ্টা কেন  
না করিব? অনেক সময় এমন দেখা

গিয়াছে যে প্রচারকদিগের স্বীরাই যখন  
তাঁদের স্বামীরা লোকেদের কাছে ভগবা-  
নের মহিমা প্রচার করছেন তখন ওনা,  
যোগ দেওয়া দূরের কথা গোল বাঁধিয়া গল্প  
করিতেছেন। তাঁরা যে সব সময় এ রকম  
করেন তা নয়, কিন্তু একবার হোক কি  
আধবারই হোক এতে যে আমাদের কত  
অপরাধ হয়ে যায় তাকি আমরা ভেবে  
দেখি? মনে হয় আমরা যদি একটু  
সাবধান হয়ে চলিতাম তাহলে পৃথিবী  
আরও কত সুখের হত। আমরা এগিয়ে  
দেওয়া, সহজ করে দেওয়া, সাহায্য করা  
দূরের কথা, অনেক সময় কি পেছনে টেনে  
আনি না? উপাসনা আরম্ভ হবার পর  
আমাদের যদি নেহাত কথা বলা দরকার  
হয় তাহলে আমরা একটু বাহিরে গিয়া  
কথা বলিয়া আসি, কিম্বা আমাদের যাদের  
ছোট ছেলেমেয়ে আছে তাঁরা যদি এমন  
যায়গায় বসি যে দরকার হইলে সহজে  
বাহিরে যাইতে পারি এবং আমরা যাহারা  
কেবল ঘুমাইবার জ্ঞান কিম্বা গল্প করিবার  
জ্ঞান আসি তাহারা যদি বাড়ী রহিয়া যাই  
তাহলে উঃসবের আনন্দ হইতে অশ্রদের  
বঞ্চিত করা হয় না। উঃসবে হাঁসি  
আনন্দভরা মুখ দেখিতে খুব ভাল লাগে,  
কিন্তু তাই বলিয়া উপাসনার সময় গল্প  
করাতে কি আমাদের আনন্দমূর্ত্তি প্রকাশ  
পায়?

আমাদের একসঙ্গে খাটবার ডাক  
চারিধার হতে আসছে। পারবো না, বলে  
চূপ করে বসে থাকলে হবে না কিন্তু  
আমাদের নিজেদের যা দোষ দুর্বলতা

দূর করতে চেষ্টা করতে হবে, উপযুক্ত  
হতে চেষ্টা করতে হবে। আমাদের  
অসুবিধার কথা ভেবে যদি অগেঁরা আরও  
বেশী যায়গার বন্দোবস্ত করেন তাহলে  
আমাদেরও কি আমাদের গল্প বন্ধ করে  
অশ্রদের সাহায্য করবার কথা ভাবতে  
হবে না? সা।

প্রভাতে।

(বালিকার রচনা।)

১।

পূরব আকাশে অরুণ পকাশে  
প্রভাত কিরণ ছুটিছে কিবা!  
রক্তিমবরণ মানসমোহন  
ঘোষিছে সকল আঁসিছে দিবা।

২।

আলোক পাইয়া সঙ্গীত ধরিয়  
উড়িছে আকাশে প্রভাত পাখী;  
কুহুম ফুটিয়া সৌরভ ছুটিয়া  
তোষিছে কেমন মানস আঁখি!

৩।

পাথারে প্রান্তরে সানন্দ অন্তরে  
ছুটিছে রাখাল গোপাল লয়ে  
তৃণপূর্ণ গোষ্ঠে পেলুপাল ছোটে  
কোন দিকে আর দেখেনা চেয়ে।

৪।

কৃষকের দল সঙ্গীত সরল  
গাইতে গাইতে ছুটেছে সবে।  
প্রভাতের পাখী প্রভাকর দেখি  
গাইছে সুদূরে মধুর রবে।

৫।

প্রভাতের শোভা কিবা মনোলোভা  
পুরুতির কিবা মধুর হাঁসি,  
সরস সলিলে বায়ুর হিল্লোলে  
দোলে ধরে ধরে কমলরাশি।

৬।

প্রকৃতির খেলা পভাতের মেলা  
এসবে তাঁহার পেমের রেখা,  
এসবে কেবল হোর অবিরল  
মহিমা তাঁহার রয়েছে লেখা।

বিধাননন্দিনী মজুমদার ।

কোচবিহার ।

## প্রাচীন মিশর ও ভারত ।

(পত ৩০শে জানুয়ারী তারিখে  
'দেবালয়' এর অধিবেশনে পঠিত)

প্রাচীনতম যুগ হইতে আরম্ভ করিয়া বর্তমান কাল পর্যন্ত পৃথিবীর যে ইতিহাস আমাদের হস্তগত হইয়াছে তাহা একটু মনোযোগ দিয়া অধ্যয়ন করিলে ইহা স্পষ্টই দেখিতে পাওয়া যায় যে একই যুগের সমস্ত সভ্যজাতি ভিন্ন ভিন্ন দেশে অবস্থিত থাকিয়াও প্রায়ই একই ভাবে মানসিক বৃত্তিগুলি পরিচালনা করিয়া থাকে। ফলে সমসাময়িক সভ্যসমাজ-সমূহে প্রচলিত নিয়মাবলীর মধ্যে একটা সামঞ্জস্য পরিলক্ষিত হয়; তাই আমরা প্রাচীন গ্রীকযোদ্ধা ও ভারতীয় ক্ষত্রিয়-বৃন্দের সমসাময়িক আইনে অনেকগুলি ধারা একই রকম দেখিতে পাই। এইরূপ

প্রাচীন জাতি সমূহের পারিবারিক ও সামাজিক আচার ব্যবহার, রীতি নীতি ও চাল চলনে, এমন কি আধ্যাত্মিক উন্নতি-কল্পে অনুষ্ঠিত ব্যাপার সমূহেও অনেকটা সাদৃশ্য বিদ্যমান।

আমরা আরও দেখিতে পাই যে যে জাতি যত প্রাচীন সে তত অধিক সংখ্যক দেবদেবীর পূজা করে। এই সকল দেব-দেবীর অনেকেই প্রাকৃতিক বস্তু বা ঘটনাবলীর সঙ্গে বিশেষভাবে সম্পৃক্ত। কতকগুলি প্রাকৃতিক বস্তু নৈসর্গিক নিয়মানুসারে সর্বদা জগতের উপকার করিয়া আসিতেছে, সুতরাং তাহারা পূজ্য; আবার কতকগুলি প্রাকৃতিক বস্তু বা ঘটনা অথবা জীববিশেষ দেবতার স্থান অধিকার করিয়াছে, কেননা তাহারা সহজেই মানব মনে ভীতি উৎপাদন করিতে সমর্থ। এইরূপেই একদিকে ভারতে গঙ্গাপূজা ও প্রাচীন মিশরে নীল নদের পূজার সৃষ্টি, এবং অপর দিকে ভারতে নাগপূজা ও মিশরে কুম্ভীর পূজার প্রচলন। মিশরের সভ্যতা ১০,০০০ বৎসরের এবং মিশরই জগতে সর্বপ্রথম উন্নতির উচ্চ সোপানে আরোহণ করিয়াছিল—ইতিহাস তাহাই প্রমাণ করিতেছে। এই আদিম সভ্যদেশের সঙ্গে ভারতের রীতিনীতির সাদৃশ্য দেখিয়া আমাদের স্বতঃই মনে হয় ভারতীয় সভ্যতাও মিশরের সমসাময়িক। পাশ্চাত্য পণ্ডিতেরা ভারতীয় সভ্যতাকে ৪,০০০ বৎসরের অধিক প্রাচীন বলিয়া স্বীকার করেন না, কিন্তু আমরা তাঁহাদের এই উক্তি সম্পূর্ণভাবে

সমর্থন করিতে প্রস্তুত নহি। যদিও এ বিষয়ে আমাদের জোর করিয়া কিছুই বলিবার যো নাই, তথাপি অগ্ৰাণ্য দেশের অ্য ঐতিহাসিক প্রমাণ ভারতে কেন নাই তাহার কারণ আমরা নির্দেশ করিতে পারি। প্রথমতঃ ভারতবাসী চিরকালই আধ্যাত্মিক উন্নতির জগ্ন যত্ন ও চেষ্টা করিয়াছে, পার্শ্ব জিনিস তাহার মনোযোগ আকর্ষণ করিতে পারে নাই; সুতরাং এই পৃথিবীতে আত্মস্মৃতিরক্ষার একটা স্পৃহাও তাহার অন্তরে স্থান পায় নাই। মিশরের ইতিহাসে দেখিতে পাই প্রত্যেক ব্যক্তিই নিজের স্মৃতিচিহ্ন রাখিয়া যাইতে বাস্তু। ভারতে ও মিশরে এই প্রভেদ, এবং এই প্রভেদের ফলে আজ মিশর পিরামিডের গৌরবে গৌরবান্বিত, আর ভারতের সাহিত্য ও দর্শনের সম্মুখে জগতের সমস্ত সভ্যজাতি অবনত মস্তকে দণ্ডায়মান। দ্বিতীয়তঃ মিশরের জলবায়ু ও প্রাকৃতিক অবস্থা স্মৃতিরক্ষার সহায়, আর ভারতের জলবায়ু তাহার প্রতিকূল। মিশরের পর্বতগাত্রে খোদিত লিপিমাল্য আজও ৮ হাজার বৎসরের প্রাচীন কীর্তিকলাপ আমাদের কাছে বুঝাইয়া দিতেছে, কিন্তু ভারতে দেড় হাজার বৎসরের প্রাচীন গিরিলিপি-গুলিও অ-পষ্ট হইয়া গিয়াছে। যাহাই হউক, ভারতের সভ্যতা আদিম না হইলেও ইহা যে অতি প্রাচীন সে সন্দেহে কাহারও মতভেদ নাই। এই দুই প্রাচীন জাতির অধিকাংশ বিষয়েই সাদৃশ্য দেখিতে পাওয়া যায়; তন্মধ্যে সর্বাপেক্ষা বেশী পূজাপদ্ধতি ও পৌরাণিক ইতিহাসে।

যেমন রাজ্যশাসনে দেখিতে পাই ভিন্ন ভিন্ন বিভাগে ভিন্ন ভিন্ন কর্মচারী নিযুক্ত আছেন এবং তাঁহারা আপনাদের নির্দিষ্ট কার্য করিয়া থাকেন, তেমনি আমাদের পৌরাণিক দেবতাদের প্রত্যেকেরই এক একটা নির্দিষ্ট কার্য আছে, এবং তাঁহারা নিজ নিজ বিভাগের সুশৃঙ্খলার জগ্ন দায়ী। যেমন ব্রহ্মা সৃষ্টি-কর্তা, তিনি কেবল সৃজনই করিবেন; বিষ্ণু পালনকর্তা, তাঁহার কর্তব্য জগত-পালন; আর মহেশ্বর ধ্বংসকর্তা, অর্থাৎ যিনি পুরাতন—যাহার কর্তব্য শেষ হইয়াছে—তাহার ধ্বংস সাধন করেন। মিশরের দেবতারও সর্বদা আপন আপন কার্য লইয়া বাস্তু।

এদেশে সন্তান জন্মিবার ষষ্ঠ-দিবস রাত্রিকালে পূজা দেওয়ার প্রথা আছে। সেই দিন বিধাতাপুরুষ নবজাত শিশুর অঙ্গুলি নির্ণয় করিয়া যান, তদনুসারেই শিশুর ভবিষ্যৎ জীবন পরিচালিত হয়। মিশরেও আমরা ঠিক এইরূপ একটা প্রথা দেখিতে পাই। 'ম্যাস্কনিত্' প্রত্যেক শিশুর জন্ম সময়ে উপস্থিত থাকিয়া প্রসূতির যত্ননা দূর করেন, আর 'রনিনিত্' নবজাত শিশুর নামকরণ ও লালনপালনে নিযুক্ত থাকেন। এইরূপে একস্থানের কার্য শেষ হইলেই তাঁহারা অগ্ৰত চলিয়া যান।

আবার দেখুন ভারতে বিষ্ণুরূপে গোজাতির পূজা হয়। বিষ্ণুরূপে গোজাতির পূজার কারণ অনুসন্ধান করিলে আমরা ইহাই দেখিতে পাই, অতঃ আমাদের

ইহাই মনে হয়, যে বিষ্ণু পালনকর্তা, গোজাতিও আমাদের মহত্বপকারী সুতরাং পালনকর্তা। অতএব গোজাতি বিষ্ণুরই প্রতিবিম্ব। মিশরেও গোজাতির পূজা প্রচলিত ছিল। আমাদের দেশে সমস্ত গোজাতিরই পূজা হয়, কিন্তু গাভীই বিশেষভাবে দেবতার স্থান অধিকার করিয়াছে। মিশরেও প্রথমবস্থায় গাভীরই পূজা হইত। কালক্রমে ষাঁড় ও গাভী উভয়েরই পূজা প্রচলিত হয়। মিশরবাসী বিশ্বাস করিত যে ষাঁড় মানব ও দেবতার জন্মদাতা এবং গাভী উগাদের গর্ভধারিণী। মিশরবাসী আরও বিশ্বাস করিত যে গাভীর মস্তক জ্যোতিক মণ্ডলের উপরি-ভাগে অবস্থিত; আমরা তারকাশোভিত যে নভোমণ্ডল দেখিতে পাই তাহা উহারই দেহের নিম্নভাগ; পৃথিবীর এই অপরিমেয় জলরাশি উহারই মেরুদণ্ডের মধ্য দিয়া প্রবাহিত, এবং উহার পদচতুষ্টয় এই বিশ্বজগতের চতুষ্কোণে অবস্থিত চারিটি স্তম্ভ বিশেষ। মিশরে যে কোন ষাঁড় বা গাভীর পূজা হয় না। তাহাদের বিশ্বাস দেববংশসম্বৃত গাভী বা ষাঁড় কতকগুলি বিশেষ চিহ্ন ধারণ করে। মিশরবাসী সেই সকল চিহ্ন দেখিলে তাহার পূজনীয় গো-দেবতা নির্বাচন করে।

অত্যাচার দেবদেবী অপেক্ষা আদিত্য-দেবের পূজা লইয়াই মিশরে অধিক মারামারি। যেখানে একই সূর্য্য ভিন্ন ভিন্ন সপ্রদায়ের নিকট ভিন্ন ভিন্ন নামে পূজিত হইয়েন। কেহ কেহ সূর্য্যকে হোরাস্ নামে পূজা করে; আবার সেখানে

নভোমণ্ডলকেই 'হোরাস্ বলে, সেখানে সূর্য্যের পূজা হয় 'রা' নামে। হোরাসের দক্ষিণ চক্ষুর নাম 'রা' অর্থাৎ সূর্য্য এবং বাম চক্ষুর নাম চন্দ্র। হোরাস্ তাঁহার এই সূর্য্য-চক্ষু উন্মীলন করিলেই রাত্রি প্রভাত হয়, এবং বন্ধ করিলেই সূর্য্যও দৃষ্টিবহিভূত হইয়া পড়েন এবং সন্ধ্য সন্ধ্য পৃথিবী গভীর অন্ধকারে ডুবিতে থাকে। কোন কোন স্থলে নভোমণ্ডলকে দেবীরূপে পূজা করে। এই দেবীই 'রা' এর জননী, আর ভূমণ্ডলস্থ দেবতা তাঁহার জনক। প্রতিদিন তাঁহার জন্ম মৃত্যু হয়—সূর্য্যোদয় তাঁহার জন্ম ও সূর্যাস্ত তাঁহার মৃত্যু। কেহ কেহ বিশ্বাস করেন পৃথিবীর পূর্ব-প্রান্তে একটা উজ্জ্বল ডিম্ব অবস্থিত এবং রাজহংসীরূপী দেবতা তাহাকে তা দিতে-ছেন। ক্রমে সেই ডিম্ব ফুটিয়া সূর্য্যের উৎপত্তি হয়, এবং সূর্য্য তাঁহার অকুরন্ত কিরণরাশি লইয়া জগতে বিচরণ করিতে থাকেন। ডিম্ব হইতে সূর্য্যের উৎপত্তি এই ধারণার বশবর্তী হইয়া ভিন্ন ভিন্ন প্রদেশের লোকবৃন্দ সূর্য্যকে ভিন্ন ভিন্ন পক্ষীরূপে কল্পনা করিয়া লইয়াছে।

সূর্য্যোদয় ও সূর্যাস্ত সম্বন্ধে আরও একটা মত প্রচলিত আছে। সূর্য্য দেবতা হইলেও মানুষ্যেরই ত্রায় জন্ম মৃত্যুর অধীন। প্রতিদিন তাঁহার জন্ম মৃত্যু হয়। দেবী নুইতের পাদ হইতে তাঁহার জন্ম হয়, এবং সারাদিন কিরণ বিস্তার করিতে করিতে সন্ধ্যাকালে যখন তিনি অবসন্ন হইয়া পড়েন তখন দেবী নুইতই পুনর্বার তাঁহাকে গ্রাস করেন।

আকাশপথে সূর্য্যের বিচরণ সম্বন্ধেও একটা মত প্রচলিত দেখিতে পাওয়া যায়। স্কুতিত্ নামক ক্ষুদ্রতরী উদয়ের সময় বিখমণ্ডলের পূর্বভাগে উপস্থিত থাকিয়া আদিত্যদেবকে গ্রহণ করে এবং মধ্যাহ্ন পর্য্যন্ত তরী বাহিয়া তাঁহাকে খ-মধ্যে লইয়া আসে। সেখানে 'ম্যাজিত্' নামক দ্বিতীয় তরী তাঁহাকে গ্রহণ করিয়া সায়াহ্নে 'হাদিজ' অথবা পিতৃলোকের দ্বারদেশে আনিয়া উপস্থিত করে, এবং তখনই তাঁহার অস্ত হয়। সারারাত্রিও নৌকাপথে বিচরণ করিতে করিতে ঠিক প্রাতঃকালে নির্দিষ্ট স্থানে স্কুতিতের নিকট উপস্থিত হইয়েন। ইহাই দিব্যাত্রি সম্বন্ধে মিশরবাসীর অভিমত।

সূর্য্যগ্রহণ সম্বন্ধে উগাদের মত কি, এবং তাহার সহিত আমাদের পৌরাণিক মতেরই বা কি সামঞ্জস্য আছে, এখন তাহাই দেখাইতে চেষ্টা করিব। এতৎ-সম্বন্ধে আগাদের দেশে প্রচলিত রাত্র গল্প আপনারা সকলেই অবগত আছেন। মিশরেও ঠিক এমনি একটা গল্প প্রচলিত আছে। আদিত্যদেব সুরধামের মধ্যদিয়া প্রবাহিত মিশর-মন্দাকিনী নীলনদবন্ধে অনুচরবর্গ পরিবেষ্টিত হইয়া তাঁহার ক্ষুদ্র তরী নিরাপদে বাহিয়া চলিয়া যান, আর উভয়তীর হইতে দেবতাগণ তাঁহার মঙ্গল-ধ্বনি করিতে থাকেন। কিন্তু সময় সময় 'য়্যাপপি' নামক নাগবেশধারী প্রকাণ্ড রাক্ষস তাঁহাকে বড়ই ব্যতিব্যস্ত করিয়া তোলে। 'য়্যাপপি' গভীর জলরাশির মধ্য হইতে অকস্মাৎ উখিত হইয়া আদিত্য-

দেবের সম্মুখীন হয়। দূর হইতে উহাকে দেখিয়াই আদিত্যদেব ও তাঁহার অনুচরবর্গ অস্ত্রশস্ত্র গ্রহণ পূর্বক উহার সহিত যুদ্ধে প্রবৃত্ত হইয়েন। সন্ধ্য সন্ধ্য প্রার্থনাও চলিতে থাকে। ক্রমে আদিত্যদেব হত-বীর্য্য ও নিঃজীব হইয়া পড়েন। এই সময় সূর্য্যের প্রখরতা কমিয়া যায়, এবং মর্ত্যবাসী প্রকৃত ব্যাপার বঝিতে পারে। তাহারা তাহাদের প্রিয়দেবতার সাহায্য-কল্পে নানাবিধ উপায় অবলম্বন করে। শক্রকে ভয়প্রদর্শন হেতু তাহার উচ্চৈঃস্বরে চীংকার করিতে থাকে, এবং ক্রোধে অস্থির হইয়া নিজ বক্ষে করাঘাত করে, ও তাহাদের আয়ত্তাধীন সর্বপ্রকার বাণ্যস্ত্র এমন কি যে কোন ধাতব পাত্র সংগ্রহ করিতে পারে তাহা বাজাইতে থাকে। তাহাদের বিধাস এই সমস্ত দেখিয়া শুনিয়া শক্র পলায়ন করিবে। যাহাই হউক আদিত্যদেব কিছুকাল নিস্তেজ থাকিয়া পুনরায় পূর্ববল প্রাপ্ত হইয়েন, এবং আপন গন্যব্য পথে চলিতে থাকেন; আর এদিকে ক্ষতবিক্ষতদেহ অপপি দেবতাদের মায়াবলে শক্তিহীন হইয়া অনন্ত জলধিতলে নিমগ্ন হইয়েন।

চন্দ্রের ক্রমবৃদ্ধি ও গ্রহণ সম্বন্ধে আরও অল্পত গল্প প্রচলিত আছে। আদিত্য-দেবের শক্র মাত্র একজন কিন্তু চন্দ্রের শক্র তিনজন—কুস্তীর, সিন্ধুঘোটক ও শুকরী। চান্দ্রমাসের ১৫ই তারিখ অর্থাৎ পূর্ণিমার শেষ মুহূর্ত্তে হোরাসের চন্দ্রচক্ষু শুকরী কর্তৃক আক্রান্ত হয়। রাক্ষসী সেই চক্ষু উৎপাটন করিয়া মিশর মন্দাকিনী



স্বর্গীয় নীলনদবক্ষে নিষ্কেপ করে, এবং সেখানে চন্দ্র আস্তে আস্তে ডুবিতে থাকে ও শেষে একেবারে ডুবিয়া যায়। ইহাই হইল অমাবত্যা। কিন্তু আদিত্যদেব এহু ভ্রাতৃবিরহ দহ করিতে না পারিয়া তৎক্ষণাৎ তাহার উদ্ধার সাধন করেন এবং হোরা-সকে তাহা দান করেন। চন্দ্রও আপন বাসস্থানে ফিরিয়াই ক্রমে ক্রমে পূর্বতেজ ও বীৰ্য লাভ করিতে থাকেন এবং ১৫ দিনের মধ্যে সম্পূর্ণ সুস্থ হইয়া উঠেন। মিশরবাসী এই ভাবে চন্দ্রের হ্রাসবৃদ্ধি, ও পূর্ণিমা অমাবত্যা ব্যাখ্যা করিয়া থাকে।

চন্দ্র যে তিনজন শত্রুর কথা বলা হইয়াছে তাহাধ্যে শূক্রবীহী প্রধান। সে সর্বদাই চন্দ্রের অনিষ্ট সাধনের চেষ্টা ও সুযোগ অনুসন্ধান করে। চন্দ্রও শক্রভয়ে সর্বদা রক্ষিবৃন্দে পরিবেষ্টিত থাকেন। কিন্তু যখনই তাঁহার রক্ষিবৃন্দ একই অগ্র-মনস্ক হয় তখনই রাক্ষসী তাঁহাকে আক্রমণ করে এবং মুহূর্ত্ত মধ্যে গলাধঃকরণ করিয়া ফেলে। এই সময় চন্দ্রের আলোক হঠাৎ নিভিয়া যায়। ইহাই চন্দ্রগ্রহণ। তারপর দেবতাদের সমবেত চেষ্টার ফলে অতি অল্প সময়ের মধ্যেই চন্দ্রদেব রাক্ষসীর কবল হইতে মুক্তিলাভ করেন। চন্দ্রগ্রহণ সম্বন্ধে মিশরবাসীর এইরূপ ধারণা।

ক্রমশঃ

শ্রীগৌরমুন্দর রায়।  
দেবালয়, চৈত্র, ১৩.৯।

### নূতন যুগ \*।

পারস্য আরব প্রভৃতি দেশ আমরা মানচিত্রে দেখিয়াছি কিন্তু এই সব দেশের ইতিহাস আমরা জানিতাম না। মুসল-মানরা আসার পর এই সব দেশের ভয়ঙ্কর দুরবস্থা হইয়াছিল কিন্তু ক্রমে ক্রমে কি রকম উন্নতি হইছে তাও আমরা জানিতাম না। কিন্তু শিরাজির আসাতে তাঁদের বিষয় কিছু কিছু আমাদের একটা নতুন দিক খুলে গেছে তাঁদের ওখানে যে বাগাই Movement হয়েছে তার বিষয় আমরা তাঁর কাছ থেকে অল্প অল্প জানিতে পারিয়া উপকৃত হইয়াছি। অনবরত যে পৃথিবীর একটা পরিবর্তন ঘটছে তা কি কখনও অবিশ্বাস করা যায়? যেমন কত সময় একটা সুন্দর কবিতা পড়তে পড়তে মনের পুরণ ভাব গুল চলে গিয়ে একটা নতুন ভাব জেগে উঠে।

ইউরোপে একসময় New learning-এর বিষয় একটা প্রবল ভাব এসেছিল যার প্রভাবে ১৫০৯ থেকে ১৫২০ মধ্যে একটা যুগান্তর উপস্থিত করেছিল। তখন লোকেরা ইংলণ্ডের একটা মহা পরিবর্তন দেখে ছিল।

তারপর ১৮৯০—১৯১০এর মধ্যে যে পরিবর্তন ঘটেছে এ ভয়ানক পরিবর্তন।

“Punch” ব’লে একটা পত্রিকা আছে তাহাতে সমস্ত সময়ের ঘটনা ছবিতে

\* ভিক্টোরিয়া স্কুলে শ্রদ্ধেয় ভাই প্রমথলাল সেনের বক্তৃতা অবলম্বনে লিখিত।

চিত্রিত করা হয়। যদিও এই পত্রিকায় লেখকেরা অনেক সময় ঠাট্টা তামাসা করে ছবি আঁকেন কিন্তু তবুও পরে পরে ঘটনাগুলি ছবি দেখলে কেমন করে যে ক্রম পরিবর্তন ঘটছে বেশ বোঝা যায়।

Times টাইমস্ কাগজ পড়লে তার ভেতর থেকে একটা ইতিহাস জানা যায়। তা ছড়া খবরের কাগজ পড়লে তার ভেতর পৃথিবীতে কোথায় কি ঘটছে তার বিষয় অনেক জানা যায়।

এই সময় বিশেষভাবে কয়েক খানা বই বেরিয়েছে যার ভেতর সমস্ত জগতের ইতিহাস জানা যায়। যেমন বিংকোষ ও ঐ রকম কতকগুলি ইতিহাস। ভারত-বর্ষের ইতিহাসও কিছু কিছু জানা যায়। ইতিহাস যত পরিবর্তনের পরিচয় দেয়। পরিবর্তন ক্রমাগত চলেছে আরও কত হবে তা আমরা বলতে পারি না।

যিনি এখন ইতিহাস লিখছেন তিনি বলছেন যে যে লোক ১৮১০ সালে মারা গিয়েছে সে যদি ১৮৫০ সালে আবার বেঁচে ওঠে তাহলে এই রকম সব পরিবর্তন দেখে হতভম্ব হয়ে যাবে। কেননা আমরা এখন সচরাচর যে আকাশজাহাজ দেখি তাহা ১৯১০ সালের আগে ছিল না। বর্তমান যুগে আমরা চারিদিকে যে সব মটরকার গ্রামোফোন ইত্যাদি দেখি তাহা যে ব্যক্তি ১৮১০ সালে মারা গিয়েছে সে যদি ১৯০০ সালে এসে দেখে যায় তাহলে এসব দেখে আর এখনকার লোকদের আলাপ পরিচয় দেখে অবাক হয়ে যাবে।

আগে একটা ক্লাবে গিয়ে দেখা যেত

বুড়রা কেউবা ঘুমচ্ছে কেউবা শোক দুঃখের গর বলে হা হতাশ করছে কিন্তু এখনকার Clubএ গেলে সে সবের যে একেবারে পরিবর্তন হয়েছে তা বুঝতে পারা যায়।

মহারাণী ভিক্টোরিয়ার সময়ও একটা বদলভাব ছিল সে সময় ব্যবসা, বাণিজ্য পরিবার ধর্ম বিষয় কিছু একটা পরিবর্তন করতে হলে একটা সংগ্রাম উপস্থিত হতো কিন্তু তাঁর ছেলের রাজত্বের সময় এসব কিছু সহজ হয়ে এসেছিল।

এখন যা কিছু আমরা দেখি এবং শুনি তা আগে কিছুতেই সম্ভব ছিল না। এখন যেমন মেয়েরা বসে লেকচার শুনছে এ আগে কখনও সম্ভব ছিল না। Sunday Schoolএর প্রাইজে ছেলে মেয়েরা এক সঙ্গে বসে আমোদ আহ্লাদ করছে গান করছে এসব দেখে গুরুদাস বানার্জি অবাক হয়ে গিয়েছিলেন। তিনি বললেন কুড়ি বৎসর আগে এসব তিনি দেখেননি। এই যে ৩০ বৎসরের মধ্যে এত সব বদলে গেছে দেখে কি মনে হয় না যে পৃথিবীতে কেমন অনবরত একটা পরিবর্তন হয়ে চলেছে?

কিছুদিন আগে যখন পেশওয়ারে বুদ্ধ-দেবের অস্থি পাওয়া গেল তখন মনে হল এর চেয়েও বৃদ্ধি আশ্চর্য্য পৃথিবীতে আর কিছু নেই, মনে হল বুদ্ধ আবার নতুন হয়ে জীবন্ত হয়ে জাগ্রত হয়ে এলেন। বুদ্ধের ইতিহাস ভাল করে পাওয়া যায় না বলে মনে হতো এটা একটা গল্প কিন্তু এই অস্থি পাওয়ার পর থেকে সে ভুল ধারণা চলে গেল।

আবার এই যে অধ্যাপক J. C. Bose রোজ রোজ নতন আবিষ্কার করছেন, দেখাচ্ছেন যে কাঠ গাছ লোহা এদের আঘাত করলে বেদন অনুভব করে এতে আমাদের আরও জানতে কি ইচ্ছা হয় না ?

কলসস আমেরিকা আবিষ্কার করলেন, তারপর অনেক ভারতবর্ষে আসিতে লাগিলেন বিলেতের লোকের এসব পড়ে নতন ভাবের আভাস আসতে লাগলো তাদের বুদ্ধি জ্ঞান সব যেন খুলে যেতে লাগল তাঁরাও বেরিয়ে পড়লেন। তাঁদের একগুণ শক্তি দশগুণ হলো।

যুগে যুগে আমরা পরিবর্তন দেখছি একটা পরিবর্তন আর একটা নতন পরিবর্তনের পথ খুলে দিচ্ছে নতন যুগ আবিষ্কারের যুগ, ছেলে মেয়ে যুবা বৃদ্ধ সকলেরই কিছু না কিছু করবার আছে এই পরিবর্তনের যুগে পরিবর্তনের ভিতর দিয়ে প্রত্যেককে নতন পথ নিতে হবে এবং কিছু না কিছু আবিষ্কার করতে হবে। মাটি খুঁড়তে খুঁড়তে বাড়ী পাওয়া গেলে কেউ কেউ গ্রাহ করেন কেউ কেউ করেন না যারা গ্রাহ করলেন তাঁরা তিন হাজার বৎসরের ইতিহাস মাটির নীচে হইতে বাহির করিলেন। সকল পরিবর্তন ও আবিষ্কারকে অগ্রাহ করিলে চলিবে না, ভাবতে হবে, Suggestions দিতে হবে এগিয়ে যেতে হবে।

### সেই তুমি ।

যবে মোর আঁখি কোণ হ'তে  
ঝ'রে পড়ে তপ আসার,  
কে তখন সুকোমল করে  
মুছায় গো মে জল আমার ।  
চিন্তাক্রিষ্ট শুষ্ক মুখ থানি  
রাখি যবে উপাধান পরে,  
কে আমার শিরের বদিয়া  
রাখে হাত অতি স্নেহভরে ?  
সুখে দুখে মরম মাঝারে  
কার মুখ জাগে স্নেহময়ী,  
সংসারের দুর্কিপাক মাঝে  
বল কার মুখ পানে চাই ?  
সেই তুমি জননী আমার  
চির স্নিগ্ধ শান্তির নিব্বার,  
তপসিয়া জুড়াবার লাগি  
আছে তব সুশীতল কর ॥

শ্রীহিন্দুপ্রভা দেবী ।

দানা পুর ক্যান্টনমেট ।

### সাময়িক প্রসঙ্গ ।

তুরস্কের সহিত বুলগেরিয়া, মার্টিনিগ্রো, সরভিয়া, গ্রীস প্রভৃতি যে যুদ্ধ আরম্ভ করিয়াছেন তাহা এখনও শেষ হয় নাই। লণ্ডন নগরে সকল ক্ষমতাশালী জাতির প্রতিনিধিগণ মিলিত হইয়া যে মন্ত্রণা সভা করিয়াছিলেন তাহাতে বিশেষ ফল হয় নাই। ফলে মিলিত বিরোধিদল ইচ্ছা করেন না যে ইউরোপে মুসলমানের রাজ্য থাকে। তাঁহারা এপর্যন্ত এড্রিয়ানোপল

অধিকার করিতে পারেন নাই অথচ সন্ধি করিবার সময় তাহাও দাবী করেন। তুরস্ক তাহাও দিতে একরূপ প্রস্তুত হইয়াছেন এখন আবার বিরোধিগণ যুদ্ধের সমস্ত ব্যয় তুরস্কের নিকট হইতে আদায় করিতে চাহিতেছেন। তুরস্ক দুর্বল, তুরস্কের রাজশক্তির মহাপরিবর্তন সংঘটিত হইয়াছে, কোন ভাব প্রবল হইবে তাহা বলা যায় না, এখন তুরস্ককে জব্দ করিবার সময় বটে, কিন্তু তুরস্কের নিকট হইতে যে সকল রাজ্য কাড়িয়া লওয়া হইবে তাহা বিভাগ করিবার সময় আত্মকলহ উপস্থিত হইবে। এখন সেই সময়ও উপস্থিত। আমরা রাজ্যসম্বন্ধে কোন তত্ত্ব জানি না তবে মনে হয় আজ বারশত বা তেরশত বৎসর মুসলমান ধর্মাক্রান্ত রাজাগণ এগিয়া, ইউরোপ ও আফ্রিকার নানাদেশে রাজত্ব করিয়া আসিতেছেন। তাঁহারা ইউরোপে রাজ্য করিবার যোগ্য নহেন একথার কোন মূল্য নাই, তবে স্বাষ্টীয়ান জাতিগণ যে সকল আধুনিক সংগ্রাম সহায়ক যন্ত্রাদি আবিষ্কার করিয়াছেন, তাহা তাঁহাদিগকে শিক্ষা করিতে হইবে। নতন প্রণালী অনুসারে শাসন করিতে হইবে এবং সকল প্রকার ধর্মবিদ্বেষ ও অত্যাচার ত্যাগ করিতে হইবে।

বঙ্গের গৌরব আমাদের প্রিয় কবি রবীন্দ্রনাথ ইংলণ্ডের কার্য শেষ করিয়া আমেরিকায় স্থিতি করিতেছেন। আমেরিকায় ইউনিটী নামক পত্রিকাতে তাঁহার চিকাগো মহানগরে স্থিতির বিষয় সংক্ষেপে

এইরূপ লিখিয়াছেন—রবীন্দ্রনাথ গোপনে চিকাগো নগরে প্রবেশ করেন, অপ্রকাশিত থাকিতে চেষ্টা করেন এবং নীরবে চলিয়া যান। তিনি চিকাগো নগরে দুই স্থানে দুইদিন বক্তৃতা করিয়াছিলেন। বহু পণ্ডিত ও বাণ্যিক লোক তাঁহার বক্তৃতা শ্রবণ করিয়াছিলেন। একদিনের বক্তৃতার বিষয় “দুঃখের সমাধা—ভারতীয় অদর্শ অনুসারে” ছিল। তাঁহার বক্তৃতা শ্রবণে সকলেই প্রশংসা করিয়াছেন। সংবাদ দাতা লিখিয়াছেন মিস্টার ঠাকুর সর্বাংশেই কবি, তাঁহার আকৃতি, ভাবভঙ্গী এবং বক্তৃতা সকলই কবিত্বপূর্ণ।


দেশীয় রাজাদিগের শাসনানীত যত রাজ্য আছে তাহাদের মধ্যে মহীশূর রাজ্য অত্যন্ত সুশাসিত ও উন্নত। বিশেষতঃ শিক্ষাবিষয়ে মহীশূর ভারতীয় ইংরাজ রাজ্য অপেক্ষাও উন্নত বলিতে হয়, কারণ রাজকীয় ব্যয়ে প্রাথমিক শিক্ষাদান হইতে পারে কিনা আমাদের শাসনকর্তাগণ এখনও তাহা স্থির করিতে পারেন নাই কিন্তু গত কয়েক বৎসর হইল মহীশূর রাজ্যে কোন বেতন না লইয়া প্রাথমিক শিক্ষা দেওয়া হইতেছে এবং প্রাথমিক শিক্ষা এখন এক প্রকার বাধ্যকর হইয়া উঠিয়াছে। মহীশূরের রাজধানী ত্রিবাক্ষোরে উকিল মিঃ কে, জি, শেষ আইয়ার একটি অতি উত্তম নতন প্রস্তাব উপস্থিত করিয়াছেন। তিনি একটি যুক্তিপূর্ণ সুন্দর বক্তৃতা দ্বারা দেখাইয়াছেন যে এখন মধ্যশ্রেণীর বিদ্যালয়ে বিবাহিত বালকগণকে ছাত্ররূপে

গ্রহণ করা বন্ধ করা প্রয়োজন। তিনি দেখাইয়াছেন এদেশের প্রাচীন শিক্ষা বিদ্যালয়কে ব্রাহ্মচারী ব্রতধারী হইয়া গুরুগৃহে বাস করিবার বিধান করিয়াছেন। উক্ত নিয়ম স্থাপন করিলে প্রাচীন শাস্ত্রের অভিপ্রায় সিক্ত হয়, এজন্ত সকল ব্রাহ্মণ-গণ এ নিয়ম আত্মাদের সহিত গ্রহণ করিবেন। মিঃ শেষ আইয়ার দেখাইয়াছেন যে অব্যবসয়ে বিবাহ হইলে বিদ্যালয়ের মন বিক্ষিপ্ত হইয়া যায় এজন্ত বারানসীর সেন্টাল হিন্দুকলেজে বিবাহিত ছাত্র লওয়া হয় না, অথচ এ কলেজে বহু-সংখ্যক ছাত্র অধ্যয়ন করে।

আমাদের মনে হয় এটরূপ নিয়ম হইলে শিক্ষা অতি উত্তম হইবে এবং বাল্যবিবাহ চলিয়া যাইবে। বাল্যবিবাহের বিবিধ প্রকারের ভয়ানক অনিষ্টকর ফল জ্ঞাত হইয়া এখন অনেকস্থলে উঠিয়া গিয়াছে কিন্তু আজও শত শত বালক বালিকার বিবাহ হইতেছে এবং তাহারা অকালে আপন আপন উন্নতির পথ পরিত্যাগ করিতে বাধ্য হইতেছে। অনেক সময়ে দেখিতে পাই পিতামাতাগণ ১০।১২ বৎসরের বালিকাকে তাহাদের ইচ্ছার বিরুদ্ধে বিবাহ দেন। বালিকা অতি আনন্দের সহিত নূতন নূতন জ্ঞান শিক্ষা করিয়া অগ্রসর হইতেছিল হঠাৎ তাহার উন্নতির পথ বন্ধ করিয়া দেওয়া হইল। যদি মহীগুর রাজ্যে নিয়ম হয় যে মধ্য ও উচ্চ বিদ্যালয়ে বিবাহিত ছাত্র প্রবেশ করিতে পারিবে না তাহা হইলে আশা করা যায় আমাদের সমাজের নেতাগণ

এবং কর্তৃপক্ষগণও এই বিধি এদেশে স্থাপন করিয়া উচ্চ শিক্ষার পথ খুলিয়া দিবেন এবং বাল্যবিবাহের অপকারিতা হইতে দেশকে রক্ষা করিবেন।

বঙ্গীয় ব্যবস্থাপক সভার বেসরকারী সভাগণ কতকগুলি বিশেষ প্রয়োজনীয় বিষয়ে গবর্ণরের নিকট আপনাদিগের অভিপ্রায় জানাইয়াছেন। মুসলমান ছাত্র-গণের শিক্ষার জন্ত অধিকতর অর্থব্যয় করিতে অনুরোধ করা হইয়াছে। এবিষয়ে সকল বেসরকারী সভ্য একমত হইয়াছেন। অপর মাননীয় ডাক্তার নীলরতন সরকার প্রস্তাব উপস্থিত করিয়াছেন যে বঙ্গদেশের নগরে ও গ্রামে বালিকা শিক্ষার সুব্যবস্থা করা হয়। তিনি বলিয়াছেন যে উচ্চশ্রেণীর বিদ্যালয় অনেক বর্দ্ধিত হওয়া প্রয়োজন এবিষয়ে মাননীয় বাবু সুরেন্দ্রনাথ বন্দ্যোপাধ্যায় একটু আপত্তি করিয়াছেন। তাহার মতে প্রাথমিক শিক্ষার স্কুল করিলেই যথেষ্ট হইবে। শিক্ষাবিভাগের ডিরেক্টর মাননীয় কুকলার সাহেব এ প্রস্তাবে একরূপ সম্মত হইয়াছেন। কিন্তু সুরেন্দ্র বাবুর মত শুনিয়া দুঃখ হয়। তিনি কি এখনও বঙ্গের বালিকাগণকে প্রকৃত শিক্ষা দিতে ইচ্ছা করেন না? বর্তমানে বালিকাশিক্ষার প্রয়োজনীয়তা সকল শিক্ষিত পরিবারেই উপলব্ধি হইতেছে। এখন যত উচ্চশ্রেণীর বিদ্যালয় প্রতিষ্ঠিত হইবে ততই উচ্চশিক্ষার বিস্তার হইবে। কিন্তু যে পর্যন্ত বালিকা-দিগের উপযোগী বিশেষ ব্যবস্থা না হইবে ততদিন পর্যন্ত শিক্ষাবিষয়ে যত ব্যয় হইবে সমাজ তাহার উপযুক্ত ফল পাইবে না।



## মাসিক পত্রিকা ।

“যত্র নার্ম্মন্তু পূজ্যন্তে রমন্তে তত্র দেবতাঃ ”

১০-শ ভাগ ] চৈত্র, ১৩১৯। এপ্রিল, ১৯১৩। [ ৯ম সংখ্যা।

### প্রার্থনা ।

হে মঙ্গলময়, তুমি স্বয়ং নরনারীর সকল ভার বহন করিতেছ ও তাহাদিগের মর্মান্বন মঙ্গল বিধান করিতেছ। তুমি নারীর হৃদয়ে আপনার কোমল প্রেমের এক বিন্দু বিধান করিয়াছ সেট প্রেমের উপর সমস্ত পরিবার প্রতিষ্ঠিত রহিয়াছে। সকল ভ্রাতা, স্বামী, সন্তান, পৌত্রিত, ছাত্র, এই প্রেমের ভিতর দিয়া তোমার নিত্য প্রেমলাভ করেন। আমাদের সমাজে, আমাদের দেশে, আমাদের পৃথিবীতে নারীর হৃদয়ের ভিতর দিয়া তোমার কত মঙ্গলভাব প্রবাহিত হইতেছে তাহা যদি পরিমাণ করিবার সামগ্রী হইত অবশ্যই তাহা সুদের জলের তায় অগাধ ও বিস্তৃত হইত। তোমারই লীলায় প্রেম আকার হীন ও প্রেম চিরদিন আত্মগোপন করে। এ সকলই তোমার মঙ্গল নিয়ম কিন্তু তোমার কঠাগণ তোমার এত প্রেম

পাইয়াও তোমার নিত্য ও অনন্ত প্রেম দর্শন করিতে পারেন না ইহা বড় দুঃখের কারণ। তাহাদের নিঃপার্থ প্রেম যে তোমার নিত্য প্রেম হইতে প্রবাহিত হইতেছে তাহা না দেখিতে পাইয়া তাহারা ভয়ে, নিরাশায়, সংকীর্ণতায় ও শোকে মুহমান হন। তুমি তাহাদিগকে প্রাকৃতিক প্রেমে পূর্ণ করিয়াছ, কিন্তু বিশ্বাস ভক্তি চক্ষে তোমার পরম হৃদয়ের অপ্রাকৃত প্রেমমুখ দেখিতে দেও নাই, তাই তাহারা প্রেম-সাগরে সন্তরণ করিয়াও অশ্রমের দুঃখ হৃদয় ভোগ করেন। এই জন্ত তব পাদপদ্মে প্রার্থনা করি তুমি দয়া করিয়া তাহাদিগের নিকট তোমার অপ্রাকৃত অবতীর্ণ প্রেমমুখ প্রকাশিত কর যে তাহারা তোমার অনাদি অনন্ত মঙ্গলস্বরূপে নিত্যমুখে সন্তরণ করিতে করিতে তোমার নির্দিষ্ট প্রেমলীলা পরিবারে ও সমাজে সম্পাদন করিয়া নিশ্চিত ও চিরস্থায়ী হইতে পারেন। আমরা তব পাদপদ্মে

এই প্রার্থনা করিয়া বার বার শ্রণিপাত করি।

### মহিলাদের জ্ঞান ধর্ম্ম ।

সমাজের শ্রেষ্ঠাঙ্গ নারীজাতি। নারী-জাতি যে জনসমাজে জ্ঞান ও ধর্ম্ম হীনাবস্থ সে সমাজ জগতে নিতান্ত হীনদশাপন্ন। পুরুষজাতি বল শক্তি ও বাহিরের বিষয়ে প্রাধান্য পাইয়া নারী অপেক্ষা শ্রেষ্ঠত্ব লাভ করিয়াছে ইহা মনে করিলে আমরা ভ্রান্তি জালে জড়িত বুঝিতে হইবে। নারী স্বভাবতঃ ঐশ্বরিক ভাবে পরিপূর্ণ। নারীর হৃদয় ঐশ্বর প্রবণ এজন্ত নারী হৃদয়ে দয়া ধর্ম্ম সত্যতা ও সহানুভূতি স্বতঃ উচ্ছসিত হইতেছে। অমৃত্য বর্ষের মনুষ্যের মধ্যে গমন কর, কিম্বা উন্নত সূক্ষ্মভাষ্যের দ্বারা উপনাত হও, সর্বত্র রমণী হৃদয় তোমার প্রতি স্নেহ মমতা প্রকাশ করিবে; কুত্রাপি তোমার রোগ দুঃখে রমণীর করকমল সেবাত্রত পালনে অলস হইবে না।

ভারতবর্ষ অতি পুরাতন ধর্ম্মভাষ্যের আবাসভূমি। সকলেই জানে যে, ভারতবর্ষ হইতে সভ্যতা ও জ্ঞান ধর্ম্ম পৃথিবীর চতুর্দিকে বিস্তৃত হইয়াছে। এ হেন ভারতবর্ষ কোন্ মহাপাপে কতকাল হইতে নিতান্ত অধঃপতিত হইয়াছে! ভারতের রমণীগণ জ্ঞানের সমুজ্জ্বলকিরণে বঞ্চিত হইয়াছে। কিন্তু তথাপি ভারতমহিলা পুণ্যে, ধর্ম্মে এবং সেবাত্রতে হীনতা প্রাপ্ত হয় নাই। বলিতে পার যে ভারতের

রমণীকুলের ধর্ম্ম নিতান্ত কসংস্কারে বিজুড়িত, এবং সেবাও সংকীর্ণতার গণ্ডীতে নিবদ্ধ। কিন্তু তাহা হইলেও পুণ্যের উজ্জ্বল শ্রী ভারতমহিলার মুখমণ্ডলকে সকল অবস্থাতে সমুজ্জ্বল করিয়া রাখিয়াছে। ইহা তাঁহাদের ধর্ম্ম এবং সেবাত্রত পালনের ফল।

ইংরাজজাতি ভারতের আদিপত্য পাইয়া অবাধি ভারতরমণীকে অজ্ঞানান্ধকার বিমুক্ত করিবার পথ উন্মুক্ত হইয়াছে। এজন্ত ভারতীয় জাতিসকল চিবৎসল ইংরাজ জাতির নিকট কৃতজ্ঞতার আনত থাকিবে। ভারতবাসী হিন্দু মুসলমান বৌদ্ধ জৈনাদি সম্প্রদায়বর্গের কথামূল যাহাতে বর্তমান সময়ের জ্ঞানালোক প্রাপ্ত হয় ইংরাজরাজ নানা প্রকারে সে চেষ্টা করিতেছেন। আমরা দেখিতেছি বর্তমান সময়ে নারীশিক্ষার পথ কটকটু করিবার জন্ত বিবিধ পন্থা অব্যাহিত হইতেছে। এদেশের পুরুষগণ নারীশিক্ষার নিতান্ত বিরোধী ছিল। হিন্দুর শাস্ত্র ও নারীশিক্ষার তত পক্ষপাতী নহে। প্রচলিত রীতি নীতি সকল স্ত্রীশিক্ষার প্রতিকূল ছিল। কিন্তু অল্প শাস্ত্রের বচনের সে তাঁরতা নাই। রীতিনীতির পারবর্তন ঘটিয়াছে। সৌভাগ্যক্রমে পুরুষজাতি পাশ্চাত্য আলোক লাভে স্ব স্ব ভগিনী ও কন্যাদিগের মুখতান্ধকার দূর করা প্রধান কর্তব্য বোধ করিতেছেন। সুতরাং আমাদের দেশে অমানিশার অন্ধকার দূর হইয়াছে বলিলে অত্যাুক্তি হয় না। নারীজাতির শিক্ষার শুভদিনের প্রকাশ দেখা যায়। সৌভাগ্যের কথা যে,

এ হেন সুদিনে বঙ্গদেশে মহিলাগণও স্বজাতির দুর্গতি বিমোচনে কর-পসারণ করিয়াছেন। অর্দ্ধশতাব্দী মাত্র কালের পূর্বাভাসের সহিত অধুনাতন কালের তুলনা করিতে গেলে কত আশ্চর্য এবং আশার তরঙ্গ হৃদয় সরোবরে উদ্ভিত হয়। ভারতে নারীজাতির জ্ঞানশিক্ষার দ্বার আর অবরুদ্ধ হইবার নহে। এখন চিন্তা হইতেছে নারীর জ্ঞান যদি ধর্ম্মের সহিত সংগঠিত হয় তবে ভারতের ধর্ম্মক্ষেত্রে পরিবর্তন ও প্রাধান্য কোন শক্তিই রক্ষা করিবে?

ইংরেজ জাতি খ্রীষ্টান। তাঁহাদের ধর্ম্ম খ্রীষ্টধর্ম্ম। ভারতীয় জাতিগুলি হিন্দু প্রাধান্য। হিন্দুধর্ম্মের নানা শাখা। সে সম্প্রদায় শাখাতে ধর্ম্মপালনের প্রণালী নানানুসঙ্গ। পাশ্চাত্য প্রণালীতে এদেশে যে জ্ঞান শিক্ষা প্রদত্ত হয় তাহা ঐ সকল কারণে কোনরূপ ধর্ম্মের প্রভাব শূন্য। জ্ঞান লাভ হইলে অজ্ঞানতা দূর হয়। অজ্ঞানতা না থাকিলে মনের কসংস্কারও থাকিতে পারে না। হিন্দু বৌদ্ধ জৈনাদি ধর্ম্মে যতভাবে যত কসংস্কার আছে তাহা শিক্ষাপ্রাপ্ত নারীরা অতুরে স্থান পায় না। এ অবস্থায় জ্ঞানের সহিত ধর্ম্মের অচ্ছেদ্য সম্পর্ক রক্ষা শিক্ষাক্ষেত্রে কি প্রকারে হইবে? এই কঠিন সমস্যা বঙ্গীয় মহিলা শিক্ষা বিষয়ে উত্থাপিত দেখা যাইতেছে।

বিজ্ঞানালোকপ্রাপ্ত অশিক্ষিত ও সূক্ষ্মভাষ্য পাশ্চাত্য মনুষ্যগণ যে কারণে তন্দেশে প্রচলিত খ্রীষ্টধর্ম্মের প্রভাব পরিশূন্য থাকিবার জন্ত যত্ন করিতেন, সেই কারণে নব্য-

শিক্ষালোকপ্রাপ্ত লোকের অন্তরে অস্মদেশ প্রচলিত ধর্ম্ম সম্পূর্ণ আস্থা জন্মে না। তবে ধর্ম্মবিষয়ে বিদ্যালয়ে কোন উপদেশ না পাওয়াতে এবং শিক্ষকদিগকে ধর্ম্মে উদাসীন দেখাতে ধর্ম্মেতে শিক্ষিতদিগের দৃঢ়তা জন্মে না। এদেশে ইংরাজী শিক্ষার প্রথম যুগে মত্ৰপায়ী খ্রীষ্টান শিক্ষকের দৃষ্টান্তে অনেক যুবককে মত্ৰপায়ী চরিত্র হীন এবং খ্রীষ্টানও হইতে দেখা গিয়াছে। অমন্য ব্রাহ্মধর্ম্মের প্রভাবে সে অবস্থা অন্তর্হিত হইয়াছে। মত্ৰপানে অনেক শিক্ষিত লোক ঘৃণা প্রকাশ করেন। কিছুকাল এদেশে শিক্ষিত যুবপুরুষদিগের মধ্যে ব্রাহ্মধর্ম্মের যে পরাক্রম দেখা গিয়াছে কুর্ভাগ্যবশতঃ অধুনা তাহা নাই। শিক্ষিত-গণও অনেক পৌত্তলিকতা আশ্রয় করিতেছেন। চন্দ্র স্বর্বা গ্রহাদির পূজা ও পুতল পূজা করিতে বিধবিদ্যালয়ের অনেক ছাত্রও এখন অবজ্ঞা বোধ করেন না। কিন্তু ইহা করাতে বুঝা যায় যে শিক্ষাদ্বারা যুবদিগের মতের প্রতিপত্তি, নীতিশক্তি ও খাঁটিরূপে কথ্যকর্তব্য বোধ জাগ্রত হয় নাই।

পৌত্তলিকতা ভারতবর্ষীয় হিন্দুজাতির পতনের মূলীভূত কারণ। মানুষ হইয়া প্রকৃত ও মৃত্তিকা নির্মিত পুতলকে ঐশ্বরজ্ঞান-পূর্নক পূজা করার মত অধঃপাত জনক পাপ কিছুই নহে। ভারতীয় হিন্দু নরনারী এই পাপে নিমগ্ন। এ পাপ হইতে উদ্ধারার্থ পাশ্চাত্য জাতি পাশ্চাত্য সাহিত্য ও বিজ্ঞানের এদেশে আগমন। এদেশীয় নারীগণ পুণ্য প্রেম ভক্তিতে

পরিপূর্ণ হইয়া এক পৌত্তলিকতার কুহেলিকা ছন্ন হওয়াতে জড়ভাবাপন্ন। জড়ের পূজা করিলে জড় হইতে হয়। উপাশ্রয় লোকের পক্ষে কেবল উপাশ্রয় নহেন, তিনি আদর্শ ও হইয়া থাকেন। এ জগৎ গাছ পাতের মাটি ও মানুষ মানুষের পূজা হইতে পারে না। প্রাচীন বাইবেলে মূসার প্রতি ঈশ্বর এজগৎ আদেশ করিয়াছিলেন যে “আমার সমক্ষে অথ কোন দেবতা রাখিতে পারিবে না। তুমি আপনার নিমিত্ত কোন খোদিত মূর্তি অথবা উপরিস্থ আকাশ কিংবা অধঃস্থ পৃথিবী কিংবা তনুমবর্তী মলিনস্থিত কোন পদার্থের প্রতিমা নির্মাণ করিবে না।” এ অক্ষয় পৃথিবীর প্রত্যেক মানুষের প্রতি। সুতরাং বনবাসী প্রত্যেক নরনারীর প্রতি ঈশ্বর উক্ত আদেশ করিতেছেন। জ্ঞান বিজ্ঞান শিক্ষা দ্বারা কি জড় জীব উদ্ভিদ সৃষ্টি পদার্থ যে সৃষ্টিকর্তা নহেন সে জ্ঞানও জন্মে না? যদি জ্ঞান লাভে এ জ্ঞানই না হইল তবে জ্ঞান চর্চার প্রয়োজন কি? আমাদের দেশে নারী জাতির পক্ষে পৌত্তলিকতাকে আত্মরিক অবস্থা করা প্রার্থনীয়। অথচ অগ্রাবধি সমধিকরূপে নারীজাতি দ্বারাই এদেশে পুস্তলের পূজা রক্ষা পাইতেছে। নবভক্ত কেদার চন্দ্র দুর্গ স্বরপতী লক্ষী প্রভৃতির আধ্যাত্মিক ব্যাখ্যা দ্বারা এক দল লোককে পৌত্তলিকতার প্রাণে যেন সমুৎসাহিত করিয়াছেন। কোন কোন শিক্ষিত পদস্থ লোক ঐ ও চুহাতে এখন হিন্দুর কাশীমন্দির

শিবমন্দিরাদিতেও মস্তক নত করে, আবার ভাবভক্তির সহিত ব্রহ্মোপসনা এবং ব্রহ্মনামকীর্তনেও যোগদান করে। এ যে কতদূর সত্যের অপলাপকারী ও লজ্জাকর ব্যবহার তাহা উর্হাদের মনেই ধারণা হয় না। উর্হাদের বিবেচনাতে যাহারা কেবল ব্রহ্মমন্দিরের গৌড়া তাহার অসুন্দার সংকীর্ণ, এবং উর্হারা অতি উদার ভাবাপন্ন। পৌত্তলিকতার সহিত একেশ্বর বিশ্বাসের সামঞ্জস্য হয় না। যদি শিক্ষাদ্বারা অস্বদেশে নারীদিগেরও একরূপ একটা ভ্রান্তি জন্মে যে পুস্তল পূজা করা দ্বারা জ্ঞানশিক্ষার অপমান হয় না, তবেই দেশের পতনের বীজ দৃঢ়তর রূপে প্রোথিত রহিল। যথাকালে ইহার ফল ফলিবে।

জ্ঞান সত্যের পূজা করে, সত্যের অস্বরণ ও সত্যের অনুসন্ধান করে। তাহার সত্যের প্রতি ভক্তি এবং প্রেমের দিকে গতি শিক্ষা দ্বারা সত্য কি, ত্রায় কি পবিত্রতা কি এবং পুণ্য কি তাহা বুঝিতে না পারিলে শিক্ষা এবং অশিক্ষাতে তারতম্য কি? অশিক্ষিত লোকই গতানুগতিক। অশিক্ষিত লোক স্বাধীন বিচায়শক্তি সম্পন্ন। নারী জাতি ভারতে দীর্ঘকাল হইতে নান্যরূপে পরপদানত এবং যেরূপ অধীনতা শৃঙ্খলে আবদ্ধ। অতিভাবক প্রতিবেদী গুরু, পুরোহিত সকলেই মুখ্য নারীর বিভাষিকা উৎপাদক। যদি নারী পাশ্চাত্য জ্ঞান শিক্ষার পরেও সেইরূপে শৃঙ্খলা থাকেন তবে বরং অশিক্ষাই ভাল ছিল। অনেক শিক্ষিত পুরুষেরও এদেশে

নিতান্ত কাপুরুষের অবস্থা। নারীর ও যদি সেই দশা ঘটে তবে এদেশের দুর্দশা কিরূপে বিমোচিত হইবে? আমরা শিক্ষিতা মহিলাদিগকে সর্বপ্রকার অসত্য অশ্রায়ে অধীনতাবিমুক্ত দেখিতে চাই। অথচ তাঁহারা সত্য ত্রায় এবং আত্মীয় স্বজনের নিকট খাঁটি রূপে বিনত থাকুন ইহাই প্রার্থনীয়।

সত্যপুরুষ ঈশ্বর স্বপ্রকাশ। এদেশে পূর্বে সংস্কার ছিল যে সামান্য নরনারী সত্য নিরাকার ঈশ্বরের উপাসনা করিতে অধিকারী নহে। একালে ঈশ্বর দয়া করিয়া সে সংস্কার দূর করিয়া দিয়াছেন। ঈশ্বরের পূজা ও প্রার্থনা করিবার জগৎ কোন গুরু, পুরোহিত কিংবা মধ্যবর্তী আবশ্যক নাই। বালক বালিকা, যুবক যুবতী, পাপী পুণ্যাত্মা যে তাঁহাকে সরল ভাবে ডাকে সেই তাঁহাকে পাইতে পারে। এ সুযোগ কি রমণীবন্দ ছাড়িবেন? শিক্ষার নামই জ্ঞান ও বিজ্ঞান শিক্ষা; ধর্মের নামই সত্যধর্ম। সত্যকে জ্ঞানই জ্ঞানের উদ্দেশ্য। সত্য স্বরূপকে পূজা করাই মানুষ জীবনের স্বার্থকতা। নারী গণ স্বভাবিক ধর্মভাবের জগৎ শিক্ষা দ্বারা ইহা বুঝিতে পারিবেন আমরা ইহা বিশ্বাস করি। নারী জাতি জ্ঞান শিক্ষার সহিত ধর্ম অর্থাৎ সত্যধর্ম উদাসী হইবেন না এ আশা কি চুরাশা? আমরা শিক্ষিতা-দিগকে ইহা জিজ্ঞাসা করিতেছি।

### স্বগৃহিনী।

সমাজে শত সহস্র নরনারী জন্মগ্রহণ

করিতেছেন, যহে বা অযহে শিক্ষিত হইতেছেন বা অশিক্ষিত হই থাকিয়া যাইতেছেন। প্রতিজনেই সমাজের কোন না কোন কার্য করিয়া জীবিক উপার্জন করিতেছে অথবা হয়ত আপনার অন্ন বস্ত্রের জগৎ অন্নের গলগ্রহ হইতেছে। মাতা প্রকৃতির প্রসবিনী শক্তি হ্রাস হয় নাই, পৃথিবীর অনুদায়িনী শক্তিও ক্রমবর্ধনশীল। এজগৎ আমরা আমাদের জন্মের জগৎ যেমন গৌরব করিতে পারি না, তেমনই জীবন যাপন করিতেছি বলিয়াও অশ্রু করিতে পারি না। আমরা পৃথিবীতে উপস্থিত হইয়া সকলেই অযাচিত দানে অনেক পাইয়াছি এবং নিশ্চয় জানি যে যাহা পাইয়াছি তাহা চিরদিন বা দীর্ঘকাল রাখিতে পারিব না। যাহার যে অবস্থায় বর্তমানে স্থিতি তাহার জগৎ অন্ন কাহাকেও অপরাধী বা গৌরবের পাত্র বলা যায় না কিন্তু আপন আপন অবস্থার যাহা কর্তব্য তাহা কিরূপ করা হইয়াছে ও হইতেছে তাহা দ্বারা প্রত্যেকেই বিচারিত হইবে। সমাজে যে পুরুষ বা নারী যে স্থানে প্রতিষ্ঠিত তিনি সেই স্থানে আপনার কার্য উত্তমরূপে সম্পন্ন করিতে বাধ্য। যিনি আপনার ধর্ম উত্তমরূপে করিলেন না, তিনি সমাজের নিকট ও তাঁহার স্বর্গের প্রভুর নিকট অপরাধী হইলেন। এইরূপ অপরাধের দণ্ড সঙ্গে সঙ্গেই আরম্ভ হয় ও তাহার ফল বহুকাল স্থায়ী হয়।

আমরা সাধারণত মনে করি যে, যে রাজ্যে যত স্থায়ী সৈন্ত আছে, যে রাজ্যে যত নৌসৈন্ত আছে, বা যে রাজ্যে যত

মূল্যের বাণিজ্য চলিতেছে। অথবা যে দেশে যত সামঞ্জস্য সামগ্রী প্রস্তুত হয় অথবা যে দেশে যত শত্রু বা ধাতু সামগ্রী পাওয়া যায় সে রাজ্য তত ধনী। এ সকল সামগ্রী অপত্যাক্র ভাবে দেশের ধনের পরিচয় প্রদান করে তাহার সন্দেহ নাই, কিন্তু সার কথা এই যে, যে রাজ্যে যত সুব্যবস্থিত পরিবার আছে সে রাজ্য তত ধনী। পরিবারের উপরেই মনুষ্য সমাজের মূল ভিত্তি স্থাপিত। মনুষ্য শত শত বিভাগে আশ্চর্য্য কার্য্য সকল করিতেছেন; আপনার পরিবার ও জন্ম-ভূমিকে হয়ত চিরদিনের জন্ত ত্যাগ করিয়া আপনার ও সমাজের মঙ্গলোদ্দেশ্যে দূর-দেশে জীবনপাত করিতেছেন, কিন্তু চির জীবন স্মীর পরিবারের বিশেষত্ব শিক্ষা, শক্তি, প্রভৃতি তাঁহার প্রধান সম্পদ হইয়া রহিয়াছে। এজন্ত জনসমাজে পরিবারের স্থান সর্বোচ্চ এই পরিবারের অধিষ্ঠান গৃহে। গৃহ পুরুষ ও নারীর মিলনে রচিত। প্রত্যেক স্বামী ও স্ত্রী সমাজের শিক্ষা, শমন, দৃষ্টান্ত, ধন ও মহায়ত্তা লইয়া আপনাদিগের পারিবারিক জীবন আরম্ভ করেন। গৃহে সুগৃহস্থের যেমন প্রয়োজন সুগৃহিণীর প্রয়োজনীয়তা কোন অংশে তাহা অপেক্ষা ন্যূন নহে।

পাঠিকাগণ অবশ্যই স্বীকার করিবেন যে প্রতিগৃহে সুগৃহিণীর একান্ত প্রয়োজন। সকল গৃহিণীই সুগৃহিণী হইতে ইচ্ছা করেন এবং সুগৃহিণীর যশ পাঠতে ইচ্ছুক কিন্তু সুগৃহিণী কাহাকে বলে জিজ্ঞাসা করিলে হয়ত হৃজনের বর্ণনা একরূপ হইবে না।

লক্ষ লক্ষ নারী গৃহিণী হইয়া জীবনযাপন করিতেছেন তাহার মধ্যে সুগৃহিণী বলিলে কতগুলিকে বঝায় তাহা নির্ণয় করা প্রয়োজন। কিন্তু এ বিষয়ে প্রাচীনকালে ও বর্তমানকালের আদর্শে অনেক প্রভেদ আছে, দেশভেদে ও শিক্ষাভেদে বর্তমান সময়ের আদর্শও ভিন্ন ভিন্ন রূপ হইবে ইহা নিশ্চয়। 'মহিলা'র পক্ষে একরূপ আলোচনা করা প্রয়োজন, কিন্তু সে আলোচনা অনেক পাঠিকার অনুমোদিত না হওয়াই সম্ভব। বিষয়টি অত্যন্ত গুরুতর এজন্ত আমরা এ বিষয়ের কতকগুলি কথা আদর্শদিগের পাঠিকাদিগের নিকট অগ্র উপস্থিত করিব।

মহাভারতের নিকট শ্রেষ্ঠ নারীর বিষয় জিজ্ঞাসা করিলে অনেক সত্য লাভ করা যায়। মহাভারত বলেন মাকী স্ত্রী সদাচারী হইয়া দম্পতি ধর্ম পালন করিবেন স্বামীর বশ হইয়া সেবা করিবেন স্বামী কঠোর কথা বলিলে, ক্রুদ্ধ দৃষ্টিতে দেখিলেও তাঁহার প্রতি প্রসন্ন-মুখী হইবেন। যে নারী শ্রীতমানে বিনীত ভাবে, সর্বদা সন্তুষ্টচিত্তে পতির সেবা ও শুশ্রূষায় তৎপর, সেই নারীই ধর্মভাগিনী হয়েন। যে নারী অন্নদান করিয়া কুটুম্ব-দিগকে প্রতিপালন করেন, যে গুণসম্পন্ন নারী পশু ও পক্ষীর সেবা করেন ও মাতা পিতাকে নিত্য ভক্তি করেন, তিনিই ধর্মভাগিনী ইত্যাদি। আমাদের দেশের শাস্ত্রে একরূপ শত শত উক্তি আছে এবং আমাদের দেশের গৃহিণীগণকে জিজ্ঞাসা করিলে হয়ত তাঁহার বলিবেন যে ইহাই

অতি সুন্দর আদর্শ, আমাদের সকল গৃহিণী এইরূপ হইলেই অতি সুন্দর হইবে, দেশের দুঃখ অনেকাংশে দূর হইবে। আমরাও বলি যে একরূপ আদর্শ ভাল। উপরে যে কয়েকটি মহাভারতের শ্লোকের সংক্ষেপ অনুবাদ দেওয়া হইয়াছে প্রত্যেক গৃহিণীর চরিত্র তাহার অনুযায়ী হওয়া প্রয়োজন। তবে আমরা বলিতে পারি যে আমাদের দেশের প্রত্যেক ভদ্রমহিলা অত্রাধিক পরিমাণে উপরোক্ত গুণভূষণে ভূষিতা আছেন। কালে প্রাচীনকালে যে আদর্শ সমুখে রাখিয়া এদেশের ক্রমিগণ সমাজের উন্নতি সাধনে প্রবৃত্ত হইয়াছিলেন এখন দেশের সকল ভদ্রপরিবারে ততদূর উন্নতি সাধিত হইয়াছে।

যাঁহার মনে করেন যে এদেশের গৃহিণীগণের যে অবস্থা লাভ হইয়াছে তাহাই শ্রেষ্ঠ অবস্থা তাঁহাদিগকে আমাদের দেশের গৃহস্থ পরিবারের প্রকৃত অবস্থা একবার ভাল করিয়া দেখিতে হইবে। আমাদের গৃহিণীগণ সেবানিরতা ও পতিব্রতা একথা সত্য কিন্তু তাঁহাদের মন কতটুকু তাঁহার আশ্রয় আপন গৃহ পরিবারের অন্নবস্ত্র ও উপস্থিত অভাব দূর করা ভিন্ন আর কিছু কি জানেন? তাঁহার পুত্র কন্যার মাতা হইয়া তাহাদিগকে লালন পালন করিতেছেন, কিন্তু জননী যে সন্তানগণের স্বাভাবিক শিক্ষয়িত্রী সে কার্য্য কি তাঁহার সম্পন্ন করিতে পারেন? শিশু-চরিত্র গঠনের ভিত্তিস্থাপন মাতার উপর নির্ভর করে। আমাদের দেশের জননাগণ কি সত্যপ্রিয়তা, সংসাহস,

কর্তব্যপরায়ণতা, বাধ্যতা, দয়ালুতা প্রভৃতি সদগুণের বীজ শিশুর হৃদয়ে বপন করিতে শিক্ষা করিয়াছেন। এই বিষয়টির অপরাধ ক'য়দ আমরা পরীক্ষা করি অর্থাৎ যদি বর্তমান সময়ে জাতীয় অবস্থার হীনতার বিষয় যদি আলোচনা করি, তাহা হইলে কি দেখিতে পাই না যে আমরা যে এত দরিদ্র, দুঃখল, সাহস ও উৎসাহ হীন হইয়া পড়িয়াছি, আমাদের নীতিবল ও ধর্মবল যে এত ক্ষীণ হইয়া পড়িয়াছে, আমরা যে মনুষ্যত্বের অতি নিম্নস্তরে পতিত হইয়া রহিয়াছি, ইহা আমাদের জননী, ভগিনী ও কন্যাগণের হীনাবস্থার জন্ত কতকটা সংঘটিত হইয়াছে। আরও চিন্তা করিয়া দেখিলে বিলক্ষণ দেখিতে পাই যে যেমন নর ও নারী জনে মিলিত হইয়া উন্নতিশীল দেশে উন্নতির শিখরে ক্রমে অগোহণ করেন, আমাদের দেশে নরনারী সমাজের যুগল পদের স্থায় হইয়া অবনতির পথে চলিয়াছেন। কোন বিষয়ে গৃহস্থ নিম্ন-গামী হইয়া গৃহিণীকে সেই অবস্থায় অবনত করিয়াছেন অপর কোন বিষয়ে গৃহিণী সংকীর্ণ ভাবাপন্ন হইয়া গৃহস্থকে তদ্ব্যবাপন্ন করিয়াছেন। সংক্ষেপে সকলকেই স্বীকার করিতে হইবে যে আমাদের অবনতি আমাদের স্ত্রীজাতির অবনতিরও পরিচায়ক। যদি আমাদের গৃহিণীগণ সুগৃহিণী হইতেন তাহা হইলে আমরা এত অধঃপতিত হইয়া পড়িতাম না। একথা বলিবার একমাত্র উদ্দেশ্য এই যে আমাদের গৃহিণীগণকে সর্বপ্রথমে সুগৃহিণী হইতে হইবে। গৃহিণীগণের দোষ কীর্তন করা

আমাদের অভিপ্রায় নহে, তবে আমরা মনে করেন যে আমাদের গৃহিণীগণ ঠিক আছেন, তাহাদের আর কোন উন্নতির প্রয়োজন নাট, কেবল পুরুষগণের উন্নতি হইলেই দেশের মঙ্গল হইবে তাহাদিগের দৃষ্টি আকর্ষণের জগুই এই আলোচনা করিতে হইতেছে।

প্রাচীন ক্ষত্রিয়গণের ও স্পার্টা প্রভৃতি দেশের ইতিহাস পাঠ করিয়া আমরা দেখিতে পাই যে বীরনারী না হইলে বীরমাতা হইতে পারেন না। যে সকল দেশে জননীগণ শিশুকে স্তন্যদান করিবার সঙ্গে সঙ্গে তাহার মনে সাহস, বল, বীর্য, দেশের জগু জীবনদানের ভাব প্রভৃতি প্রবেশ করাষ্টয়া দিয়াছিলেন তাহাদিগের সন্তানগণই বীরহু প্রদর্শন করিয়াছেন, সুশিক্ষিতা নারীগণ আপনাদিগের সন্তানের সুশিক্ষার ব্যবস্থা না করিয়া থাকিতে পারেন না। পৃথিবীর মহাপুরুষ ও ধার্মিক লোকদিগের জীবন-চরিত পাঠ করিলে দেখা যায় যে, অধিকাংশ স্থলে জননীর জীবনের ধর্ম্যভাব সন্তানের জীবনে সংক্রামিত হইয়াছিল। ফলে আমাদের এই সত্য স্বীকার করিতে হইবে যে আমরা যে শত্রু ক্ষেত্রে বপন করি নাই আমরা তাহা ক্ষেত্র হইতে সংগ্রহ করিতে পারিব না। যদি আমরা আমাদের গৃহকে সুবাসস্থিত, সুন্দর, শান্তিপূর্ণ, ও সুখপ্রদ করিতে ইচ্ছা করি তাহা হইলে সর্বপ্রথমে আমাদের গৃহিণীগণকে সুশৃঙ্খলা, সুরুচি, চরিত্রের মধুরতা ও দৃঢ়তা এবং ধর্ম্যজীবনের সুখদান করিতে হইবে। যদি আমরা সভ্যজগতের

মহিত বনিষ্ট সম্বন্ধ রক্ষা করিয়া জ্ঞানের বিমলানন্দ, বিজ্ঞান কৌশলের অভাবনীয় সাহায্য, মানুষের সহিত মঙ্গলময় ভগবানের বিচিন লীলা সংবাদ পাইতে ইচ্ছা করি তাহা হইলে সৃষ্টিগীকে কেবল পতিব্রতা থাকিলে চলিবে না। তাহাকে পৃথিবীর বিবিধ বিষয়ে জ্ঞানলাভ করিতে হইবে এবং সহানুভূতিতে হৃদয়টাকে সমস্ত জগতের সহিত এক করিতে হইবে।

আমরা আপনাদের দেশের গৌরব করিতে যাইয়া মৈত্রী গর্গী খনা লীলা-বতী সীতা সাবিত্রী পভৃতি দুই চারিটা নাম উচ্চারণ করিয়া মনে করি জগৎ ধগু ধগু বলিবে। কিন্তু যদি কেহ জিজ্ঞাসা করে যে প্রাচীনকালে নাহয় কোটি কোটি নারীর মধ্যে ২৫টি নারী দু এক বিষয়ে ভাল হইয়াছিলেন, তাহা হয়ত ব্যক্তিগত বিশেষত্ব মাত্র, কিন্তু এখন যে গৃহে বাস করা হইতেছে, যে গৃহে ভবিষ্যতের নরনারী শিক্ষা ও দীক্ষা লাভ করিতেছে সে গৃহে কয়জন সৃষ্টিগী আছেন যাহারা পাতোক বলিতে পারেন যে এদেশে অতীত কালের যাহা কিছু ভাল তাহা তাহাতে আছে এবং বর্তমান সময়ের যাহা কিছু শ্রেষ্ঠ ও প্রয়োজনীয় তাহা তাহার লাভ করা হইয়াছে। আমরা একথা বলি না যে কেবল গৃহিণীগণকে উন্নতি লাভ করিতে হইবে, গৃহস্বগণ যথেষ্ট রূপ উন্নত হইয়াছেন। আমরা কেবল ইহাই দেখাইতে চাই যে বর্তমান সময়ে সৃষ্টিগী হইতে হইলে বর্তমান সময়ের বিশেষ ভাব সকল লাভ করিতে হইবে। পরিবারের বা দেশের

নারীদিগের যে সকল মহৎ গুণ আছে তাহা হারা সৃষ্টিগী অবশ্য ভূমিতা হইবেন, কিন্তু বর্তমান সময়ে যেমন পাতোক ব্যক্তির বিশেষত্ব, পাতোকের অস্থায়ী অব্যাহারি পরিবারের সর্বাঙ্গীণ মঙ্গলের জগু পাতোকের আত্মদানের পরোজনীয়তা প্রকাশিত হইয়াছে তাহা পাতোককে লাভ করিতে হইবে। এখন যে গৃহিণী কেবল আপনার গৃহে পেম ও সহানুভূতিকে আবদ্ধ রাখিবেন, এখন যিনি পুত্র কন্যাগণকে কেবল মনোমত আহার ও বস্ত্র দান করিয়াই কর্তব্য শেষ করিবেন, এখন যিনি কেবল ধনমানের আচাঙ্ক্ষা সম্বলনগণের মনে রোপিত করিবেন তাহাকে সৃষ্টিগী বলা যাইবে না। এযুগের সৃষ্টিগীর গৃহ দীনভুখীর আশ্রয়স্থান হইবে, তিনি সম্বলনগণের মনে উদার পেম ও জ্ঞানস্পৃহা জন্মাইয়া দিবেন। এমন সৃষ্টিগীর গৃহ মঙ্গলময়ের মঙ্গলালয় হইবে।

এ যুগের পতিব্রতা সাধনী সতীগণ কেবল পতির সেবিকা হইবেন তাহা নয়। তাহাকে পতির জীবনের উচ্চশিক্ষার গুণগ্রাহিণী হইতে হইবে এবং যদি সম্ভব হয় তাহাদিগকে আপনার জীবনের কোন বিশেষ দর্শন বা জ্ঞানদ্বারা পতির জ্ঞান লাভের সাহায্য করিতে হইবে। এখন পতিব্রতা সতী কেবল পতি সেবাকে জীবনের ব্রত করিবেন তাহা নয়, পতির জীবনের যাহা শ্রেষ্ঠ লক্ষ্য তাহাকে আপনার জীবনের লক্ষ্য করিয়া এক ব্রতে ব্রতী হইয়া উভয়ে জীবনের উচ্চ ব্রত সাধনের

জগু একত্র জীবনসংগ্রামে নিযুক্ত থাকিবেন। সতী ও পতির সম্পর্ক বিষয়ে পূর্বে একটা অপরিষ্কৃত ভাব ছিল; যেন পতিই সতীর গতি বা গমা বা জীবনের লক্ষ্য—এইরূপ একটা ধারণা ছিল। বর্তমান সময়ে এ বিষয়ে অতি উজ্জল নূতন সত্য প্রকাশিত হইয়াছে যে কোন মানুষ কোন মানুষের জীবনের লক্ষ্য হইতে পারে না, পাতোক নর ও পাতোক নারী ভগবানের পুত্র ও কন্যা—ভগবান নরনারীকে স্বামী স্ত্রীরূপে মিলিত করিয়া পবিত্র পেমশিক্ষা দান করেন। নরনারীর অস্থায়ী পরস্পরের পোমে বদ্ধিত হইতে থাকে, কিন্তু তাহাদের পেমের পূর্ণতা এখানে হইবে না, যিনি সকল পেমপ্রসবণ, যিনি অনন্ত মঙ্গলালয়, সেই পরম দেবতাকে পূর্ণ হৃদয়ের সমস্ত পেম দান করিয়া স্বামী ও স্ত্রী উভয়ের পোম পেমসাগরে ডুবিয়া যাইবে। পতি-পতীর পেম অতি শ্রেষ্ঠ পেম, কিন্তু স্ত্রীভগবান এই পৃথিবীতে জন্মদান করিয়া বহু বহু পেমলীলা করিয়াছেন সে সকলের জগু তাহাকে কুবজতা দিয়া তাহাকেই পেম করিতে হইবে এবং চিরজীবনের সকল পেমের দিনমুখে সর্বান্তঃকরণে তাহার পোমে মত্ত হইতে হইবে। এখন যাহারা পরম পতিকে বিশ্বাস হইয়া কেবল মনুষ্য পতিতে আত্মসমর্পণ করেন তাহারা মহাত্মন করেন, শুধু তাহা নয়, তাহারা পতির মহিত পুরুষ সম্বন্ধ উপলব্ধি করিতে না পারিয়া মোহে আবদ্ধ হইয়া পড়েন। তাহারা যে পতিবিচ্ছেদে বা পতিবিরোগে শোকে ভুগে নিরাশায় অবসন্ন হইয়া

পড়েন তাহা আশ্চর্যের বিষয় নয়। বর্তমান যুগের সতী যেমন পতিরতা হইবেন, তেমনই তিনি পরমপতিরতা হইবেন। পতিভক্তি তাঁহাকে ভগবৎ ভক্তিতে লইয়া যাইবে, পৃথিবীর গৃহ তাঁহার পক্ষে ভগবানের প্রেমলীলা প্রকাশের আধার মাত্র হইবে। যিনি এ যুগের স্ত্রীহীনী তিনি আপনাদের গৃহের সামগ্রী, প্রত্যেক ব্যক্তি ও প্রত্যেক ঘটনাকে ভগবানের আশীর্বাদরূপে গ্রহণ করিয়া আপনি তাহার সদ্ব্যবহার করিবেন। প্রিয়তম স্বামীকে ও সেইরূপ পরম মঙ্গলময়ের দান জানিবেন এবং সকল গৌরব শ্রীভগবানকে দান করিবেন।

যে গৃহিণী স্বামী পুত্র আত্মীয় কুটুম্ব দাস দাসীর প্রতি সকল কর্তব্য সম্পাদন করেন, যিনি গৃহের স্ফূর্তি ও সৌন্দর্য্য বিধান করেন, যিনি গৃহকে সুখনিবেদন করিতে যত্ন করেন অথচ গৃহে সর্ব্বত্র দাতা পরম পূজনীয় পরমেশ্বরের পূজার ব্যবস্থা করেন না; যে গৃহিণীর মস্তক ধর্ম্মবাদ ও প্রার্থনাতে ভগবৎ চরণে প্রাতঃসন্ধ্যায় প্রণত হয় না, যে গৃহিণীর সকল ভিন্ন ভিন্ন কার্যের নির্দিষ্ট স্থান ও কাল আছে কেবল পরম দেবতার পূজার জন্ত কোন সময় নাই বা কোন ঘর নাই তাহাকে কি স্ত্রীহীনী বলা যাইতে পারে? সকল সুখ বাহা হইতে দিবানিশি আসিতেছে, যিনি সেই সকল মঙ্গলাধারকে জানিঙ্গেন না তাহাতে স্ত্রীহীনীর দেবতাব কোথা হইতে আসিবে?

স্ত্রীহীনী কাহাকে বলে এবিষয় অনেক

আলোচনা হওয়া প্রয়োজন। এ যুগে স্ত্রী-গৃহিণীর আদর্শ প্রত্যেক গৃহিণীর অন্তরে উজ্জল রূপে মুদ্রিত থাকিলে তাঁহারা এই পবিত্র রত সাধনে অনেক সাহায্য পাইবেন। বদ পাঠিকাগণ স্ত্রীগৃহিণীর আদর্শ বিষয়ে প্রবন্ধ লিখিয়া আলোচনা করেন তাহাতেও মঙ্গল হইতে পারে।

### যোদ্ধা বৈশ্য ও বর্তমান শতাব্দীতে তাহার প্রয়োজন।

বর্তমান সময়ে Suffragist দের কার্যকলাপ ও তাহার ফলাফল দেখিয়া অনেকেই বোধ হয় ইহার গুরুত্ব অনুভব করিতে পারেন না। অনেকেই এই কার্য কলাপ গুলিকে “পাগলামী” বলিয়া বুঝিয়াছেন। এই সমালোচনা হয়তো সত্য, কিন্তু এই “পাগলামী” যে কেবল Suffrage movement এ নয় কিন্তু সব রকম কাজের ভিতর কি রকম প্রয়োজন তা কি সমালোচকেরা হৃদয়ঙ্গম করিতে চেষ্টা করিয়াছেন?

এই “পাগলামী” কি নূতন যুগের নূতন জাগরণের ভাব প্রকাশ করে না? বর্তমান কার্যকলাপে অসম্পূর্ণতা থাকিতে পারে কিন্তু কাজ আরম্ভ করিবার সময় একটু ভুলতো হইবেই, ছোট ছেলে বার বার পড়িয়া তবে হাঁটিতে শিখে।

রমণীরা কোন্ নিঃস্বার্থ ভাবে প্রণোদিত হইয়া নিজেদের প্রাণকে তুচ্ছ করিয়া বীর সৈনিকের বেশে দাঁড়াইয়াছেন তাহা চিন্তা করিয়া বুঝিতে চেষ্টা করিবার সময়

কি এখনও আসে নাই? বেশী দিনের কথা নহে, এই অর্দ্ধশতাব্দী আগে এই জাগরণের ভাব কি ইতালীকে স্বাধীন করিয়া দেয় নাই? যারা ইতিহাস আলোচনা করেন তাঁরা কি বলিবেন যে ইতালীয়েনের কেবল গায়ের জোরে ইতালী স্বাধীন করিলেন? কখনই না! নূতন জাগরণের ভাব সকলকার মনে এমন একটা শক্তি আনিয়া দিয়াছিল যে অনেক পরাজয় ও বিকলতার ভিতর দিয়া যাইয়াও অবশেষে তাহারা জয়ী হইতে পারিয়াছিলেন। কেহ কেহ বলিবেন উহা স্বদেশ ভক্তি এবং তাহারা পুরুষ! কিন্তু নূতন দেশ গড়িবার আকাঙ্ক্ষা—পবিত্রতাকে গৃহে গৃহে প্রতিষ্ঠিত করিবার আকাঙ্ক্ষা কি বর্তমান সময়ে Suffragist দের আকুল করিয়া তোলে নাই? আর উৎকর্ষ মানসিক চেষ্টার ভিতর পড়িয়া অনেকে কিছু সময়ের জন্ত তাঁরা যে কেবল আত্মা ও প্রত্যেক আত্মার যে একটা শক্তি আছে এই কথা ছাড় আর সব ব্যবধান, স্ত্রী পুরুষের ব্যবধান, কি ভুলিয়া যান ন?

Suffragist দের এই ভাব সকলে বুঝিতে পারিতেছেন না বলিয়া প্রায় অধিকাংশ লোকই তাহাদের প্রতি আবিচার করিতেছেন। শত অসম্পূর্ণতা থাকা সত্ত্বেও ইহা আধ্যাত্মিক উত্থানের চেষ্টা সুতরাং ইহাকে কেহ দমন করিতে পারিবেন না। মেয়েদের ভিতর যে একটা নূতন জাগরণের ভাব আসিয়াছে Suffragistদের সৈনিক ভাব তাহাই জগতে

ঘোষণা করিতেছে, যুগ পরিবর্তনের সঙ্গে সঙ্গে সমাজের জন্ত যে দায়িত্ব বাড়িতেছে সেই অনুভূতিই আজ তাহাদের “পাগল” মাজাইয়াছে।

তিনটি বিষয়ের জন্ত রমণীবৃন্দ আজ দলে দলে সৈনিকের বেশে দণ্ডায়মান। তাহারা সঙ্গী শিক্ষা, ক্ষমতা ও প্রেম ছাড়াইয়া উদার শিক্ষা, ক্ষমতা ও প্রেম চাচ্ছিলেন। প্রাচীনকালে সম্ভ্রান্ত পরিবারের মেয়েরা সামাজিক দুরবস্থার কথা জানিতেন না ও বুঝিতেন না কিন্তু উচ্চ শিক্ষা এখন তাহাদের চক্ষু খুলিয়া দিয়াছে, যখন জানিতাম না, বুঝিতাম না তখন যন্ত্রণা ছিল না, জ্বালা ছিল না কিন্তু জানিয়া বুঝিয়া নিজে বিবেক ও প্রেমে স্বাধীনতা লাভ করিয়া চুপ করিয়া নিশ্চিন্ত হইয়া বসিয়া থাকা যে অসম্ভব, বসিয়া থাকা যে পাপ। ক্রীতদাসের ব্যবস্থা, শিশুদের শরীররক্ষার নিয়ম সম্বন্ধে ভয়ানক অসম্পূর্ণতা, ব্যবস্থাপক সভার উদাসীনতা ও এই প্রকারের অনেক বিভীষিকা একবার দেখিয়া ও বুঝিয়া কি কোন দেশের মাতৃকুল স্থির হইয়া বসিয়া থাকিতে পারেন? যদি তাহাদের কেহ কেহ এই সব অত্যাচার নিবারণের জন্ত ব্যবস্থাপক সভার সভ্য হইতে ভগবৎ প্রণোদিত হন তাহা কি আশ্চর্যের বিষয়? পুরুষের যেরূপ সম্মান রক্ষা করা, সাহসী হওয়া, ইত্যাদি স্বাভাবিক সেইরূপ রমণীরও কতকগুলি স্বাভাবিক দাবী আছে, যেমন পবিত্রতা রক্ষা, দয়ালু হওয়া ও রক্ষণাবেক্ষণ করা, মাতৃনামের উপযুক্ত হইতে হইলে এই



স্বাভাবিক বৃত্তিগুলিকে কিছুতেই চাপিয়া রাখা যায় না। Suffragis দের 'স্ত্রী স্বভাবের বিপরীত' উপাধি অনেকে দিয়া থাকেন কিন্তু যাহারা মাতৃজাতি হইয়াও দুঃখ যন্ত্রণার কথা উদাসীন ভাবে শুনিতে পারেন আর যাহারা নিজেদের বোনেরদের— যারা যদিও তাঁহাদের অনেক ভুল আছে তবুও একটা উচ্চ আদর্শকে প্রতিষ্ঠিত করিবার জন্ত নিগ্রহ সহ্য করিতেছেন ও সংগ্রাম করিতেছেন বিক্রম করিবার সুযোগ অশ্রুদের দেন যাহারা কি মাতৃজাতির স্বাভাবিক ঈশ্বর দত্ত বৃত্তির পরিচয় দিয়া থাকেন ?

মনের ভাব প্রকাশের উপায় হয়তো খুব ভাল না হইতেও পারে কিন্তু যে ভাবে প্রণোদিত হইয়া আজ রমণীবৃন্দ সমগ্র সমাজে সজ্জিত সেইভাবে সকলকার ভক্তি করিবার জিনিষ। এই ভাব একবার ভাল করিয়া হৃদয়ঙ্গম করিলে এই ভাবকে চাপিবার সকল চেষ্টা যে কত বৃথা কত হাওয়াস্পন্দ ব্যাপার তাহা সহজেই বুঝিতে পারিবেন। জানালা ভাঙ্গা ইত্যাদি "পাগলামীর" ভিতরে এমন একটা জিনিষ আছে যাহা পুণিশের কিন্না বিচারকতার বুকিবার শক্তির বাহিরে।

এই নূতন জাগরণের ভাব যাহার জন্ত ইংরাজ ভগিনীরা কারাগার ভোগ করিতেছেন প্রায় সকল দেশেই আসিয়াছে তবে দেশের ও সমাজের বিভিন্নতার সকলে ভোট দিবার জন্ত সংগ্রাম করিবার প্রয়োজন মনে করিতেছেন না। যাহারা ভোট দিবার জন্ত সংগ্রাম করিতেছেন না

তাহারাও ভগিনীদলের দুরবস্থা, ছেলেদের কষ্ট অনুভব করিতেছেন এবং সেই সকল কষ্ট দূর করিবার জন্ত পুরুষদিগের উদ্যোগ-নতা দেখিয়া পুরুষজাতিকে 'পর' ভাবিতে আরম্ভ করিয়াছেন। এই ভাব দৃঢ় হইতে স্বযোগ দেওয়াতে সমাজের কতদূর মঙ্গল তাহাও ভাবিবার সময় হইয়াছে। মেয়েদের ভোট দিবার অধিকার দিলে মত-নিষ্ক্ষেপে গৃহে অশান্তি হইবার ভয় অনেকে করেন কিন্তু বর্তমান যুগে কতকগুলি অশান্তির জন্ত, পুরুষদের উদ্যোগ-নতার জন্ত, এবং নিজেদের কোন প্রতিকার করিবার শক্তি নাই বলিয়া স্ত্রীজাতির মধ্যে যে একটা ভাব আসিয়াছে সে রকম ভাব কোন রকম বিভ্রান্তিই সৃষ্টি করিতে পারে না। নিজেদের অসম্মার দেখিয়া আজ মেয়েরা "পাগলিনীর" বেশে পাড়াইয়াছেন। অনেকে মনে মনে প্রতিজ্ঞা করিতেছেন "যতদিন না এই সব অত্যাচার নিবারণ হয় আমি স্ত্রী হইব না, মা হইব না।" বিবাহিত ও কুমারী উভয় দলেই এই ব্যবধানের ভাব আসিয়াছে। এই "নীরব প্রতিজ্ঞা" নীরবে জগতে ছড়াইয়া পড়িতেছে। সম্রাট "টিনার্ট জারনল" নামে একটা সাময়িক পত্রে একটা প্রবন্ধ বাতির হইয়াছে তাহাতে লেখক চিরামারীর সংখ্যা যে দিন দিন বৃদ্ধি হইতেছে তাহার উপর তাঁর সমালোচনা করিয়াছেন, তিনি মাতৃহের অবনতিই ইহার কারণ বলিয়া নির্দেশ করিতেছেন। যদি সমাজ বুকিত ইহার কারণ মাতৃহের অবনতি নয় মাতৃহের বিকাশ। নব যুগের

## সহপািন্দনী ।

(W. Irving লিখিত The sketch Book হইতে অনুমোদিত )

"অতল সমুদ্রগর্ভে প্রচ্ছন্ন রতন রাজি,  
মূল্যবান নহে তো তেমন—  
রমণী হৃদয় তলে সযতনে হুরক্ষিত  
পুরুষের আনন্দ যেমন।"

—Middleton.

নূতন স্ত্রী আত্মা নব যুগের নূতন পুরুষ আত্মার সঙ্গে মিলিয়া পৃথিবীর দুঃখ ও নিষ্ঠুরতার সঙ্গে সংগ্রাম করিতে চাহিতেছে কিন্তু যদি এইরূপ মিলন না হয় তবে মিলিয়া কাজ নাই। জানালা ভাঙ্গা মনের ভাব সমুদ্রের একটা তরঙ্গ, এই তরঙ্গটা বিশেষ চেষ্টায় হয়তো প্রতিরোধ করা যাইতে পারে কিন্তু পশ্চাতে সমুদ্রের গতি কে রোধ করিবে ?

এই বুদ্ধ পুরুষদের বিরুদ্ধে নয় কিন্তু সামাজিক কোন কোন প্রথা যাহা অসহ্য তাহার বিরুদ্ধে। নারীজাতি উচ্চ প্রেমের ভিখারী হইয়া আজ "মাতৃহের অবনতির" কলঙ্ক মাথায় করিয়াছেন।

ধীরতা ও নম্রতাই যে স্ত্রীলোকের ভূষণ ইহা সকলেই বলিয়া থাকেন এবং ইহা খুব সত্য কিন্তু ইহা খুব উচ্চ আদর্শ। এই উচ্চ আদর্শের ভিতর পুরুষের শারীরিক ও আধ্যাত্মিক শক্তি সমান হওয়া চাই, এখানে এমন সমাজ দরকার যেখানে দুর্বলের প্রতি অত্যাচার নাই। এই আদর্শ সমাজ যখন প্রতিষ্ঠিত হইবে তখন হয়তো যাহারা আজ রণবেশে সজ্জিত তাহারা ই ধীরতা ও নম্রতার আদর্শ বলিয়া গৃহীত হইবেন ভবিষ্যৎ বংশ তাহাদের দোষ ত্রুটি আলোচনা করিবেন না কিন্তু তাহারা ই যে নূতন আদর্শ প্রতিষ্ঠিত করিবার কারণ হইয়াছেন ইহা জানিয়া ইহাদিগকে আশীর্বাদ করিবেন। ইহাদের কষ্ট ইহাদের নিপীড়ন ইহাদিগকে চির-স্মরণীয় করিয়া রাখিবে কণ্টক মুরট গৌরব মুহুর্তে পরিণত হইবে। \*

\* Lucy Re-Bartlett এর 'Scx

মর্যভেদী ভাষ্যবিপর্যায়ের নিষ্ঠুর পীড়ন নারীকুল বিরূপ অসাধারণ ধৈর্য সহকারে বহন করিয়া থাকেন—তাহার অনেক দৃষ্টান্ত আমি স্বচক্ষে দেখিয়াছি। যে বিপদে পুরুষের হৃদয় দুঃখে বিকল ও শোকে ভগ্ন হইয়া যায় যে দুর্ঘটনার পুরুষের মন ধুলায় লুপ্ত হইয়া পড়ে সেই বিপদে ও সেই দুর্ঘটনার নারীর হৃদয়ের সমস্ত শক্তি সহসা জাগ্রত হইয়া উঠে এবং তাহার চরিত্রে একরূপ অভূতপূর্ব নির্ভীকতা ও মহত্বের বিকাশ পরিলক্ষিত হয় যে নারীমূর্তি সহসা যেন এক অপূর্ব জ্যোতির্ময়ী ও মগীয়সী শ্রীতে ভূষিত হইয়া উঠে। যে নারী মৌভাগ্যের পথে বিচরণ করিবার কালে একান্ত কোমলহৃদয়া ও পেলব (মৃহ), যে সম্পূর্ণ পরাশ্রিতা ও শক্তিহীনা, সেই নারীই দুর্ভাগ্যের দুর্দিনে অলোকসামাগ্র মানসিক বলে বলবতী হইয়া তাহার দারিদ্রপীড়িত দায়িত্বের সহায় ও সান্ত্বনাদায়িনী হইয়া উঠে—ইহা

and Sanctity" বইয়ের "Militancy its place in our century" অবলম্বনে

লিখিত।

দেখিয়া কাহার হৃদয় না ভাবাবেগে উন্মত্ত হইয়া উঠে।

যে লতা বনস্পতিকে আপনার সুকোমল শাখাপল্লব দ্বারা বেষ্টন করিয়া তাহার আশ্রয়ে সূর্যালোকে উন্নীত হয়, বন পতি বজ্রাহত হইলে সেই লতা যেমন তাহাকে কোমল পল্লব দ্বারা আরও অধিক তর নিবিড়ভাবে বেষ্টন করিয়া ধরে,— তেমনি যে নারী সুখ সৌভাগ্যের মুহূর্তে পুরুষের আশ্রিতা ও কেবল ভূষণ স্বরূপা থাকে, সেই নারীই পুরুষ আকস্মিক দুঃখ দুঃভাগ্যের দ্বারা বিপর্যস্ত হইলে তাহার একমাত্র অবলম্বন ও সান্ত্বনাস্থল হইয়া দাঁড়ায়—তখন তাহার সুকোমল হৃদয় আরো নিবিড়ভাবে দয়িতের ব্যথিত হৃদয়কে বেষ্টন করিয়া ধরে এবং তাহার দুঃস্থ হৃদয়কে পরম যত্নে প্রীতির ডোরে বন্ধন করিয়া থাকে।

আমার একজন বন্ধুর আনন্দ ও শান্তি পরিপূর্ণ পরিবার দেখিয়া আমি একবার তাহার ভাগ্যের প্রশংসা করিতেছিলাম। বন্ধু বলিলেন—“সখে, আমি তোমাকে আশীর্বাদ করি যেন তুমি অভিমতা স্ত্রী ও বিনীত সন্তান লাভ কর; ইহা অপেক্ষা উচ্চতর আশীর্ষাদের কথা আমি কিছুই জানি না। যদি তোমার ভাগ্য সুপ্রসন্ন হয় এবং তুমি সুখ সৌভাগ্য লাভ কর, তবে তোমার পত্নী ও সন্তানগণ তোমার সহিত সানন্দে সে সুখের অংশ গ্রহণ করিবে; আর যদি ভাগ্যবশে তুমি কখনও দুঃখেও পতিত হও, তবে তাহারা প্রসন্ন অন্তঃকরণে তোমার দুঃখের ভার বহন

করিয়া তোমার আরাম ও সান্ত্বনাস্থল হইবে।”

প্রকৃত পক্ষেই আমি দেখিয়াছি যে বিবাহিত পুরুষ দুঃভাগ্যে পতিত হইলে অবিবাহিত পুরুষ অপেক্ষা সহজেই আপনার নষ্ট সুখের পুনরুদ্ধার সাধন করিতে সমর্থ হয়। ইহার একটা কারণ এই যে সে তাহার দুঃখপীড়িত প্রিয় পরিবারের গ্রাসাচ্ছাদনের ক্লেশ ও অভাব দর্শন করিয়া অধিকতর উৎসাহের সহিত কৰ্মক্ষেত্রে পরিশ্রম করিতে উত্তেজিত হয়। কিন্তু ইহার অত্র কারণ এই যে তাহার ব্যথিত চিত্ত প্রিয় জনের প্রেম ও স্নেহ পরিচর্যা প্রযুক্ত সান্ত্বনা ও আরাম লাভ করিয়া থাকে এবং সেই কারণে তাহার আত্মসম্মানও অক্ষয় থাকিয়া যায়; কারণ সে দেখে যে যদিও তাহার চতুর্দিকে কেবলই অন্ধকার এবং নির্ঘাতন, কিন্তু তথাপি এই যাবতীয় লাঞ্ছনাকে অতিক্রম করিয়া তাহার জগৎ তাহার দীন ভবনে একটা প্রেমের রাজ্য বিরাজ করিতেছে— যে রাজ্যের সে গৌরবাবিত অধীশ্বর। কিন্তু সংসারে যে পুরুষ নারী-সহচরী-বিরহিত তাহার একক জীবন শীঘ্রই উপেক্ষায় উচ্ছিন্ন হইয়া উঠে এবং অধিবাসীর অভাবে পরিত্যক্ত প্রাসাদ যেমন শীঘ্রই ধ্বংস ও ভয়দশা প্রাপ্ত হয় তেমনি তাহার হৃদয়ও সত্ত্বর নৈরাশ্র ও অন্ধকারে বিকল হইয়া পড়ে।

এই সকল কথা বলিতে গিয়া আমার একটা বন্ধুর ক্ষুদ্র পারিবারিক ঘটনার কথা মনে হইতেছে—এই ঘটনার আমি

একজন প্রধান সাক্ষী ছিলাম। আমার প্রিয় বন্ধু একটা সুন্দরী ও সুশিক্ষিতা যুবতীর পাণিগ্রহণ করিয়াছিলেন। এই রমণী সুখ সৌভাগ্যের কোড়ে লালিত পালিতা হইয়াছিলেন—আমার বন্ধুরও যথেষ্ট সম্পত্তি ছিল। তিনিও সময়ে তাহার পত্নীকে সকল প্রকার সুকুমার কলায় সুশিক্ষিতা করিয়াছিলেন, তিনি তাহাকে সেই সমস্ত শিল্প ও সাহিত্য সম্পর্কে শিক্ষা দিয়াছিলেন যাহা নারী চরিত্রকে মাধুর্য্যে ও কোমলতায় মণ্ডিত করিয়া তুলে। বন্ধু প্রায়ই বলিতেন, “আমার স্ত্রীকে আমি একটা মনোমোহিনী পরীতে পরিণত করিতে চাই।”

তাহাদের প্রকৃতির পার্থক্য তাহাদের মিলনকে দৃঢ়তর করিয়াছিল। বন্ধুর প্রকৃতি কতকটা গভীর ও চিন্তানীল ছিল; কিন্তু তাহার স্ত্রী ছিলেন উৎসাহ ও আনন্দের জীবন্ত প্রতিমূর্তি। বন্ধুর স্ত্রী যখন কোন সামাজিক সম্মিলনীতে যোগদান করিয়া তাহার সুকুমার বিদ্যায় সমাগত জনমণ্ডলীর চিত্তবিনোদন করিতেন তখন বন্ধু একান্তচিত্তে তন্ময়ভাবে পত্নীর দিকে কি গভীর আনন্দের দৃষ্টিতে চাহিয়া থাকিতেন! আবার পত্নী যখন নিজের পারদর্শিতার জগৎ জনমণ্ডলীর নিকট হইতে প্রশংসাবাদ প্রাপ্ত হইতেন তখন তিনি নিরন্তর কোমল ও আনন্দপূর্ণ দৃষ্টিতে তাহার স্বামীর মুখের দিকে তাকাইতেন—যেন সেই মুখই তাহার প্রকৃত প্রশংসার অন্বেষণ স্থল! যখন পত্নী আসিয়া প্রিয়পতির পার্শ্বে উপবেশন করি-

তেন—তখন তাহাদের উভয়কে কি সুন্দর দেখাইত—প্রকৃতই যেন “তমাল পাশে কনকলতা!” প্রেমপূর্ণ দৃষ্টিতে যুবতী স্বামীর মুখের দিকে চাহিয়া আছেন—আর স্বামীর হৃদয় এমন গুণবতী স্ত্রীর লালনের আনন্দে উৎফুল্ল ও গৌরবাবিত। সুখময় বিবাহিত জীবনের কোমল পুষ্পিত পথে এই দুইটা আনন্দোৎফুল্ল যাত্রী হৃদয়ে কি মধুময়ী আশা লইয়াই যাত্রা আরম্ভ করিয়াছিলেন!

কিন্তু সৌভাগ্যের সূর্য্য অচিরেই দুঃভাগ্যের ঘোর ঘনঘটায় আচ্ছন্ন হইয়া পড়িল। বন্ধু তাহার সমুদায় সম্পত্তি একটা ব্যবসাতে নিযুক্ত করিয়াছিলেন— তাহার মনে মনে আশা ছিল যে এই উপায়ে সম্পত্তির আয় পরিবর্দ্ধিত করিয়া তিনি পত্নীকে আরও সুখসমৃদ্ধ প্রতীপালিত করিবেন। কিন্তু তাহাদের বিবাহের কয়েক বৎসরের মধ্যেই দৈব দুর্ঘটনায় উক্ত ব্যবসাতে বন্ধুর সমস্ত সম্পত্তি বিনষ্ট হইয়া গেল, তিনি সহস্র ভিক্ষুকের অবস্থায় অবনমিত হইয়া পড়িলেন। কিছুদিন তিনি পত্নীর নিকটে এ অবস্থা গোপন করিয়া রাখিলেন। এই দুঃখের বহ্নিকে নিজের অন্তরের মধ্যে প্রচ্ছন্ন রাখিয়া তিনি দক্ষ হৃদয়ে ও মলিন মুখে সংশয়ে বিচরণ করিতে লাগিলেন। জীবন তখন তিক্ত ও বেদনার আকরভূমি। আবার এই সমস্ত দুঃখের বেদনাকে গুপ্ত রাখিয়া স্ত্রীর সম্মুখে সহায়বদনে বিচরণ করিতে হইবে—এইজগৎই তাহার ক্লেশ আরও ভীতর বোধ হইতেছিল।

বন্ধু মাৎস করিয়া পীকে এই আক-  
স্মিত বিপদপাতের কথা শুনাটতে পারি-  
লেন না—ভাবিলেন স্ত্রী এ বেদনা বহন  
করিতে সমর্থ হইবেন না। কিন্তু প্রেমের  
দৃষ্টি চিরদিনই তীক্ষ্ণ—সে দৃষ্টি হইতে  
প্রিয়জনের দুঃখ বেদনা লুক্কায়িত রাখা  
কখনই সম্ভবপর নহে। অতদিনের মধ্যেই  
স্ত্রী ব্রহ্মিতে পারিলেন তাঁহার সামীর সেই  
পূর্ন প্রকৃত্যের আর নাই, কি যেন-গুপ্ত  
বেদনা তাঁহার হৃদয়ে থাকিয়া তাঁহার  
জীবনের হাঙ্গর আনন্দ ও উৎসাহকে হরণ  
করিয়া লইয়াছে। তাঁহার দৃষ্টি বিষাদপূর্ণ;  
দীর্ঘনিঃশ্বাসকে যেন তিনি বলপূর্নক  
প্রশমিত করিতেছেন—তাঁহার অপাভাবিক  
হাঙ্গর মালিন্যে মসীময়। পত্নী প্রাণপণে  
পতির চিত্তবিনোদনের জন্ত কত প্রকারে  
চেষ্টা করিতে লাগিলেন, প্রেমের পরি-  
চর্যায় তিনি দয়িতের দুঃখভার লঘু  
করিবার জন্ত যত্নপরায়ণ হইলেন। কিন্তু  
তাঁহার এই প্রেমপূর্ণ পরিচর্যায় পতির  
হৃদয়ের বিষণ্ণতা আরও গভীরতর ভাবে  
তাঁহার হৃদয়কে ব্যথিত করিতে লাগিল।  
এমন গুণবতী স্ত্রী, হায়! তাঁহাকেই  
দুঃখের কূপে নিমজ্জিত করিয়া তাঁহার  
জীবনকে চিরদিনের জন্ত শান্তিহার্য  
করিলাম। বন্ধু ভাবিলেন হায়! আর  
দুই এক দিন অতীত হইলেই তাঁহার  
আনন্দ প্রতিমার দিবা মুখের ঐ প্রসন্ন  
হাঙ্গর বিষাদের অন্ধকারে বিগীন হইয়া  
যাইবে! তাঁহার পবিত্র হৃদয়ের ঐ সুধাময়  
সঙ্গীত চিরদিনের জন্ত নীরব হইবে—  
প্রেমময় কোমল দৃষ্টির ঐ আনন্দ জ্যোতিঃ

চিরকালের জন্ত নির্মাপিত হইবে! যে  
সরল সুপবিত্র হৃদয় এক্ষণে পূর্ণ আনন্দে  
ঐ সুন্দর বক্ষের নিম্নে নৃত্য করিতেছে—  
সেই হৃদয় দুঃখ বেদনার দুর্দহ প্রসূর-  
ভারে চিরদিনের জন্ত ভারাক্রান্ত হইয়া  
পড়িবে!!

ক্রমশঃ।

শ্রী বিনয়ভূষণ সরকার।

### ভিক্টোরিয়া মহিলা বিদ্যালয়।

গত ২৫শে মার্চ মঙ্গলবার আরাঙ্ক  
পাঁচটার পর ভিক্টোরিয়া মহিলা বিদ্যা-  
লয়ের বালিকাগণকে পারিতোষিক বিতরণ  
উপলক্ষে বিদ্যালয়ের গৃহের প্রাঙ্গণে  
একটি অতি সুন্দর সভার অধিবেশন  
হইয়াছিল। মাননীয় পী, সী, লায়ন  
মহোদয় সভাপতি হইয়াছিলেন এবং  
আমাদের উদার হৃদয় গবর্নর মহোদয়ের  
পত্নী মহামাননীরা লেডী কার মাইকেল  
পুরস্কার বিতরণ করিয়াছিলেন। ভদ্র  
মহিলা ও মহোদয়গণ বিস্তৃত সভামণ্ডপ  
পূর্ণ করিয়া আসন গ্রহণ করিলে বালিকাগণ  
পিয়ানো যোগে "অয়ি, ভূবনমনোমোহিনী"  
সঙ্গীতটি গান করে, তারপর ৩৪ প্রকারের  
ড্রীল প্রদর্শন করা হয় এবং ঞ্চবচরিত্রের  
একদৃশ অতি সুন্দররূপে অভিনীত হয়।  
বালিকাগণ এসকল গুলিই অতি উত্তম  
রূপে সম্পন্ন করিয়াছিল। এই অংশ  
শেষ হইলে সম্পদক বার্ষিক কার্য্য বিবরণ  
পাঠ করেন।

মহিলার পাঠক পাঠিকাগণ এই বিদ্যা-

লয়ের বিষয় সাধারণত সকল সংবাদ জ্ঞাত  
অছেন এবং সময়ে সময়ে হহার কার্য্য  
বিবরণীর সংবাদও মহিলাতে প্রকাশিত  
হইয়া থাকে এজন্ত বার্ষিক কার্য্য বিবরণীর  
কোন কোন অংশ মাত্র এস্থলে উদ্ধৃত  
করিয়া দেওয়া হইল। বিদ্যালয়ের আদি  
প্রতিষ্ঠাতা অচার্য্য কেশব চন্দ্র সেন মহা-  
শয়ের উচ্চ আদর্শ অনুসারেই এই বিদ্যালয়  
চিরদিন মহিলা শিক্ষার উপযোগী বিশেষ  
বিশেষ বিষয় বিদ্যালয়ে শিক্ষা দান করিয়া  
আসিয়াছেন। রোগীর গুণ্ণবা, স্বাস্থ্য  
বিজ্ঞান, গার্হস্থ্য নীতি, রন্ধন, সীবন,  
সঙ্গীত প্রভৃতি শিক্ষার ব্যবস্থা আছে।  
মিষ্ট শ্রেণীতে কিন্ডারগার্টেন নিয়ম অনু-  
সারে শিক্ষা দেওয়া হয়।

বর্তমানে ২০ নং বীডন টা ভবনে  
স্কুলটি স্থাপিত আছে, ইহাতে ভিন্ন ২ ক্লাসের  
জন্ত স্থান আছে, তদ্ব্যতীত ৩ টি বোর্ডার  
থাকিবার স্থান আছে; গত বৎসর বিদ্যা-  
লয়ের ছাত্রী সংখ্যা ১৪০ জন ছিল এবং বৎসর  
১৭০ জন হইয়াছে। কিন্ডারগার্টেন বিভাগে  
কয়েকটি শিশু বালকও আছে। বালিকা-  
দিগের ছাত্রবৃত্তির সরকারী পরীক্ষাতে ৪টি  
বালিকা প্রেরিত হইয়াছিল তাহার মধ্যে  
একটী বালিকা বার্ষিক ২০ টাকা ও একটি  
১৮ টাকা বৃত্তি পাইয়াছে। এবার দুইটি  
বালিকা মেট্রী শুলশন পরীক্ষা দিয়াছে ফল  
এখনও প্রকাশ হয় নাই। বর্তমানে ১০টি  
শিক্ষয়িত্রী আছেন ইহাদের দুই জন বি, এ  
উপাধিধারিণী; বোর্ডিং বিভাগে একজন  
অভিভাবিকা আছেন। এতদ্ব্যতীত কুমারী  
মেবেল ওয়ালটার নামী একটি ইংরাজ

মহিলা এই বিদ্যালয়ের কার্য্যে নিযুক্ত  
হইয়াছেন তিনি আগামী মে মাসেই  
এদেশে উপস্থিত হইবেন স্থির হইয়াছে।  
এই মহিলা শিক্ষা কার্য্যে সুশিক্ষিতা এবং  
বহুদিন প্রসংসার সহিত একাধা করিয়া-  
ছেন, আশা হয় যে তিনি আসিলে বিদ্যা-  
লয়ের অনেক উপকার হইবে। এই  
বিদ্যালয়ের অপর একটি বিশেষ কার্য্য  
গৃহিণীগণের জন্ত বিবিধ উপযোগী বিষয়  
বক্তৃত্ত দান। গত বৎসর একাধা যথারীতি  
সম্পন্ন হইয়াছে। নিম্নলিখিত মহোদয়গণ  
বিবিধ বিষয়ে সর্বশুদ্ধ ৩১টি বক্তৃত্ত প্রদান  
করিয়াছেন, অধ্যাপক বিনয়েন্দ্র নাথ সেন  
৩, অধ্যাপক ডাঃ দেবেন্দ্র নাথ মল্লিক ৭,  
শ্রীযুক্ত ব্রজগোপাল নিয়োগী ১, শ্রীযুক্ত  
অবিনাশ চন্দ্র বসু ৬, ডাক্তার চুনীলাল  
বসু রায় বাহাদুর, ৩, শ্রীযুক্ত প্রমথলাল  
সেন, ৬, ডাক্তার বিধান চন্দ্র রায় ৩,  
শ্রীযুক্ত শরৎ কুমার দত্ত, ১, মিষ্টার  
সিরাজী — ১।

আজ কাল এই বিদ্যালয়ের সরকারী  
সাহায্য সহিত মোট এক হাজার টাকা  
আয় কিন্তু মাসিক ব্যয় ১২৫০ টাকা,  
ইহা ব্যতীত তিন হাজার টাকা ঋণ আছে।  
অপর দিকে দিন দিন ব্যয় বৃদ্ধি হইতেছে,  
তবে সম্পদক আশা করেন যে সরকার  
বাহাদুর ও দানশীল মহোদয়গণ এই  
উন্নতিশীল বিদ্যালয়ের সকল অভাব মোচন  
করিবেন। বিদ্যালয়ের নিজের বাড়ী না  
থাকতে নানারূপ অসুবিধা ও অতিরিক্ত  
ব্যয় হইতেছে এজন্ত কার্য্য নিক্সাহক সভা  
ইহার জন্ত একটি গৃহ নির্মাণ করিতে

প্রস্তুত হইয়াছেন । এজ্ঞ দেড়লক্ষ টাকা ব্যয় হইবে । এজ্ঞ উদার গবর্ণমেন্ট ও সাধারণ নারীকুলহিতৈয়িগণের নিকট সাহায্য প্রার্থনা করা হইতেছে ।

বার্ষিক বিবরণ পাঠ শেষ হইলে লেডী কারমাইকেল মেডেল, পুস্তক, খেলানা ইত্যাদি পারিতোষিক বিতরণ করেন । বিতরণ শেষ হইলে সভাপতি লায়ন সাহেব স্কুল কমিটিকে উৎসাহ দান করিয়া একটি বক্তৃতা করেন অতঃপর মহামান-নীয়া লেডী কারমাইকেল একটি সুন্দর বক্তৃতা করেন । আমরা মহিলার পাঠক পাঠিকাগণের অবগতির জ্ঞান ইহার মর্ম বাংলায় অনুবাদ করিয়া প্রকাশ করিতেছি, কারণ আমরা দেখিতেছি আমাদের গবর্ণর-পত্নীর এই সমায়োপযোগী উক্তি দ্বারা উচ্চতর আদর্শনারী শিক্ষা সম্বন্ধে এদেশের দৃষ্টি আকৃষ্ট হইবে ।

ভিক্টোরিয়া বালিকা বিদ্যালয়ের পুরস্কার বিতরণ উপলক্ষে লেডী কারমাইকেল মহোদয়ার বক্তৃতার সারমর্ম :—

অদ্য ভিক্টোরিয়া বিদ্যালয়ের পুরস্কার বিতরণ কার্যে যোগদান করিতে পারিয়া ও বিদ্যালয় দেখিবার সুযোগ পাইয়া অত্যন্ত আনন্দিত হইয়াছি । এই বিদ্যালয় বর্তমান সময়ের অভাবাদির দিকে লক্ষ্য রাখিয়া পরিচালিত এবং সর্বথা উৎসাহ পাইবার যোগ্য । বর্তমান সময়ে বালিকা-দিগকে শিক্ষা দিবার জ্ঞান যে ভাব ও ইচ্ছা প্রকাশ পাইতেছে তাহাতে আশঙ্কা হয় যে হয়ত প্রথম উৎসাহে কেবলমাত্র মানসিক বৃত্তি বিকাশের দিকেই দৃষ্টি থাকে ; কিন্তু

আমার মনে হয় যে তাহাদিগকে এরূপ ভাবে শিক্ষা দেওয়া কতব্য যেন তাহাদের পারিবারিক জীবন কোনও প্রকারে ক্ষতি-গ্রস্ত না হয় এবং এদেশীয় মাতা ও গৃহ-কর্ত্রীরা যে জ্ঞান প্রসিদ্ধ সে সকল রমণী-সুলভ গুণ যেন তাহাদের মধ্যে পরিষ্কৃত হইতে পারে । এই বিদ্যালয়ের কর্তৃপক্ষ বালিকাদিগকে যে সকল বিষয় জীবনে সকল অবস্থায় প্রয়োজনীয় হইবে না তাহার সঙ্গে সঙ্গে জীবনের অবশ্য কর্তব্য কার্যাবলী শিক্ষা দানের উপকারিতা ও গুরুত্ব বিশেষ ভাবে উপলব্ধি করিয়াছেন । অনেক সময় স্ত্রী শিক্ষার অত্যাশঙ্কীয় বিষয় উপেক্ষিত হয় । বালিকা ভবিষ্যৎ জীবনে যে সমাজে বাস করিবে তাহার সকলকে যদি সুখী ও পরিতৃপ্ত করিতে পারে তবে তাহাই তাহার জীবনের সার্থকতা । তাই বলি, বালিকাদিগের বিশেষতঃ যাহাদিগের জীবিকা অর্জন বিদ্যাভাসের উপর নির্ভর করে না তাহাদিগকে শিক্ষা দিলে এবিষয়ে উপেক্ষা করা চলে না । তৎসঙ্গে আরও বলিয়া রাখি যে প্রত্যেক কার্যই সম্যকরূপে সম্পন্ন করার প্রতি বিশেষ লক্ষ্য রাখিতে হইবে । অল্প কয়েকটা বিষয় লইয়া সে গুলিকে সম্পূর্ণ অর্জন করিতে পারিলে যথেষ্ট উপকার হইবে । বড়ই আশার কথা যে, এই শিক্ষালয়ে আগামী বর্ষের জ্ঞান ধাত্রীবিদ্যা শিক্ষারও ব্যবস্থা করা হইয়াছে । ইহা অপেক্ষা উপযুক্ত গৃহকর্ত্রী ও মাতা হইতে বালিকা-দিগের পক্ষে আর কি অধিক প্রয়োজনীয় ? বিদ্যালয়ের উচ্চ শ্রেণীর বালিকা ও বিবা-

হিতা রমণী দিগের শিক্ষার জ্ঞান যে ব্যবস্থা আছে তাহা অতি চমৎকার এবং মহিলারা ইচ্ছা করিলেই উহাতে যোগদান করিতে এবং তদ্বারা উপকৃত হইতে পারেন ! কিন্তু আমার বোধ হয় এবিষয়ে আরও অগ্রসর হওয়া যাউতে পারে এবং আশা করি যে ইহার অফুরণে আরও কয়েকটা বিদ্যালয় স্থাপিত হইবে । আমার দৃঢ় বিশ্বাস যে বালিকাদের জ্ঞান লাভের সময় যখন তাহাদের চরিত্র গঠিত হইতে থাকে, তখন যদি কেহ পরোপকারের জ্ঞান ধাত্রী কার্য অবলম্বন করিয়া ইহাদিগের সম্মুখে একটা মহৎ দৃষ্টান্ত উপস্থিত করেন তবে ভারতের কল্যাণের জ্ঞান নারী বিরূপ কার্য করিতে পারেন, সেবিষয়ে তাহাদের ধারণা জন্মিবে ও তদ্বারা মহৎ কার্য সম্পন্ন হইবে । এদেশে অনেক বিধবা আছেন যাহারা সমস্ত জীবন অগ্নির সেবা করেন । তাহাদের মধ্যে যদি কেহ কেহ ধাত্রী কার্য গ্রহণ করেন তখন সকলেই বুঝিতে পারিবেন যে পরোপকারের কি বিস্তৃত ক্ষেত্র সম্মুখে পড়িয়া রহিয়াছে । মহিলা চিকিৎসকগণ এবিষয়ে অগ্রণী । কিন্তু স্ত্রীশিক্ষার ব্যতিরেকে চিকিৎসক নিরুপায় । এই কার্যের ভার নারী জাতির উপর হইবে । তাহাদিগকে এই পথে অগ্রসর হইয়া অগ্নির দৃষ্টান্ত স্বরূপ হইতে হইবে । যদি এই বিদ্যালয়ের বালিকাদের মধ্যে কেহ কেহ এই ব্রত গ্রহণ করেন তবে তাহা অপেক্ষা গৌরবের বিষয় আর কি হইতে পারে ?

বড়লাটপত্নী।—আমাদের বর্তমান রাজ

প্রতিনিধি লর্ড হাডিং মহোদয় যখন এবার রাজকীয় শোভাযাত্রা করিয়া নতন রাজধানী দিল্লিতে প্রবেশ করিতে-ছিলেন তখন কোন ছরায়া তাঁহার প্রাণ নাশের অভিপ্রায়ে তাহাদের হাতীর উপরে এক বোম ছুড়িয়াছিল । তাহাতে বড়লাটবাহার গুরুতর আঘাত প্রাপ্ত হন, অক্ষান হইয়া পড়েন অথচ শোভাযাত্রা তাঁহারই আদেশে যথাযথ সম্পন্ন হয় । এই সময় মেডি হাডিং যে প্রত্যাশপন্নমতি সাহস ও দৃঢ়চিত্ততা দেখাইয়াছেন ইহাতে সমস্ত ভারত তাঁহার প্রশংসাবাদ করিতেছে । বড়লাট বাহাদুরের আরোগ্য লাভ উপলক্ষে কৃতজ্ঞতা প্রকাশের জ্ঞান দেশের ধনী মানী সদাশয় অনেক লোক অর্থ দান করিয়াছেন সেই সকল অর্থ বড়লাটপত্নীর হস্তে আসিয়াছে । তিনি এই সকল টাকার উপযুক্ত ব্যবহার করিতে ইচ্ছা করিয়া ডাক্তার লিউকিসকে যে সুন্দর পত্রখানি লিখিয়াছেন আমরা মহিলার পাঠিকাগণের জ্ঞান তাহা অনুবাদ করিয়া প্রকাশ করিতেছি ।

ভাইসরয়ের ( বড়লাটসাহেবের ) আরোগ্যলাভে কৃতজ্ঞতা ও আনন্দপ্রকাশ-স্বরূপে টাঙ্গা উঠিয়াছিল সেই দানের টাকা কিভাবে খরচ করিলে বেনী লোককে সুখী করা যাবে আমি সেই কথাই ভাবছি । প্রথমে ভেবেছিলুম যে ভাইসরয়ের জন্ম-দিন উপলক্ষে ২০শে জুন ভারতবর্ষের সকল ছোট বালকবালিকাদিগকে ছুটি দিয়ে তাদের নিমন্ত্রণ করে খাওয়ান যাবে ; ভগবানের কৃপায় ভাইসরয় যে এত দিন

পরে মুস্থ হইয়া উঠিয়াছেন আমার সাধ এই যে সে আনন্দ অল্পকে দিতে পারি কিন্তু যখন ভারতবর্ষের বালকবালিকাদের সংখ্যা নির্দেশ করিলাম তখন দেখিলাম ইহা সম্ভব নয়। অবশ্য যদি ভারতবর্ষের প্রত্যেক বালকবালিকাদিগকে এই জন্ম দিন উপলক্ষে খাওয়ান হতো তাহা হলে খুবই ভাল হইত, কিন্তু আমার হাতে যে টাকা আছে তাহাতে কুলিয়া উঠবে না। সেই জন্ত এই ইচ্ছা ত্যাগ করতে হলো এবং নানা রকম উপায় চিন্তা করতে লাগলাম। একবার ভাবলাম যদি এই ভোজ বিভিন্ন প্রদেশের রাজধানীতে কিশোরী, কলিকাতা, এবং সিমলার—যে যে স্থানে তাইসরয় নিজে ছিলেন সেই সেই স্থানে যদি হয় তাহা হইলে ভাল হয়। কিন্তু ইহাতে অল্প অনেক স্থান বাদ পড়ে যায় বলে এটাও ছেড়ে দিতে হলো। তারপর ভাবলাম যে ভারতবর্ষের সব ইঁসপাতালের রুগ্ন বালকবালিকাদিগকে আমি নিজেই জন্মদিনের ভোজটা দোবো। কেননা এই সময়ে এদের কথাই স্বভাবতঃ মনে আসে। এই গরমের সময় রোগ শয্যার ভেতরে একদিনের জন্ত যাতে তাদের একটু সুখী করতে পারি তাই ইচ্ছা। এই দানের টাকাটা নিয়ে এমন এক ব্যবস্থা করা যেতে পারে যে, বছর বছর একরকম ভাবে কিছু খরচ করা যেতে পারে। এই সকলের চেয়ে ভাল ব্যবস্থা মনে হচ্ছে আমার ইচ্ছা। এই যত দিন আপনি ভারতবর্ষে থাকেন ততদিন এই টাকা আপনার নিকট থাক ও

ইহা বিতরণের ভার আপনার উপর থাকবে। কিন্তু আমি আমার প্রথম ইচ্ছাটা একবারে ছেড়ে দিতে চাই না। আমি জানি যে অনেক মুস্থিল আছে এবং কি করে এটা সম্পন্ন করা যায় তাহা বুঝতে পারি না, কিন্তু তবুও আমি আশা করি যে সব অনুরক্ত ভারত বাসিন্দা এত সহানুভূতি দেখিয়েছেন যে তাঁরাই এটা সম্পন্ন করে তুলবেন। আমি নির্ভর করে তাঁদের হাতে ছেড়ে দিচ্ছি এবং অনুরোধ করছি যে বছরে বছরে ২০শে জুন তাইসরয়ের জন্মদিন বলে সমস্ত বালকবালিকাদিগকে খাওয়ান হবে।

### ভাগলপুর ব্রাহ্মিক সমিতির বার্ষিক অধিবেশন।

ভক্তিভাজন শ্রীযুক্ত নিবারণ চন্দ্র মুখোপাধ্যায় মহাশয়ের চেষ্টিয় ও পরি-শ্রমে এই সমিতি বহুদিন হইল স্থাপিত হইয়া পরিচালিত হইতেছে। বিগত বর্ষে ১৬ জন মহিলা ইহার সভ্যশ্রেণীভুক্তা ছিলেন এবং মাঝে মাঝে আরও কেহ কেহ আসিয়া যোগ দিয়াছেন।

#### সমিতির উদ্দেশ্য।

১ম আত্মোন্নতি। ২য় পারিবারিক উন্নতি। ৩য় সামাজিক উন্নতি। ৪র্থ সেবা।

আত্মোন্নতির জন্ত ধর্ম, ইতিহাস, বিজ্ঞান ইত্যাদি বিষয় অত্রাধিক আলো-চনা করা হইয়াছে। ধর্ম বিষয়েই অধিক আলোচনা হইয়াছে। প্রায় প্রতিবারেই

কেহ কেহ এ সকল বিষয়ে প্রবন্ধ লিখিয়া আনিয়াছিলেন। পারিবারিক উন্নতির জন্ত পরস্পরের দামদামীর ও সম্মানের প্রতি ব্যবহার ইত্যাদি বিষয়ের আলোচনা করা হইয়াছে। সামাজিক উন্নতির জন্ত অর্থাৎ ভিন্ন ভিন্ন পরিবারের মধ্যে সদ্ভাব স্থাপিত হয় এ বিষয় লইয়া আলোচনা ও প্রবন্ধ লেখা হইয়াছে। এবং একবার একটা সাক্ষাসন্মিলন হইয়াছিল। তাহার পর সেবা অর্থাৎ দরিদ্রদিগের জন্ত অনস্থানুসারে দান রোগীর চিকিৎসা অল্প লোক-দিগকে সাধ্যানুসারে শিক্ষাদান ইত্যাদি বিষয়ে যথেষ্ট কথাবার্তা ও লেখা হইয়াছে অনেক প্রস্তাব ও ঠিক করা হইয়াছে কিন্তু বিশেষ কিছুই কার্যে পরিণত করা হয় নাই। এবার শীতের প্রারম্ভে পুরাতন বস্ত্র সেলাই করিয়া দরিদ্রদিগকে একত্র করিয়া সেগুলি বিতরণ করা হইয়াছে।

আমাদের ভক্তিভাজন শ্রীযুক্ত নিবারণ বাবু মহাশয় আমাদের উন্নতির জন্ত যথা-সাধ্য চেষ্টি করিয়াছেন, তিনি যে সকল অমূল্য উপদেশ দিয়াছেন তাহা আমরা জীবনে কত দূর গ্রহণ করিতে সমর্থ হই-য়াছি ঠিক বলিতে পারি না, কিন্তু সকলেই যে অত্রাধিক পরিমাণে উপকৃত হইয়াছেন সে বিষয়ে সন্দেহ নাই। তিনি আমাদের জীবনকে বাহিরের কাজে লাগাইবার জন্ত অনেক পথ দেখাইয়া দিয়াছেন ও অনেক সাহায্য করিবেন বলিয়া সর্বদা প্রস্তুত, কিন্তু আমরা কাজের এমন সুযোগ অব-হেলা করিয়া মানুষ ও ভগবানের নিকট অপরাধী হইয়াছি।

সভ্যগণকে জাগ্রত হইয়া নবভাবে ও নবোৎসাহে কার্য করিতে হইবে। সমিতির উচ্চ আদর্শ ও উদ্দেশ্য গুলি সফল করিতে হইবে।

সম্পাদিকা শ্রীমুনীতি বাল্য ঘোষ।

### আলুর বীজ রক্ষা করিবার উপায়।

ভারতবর্ষের যে যে প্রদেশে আলুর চাষ হয় সেই সমস্ত প্রদেশের কৃষকেরাই কতকগুলি আলুকে পুনর্বার বীজের জন্ত কয়েক মাস অন্যান্য যত্ন করিয়া রক্ষা করিয়া থাকে। বিশেষতঃ বর্ষাকালে সেই বীজ-গুলিকে বিশেষ যত্নপূর্বক রক্ষা না করিলে অধিকাংশ বীজই রোগাক্রান্ত হইয়া নষ্ট হইয়া যায়। কাজেই সেইগুলিকে ভবি-ষ্যতের জন্ত রক্ষা করা কষ্টকর হইয়া উঠে। বহুবৎসর পূর্বে ইটালি হইতে ভারতবর্ষে বহু পরিমাণে আলুর বীজ আমদানী হইয়া-ছিল, এবং ইটালি প্রভৃতি দেশে আলুর কীট অধিক পরিমাণে উৎপন্ন হয় বলিয়া, আমদানির সময় বীজের সহিত আনীত সেই সমস্ত কীট বর্তমানে এদেশে ছড়া-ইয়া পড়িয়াছে। এই সমস্ত পোকাগুলি যে কেবল আলুর গাছ নষ্ট করিয়া ফেলে তাহা নহে, তাহারা বীজের জন্ত রক্ষিত আলুর মধ্যে প্রবেশ করিয়া বাস করিতে থাকে ও সেই বীজ আমদানি রপ্তানির সহিত দেশ দেশান্তরে ছড়াইয়া পড়ে।

এই সমস্ত কীটের কবল হইতে আলুর বীজ রক্ষা করা অতীব প্রয়োজনীয়। যাহাতে কীটগুলি বীজের ভিতর প্রবেশ

না করিতে পারে তাহার ব্যবস্থা আবশ্যিক। সেই জন্ত আলুর বীজগুলিকে প্রথমতঃ ভাল করিয়া বাছিয়া লইয়া উত্তমরূপে চাকিয়া রাখিতে হয়। কিন্তু আবার ইহাও দেখা গিয়াছে যে আলুর বীজ বদ্ধ স্থানে রক্ষা করিলে প্রায় সমস্তগুলিই রোগাক্রান্ত হইয়া নষ্ট হইয়া যায়। অতএব কিরূপ উপায়ে বীজগুলিকে রক্ষা করা সম্ভব তাহাই এই প্রবন্ধের আলোচ্য বিষয় :-

প্রথমতঃ আমরা কীটগুলির জীবন বৃত্তান্ত সংক্ষেপে আলোচনা করিব। প্রায় দেখিতে পাওয়া যায় যে, যে ক্ষেত্রে আলুর চাষ হইয়াছে সেই ক্ষেত্রেই সহস্র সহস্র কীট উড়িয়া বেড়ায় এবং যে স্থানে আলুর বীজ রক্ষা করা হইয়াছে, সেই স্থানেও বহুল পরিমাণে উহার বিচ্যুত থাকে। পোকাকীট বীজ আলুর চক্র ভিতর ছিদ্র করিয়া ডিম্ব প্রসব করে, সময়ে সময়ে আলুগাছের পাতার নিম্নেও তাহাদের ডিম্ব দেখিতে পাওয়া যায়। কীটগুলি শৈশবাবস্থায় গাছের পাতায় বাসা করিয়া থাকে এবং গাছের কোমল ডাল কিসা পাতা কাটিয়া গর্ত করে। সেই জন্ত মাঝে মাঝে গাছের ডগা ও পাতা শুষ্ক হইয়া গিয়াছে দেখিতে পাওয়া যায়। কখনও কখনও পোকাকীট আলুর চক্রতে ছিদ্র করিয়া তাহার ভিতর প্রবেশ করে এবং থাকিবার স্থান প্রস্তুত করে। একটু ভাল করিয়া পরীক্ষা করিলেই কীটগুলির আবাস স্থান কোথায় তাহা বুঝিতে পারা যায়, কারণ তাহাদের পরিত্যক্ত মল কৃষ্ণ বর্ণ দানার

খায় আলুর গায়ে দেখিতে পাওয়া যায়। ডিম্বের অবস্থা হইতে পূর্ণতা প্রাপ্তি পর্যন্ত একটি কীটের প্রায় এক মাস কাল সময় লাগে। একটি কীট ২৫টি হইতে ৩০টি ডিম্ব প্রসব করে, কখনও কখনও অধিক সংখ্যকও প্রসব করে দেখা যায়। এমন কি একটি কীট ৮৫টি ডিম্ব প্রসব করিয়াছে এরূপও দেখা গিয়াছে।

আলু যখন ভারতবর্ষের একটি প্রধান খাদ্য, তখন উহার রোগ বীজ হইতে সূত্রে বিনষ্ট করা নিতান্তই প্রয়োজনীয়। ইহা স্পষ্টই প্রতীয়মান হইতেছে যে, যখন আমদানির সময় কীট আসিয়া এদেশের এমন সর্কানাশ করিতেছে তখন তাহাদিগকে নষ্ট করা সম্ভবপর। অবশ্য সম্পূর্ণভাবে রোগ দূরীভূত নাই হউক অনেক পরিমাণে যে হ্রাস হইতে পারে তাহার কোন সন্দেহ নাই।

পুসার কৃষিবিদ্যালয়ের প্রধান কীট-তত্ত্ববিৎ পণ্ডিত (Imperial Entomologist) অধ্যাপক ম্যাক্সওয়েল লেফরয় (Prof. Maxwell Lefroy) কৃষিবিদ্যালয় বিশেষ পারদর্শী। তিনি সপ্রতি ভারতবর্ষ হইতে অবসর গ্রহণ করিয়া বিলাত যাত্রা করিয়াছেন। তিনি চলিয় যাওয়ায় ভারতবর্ষ বাস্তবিকই ক্ষতিগ্রস্ত হইয়াছে।

তিনি উক্ত বিদ্যালয়ে আলুবীজকে কীটের বিষম আক্রমণ হইতে রক্ষা করিবার জন্ত অনেকগুলি পরীক্ষা করিয়াছিলেন তাহার মধ্যে অনেক গুলিতে কৃতকার্য হইয়া উত্তম ফললাভ করিয়াছিলেন, তন্মধ্যে যে ক্রিয়াগুলি সহজ-সাধ্য তাহাই নিম্নে আলোচিত হইতেছে।

প্রত্যেক বারে ২৫ সের বাছা আলু লইয়া পরীক্ষা আরম্ভ করা হইয়াছিল।

(১ম) ২৫ সের বীজ আলু বাছিয়া চাটাই বা মাদুরের উপর ছড়াইয়া রাখা হইয়াছিল। ৩ মাস ১৫ দিবস পরে দেখা গেল যে ৫ সের নষ্ট হইয়াছে এবং শুষ্ক হইয়াছে বলিয়া ওজনে আরও প্রায় ৫ সের কমিয়াছে। অবশিষ্ট ১৫ সের ১ ছটাক আলু উপযুক্ত সময়ে বপনের পর তাহা হইতে ৩ মণ ২৪ সের আলু উৎপন্ন হইয়াছে।

(২য়) ২৫ সের বীজ আলু বাছিয়া চাটাই এর উপর ছপথালিন (Naphthalene) ও বালি দিয়া রাখা হইয়াছিল। ৩ মাস ১৫ দিবস পরে দেখা গেল ৩ সের নষ্ট হইয়াছে এবং শুকাইয়া গিয়া ১৫ সের ৮ ছটাক অবশিষ্ট আছে। বপনের পর তাহা হইতে ৫ মণ ২২ সের উৎপন্ন হইয়াছে।

(৩য়) ২৫ সের বীজ আলু চাটাই বা মাদুরের উপর কাঠকয়লা বিছাইয়া রাখা হইয়াছিল, ৩ মাস ১৫ দিবস পরে দেখা গেল যে ৩ সের ২ ছটাক নষ্ট হইয়াছে এবং শুকাইয়া গিয়া ১৩ সের ১২ ছটাক অবশিষ্ট আছে, বপনের পর তাহা হইতে ৩ মণ ৩৬ সের উৎপন্ন হইয়াছে।

ইহা ব্যতীত তিনি অনেক স্থানে অনেক প্রকার পরীক্ষা করিয়াছিলেন সর্ক্যাপেক্ষা সহজসাধ্য ও অধিক ফলদায়ক উপায় গুলিই বর্ণিত হইল।

যাহারা আলুর চাষ করিয়া থাকেন ও যাহাদিগকে কীটের উৎপীড়নে অধিক

ক্ষতিগ্রস্ত হইতে হয়, তাহারা সকলেই উপরোক্ত উপায় অবলম্বন করিলে নিশ্চয়ই সুফল লাভ করিবেন।

শ্রী আশুতোষ দে।  
(বিজ্ঞান)

### বিবিধ প্রসঙ্গ।

স্বাস্থ্যবিষয়ক। - গর্ভগমেটের স্বাস্থ্য-সভা প্লেগ সম্বন্ধে দুইটী বিষয় লক্ষ্য করিয়াছেন।

(১ম) শত্রু ভাণ্ডার সমূহ হইতেই প্লেগ বিস্তৃতি লাভ করে।

(২য়) এক বৎসর প্লেগ যে পল্লীতে সর্বশেষে দেখা দেয়, পর বৎসর সেই স্থান হইতেই প্লেগ প্রথম আরম্ভ হয়। "প্যারেল ল্যাবরেটরীতে" পরীক্ষার দ্বারা স্থির হইয়াছে যে প্লেগ বীজ শত্রুদিগের মধ্যে নিহিত থাকে এবং মুষিকের দ্বারা সংক্রামিত হয়। শত্রু নষ্ট না করিয়া কি প্রকারে প্লেগ বীজাণু নষ্ট করা যাইতে পারে সে সম্বন্ধে পরীক্ষা চলিতেছে। যে পল্লীতে শেষে প্লেগ দেখা দিয়াছে সেই পল্লীর উপর প্লেগ কন্ট্রোলিংয়ের বিশেষ লক্ষ্য রাখা উচিত।

কালাজুর সম্বন্ধে অনুসন্ধানের জন্ত গর্ভগমেট এক সমিতি গঠন করিয়াছেন। সারজেন জেনারেল ব্যানারমেন ইহার সভাপতি। পরীক্ষা যতদূর অগ্রসর হইয়াছে তাহাতে বোধ হয় যে ছারপোকাই এই রোগের বীজাণু বহন করিয়া থাকে। এই রোগসম্বন্ধে কোন বিষয়েই আমাদের ভালরূপ জানা নাই।

মেজর গ্রীণ্ কলেরা সম্বন্ধে এই স্থির করিয়াছেন যে, রোগী আরোগ্য হইবার পরও তাহার মলে কলেরার বীজ নিগত হয় এজন্ত একপ ব্যক্তি কলেরা সংক্রামণের সহায়তা করে।


সুস্থব্যক্তি কলেরা রোগীর সংপর্শে আসিলে নিজে পীড়িত না হইয়াও কলেরা রোগ ব্যাপ্ত করিতে পারে। মক্ষিকার দ্বারা কলেরা সংক্রামিত হইয়া থাকে।

সরকারের শুভ অনুষ্ঠান।—আমাদের দেশের প্রধান অভাব তিনটি :—স্বাস্থ্যে অভাব, শিক্ষার অভাব ও পানীয় জলের অভাব। এই ত্রীমুখালে ভাল জল প্রচুর পরিমাণে না পাইলে কি কষ্ট হয় কলিকাতা বাসীগণ তাহা সহজে বুঝিতে পারিবেন না। একদিন কলে জল না আসিলে তাঁহাদের যে বিরক্তি ও দুঃখ উপস্থিত হয়, মফঃস্বলে পল্লীগ্রামে এ কয় মাসই সেই দুঃখ। তবে পল্লীগ্রামবাসীগণ বিরক্ত হইবেন কাহার উপর। নীরবে সকল কষ্ট সহ করেন এবং সুযোগ পাইলে সরকার বাহাদুরকে দুঃখ জানান। আমাদের উদার হৃদয় গবর্গর ও তাহার সচীব-গণ এ বিষয়ে উদাসীন নহেন। ম্যালেরিয়া ও প্লেগ প্রভৃতি সংক্রামক রোগ কি সর্বনাশ করিতেছে তাহা কাহারও অবদিত নাই। পল্লীগ্রামে কত পরিবার নিরক্ষর হইয়াছে, কত বাস্তব ভূমি অরণ্যে পরিণত হইয়াছে, দেখিলে চক্ষে জল আসে। যাহাদের দেশ ত্যাগ করিবার উপায় আছে তাঁহারা আর এখন পল্লীগ্রামে

বাস করিতে সাহস করেন না, কার্যাত বঙ্গদেশবাসী মধ্যবিত্ত শ্রেণীর লোকেরা সাঁওতালদের দেশ বা অথ কোন বিদেশ কে আপনাদের দেশ করিয়া লইতেছেন। কিন্তু দেশকে উন্নয়ন করা একটা সুপথ নহে, ইহা সকলেই স্বীকার করিবেন। গভীররূপে চিন্তা করিলে দেখা যায় যে আমাদের দুঃখ কষ্ট অধিক পরিমাণে আমাদের অশিক্ষা বা অজ্ঞানতা হইতে উপস্থিত হয়। এজন্ত সরকার বাহাদুর ও মাননীয় মেম্বর গোথলে প্রভৃতি দেশের মঙ্গলা-কাজীগণ দিব্য চক্ষে দেখিতেছেন যে এদেশের উন্নতির জন্ত শিক্ষা একান্ত প্রয়োজন।

ইহা আমাদের অত্যন্ত আফ্লাদ ও কৃতজ্ঞতার বিষয় যে আমাদের গবর্গর মহোদয় এই তিনটি বিষয়ই বিশেষ মনোযোগ দিয়াছেন। এবার সরকার বাহাদুর উপরোক্ত তিন বিষয়েই পূর্কোপেক্ষা অধিক ব্যয় করা স্থির করিয়াছেন। ধুই দিনের মহা মহা অভাব এক বৎসরেই দূর হইবে তাহার সম্ভাবনা নাই তবে প্রতি বৎসর চেষ্টা করিলে অচিরেই যে দেশের শুভদিন আসিবে তাহার সন্দেহ নাই।

অনুশংস গুলি।—যত গুলি গোলাপ আবিষ্কার হইতেছে ততই মানুষের প্রাণ নেশের ভয় বাড়িতেছে। সম্প্রতি একখানি সংবাদপত্রে পাঠ করিলাম যে নতন এক প্রকারের গুলি আবিষ্কার হইয়াছে তাহা দ্বারা আহত ব্যক্তি কতক্ষণ পর্যন্ত অজ্ঞান হইয়া থাকবে ও তাহার পর অনেকক্ষণ পর্যন্ত অন্ধ হইয়া থাকিবে। কিন্তু কাহারও প্রাণহানি বা অঙ্গহানি হইবে না। এইরূপ গুলি প্রচলিত হইলে বিশেষ উপকার হইবে।



## মাসিক পত্রিকা।

“যত্র নার্ম্যন্তু পূজ্যন্তে বসন্তে তত্র দেবতাঃ”

১১শ ভাগ | বৈশাখ. ১৩২০। মে, ১৯১৩। [ ১০ম সংখ্যা।

### প্রার্থনা।

হে স্বর্গের দেবতা, আমরা সামান্য মানুষ, অত্যন্ত অল্পবুদ্ধি, হীনমতি জীব, আমরা আপনার জ্ঞানের বলে অথবা সাধনার বলে তোমাকে লাভ করিয়া উন্নত হইতে পারি না। তুমি দয়া করিয়া আমাদের মত নরনারীর জীবনে তোমার প্রেমরূপ, মঙ্গলরূপ, পুণ্যরূপের আলোক অল্প অল্প প্রকাশ কর—সামান্য সামান্য মানুষের মধ্যে অসামান্য স্বর্গীয় ভাব প্রকাশ কর, তাহা দর্শন করিয়া আমাদেরও আশা হয় যে, আমরাও তোমার কৃপায় উচ্চ ভাব, স্বর্গীয় ভাব কিছু কিছু লাভ করিয়া ভাল হইতে পারিব। তোমার এই দয়ার বিধান দর্শন করিয়া আমরা আর হীন অবস্থায় সন্তুষ্ট থাকিতে পারি না—তাই তুমি যে সকল ভাল লোককে আমাদের নিকট উপস্থিত কর আমরা তাঁহাদিগকে আদর করি, মাগ্ন করি, তাঁহাদের মত হইতে চেষ্টা করি।

আবার যখন তোমার ইচ্ছাতে তাঁহারা সংসার হইতে চলিয়া যান তখন আমরা দেখিতে পাই যে, তাঁহাদের জীবনের ভিতর দিয়া তুমি আমাদের মঙ্গলের জন্ত যে উপদেশ, আদর্শ ও দৃষ্টান্ত পাঠাইয়াছ তাহা তোমার আশীর্বাদরূপে—আমাদের জীবনের ভূষণরূপ হইয়া থাকিবে ইহাই তোমার ইচ্ছা—তাই তোমার চরণে প্রার্থনা করি, তোমার যে সকল সুসন্তান আমাদের নিকট হইতে চলিয়া যাইতেছেন, তাঁহাদিগের দ্বারা তুমি আমাদেরকে কি কি মঙ্গলাশীর্বাদ পাঠাইয়াছ তাহা বিশ্বাসচক্ৰতে দর্শন করিয়া যেন অন্তরে চিরদিন ধারণ করিতে পারি, এই প্রার্থনা পূর্ণ কর।

### বঙ্গদেশে স্ত্রীশিক্ষা।

যদিও বঙ্গদেশে নারীর সংখ্যার অনুপাতে স্ত্রীশিক্ষা যথেষ্টরূপে বিস্তৃত হইয়াছে

বলা যায় না, তথাপি অর্ধ শতাব্দী কাল মধ্যে স্ত্রীশিক্ষার যে বহুল উন্নতি হইয়াছে এ কথা অস্বীকার করা যায় না। এক দিকে স্ত্রীশিক্ষার অপ্রাচুর্য্যও যেমন চক্ষুর উপর রাখা উচিত, অপরদিকে ক্রমিক পরিমাণে স্ত্রীশিক্ষার উন্নতি হইল এবং কি কারণে উন্নতি হইয়াছে তাহাও দেখা আবশ্যিক।

স্ত্রীশিক্ষা যে পারিবারিক এবং সামাজিক উন্নতির স্তম্ভরূপ, এ বোধ যাহাদের নাই তাহারা অগ্রাঙ্গী স্ত্রীশিক্ষার বিরোধী। সেদিন আমাদের একটা প্রাচীন আত্মীয় তাঁহার পুত্রের জন্ম বধু নির্বাচন করিতে আসিয়াছিলেন। বধু মাইনর পরীক্ষায় উত্তীর্ণা একথা শ্রবণে তিনি অতি উদাসীন ভাবে বলিলেন, ওসকলে আমাদের কি বা আসে যায়, ভাল পাক করিতে জানে কি না, গৃহস্থালীর কাজ গুছাইয়া করিতে পারিবে কি না এ সকল দেখিতে হইবে। যেন একটু লেখা পড়া ভাল জানিলে ও সব কাজে দক্ষতা লাভের বিলম্ব জন্মে, এখনও অনেকের একরূপ ধারণা রহিয়াছে। শিক্ষাপ্রাপ্ত লোকদিগের মধ্যেও অনেকের অগ্রাবধি ত্রুটি কুসংস্কার দেখা যায়। বহুসংখ্যক বঙ্গবাসিনী রমণী যে গভীর অজ্ঞানতার অন্ধকারে বাস করিতেছে তাহার উল্লেখ বাহুল্য মাত্র, তথাপি বঙ্গদেশে এখন অনেক শিক্ষিতা মহিলা অগ্রবর্তী বঙ্গীয়া সমাজের ভূষণস্বরূপ হইয়াছেন। অনেক মহিলার জ্ঞানকৃষ্ণা সভ্যদেশ মাদ্রেই প্রশংসিত হওয়ার কথা।

বঙ্গদেশে বহু নগরে এখন বালিকা বিদ্যালয় গুলি শিক্ষিতা মহিলাদিগকর্তৃক পরিচালিত হইতেছে। অনেক বালিকা বোর্ডিংএর তত্ত্বাবধান কার্য বঙ্গীয় মহিলারাই নির্বাহ করিতেছেন ইহা ভাবিলে মন আনন্দে উৎক্লম্ব হইয়া থাকে। বঙ্গীয় স্বল্পসংখ্যক শিক্ষিতা মহিলা ধর্মগত সর্বপ্রকার কুসংস্কার-শৃঙ্খল বিনির্মূল্য হইয়াছেন; তাহারা পুণ্য প্রেমময় নিরাকার জগৎপতিকে হৃদয়ামনে সন্দর্শন পূর্বক প্রতিদিন ভক্তিভরে আরাধনা প্রার্থনা করিতেছেন ইহা যে বঙ্গদেশের পরম মৌভাগ্য তাহা কে অস্বীকার করিবে? আমরা এসকল নব পরিবর্তনকে দ্রষ্টারের শুভাশীর্ষাদ বলিয়া কি গ্রহণ না করিয়া পারি?

বঙ্গীয় হিন্দু সমাজ যখন যৌর অন্ধা-নাককারে আচ্ছন্ন ছিল তখন বঙ্গীয় কুল-বাল্যগণের নিদারুণ লোকবহির্ভূত অবস্থা দেখিয়া যাহারা তন্মোচনের জন্ম ব্যাহুল্য হইয়াছিলেন তাহারাও দ্রষ্টারের হস্তে ব্যবহৃত হইয়াছেন। বঙ্গীয় মহিলাগণের চিত্তপটে সেই সকল মহাত্মব ব্যক্তির প্রতি শ্রদ্ধা এবং কৃতজ্ঞতা চিরতরে বিদ্যমান থাকা আবশ্যিক। সেই সকল মহাত্মবদিগের মধ্যে পূজনীয় দ্রষ্টার চন্দ্র বিদ্যাসাগরের নাম সর্বগ্রন্থগণ্য। এ দেশের রমণীজাতির সর্বপ্রকার তঃখে বিদ্যাসাগরের হৃদয়ে যে তরঙ্গ উঠিত, বিদ্যাসাগরের পুণ্যময়ী জননী ভগবতী দেবী তাহার অতম কারণ। সুতরাং ভগবতী দেবীর প্রতিও বঙ্গীয় নারীজাতির

কৃতজ্ঞতা থাকা উচিত। ইয়োরাপীয়ানদিগের মধ্যে মহামতি বেথুন সাহেব এবং তৎকালীন গবর্নর জেনারেল লর্ড ডেল হাউসী ও তাঁহার পত্নী এবং বঙ্গের প্রথম লেটেনেট গবর্নর হেলিডে মহোদয়ের ন্যম উল্লেখ যোগ্য। এ সকল লোক কলিকাতা প্রভৃতি প্রধান প্রধান নগরে নারীজাতিমধ্যে জ্ঞানজ্যোতি বিস্তারের জন্ম প্রাপ্যত ইচ্ছাতে বহু যত্ন করিয়াছেন। বিদ্যাসাগর সেই সময়ে স্পেশাল স্কুল ইনস্পেক্টর রূপে নগরে নগরে গিয়া স্থানীয় লোকদিগের প্রতি স্ত্রীশিক্ষা বিষয়ে উপদেশ দিতেন এবং স্থানে স্থানে বালিকা বিদ্যালয় স্থাপন করিতেন। একমাত্র বিদ্যাসাগর মহাশয়ের যত্নে শতাব্দিক বালিকা বিদ্যালয় সংস্থাপিত হইয়াছিল। বিদ্যাসাগর মহাশয়কে এসকল বিদ্যালয়ের বায় নির্বাহার্থ চারি সহস্র মুদ্রা পর্য্যন্ত ক্ষতি স্বীকারও করিতে হইয়াছিল। সেই সময়ে বিদ্যাসাগর ভিন্ন বালিকাদিগের শিক্ষা বিস্তারার্থ একপ উৎকট চেষ্টি এবং অর্ধও অপর কেহই স্বীকার করিবার লোক ছিলেন না। বিদ্যাসাগর সাহেব মহোদয়গণকে নানারূপে এবিষয়ে প্রোৎসাহিত করিতেন। পক্ষান্তরে গবর্নর জেনারেল এবং লেটেনেট গবর্নর প্রভৃতি বিদ্যাসাগরের দ্বারা কার্যতঃ নারী শিক্ষা প্রচার করাহতেন। সুতরাং এদেশের লোকের পক্ষে বিদ্যাসাগরকে এবং বেথুন, হেলিডে, লর্ড ও লেডী ডেলহাউসীকে কৃতজ্ঞতার সহিত স্মৃতিপটে মুদ্রিত রাখা উচিত। দেশীয়া শিক্ষিতা মহিলাবৃন্দেরও

আয়োজিত ও জ্ঞানলাভের মূলে যে পুর্নোক্ত মহাত্মাগণের শুভেচ্ছা এবং যত্ন বর্তমান, তাহা ভুলা কর্তব্য নহে। অধুনা শিক্ষিতা রমণীবৃন্দ স্বজাতির শুভাশুভ চিন্তায় রত হইয়াছেন। ইহা সময়ের বিশেষ শুভলক্ষণ। বঙ্গদেশে হিন্দু বালবিধবার সংখ্যা আজও কত অধিক। তাহারা যে অবস্থায় জীবনযাপন করে তাহা শিক্ষিতাগণ যদি চিন্তা করেন তবে তাহাদের দুঃখবস্থা বিমোচনের কোন উপায় উদ্ভাবিত হইতে পারে। আমরা দেখিয়া অহ্লাদ বোধ করি যে, "ভারত মহিলা" পত্রিকার সম্পাদিকা শ্রদ্ধেয়া ক্রীমতী সরযুবালা দেবী দেশীয় বিধবাগণের দুঃখ বিমোচন এবং তাহাদের অবস্থার উৎকর্ষ সাধনার্থ ঢাকা নগরে একটা বিধবা আশ্রম স্থাপন পূর্বক আশ্রিত বিধবাদিগকে শিক্ষাদানের ব্যবস্থা করিয়াছেন। কলিকাতাতেও শিক্ষিতা মহিলাদিগের যত্ন ও তত্ত্বাবধানে একটা বিধবাশ্রম প্রতিষ্ঠিত হইয়াছে। এই সকল আশ্রম হইতে যাহাতে বিধবাগণ জ্ঞান ধর্ম নীতি এবং শিরবিষয়ে সমুচিত শিক্ষালাভ করিতে পারে তাহা সকলেরই সর্বান্তঃকরণে প্রার্থনীয় বটে। সমুদ্রের তুলনায় এক বিন্দু জল যেমন, বঙ্গদেশে বিধবাগণের সংখ্যার তুলনায় এ চেষ্টিও তৎসদৃশ। তবে ইহাই আরম্ভের পক্ষে সন্তোষ ও আশাজনক। একটার উপরে আর একটা বালুকাকণা স্থাপিত হইয়া ক্রমে বড় বড় দ্বীপ সমুদ্রে-গর্ভে নির্মিত হইতেছে। তবে বর্তমান সময়ের যৎসামান্য চেষ্টি হইতে কালে



মহতী চেষ্টি সমুদ্ভূত এবং কার্য সকল প্রকাশিত হইবে, তাহা নিঃসংশয়ে আশা করা যায়।

ঈশ্বর সকল সন্তানের প্রতিষ্ঠা করুণা-পূর্ণ, তাঁহারই অপার করুণা গুণে যে বঙ্গীয়া বালিকা এবং দুঃখিনী বিধবাদের জ্ঞান, ধর্ম, নীতি, শিল্প ও কলাবিদ্যা শিক্ষার বিবিধরূপ সুযোগ উপস্থিত হইয়াছে, তাঁহারই অনুগ্রহে যে বঙ্গনারী স্বাধীনতার আশাদান পাইবার অধিকারিণী হইতেছে ইহা দেখিয়া সকলেরই সর্ব্ব হৃদয়তাপা-ময় ঈশ্বরের নিকট অবনত ও কৃতজ্ঞ থাকা উচিত। প্রতিদিন প্রাতে ও সায়াহ্নে ঈশ্বরের অনন্ত মঙ্গলচরণে বঙ্গীয়া নারী-দিগের প্রণিপাত করা কর্তব্য। শ্রদ্ধা ও কৃতজ্ঞতা আত্মার সন্তোষের ও জীবনের আশার কারণ বটে। শিক্ষিতা মহিলাগণ এ অলঙ্কার বিহীন না হন ইহা আমাদের জ্ঞাপিত বাসনা। হিতৈষী মনুষ্যাগণ এবং সর্ব্বহিতকারী ঈশ্বর আমাদের শ্রদ্ধা, কৃতজ্ঞতা ও পূজার পাত্র। জ্ঞান শিক্ষার সঙ্গে সঙ্গে শ্রদ্ধা, কৃতজ্ঞতা ও সত্যভাবে পূজা শিক্ষা যেন অবহেলিত না হয়। আমাদের জন্মদাতা ও জীবন-গোষিণী জননী যেমন আমাদের ভক্তির চির আশ্রয়, ঐহিক আমাদের জ্ঞানলাভের জগু যত্ন করিয়াছেন—ঐহিকদের প্রমাদে আমরা অজ্ঞানতা হইতে রক্ষা পাই, তাঁহারও তেমনি আমাদের শ্রদ্ধা-ভাজন। বালিকা এবং যুবতীগণ বঙ্গদেশে পাঠশালা হইতে বিপ্রবিদ্যালয় পর্য্যন্ত যেন এই শ্রদ্ধা, ভক্তি ও কৃতজ্ঞতাদান হৃদয় ভাণ্ডারে সযত্নে সংরক্ষণ করেন।

### সহপাশ্বিনী ।

(পূর্ব্বানুবৃত্তি।)

অবশেষে একদিন বন্ধু আমার নিকটে আসিয়া সমস্ত ঘটনা বিবৃত করিলেন। তাঁহার কর্ণস্বরে গভীর নিরাশা ও বিষাদ-সূচিত। আমি সমুদায় ঘটনা শ্রবণ করিয়া জিজ্ঞাসা করিলাম—“তোমার স্ত্রী এসকল কথা জানেন?” এই প্রশ্নে বন্ধু একেবারে বালকের ছায় ক্রন্দন করিয়া ফেলিলেন—“তাঁহার চক্ষু দিয়া অবিবরণ ধারে অশ্রু প্রবাহিত হইতে লাগিল। বন্ধু বলিলেন—“ভাই, যদি আমার প্রতি তোমার সামান্য পরিমাণও দয় থাকে তবে আমার স্ত্রীর কথা তুমি উত্থাপন করিও না—তাঁহারই চিন্তা আমাকে পাগল করিয়া তুলিয়াছে।”

আমি বলিলাম—“কেন উত্থাপন করিব না? বিলম্বেই হউক বা সত্বরই হউক তোমার স্ত্রী এ সংবাদ জানিবেনই জানিবেন। তুমি বহুদিন তাঁহার নিকট হইতে এ সংবাদ গোপন রাখিতে পারিবে না। কিন্তু তখন হয়তো এ সংবাদ এরূপ ভাবে তাঁহার নিকট প্রকাশিত হইয়া পড়িবে যে তিনি তাহার আকস্মিক আঘাত বহন করিতে সমর্থ হইবেন না। তাহা অপেক্ষা তোমার নিজেরই এ সংবাদ তাঁহাকে জ্ঞাপন করা অধিকতর যুক্তিসঙ্গত নহে কি? বন্ধু, তুমি কি জান না যে, প্রিয়জনের কর্ণের স্বর অতিশয় কঠোর সংবাদকেও কোমলতা অর্পণ করে? এতদ্ব্যতীত তাঁহার নিকট এ সংবাদ গোপন রাখিয়া তুমি

নিজেকে তাঁহার সমধুর সহানুভূতি হইতে বঞ্চিত করিতেছ। শুধু তাহাই নহে, তুমি ইহা দ্বারা সেই পবিত্র বিশ্বাসবন্ধনকে শিথিল করিতেছ যে বন্ধনই কেবল পতি-পত্নীর হৃদয়কে সংযুক্ত রাখিতে সমর্থ—সে বন্ধন অকপটভাবে পতি ও পত্নীর মধ্যে ভাব এবং চিন্তার বিনিময়। তোমার স্ত্রী শীঘ্রই বুঝিতে পারিবেন যে, তোমার মনের মধ্যে কোন একটা গভীর বেদনার কারণ উপস্থিত হইয়া তোমাকে নিরন্তর ব্যথিত করিতেছে—এবং এ কথা তুমি নিশ্চিত জানিও যে, প্রকৃত প্রেম কখনও গোপন বা কপটতা সহ করিতে পারে না। প্রিয়জন যদি প্রিয়জনের নিকট আপনার দুঃখ বেদনার কথা গৌপন গোপন করে তবে প্রেম আপনাকে খণ্ডিত ও লাঞ্ছিত মনে করিয়া মর্মান্তিক বেদনা অনুভব করিয়া থাকে।”

বন্ধু আমার এই কথা শুনিয়া বলিলেন—“বন্ধু, তুমি যাহা বলিলে সকলই সত্য, কিন্তু যখন আমি ভাবিতেছি যে, তাঁহার নিকট সত্য প্রকাশ করিয়া আমি তাঁহার ভবিষ্যতের সকল আশার মূলে কঠোরঘাত করিব, যখন ভাবিতেছি যে ‘স্বামী ভিখারী’ এই কথা জানাইয়া আমি তাঁহার জীবনের সকল সুখ সকল আনন্দকে নিমেষে ধূলি-মাং করিয়া দিব—তখন প্রাণ যে অসহ বেদনায় ও আত্মগ্লানিতে অভিভূত হইয়া পড়িতেছে! আমি কেমন করিয়া তাঁহাকে জানাইব যে, সুখশান্তিপূর্ণ আনন্দলোক হইতে আমি নিজের দোষে তাঁহাকে চিরদিনের জগু নির্বাসিত করিলাম!

সেই সদাকুল সোণার প্রতিমা, সেই সর্ব্ব-জনমনোমোহিনী কোমলহৃদয়া ললনা—কেমন করিয়া তিনি সুভীষণ দারিদ্র্যের পীড়ন সহ করিবেন? তিনি যে আজীবন সুখের কোড়ে প্রতিপালিতা! কেমন করিয়া তিনি সংসারের নিষ্ঠুর উপেক্ষা সহ করিবেন? হায়! হায়! এ সংবাদে নিশ্চিতই তাঁহার কোমল হৃদয় বিদীর্ণ হইয়া যাইবে—এই সুভীষণ—”

আমি দেখিলাম শোকে বন্ধুর হৃদয় তুর্দমনীয় আবেগে উচ্ছ্বসিত। আমি এই প্রবাহের গতিরোধ করিলাম না—আমি জানি উচ্ছ্বাসে শোকের তীব্রতা অনেক পরিমাণে প্রশমিত হয়। যখন শোকোচ্ছ্বাস প্রশমিত হওয়ার বন্ধু সহস্রা নীরব হইয়া পড়িলেন, তখন আমি উপযুক্ত সাবধানতার সহিত ঐ প্রসঙ্গের পুনরুত্থাপন করিয়া তাঁহাকে স্ত্রীর নিকট সকল কথা স্পষ্টাক্ষরে প্রকাশ করিতে অনুরোধ করিলাম। বন্ধু শোকাহীন হৃদয়ে আমার অনুরোধ রক্ষা করিতে অসমর্থতা জ্ঞাপন করিলেন।

আমি বলিলাম—“বন্ধু, তুমি বালকের ছায় ব্যবহার করিতেছ। তুমি আমাকে বল কিরূপে তুমি এই কথা স্ত্রীর নিকট গোপন রাখিতে সমর্থ হইবে। তোমার পূর্ব্বাবস্থার বিপর্যায় সাধিত হইয়াছে—এখন এই পরিবর্তিত অবস্থার অনুযায়ী তোমাকে সংসারের যাবতীয় কার্যের পরিচালনা করিতে হইবে—এরূপ অবস্থায় তোমার স্ত্রীকে এই ভাগ্যবিপর্যয়ের সংবাদ জ্ঞাপন করা তোমার একান্ত

কর্তব্য। তুমি আমার এই কথায় তৃপ্ত হইও না—কিন্তু ইহা সত্য যে তুমি আর এক্ষণে পূর্বের ত্যায় জীবনযাত্রা নির্বাহ করিতে পারিবে না—পূর্বের অনেক সুখকে এখন তোমায় বিসর্জন দিতে হইবে। কিন্তু আমার বিশ্বাস সংসারে তোমার অনেক অকৃত্রিম বন্ধু আছেন; তাঁহারা এই ভাগ্যবিপর্যায় হেতু তোমার প্রতি কখনও উপেক্ষা বা ঘৃণা প্রদর্শন করিবেন না; তোমাকে জীব কুটীরে বাস করিতে দেখিলেও তোমার প্রতি তাঁহাদের পূর্ব স্নেহভাবের অণুমাাত্রও ব্যতিক্রম ঘটিবে না। আর তোমার স্ত্রীর ত্যায় গুণবতী রমণীকে লইয়া মুখী হইবার জন্ম তোমার রাজপ্রাসাদেরও প্রয়োজন নাই।”

বন্ধু উচ্ছ্বাসিত হৃদয়বেগে বলিয়া উঠিলেন—“এমন গুণবতী স্ত্রী লইয়া আমি পর্ণকুটীরেও রাজ-অট্টালিকার সুখ সম্ভোগ করিতে সমর্থ—এমন গুণবতীকে সঙ্গিনী করিয়া আমি দারিদ্র্যের অন্ততলে নিমজ্জিত হইতেও পশ্চাৎপদ নহি। উঃ ভগবান, তাঁহাকে আশীর্বাদ কর, তাঁহাকে আশীর্বাদ কর।”

আমি বন্ধুর হস্ত ধারণ করিয়া বলিলাম—“বন্ধু আমার দৃঢ় ধারণ যে তোমার স্ত্রীও তোমার সম্বন্ধে ঠিক এইরূপ বিশ্বাসই পোষণ করেন, তোমার সহবাসে থাকিয়া তিনি হুঃখ দারিদ্র্য লাঞ্ছনার কোন ক্রেশ অনুভব করিবেন না। শুধু তাহাই নহে, হুঃখের হৃদ্দিনে পড়িয়া তিনি সমুদ্রত মস্তকে ‘হৃদয়ের’ সকল শক্তি ও তেজ প্রকাশিত করিয়া পরিপূর্ণ মহিমায়

বিপদের সমুখীন হইবেন। তিনি যে রূপ ও ধনদম্পদকে ভাল না বাসিয়া প্রিয়তমের অন্তরের মানুষটিকেই ভাল বাসেন, জগতের সমুখে ইহার প্রমাণ দিতে তিনি হৃদয়ে গর্ভ ও আনন্দ অনুভব করিবেন। প্রত্যেক ধনুশীলা নারীর হৃদয়ে স্বর্গীয় দেববহির স্কুলিঙ্গ প্রচ্ছন্ন থাকে—এই স্কুলিঙ্গ সৌভাগ্যের দীপ্ত দিবালোকে হৃদয়ের মধ্যে অদৃশ্যভাবে লুক্কায়িত থাকে, কিন্তু বিপদ ও হুঃখের ঘনঘোর তামসী নিশায় যখন চতুর্দিক সমাচ্ছন্ন হয়, তখন সেট নিবিড় অন্ধকার রাশি ভেদ করিয়া এই প্রচ্ছা দেবান্নিকর্ণিকা সূনির্ভল সমুজ্জ্বল শিখায় প্রজ্জ্বলিত হইয়া উঠে। যত দিন পুরুষ পত্নীর সহিত সংসারের পীড়ন ও অত্যাচার বহন না করেন, তত দিন পত্নী যে কি মণীয়সী দেবী সে কথা তিনি সম্যক্রূপে হৃদয়ঙ্গম করিতে সমর্থ হন না।”

(ক্লেমঃ)

শ্রী বিনয়ভূষণ সরকার।

অধ্যাপক বিনয়েন্দ্রনাথ সেন।

মহিলার পাঠিকা ও পাঠ্যগণের নিকট অধ্যাপক বিনয়েন্দ্রনাথ অপরিচিত নহেন। কারণ ভিক্টোরিয়া মহিলাবিদ্যালয়ে তিনি যে সকল শিক্ষা দিয়াছেন ও সুন্দর সুন্দর বক্তৃতা করিয়াছেন, মহিলাতে মধ্যে মধ্যে তাহা পূর্বে প্রকাশিত হইয়াছিল। এক্ষণে তাঁহার পরলোকগমনে কলিকাতার ছাত্র-বৃন্দ, বহু শিক্ষিত লোক এবং সকল ব্রাহ্ম-

সমাজের লোক শোক করিতেছেন। এ সময়ে মহিলাতে তাঁহার বিষয় কিছু বিস্তৃত আলোচনা হওয়া বাঞ্ছনীয়।

হংকায় নিকটস্থ প্রসিদ্ধ ত্রিবেণী গ্রাম-নিবাসী স্বর্গগত মধুসূদন সেন মহাশয় বিষয়কার্যের অনুরোধে কলিকাতায় বাস করিতেন। ক্রমে তিনি সপরিবারে কলিকাতাবাসী হইলেন। তাঁহার ৬টি পুত্র ও ৫টি কন্যা হয়—বিনয়েন্দ্রনাথ তাঁহার প্রথম পুত্র, দ্বিতীয় সন্তান। মধুসূদন সেন মহাশয় ব্রাহ্মধর্ম ও আচার্য্য কেশবচন্দ্র সেন মহাশয়ের প্রতি শ্রদ্ধাবান হইয়া ক্রমে সপরিবারে ব্রাহ্মসমাজে প্রবেশ করেন। বিনয়েন্দ্র এলবার্ট স্কুল হইতে প্রবেশিকা পরীক্ষায় পাস করেন। আচার্য্য কেশবচন্দ্রের যত্নে ধন ও তাঁহার কনিষ্ঠ ভ্রাতা সুবিজ্ঞ নববিধানতন্ত্র স্বর্গীয় কৃষ্ণবিহারী সেন এই সময়ে এলবার্ট স্কুল ও কলেজের পরিচালক ছিলেন। বিনয়েন্দ্রনাথ এই বিদ্যালয়ের একটি উজ্জ্বল জ্যোতিষরূপ প্রকাশ হইয়াছিলেন। পরে তিনি জেনে-রেল এসেম্পলী কলেজে পাঠ করেন। তিনি মনোবিজ্ঞানে দ্বিতীয় শ্রেণীতে এম্, এ, পাস করেন ও ইতিহাসে প্রথম শ্রেণীতে প্রথম স্থান লাভ করিয়া এম্, এ, পাস করেন। কিছুদিন বহরমপুর কলেজে ও ভাগলপুর কলেজে অধ্যাপকের কার্য করিয়া আপনার প্রতিভাঙ্গে প্রেসিডেন্সী কলেজের অধ্যাপকের কার্য লাভ করেন। এই কার্যে তিনি শেষ পর্যন্ত নিযুক্ত ছিলেন। তাঁহার অদীর্ঘ জীবনের শেষ পীড়া হইবার অল্পদিন পূর্বে প্রায় এক

বৎসর কাল কলিকাতা বিশ্ববিদ্যালয়ের পরিদর্শকের কার্য করিয়াছিলেন।

বর্তমান সময়ে আমাদের দেশের অনেক যুবক বহু শাস্ত পাঠ করিয়া উচ্চ পরীক্ষাতে প্রশংসার সহিত উত্তীর্ণ হইতেছেন, এখনকার যুবকগণ সাধারণত নির্দোষ চরিত্র, ছাত্রকাল বক্তৃতা অনেকে করেন এবং দেশের মঙ্গলের জন্ম অনেকে পরিগ্রহ করেন। প্রাচীন সমাজে ও ব্রাহ্ম সমাজে এ সকল সদগুণ সম্পন্ন অনেক লোক দেখিতে পাওয়া যায়। বিনয়েন্দ্রনাথও এই সকল গুণে ভূষিত ছিলেন, কিন্তু তাঁহার জীবনের বিশেষত্ব সকল বিষয়েই প্রকাশ পাইত। পরীক্ষা পাস করা মাত্র যাঁহাদের জ্ঞানোন্নতির পরিচয়, তাঁহারা প্রকৃত শিক্ষা লাভ করিতে পারেন না, পরীক্ষায় উত্তীর্ণ হইয়া অর্থোপার্জনের উপায় করেন মাত্র। কিন্তু বিনয়েন্দ্র চিরজীবন বিবিধ প্রকারের জ্ঞানোপার্জনে নিযুক্ত ছিলেন এবং তিনি প্রতিভা-প্রভাবে বিভিন্ন প্রকার জ্ঞান দ্বারা আপনার অন্তরে যেন একটি অতি উচ্চ বিশ্ববিদ্যালয় স্থাপন করিয়াছিলেন। তাহাতে নিত্য নব নব জ্ঞান লাভ হইত। তাঁহার নিকট সকল শাস্ত্রের সকল শিক্ষার জন্ম আদরের স্থান ছিল। শিক্ষিত সম্প্রদায় মধ্যে এখন চরিত্রগত দোষ প্রায় নাই আমরা তাহা দেখিয়াই কৃতার্থ হই, কিন্তু আমরা আজ যাঁহার চরিত্রের আলোচনা করিতেছি তিনি বাল্যকাল হইতে সকল বিষয়ে সুন্দর ও সুগন্ধ একটি ফুলের মত ছিলেন, শুধু তাহা নয় তাঁহার চরিত্রের

সৌন্দর্যে চারিদিক আমোদিত করিয়াছিল। তিনি যেখানে যাইতেন আপনার পবিত্রতার প্রভা বিস্তার করিতেন এবং যাহাদিগের অস্থির কোনরূপ হীনতা থাকিত তাহারা হীনতা ত্যাগ করিত, অগুণা দূর পলায়ন করিত। কেশবচন্দ্র ও প্রতাপচন্দ্র জগদ্বিখ্যাত সুবক্তা ছিলেন; বিনয়েন্দ্রনাথ তাঁহাদিগের পদাঙ্ক অনুসরণ করিয়া আপনার দৈবশক্তি বলে একজন প্রধান বক্তা হইয়া উঠিয়াছিলেন, তাঁহার ভাবপূর্ণ হুমধুর বক্তৃতা সকলকে মুগ্ধ করিত, বিশেষতঃ দর্শন বিজ্ঞানালোক দ্বারা উদ্ভাসিত কবিত্বপূর্ণ তাঁহার নববিধান ব্যাখ্যান শত শত শিক্ষিত যুবককে মন্ত্রমুগ্ধ করিয়া রাখিত। ফলে যাহারা একবার তাঁহার বক্তৃতা বা ব্যাখ্যান শুনিয়াছেন তাঁহারা চির দিনের জগৎ তাহার প্রতি আকৃষ্ট হইয়াছেন। অধ্যাপকের কার্যেই তাঁহার বিশেষত্ব সর্কদা প্রকাশ হইয়া পড়িত, তিনি দর্শন ও ইতিহাসের অধ্যাপক ছিলেন। ইতিহাস বিষয়টি ছাত্রগণের নিকট গুঢ় মনে হয়, কিন্তু বিনয়েন্দ্র নাথের নিকটে যাহারা একদিন ইতিহাসের ব্যাখ্যান শুনিয়াছেন চিরদিনের জগৎ ইতিহাস তাঁহাদিগের নিকট জীবন্ত বসমান মানব চরিত্রের বিভিন্ন ভাব ও শক্তি প্রকাশের বর্ণনা হইয়া রহিয়াছে। আমরা শুনিয়াছি ছাত্রগণ বিনয়েন্দ্র নাথের ক্লাসে যাইতে একান্ত উৎসুক হইত এবং তৃপ্ত, কৃতজ্ঞ ও সুখী হইয়া ক্লাস হইতে ফিরিয়া আসিত।

বিনয়েন্দ্রনাথের বাল্যকালের শিক্ষা কেবল বিদ্যা অভ্যাস মাত্র ছিল না। তিনি

কতকগুলি মহৎ চরিত্রের স্পর্শ লাভ করিয়া ছিলেন। তিনি কেশবচন্দ্রের প্রভাব অন্তরে অনুভব করিয়া তাঁহাকে গভীর শ্রদ্ধা ও ভক্তির চক্ষে দেখিতেন। কেশবচন্দ্রের স্বর্গারোহণের সময় ইঁহার অস্থির গুরুতর আঘাত লাগে এবং সেই সঙ্গে সঙ্গে পৃথিবীর সকল বস্তুর ও জীবনের অনিত্যতা জ্ঞান এবং চরিত্রের মহত্ব তাঁহার অন্তরে অতি উজ্জলরূপে প্রকাশিত হয়। কেশবচন্দ্রের নখর দেহ পুষ্পমাল্যে সুশোভিত করিয়া ২ : ৩ সহস্র লোক নিমতলা ঘাটে লইয়া যান, বিনয়েন্দ্র সেই শোকযাত্রার সঙ্গে ছিলেন এবং ইঁহাই তাঁহার প্রথম শ্মশান দর্শন। এই দিন তিনি যে গভীর ভাবের প্রথম আন্দোলন উপলব্ধি করিয়াছিলেন, অবশিষ্ট সমস্ত জীবনে তাহারই উন্নতি ও পরিপক্বতা লাভ করিতেছিলেন। সমবয়স্ক অনেকের সহিত তাঁহার বন্ধুতা হইয়াছিল—তাঁহার মধ্যে ৫৭টির সহিত অত্যন্ত ঘনিষ্ঠতা হইয়াছিল। স্বর্গগত মোহিত চন্দ্র সেন এবং শ্রীযুক্ত প্রমথ লাল সেনের সহিত যোগ এত ঘনিষ্ঠ হইয়াছিল যে কয়েক বৎসর পর্যন্ত ইঁহাদের তিন জনকে নববিধানের ভাবী প্রকৃত সাধক ও প্রচারক এবং দেশের আদর্শ শিক্ষিত যুবক রূপে অনেকেই দর্শন করিতেন।

স্বর্গীয় প্রতাপচন্দ্র মজুমদার মহাশয় ইঁহাদিগকে অত্যন্ত স্নেহ করিতেন এবং সকল উন্নতির চেষ্টায় ইঁহাদিগকে উৎসাহ দান করিতেন। তাঁহারা এই দুই দেশের মঙ্গলের জগৎ যে মহৎ কার্য্য ভগবানের ইচ্ছিতে আরম্ভ করিয়াছিলেন, সে কার্য্য

যে বংশ পরম্পরা চলিবে তাহার পূর্বলক্ষণ দেখিয়া কৃতার্ণ, কৃতজ্ঞ এবং সুখী হইতেন। কিন্তু এত শীঘ্র যে মোহিত চন্দ্র চলিয়া যাইবেন, তাহার কয়েক বৎসর পরেই বিনয়েন্দ্র চলিয়া যাইবেন বিধাতার এ নিচিন্তা মীমাংসা কে পূর্বে ভাবিতে পারিয়াছিল?

বিনয়েন্দ্র নাথ ব্রাহ্মসমাজের সম্মান, ব্রাহ্মসমাজের শিক্ষা, ব্রাহ্মসমাজের সাধক, ব্রাহ্মসমাজের উপদেষ্টা, সম্পূর্ণরূপে ব্রাহ্মসমাজের আপনার লোক। বাল্যকাল শেষ না হইতেই আপনার সমবয়স্ক ও সচাধ্যায়ীদিগের সহিত মিলিত হইয়া প্রার্থনাসভা ও জ্ঞানধর্মের আলোচনা আরম্ভ করেন। সময়ে যখন কলিকাতার সিন্ডিকেট কলেজের অধ্যাপক হইলেন তখন এই যুবকদিগের প্রার্থনাসভা অবলম্বন করিয়া কলিকাতার শত শত যুবকের সহিত পরিচিত হইলেন। ৯২নং হ্যারিসন রোড বাটী বৃকদিগের যে কি আকর্ষণের বস্তু হইয়াছিল তাহা যাহারা দেখিয়াছেন তাঁহারা কখনও ভুলিতে পারিবেন না। বিনয়েন্দ্রনাথ এই বোর্ডিং গৃহে ছাত্রগণের সঙ্গে বাস করিতেন, যুবকদিগের প্রার্থনাসভার জগৎ এই গৃহের একটি প্রশস্ত কুটীরী লওয়া হইয়াছিল, এখানকার উৎসব যুবক বৃদ্ধ সকলের সম্মেলনের বিষয় হইয়াছিল। শ্রীযুক্ত কালীনাথ বেষ মহাশয় এই সময়ে দলে যোগ দিয়া সঙ্গীত রচনা ও গান করিতে লাগিলেন; প্রমথ লাল বিলাত হইতে প্রত্যাবৃত্ত হইয়া এই স্থানে বাস করিতে

লাগিলেন, সমগ্র ব্রাহ্মসমাজের দৃষ্টি ইঁহার প্রতি আকৃষ্ট হইল। বিনয়েন্দ্রের জীবনের এই অধ্যায়টি অতি সুখকর ও শিক্ষাপ্রদ। ইঁহার একটি দৈনন্দিন লিপি প্রকাশ হইলে ভবিষ্যৎ বংশের উপকার হইবে।

বিনয়েন্দ্র অত্যন্ত মৃদুস্বভাবের লোক ছিলেন। আপনাকে বলপূর্বক সাধারণের নিকট উপস্থিত করিতেন না। অপর দিকে যাহারা অগ্রণী তাঁহাদিগের সহিত ভাবভেদ উপস্থিত হইলে আত্মগোপন করিয়া নীরব থাকিতেন। তাঁহার জ্ঞান, ধর্ম, চরিত্র ও বাণিত্যের আকর্ষণে বহুস্থান হইতে উপাসনা ও বক্তৃতার জগৎ আহ্বান আসিত। তিনি সময় ও সুবিধা পাইলেই নিমন্ত্রণ গ্রহণ করিতেন, এবং দেশের ও নববিধানের সেবা করিয়া কৃতার্থ হইতেন।

বিনয়েন্দ্র নাথ বেতন গ্রহণ করিয়া সরকারী কলেজে অধ্যাপকের কার্য্য করিতেন, কিন্তু তিনি যুবকদিগের সেবা করিতেই ব্যাকুল ছিলেন। যখন তাঁহার বন্ধুগণ তাঁহাকে বিষয় কার্য্য ত্যাগ করিয়া প্রচার কার্য্যে ব্রতী হইতে বলিতেন তখন তিনি বলিতেন যে, এত গুলি যুবকের সহিত ভালবাসা স্থাপন করিয়া তাহাদিগের মঙ্গল সাধন কার্য্যের যত সুযোগ, অল্প কোন স্থানে তাহা পাইবেন না, এই জগৎই কলেজের কার্য্য ত্যাগ করিতে পারেন না। আমরা যতদূর জানি দুইবার অধিক বেতন দিয়া তাঁহাকে মফঃস্বলের কলেজে অধ্যাপকের পদ গ্রহণ করিতে বলা হইয়াছিল, কিন্তু বিনয়েন্দ্র তাহা গ্রহণ করেন

নাই। ফলে বিনয়েন্দ্র কলিকাতার যুবক-গণকে যে কি ভাল বাসিতেন তাহা অবশ্যই সাধারণের জানা নাই, কারণ তিনি জীবনের এই বিশেষ ব্রত কাহাকেও বলিতেন না; কিন্তু যমকল যুবক যন্ত্র-ভাবে তাঁহার সম্বন্ধে মিশ্রিত মতাদেশে তাহারা অল্পভব করিতেন। যে তাহাদের এমন হিতার্থী বন্ধু হয়ত আর দ্বিতীয় নাই। বিনয়েন্দ্রনাথ ব্রাহ্মসমাজকে আপনার মনে করিতেন, অবকাশ পাইলেই ব্রাহ্মসমাজের সেবা করিতেন, নব বিধান প্রণয়নকে আপনার পরিবার মনে করিতেন, ইহার নানা মহা অভাব দর্শন করিয়া ক্রমশঃ হইতেন এবং ইহার গৌরবে আপনাকে গৌরবান্বিত মনে করিতেন; কিন্তু সকল সম্প্রদায়ের যুবকগণের হিতচিন্তা, হিতসাধন-চেষ্টা ও তাহাদের ভবিষ্যতের মঙ্গলোদ্দেশ্যে বিবিধ ব্যবস্থা করা তিনি আপনার জীবনের কার্য্য মনে করিতেন।

বিনয়েন্দ্রনাথ যুবকদিগের নীতি ও ধর্মশিক্ষা জীবনের কার্য্যরূপে গ্রহণ করিয়া ছিলেন সত্য, কিন্তু তিনি নারীশিক্ষার বিষয়ে উদাসীন ছিলেন না, জুয়োগ ও অবকাশ পাইলেই নারীশিক্ষার কার্য্যে প্রবৃত্ত হইতেন। বর্তমানে ভিক্টোরিয়া মহিলা বিদ্যালয় যে ভাবে গঠিত হইয়া সমাজের সেবা করিতেছে ইহা অপ্রত্যক্ভাবে বিনয়েন্দ্রনাথের পরিগ্রহ, চিন্তা ও সাধু-ইচ্ছার ফল। তিনি এই বিদ্যালয়ের সূচনা হইতে ইহার জন্ত কত খাটিয়াছেন, কত ভাবিয়াছেন, আপনি কতরূপে ইহাকে সাহায্য করিয়াছেন তাহা বলিয়া শেষ

করা যায় না। তিনি বয়স্ক বালিকাগণের উচ্চশিক্ষার জন্ত ক্রম করিয়া নিয়মমত পড়াহতেন। কতকগুলি কুমারীর ধর্মশিক্ষার জন্ত বিশেষ ব্যবস্থা করিয়াছিলেন এবং নির্দিষ্ট সময়ে তাহাদিগের পরীক্ষা দ্বারা গুণালুম্বারে পুরস্কার বিতরণ করিয়াছিলেন। সাহিত্য ও ইতিহাস অবলম্বন করিয়া তিনি যেসকল বক্তৃতা প্রদান করিয়াছিলেন তাহা মহিলাগণের শিক্ষা ও আনন্দবর্ধনে অত্যন্ত সফল প্রদান করিয়াছিল। ফলে বিনয়েন্দ্রনাথের যে অত্যন্ত উচ্চশিক্ষা উচ্চচরিত্র, সুন্দর চরিত্র ও জীবন্ত ধর্মভাব ছিল মহিলাগণ ভিত্তি-রিত্য মহিলা বিদ্যালয়ে তাঁহার উপদেশ, বক্তৃতা প্রদানে তাহার বিশেষ পরিচর্য পাইয়াছিলেন।

কলেজের কার্য্যে, ইউনিভার্সিটি ইনস্টিটিউটের কার্য্যে ও বিবিধ প্রকারের সাধারণ হিতকর ও সামাজিক কার্য্যে নিবৃত্ত থাকিতে কলিকাতার, বঙ্গদেশের, ভারতের, ইউরোপের ও আমেরিকার অনেক লোকের নিকট বিনয়েন্দ্র উপরি-চিত্র, ইচ্ছাতে আমরা আপনাদিগকে পৌরস্বাসিত মনে করি, কিন্তু এই ভাবে জীবন দান করিতে তিনি আপনার গভীর জ্ঞান ও ধর্মজীবনের অভিজ্ঞতার বিষয় কোন স্থায়ী পুস্তকাকারে লিখিয়া রাখিয়া যাঁতে পারেন নাই। কতকগুলি বক্তৃতা ও প্রবন্ধ পুস্তকাকারে প্রকাশ করিয়াছিলেন সত্য, কিন্তু তাহাতে তাঁহার জীবনের সারকথা প্রকাশ করিতে পারিবে না, তবে যে উদারভাবে মানুষের মঙ্গল করিয়া

ও ভঙ্গবানেতে প্রেম ভক্তি সাধন করিয়া তিনি জীবন শেষ করিয়া গেলেন তাহাই তাঁহার অলিখিত জীবন চরিত্র ও শিক্ষা হইয়া রহিল।

বিনয়েন্দ্র ব্রাহ্মসমাজ কমিটির প্রতি-নিধিরূপে ১৯০৫ মনে জেনিভা নগরের ইউনিটেরিয়ান ও অপর সকল স্বাধীন উদার ধর্মগুণীর মিলন সভাতে গমন করিয়াছিলেন, তৎপর ইংলণ্ড ও আমেরিকাতেও গমন করিয়াছিলেন। তিনি আপনাকে 'সো-সাই-নাম' দিয়া এই ভ্রমণের সংক্ষেপ বৃত্তান্ত প্রকাশ করিয়াছিলেন, তাহা পাঠ করিয়া আমরা দেখিতে পাই যে তিনি সেখানে গমন করিয়াছেন সেখানে অতি আদরের সম্বন্ধে গৃহীত হইয়াছিলেন এবং ভ্রমণের ও ব্রাহ্ম-সমাজের বিবরণ বহুস্থানে প্রচার করিয়াছিলেন। তিনি বংগের পূর্বে লাহোরে একেশ্বরবাদিগণের যে মিলন সভা হয়, বিনয়েন্দ্রনাথ তাহাতে সভাপতি মনোনীত হন। তাহার বক্তৃতা-সময় উপস্থিত সকলে অত্যন্ত আনন্দিত হইয়াছিলেন এবং ব্রাহ্মসমাজ নববিধানের স্থান ও তাহার গভীরতা ও উদারতার বিষয় অতি উত্তম ভাবে বর্ণনা করিয়াছিলেন। বংগের বিষয় যে সে বক্তৃতাটি সফল করা হয় নাই।

আমরা এতক্ষণ তাঁহার কথা আলোচনা করিতেছি, তাঁহার অহংয়ের ইতিহাস বলিলে অর্থাৎ আধ্যাত্মিক জীবন-চরিত্র বর্ণনা করিলে বলিতে হয় যে, তিনি সুন্দরের উপাসক ছিলেন। তাঁহার অহং

ভগবানের শিবসুন্দর স্বরূপের একটি উচ্চভাব অতি প্রথম অবস্থাতেই উপস্থিত হইয়াছিল। যত জ্ঞান, অভিজ্ঞতা, বিকাশ ভক্তি বাড়িতে লাগিল ততই তিনি এই মৌন্দর্ব্যকে অধিকতর উচ্চরূপে উপলব্ধি করিতে লাগিলেন, এই মৌন্দর্ব্যের শাসন তাঁহার জীবনে সর্বদা দেখা যাইত। আপনার পরিবার, বাসভবন, শরন উপবেশনের ঘর সকলই যাহাতে সুন্দর হয় এজন্ত সর্বদা যত্নবান থাকিতেন। একখানি পত্র লিখিতে হইলে তাহার কালি কাগজ লেখা ভাষা প্রভৃতি সকল যাহাতে সুন্দর হয় সেদিকে তাঁহার দৃষ্টি ছিল, কোন বক্তৃতা করিতে হইলে বা কাহারও সম্বন্ধে আপনাপ্রসঙ্গ করিতে হইলে সুন্দরভাবে করিতেন। তাঁহার নাম ছিল মৌন্দর্ব্যের কার্য্যপত উপাসনা। যাহারা কার্য্যোদ্ধার করিতে ব্যস্ত, তাহারা তাঁহার ব্যবহারে বড় দুঃখিত হইত।

পাশ্চাত্য জ্ঞান, ধর্ম, উন্নতির মনোভ্রম প্রভৃতির বিরুদ্ধে স্পর্শে ভারতে যে নব-ভাবনের উদ্গম দেখা যাইতেছে তাহার সম্বন্ধে একই আপন করিয়া বিনয়েন্দ্র নামের জীবন আলোচনা করিলে আমরা দেখিতে পাই যে, তিনি পূর্ববংশের শেষ ও নবীন বংশের প্রথম শ্রেণীর ব্যক্তি ছিলেন। প্রথমত পাশ্চাত্য আলোক স্পর্শে একেশ্বর-বাদ আসিল, বহু দেব ও বহু ধর্মস্থলে একেশ্বর ও এক ধর্ম পীকার করা হইল। এই ধর্ম মতরূপে গৃহীত হইয়া ক্রমে চরিত্রে, পরিবারে ও সমাজে প্রবেশ করিতে যে

সময় প্রয়োজন হইয়াছিল সেই সময় মধ্যেই সর্বধর্মসম্বন্ধে আসিয়া দেখা দিল। মহাত্মা কেশবচন্দ্র ব্রাহ্মধর্মকে সর্বাঙ্গীন-ভাবে গ্রহণ করিতে দৃঢ়রত হইয়াছিলেন এবং ব্রাহ্মধর্ম গ্রহণের উপযোগী সমাজ ও পরিবার গঠন বিষয়ে কতকটা সফলও হইয়াছিলেন; এমন সময়ে সমন্বয়ধর্ম দেখা দিয়া ব্রাহ্মসমাজের ক্ষুদ্রতা ও একদেশ-দর্শিতা দেখাইয়া দিল। তিনি ব্রাহ্মধর্ম-প্রিত ব্যক্তি হইয়াও দিব্যজ্ঞানে বিশ্বজনীন মহাসমন্বয়ের ধর্মকে আদর করিয়া গ্রহণ করিলেন। বিনয়েন্দ্রনাথ ঠিক তাঁহার পুত্রস্থানীয় ব্যক্তি, ইনি স্বীয় ধর্মপিতার প্রাচীন ব্রাহ্মভাব অজ্ঞাতসারে লাভ করিলেন, অথবা একথা বলা যাউতে পারে যে প্রথম যুগের ব্রাহ্মগণ যেরূপ প্রাচীন সমাজ ভাগ করিয়াও অনেক বিষয়ে প্রাচীন ভাবাপন্ন ছিলেন, এক ভাবে বিনয়েন্দ্রনাথ সেই শ্রেণীর লোক ছিলেন; কিন্তু নববিধানের বিশ্বজনীন উদারভাব তাঁহাকে ভবিষ্যতের উদার মনুষ্য-সমাজের এক জন করিয়া তুলিয়াছিল। প্রথম তাঁহার ব্রাহ্ম হইয়াছিলেন তাঁহার পৌত্তলিকতা জাতিভেদ কুসংস্কার সকল ত্যাগ করিয়া ব্রাহ্ম-জীবন লাভ করিতে যত্নবান ছিলেন। বর্তমান সময়ের উন্নতনীল ব্যক্তিগণ আপনাকে কোন বিশেষ ধর্মসম্প্রদায়ের অধিয়া আব সন্তুষ্ট থাকিতে পারেন না, তাঁহারা সকল শ্রেষ্ঠ ধর্মভাবকে আপনার ভাব করিতে যত্ন করেন, সকল মনুষ্যকে প্রেমে আপনার করিতে দৃঢ়রত থাকেন। তাঁহার আপনার জীবনে সমস্ত জগৎকে গ্রহণ করিতে

সাধন পরায়ণ—এই শ্রেণীর ধর্মাত্মাই ভবিষ্যতের ধার্মিক মনুষ্য, ইহাদিগের নিকট যে ধর্মাক্রান্ত লোক উপস্থিত হইবে সেই অহুভব করিবে যে এ ব্যক্তি আমার ধর্মের প্রতি শ্রদ্ধাবান এবং আমার আপনার লোক। যে ধার্মিক ব্যক্তির জীবনে সর্বধর্মসম্বন্ধে আরম্ভ হয় নাই তাঁহাকে আর নবুগে জীবন্ত ধর্মের লোক বলা হইবে না। সাংপ্রদায়িক অসহিষ্ণুতা নাই অথচ আপনার ধর্মের প্রতি একান্ত নিষ্ঠা আছে, সকল সত্যধর্মের প্রতি শ্রদ্ধা আছে, সকল প্রকার উপাসনা সাধন ভজনের প্রতি সম্মান আছে অথচ আপনার অন্তরের ধর্ম-বিশ্বাস ও আপনার সাধন ভজনের প্রতি নিষ্ঠাবান এবং আপনার মণ্ডলীর প্রতি কর্তব্যপরায়ণ হইয়া নবধর্মাক্রান্ত ব্যক্তির বিশেষত্ব। বিনয়েন্দ্রনাথ এই নবধর্মাক্রান্ত নরবংশের প্রথম শ্রেণীর ব্যক্তি। প্রাচীন হিন্দু, নব্য হিন্দু, মুসলমান, বিভিন্ন সম্প্রদায়ভুক্ত খৃষ্টীয়ান, বৌদ্ধ, বিভিন্ন ভাবাপন্ন ব্রাহ্ম, উচ্চ জ্ঞান নীতির পক্ষপাতী নব্য সম্প্রদায় সকলেই বিনয়েন্দ্রনাথকে আপনার লোক মনে করিতেন এবং সত্য সত্য তাঁহার অন্তরে সকলের জন্ত আদরের স্থান ছিল অথচ তিনি চিরজীবন নব-বিধানপ্রিত ব্রাহ্মসাধক ও সেবক ছিলেন। তাঁহার সমস্ত উপদেশ, বক্তৃতা, পুস্তক আলাপ প্রসঙ্গ সকলই কেশবচন্দ্র, প্রতাপচন্দ্র প্রভৃতির ভাবে ও আদর্শে পরিচালিত হইত। বিনয়েন্দ্রনাথ যুবকগণের হৃদয়কে কেন এত আকর্ষণ করিতেন ইহা হয়ত অনেকে জানেন না। আমরা বিশ্বাস করি

যে ইহার জীবনের উদার প্রেমপূর্ণ বিশ্বজনীন ভাবই যে সকলের অন্তরে প্রাণীয় অবস্থা, তাহাতেই সকলকে আকৃষ্ট করিত। এখন হইতে তাঁহার সকল সজনের প্রিয় হইবেন। হারা এই শ্রেণীর লোক অবশ্য হইবেন। এইজন্ত আমরা বিগাস করি, ভবিষ্যতের বিশ্বপ্রেমিক-শ্রেণীর মনুষ্যদের বিনয়েন্দ্র বর্তমান সময়ের পূর্বপ্রকাশ। মঙ্গলময় ঈশ্বর তাঁহার এই বিশ্বাসী ভক্তসন্তান দ্বারা যে নব-জীবনের পূর্বাভাস প্রকাশ করিয়াছেন তাহা যাহাতে আমাদের দেশে সর্বত্র গৃহীত হয় ইহাই প্রার্থনা। বহু উন্নতিশীল নরনারী বিনয়েন্দ্রকে অন্তরের সহিত ভাল বাসিতেন এবং তাঁহার পবলোকগমনে দুঃখিত হইয়াছেন; এখন তাঁহার বিনয়েন্দ্রের জীবনের উদার গভীর প্রেম পুণ্যের ভাব ও বিগাস এবং সেবা জীবনে গ্রহণ করিয়া সম্পন্ন হউন।

জন্ম—১৮৬৮ সনের ২৫শে সেপ্টেম্বর।

মৃত্যু—১৯১৩ সনের ১২ই এপ্রিল।

### স্তনদুগ্ধ ও শিশুর আহার।

মাতৃগর্ভ হইতে ভূমিষ্ঠ হইবার পর, প্রত্যেক জীবের আহারের জন্ত, পরমপিতা পরমেশ্বর মাতৃস্তনে অমৃত-ধারাস্বরূপ দুগ্ধ প্রদান করিয়াছেন। এই দুগ্ধ পান করিয়া সন্তোজাত শিশু ক্রমশঃ বর্দ্ধিত হয়।

কিন্তু সত্যতার কি মহাত্মা! আজ-কালকার প্রসূতিদিগের অনেকেরই স্তনে দুগ্ধ প্রায়ই থাকে না। অনেক প্রসূতির

স্তনান গো-দুগ্ধ বা নানারূপ "পেটেট দুগ্ধ" থাইয়া থাকে।

চিত্তাশীল ব্যক্তি মাত্রেই অনুমান করিতে পারেন যে, এই প্রকারে শিশুপালন দ্বারা কি বিষময় ফল উৎপন্ন হইতেছে। শৈশবাবস্থায় যত শিশুর মৃত্যু হয় তাহার অধিকাংশ আহারের অনিয়ম জন্ত ঘটিয়া থাকে।

কি প্রকারে শরীর পালন দ্বারা নিজ নিজ স্তন হইতে স্তনান পোষণের জন্ত প্রচুর পরিমাণে দুগ্ধ দিতে পারেন এবং শিশুদিগকে সম্যক্রূপে পালন করিতে পারেন এ বিষয় যদি জননারী সম্পূর্ণরূপে শিক্ষা করেন তাহা হইলে শিশুদিগের অকাল-মৃত্যু অনেক পরিমাণে কমিয়া যাউতে পারে এবং তাহাদের সংসারে সুখ শান্তি বিরাজ করিতে পারে।

সকল জননীই নিজ নিজ স্তনানকে সুস্থ ও সবল অবস্থায় বর্দ্ধিত করিবার জন্ত বিশেষ ব্যগ্র থাকেন। কোন্ জননী তাঁর নিজ স্তনানকে মেধাবী ও বলিষ্ঠ দেখিতে চাহেন না?

শিশুকে যেমন করিয়া লালন পালন করিবে, শিশু সেইরূপই বর্দ্ধিত হইবে। শৈশবাবস্থায়ই পরবর্তী জীবনের আশা ভরসার বীজ সকল অঙ্কুরিত হয়। অঙ্কুরে যে প্রকার আহার্য দেওয়া হইবে, বৃক্ষ সেইরূপই হইবে।

শিশু ভূমিষ্ঠ হইবার সঙ্গে সঙ্গে ঈশ্বর মাতৃস্তনে এই আহার্য যোগাইতেছেন। এই স্তনদুগ্ধ সম্যক্রূপে শিশুকে না দেওয়াতে কত শিশু অকালে কালগ্রাসে পতিত

হইতেছে তাহা এটি ক্ষুদ্র লেখনী বর্ণনা করিতে সক্ষম। কত শিশু যে রুমা, হুর্সল ও বিকলাঙ্গ হইয়া বর্দ্ধিত হইতেছে তাহা সংখ্যাতীত। কত লোক আত্মীয়-জন ও সমাজের গলগ্রহ হইয়া রহিয়াছে তাহার ইয়ত্তা করা যায় না।

শৈশবাবস্থায় উপযুক্ত আহার্য্য অভাবে মনুষ্য বিকলাঙ্গ হইতে পারে। খাদ্যদ্রব্য মধ্যে অস্থিসকলকে পরিষ্টি ও বর্দ্ধিত করিবার জন্ত যে বিশেষ উপকরণ থাকে তাহার অভাব জন্ত শিশুর অস্থি অসার ভাবে বর্দ্ধিত হয় ও দেহের ভার দ্বারা ক্রমশঃ বক্রভাব ধারণ করে।

আহারের অভাবে কেবল যে শরীর কৃশ ও হুর্সল হয় তাহা নহে। হুর্সল শরীরে রোগ অধিক প্রবল হয় এবং সচরাচর ব্যাধি আক্রমণ করিয়া থাকে।

ভূমিষ্ঠ হইবার পর শিশুদিগের শরীরের বৃদ্ধি ও উপযুক্ত পুষ্টি কেবল আহারের উপর নির্ভর করে না। যখন তাহারা ভ্রূণরূপে মাতৃগর্ভে অবস্থান করে তখন মাতার শরীরের অবস্থা তাহার আহার ও শরীরের অজ্ঞান বিষয়ের দ্বারা নিয়ন্ত্রিত হয়। বারাত্তরে আমরা এই সম্বন্ধে আলোচনা করিব।

#### শিশুর স্বাভাবিক আহার।

সাধারণের ধারণা যে, মাতৃদুগ্ধই শিশুর একমাত্র স্বাভাবিক খাদ্য। কিন্তু সকল সময়ে মাতৃদুগ্ধ দ্বারা শিশুর সম্যক্রূপ বৃদ্ধি ও পুষ্টি সাধিত হয় না। সেইজন্ত যে খাদ্য শিশুর শরীরের অভাবকে

সম্পূর্ণরূপে পূরণ করে তাহাকেই আমরা শিশুর স্বাভাবিক খাদ্য বলিয়া অভিহিত করিব।

এই বিশ্বজন্যে প্রাণী মাত্রেই নিজ নিজ শরীরের বিশেষত্ব দেখা যায়। শিশুদেরও সেইরূপ। ভিন্ন ভিন্ন শিশুর ভিন্ন ভিন্ন খাদ্যের আবশ্যক হইয়া থাকে। এই জন্ত শিশুর আহার নির্ধারণ করিবার জন্ত আনাদিগকে প্রত্যেক শিশুর শরীরের স্বাভাবিক প্রতিক্রিয়া সকল অতিশয় যত্নের সহিত পর্যালোচনা করিতে হইবে।

#### শিশুর স্বাভাবিক প্রতিক্রিয়া।

শিশুর স্বাভাবিক প্রতিক্রিয়া কি? কেমন করিয়া আমরা বুঝিতে পারিব যে শিশুর পরিপাক, পুষ্টি ও বৃদ্ধি সকলই স্বাভাবিক রূপে সম্পাদিত হইতেছে?

কতকগুলি প্রতিক্রিয়া আমরা সচরাচর বুঝিতে পারি। কতকগুলি প্রতিক্রিয়া বুঝিতে পারা অপেক্ষাকৃত দুঃস্বপ্ন ও সময়-সাপেক্ষ।

আহার সম্যক্রূপ পরিপাক করিতেছে কি না তাহা আমরা সহজেই বুঝিতে পারি। যদি শিশু আহারের পর তৃপ্ত হয়, বমি না করে, কোন প্রকার বেদনা বা অশান্তির লক্ষণ প্রকাশ না করে এবং তাহার কোষ্ঠ পরিষ্কার থাকে তাহা হইলে আমরা সন্তোষে স্থির করি যে, শিশুর পরিপাকক্রিয়া উত্তমরূপে সম্পাদিত হইতেছে এবং যে খাদ্য তাহাকে দেওয়া হইতেছে তাহা তাহার পক্ষে যথেষ্ট।

শিশুর খাদ্য যথেষ্ট এবং উত্তমরূপে

পরিপাক প্রাপ্ত হইলেও তাহার সর্বাঙ্গীন পুষ্টি না হইতে পারে।

উদাহরণ :- শিশুদিগকে ঘন দুগ্ধ (Condensed milk), শুষ্ক দুগ্ধ (Dried milk) বা নানাপ্রকার পেটেট খাদ্যদ্রব্য খাইতে দেওয়া হয় (Patent infant's food) এবং তাহারা এই প্রকার আহারে বেশ ছুটি-পুষ্টি ভাবে বর্দ্ধিত হইয়া থাকে।

কিন্তু এই প্রকারে পুষ্টি শিশুদের রিকেটস ও স্কার্ভি নামক পীড়া হইতে প্রায়ই দেখা যায় এবং তাহারা সদাশরিত নানারূপ রোগে ভুগিয়া থাকে।

অধ্যাপক চিডেল (Dr. Chedle) তাহার লিখিত পুস্তকে এ বিষয় অনেক উদাহরণ দিয়াছেন। যিনি উইচ সহরে এক শিশুপ্রদানী হইয়াছিল। যে শিশুটি ছুটিপুষ্টিতা ও ওজনের আধিক্যের পুরস্কার পাইয়াছিল সে-ই পুনরায় তাহার নিকট Great Ormond Street এর চিকিৎসালয়ে হস্ত ও পদের বক্রতা এবং শরীরের মাংসপেশী সমূহের হুর্সলতার চিকিৎসার জন্ত আসিয়াছিল। এই বালকটি কেবলমাত্র বিলাতী দুগ্ধ (Condensed milk) এবং কর্ণফ্লাওয়ার (Corn Flour) খাইয়া বর্দ্ধিত হইয়াছিল।

শিশুদের স্বাভাবিক খাদ্যের পরিমাণ ঠিক করিতে হইলে খাদ্য উত্তমরূপে পরিপাক পাইতেছে ও শরীরের সম্যক্রূপ পুষ্টি সাধিত হইতেছে কি না, কেবল তাহা নির্ধারণ করিলে হইবে না। কিন্তু এই সম্বন্ধে যাহাতে শিশুদের পরিপাক-শক্তি

বিকাশ পায় তাহারও ব্যবস্থা করিতে হইবে।

যে প্রকারে শিশুকে কথা কহিতে, চলিতে ক্রমশঃ শিক্ষা দেওয়া হইয়া থাকে সেইরূপই যাহাতে শিশুর পরিপাকের ক্ষমতা ক্রমশঃ বৃদ্ধি পায় তাহার প্রতি আমাদের লক্ষ্য রাখা বিশেষ কর্তব্য। যাহাতে ক্রমশঃ পরিপাক ক্রিয়ার ভিন্ন ভিন্ন যন্ত্রসকল কার্যক্ষম হয় তাহার ব্যবস্থা করা বিধেয়। শিশুর পরিপাক-ক্রিয়া অক্ষত ভাবে রক্ষা করিবার জন্ত স্তনদুগ্ধই সর্বোৎকৃষ্ট উপযোগী। শিশু ভূমিষ্ঠ হইবার সঙ্গে সঙ্গে মাতৃদুগ্ধে দুগ্ধ আঁসে। শিশুর বয়োরুদ্ধির সহিত এই স্তনদুগ্ধের পরিবর্তন দেখা যায়। এই পরিবর্তনের সহিত শিশুর পরিপাক-ক্রিয়া ক্রমশঃ উৎকর্ষিত হইয়া যায়।

যদি শিশুদিগকে কৃত্রিম উপায়ে (স্তনদুগ্ধ ব্যতীত) শরীরতত্ত্ব বিধান অনুযায়ী আহার্য্য দিতে হয়, তাহা হইলে প্রকৃতির নিয়ম যতদূর সম্ভব অনুকরণ করা আবশ্যিক।

শিশুকে শরীর তত্ত্বানুযায়ী আহার্য্য দিতে হইলে তাহার পরিপাক, পুষ্টি ও শিক্ষা সম্বন্ধীয় সকল প্রকার প্রয়োজনের উপর বিশেষ দৃষ্টি রাখা আবশ্যিক কর্তব্য।

#### স্তনপান।

সাধারণের বিশ্বাস যে, স্তনদুগ্ধ দ্বারা যে কোন শিশুকেই উৎকৃষ্টরূপে বর্দ্ধিত করা যাইতে পারে। কিন্তু এ সম্বন্ধে বিবেচনার কথা আছে। যদি শিশুকে নিয়ম মত

স্তনদুগ্ধ দেওয়া হয় তাহা হইলে শিশু যে উত্তমরূপে পুষ্ট ও বর্দ্ধিত হয় তাহার সন্দেহ নাই। কিন্তু প্রায়ই দেখা যায় যে, প্রসূতির শিশুকে স্তনদুগ্ধ দেওয়া সূচারূপে সম্পূর্ণ হয় না এবং তিনি স্বাভাবিক নিয়ম সকল পালন করিতে যত্ন করেন না। এই সকল অনিয়মের জন্ত স্তনদুগ্ধ-পুষ্ট শিশুদেরও নান রোগ হইতে দেখা যায়। স্তনদুগ্ধ যত্নস্বপ্ন স্বাভাবিক নিয়ম মত নিঃসারিত হয় ততক্ষণ ঠিক থাকে। মাতার স্বাস্থ্যের পরিবর্তনের সত্বে তাহার স্তনের দুগ্ধেরও পরিবর্তন দেখা যায়; এবং সময় সময় এই পরিবর্তন শিশুর স্বাস্থ্যের অনেক ক্ষতি করিয়া থাকে। যখন কৃত্রিম উপায়ে শিশুকে খাদ্য দেওয়া হয়, তখন আমরা শিশুর আবশ্যিক মত এই খাদ্যের পরিবর্তন সহজেই করিতে পারি। শরীর-তত্ত্বানু-মোদিত উপায়ে স্তনদুগ্ধ দ্বারা শিশুকে বর্দ্ধিত করিতে হইলে, স্তনপায়ী শিশুর লক্ষণ সকল কৃত্রিম খাদ্য দ্বারা বর্দ্ধিত শিশুর লক্ষণের ত্রায় সর্বদা পর্যবেক্ষণ করা আবশ্যিক।

সময়ে সময়ে স্তনদুগ্ধ একেবারেই বন্ধ করিয়া তাহার পরিবর্তে শিশুকে কৃত্রিম খাদ্য দেওয়ার আবশ্যিক হয় এবং এই সঙ্গে প্রসূতির খাদ্যদ্রব্যাদি ও স্বাস্থ্যের পরিবর্তন করিয়া স্তনদুগ্ধের পরিবর্তন করার চেষ্টা করা হয়। এইরূপ স্বাভাবিক ও কৃত্রিম খাদ্যের সংমিশ্রণে অনেকের আপত্তি দেখা যায়। ভিন্ন প্রকারের খাদ্য শিশুর স্বাস্থ্যের ক্ষতি করিবে এ প্রকার ভুল ধারণা হইতেই অনেকে ইহার প্রতি-

বাদ করেন। কিন্তু এই বিশ্বাসের কোনই ভিত্তি নাই।

কৃত্রিম ও স্বাভাবিক প্রণালীর সংমিশ্রণেই সর্বোৎকৃষ্ট ও সন্তোষজনক ফল পাওয়া যায়।

#### স্তনদুগ্ধের স্বাভাবিক ও রাসায়নিক গুণ।

প্রসবের পরে স্তন হইতে যে দুগ্ধ নিঃসৃত হয় তাহা পরবর্তী কালের দুগ্ধ হইতে অনেক বিভিন্ন। প্রসবের পরেই কয়েক দিন পর্যন্ত যে দুগ্ধ নিঃসৃত হয় তাহাকে ইংরাজিতে Colostrum ও চলিত কথায় গাঁজাল দুগ্ধ বলে। পরবর্তী কালের দুগ্ধের সহিত গাঁজাল দুগ্ধের অনেক রাসায়নিক বিভিন্নতা আছে।

(১) গাঁজাল দুগ্ধের আমিষ জাতীয় অংশ যদিও স্তনদুগ্ধের আমিষ অংশের সহিত দমান পরিমাণে থাকে কিন্তু গাঁজাল দুগ্ধে আমিষ অংশ (Lact albumen ও Lact globulin রূপে) অধিক পরিমাণে থাকায় পাকাশয়ে ডেলা বাধিয়া যায় না।

(২) গাঁজাল দুগ্ধে যে চিনি বর্তমান থাকে তাহা দুগ্ধশর্করা রূপে থাকে না, অগ্নি (Dextrose) রূপে থাকে। এই আকারে বিনা পরিপাকে শরীর মধ্যে প্রবেশ লাভ করে।

(৩) গাঁজাল দুগ্ধে (Colostrum Corpuscles নামক) কতকগুলি কোষ বর্তমান থাকে। গর্ভের বৃদ্ধির সহিত স্তনের বৃদ্ধি হইয়া থাকে এবং স্তনমধ্যে দুগ্ধকণা সকল উৎপন্ন হয়। গর্ভাবস্থায়

দুগ্ধের আবশ্যিক থাকে না, একত্র প্রসবের পূর্বে (Colostrum) কোষ দুগ্ধকণা সমূহকে শোষণ করিয়া ফেলে এবং প্রসবের পরেও, যতকাল পর্যন্ত না শিশুগণ ভেজের সহিত দুগ্ধ টানিয়া নিঃশেষ করিয়া খাওতে পারে, ততকাল পর্যন্ত স্তনদুগ্ধে এই কোষ (Colostrum) দেখা যায়।

গাঁজাল দুগ্ধ—গাঁজাল স্তনদুগ্ধ স্বাভাবিক স্তনদুগ্ধ হইতে দৃশ্য হরিদাভ এবং ইহার মূহু বিরেচক শক্তি থাকায় শিশুর “মেকোনিয়াম” বা প্রথম মল পরিভ্রাণের সহায়তা করে।

গাঁজাল দুগ্ধে (Lact albumen ও Lact globulin রূপে) আমিষ বর্তমান থাকে এবং সাধারণ দুগ্ধে এতদ্ব্যতীত Caseinও বর্তমান থাকে। এই কেজিন নামক আমিষ জাতীয় খাদ্য শিশুর পাকস্থলীতে জমাট বাধিয়া থাকে এবং পাকস্থলীতে পুনরায় পরিপাক ক্রিয়া দ্বারা দ্রবীভূত হইলে শিশুর শরীর মধ্যে প্রাবল্য হইতে পারে। সর্বোজাত শিশুর পাকস্থলী এই কোজিনোজেন নামক আমিষ পরিপাক করিতে পারে না। সেইজন্য সত্ত্ব গাঁজাল দুগ্ধে কোজিনোজেন দেখা যায় না।

ক্রমশঃ শিশুর বয়সের সাহিত দুগ্ধের পরিবর্তন দেখা যায়। যেমন মাতৃস্তন-দুগ্ধের পরিবর্তনের সাহিত কোজিন নামক আমিষ দেখা যায় তেমনি শিশুর পাকস্থলী ক্রমশঃ বর্দ্ধিত হয় ও নূতন পরিপাকশক্তি প্রাপ্ত হয়।

কৃত্রিম উপায়ে শিশুদিগকে লালন পালন করিতে হইলে শিশুর পরিপাকশক্তির

ক্রমবিকাশ সম্বন্ধে আমাদের বিশেষ মনোযোগ রাখা আবশ্যিক।

প্রসূতি ও ধাত্রীরা শিশু ভূমিষ্ঠ হইবার পরে শিশুকে খাদ্য দেওয়ার জন্ত বড় ব্যস্ত হইয়া পড়েন এবং অনেক সময় তাহার সাধারণ দুগ্ধ (যাহা পরিপাকের ক্ষমতা শিশুর একেবারেই নাই) দিয়া থাকেন ও তদ্বারা কষ্ট ও রোগ আনয়ন করেন। প্রসবের পরেই শিশুকে স্তনপান করিতে দেওয়া অতি উত্তম ও সুত্রিসঙ্গত। এতদ্বারা মাতৃস্তন উত্তেজিত হয় এবং প্রসূতির জরায়ু সঙ্কুচিত হয়। শিশু যে সামান্য পরিমাণ গাঁজাল দুগ্ধ প্রাপ্ত হয় তদ্বারা তাহার অন্ত্রমধ্যে আকৃষ্ট ও প্রসারণ ক্রিয়া উত্তেজিত হয় এবং অন্ত্রমধ্যস্থিত “মেকোনিয়াম” পরিভ্রাণ হয়।\*

#### মাতৃস্তনে দুগ্ধবৃদ্ধির উপায়।

স্তনে যখন দুগ্ধের প্রাচুর্য হয়, তখন সাধারণতঃ প্রসূতিকে অধিক মাত্রায় পানাহারের ব্যবস্থা দেওয়া হয় এবং শারীরিক পরিশ্রম করিতে নিষেধ করা হয়। কিন্তু প্রসূতির আহারের পরিপাক যদি স্বাভাবিক থাকে তাহা হইলে অধিক খাদ্য পরিপাক করিতে না পারায় এই ব্যবস্থা উপকার জনক না হইয়া বরং অনিষ্টকরই হয়; অর্থাৎ ইহাতে দুগ্ধ বৃদ্ধি না হইয়া বিযাক্ত দুগ্ধের সৃষ্টি হয়।

দুগ্ধবৃদ্ধি নিম্নলিখিত দুইটি অবস্থার উপর নির্ভর করে।

১। শরীরের স্বাভাবিক পরিপূর্ণ সাধন।

\* স্বাস্থ্যসম্ভারের এই প্রবন্ধটির উপরে লিখিত অংশ ভারতমহিলা হইতে গৃহীত।

স্তনের পরিষ্টি প্রসূতির সমগ্র শরীরের পুষ্টির উপর নির্ভর করে। এই শরীরের পরিষ্টি কখনও অপরিমিত আহার দ্বারা সাধিত হয় না। সুতরাং দুগ্ধের পরিমাণ কম হইলে কখনও স্তন-দাত্রীকে অধিক আহারের ব্যবস্থা দেওয়া উচিত নয়। তাহার পক্ষে সম্যক ব্যবস্থা করিতে হইলে তাহাকে উপযুক্ত পরিমাণ লঘু বলকর আহাৰ্য্য নিয়মিত সময়ে খাইতে এবং মুক্ত বায়ুতে অঙ্গ-চালনা জগ্ন করিতে দেওয়া কর্তব্য।

২। স্বাভাবিক উপায়ে স্তন-দুগ্ধ বৃদ্ধি করণ।

বিবিধ উপায়ে স্তনের দুগ্ধ ক্ষরণ শক্তি বৃদ্ধি করা যায়। প্রথমতঃ সমস্ত শরীরের জীবনশক্তি বৃদ্ধি করিতে পারিলে স্নায়ু মণ্ডলী সতেজ হইয়া পরোক্ষে স্তনকেও সতেজ করিবে। আর মনে রাখিতে হইবে যে জননীর মানসিক অবস্থার বিপর্যয়ে দুগ্ধের হ্রাস বৃদ্ধি হয়। আত্মমাত্রায় মানসিক উত্তেজনা কিংবা মানসিক চাক্ষুণ্য বশতঃ দুগ্ধ বিষাক্ত হইতে পারে। নৈরাশ্রে নিতান্ত অধীর হইয়া পড়িলে দুগ্ধক্ষরণ একেবারে বন্ধ হইয়া যাওয়া আশ্চর্য্য নহে। মনে ক্ষুণ্ণ থাকিলে গুণু যে প্রসূতির দুগ্ধ আধকতর বলকারক হয় তাহা নহে তাহার পরিমাণও বৃদ্ধি হয়। সুতরাং প্রসূতির স্বাস্থ্যরক্ষা করিতে হইলে যাহাতে তাহার শরীর ও মনের ক্ষুণ্ণিত বজায় থাকে তাহা দেখিতে হইবে।

দ্বিতীয়তঃ শিশু নিজেও যদি মাতার স্তন হইতে যথেষ্ট দুগ্ধ আকর্ষণ করিয়া

লইতে পারে তাহা হইলেও সম্ভবতঃ দুগ্ধ বৃদ্ধি হইতে পারে। কিন্তু শিশু যদি দুর্বল হয়, তবে তাহার দুগ্ধ আকর্ষণের ক্ষমতাও কম থাকে এবং মাতার দুগ্ধ বৃদ্ধিরও সম্ভাবনা থাকে না। এইরূপ ক্ষেত্রে যদি কোন বর্ণিত শিশুকে প্রসূতির স্তনপান করিতে দেওয়া হয়, তবে যথ্যা নিয়মে আকর্ষণ করার জগ্ন দুগ্ধের মাত্রা বৃদ্ধি হইতে পারে।

সাধারণতঃ দরিদ্র ঘরের প্রসূতিদের দুগ্ধের অভাব দেখা যায় না। ইহার এক মাত্র কারণ এই যে, জননী জানে যে তাহার সন্তানকে স্তন্য দানে পরিপালন করিতে হইবে ইহা ভিন্ন তাহার সন্তান প্রতিপালনের আর অণ্ড উপায় নাই। তাহাদের হৃদয়ের এই আবেগই দুগ্ধ বৃদ্ধির একমাত্র কারণ। ঔষধের মধ্যে Codliver oil ইত্যাদি এবং খাওয়ার মধ্যে মাষকলাই ইত্যাদি দুগ্ধ বৃদ্ধির সহায়ক, কিন্তু মুহুরী, লক্ষা ইত্যাদি দুগ্ধের পরিমাণ কমাইয়া দেয়।

যে পর্যন্ত জননীর স্তনে পরিমিতরূপে দুগ্ধ সঞ্চার না হয় সে পর্যন্ত সন্তানকে উপবাসী রাখা যায় না। মাতার স্তন হইতে যথারূপে দুগ্ধক্ষরণ না হওয়া পর্যন্ত অণ্ডবিধ খাদ্য দ্বারা শিশুর সে অভাব পূরণ করা আবশ্যিক। এই অবস্থায় শিশুর খাওয়ার জগ্ন নির্দিষ্ট কোন নিয়ম করা যাইতে পারে না। যিনি শিশুর রক্ষণাবেক্ষণের ভার লইবেন তাহাকেই বিবেচনা করিয়া খাওয়ার পরিমাণ প্রভৃতি নির্ণয় করিতে হইবে।

নিম্নলিখিত বিষয়গুলির উপর দৃষ্টি রাখিলে উপকার দর্শিতে পারে—

১। কেবলমাত্র মাতৃদুগ্ধে শিশুর পেট ভরে কিনা দেখিতে হইবে।

২। যদি পরিমাণ কম হয় তবে অণ্ড-বিধ খাদ্য বিধান করিয়া শিশুর সে অভাব পূরণ করিতে হইবে।

৩। শিশুর পরিপাক শক্তি অনুসারে খাদ্যদ্রব্যের ব্যবস্থা করা দরকার। অবস্থা ভেদে ছানার জল অথবা জল মিশ্রিত দুগ্ধ দেওয়া যাইতে পারে।

৪। স্তনে সামান্য দুগ্ধ থাকিলে শিশুকে পর্যায়ক্রমে মাতৃদুগ্ধ এবং উপরোল্লিখিত খাদ্য প্রদান করা দরকার। এমন কি স্তন যদি একেবারেই দুগ্ধহীন হয় তবুও শিশুকে প্রথম স্তন-আকর্ষণ করাইয়া পরে ঐ খাদ্য দিবে।

৫। মাতৃদুগ্ধ ভিন্ন অণ্ড দুগ্ধ প্রদান করিতে হইলে তাহাতে অত্যধিক পরিমাণে মিশ্র দিবে না। কারণ তাহা হইলে শিশু মাতৃস্তন গ্রহণ করিতে চাহিবে না।

৬। শিশুকে কম পরিমাণে খাইতে দিয়া তাহার স্নায়ু বৃদ্ধি করা আবশ্যিক কারণ তাহা হইলে সে প্রবল ভাবে দুগ্ধ আকর্ষণ করিয়া লইবে।

দুগ্ধের পরিমাণ অত্যন্ত বৃদ্ধি পাইলে তাহার হ্রাসের উপায়—

এবিষয়ে হস্তক্ষেপ করিবার পূর্বে দেখা দরকার যে প্রসূতির দুগ্ধের মাত্রা সত্য সত্যই অতিরিক্ত পরিমাণে বৃদ্ধি পাইয়াছে কি না। শিশুদের আহারের জগ্ন কোন নির্দিষ্ট পরিমাণ থাকিতে পারে

না। প্রত্যেক শিশুর অবস্থা অনুসারে তাহার খাওয়ার পরিমাণ-নির্ণয় করিবে।

যখন নিঃসন্দেহ রূপে বোঝা যায় যে দুগ্ধ বৃদ্ধি বশতঃ শিশুর অপরিমিত আহার হইতেছে, সে স্থানে নিম্নলিখিত উপায় দ্বারা দুগ্ধের পরিমাণ হ্রাস করা যাইতে পারে।

১। প্রসূতি এক সময়ে অনেকক্ষণ ধরিয়া শিশুকে দুগ্ধ দান করিবেন না।

২। একবার স্তন পান করিলে পুনর্বার স্তন দিবার পূর্বে যথেষ্ট সময় অতি-বাহিত হওয়া আবশ্যিক।

৩। স্তন পানের সময় অঙ্গুলি দ্বারা স্তনের বোটা টিপিয়া দুগ্ধের ধারা কমাইতে হইবে।

সন্তানের আবশ্যিক অনুযায়ী কিরূপ ভাবে মাতৃদুগ্ধের উপকারিতা বৃদ্ধি করা যাইতে পারে তদ্বিষয়ে এখন আলোচনা করা যাইবে। মাতৃদুগ্ধের পরিমাণ বৃদ্ধি করা অপেক্ষা ইহার উপকারিতা বৃদ্ধি করা কঠিন বিষয়।

স্বাভাবিক অবস্থায়ও মাতৃদুগ্ধ সম্পূর্ণরূপে নিষ্কৃত নহে। রাসায়নিক বিশ্লেষণ দ্বারা আমরা অনেক সময়ে দুগ্ধের নিকৃষ্টতা অনুভব করিতে পারি না। কিন্তু সন্তানের শারীরিক অবস্থা দেখিয়াই আমরা দুগ্ধের অবস্থা সম্যকরূপে অবগত হইতে পারি।

মাতৃ দুগ্ধের উপকারিতা বৃদ্ধির জগ্ন অনেক প্রকার খাদ্যখাওয়ার পরিবর্তন ও অনেক নিয়ম পালনের ব্যবস্থা করা হইয়া থাকে, কিন্তু তন্মধ্যে প্রসূতিকে লঘু খাদ্য প্রদান এবং তাহার স্বাস্থ্য রক্ষার বিশেষ



ব্যবস্থাই একমাত্র মাতৃদুগ্ধের উপকারিতা বৃদ্ধি করে।

স্তনদুগ্ধ নিকৃষ্ট হইলে স্তনদাত্রীপ্রসূতিকে নিম্নলিখিত নিয়মগুলি পালন করিতে হইবে।

১। প্রসূতিকে সুসিদ্ধ ভাত, রুটী, মংগু, দুগ্ধ, শাক সবজী প্রভৃতি লঘু খাদ্য খাইতে দিবে। লঙ্কা, গরম মশলা প্রভৃতি গুরুপাক দ্রব্য কদাচ প্রসূতিকে প্রদান করিবে না।

২। স্তনদাত্রীকে প্রত্যহ নিয়মিত সময়ে উপযুক্ত পরিমাণে খাদ্য প্রদান করিবে।

৩। চা, কফি অথবা অন্ত কোনরূপ উত্তেজকদ্রব্য কদাচ ব্যবহার করাইবে না।

৪। প্রত্যহ সন্ধ্যায় ও সকালে মুক্ত বায়ুতে ভ্রমণ করিতে দিবে।

৫। তাহাকে সকাল সকাল নিদ্রা যাইবার এবং অতি প্রত্যুষে নিদ্রা হইতে উঠিবার জন্ত উপদেশ দিবে।

৬। ষাহাতে তাহার কোষ্ঠ পরিষ্কার থাকে তাহার দিকে বিশেষ লক্ষ্য রাখিবে।

৭। তাহাকে যথেষ্ট পরিমাণে জলপান করিতে দিবে।

৮। যথা সম্ভব তাহাকে ঔষধ ব্যবহার করাইবে না।

আসেনিক, এন্টিমনি প্রভৃতি অনেক ঔষধ আছে যাহা প্রসূতি ব্যবহার করিলে দুগ্ধের সহিত নির্গত হইয়া শিশুর পক্ষে অপকারী হইয়া থাকে, কাজেই ঐ প্রকার ঔষধ প্রসূতিকে কখন ব্যবহার করিতে দিবে না।

এই সকল উপায় অবলম্বন করিয়াও যদি স্তনদুগ্ধের উপকারিতা বৃদ্ধি করা যায় তবে অল্প উপায়ে সে অভাব পূরণ করিতে হইবে।

মাতৃদুগ্ধে আমিষ, স্নেহ ও লবণ জাতীয় উপাদানের মাত্রা কম বেশী হইতে পারে। এই সকল নিকৃষ্টতা আমরা কতক পরিমাণে রাসায়নিক বিশ্লেষণ দ্বারা বুঝিতে পারি, কিন্তু তদপেক্ষা আমরা শিশুর শারীরিক অবস্থা পর্যবেক্ষণ দ্বারা সম্যক্রূপে উপলব্ধি করিতে পারি।

নিম্নলিখিত শিশুর উপসর্গগুলি দ্বারা আমরা মাতৃদুগ্ধের নিকৃষ্টতা অবধারণ করিতে পারি :—

১। বমি, পেটের অস্বাভ, অনেক বার সবুজ মলত্যাগ প্রভৃতি শিশুর উপসর্গগুলি যদি জীবাণু দ্বারা উৎপন্ন না হইয়া থাকে তাহা হইলে নিশ্চিতরূপে বুঝিতে হইবে যে মাতার অসুস্থতাই ইহার কারণ। এরূপ অবস্থায় সন্তানকে কখনও দুগ্ধ স্তন পান করিতে দিবে না।

২। স্তন্যপান করিবার ক্রিয়াকাল পরেই জমাট দুগ্ধ বমন হইয়া প্রায়ই স্তন্য পান করাইবার পর শিশুকে নড়া চড়া করার জন্ত হইয়া থাকে, স্নাতকঃ শিশুর আহ্বারের পর তাহাকে নড়াচড়া করিবে না। দুগ্ধ অধিক মাত্রায় পান করিলে অথবা দুগ্ধে আমিষ অংশ বেশী থাকিলে এরূপ বমন হইয়া থাকে। যদি দুগ্ধাধিক্য বশতঃ বমন হয় তবে দুগ্ধের মাত্রা হ্রাস করিয়া দিতে হইবে। যদি দুগ্ধের মাত্রা হ্রাস করা সত্ত্বেও বমন হয় তবে শিশুকে

• স্তন পান করাইবার পূর্বে অন্ন চিনি ও সোডিয়াম সাইট্রেট মিশ্রিত জল পান করাইলে বমন বন্ধ হইবে।

৩। অন্ন গন্ধযুক্ত বমন—দুগ্ধে স্নেহ অংশের আধিক্য বশতঃ উহা হইয়া থাকে। এরূপ ক্ষেত্রে স্তন পান করাইবার পূর্বে সামান্য শর্করার ও অণুনােলের জল পান করাইলে বিশেষ ফল দর্শিয়া থাকে।

৪। অজীর্ণ ও পেট বেদনা—স্তন পানের অর্দ্ধ ঘণ্টা পূর্বে ল্যাক্টোপেপটিন বা এসেন্সিয়া পেপটিকা ব্যবহারে উপকার হইয়া থাকে।

৫। তৈলাক্ত ভেদ—দুগ্ধের স্নেহ অংশের আধিক্য জন্ত ইহা হইয়া থাকে।

৬। কোষ্ঠবন্ধ—দুগ্ধের মাত্রা কম হইলে হইয়া থাকে। এরূপ ক্ষেত্রে গো দুগ্ধ দ্বারা অভাব পূরণ করিতে হইবে এবং প্রসূতিকে কডলিভার অয়েল ও মণ্ট খাইতে ব্যবস্থা দিবে।

৭। মস্তকে ষর্দ—আহ্বারের মাত্রা-ধিক্যই ইহার কারণ।

৮। মস্তকে ষা—জননী বাতব্রস্ত হইলে এরূপ হইয়া থাকে।

৯। অধিকরূপ শিশুর ওজন বৃদ্ধি—সাধারণতঃ প্রতি সপ্তাহে শিশু ৬ হইতে ৮ আউন্স করিয়া ওজনে বাড়িয়া থাকে। যদি ইহা অপেক্ষা বৃদ্ধি বেশী হয় তাহা হইলে তাহাকেই অত্যধিক বিবেচনা করিবে। মাতৃস্তনদুগ্ধ কমাইয়া দিবে। এবং কৃত্রিম খাদ্যাদি দিতে পারা যায় তবে চিনি যথাসম্ভব কম দিবে।

প্রসূতি শিশুকে স্তন্য দিতে অক্ষম

হইলে স্তনদায়িনী ধাত্রী কিরূপ হওয়া উচিত সে বিষয় আমরা এখন আলোচনা করিব।

(ক) উক্ত ধাত্রীর বয়স ২০ বৎসর হইতে ৩০ বৎসরের হইলে ভাল হয়।

(খ) সে বেশ সুস্থকায়ী ও সবল হইবে।

(গ) তাহার কাসি, বাত প্রভৃতি না থাকে সে বিষয় বিশেষ লক্ষ্য রাখিতে হইবে।

(ঘ) তাহার উপদংশ রোগ অথবা জননেদ্রিয়ের কোনরূপ ব্যাধি না থাকে।

(ঙ) তাহার স্তন বেশ বড় আর শক্ত হইবে এবং তাহাতে যথেষ্ট দুগ্ধ থাকিবে। তাহার স্তনের বোটা বেশ উচু হইবে।

(চ) তাহার মেজাজ খুব ঠাণ্ডা এবং মন প্রকৃষ্ট থাকা আবশ্যিক এবং প্রসূতির স্থায় সব নিয়ম পালন করিতে হইবে।

আমরা উক্ত স্তনদায়িনী ধাত্রীর সন্তানকে দেখিয়াও তাহার দুগ্ধের উপকারিতা সম্বন্ধে কতক ধারণা করিতে পারি। যদি ঐ সন্তান বলিষ্ঠ, রোগহীন হয় তবে আমরা বুঝিতে পারি যে ধাত্রীর দুগ্ধ বেশ উপকারী হইবে।

যদি কোন সন্তোজাত শিশু অল্প কোন স্তনদাত্রী দ্বারা পালিত হয় তবে স্তনদাত্রীর সন্তানের বয়স এবং ঐ পালিত শিশুর বয়স ঠিক একইরূপ হওয়া উচিত। কারণ প্রসবের পর হইতেই দিন দিন প্রসূতির দুগ্ধের পরিবর্তন হইয়া থাকে। দশদিনের

অনধিক বয়স্ক শিশুকে তাহার নিজ জননী ব্যতীত অথ কোন স্তনদায়িনী ধাত্রীর দুগ্ধ ব্যবহার করাইতে হইলে (breast pump) দ্বারা স্তন আকর্ষণ করিয়া উক্ত দুগ্ধ পেটোনাইজ ও জল মিশ্রিত করিয়া ব্যবহার করাইলে কোনরূপ অপকার হইবার আশঙ্কা থাকে না। দশদিনের পর শিশু নিজে ধাত্রীর স্তন হইতে দুগ্ধ আকর্ষণ করিয়া লইলেও কোনরূপ কুফল জন্মায় না।

এখন আমাদের বিবেচ্য, স্তনদায়িনী ধাত্রী তাহার নিজ সন্তানকে স্তন পান করাইবে কি না? নিম্নলিখিত কারণগুলির জন্ত ধাত্রীকে তাহার সন্তানকে স্তন প্রদান করিতে অসম্মতি দেওয়া কর্তব্য—

(১) তাহা না দিলে ধাত্রীর শিশুকে অনর্থক কষ্ট দেওয়া হয়—(২) যদি স্তনদায়িনী ধাত্রী তাহার নিজ সন্তানকে স্তন না দেয় তাহা হইলে অনেক সময় তাহাকে অসম্মত দেখা যায় এবং তাহার নিজ সন্তান কৃত্রিম খাদ্যাদি খাইয়া পীড়িত হয় তাহা হইলে তাহার মনের অবস্থা বিকৃত হয় ও দুগ্ধও ছুটু হইয়া থাকে। নিজের সন্তানকে স্তন পান করাইলে ধাত্রীর মন বেশ প্রকুল থাকিবে এবং তাহার দুগ্ধের উপকারিতা ও পরিমাণ বৃদ্ধি হইবে।

যদি হিসাবপূর্বক শিশুদিগকে স্তন দেওয়া হয় তাহা হইলে অধিকাংশ স্থলে দুইটি শিশু অতি সন্তোষজনকরূপে এক স্তনদাত্রী হইতে যথেষ্ট পরিমাণ আহাৰ্য্য পাইতে পারে। অনেক প্রসূতি উপযুক্ত আহাৰ্য্য পাইলে যথেষ্ট উত্তম দুগ্ধ দিতে

সক্ষম হয়। প্যারিস সহরের শিশু হাসপাতালে একজন স্তনদায়িনী ধাত্রী ৪ হইতে ৫টি শিশুকে যথেষ্ট পরিমাণে দুগ্ধ দিতে সক্ষম হয়।

৫০ হইতে ৭৫ আউন্স অর্থাৎ প্রায় ১১।০ হইতে ১২।০ পর্য্যন্ত দুগ্ধ একটা স্তনদায়িনী ধাত্রী দিতে সক্ষম হয়।

আমাদের মধ্যবিত্ত অবস্থার ভদ্রলোক গণ বাহারা অর্থব্যয় দ্বারা অথ কোন স্তনদায়িনী ধাত্রীর বন্দোবস্ত করিতে সক্ষম হন না তাহারা অনারামেই আশ্রয়বর্গ মধ্যের অথ কোন প্রসূতি দ্বারা এ অভাব পূরণ করিতে পারেন।

[শিশুর কৃত্রিম আহাৰ্য্য বর্ণন কালে ইহার প্রক্রিয়া বর্ণিত হইবে।]—স্বাস্থ্যসমাচার

—:—

### বিবিধ প্রসঙ্গ।

নারীদিগের ভোট দিবস অধিকারের জন্ত যে মহা সংগ্রাম ইংলণ্ডে উপস্থিত হইয়াছে ইহার সমাপ্তি কোথায় তাহা এখনও কেহ বুঝিতে পারিতেছে না। যে দল বাড়াবাড়ি করিয়া, অনিষ্ট করিয়া বা আপনাদিগের প্রাণ দিতে প্রস্তুত হইয়া রাজনৈতিক অধিকারের লাভের সংগ্রাম চালাইতেছেন, তাহাদের সংখ্যা বোধ হয় এখন কমিয়া যাইবে, কারণ তাহাদের ব্যবহারে সাধারণ নরনারী অধীর হইয়া উঠিয়াছে। যত দিন কেবল বাড়ীর সংস্কৃতির সারসী দরজা ভাঙ্গা তাহাদের কার্য্য ছিল ততদিন লোকে এতটা বিরক্ত হয় নাই, কিন্তু ইদানীং যেরূপ দুষ্কার্য্য

আরম্ভ হইয়াছে তাহাতে বিশেষ আইন করিয়া সাফাজিট্ দলকে দমন করা প্রয়োজন হইবে। কিন্তু এই উৎকট দলের পশ্চাতে এক দশ সহজ বুদ্ধির নারী ও পুরুষ আছেন, বাহারা দেখিতেছেন যে নারীকে পালিয়ামেন্টের সভ্য হইবার অধিকার না দিলে এবং নারীর প্রাপ্য অধিকার তাহাকে না দিলে আর ইংলণ্ড উন্নতির ও শান্তির পথে অগ্রসর হইতে পারে না। সম্প্রতি পালিয়ামেন্ট মহা সভায় নারীকে অধিকার দিবার যে প্রস্তাব উপস্থিত হইয়াছিল তাহা অগ্রাহ হইয়াছে, কিন্তু মনে হয় আর ২৩ বার এরূপ বিল উপস্থিত হইলেই এ আইন পাস হইয়া যাইবে। ইংলণ্ডের যে সকল নারী মনুষ্যত্ব লাভ করিয়াছেন তাহাদিগকে মনুষ্যত্বের পূর্ণ অধিকার না দিলে কখনও চলিবে না। মহিলার পাঠিকাগণ লাট সাহেবের ব্যবস্থাপক সভার সভ্য হইতে ব্যস্ত হইবেন সে আশঙ্কা নাই; কিন্তু তাহারা এই গৃহ বিবাদের সার শিক্ষা গ্রহণ করিয়া আপনাদিগের প্রাপ্য স্থান লাভ করিতে যত্নবতী হউন একথা তাহাদিগকে মনে করাইয়া দেওয়া প্রয়োজন।

বরদার মহারাজা গাইকোয়াড় আপনার রাজ্যের নানা প্রকারের উন্নতি সাধন করিতেছেন, শিক্ষা বিষয়ে সমস্ত দেশকে উন্নত করাই তাহার বিশেষ উদ্দেশ্য। সম্প্রতি তাহার পকাশং জন্মোৎসব সম্পন্ন হইয়াছে তিনি এই দিনকে বৃথা আমোদে ব্যয় করেন নাই, এই শুভদিনে তিনি

শিক্ষা সম্বন্ধীয় কতকগুলি উন্নততর ব্যবস্থা সংস্থাপন করিয়াছেন। ইতি পূর্বে একটি আইন হইয়াছিল যে বালিকাগণকে এগার বৎসর বয়স পর্য্যন্ত শিক্ষা দিতে হইবে—বিবাহ দেওয়া হইবে না; সে দিন বিধি হইয়াছে যে ১০ বৎসর বয়স পর্য্যন্ত বালিকাকে শিক্ষা দান করিতে হইবে। ইতি পূর্বে বালিকাগণকে ১২ বৎসর বয়স পর্য্যন্ত শিক্ষা দেওয়ার আইন ছিল, তাহার স্থানে ১৪ বৎসর বয়স করা হইয়াছে। এবিষয়ে ইংলণ্ডে এত অগ্রসর হইতে পারে নাই। পূর্বে বালিকাগণ চতুর্থ মান পর্য্যন্ত শিক্ষা করিতে বাধ্য ছিল, এখন হইতে তাহারা পঞ্চম মান পড়িবে। ইহাতে দেশের যে কত উপকার হইবে তাহা বলিয়া শেষ করা যায় না। তিনি তাহার শিক্ষা বিভাগের কন্সচারী সকলকে বিশেষ আদেশ করিয়াছেন যে উপযুক্ত রূপে সহায়ত্ব, বিচক্ষণতা ও হুবিচারের সহিত এই নূতন বিধি যেন কার্য্যে পরিণত করা হয়। তাহার এই বিধি যে একমাত্র রাজ্যের মঙ্গল সাধনের জন্ত প্রস্তিত হইয়াছে ইহা বুঝিয়া প্রজাগণও অবশ্য ইহাতে সন্তুষ্ট হইবেন এবং শিক্ষা বিভাগের কন্সচারিগণও সেই ভাবে কার্য্য সম্পন্ন করিবেন। গাইকোয়াড় শিক্ষার উন্নতির সঙ্গে জাতি ভেদেরও মূলোচ্ছেদ করিতেছেন। আমরা গনিয়া, অত্যন্ত আশ্চর্য্য হইলাম যে তিনি অস্পৃশ্য মেথর জাতির একটি শিক্ষিত ভদ্র লোককে ব্যবস্থাপক সভার সভ্য নিযুক্ত করিয়াছেন। ইহাতে উচ্চ জাতীয় লোকে অত্যন্ত ক্রোধাবিত হইয়াছেন,


কিন্তু তাঁহাদের কোষ উন্নতির প্রত্যেক  
কখনও রোধ করিতে পারিবেন না।

চিরকাল পৃথিবীতে প্রভুত্বের জগৎ  
সংগ্রাম চলিয়া আসিতেছে। প্রাচীন  
কালে যেমন মহা মহা যুদ্ধ হইয়া এক দেশ  
উৎসাহ হইয়া যাইত, নূতন জাতি আসিয়া  
তাঁহাতে বাস করিত, এখন ততটী না  
হইক, রক্তপ্রোত এখনও অবরুদ্ধ হয়  
নাই। তুরস্কের সহিত ইটালী যুদ্ধ উপস্থিত  
করিলেন, স্বার্থ সাধন করিলেন, পুনরাধ  
সার্ভিয়া, মন্টেনেগ্রো, গ্রীস প্রভৃতি তুরস্কের  
বিরুদ্ধে যুদ্ধ আরম্ভ করিয়া কত নররক্ত-  
পাত করিলেন। মনে হইতেছিল পারস্ত,  
তিব্বত, চীন, মেক্সিকো প্রভৃতি দেশেও  
সমরানল প্রজ্বলিত হইয়া শত সহস্র  
লোকের প্রাণ নাশ করিবে। কিন্তু আজ  
কাল সংবাদ পত্রে যত দূর প্রকাশ হই-  
তেছে তাহাতে মনে হয়, পৃথিবীতে অল্পত  
কিছু দিনের জগৎ শান্তির রাজ্য স্থাপিত  
হইবে। চীনদেশে অতি প্রাচীন কাল  
হইতে সম্রাট রাজ্য করিতে ছিলেন,  
রাজকে দেব-ভাবাপন্ন বিশ্বাস করিয়া  
অসীম মাগ্ন দান করা হইত। কিন্তু  
কালক্রমে সেই চীন সাম্রাজ্য ভাঙ্গিয়া  
গেল, সেই প্রাচীন দেশে এক নূতন  
শাসন প্রণালী স্থাপিত হইল। প্রজাতন্ত্র  
শাসন প্রণালী স্থাপিত হইয়া এখন ক্রমে  
ক্রমে পৃথিবীর সকল মহাশক্তি কর্তৃক  
স্বীকৃত হইতেছে। সন্থেটন প্রাত-  
নিধি সভার সভাপতি হইয়া রাজ্য শাসন  
করিতেছেন, আশা হয় চীন এখন নূতন  
ভাবে শান্তি ও উন্নতি লাভ করিবেন।

ইউরোপের যুদ্ধ যদিও আজও শেষ হয়  
নাই, কিন্তু মনে হয় এখন কামান দ্বারা  
পরস্পরের প্রাণ নাশের কার্য শেষ  
হইয়াছে এবং রাজনীতিজ্ঞ গণের যুক্তি,  
ভয়প্রদর্শন ও পক্ষের বল বিচার দ্বারা  
ক্রমে শান্তি স্থাপিত হইবে। শান্তির  
দেবতা পৃথিবীতে কিছু কাল রাজত্ব  
করিলেই সকল জাত উদার প্রেমিক  
লোক বুঝিতে পারিবেন যে ভ্রাতার সহিত  
ভ্রাতার শান্তি স্থাপন সকল মঙ্গলের  
নিদান, তখন আর কেহ স্বার্থক হইয়া  
পৃথিবীতে অশান্তি আনয়ন করিতে সাহসী  
হইবেন না।

ঢাকা মহিলা সমিতি :—এই সমিতিটী  
বহুকাল জীবন্ত অবস্থায় ছিল। সম্রাট  
নূতন সম্পাদিকা শ্রমতি স্বর্গলতা বহু  
মহোদয়ার যত্নে ইহার নবজীবন সঞ্চার  
হইয়াছে। কলিকাতা মহিলা পরিষদের  
অনুকরণে এখানেও প্রয়োজনীয় শিক্ষাপ্রদ  
বিষয়ে অভিজ্ঞদের দ্বারা বক্তৃতা দেও-  
য়াহবার প্রথা প্রচলিত হইয়াছে; ইহা  
খুবই সুখের কথা। কিন্তু সামতি আরো  
কিছু কষ্টভার গ্রহণ করিলে ভাল হয়।  
ঢাকার একটি অনাথাশ্রম আছে, একটি  
বিধবাশ্রম আছে; মহিলা সমিতির  
মাহলাগণ এই দুইটি শ্রমশ্রমের অনেক  
সাহায্য করিতে পারেন। শিক্ষিতা মহিলা-  
গণ যদি মধ্যাহ্নে একদিন কারয়া এক  
একটি আশ্রমের জগৎ কিছু সময় দিতে  
পারেন তবে বোধহয় আশ্রম দুইটির  
অনেক উপকার হইতে পারে। কোন  
শিক্ষিতা মহিলা একখানা নূতন ভাগ বই  
পাড়রা ব্যখ্যা করিলেও উপকার হয়।  
অতএব আমাদের অনুরোধ, সমিতির  
মাহলাগণ হাতে-কলমে কিছু কাজ আরম্ভ  
করুন। দেখিবেন, শক্তি খুলিবে, পরেরও  
উপকার হইবে নিজের উন্নতি হইবে।

(ভারতমহিলা)



## মাসিক পত্রিকা।

“যত্র নারীশ্চৈব দুঃখান্তে বসন্তে তত্র হিরণ্যঃ।”

১১শ ভাগ। জ্যৈষ্ঠ, ১৩২০। জুন, ১৯১৩। [ ১১শ সংখ্যা। ]

### প্রার্থনা।

হে অদ্ভুতকর্মা পরমদেবতা, তুমি  
পৃথিবীকে কত সমুদ্র পর্বত নদী বন  
সকল শ্রেষ্ঠ শ্রেষ্ঠ প্রভৃতি বিচিত্র মহত্ত্ব,  
গাম্ভীর্য ও সৌন্দর্যপূর্ণ বস্তুরা সজ্জিত  
করিয়াছ। ইহার এক একটি বস্তুর তিতরে  
তোমার কত জ্ঞান, প্রেম ও সৌন্দর্যের  
শ্রী রহিয়াছে তাহা উপলব্ধি করিয়া  
ভাবকের মম ভাবরসে বিগলিত হইয়া  
থায়। এই পৃথিবীতে তোমার সন্তান নর-  
নারী বাস করিয়া ও ইহার উপর তোমার  
প্রদত্ত শক্তি সকল প্রয়োগ করিয়া ইহার  
সৌন্দর্য সৌষ্ঠব বৃদ্ধি করিয়াছেন ও  
আপনাদিগের পার্থিব জীবনের কত আরাম  
শান্তির ব্যবস্থা করিয়াছেন, ইহা দর্শন  
করিয়া তোমার জড়হৃষ্টির ও মানবহৃষ্টির  
মহত্ত্ব উপলব্ধি করিয়া জ্ঞানী বিশ্বাসী কত  
বিমল আনন্দ লাভ করেন। এই প্রাণহীন  
জ্ঞানহীন পৃথিবীতে বাস করিয়া এই

হৃৎকল মোহমুক্ত নরনারীগণ তোমার কৃপায়  
কি উচ্চ জ্ঞান প্রেম পুণ্য শান্তি আনন্দময়  
নিত্য সত্য জগতের আনন্দন লাভ করিয়া  
কৃতকৃতার্থ ও ধন্ত হন, তাহা দর্শন করিয়া  
বিশ্বাসী ভক্ত-হৃদয় ভাবে প্রেমে বিগলিত  
হইয়া তোমাতে আগ্রসমর্পণ করে ও  
তোমার মঙ্গলচ্ছা পূর্ণ করিতে জীবনকে  
উৎসর্গ করে। তাই তোমার শ্রীপাদপদ্মে  
প্রার্থনা করি, তুমি যদি এত অলৌকিক  
লীলা করিয়া নরনারীকে বিশ্বাসী ভক্ত  
করিয়া স্বর্গধামে লইয়া যাইতে বিধি স্থাপন  
করিয়াছ, তবে দেবতা, বঙ্গনারীকে আশী-  
র্বাদ কর, ভারতনারীকে আশীর্বাদ কর,  
তাঁহারা যেন আর সামান্য অনবস্ত্রে তৃপ্ত  
হইয়া না থাকেন, তাঁহারা যেন কেবল  
গার্হস্থ্য কর্তব্যে আপনাদিগকে ডুবাইয়া না  
রাখেন, যেন তাঁহারা পৃথিবীতে, নরনারীর  
জীবনে ও স্বর্গীয় আলোকে তোমার প্রকাশ  
দর্শন করিয়া ভাবে প্রেমে মত্ত হইয়া  
তোমার সচ্চিদানন্দধন-রূপসাগরে নিম-

জিত হইয়া অমৃত পান করিতে পারেন, হইতেই সকল জড়বস্তুর গঠন হয়।  
তুমি এই আশীর্বাদ কর।

### আকর্ষণ বা প্রেম ।

আমরা যে পৃথিবীতে বাস করি ইহার বিষয় স্বভাবতই আমাদের জানিতে ইচ্ছা হয়। অতি প্রাচীনকাল হইতে পৃথিবী ও ইহার অন্তর্গত ঘন, তরল ও বাষ্পীয় পদার্থ সকলের বিষয় জ্ঞানলাভ করিতে মনুষ্য যত্নবান আছেন। মহা মহা পণ্ডিতগণ ইহার আলোচনা করিতে নিযুক্ত আছেন। সাধারণ ভাবে ইহাকে জড়তত্ত্ব আলোচনা বলে। বস্তুর গুণ ও রাসায়নিক ক্রিয়া সকল অথবা জড়বস্তুর সংযোগ বিয়োগের নিয়ম ও ফলাফল বিচার করা এই সকল শাস্ত্রের উদ্দেশ্য। পণ্ডিতগণ এই বিদ্যা দ্বারা জড়পদার্থ সকলের আদিম অবস্থা নির্ণয় করিতে চেষ্টা করিয়া থাকেন। প্রাচীনকালে এদেশের পণ্ডিতগণ ক্ষিতি, অপ, তেজ, মরুৎ ও ব্যোম পাঁচটিকে মূল উপাদান বলিতেন, এদেশের শাস্ত্রেও প্রচলিত ভাষায় এখনও এই পাঁচটিই সকল জড়বস্তু গঠনের উপাদানরূপে গৃহীত হয়। কিন্তু ইউরোপীয় পণ্ডিতগণ যাট সত্তেরটি মূলবস্তু আবিষ্কার করিয়াছেন। তাহারা বিশ্বাস করেন যে, আরও অনেক মৌলিক পদার্থ আছে যাহা এখনও আবিষ্কার করা হয় নাই। রাসায়নিক পণ্ডিতগণ বলেন, মূলবস্তু পাঁচটি, কি সত্তেরটি বা অধিক-সংখ্যক হইতে পারে, কিন্তু সকল বস্তুই পরমাণু সকল দ্বারা গঠিত, এক পরমাণু

এতদিন পর্যন্ত পণ্ডিতগণ বিশ্বাস করিয়া আসিয়াছেন যে, পরমাণুই স্থপতির আদি উপকরণ; তাহারা অসংখ্যকটি মিশিয়া যে ক্ষুদ্র সমষ্টি হয়, তাহা দ্বারা সমস্ত বস্তু গঠিত হয়। কিন্তু এক পরমাণু অথবা পরমাণুর সহিত কেন মিলিত হয় তাহা কেহ বলিতে পারেন না, বৃহৎ জড়বস্তু ক্ষুদ্র বস্তুকে আকর্ষণ করিয়া লয়, এ নিয়ম এখানে খাটে না; কারণ সকল পরমাণুই প্রায় সমান কতকগুলি পরমাণু মিলিয়া এক একটি সমষ্টি প্রস্তুত করে ইহা প্রমাণ হইল, কিন্তু ইহার কারণ কেহ জানে না, কোন্ অপরিচিত আকর্ষণে ইহা ষড়িয়া থাকে। তাহার পর যতরূপ ক্ষুদ্র, বৃহৎ, কঠিন, তরল, বাষ্পীয় বস্তু গঠিত হইতে লাগিল তাহাদিগের পরস্পর মিলিত হইবার নিয়ম কিছু কিছু জানা হইয়াছে, কিন্তু তাহারও কোন কারণ নির্দেশ করা যাইতে পারে না। এক জাতীয় পরমাণু সমষ্টি সকল একত্র মিলিত হইয়া একটি বিশেষ বস্তু রচনা করিল, তাহার পর রাসায়নিক, বা জড়ীয় অথবা সকল পরিবর্তনের নিয়ম জানিতে পারা গেল। বস্তু সকল যত বৃহৎ হইতে থাকে ততই তাহাদিগের বিষয় বিশেষ বিশেষ জ্ঞান জন্মে, কিন্তু গভীর ভাবে চিন্তা করিলে স্বীকার করিতে হয় যে আমরা যেমন আদি পরমাণু সকলের ক্ষুদ্রতম সমষ্টি হইবার কোন কারণ নির্দেশ করিতে পারি না, তেমনই পরে যে সকল নিয়ম জানিতে পারিয়াছি তাহার বিষয়ও আমরা মূল সত্য কিছু জানি না,

কেবল কতকগুলি পরিবর্তন দেখিতে পাই; এজন্য স্বীকার করিতে হয় যে, পরমাণু হইতে আরম্ভ করিয়া জড়রাজ্যে যতকিছু ব্যাপার সংঘটিত হয় তাহার মূলে একটা আকর্ষণ কার্য্য করিতেছে তাহাকে জড়ের আকর্ষণ বলে, কিন্তু প্রেমের আকর্ষণ বলিলে ক্ষতি নাই। পরমাণুর সহিত পরমাণুর মিলনের ভাব, শক্তি বা স্বভাবের নাম আকর্ষণ, ইহা প্রেম বই আর কি?

গত কয়েক বৎসর মধ্যে জড়তত্ত্ব পণ্ডিতগণ যে যুগপ্রসঙ্গ অন্বেষণ করিতেছেন, তাহাতে প্রমাণ হইয়াছে যে, পরমাণুই স্থপতির ক্ষুদ্রতম অংশ নহে—ম্যাডাম কুরী রেডিয়াম নামক অভিনব দাতুর আবিষ্কার করিয়া দেখাইয়াছেন যে, পূর্বে পরমাণুকে জড়পদার্থের কঠিন ক্ষুদ্রতম অংশ মনে করা হইত, কিন্তু তাহা সত্য নহে। বৈজ্ঞানিক বা অল্প শক্তি প্রয়োগে পরমাণু চূর্ণ হইয়া যায়, তাহাতে তাহার অংশ সকলকে ইয়ন বলা হইতেছে। কেহ কেহ ইহা-দিগকে ইলেকট্রন বা তড়িৎবিদ্যু বলিতে-ছেন, এই সকল অতি ক্ষুদ্র অংশ নিরায় কি কারণে মিলিত হইয়া পরমাণু গঠন করে তাহা কিন্তু কেহ বলিতে পারেন না। পুনরায় তাঁহাদিগকে স্বীকার করিতে হয় যে, পরমাণু গুলিকে চূর্ণ করিলে তাহারা পুনরায় কোন অজানিত আকর্ষণে বা ভালবাসার প্রভাবে মিলিত হইয়া পুনরায় পরমাণু গঠন করে ও যথাক্রমে ক্ষুদ্র বৃহৎ সকল জড়বস্তু রচনা করে। যে পদার্থ-বিজ্ঞানবিদ পণ্ডিত এই অহেতুকী মিলন-প্রবৃত্তিকে মাগ্ন করিতে শিখিলেন না, তিনি

কখন পদার্থের প্রকৃত স্বরূপ জানিতে পারিবেন না। বায়ু-সমুদ্র, জল-সমুদ্র, স্বর্ণ রৌপ্য পারদ লবণ প্রভৃতি বিশেষ বিশেষ বস্তু এই মিলন স্বভাব হইতে গঠিত হইয়াছে। যদি জলবিদ্যু জলবিদ্যুর সহিত মিলিত না হইত, ভূস্তরে স্বর্গবিদ্যু অপস্বর্ণবিদ্যুর সহিত মিলিত না হইত, কোন বস্তুই পৃথকত্ব লাভ করিত না। তাহা হইলে এই সুন্দর স্থপতির কি অবস্থা হইত, কে ভাবিতে পারে?

যাহা প্রাণহীন, জ্ঞানহীন, জড়, তাহা যে একটি আকর্ষণের দ্বারা বা মিলন-ধর্ম দ্বারা নিয়মিত হইতেছে, তাহা স্বীকার করিতে হয়। অপস্বর্ণ উদ্ভিদ রাজ্যের বিষয় আলোচনা করিলে দেখা যায় যে, ইহারাও পরস্পরের প্রতি আকৃষ্ট হয়, তাহারা এক দিকে আপন আপন পৃথকত্ব রক্ষা করিতে যত্নশীল, অথচ এক অণুর সঙ্গ না পাইলে ফসলান হয় না, ক্ষুধা পায় না। পণ্ডিতগণ যে কারণ নির্দেশ করিয়া ব্যাখ্যা করিতে ইচ্ছা করেন তাহা করুন, কিন্তু বৃক্ষগণ স্থপতির নিয়মে পরস্পরের সহিত মিলিত হয়। নিয়ন্ত্রণের জীবগণের মধ্যেও এই আকর্ষণ সর্বত্র লক্ষিত হয়, কিন্তু উচ্চশ্রেণীর জীব জন্তুর মধ্যে এই আকর্ষণের কার্য্য এত সুস্পষ্ট যে তাহাকে প্রেম না বলিয়া পারা যায় না। মাঠে ৩০৪টা বাছুর ঘাস খাইতেছে, কি এক আকর্ষণে তাহারা পরস্পরের নিকটস্থ হইল, এক পংক্তিবদ্ধ হইয়া তৃণ ভক্ষণ করিতে লাগিল, পরে হয়ত এক বৎস অপরের গাত্র-লেহন করিতে লাগিল। দুইটি বগদ সমস্ত দিন গাড়ী

টানিয়া যখন বিশ্বাসের অবসর পাইল তখন এক অস্ত্রের গা চাটিতে লাগিল, তাহাদের এ ভালবাসা কোথা হইতে আসিল? এখানে স্বার্থের গন্ধ বিদূমাত্র নাই, নিরাকার প্রেম জন বাতাস বৃক্ষ লতা তরুশূন্য কীটপতঙ্গ জীবজন্তু সকলকে শাসন করিল, সকলের শেষে মানুষ পৃথিবীতে উপস্থিত হইলেন। আমরা সাধারণত দেখিতে পাই, মানুষ অত্যন্ত স্বার্থপর জীব, আপনার সুখ সুবিধার জ্ঞান কয়েকজনকে মাত্র ভালবাসে, তাহা ব্যতীত সকলকেই পরভাবে, ভালবাসে না। কিন্তু একটু তলাইয়া দেখিলেই আমরা বুঝিতে পারি যে, মানুষ আপনার বলিয়া অর্থাৎ স্বার্থের নিয়মে যে কয়েকজনকে ভালবাসে তাহা একটা সাময়িক ও বাহিরের ব্যাপার, প্রকৃতপক্ষে পরস্পরের প্রতি আকৃষ্ট হওয়া বা পরস্পরকে ভালবাসাই মানুষের স্বভাব। বিস্তৃত জন সমাজের প্রতি সাবধানে দৃষ্টিপাত করিলে আমরা দেখিতে পাই যে, এক প্রেমের বন্ধনে সমস্ত নরনারী বাঁধা পড়িয়া রহিয়াছে। সমাজের এক অঙ্গের সহিত অপর অঙ্গের, এক ব্যক্তির সহিত অত্র ব্যক্তির সম্বন্ধ একমাত্র প্রেমের সম্বন্ধ। যদি একজনকে ধরিয়া টান, যদি সামান্য এক জনের প্রতি অগ্রাঘ বা অপ্রেমের ব্যবহার কর তাহা হইলেই দেখিবে সমস্ত সমাজ বিক্ষোভিত হইয়াছে, সকল অঙ্গকে আঘাত করা হইয়াছে—শত সহস্র ব্যক্তি প্রতিবাদ করিতেছে—তোমাকে দণ্ড দিতে উদ্যত হইয়াছে। কলিকাতার স্থায় বহুজনাকীর্ণ

নগরের সকল লোকই ভয়ানক স্বার্থপর, সকলেই আপনাকে লইয়া ব্যস্ত, পার্শ্বের বাড়ীর লোকের সংবাদ রাখে না, নতুন লোকের নিকট মহানগর একটি মহা অরণ্য বিশেষ, অথচ এই মহানগরের রাজপথের বিমিশ্র জনস্রোতের মধ্যে যদি একজন মুছা প্রাপ্ত হয়, কোন দুর্ঘটনায় আহত হয়, অমনই স্বদেশী বিদেশী সকল দ্রুতয়ে প্রেম জাগিয়া উঠে, জ্ঞাতসারে অজ্ঞাতসারে মানুষ প্রেমের অধীন হইয়া কার্য করিতে প্রবৃত্ত হয়। শতবার সহস্রবার একরূপ দৃশ্য দেখিয়া কে বলিবে যে, মহানগরের লোকগুলি মহা স্বার্থপর। সত্য কথা এই যে রাজপথে সহস্র সহস্র লোক প্রেমের শাসনে ব্যস্ত হইয়া ইতস্ততঃ ধাবিত হইতেছে, অথচ সেই মহা জনস্রোতের প্রত্যেক ব্যক্তি অপর সকলের সহিত অপরিলক্ষিত প্রেমে আবদ্ধ হইয়া রহিয়াছে।

মানবসমাজে প্রেমের শাসনের বিষয় যতই চিন্তা করা যায় ততই দেখিতে পাওয়া যে, সমাজ প্রেমেই রচিত, প্রেম দ্বারাই পরিচালিত। যেমন মৎস্যগণ জলে বাস করে, মানুষ বায়ুসাগরে বাস করে—অত্র বাস করিতে পারে না, তেমনই সমস্ত নরনারী প্রেমে বাস করে—অপ্রেমে বাস করিতে পারে না। মানুষের সহিত মানুষের কি গুঢ় গভীর সম্বন্ধ তাহা ধারণ করা কঠিন! কি এক রহস্য ইহার ভিতরে আছে, আমরা তাহা ভেদ করিতে পারি না। কোন জনশূন্য স্থানে একাকী ভ্রমণ করিতে করিতে অনেক হৃন্দর হৃন্দর বস্তু দেখিতেছি,

জড়পূর্ণ বস্তু দেখিয়া চমৎকৃত হইতেছি। নানারূপ জীবজন্তু দেখিয়া প্রীত বা ভীত হইতেছি, পুষ্পের গন্ধে আনন্দিত হইতেছি, সুস্বাদু ফল ভক্ষণ করিয়া তৃপ্ত হইতেছি, নদী বন পর্বত প্রভৃতির গাভীর্ষ্যপূর্ণ সৌন্দর্য্য দেখিয়া মুগ্ধ হইতেছি, প্রকৃতির বিবিধ ভাবের প্রকাশে মন প্রাণ দুবিয়া যাইতেছে। এই সময়ে হঠাৎ একটি মানুষ দেখিতে পাইলাম, আর সমস্ত প্রকৃতি ত্যাগ করিয়া আমার চক্ষু, মন, চিন্তা ভাব অত্র সকল আকর্ষণের বস্তু ত্যাগ করিয়া সেই মানুষের দিকে ধাবিত হইল। যখন মানুষ মানুষকে দেখিল, চারি চক্ষুর মিলন হইল, তখন সমস্ত সৃষ্টি পশ্চাতে পড়িয়া রহিল—মন আপনার মত আর একজনকে পাইয়া তাহার সহিত মিলিত হইতে ব্যস্ত হইল—ইহা কিসের টান? ইহা পরিবারের ভালবাসার বা স্বার্থের টান, নহে—ইহার অত্র নাম না দেওয়াই ভাল, ইহা একপ্রকারের আকর্ষণ। এক পরমাণু অপর পরমাণুকে যে অজানিত আকর্ষণে আকৃষ্ট করে, ইহা সেই জাতীয় আকর্ষণ। ইহা হইতে পারে যে, নির্জন স্থানে এক জন মানুষ অত্র একজন মানুষকে দেখিলে তাহাকে শত্রু মনে করিতে পারে, তাহার প্রাণ বধের চেষ্টা করিতে পারে বা তাহার সহিত বন্ধুতা করিয়া কোন কার্যোদ্ধারের চেষ্টা করিতে পারে, তাহা বুদ্ধিবিচারের কথা, পরের কথা, তাহা ভাবিবার প্রয়োজন নাই; কিন্তু মানুষের প্রতি মানুষের যে গভীর প্রেমের টান বা আকর্ষণ, তাহা প্রমাণিত হইল।

বর্তমান সময় রেলগাড়ী, তাড়িতচালিত যন্ত্রসকল, বাষ্পীয় পোত প্রভৃতি আমাদিগের নানারূপ সেবা করিতেছে, দিন দিন আরও কত শক্তির আবিষ্কার হইবে, কত যন্ত্র নির্মাণ হইবে যাহা দ্বারা আমাদিগের সুখ সুবিধা আরও কত বৃদ্ধি হইবে, আমরা আশা করিতেছি। আমরা জানি যে এ সমস্ত শক্তি চিরদিনই এই পুরাতন পৃথিবীতে ছিল—মানুষের জ্ঞানের বিকাশ হয় নাই বলিয়া এত দিন আমরা সে সকল ব্যবহার করিতে পারি নাই, কত কষ্ট অসুবিধা ভোগ করিয়াছি। সেইরূপ এই প্রাচীন মানবহৃদয়ে চিরদিন এক অশেষ প্রেমের ঝনি রহিয়াছে। কিন্তু মানুষ দেখিতে পায় নাই, আবিষ্কার করিতে পারে নাই, যন্ত্র নির্মাণ করিতে পারে নাই, তাই এত অপ্রেমের দুঃখ সহ্য করিয়াছে। আদিম কালে মানুষ এই প্রেমের বিস্তৃত ভাব একেবারেই বুঝিতে পারে নাই বলিয়া প্রত্যেকেই অত্যন্ত স্বার্থপর ছিল। কিন্তু ক্রমে পরিচিত মানুষকে—প্রতিবাসিগণকে ভাল বাসিতে শিখিল, অপরিচিত বা বিদেশী মানুষকে শত্রু মনে করিয়া ক্রমে ক্রমে প্রেম প্রসারিত হইতে লাগিল, সমাজের মধ্যে ঘাঁহারা উন্নতমনা হইলেন, ঘাঁহারা ধর্ম্মভাবে অগ্রসর হইলেন, তাঁহারা প্রেমের প্রশংসা করিতে লাগিলেন। সত্যই ধর্ম্মনেতৃগণ ভবিষ্যদ্বক্তা হন। ভবিষ্যতে যে প্রেমের রাজ্য হইবে—তাহা তাঁহারা দেখিয়াছিলেন। যিশুখ্রীষ্ট বলিলেন, ঈশ্বরকে ও মানুষকে সমস্ত মন প্রাণ দিয়া ভালবাসা, ইহা স্বর্গলাভের এক-

মাত্র পথ। শাক্যসিংহ দৃষ্টান্ত দ্বারা শিক্ষা দিলেন, অহঙ্কার বিনাশ করিয়া শুদ্ধ মৈত্রীতে জীবন ধারণ কর—চৈতন্য জগতের পেমের মত হইয়া সন্ন্যাস গ্রহণ করিলেন, যেন সকল নরনারীকে ভক্তি দিয়া রক্ষা করিতে পারেন। অর্থাৎ বিষয়ে ধর্মের ভেদাভেদ আছে, কিন্তু স্বর্গরাজ্য প্রেমরাজ্য, প্রেমই সার ও সত্য ধর্ম এই বিষয়ে কোন ধর্মের ভিন্ন মত নাই। কিন্তু ধর্ম চিরদিনই পৃথিবীর সাধারণ লোকের নিকট অনাদৃত, ধর্মাচার্যগণ যাহা বলেন, ধর্মশাস্ত্র যে সকল উপদেশ দেন, তাহা অনুসারে কার্য করিলে সংসার চলে না, অর্থ বিস্তৃত বৃদ্ধি হয় না, এ সংসার চিরদিনই আছে। এজন্ত ধর্ম যেন একঘরে হইয়া সংসারে বাস করেন।

প্রেম যে একমাত্র জীবনোপায়, এ কথা আর এখন কেবল ধর্মশাস্ত্রের বিধি নয়—বর্তমান সময়ের সূচতুর বণিকগণ ও শিল্পীগণ অতি উত্তমরূপে দেখিতে পাইয়াছেন যে, মানুষ মানুষকে বন্ধুরূপে বা ভ্রাতারূপে গ্রহণ করিলেই উভয় পক্ষের লাভ হয়, পর বা শত্রুভাবে গ্রহণ করিলে উভয়েরই ক্ষতি! তাহার শিল্পকার্য বা ব্যবসা বাণিজ্য করিয়া লাভবান হইতে ইচ্ছা করেন, তাহাদিগের পক্ষে প্রেমের রাজ্য স্থাপন হওয়া একান্ত প্রয়োজন হইয়াছে। ফলে এই কারণে এখন যুদ্ধ কম হইয়া আসিয়াছে এবং অদূর ভবিষ্যতে আরও কম হইবে। এ বিষয়ে বণিকদিগের কথাও তেমন মাথ না হইতে পারে, কারণ তাঁহারা অতুল ভাগ বাসিয়া

আপনারা ধনী হইতে ইচ্ছা করেন। আজ কাল যে সকল ব্যক্তি শিক্ষাতে, মনের উন্নতিতে ও জীবনের উচ্চ আদর্শের জন্ত সকল চিন্তাশীল মনঃ লোকের সম্মানের পাত্র হইয়াছেন, সেই সকল বিশ্বজনীন সমতাবাদী সামাজিক ব্যক্তিগণ ধর্মের চিরদিনের সার শিক্ষার সহিত একতাবাণী হইয়া বলিতেছেন, সকল প্রকার প্রকৃত উন্নতির ও মৃত্যুর জন্ত বিশ্বজনীন ভ্রাতৃত্ব একমাত্র পথ। পৃথিবীতে প্রেমরাজ্য সমাগত করা ভিন্ন মানুষের অর্থ কৰ্তব্য নাই। একজনকেও দুঃখে রাখিয়া কেহ স্বর্গে যাইতে পারিবে না। এতদিনে পৃথিবীর বিভিন্নপথের স্বর্গযাত্রীগণের উন্নত শ্রেণীর ব্যক্তিগণ এই ধ্রুব সত্য বুঝিতে পারিয়াছেন যে, পরস্পরের ভালবাসাই পৃথিবীতে জীবনধারণ করিবার পক্ষে ও স্বর্গে প্রবেশ লাভের পক্ষে একমাত্র পথ।

পরমাণু পরমাণুর সহিত কেন মিলিত হইল তাহা পরমাণুগণ জানে না, জলবিন্দু জলবিন্দুর সহিত কেন মিলিত হইল তাহা তাহারা জানে না, পশুগণ পশুগণের সহিত কেন মিলিত হইল তাহা তাহারা জানে না, মানুষ যখন প্রথম মানুষের সহিত মিলিত হইয়াছিল তখন মানুষও জানিয়া বুঝিয়া মিলে নাই, কি এক আকর্ষণে মিলিয়াছিল; ক্রমে জগতে ধার্মিক লোক আসিলেন, প্রেমরাজ্যের পূর্বাভাসের কথা বলিলেন। স্বার্থপর বণিক নিঃস্বার্থ প্রেমে মিলিত হইতে বলিলেন, শেষে বিশ্বভ্রাতৃত্বমণ্ডলীর প্রচারক নব উৎসাহে প্রেমরাজ্যের কথা জগৎকে বলিতেছেন। নবরূপে প্রাচীন

শুদ্ধ বিধি, বসমান মহোচ্চ জ্ঞান ও জীবিত জাতীয় দেবতার প্রত্যাদেশ বলিতেছে— প্রেমই সার, প্রেমই মোক্ষ, স্বর্গের প্রেম-স্বরূপ। ইহাকে আর জড়রাজ্যের ভাষাতে আকর্ষণ বলিও না, বল সকলের অন্তরে অপর সকলের জন্ত প্রেম রহিয়াছে অর্থাৎ প্রেমময় দেবতা প্রত্যেকের অন্তরে বাসিয়া সকলকে প্রেম করিতেছেন, তাঁহার উদ্ভিতে সকলের সহিত শুদ্ধ প্রেমে মিলিত হইয়া পৃথিবীতে স্বর্গরাজ্য আসিতে দেও।

### বিধবা বালার দুঃখ গাথা।

একি কাজ, বিধবাজ, তোমার কি কাজে ?  
জ্ঞানবান, তব নাম, চরাচর মাঝে।  
লোকে কয়, দয়াময়, শোক দুঃখহারী ;  
হরি দুঃখ, দাও দুঃখ, ভবের কাণ্ডারী।  
তবে কেন, অমা হেন, দুঃখিনী বালার,  
এ ধরায়, পুত্র হয়, এক ধন সার,  
যার তরে, ছিনু প'ড়ে, মরমে মরিয়া,  
কোন্ প্রাণে, সেই ধনে, লইলে হরিয়া ?  
অতি দীনা, পতিহীনা, করেছ আমার,  
তাও আমি, অন্তর্ধ্যামী, সয়েছি সে স্বায় ;  
শুধু তার, মনোহর, মুখপানে চেয়ে,  
রেখেছিলু ক্ষীণতনু, দুঃখ জ্বালা সয়ে।  
পরমেশ, তাও শেষ, করিলে আমার,  
এ ধরায়, কিছু হয়, রাখিলে না আর।  
কিবা দুঃখ, দিয়ে দুঃখ অমা হেন জনে ?  
জগতের দুঃখভার আমার ক্রন্দনে  
বাড়াইলে, হরে নিলে আমার সকল,  
কেন তবে মোরে তবে রাখিলে কেবল।

(কোন্)

পূণ্যবলে, দিয়েছিলে, এ হেন সংসারে,  
কোন্ পাপে, পরিতাপে, ভাসালে আমারে ?  
যদি দুঃখ ভরি বুক দিলেগো আনিয়া,  
যদি মের ভরি গেহ দিলেগো চালিয়া,  
তবে কেন নিলে পুনঃ কাড়ি সে সকল ?  
শুধু মোরে আঁখিনীরে ভাসাতে কেবল।  
কার হয়, কার যার, আমার মতন  
কেবা হাঁসে, কেবা ভাসে, হারিয়ে রতন ॥  
শ্রীহিন্দুপ্রভা দেবী।

খগোল।

### নবযুগে মহর্ষির তিনটী বিশেষ

দান।\*

প্রতিভাসম্পন্ন ব্রহ্মভক্তের জীবন দিগন্ত-প্রসারিত অতল পার্শ্ব জলবিসদৃশ। কেহ উহার বিশলতার মুঠ, কেহবা উহার গাভীরো বিমোহিত, অপর কেহবা উহার অন্তর্নিহিত ধনসম্পদের জন্ত লালায়িত। ব্রহ্মনিষ্ঠ মহর্ষি দেবেন্দ্রনাথের জীবন আধ্যাত্মিক সম্পদের এইরূপ একটী অতল পার্শ্ব সমুদ্র বিশেষ। তাঁহার জীবনের পূর্কার হইতে এ পর্যন্ত কত লোক কত ভাবে তাঁহার আধ্যাত্মিক জীবন আলোচনা করিয়াছে, কিন্তু এখনও কত অজানিত সাধনতত্ত্ব, কত অপরিজ্ঞাত ধর্মনিষ্ঠা লোক চক্ষুর অন্তরালে রহিয়া গিয়াছে। বহুবার এই মহাজীবন এই পত্রিকায় আলোচিত হইয়া থাকিলেও,

\* ৬ই মাঘ মহর্ষির স্বর্গারোহণ উপলক্ষে হাজারিবাগ ব্রাহ্মসমাজে বিবৃত।

সাহসে তা করিয়া এ যুগে তাহার তিনটী বিশেষ দান সম্পর্কে আজ হু একটী কথা মহিলার পাঠিকাদিগকে উপহার দিতে সাহসিক হইতেছি।

মহর্ষির অসাধারণ সত্যনিষ্ঠা, তাঁহার ব্রহ্মজ্ঞান, ব্রহ্মধ্যান ও ব্রহ্মানন্দ রসপানের জলন্ত দৃষ্টিভঙ্গি নবযুগের বিশেষ প্রদীপকর্ষণ করিয়াছে, এবং এই প্রদীপ হইতে জাতীয় জীবনে সুফল ফলিবে সন্দেহ নাই, কিন্তু আজ এ প্রবন্ধে সে সব বিষয় কিছু বলিতে চাই না, যে তিনটী বিশেষ দানের জন্ত আমার মনে হয় তাহার নাম চিরস্মরণীয় থাকিবে, আজ সে বিষয়েই অতি সংক্ষেপে দুই একটী কথা বলিতে প্রয়াস পাঠিতেছি।

১। আমার মনে হয় ধর্মজগতে মহর্ষির সর্বপ্রধান দান এই যে, তিনি বহুকাল পরে ভারতে ধর্মকে ব্রহ্মাভিমুখী করিয়াছেন। সকল খাঁটি ধর্মই ব্রহ্মাভিমুখী বা ব্রহ্মকেন্দ্রীয় God-centred সন্দেহ নাই, কিন্তু আমরা এদেশের ধর্মের ইতিহাস একই মনোযোগের সহিত পাঠ করিলেই দেখিতে পাই, বহুকাল এদেশে ধর্মের নামে অধর্ম বা কুধর্ম রাজত্ব করিতেছিল। খাঁটি ধর্মের অর্থ ব্রহ্মগতজীবন, যখনই এই জীবনপ্রাপ্ত প্রবাহিত হয়, তখনই জনসমাজ সজীব ভাব ধারণ করে এবং আধ্যাত্মিক ফল পুষ্পে সুশোভিত হয়, কালক্রমে যখন এই ধর্মপ্রাপ্ত শুখাইয়া যায় তখনই জাতি মৃতপ্রায় হয়, যুগধর্ম আসিবার পূর্বে আমাদের দশাও তাহাই হইয়াছিল। ধর্মের নামে এদেশে অনেক অধর্মাচরণ হইতেছিল। ভারতের চিরন্তন

ধন ব্রহ্মাচিনার পরিবর্তে জনসমাজ ভ্রাতৃ শাস্ত্র, ভ্রাতৃ গুরু, এবং হেয় দেশাচারের অর্চনা করিতেছিল। মানব গুরু, ধর্মশাস্ত্র ও দেশাচার ধর্মের কেন্দ্রস্থানীয় হইয়াছিল। লোকের বিশ্বাস ছিল (এখনও অনেক লোকের এ বিশ্বাস আছে) যে, ধর্মলাভ করিতে হইলেই এগুলিকে মানিয়া লইতে হইবে। রাম, কৃষ্ণ প্রভৃতি অবতার মানবাত্মার ব্রহ্মাভিমুখী গতিরোধ করিয়া দাঁড়াইয়াছিলেন। বেদ, বেদান্ত, পুরাণ প্রভৃতি ধর্মশাস্ত্রও সত্য ঈশ্বরের নিত্য বাণীর স্থান দখল করিয়া লইয়াছিল। ইহার মধ্যে বেদের প্রাধান্যই অতি প্রবল ছিল। অনেকের একরূপ বিশ্বাস ছিল বেদে আস্থাহীন ব্যক্তির হিন্দু নামে অধিকার নাই; এই বিশ্বাসের প্রসার এত বিস্তৃত ছিল যে, আমরা দেখিতে পাই, ভারতের প্রায় সকল জ্ঞানার্থীই বেদের প্রাধান্য স্বীকার করিয়া লইতেন। এমনকি নাস্তিক দার্শনিকেরাও বেদের দোহাই দিতে ছাড়িতেন না। ইহা আপনারা সকলেই জানেন, বেদ প্রকৃতপক্ষে অভ্রান্ত কিনা ইহা মীমাংসার জন্ত মহর্ষি বেদান্তবাণীশ প্রভৃতি চারিজনকে কানীতে প্রেরণ করিয়াছিলেন। মহর্ষি গভীর অধ্যয়দৃষ্টি এবং ইহাদের আলোচনার ফলে এই জানিতে পারিলেন যে, বেদ কখনও অভ্রান্ত নহে, যে দিন তিনি ইহা ঘোষণা করিলেন, ভারতে সেদিন একটী চিরস্মরণীয় দিন। ইয়োরোপে মার্টিন লুথার Reformation নামে যে ধর্মসংস্কারের সূত্রপাত করিয়াছিলেন মহর্ষির এই সংস্কারের মূল্য

তাহা হইতেও অনেক অধিক। মার্টিন লুথার রোমান ক্যাথলিক সম্প্রদায়ের মত্রে সংগ্রাম করিয়া ধর্মগুরু পোপ অধর্ম, এ মতের সত্যতা স্বীকার করিয়া একমাত্র বাইবেলই অভ্রান্ত এবং মানুষের স্বাধীনভাবে তাহার আলোচনা করিবার অধিকার আছে, এই মত প্রচার করেন। বাইবেল অভ্রান্ত মার্টিন লুথার এ মতের সক্ষীতা প্রদর্শন করিতে পারেন নাই। কিন্তু মহর্ষি অসাধারণ ধর্মপ্রতিভাবলে ভারতে বাইবেলস্থানীয় বেদের ভ্রাতৃত্ব অক্ষতোভাবে ঘোষণা করিলেন। ধর্মবিজ্ঞানশাস্ত্রে বিশেষ পারদর্শী পণ্ডিত Max Muller এই বিষয় উল্লেখ করিয়া বলিয়াছিলেন, "Such heroism is unprecedented in the history of religions" অর্থাৎ ধর্মের ইতিহাসে একরূপ বীরত্ব আর দেখা যায় নাই। সে যাহা হউক, এই দিন হইতেই ভারতের ধর্মের ইতিহাসে এক নবযুগের সূত্রপাত হইয়াছে। অনেকদিন আমার মনে হইয়াছে, মহর্ষির আবিষ্কারের সহিত জ্যোতির্বেত্তা Copernicusএর আবিষ্কারের তুলনা হইতে পারে। Copernicusএর পূর্বে লোকের ধারণা ছিল পৃথিবীই সৌরজগতের কেন্দ্রস্থানীয়, সূর্য চন্দ্র এবং গ্রহগুলি এই পৃথিবীর চতুর্দিকে ঘুরিয়া থাকে, কিন্তু Copernicus দেখাইলেন এ মত সম্পূর্ণ ভ্রান্ত, সূর্যই সৌরজগতের কেন্দ্র, পৃথিবী প্রভৃতি গ্রহগুলি উহার চতুর্দিকে ঘুরিতেছে, এবং উহার আলোকেই আলোকিত হইতেছে, একমাত্র সূর্যই সৌর জগতের সকল আলোকের

কেন্দ্রস্থানীয়। পূর্বে লোকে মনে করিত পার্থিব গুরু, শাস্ত্র প্রভৃতি নিজেদের আলোকে আলোকিত এবং তাহারই যেন কেন্দ্রস্থানীয়। কিন্তু মহর্ষি দেখাইলেন, ইহাদের সক্ষী কোনও আলোক নাই, ব্রহ্মই সকল আলোকের কেন্দ্রস্বরূপ। শত শত শাস্ত্র, মহম্মদ সহস্র গুরু তাহারই আলোকে আলোকিত হইতেছে, সর্বত্রই তাহাকেই ধরিতে হইবে। তাই মনে হয় মহর্ষিকে এ যুগে ধর্মজগতের Copernicus বলিয়া মনে করিতে পারি। নব্যভারতে ধর্মকে নরকেন্দ্রীয় (Homo-centric) হইতে ব্রহ্মকেন্দ্রীয় (Theo-centric) করা মহর্ষির একটী প্রধান কাজ।

২। ধর্মজগতে মহর্ষির দ্বিতীয় দান, তাঁহার আধ্যাত্মিক বা ধর্মপুত্র ব্রহ্মানন্দ কেশবচন্দ্র। এ কথাটা শুনিয়া অনেকেই একটু আশ্চর্যাবিত হইবেন। কিন্তু আমাদের ভাবিয়া দেখিতে হইবে, ব্রহ্মানন্দ নিজেই যখন মহর্ষিকে ধর্মপিতা বলিয়া স্বীকার করিতেন, তখন নিশ্চয়ই এ কথার কোনও স্বার্থকতা আছে। ব্রহ্মানন্দ মহর্ষির ধর্মপুত্র, ইহা বলিলে কেশবচন্দ্র আপনার অতুল ধর্মসম্পদ সকলই উত্তরাধিকারসূত্রে মহর্ষি হইতে লাভ করিয়াছিলেন এ কথা বলা হইল না; আমি ইহা দৃঢ় বিশ্বাস করি, ব্রহ্মানন্দ আপনার ধর্মরত্ন ব্রহ্ম হইতেই লাভ করিয়াছিলেন। বিধাতার বিশেষ কৃপায় জীবনের প্রথম হইতেই ব্রহ্মানন্দের জীবনে তাহার অসাধারণ ধর্মপ্রতিভার পরিচয় পাওয়া যায়, এবং কালক্রমে তাহাই পূর্ণ বিকশিত হইয়া

জনসমাজের প্রভূত কল্যাণ সাধন করিয়াছিল। কিন্তু তাঁহার সহিত মহর্ষির জীবনের যোগ এক মাহেলক্ষণে হইয়াছিল সন্দেহ নাই। বিশ্বাসে বিশ্বাস বৃদ্ধি করে, তাই কেশবের স্বেচ্ছানিহিত ধর্ম্মাধি মহর্ষির জীবনের সংস্পর্শে শতগুণ বর্দ্ধিত হইয়াছিল, ইহা আর সন্দেহ করা যায় না। এই সম্পর্কে মহম্মদের জীবনের একটী কথা মনে হইতেছে। মহম্মদের দ্বিতীয়া পত্নী খদিজা একদিন প্রথমা পত্নী আয়েসার প্রতি মহম্মদের অত্যধিক প্রেম উল্লেখ করিয়া বলিতেছিলেন, “আমি সুন্দরী, কিন্তু আয়েসা কুরূপা, তবুও তুমি আমাকে ছাড়িয়া উহাকে অত ভালবাস কেন?” মহম্মদ ইহার উত্তরে বলিলেন, “আয়েসাকে ভালবাসি কেন? যখন সমুদায় জগত আমার ধর্ম্মকে অবিশ্বাস করিত, তখন আয়েসা প্রথম-তাহাতে বিশ্বাসী হয়, তাহাকে ভালবাসিব না?” মহম্মদ অদ্য হার অবস্থায় আপনার ধর্ম্মপ্রাণা ভাব্যার বিশ্বাসে মহাবলে বলীয়ান হইয়াছিলেন। ইহাই ধর্ম্মজগতের নিয়ম। তাই বলিতে-ছিলাম, যখন সকলে ব্রহ্মকে ভুলিয়াছিল, কেশব সেই ব্রহ্মে বিশ্বাসী হইয়া যখন দেখিলেন ব্রহ্মনিষ্ঠ দেবেন্দ্রনাথ সেই বিশ্বাস বুকে ধরিয়া নবধর্ম্মের জন্ত সর্কস্ব পণ করিয়াছেন, তখন কেশবের বিশ্বাস অমিতবলে বলীয়ান হইয়াছিল এবং সেই বিশ্বাসবলেই তিনি মহর্ষির নিকট ব্রহ্মানন্দ নাম পাইয়াছিলেন। শুধু কেশবচন্দ্র কেন, ব্রাহ্মসাধারণের ব্রহ্মজ্ঞান, ব্রহ্মধ্যান যে মহর্ষির জীবনপ্রতিভার নিকট বহুল-

রূপে ধনী, ইহা আর সন্দেহ করা যায় না। মহর্ষির জলন্ত ধর্ম্মভাবে কেশবের বিশ্বাসবহু অশেষগুণে বর্দ্ধিত হইয়াছিল, এই জন্তই বুঝি ব্রহ্মানন্দ তাহাকে ধর্ম্ম-পিতা বলিয়াছিলেন।

৩। মহর্ষির প্রতিভাসম্পন্ন পুত্র রবীন্দ্রনাথ মহর্ষির নব্যভারতে তৃতীয় দার্ন। মহর্ষির অধ্যাঙ্গদৃষ্টি যে নবীন কবি-রবিকে নবভাবে উরুদ্ধ করিয়াছিল, তাহাতে কি সন্দেহ আছে? কেশবের আধ্যাত্মিকতা যেমন কবি-চিরঞ্জীবের অনুপ্রেরণার সহায় হইয়াছিল দেবেন্দ্রনাথের সুমহান ধর্ম্ম-ভাবও সেইরূপ রবীন্দ্রনাথের কবিপ্রতিভার প্রাণ। সাত্বে অনন্তের এবং হৃৎখে আনন্দের উপলক্ষি রবীন্দ্রনাথের কবিতার এই দুইটী বিশেষ ভাব। এই দুইটীই মহর্ষির জীবন হইতে রবীন্দ্রনাথে বিশেষভাবে সংক্রামিত হইয়াছিল। মহর্ষির দেবচরিত্রের ছায়াতে বর্দ্ধিত না হইলে রবীন্দ্রনাথের কবিপ্রতিভা আজ কতদূর বিকাশ প্রাপ্ত হইত কে জানে? এই শিষ্যটী বারান্তরে বিশদরূপে বলিবার ইচ্ছা রছিল। তাই আমার মনে হয়, ধর্ম্মকে ব্রহ্মকেন্দ্রীয় করিয়া এবং বর্তমান যুগের গ্রেষ্ঠ কবি কেশবচন্দ্র ও আদর্শ কবি রবীন্দ্রনাথকে বিশেষভাবে অনুপ্রাণিত করিয়া মহাযোগী দেবেন্দ্রনাথ যে নব্য-ভারতের সুমহান কল্যাণ করিয়াছেন, তাহা বলিবার অপেক্ষা রাখে না।

শ্রীধর্ম্মসিংহ ষোষ।

মিলন ।

মিলনই সংসারে স্বভাবসিদ্ধ। না

মিলিয়া কিছুই থাকিতে পারে না। প্রকৃতি সকলকে সতত মিলিতে শিখাইতেছে। ঐ দেখ! নীলাকাশে একখণ্ড মেঘ ছুটিয়া গিয়া অপর একটী মেঘের সহিত মিলিত হইল। কেন জগতে মিলনের জন্ত সকলে সদাই উৎসুক? কেন একে অন্নের সংসর্গ লাভে বঞ্চিত হইলে আপনাকে বড়ই ভারবহ ও হতভাগ্য মনে করে? ইহার প্রকৃত কারণ সুখ ব্যতীত আর কিছুই নহে। মিলনে যে এক অনির্দেয় সুখের উদয় হয় সেই সুখ সকলকে ইহার দিকে টানিয়া আনে। কিন্তু প্রকৃত মিলন যে কি মনোহর ও নয়নাভিরাম তাহা কাহাকেও বুঝাইয়া দিতে হইবে না।

ধিকৃ মানব! তোমাকে শতবার ধিকৃ! তুমি প্রকৃত মিলনের জন্ত লালসিত না হইয়া তুচ্ছ সাংসারিক মিলনে ব্যস্ত। ভগবচরণে প্রাণমন সমর্পণ করিয়া তাঁহার সহিত একত্র বাস, একত্র আলাপ কর, তবে তোমার সর্কস্বতোভাবে মঙ্গল হইবে। ইহা প্রকৃত, অকৃত্রিম ও উৎকৃষ্ট মিলন। ভগবানের চরণে প্রাণমন সমর্পণ করিয়া তাহাতেই সুখী থাকা ভিন্ন আমাদের যুক্তি কোথায়? হে পার্থক পার্থক্যপন! বল দেখি এ সংসারে করজন এই মিলন লাভের জন্ত ব্যগ্র। আমরা সাংসারিক জীব, সংসারই আমাদের লীলাক্ষেত্র; সেই নিমিত্ত আমরা এই ক্ষেত্রেই সৌম্যবন্ধ এবং ইহার মিলন লইয়াই ব্যস্ত, কিন্তু তাহা বলিয়া কি আমরা উচ্চ দৃষ্টি নিক্ষেপ করিব না? কেবলই কি ষোর ভিমিরাচ্ছন্ন কূপে আজীবন নিমজ্জিত হইয়া থাকিব?

না, তাহা কখনও হইতে পারে না। সতী যেমন পতির সহিত মিলনের জন্ত প্রাণমন বিসর্জন করে, আমাদেরও সেইরূপ ভগবানের সহিত মিলনের জন্ত জীবন বিসর্জন দিতে হইবে। জগতে এমন লোক বহু দৃষ্ট হয়, যাহারা সাংসারিক অকিঞ্চিৎকর মিলন লইয়া ব্যস্ত, কিন্তু তাহাতে কি তাঁহার এক মুহূর্তের জন্তও অকৃত্রিম ও প্রকৃত সুখ পাইয়াছেন? ভগবানের কি সুন্দর কৌশল যে, দেখিলে বিশ্বাসে আত্মহারা না হইয়া থাকা যায় না। পরম পিতা ভগবান্ জাগতিক মিলন-সাহায্যে জগতবাসীকে এই দেখাইয়া দিতেছেন যে, আধ্যাত্মিক মিলনের মত এমন মনোহর সামগ্রী আর নাই। আমরা যদি প্রকৃত ও নির্মল সুখলাভে ইচ্ছুক হই, তবে আমাদের ভগবানের চরণে শরণ লওয়া আবশ্যিক, তাঁহার নিকট নিয়ত এই প্রার্থনা করা উচিত, “হে দয়াময়! তুমি আমাকে দর্শন দাও। আমি ষোর নারকী। আমাকে তোমার কোলে টানিয়া লও। আমি তোমার সহিত মনে প্রাণে সম্মিলনে মিলিত হইতে চাই! হে প্রভো! কৃপাপূর্বক আমার এই অভিলাষ পূর্ণ করিয়া আমাকে কৃতার্থ কর।” এই-রূপ নিয়মাবলম্বন করিলে আমরা সর্কোৎকৃষ্ট মিলন লাভ করিতে পারি ও তাহা হইলে আমরা বিমলানন্দ ভোগে সক্ষম হইতে পারি।

গান্ধী ।

৩০। ৫। ১৩।

শ্রীমু—



### সুনীতিকলেজের পারিতোষিক বিতরণ ।

বিগত ১২ই এপ্রেল শনিবার পূর্বাহ্ন ৯। ঘটিকার সময় ল্যান্ডাউন হলে সুনীতিকলেজের পারিতোষিক বিতরণ খুব উৎসাহের সহিত সম্পন্ন হইয়া গিয়াছে। মহামতি লেডি কারমাইকেল স্বহস্তে বালিকাদিগকে খুব আনন্দ ও উৎসাহের সহিত পারিতোষিক দান করিয়াছেন। এতদুপলক্ষে মাননীয় মঙ্গরাণী কুচবেহারি স্বরী সি, আই, কুমারী কারমাইকেল, অনারেবল মিঃ ডিউক, কুচবেহারি স্টেটের ভাবী সুপারিন্টেণ্ডেন্ট মিঃ কলিন্স, বর্তমান সুপারিন্টেণ্ডেন্ট মিঃ ডেনটিথ এবং আরও কতকগুলি সম্ভ্রান্ত ইংরাজ ও ইংরাজ-মহিলা উপস্থিত ছিলেন। এতদ্ব্যতীত স্থানীয় দেওয়ান বাহাদুর মিঃ পি, এন ষোষ, জজ মিঃ এন্ এন্ সেন, কুমার গজেন্দ্রনারায়ণ, পুলিশবিভাগের উচ্চতম সুপারিন্টেণ্ডেন্ট, মিঃ গজেন্দ্রনারায়ণ, স্থানীয় জমিদার মিঃ এম এম বকসী, স্থানীয় কলেজের অধ্যক্ষ মিঃ জে, জি বন্দ্যোপাধ্যায় এবং কতকগুলি সম্ভ্রান্ত মহিলাও উপস্থিত থাকিয়া সকলের আনন্দ বর্দ্ধন করিয়াছেন।

এই উপলক্ষে বালিকাদিগের পক্ষ হইতে নিম্নলিখিত কবিতাটি পাঠ করা হয়।

(১)

আশার আলোক আজ উদিল আকাশে—  
“বিহার” গগনে নব অরুণ উদয়,

নবীন উৎসাহ, আশা হৃদয়ে প্রকাশে,  
বড় শুভদিন আজ আমাদের হয়।

(২)

এসেছ বিহার রাজ্যে উৎসুক হৃদয়ে  
মহোদয়া “লেডিকারমাইকেল” তুমি,  
দেখ নূপ “নূপেন্দ্রের” প্রিয় বিদ্যালয়ে,  
ভক্তি-উপহার করে দিই সবে নমি।

(৩)

বহু দিন হ’তে মোরা ছিলাম আশায়  
দেখিতে তোমারে এই বিহার প্রদেশে,  
ছিলাম যেমন মোরা তব প্রতীক্ষায়  
তেমনি এসেছ তুমি কত ভালবেসে।

(৪)

তব ভালবাসা মোরা জেনেছি সকলে,  
নও পরিচিতা শুধু বঙ্গ মহিলার,  
দূর দক্ষিণাত্যে দূর মাদ্রাজ অঞ্চলে  
এখনও সুখ্যাতি তব, মুখেতে সবার।

(৫)

সেখানে যেমন তুমি আর্ধ্য মহিলার  
উন্নতির পথ চির দিয়াছ খুলিয়া,  
সেইরূপ তুমি হেথা বঙ্গ মহিলার  
উন্নতি সাধনে আজ এসেছ ছুটিয়া।

(৬)

এখানেও দিলে তুমি উৎসাহ কতই  
জেনেছি শুনেছি মোরা—তাই শুভদিনে  
আমাদের তাই আজ আনন্দ বড়ই  
তব দীনা কণ্ঠা মোরা এসেছি এখানে।

(৭)

এসেছ ভালই তুমি—আয়ও আসিও  
দেখে যেও আমাদের এমনি করিয়া,  
দেখে যেও আমাদের—কভুনা ভুলিও,  
ধন্য হব মোরা তোমা ভক্তি, প্রদ্বা দিয়া।

(৮)

এসেছ যখন—লও প্রণতি মোদের,  
আমরা তোমার কথা রাখিব স্মরণে,  
কোমল আদর স্নেহ তব হৃদয়ের,  
দিই নমস্কার আজ তোমার চরণে।  
সুনীতিকলেজের বিবরণ।

১৯১২—১৩।

শিক্ষাপ্রণালী—বিগত চারি বৎসর হইতে সুনীতিকলেজে নূতন প্রণালী অনুসারে শিক্ষাদান চলিয়া আসিতেছে। বালিকাদিগের উপযোগী ইংরাজী ও বাঙ্গালা ভাষা এবং নানাবিধ শিল্প-শিক্ষাদানই এ প্রণালীর উদ্দেশ্য।

বালিকাগণের মধ্যে যে বালিকা প্রথম স্থান অধিকার করিয়াছে স্কুলের প্রচলিত নিয়মানুসারে তাহাকে মাসিক দুই টাকা হিসাবে দুই বৎসর বৃত্তি দেওয়া হইবে। ইহা অত্যন্ত আশাজনক যে, Anglo Vernacular Lower Primary পরীক্ষায় যে দুইটী বালিকা দ্বিতীয় ও ত্রয়োদশ স্থান অধিকার করিয়াছে, তাহাদের মধ্যে একটী আদিম কোচবিহারী ও অপরটী রাজবংশী। পরীক্ষার ফল বিগত ১৩ই জানুয়ারির কোচবিহার গেজেটে প্রকাশিত হইয়াছে।

ছাত্রীসংখ্যা—১৯১৩ সালে মার্চ মাসের ছাত্রীসংখ্যা ১৮৫। পূর্ববৎসর অপেক্ষা ১৭ জন অধিক। গড় উপস্থিতি ১৭০ জন, অর্থাৎ পূর্ববৎসর অপেক্ষা ২০ জন অধিক। এই সকল ছাত্রীদিগের মধ্যে ১৩ জন মুসলমান, অর্থাৎ পূর্ববৎসর অপেক্ষা ৪ জন অধিক, ৪ জন ব্রাহ্ম অর্থাৎ

পূর্ববৎসর অপেক্ষা একজন অধিক। ১ জন খ্রীষ্টিয়ান, ৩৭ জন রাজগণ ও কোচ-বিহারের আদিম অধিবাসী, অর্থাৎ পূর্ববৎসর অপেক্ষা ৭ জন অধিক। এই ৩৭ জনের মধ্যে ১৫টী বালিকা রাজগণ-পরিবারভুক্ত। ইহা অত্যন্ত আশাজনক যে, স্থানীয় রাজগণ-পরিবারে স্ত্রীশিক্ষার সমাদর ক্রমশঃ বৃদ্ধি হইতেছে।

মহিলা বিভাগ—উন্নত ও অধিক বয়স্ক মহিলাগণই এ বিভাগের ছাত্রী। ইহাদের সংখ্যা বর্তমানে ৪০ জন। এই বিভাগ তিন শ্রেণীতে বিভক্ত। বিদ্যালয়ের নিয়মানুসারে ইহারা সূচিকাৰ্য্য, পশম ও জরি পদ্ধতি কাৰ্য্য শিক্ষা করিতেছেন। ইহাদিগকে পুস্তকাদিও পড়াইবার ব্যবস্থা করা হইয়াছিল। কিন্তু ইহারা ইহাদের সময়ের অসম্ভাব হেতু তদনুরূপ শিক্ষায় ইচ্ছা প্রকাশ করেন না। শিক্ষয়িত্রী ইহাদের উপযোগী গার্হস্থ্য, ঐতিহাসিক ও সাধারণ বৈজ্ঞানিক তত্ত্ববিষয়ে বক্তৃতা-চ্ছলে উপদেশ দিয়া থাকেন। এই সকল মহিলাগণের মধ্যে ৫ জন রাজগণ ও ৩৫ জন আদিম ও স্থানীয় কোচবিহার পরিবার হইতে শিক্ষার্থ আসিতেছেন। অবস্থার প্রতিফলতানিবন্ধন রাজগণ ও এদেশীয় অনেক মহিলা গৃহকাৰ্য্যে ব্যাপৃত। নিয়মিত উপস্থিত হইতে পারেন না।

### মক্ষিকা মানবের শত্রু ।

লক্ষপতি হইতে কুটীরবাসী পর্য্যন্ত সকলেই সদাসর্বদা মক্ষিকার সহিত পরি-

চিত হইতেছে। যাহা কিছু পরিত্যক্ত ও মানবের পক্ষে অনিষ্টকারী, তাহাষ্ট মক্ষিকার আকর্ষণের ও বাসের উপযোগী। কেবল যে তাহার আবর্জনা ইত্যাদিতে বাস করে তাহা নহে, মানবের সঙ্গ হইতে তাহাদিগকে পৃথক্ করা হ্রহ ব্যাপার। মক্ষিকার ক্ষুদ্র কার্য ও নিরীহ ব্যবহার দর্শনে মনে করি যে, তাহার দ্বারা কোন অনিষ্ট সংসাধিত হইতে পারে না। কিন্তু মক্ষিকা সঙ্গন্ধে বিশদভাবে পর্যালোচনা করিলে, আমরা দেখিতে পাই, এই ক্ষুদ্র প্রাণীকে অবহেলা করিলেও আমাদের ভীষণ দুর্ঘটনা সম্ভবপর। মক্ষিকা-যে শত শত ব্যক্তিকে ভীষণ মারাত্মক রোগাক্রান্ত করিতেছে, তাহা অনেকেই অবগত নহেন। সামান্য মক্ষিকা মানবসমাজে কি ভীষণ ব্যাধি-বর্ধক ও জনসংক্রমের কি দারুণ শত্রু, এবিষয়ে আমরা এ প্রবন্ধে কিছু আলোচনা করিব।

একটি ক্ষুদ্র মক্ষিকা অন্যান্য ৬,৬০,০০০ জীবাণুর আবাসভূমি কাহারও কাহারও মতে একটা মক্ষিকা শতাধিক দিন এককালে প্রসব করে এবং এক ঋতুতে দ্বাদশ বংশ পূর্ণতা লাভ করিতে পারে।

উপরিলিখিত হিসাবের অনুপাতে একটা মক্ষিকা হইতে ১,০৯৬,৮১,২৪৯, ৩১০,৭২০,০০০,০০০,০০০,০০০ মক্ষিকা এক ঋতুতে উৎপন্ন হইতে পারে। ইহা চিন্তা করিলে বিস্ময়ে স্তম্ভিত হইতে হয়। ইহা অচিন্তনীয় ও অপূর্ণ, মানববুদ্ধির অবোধ্য ঘটনা।

মক্ষিক কেবল মাত্র ম্যালেরিয়া-বীজাণু

বহনকারী। কিন্তু মক্ষিকা নানা প্রকার সংক্রামক ব্যাধির বীজাণু বহন করে। আবর্জনাগম্য স্থান হইতে নানা প্রকার রোগের বীজাণু সংগ্রহ পূর্বক আমাদের খাদ্য ও পানীয় দ্রব্যাদিতে তাহা মিশ্রিত করিয়া আমাদের ক্রমসংক্রমিত হইতে পারে। মক্ষিকার দ্বারা তাহা সহজেই বোধগম্য।

কলেরা, আমাশয়, ইচ্ছাবসন্ত, শিরঃ-ক্ষোভা, কণ্ঠনালীর প্রদাহ Laryngitis, শ্বাসনালী প্রদাহ Bronchitis, যক্ষ্মা, উদরাময়, সালিগাতিক বিকায় (Typhoid fever), ডিপ্‌থিরিয়া, Anthrax Pharyngitis ইনফ্লুয়েঞ্জা, নিউ-মোনিয়া, Meningitis ইত্যাদি নানা প্রকার ব্যাধি মক্ষিকাবাহিত বীজাণু দ্বারা সংক্রামিত হয়। এই ক্ষুদ্র অথচ ভীষণ প্রাণী মক্ষিকার হস্ত হইতে রক্ষা লাভ করিতে হইলে, আমাদের ক্রমসংক্রমিত হইতে হইবে।

পাশ্চাত্যদেশীয় বিজ্ঞানবিৎ ও চিকিৎসকগণ মক্ষিকা ধ্বংস করিতে জনসাধারণকে উপদেশ দিতেছেন। বস্তুতঃ মক্ষিকা বিনাশ করিলে ঐ বহুরোগ বীজাণুবাহী ভয়ঙ্কর ক্ষুদ্র জীবের প্রচণ্ড প্রকোপ হইতে নিরুত্তীর্ণ হওয়া যায়। গ্রীষ্মকালে মক্ষিকার সংখ্যা বৃদ্ধি লাভ করে, কিন্তু শীতের সময়ে তাহাদের সংখ্যা হ্রাস প্রাপ্ত হয়। মক্ষিকা বিনাশের উহা প্রকৃষ্ট কাল। প্রতি গৃহস্থ তৎকালে যদি মক্ষিকা বিনাশে বিশেষ চেষ্টা করেন তিনি আপন পরিবারের ও সমাজের অশেষ কল্যাণ সাধন করিবেন। তৎকালীন এক মক্ষিকা বিনাশে সহস্র

সহস্র ভাবী মক্ষিকার বিনাশ সাধিত হইবে।

আবাসগৃহ ও পারিবারিক সর্বস্থান পরিষ্কার ও আবর্জনাশুদ্ধ করিয়া রক্ষা করা মক্ষিকা হইতে পরিষ্কারের দ্বিতীয় পথ। আবর্জনাহীন, সূর্যালোকে আলোকিত ও যুক্ত স্বাস্থ্যকর বায়ুর ক্রোড়াভূমি আবাসকক্ষে প্রায় মক্ষিকা থাকিতে দেখা যায় না। রন্ধনশালা, ভোজনাগার বা খাদ্য গ্রহণের স্থান যেন সর্বদা পরিষ্কার ও উজ্জল-সূর্য-কিরণে আলোকিত থাকে। সেস্থলে যেন পবনের গতি অব্যাহত হয় ও আলোকের দ্বার রুদ্ধ না থাকে। অনেক গৃহস্থ প্রাক্কণের এক পাশে বা বাটীর সম্মুখে পথের এক কোণে আবর্জনা সমূহ একত্রীভূত করিয়া রাখেন। সেই স্থানে মক্ষিকাদলের মহা সভার অধিবেশন হয়। ক্রমে ক্রমে তাহারা বীজাণু জড়িত দেহ লইয়া গৃহস্থের বাটীর বিভিন্নাংশে ছড়াইয়া পড়ে। ইহাতে পরিবারের স্বাস্থ্যের বিশেষ ক্ষতি হয়। রন্ধনগৃহের নিকটে যাহাতে কোন প্রকার আবর্জনা না থাকিতে পারে তৎক্ষণাৎ বিশেষ সতর্ক হইতে হইবে। বীজাণুপূর্ণ মক্ষিকা একবার রন্ধনস্থলে প্রবেশলাভ করিলে কি ভীষণ অনিষ্ট করিতে পারে তাহা সহজে বোধগম্য। মক্ষিকাগণের দেহ যখন বীজাণুদ্বারা স্তারা-ক্রান্ত হয়, তখন তাহারা কোন বস্তুর উপর উপবেশন পূর্বক, তাহাতে কিছু বীজাণু দান করিয়া আপন ভার লাঘব করে। আমাদের খাদ্য ও পানীয় দ্রব্যে অসাধন-আবাসনতঃ প্রতিদিন এইরূপ কত বীজাণু

মিশ্রিত হইতেছে। আমরা যদি অনুসন্ধান করি, তবে সহজেই দেখিতে পাইব যে আমাদের বহুরোগ এই দূষিত এবং বিষাক্ত খাদ্য ও পানীয় হইতে উৎপাদিত।

মক্ষিকা সংখ্যা হ্রাসের সঙ্গে সঙ্গে আমাদের ব্যাধি সংখ্যারও হ্রাস হইবে তাহাতে কোন সন্দেহ নাই।

এই নবশত্রুতা বিনাশের জয় বিংশ শতাব্দীর মানবকে অধিক বেগ পাইতে হইবে। আপনাদের আলস্য জড়তা পরিহার পূর্বক ক্ষুদ্রকে পরিহার না করিয়া কিছু যত্নবান হইলে এ শত্রু নীরহ বিনাশ প্রাপ্ত হইবে এবং আমাদের বংশধর ভাবী উন্নততর মানবজাতি আর মক্ষিকা দ্বারা এত প্রতীড়িত হইয়া অস্বাস্থ্যের দাস হইবে না।

মক্ষিকা বিনাশের নিম্নলিখিত উপায়ের প্রত্যেকটাই বিশেষ উপযোগী। আবর্জনা-নাড়ি পুড়াইয়া, পুতিয়া বা তাহার উপর জীবাণু নাশক ঔষধ দিতে হইবে। যেখানে মক্ষিকা ডিম পাড়িয়াছে বুঝা যাইবে তাহার উপর "ক্লোরাইড অব্‌ লাইম" বা হিরাকস গুড়া করিয়া দিতে হইবে।

প্রত্যেক খাদ্য দ্রব্যাদি ক্রয়ের সময় বিশেষ করিয়া দেখিয়া কিনিতে হইবে ও পরে আবৃত স্থানে রাখিতে হইবে। যে সকল দোকানে খাদ্যাদি আবৃত না থাকে, সেখান হইতে কিছুই কেনা উচিত নয়। আস্তাবল ও গোয়াল সমূহ যাহাতে সকল সময়ে পরিষ্কার থাকে তাহার উপায় করা উচিত। আস্তাবল ও গোয়ালে আবর্জনা-দির স্তূপ মক্ষিকা জন্মবার উপযুক্ত ক্ষেত্র।

সহরের প্রত্যেক খাবার ও ফল বিক্রেতাকে তাহার পণ্য আবৃত রাখিবার জন্ত বাধ্য করা উচিত। মানব সমাজে নানা রোগ অনমনস্বরি-মক্ষিণা বিনাশের জন্ত প্রত্যেকেরই চেষ্টা করা উচিত।

বর্ষা আগত প্রায়। এসময় যাহাতে আব জনার স্তূপ বাসগৃহের নিকট হইতে দূরীভূত হয়, সে বিষয়ে প্রত্যেক পল্লী-বাসীর বিশেষ লক্ষ্য রাখা কর্তব্য।

স্বাস্থ্যসমাচার।

### নব্য তুর্কীরমণী।

(The Literary Digest) :—

Les Documents du Progres নামক ফরাসী পত্রিকায় সেদিন দেখিলাম এক ফরাসী লেখক তুর্কী রমণীদের বিষয়ে লিখিতে গিয়া যে চিত্র অঁকিয়াছেন তাহা বড়ই নৈরাশ্রব্যঙ্গক। তিনি বলেন যে তুর্কীরা রাষ্ট্রীয় ব্যবস্থার সংস্কার করিতে চেষ্টা করিলে কি হইবে, তাহাদের সামাজিক ব্যবস্থা এখনো ভয়ঙ্কর বর্বর রকমেরই আছে। কোনো স্ত্রীলোক ঘোমটা খুলিয়া পথে বাহির হইতে পারে না; যদি ভঃসাহসিকা কেহ ঘোমটা খুলিয়া বাহির হয় তবে স্ত্রী পুরুষ যে কেহ তাহাকে দেখে সেই তাহাকে অপমান করে, ঢেলা-ধূলা ছুড়িয়া তাহার লাঙ্গনার একশেষ করে। একজন গ্রীক একটী তুর্কী রমণীকে ভালো বাসিয়াছিল, ভালো বাসাও পাইয়াছিল; সে রমণীর পিতামাতার নিকট আপনার প্রণয়িনীর পাণিপ্রার্থী হইলে

তাঁহার প্রত্যাখ্যানও করিলেনই, অধিকন্তু কন্যাকে উৎপীড়ন করিতে লাগিলেন— বিদেশী বিধবীর সহিত বিবাহে বাধা দিবার জন্ত ততটা নহে যতটা পর্দার বাহিরে গিয়া কন্যার আবকধানি হইবে বলিয়া! অবশেষে প্রণয়িণীগল গিলনের অজ্ঞ কোনো উপায় না পাইয়া পলায়ন করিল, কিন্তু উদ্ভেজিত জনসমাজ শীঘ্রই তাহাদিগকে ধরিয়া ফেলিল এবং তাহাদিগকে জীবন্ত পুড়াইয়া মারিল।

কিন্তু The Literary Digest তুর্কী সংবাদ পত্র 'ইকুদম্' হইতে তুর্কী রমণীদের যে সংবাদ দিয়াছেন তাহা ঠিক উট। তুর্কীরা গৃহসংস্কার আরম্ভ করিয়া বলসকয় করিবার উপক্রম করিবার মুখেই পরশী-কাতর যুরোপীয় শক্তির তাহার উন্নতির পথে বার বার বাধা উপস্থিত করিতেছে, পাছে অস্থপ্তান জাতি বলবান হইয়া তাহাদের সমকক্ষ হইয়া উঠে। এইজন্ত তুর্কীর নব্য সম্প্রদায় রক্ষণশীল ও অত্যাচারী সুলতানকে পদচ্যুত করিয়া যখন রাষ্ট্র-ব্যবস্থার সংস্কারে ব্যস্ত ছিল, ঠিক সেই সময়ে ইটালি তুর্কীর দূরস্থ রাজ্য ত্রিপলি আক্রমণ করিয়া দখল করিয়া লইল; সে উৎপাত চুকিতে না চুকিতে তুর্কীর প্রতিবেশী রাজ্যগুলি ভূতপূর্ব বিজতার বিরুদ্ধে দলবদ্ধ হইয়া সমর ঘোষণা করিল। অপ্রস্তুত অবস্থায় আক্রান্ত হইয়া তুর্কী ক্রমাগত পরাজিত হইতেছে। ইহার ফলে তুর্কীদের মন একেবারে দমিয়া গেছে; আত্মপ্রত্যয় তাহারা হারাইয়া বসিয়াছে; দেশহিতৈষণা তাহাদের শিথিল হইয়া

আসিয়াছে। তাহারা যে যুরোপবিজয়ী বীর তুর্কীদেরই বংশধর, তাহাদের বীরত্ব ও বিজয়ের উত্তরাধিকার যে বড় সামান্য নয়, ইহা তাহারা ভুলিয়া গিয়াছে। এখন তুর্কী নামে পরিচয় দিতে তাহাদের হৃদয়ের রক্ত গর্ষে গৌরবে নাচিয়া উঠে না; ইংরেজ, জার্মান, রুশ প্রভৃতির সমকক্ষ বীর বলিয়া সে তাহাদের পাশে মাথা উঁচু করিয়া দাঁড়াইতে পারিতেছে না; তাহারা নিজের দেশকে অন্তরের সহিত শ্রদ্ধা করিতে পারিতেছে না। ইহার ফল এই হইয়াছে যে যুরোপীয়েরা তাহাদিগকে বর্বর বলিয়া অবজ্ঞা করিতেছে, এবং নিজেদের শ্রেষ্ঠ মনে করিয়া তুর্কীগকে হয় ঘৃণা করিতেছে নয়ত কৃপা দেখাইতেছে।

দেশের ও দেশের পুরুষদের যখন এই অবস্থা তখন সেই দেশের গৌরব রক্ষা করিবার জন্ত পুরুষদিগকে উদ্বোধিত করিবার ভার লইয়াছেন পুরুষের সহধর্মিণী অর্দ্ধাঙ্গিনী রমণীরা। দেশের এই দুর্দিনে পুরুষেরা যখন হতাশ হইয়া হাল ছাড়িয়া বসিয়াছে তখন রমণীরা আর হারেমের গণ্ডির ভিতর বিলাস ব্যসনে নিশ্চিন্ত হইয়া নাই; তাহারা এতকালের প্রথা ও সংস্কার একই দিনে ছিন্ন করিয়া মুক্ত হইয়াছেন এবং পুরুষদিগকে অতীত গৌরবের কাহিনীতে উদ্বোধিত করিয়া ভবিষ্যতের মুক্তির বাণী শুনাইতেছেন। এখন যেখানে সেখানে প্রকাশ্য সভায় মহিলারা বক্তৃতা দিয়া দেশ প্রীতির ও বীরত্বের নিকীর্ণোমুখ বহ্নি ফুলিঙ্গকে বিধ্বনিত করিয়া প্রজ্জ্বলিত করিয়া তুলিতেছেন,

দেশরক্ষার জন্ত সময় যত্নে জীবন আত্মত্যাগে পুরুষদিগকে তাঁহার আহ্বান করিতেছেন। পুরুষেরা রমণীর এই শক্তি ও পটুতা দেখিয়া অবাক হইয়া থাকিতেছে।

কনষ্টান্টিনোপলের বিশ্ববিদ্যালয়ে মহিলাদের এক সভা হয়; সুলতান নীমৎ হানুম এই সভার নেত্রীত্ব করিয়াছিলেন। তুর্কীর প্রথম মহিলা গ্রাজুয়েট হালেদ হানুম স্নাতক ভাষায় বক্তৃতা করিয়া দেশরক্ষার জন্ত আপনার দেহের সমস্ত আত্মরণ উন্মোচন করিয়া যখন দান করিলেন, তখন সভায় যেন আশ্রয় ধরিয়া গেল; দেখিতে দেখিতে বারোটি বাক্স ভূষণ-জহরাতে পরিপূর্ণ হইয়া উঠিল।

তিনি বক্তৃতা-প্রসঙ্গে বলিয়াছেন—  
“নাহি বা থাক আমাদের অস্ত্রশস্ত্র, চাই শুধু প্রবল দেশপ্রীতি! নরনারী শিশু বৃদ্ধ প্রাণে প্রাণে মিলিত হইয়া পাশাপাশি দাঁড়াইয়া যদি আমরা গতিরোধ করি, জগতে এমন কোন নৃশংস শক্তিশালী শত্রু নাই যে সে আমাদের পরাস্ত করিতে পারে, আমাদের বধ করিতে পারে। নিজের দেশ ও জাতির প্রতি প্রগাঢ় অনুরাগই এক জাতিকে অপর জাতির কবল হইতে বাঁচাইয়া রাখে। এই অনুরাগই অতীতকালে তুর্কীকে এত বড় এত দুর্দম্ব করিয়াছিল। এখনো চাই শুধু সেই দেশানুরাগ। তাহার অভাবে আমাদের আজ এই দুর্দশা! আমাদের গোয়াল প্রজা বুলগারেরা সেদিনও আমাদের দুধের জোগান দিত; এই দেশানুরাগে আজ

তাহারা আমাদের বিজেতা, সমগ্র জগতের চক্ষে গৌরবান্বিত।

“কিন্তু আমাদের হতাশ হইবার কোন কারণ নাই। এই ত ফ্রান্স বৎসর চল্লিশ আগে জার্মানীর হাতে কি অপমানিতই না হইয়াছিল; কিন্তু পঁচিশ বৎসরে সে তাহার পূর্ন গৌরবে পুনঃ প্রতিষ্ঠিত হইয়াছে। গ্রীস একদিন তুর্কীর অধীন ছিল, এখন গ্রীস তুর্কীর প্রতিদ্বন্দী। আমরা তুর্কী মাতারা আমাদের স্তনহৃৎের সঙ্গে সঙ্গে সন্তানদের অন্তরে তীব্র দেশানুরাগ সঞ্চারিত করিয়া দিব—এই হইবে আমাদের ব্রত! কাপুরুষ সন্তান আমাদের থাকিবে না—তুর্কী জাতিকে আমরা মরিতে দিব না। আশা মুহম্মানকে বল দান করুক, আশা সঞ্জীবনী মন্ত্রে উদ্বোধিত করিয়া নরনারীকে দেশসেবায় নিযুক্ত করুক। তখন কোনো বাধাই বাধা বলিয়া মনে হইবে না, কোনো ত্যাগই ক্লেশকর বোধ হইবে না। মরণের ডাক পড়িলে আমরা যেন বলিয়া যাইতে পারি—‘আমার দেশের জন্ত আমি রাতে ঘুমাই নাই দিনে বিশ্রাম করি নাই!’ তখনই আমার দেশ সকল স্বাধীন শক্তিমান জাতির পার্শ্বে মাথা তুলিয়া দাঁড়াইতে পারিবে, সকলে তাহাকে গৌরবের আসন ছাড়িয়া দিবে।”

আর একটি সভায় মুল্লু হানুম নেত্রীত্ব করিয়াছিলেন এবং ফাতিম আলি হানুম বক্তৃতা করিয়াছিলেন। এই সভাতেও সকলে আপনাদের দেহ নিরাতরণ করিয়া দেশহিতে সমস্ত অলঙ্কার দান করিয়াছিলেন।

‘তস্‌বিরি আফকিয়ার’ নামক সংবাদ পত্র এই প্রসঙ্গে লিখিয়াছেন—আমাদের রমণীদের মধ্যে যে কি আধ্যাত্মিক শক্তি সঞ্চিত আছে তাহা এই সময় সভা প্রমাণ করিয়া দিয়াছে। যে জাতির এমন সম্পত্তি বর্তমান তাহার আর মার নাই, তাহার ভবিষ্যৎ স্থির হইয়াই আছে। আমরা এই প্রথম আমাদের জাতীয় শক্তির পরিমাণ বুঝিতে পারিলাম, আর বুঝিতে পারিলাম যে পুরুষ এই রমণী মহাশয়ের কাছে কত খর্ব্ব কত দুর্বল।

ইকদম বলেন—আমাদের রমণীরাই আমাদের ভবিষ্যৎ, আমাদের আশা ভরসা। তুর্কী জাতির যে অর্দ্ধাঙ্গকে এতদিন গ্রাহ্য বা স্পীকারই করা হইত না, আজ তাহাই তাহার ভবিষ্যৎ স্থিতির একমাত্র আশ্রয়রূপে দেখা দিয়াছে।

প্রবাসী।

### ব্রহ্মের রমণী।

ব্রহ্মের রমণীরা যেন বায়ুর মতো অবাধ, কর্ণে ব্যাপ্ত এবং আনন্দিত। ইহা বৌদ্ধধর্মের ফল। বৌদ্ধধর্মের গুণের তারতম্যেই মানুষে মানুষে যা কিছু পার্থক্য, অল্পথা সকল মানুষই সমান। এইজন্ত প্রাচ্য ও প্রতীচ্যের নারীসমাজ যে সমস্ত অধিকারের জন্ত লালায়িত হইয়া প্রাণপণ চেষ্টা করিতেছেন, সে সমস্তই ব্রহ্মরমণীর আয়ত্ত হইয়া আছে। ব্রহ্মরমণীরাই সংসারের সমস্ত কর্ম সম্পন্ন করে; অর্থ উপার্জন করিয়া পরিবার পোষণ করে,

এমন কি নিজের নিষ্কর্মা স্বামীগুলির গ্রাসাচ্ছাদনের ভারও তাহাদেরই। এইজন্ত ব্রহ্মরমণীকে বড় বড় চালের আড়তদারী, কাঠের কারবার, তেলের ব্যবসায় প্রভৃতি করিতে দেখা যায়; ব্রহ্মরমণীর দ্বারা চালিত ছাপাখানা ও দৈনিক খবরের কাগজ খনির কাজ, প্রভৃতি নিয়মিতভাবে পরিচালিত হইতেছে।

সম্পত্তিতে অধিকার সম্বন্ধেও ব্রহ্মরমণীর সুবিধা বিস্তর। স্বামী স্ত্রী উভয়ে উভয়ের সম্পত্তির মালিক। যদি উভয়ের সম্মতিতে বিবাহ-বন্ধন ছিন্ন করা হয়, তবে সম্পত্তিও অর্দ্ধা-অর্দ্ধি ভাগ হয়। পুরুষের বহু বিবাহের প্রথা থাকিলেও প্রথমা পত্নীর সম্মতি ব্যতীত দ্বিতীয়বার বিবাহ অসিদ্ধ; যদি কেহ প্রথমা পত্নীর অসম্মতিতে বিবাহ করে, তবে প্রথমা স্ত্রী স্বামীর সম্পত্তি ত্যাগ করিতে পারে। স্বামী বা স্ত্রীর মৃত্যু হইলে উভয়ের সম্পত্তি জীর্ণিত ব্যক্তিতে বর্তে; কেবল জ্যেষ্ঠ সন্তান সিকি ভাগ পায়। স্ত্রীর সম্মতি ব্যতীত স্বামী কোন সম্পত্তি হস্তান্তর করিতে পারে না; কিন্তু স্ত্রী তাহার স্বীয় স্বয়ং হস্তান্তর করিতে অধিকারিণী।

ব্রহ্মরমণী যাহাকে খুসি বিবাহ করিতে পারে। ভারতের বিবাহে যেমন পাত্র বি-এ পাশ কি ফেল দেখিয়াই কন্যাসম্পাদন করা না করা স্থির করা হয়, অথবা পণের পরিমাণ বুঝিয়া পাত্র নির্বাচন করা হয়, তেমনি ব্রহ্মদেশে বরকত্তার মধ্যে প্রণয় জন্মিয়াছে কিনা দেখা হয়। ইহাই বিবাহের স্বাভাবিক ও সমীচীন বিধি।

ব্রহ্মদেশে বাল্যবিবাহ না থাকিতে বালিকা বিধবাও নাই; এবং বিধবারও পুনর্বিবাহে কোন বাধা নাই; যাহাদের সম্মতিতে কলার না তাহাদের কুমারী থাকিতেও লজ্জা বা নিন্দা নাই। ব্রহ্মরমণী সর্ব-বিষয়ে সম্পূর্ণ স্বাধীন।

তাহাদের মধ্যে বর্ণজ্ঞানহীনা অশিক্ষিতা প্রায় দেখা যায় না; তাহারা বাণ্যকাল হইতেই গৃহস্থলীর কাজকর্ম শিক্ষা করিয়া নিখুণ গৃহিণী হয়।

ভারতবর্ষ, তুর্কী, পারস্য প্রভৃতি দেশে প্রাচীন প্রথার প্রতি প্রগাঢ় অনুরাগ থাকিতে স্ত্রীলোকের অবস্থার বেনাপ পরিবর্তন ঘটানো সহজসাধ্য ব্যাপার নয়। ঐ সব দেশের স্ত্রীলোকেরা আবহমানকাল পুরুষের অধীনতা করিয়া এমন গড়ভরত হইয়া যায় যে স্বামীর মনোরঞ্জন করিতেও পারে না; নির্যাতন পুতুলের মত তাহাদের অতিবৃথা এবং লীলার ছলের অভাব পুরুষকে আকৃষ্ট করে না; কোন কথা উত্থাপন করিলেই স্বামীর মতে সায় দিয়া তখন বলে ‘হাঁ তুমি যখন বলিতেছ’ এখন অবস্থার হয় ত ঘরসংসার করা চলে, কিন্তু সখিহু ও সহযোগিতার আনন্দ হইতে চিরবঞ্চিত থাকিতে হয়। ইহাদের তুলনায় ব্রহ্মরমণী সকল অংশে শ্রেষ্ঠ।

প্রবাসী।

### মরণে বরাতয়।

মরণে আশীষ করে, করেছ অমর।  
কত শান্তি ঢালিয়াছ মরণ উপর।

মরণে করেছ নাম অমৃতের দ্বার ।  
 সর্বোপরে মরণের দে'ছ অধিকার ॥  
 মরণে সহায় করি সব নারী নরে ।  
 অবহেলি সুখ দুঃখ যায় লোকান্তরে ॥  
 রোগ শোক দুঃখ তাপে অবসন্ন জনে ।  
 শান্তি দিয়ে রাখে মৃত্যু সখার চরণে ॥  
 প্রিয়-সঙ্গে মিলাইতে মরণ সহায় ।  
 ভাঙ্গিয়া দেহের বাঁধ মিলাইয়া দেয় ॥  
 মরণে শমন তবে বলিব না আর ।  
 নিশ্চয় জেনেছি মৃত্যু অমৃতের দ্বার ॥  
 স্বর্গরাজ্যে লয়ে যেতে মৃত্যু শুধু দূত ।  
 দূতরূপী মৃত্যু-বন্ধু বড়ই অদূত ॥  
 মৃত্যু আমে মৃত্যুজয়ী করিবারে নরে ।  
 মরণে তাড়াতে চাই তবে কেন দূরে ॥  
 মরণে মরণ বলে আর না ডাকিব ।  
 মরণের সনে এবে সখ্যতা স্থাপিব ॥  
 জেনেছি মরণ নয় মৃত্যুর কারণ ।  
 সকল যাতনা মৃত্যু করে নিবারণ ॥  
 দূতরূপে কাছে এসে মৃত্যুঞ্জয় পামে ।  
 মৃত্যুভয়ত্রস্ত নরে রাখে অনায়াসে ॥  
 এস দূত, এস বন্ধু, থেকেনাকো ভুলে ।  
 পরশি এ তপ্ত তনু দাও তাঁর কোলে ॥  
 ঘাঁর কোলে দে'ছ মোর কত প্রিয়জন ।  
 তাঁরই কাছে রাখ মোরে এই নিবেদন ॥  
 জানি আমি জানি, তিনি মৃত্যুভয়হারী ।  
 আমিতো তাঁহারি তিনি আমারি আমারি ॥

প্রার্থনা ।

জীবনের দিনগুলি হীন যেন নাহি হয়,  
 তব পদে এমিনতি ওহে হরি দয়াময় ।  
 দিনের কর্তব্যগুলি প্রতিদিন সাধিবারে,  
 জ্ঞান ও শক্তি দানে সমর্থ করিও মোরে ।

দেখো প্রভু দয়াময় তোমার গচ্ছিত ধনে,  
 যেন আমি না হারাই অবহেলা অযতনে ।  
 যেদিন যেভাবে মোরে যেকাজে লাগাও প্রভু  
 তব কার্যে, পরমেশ, বিশ্ব না হই কতু—  
 তোমার সংসারে রাখ এককতি দিয়ে মোরে,  
 কাজসারা হলে প্রভু নিও ডেকে তব ঘরে ।

### সমালোচনা ।

মহারাজ কুমার শৈলেন্দ্রকৃষ্ণ দেব  
 Social Problem ( সামাজিক সমস্যা )  
 নামক একখানি ক্ষুদ্র পুস্তক সমালোচনার  
 জন্ত পাঠাইয়াছেন । পুস্তিকাখানির মূল্য  
 ১০ চারি আনা মাত্র । ২নং ওল্ড পোস্ট  
 অফিস ষ্ট্রীট ও ২৫নং শ্রামপুত্র ষ্ট্রীটে  
 প্রাপ্তব্য । মনুসংহিতার সুপ্রসিদ্ধ বাক্য—  
 যে গৃহে নারীগণ সন্মানিত হন সে গৃহে  
 দেবগণ আনন্দিত হন কিন্তু যে গৃহে  
 নারীর সমাদর নাই সেখানকার সমস্ত  
 ধর্ম্যকার্য নিফল—এই পুস্তিকার ইষ্টমন্ত্র  
 বা মটো । মহারাজ কুমার বিশেষ পরিশ্রম  
 করিয়া নারীজাতির অবস্থার উন্নতি সাধন  
 বিষয়ে বেদ হইতে, সংহিতা হইতে এবং  
 প্রাচীন ও আধুনিক এদেশীয় ও অগ্ন  
 দেশীয় চিন্তাশীল গ্রন্থকারগণের গ্রন্থ  
 হইতে নারীজাতির উন্নতি বিষয়ে বহু  
 প্রমাণ উদ্ধৃত করিয়াছেন । তিনি নারী-  
 শিক্ষা, বিবাহ, বিধবার পুনর্বিবাহ ইত্যাদি  
 বিষয়ে বহু মনিষিগণের চিন্তা ও বহু-  
 দর্শিতার ফল অল্প আয়তনের ভিতরে  
 সংগ্রহ করিয়াছেন । ফলে গ্রন্থকার যে  
 সকল সংস্কার করিতে ইচ্ছা করেন তাহা

জগদ্বিখ্যাত পণ্ডিতগণের বাক্যদ্বারা  
 প্রতিপন্ন করিয়াছেন । অনেকে মনে  
 করিতে পারেন যে নারীশিক্ষা হওয়া  
 একান্ত প্রয়োজন, অল্পবয়সে বিবাহ হওয়া  
 উচিত নয় ও অল্পবয়সে বিধবা হইলে  
 পুনরায় বিবাহ হওয়া উচিত এ সকল  
 বিষয় ঋগ্বেদ, অথর্ববেদ, মনুসংহিতা,  
 প্রভৃতি গ্রন্থ অথব জার্মান, ইংরেজ বড়  
 বড় গ্রন্থকারদের বাক্যদ্বারা প্রমাণ করিবার  
 কিছু প্রয়োজন ছিল না । এ সকল  
 কথাতো সকলেই গ্রহণ করিয়াছে । কিন্তু  
 আমাদের মনে হয় মহারাজ কুমার অতি  
 উত্তম কার্য করিয়াছেন । আমাদের দেশের  
 মঙ্গলের জন্ত স্ত্রীজাতির সর্বাঙ্গীন উন্নতি  
 ও অধিকার লাভ একান্ত প্রয়োজন ।  
 শিক্ষিত সম্প্রদায় দেশের সামাজিক সংস্কা-  
 রের প্রয়োজনীয়তা বুঝিতে পারিয়াছেন  
 সত্য, তাঁহার সভাসমিতি করিয়া এবিষয়ে  
 আলোচনা করিতেছেন তাহাও দেখিতে  
 পাওয়া যাইতেছে । কিন্তু একরূপ জ্ঞানের  
 বা উৎসাহের অধিক মূল্য নাই । দেশা-  
 চারের সংস্কার করা অর্থ সংগ্রহ করা  
 তাহাতে অনেক বল চাই, ক্ষতিস্বীকার করা  
 চাই, আপনাকে ব্যয় করা চাই । শুধু  
 বক্তৃতাতে তাহা হয় না । বহুদিন বহুলোক  
 মিলিয়া আলোচনা করিতে করিতে যদি  
 দেশের একটা নূতন ভাব আসে, সংস্কারের  
 উৎসাহ সকলের হয় তাহা হইলে সময়ে  
 কিছু ফল হইতে পারে । একরূপ পরিশ্রম  
 ও অর্থব্যয় করিয়া শাস্ত্র ও মহাজন বাক্য-  
 সকল সংগ্রহ করিয়া সাধারণের সম্মুখে  
 উপস্থিত করা অত্যন্ত প্রশংসনীয় কার্য ;

আমরা মহারাজ কুমারের দেশের মঙ্গ-  
 লোদ্দেশে এই কার্যের প্রশংসা সর্বাঙ্গ-  
 করণে করি ।

আমাদের দেশের সকল চিন্তাশীল  
 লোকই সামাজিক উন্নতির পক্ষপাতী ।  
 এদেশের প্রাচীনশাস্ত্র মধ্যে মধ্যে উন্নততর  
 সমাজের কথা লিখিত আছে, হয়ত কোন  
 কোন সময়ে নারীজাতির অবস্থা অনেকটা  
 উন্নত হইয়াছিল । প্রাচীন শাস্ত্র বা ইতি-  
 হাস হইতে সে সকল বর্ণনা পাঠ করিয়া  
 আমরা উৎসাহিত বা আনন্দিত হইতে  
 পারি, কিন্তু সামাজিক উন্নতিসাধন করিতে  
 হইলে পঞ্চাংদিকে দৃষ্টি করিয়া চলিলে  
 হইবে না । যাহারা অগ্রসর হইবেন, তাহা-  
 দিককে সম্মুখের দিকে অর্থাৎ ভবিষ্যতের  
 দিকে দৃষ্টি রাখিতে হইবে । নিত্য নূতন  
 অবস্থার ভিতর দিয়া সমাজ ভবিষ্যতের  
 উন্নতির পথে চলিয়াছে, ভবিষ্যৎ সমাজে  
 নারীর স্থান কি হইবে, বিবাহ ও পুন-  
 র্বিবাহ কি নিয়মে হইবে তাহা বর্তমান  
 ও ভবিষ্যৎ বলিবে । ভবিষ্যতে যে উন্নত  
 অবস্থা হইবে তাহা প্রাচীন কালে হয় নাই ।  
 মনুষ্য সমাজ পূর্বকালে চরম উন্নতি লাভ  
 করিয়াছিল এখন অধঃপতিত হইয়াছে—  
 এখন একমাত্র কর্তব্য প্রাচীন উদ্ধার  
 করা,—মহারাজ কুমার শৈলেন্দ্রকৃষ্ণ সে  
 ভাবে কথ্য বলিবার লোক নহেন, তিনি  
 প্রাচীন শাস্ত্র দেখাইয়াছেন । কিন্তু ভবি-  
 ষ্যতের দিকে মুখ ফিরাইয়া যাহারা অগ্রসর  
 হইতেছেন তিনি তাঁহাদের গ্রন্থ হইতেও  
 অনেক উৎকৃষ্ট বাক্য উদ্ধৃত করিয়াছেন  
 এবং তাঁহাদের ভাবের প্রশংসা করিয়া-

ছেন। ফলে আজ মঙ্গল সমাজ বিষয়ে নানাদেশে বিভিন্ন প্রকার অবস্থাতে মহা মহা আন্দোলন হইতেছে এবং সামাজিক উন্নতি ও অবনতির স্বাভাবিক নিয়ম সকল বৈজ্ঞানিক ভাবে স্থির করা হইয়াছে—আমাদের দেশের অবস্থা অল্প দেশের অবস্থার মত নহে তাহা সত্য, কিন্তু মনুষ্য-স্বভাব সর্বত্র সাধারণ ভাবে একই প্রকার, এবং এদেশের নারীগণের অবস্থা হীন হওয়াতে দেশের যে দুর্গতি হইতেছে ইহাও ভগবানের নিত্য বিধিভঙ্গ করাতেই হইয়াছে এবং উন্নতি সাধন করিতে হইলেও বিধি অনুসারে কার্য করিতে হইবে। এ সকল বিষয় যত আলোচনা হয় ততই মঙ্গল।

### বিবিধ প্রসঙ্গ।

কলিকাতা সহর।—কলিকাতাবাসী নরনারী কলিকাতাকে অত্যন্ত ভালবাসেন—ইহা অত্যন্ত স্বাভাবিক। কলিকাতার গৌরবে আমাদের গৌরব, কলিকাতার হীনতায় আমাদের মাথা হেঁট। যখন উদারমতি ভারতসম্রাট পঞ্চম জর্জ বঙ্গদেশকে পৃথক শাসনকর্তা দিয়া দিল্লিকে রাজধানী করিলেন; তখন বঙ্গবাসী মাত্রই ক্রুদ্ধ ও সুখী হইলেন। কিন্তু কলিকাতাবাসী মাত্রেরই অন্তরে বিষাদ উপস্থিত হইল, কারণ কলিকাতা রাজধানীর মহাগৌরব হইতে বঞ্চিত হইল। এখন সে দুঃখ আমাদের একরূপ সহিয়া গিয়াছে। এই পরিবর্তনে কলিকাতা নগরের কত

ক্ষতি হইয়াছে বা হইবে তাহা এখনও নিশ্চয় করিয়া বলা যায় না। তবে ইহা নিশ্চয় যে কলিকাতা ব্যবসাবাগিজ্যে, ধন মানে, জনসংখ্যায় ভারতের সর্বপ্রধান নগর থাকিবে। অপর দিকে কলিকাতার উন্নতিকল্পে যে মহা উদ্যোগ আরম্ভ হইয়াছে তাহার কার্যও চলিয়াছে। দুই বৎসর কাল উন্নতি চলিয়াছে মাত্র ইহার মধ্যেই ভিন্ন ভিন্ন পন্থীতে নূতন শ্রীমৌন্দর্য্য প্রকাশ হইয়াছে, আমরা আশা করি আর ৪৫ বৎসরে কলিকাতা ইহার অস্বাস্থ্যকর বস্তী ও বহুজনাকীর্ণ অংশগুলিকে শোধ-রাইয়া দিয়া সর্বাংশে সুন্দর ও স্বাস্থ্যকর হইবে।

স্বাস্থ্য।—আমাদের মিউনিসিপালিটির চেম্বার নগরের স্বাস্থ্য বিশেষ উন্নতিলাভ করিয়াছে। এখন কলিকাতা একটি স্বাস্থ্য-প্রদ স্থান বলিয়া পরিচিত হইতেছে। কিন্তু একটি বড় কথা এই যে, এ নগরের শিশুর মৃত্যুসংখ্যা অত্যন্ত অধিক। এমন কি যত শিশু জন্মগ্রহণ করে তাহার সিকি শিশুকালেই কালগ্রাসে পতিত হয়। কোন কোন ডাক্তারের মতে উত্তমরূপে গুণ্ণনা না হওয়াই এরূপ মৃত্যুর কারণ। ফলে একথা প্রমাণিত হইয়াছে যে, যেসকল দরিদ্র লোক সরকারী দাই-গুণ্ণাকারিণী-দিগের সেবা গ্রহণ করে, তাহাদিগের শিশুরা প্রায়ই রক্ষা পায়, অপেক্ষাকৃত ভাল অবস্থার স্ত্রীলোকদিগের শিশুগণের মৃত্যুই অধিক। স্ত্রীলোকগণ গুণ্ণাকার্য্য শিক্ষা না করিলে এ দুঃখ দূর হইবে না।

মহিলার পাঠিকাগণ অবশ্যই মনে রাখিবেন যে, তাঁহারা গুণ্ণাকার্য্য শিক্ষা করিলে তাঁহাদের প্রাণাধিক শিশুর জীবন রক্ষা হয় এবং নগরের কলঙ্ক ও দুঃখ দূর হয়।

জলের অপব্যবহার।—কলিকাতার সুখের ও গৌরবের সামগ্ৰী যথেষ্ট পরি-কার জল। কলিকাতার অবস্থার বিষয় আমাদের গবর্নর বাহাদুরের যে মন্তব্য সম্প্রতি কলিকাতা গেজেটে প্রকাশ হইয়াছে, তাহাতে দেখা যায় যে, প্রতিদিন চল্লিশ লক্ষ মণ পরিষ্কৃত জল নগরে ব্যয় হয়। অর্থাৎ অধিবাসী প্রতি জনে প্রায় ৪ মণ পায়। কিন্তু বালক বৃদ্ধ প্রত্যেক লোক কখনও দিন চারি মণ ব্যবহার করিতে পারে না। এজন্ত ইহা নিশ্চয় যে, অনেক জল বৃথা নষ্ট হয়। যদি নগরের অধিবাসী স্ত্রীপুরুষ সকলে জলের সদ্যব্যবহার করেন, যদি জল নষ্ট না করেন, তবে অচিরেই দিনরাত্র প্রচুর জল পাইবার ব্যবস্থা হয়। ফলে মিউনিসিপালিটিকে পর ভাবা বড়ই বোকামী, মিউনিসিপালিটির জল নষ্ট হইল তাহাতে আমাদের কি? ইহা ঘাঁহার ভাবেন তাঁহারা মনে রাখিবেন যে, মিউনিসিপালিটির টাকা তাঁহাদের নিজের টাকা ও ইহার ক্ষতি তাঁহাদের নিজেদের ক্ষতি। ফলে জলের পরিমিত ব্যয় করা বিষয়ে আমাদের মেয়েদের অনেক শিখিবার আছে।

রবীন্দ্রনাথ।—কবি রবীন্দ্রনাথ বঙ্গদেশের সর্বজনপ্রিয়। এদেশের সাহিত্যিকগণ

তাঁহাকে রাজার মাতা, সাহিত্যসম্রাটের মাতা দিতেছেন। ইংলণ্ডে তিনি অত্যন্ত আদৃত হইয়াছেন। গীতাঞ্জলী নাম দিয়া ইংরাজীতে আপনার গীতের অনুবাদ আপনি প্রকাশ করিয়া ইংরাজীভাষার একজন কবিরূপে গৃহীত হইয়াছেন। আমেরিকায় সহস্র লোক মন্ত্রমুগ্ধ হইয়া তাঁহার বক্তৃতা শ্রবণ করিয়াছেন। সম্প্রতি আমাদের রাজপ্রতিনিধি লর্ড হাডিং মহোদয় খ্রীষ্ট-ধর্মপ্রচারক প্রশান্তহৃদয় সী, এফ এন্ডু স সাহেবের বক্তৃতাতে রবীন্দ্রনাথের কবিত্ব ও অপর গ্রন্থাদির বর্ণনা শুনিয়া তাঁহাকে এশিয়ার রাজকবি নাম দিয়া সুখ্যাতি করিয়াছেন। যখন ঘরের লোক ঘরে মাতা পাইতেছিলেন তখন রবীন্দ্রনাথ এক-ভাবে আমাদের প্রিয় ছিলেন, আজ বঙ্গবাসী তাঁহার গৌরবে গৌরবান্বিত, আজ তাঁহাকে আমরা আরও অধিক ভালবাসি, অধিক মাতা করি, অধিক ভক্তি করি।

আমেরিকার সকলই অদ্ভুত। সংবাদ পত্রে প্রকাশ হইয়াছে যে, গত ১২ই মে বোষ্টন নগরের বন্দর হইতে হীরণ নামক একখানি জাহাজ ছাড়িয়াছে—এ জাহাজ স্ত্রীলোক দ্বারাই চালিত। হীরণের কাপ্তেন শ্রীমতী জর্জিয়া—তাঁহার স্বামী, একমাত্র পুরুষ, জাহাজে আছেন, তিনি কাপ্তেনের অধীনস্থ কর্মচারী। হীরণ জাহাজের বয়স একশত বৎসর। আজ অনেক বৎসর হইল শ্রীমতী জর্জিয়া ইহার কাপ্তেন। ইনি জাহাজ চালাইতে সুনিপুণ ও অত্যন্ত সাহসী নাবিকা। গত বৎসরে জাহাজের

পুরুষকর্মচারী ও খালাসীগণ ইহাকে বড় বিবর্ত করিয়াছিল, এজন্ত তিনি পুরুষদিগকে ছাড়াইয়া দিয়া তাহাদিগের স্থানে স্ত্রীলোক নিযুক্ত করিয়াছেন। এযাত্রায় এ জাহাজ মেন উপকূল হইতে কাষ্ঠ বোঝাই করিয়া নিউইয়র্কে যাইবে এবং সেখান হইতে কয়লা বোঝাই করিয়া আসিবে। কাপ্তেনের স্বামী হালের চাকায় দাঁড়াইয়াছেন—কাপ্তেন যথাসময়ে দৃঢ়তার সহিত হুকুম দিলেন, অত্র সকল স্ত্রীলোক খালাসী ও কর্মচারী কোশল ও উৎসাহের সহিত নিজ নিজ কার্য করিতে লাগিল—জাহাজ ঠিক চলিল। বহু লোক পিয়ারে দাঁড়াইয়া জাহাজ ছাড়া দেখিতেছিল—সকলে আনন্দপ্রকাশ করিয়া বিদায় দিল—বন্দরের সমস্ত জাহাজ আনন্দ প্রকাশ করিতে লাগিল—জাহাজখানি ক্রমে দৃষ্টির বহির্ভূত হইতে লাগিল।

স্বীকৃত স্বাধীনতা।—বিলাতের রাজনৈতিক অধিকারপ্রার্থিনী নারীগণ কিছুতেই নিরস্ত হইবার নন। যে দল সভা সমিতি করিয়া আপনাদিগের অধিকার লাভ করিতে যত্ন করিতেছেন, তাহাদের বিষয় অবশ্য কাহারও কিছু বলিবার নাই, কিন্তু ষাঁহার দেশের নানারূপ অনিষ্ট করিয়া, লোকের ধন নষ্ট করিয়া বা আপনাদের প্রাণ দিয়া সাধারণের নিকট আপনাদের দাবী উপস্থিত করিতেছেন, তাহারা কখন কি একটা অতুল কার্য করিয়া বসিবেন তাহা কেহ বলিতে পারে না। কখনও ডাকের বাজে বোমা মারিয়া উড়াইয়া দিতেছেন—কখনও

বহুমূল্য গৃহ উড়াইয়া দিতেছেন। কখনও অত্র একটা নূতন পথে অনিষ্ট করিতেছেন। সপ্রতি কুমারী ডেভিসন নামে একটি মেয়ে সুপ্রসিদ্ধ ডরবী ঘোড়দৌড়ের সময় ঘোড়ার সম্মুখে পড়িয়া সকলকে চমৎকৃত করিয়াছেন এবং ঘোড়শোয়ারের জীবন ও আপনার জীবননাশের পথ করিয়াছিলেন। শোয়ারটি মারিয়া উঠিয়াছে। কুমারী ডেভিসনের মাথায় ও অত্রস্থ স্থানে যে আঘাত লাগিয়াছিল, তাহাতে তাহার মৃত্যু হইয়াছে। এই দলের নারীগণ মহা সমারোহে ডেভিসনের কবর দিয়াছেন—এ দিকে ডেভিসন মৃত্যুর সময়ে বলিয়া গিয়াছেন—“যুদ্ধ করিয়া যাও। ভগবান্ জয়বিধান করিবেন।” এরূপ পাগলের মত প্রাণ দেওয়া অত্যন্ত ত্রুণীয় কার্য্য সকলেই বলিবে, কিন্তু এরূপ করিয়া জীবন দিতে পারা যে একটা নূতন ব্যাপার, এই প্রকার তুষ্কার্যের মধ্যেও যে মহত্বের গন্ধ আছে তাহা সকলেই স্বীকার করিবেন।

### শ্রেষ্ঠতা।

অবসর, জাহ্নবী, বামারোধিনী, প্রভাত, আলোচনা, ভারত-মহিলা, সাহিত্য সংবাদ, দেবালয়, বঙ্গদর্শন প্রভৃতি বহুবিধ সাময়িক পত্রিকার সুশ্রুতিষ্ঠিত সুকবি শ্রীযুক্ত হরিপ্রসাদ মল্লিক শ্রেণীত।

শ্রেষ্ঠ [ উদ্দেশ্য ] উপহার,

লেখার কথা আমরা বলিব না, হৃন্দর কাগজ পরিপাটী ছাপা, সুদৃশ্য বাঁধাই, মূল্য মাত্র ছয় আনা। বঙ্গীয় পাঠকপাঠিকাগণ পাঠ করুন।

প্রকাশক—

শ্রীযতীন্দ্রনাথ বসু।

৪৬।১নং জয়নারায়ণ বাবু ও আনন্দ দত্তের লেন, হাওড়া।



## মাসিক পত্রিকা।

“স্বপ্ন নারীমূল্য দুঃস্বপ্নে বহুলী, তব ইবল্যঃ।”

১০শ ভাগ ] আষাঢ়, ১৩২০। জুলাই, ১৯১৩। [ ১২শ সংখ্যা।

### প্রার্থনা।

হে বিশ্বেশ্বর, হে জগজ্জননি, তুমি স্বরূপত যেমন, আমাদিগকে ঠিক তেমনই ভাবে তোমাকে বিশ্বাস করিতে শিক্ষা দেও। তুমি আমাদের স্নেহময়ী জননী, তুমি তোমার বঙ্গবাসিনী কন্যাগণকে ভালবাস, বিশেষ ষাঁহার বিদ্যাবতী বুদ্ধিমতী, ধর্ম্মনীলা, তাহাদিগকে অত্যন্ত ভালবাস, একথা সত্য, কিন্তু তুমি শুধু তাহাদিগের জননী নহ, তুমি নিরঙ্কর, নিঃস্ব, অধঃপতিত, দুঃস্থ, সকল নরনারীর স্নেহময়ী জননী, তুমি সকল পতিতা নারীগণেরও মঙ্গলময়ী জননী ইহা আমাদিগকে তুমি রূপা করিয়া বুঝাইয়া দেও। তোমার উদার প্রেমবক্ষে সকল নরনারীর জন্ত অতি স্নেহকোমল স্থান আছে, তুমি সকল দেশের, সকল অবস্থায় ও সকল শ্রেণীর নারীগণের পরম মঙ্গলময়ী জননী এই সহজ সত্য হৃদয়ঙ্গম না করিতে পারিয়া

আমরা বড়ই ভ্রান্ত হই, তুমি কেবল আমাদের আপনার জনের জননী অত্র সকলের যেন তুমি বিমাতা এই সংকীর্ণভাবে পড়িয়া আমরা তোমা হইতে দূরে পড়িয়া থাকি। তাই তোমার পাদপদ্মে প্রার্থনা করি, তোমার প্রেমের প্রকৃত স্বভাব আমাদিগকে একটু দেখিতে দেও। তোমাকে জননী বলিয়া ডাকিলে যে, সকল অবস্থার সকল নারীগণকে ভগিনী বলিয়া ভালবাসিতে হয়, আপনার করিয়া লইতে হয়; আর যে তোমার কন্যাগণকে ভগিনী বলিয়া ভালবাসিতে পারে না, ব্রহ্মকণ্ঠার মাত্র দিতে পারে না সে যে তোমাকে মঙ্গলময়ী জননী বলিয়া ডাকিতে পারে না, তাহা আমাদিগকে বুদ্ধিতে দিয়া আশীর্বাদ কর, দয়াময়ী জননী, যেন আমরা তোমাকে বিশ্বজননী, সকল নরনারীর স্নেহময়ী জননী বলিয়া ডাকি। তোমাতে কোন সঙ্কীর্ণতা বা পক্ষপাতিতা নাই জানিয়া সকল সংকীর্ণতা ও স্বার্থপরতা ত্যাগ করিয়া

তোমাকে সকলের জননী বলিয়া বিশ্বাস করি এবং সেই ভাবে তোমাকে জননী বলিতে পারি এই প্রার্থনা পূর্ণ কর।

### জাতিভেদ ।

আমরা পৃথিবীর অসংখ্য দেশের সম্বন্ধে আমাদের দেশের বর্তমান অবস্থার তুলনা করিলে দেখিতে পাই যে আমাদের দেশ বহু বিষয়ে মতান্তর হীন। আমাদের দেশের শরীরে বল অল্প, মনের উদ্ভাবনী শক্তি অতি অল্প, আমাদের দেশের লোক অত্যন্ত দরিদ্র, শিক্ষা বিষয়ে অত্যন্ত হীন, দশজনে মিলিত হইয়া কোন কাজ করিবার পক্ষেও আমরা অত্যন্ত অযোগ্য, এজগৎ আমাদের দেশের উন্নতি করিতে যাহারা যত্নবান হন তাহারা প্রতিপদে বাধা প্রাপ্ত হন। দেশের মঙ্গলের জগৎ যিনি যখন যাহা করিতে আরম্ভ করেন তাহাতেই চারিদিকের অবস্থা তাহার বিপক্ষে দাঁড়ায়। এই সকল বিরুদ্ধ অবস্থার মধ্যে জাতিভেদ দেশের উন্নতির পক্ষে সর্বপ্রধান শত্রু এ বিষয়ে বোধ হয় কাহারও মতভেদ হইবে না।

যাহারা জাতিভেদের সমর্থন করেন তাহারা বলিয়া থাকেন যে মানুষের মানুষের প্রভেদ চিরদিন সকল দেশে আছে ও থাকিবে; যে সকল দেশে জাতিভেদ নাই সে সকল দেশেও ব্যবসায়-ভেদ, সম্প্রদায়-ভেদ, অবস্থা-ভেদ, ধর্ম-ভেদ প্রভৃতি ভেদ রহিয়াছে, তাহাতে কার্যত মানুষ ভিন্ন ভিন্ন হইয়া বাস করে, তাহা হইলে এদেশের

জাতিভেদকে নিন্দা করা বৃথা। কিন্তু অল্প দেশে লোকে যোগ্যতা অনুসারে উচ্চ অবস্থা লাভ করিতে পারে, ইচ্ছা অনুসারে ব্যবসায় পরিবর্তন করিতে পারে এবং নতন ব্যবসায়ের লোকের সহিত মিলিত হইতে পারে, কিন্তু এদেশে তাহা সম্ভব নয়। তত্ত্বাবয়ের পুত্র মহাপণ্ডিত, ধার্মিক ও মহামাত্মের যোগ্য হইলেও সে উচ্চতর জাতিতে প্রবেশাধিকার লাভ করিবে না, যদি কার্যত সপ্তম পুরুষ পর্যন্ত ব্রাহ্মণ-জীবন যাপন করে তাহা হইলেও ব্রাহ্মণ হইতে পারিবে না। অপরদিকে ব্রাহ্মণ-পুত্র অল্প, ধর্মহীন, চরিত্রহীন হইলেও ব্রাহ্মণরূপে গৃহীত হইবে। এসকল বিষয়ে শাস্ত্রে কি শাসন আছে, ভক্তি-শাস্ত্রে কি সারকথা লেখা আছে তাহা লইয়া তর্ক করা বৃথা, কারণ শাস্ত্রে আছে ব্রহ্মকে না জানিলে ব্রাহ্মণ হয় না, কাজেই ব্রাহ্মণের মাতৃ পাইতে পারে না, কিন্তু এখন কোন্ ব্রাহ্মণ-পুত্র ব্রহ্মকে জানিয়াছেন? সকল সর্বল লোকেই স্বীকার করিবেন যে শত সহস্র ব্রাহ্মণ-তনয়ের মধ্যে একজনও ব্রহ্মকে জানেন নাই অথচ ব্রাহ্মণের মাতৃ পাইতেছেন। কেবল যে এ যুগেই এরূপ অবস্থা ঘটিয়াছে তাহা বলা যায় না, কারণ বৃহদারণ্যক উপনিষদে রাজর্ষি জনকের সহস্র গাভী দান গ্রহণ করা লইয়া যে মহা প্রশ্ন উপস্থিত হইয়াছিল, তাহাতে দেখা যায় যে, সে সময়ে এক যাজ্ঞবল্ক্যকেই ব্রহ্মজ্ঞ ব্রাহ্মণ বলিয়া স্বীকার করা হইয়াছে। সহস্র ব্রাহ্মণ উপস্থিত ছিলেন, কেহই সেই বহুমূল্য গাভী সকল পাইবার

যোগ্য হইলেন না। চিরকালই শত সহস্র লোকের মধ্যে কচিং ছই এক জন ব্রহ্মজ্ঞান লাভ করিয়াছেন। প্রকৃত ব্রহ্মজ্ঞান লাভ করা কোন বংশে বা জাতিতে আবদ্ধ থাকিতে পারে না, এরূপ কখনও হয় নাই, এজগৎ ব্রাহ্মণ একটা জাতিই হইতে পারে না, কিন্তু একথা আজ কে গ্রাহ্য করিবে? শাস্ত্রের বিধির সংবাদ কেহ লয় না, প্রচলিত রীতি অনুসারে ব্রাহ্মণের পুত্রকে ব্রাহ্মণের মাতৃ দেয়।

উচ্চশ্রেণীর মধ্যে জাতিভেদপ্রথা প্রচলিত থাকিয়া যথেষ্ট অনিষ্ট করিয়াছে, কিন্তু যখন আমরা নিম্নশ্রেণীর কঠিনতর জাতিভেদের কথা আলোচনা করি তখন দেখিতে পাই যে তাহাদিগের মধ্যে জাতিভেদ এত অধিক অনিষ্টকর যে তাহার সহিত তুলনায় উচ্চশ্রেণীর জাতিভেদ কিছুই নয়। যে সকল জাতিকে অন্যায়-শ্রেণীর বলে, অর্থাৎ যাহাদিগের সৃষ্টি জল ব্রাহ্মণ প্রভৃতি উচ্চজাতি গ্রহণ করে না তাহাদিগকে যেন একভাবে মনুষ্যতর জীব করিয়া রাখা হইয়াছে। বিড়াল কুকুরের যেখানে যাইবার অধিকার আছে সেখানেও হয়ত মনুষ্যকে যাইতে দেওয়া হইবে না। আদিকাল হইতে বংশাবলীক্রমে গরিবেরা কেবল ক্লেশকর ঘৃণিত কাজ সকল করিয়া আসিয়াছে। কদম ভোজন করিয়া সামান্য কুটীরে বাস করিয়াছে, চূর্মহ ভারবহন করিয়া, বিরক্তিকর, ঘৃণার্থী কাজ সকল করিয়া তাহারা একান্ত হীনভাবে জীবন যাপন করে। জাতিভেদ আমাদের দেশের অস্থি মজ্জায় এমন করিয়া প্রবেশ করি-

য়াছে যে, এই সকল পদদলিত নরনারীর জগৎ কাহারও দয়ার উদ্রেক হয় না।

প্রতিবেশী নির্দোষ দরিদ্র ভাতাকে নীচ বলিয়া ঘৃণা করিয়া, তাহার দারিদ্র্য, অজ্ঞতা, চরিত্রহীনতা, ধর্মহীনতা দেখিয়াও তাহার প্রতি সহানুভূতি না হওয়া যে মনের কত জড়তা বা অন্ধতা প্রকাশ করে, তাহা ধারণার অতীত। নিম্ন-জাতির দুঃখ দর্শন বিষয়ে আমরা যেন সম্পূর্ণ অন্ধ। ফলে এরূপ মোহান্বিতাবের উপাক্ত দণ্ড এদেশের লোককে পাইতে হইয়াছে। আপনার প্রতিবেশীর প্রতি যে অত্যাচার ব্যবহার করিয়া আমরা তাহাকে হীন করিয়া রাখিয়াছি, কার্যত জগতের নিকট সেই অবিচার আমরা পাইতেছি এবং সেইরূপ ঘৃণিত হইয়া রহিয়াছি। এই লজ্জাকর অবস্থার মধ্যে একটি মহা শোচনীয় সত্য এই যে, আমাদের দেশের লোকের সে বিষয় কোন জ্ঞান নাই, সেজগৎ লজ্জা বা অনুতাপ হয় নাই এবং এই চুরাচার দূর করিবার বিশেষ কোন চেষ্টা ও আরম্ভ হয় নাই।

বর্তমান সময়ের জ্ঞান প্রেমের আলোকে সকল দেশের সকল লোকেই দেখিতে পাইতেছেন যে সকল মানুষই মানুষ—খেত কৃষ-প্রভেদ, ধনী-দরিদ্র-প্রভেদ, পণ্ডিত-মুখ-প্রভেদ বা উন্নত-অল্পজ্ঞ-প্রভেদ আছে সত্য, কিন্তু সকল মানুষেরই শোণিত লোহিতবর্ণ, সকলের অন্তরেই মুখ দুঃখ বোধ হয়, পাপ ও পুণ্যের বীজ সকলের অন্তরেই নিহিত আছে। উন্নতির ইচ্ছা ও শক্তি সকলেরই



আছে। এখন সকলেই স্ত্রীকার করিবেন যে, সকল দেশের ও সকল জাতির নরনারীর ভিতরেই দেবত্ব আছে এবং শিক্ষা, সঙ্গ ও অনুকূল অবস্থা পাইলে সকলের ভিতরেই দেবত্বের বিকাশ হইতে থাকে; কারণ পরম দেবতা সকল নরনারীকে আপনার সন্তানত্ব দান করিবেন বলিয়া সৃষ্টি করিয়াছেন। বাস্তবপক্ষে যেসকল জাতিকে উচ্চ হইতে দেওয়া হয় নাই, যাহাদিগকে নীচ কাজে নিযুক্ত রাখা হইয়াছে, যাহাদিগের মনের উন্নতির পথ খুলিয়া দেওয়া হয় নাই, যাহাদিগকে স্বাধীন চিন্তা করিতে দেওয়া হয় নাই, দেবতার চরণ পূজা করিবার, অগাধ বন্ধু-জ্ঞান লাভ করিবার অধিকার দেওয়া হয় নাই, তাহাদিগের বিরুদ্ধে যে ভয়ানক অপরাধ করা হইয়াছে তাহার জন্ত সকল উচ্চজাতীয় ব্যক্তির সকল নীচ জাতীয় ব্যক্তির নিকট অবনত মস্তক থাকা উচিত। যাহারা পূর্বপুরুষগণের শৌর্য বীর্য জ্ঞানধর্মের জন্ত আপনাদিগকে গৌরবান্বিত মনে করেন, তাঁহারা তাঁহাদিগের পূর্বপুরুষদিগের এই লজ্জাকর স্বার্থপরতা ও দুর্কৃত্যবহারের জন্ত অবশ্যই আপনাদিগকে অপরাধী মনে করিবেন। রত্নকাল হইতে বংশানুক্রমে যে পাপ করা হইয়াছে, এখন তাহার বিচারের সময় উপস্থিত। এখন নিয়ন্ত্রণীর নরনারীগণ দেখিতে পাইতেছে যে, উচ্চজাতি সংসারের কার্যক্ষেত্রে অনেক বিষয়ে সম্পূর্ণ অপদার্থ, অকর্মণ্য, এখন তাহাদিগকে অগ্রাহ করিলে আর তাহারা কিছু উপায় করিতে পারিবে

না। ফলে নিয়ন্ত্রণীর নরনারীর শরীর সৃষ্টি, নীরোগ, কন্ঠ এবং তাহাদের অন্তরে স্বভাবের নিয়মে স্বাভাবিক বুদ্ধি যথেষ্ট আছে, এখন যদি তাহারা উচ্চ জাতিকে ত্যাগ করে ও উচ্চ জাতি দ্বারা সমাজের যে কিছু কার্য হয় তাহা যদি আপনাদিগের যোগ্য লোক দ্বারা সম্পন্ন করায় তাহা হইলে আর উচ্চ শ্রেণীর গত্যন্তর নাই। তাহাদিগকে একান্ত অসহায় হইয়া পড়িতে হইবে ও ক্রমে নীচের নীচ হইতে হইবে। স্বাভাবিক নিয়মে একপ ভয়ানক প্রতিশোধ ইতিহাসে অনেক দেখা যায়—আমাদের দেশেও সেইরূপ প্রতিশোধের সময় আসিয়াছে। এখন আর নিপীড়িত জাতি নিপীড়িত হইতে সম্মত নহে, এখন আর নীচজাতি আপনাদিগকে নীচ মনে করে না—স্বাধীনতার বাতাস বহিয়াছে, সকলেই স্বাধীন ভাবে উচ্চতার দিকে উঠিতেছে। এ গতি স্বাভাবিক, ইহাকে কেহ বাধা দিতে পারিবে না।

হয়ত আমাদের পার্শ্বাকাগণ এরূপ আশঙ্কার কথা কে অথবা ভয় বলিয়া উড়াইয়া দিবেন, আমরাও স্ত্রীকার করি যে, এরূপ মহাপরিবর্তন ছই চারি বৎসরে হইবে না, কিন্তু আমাদের সৃষ্টি যে গ্রামবানু ঈশ্বরের সৃষ্টি, এখানে অগ্রায় চিরকাল রাজত্ব করিতে পারে না—ভগবানের প্রিয় সন্তানকে কেহ পদদলিত করিবে ইহা তিনি কখনও চিরদিন সহ করিবেন না। যাহারা জাতিভেদের মহা অবিচার হৃদয়ঙ্গম করিবেন তাঁহারা অবশ্যই নিম্ন-

জাতি সকলের নিকট অবনত থাকিবেন এবং তাহাদিগকে উচ্চ করিতে সর্বক্ষণ যত্নবানু হইবেন। এদেশের শাস্ত্রে যেমন আছে যে, যে গৃহে নারীর উপযুক্ত সম্মান নাই, সে গৃহে দেবক্রিয়া বিফল, সেইরূপ ইহা সত্য যে, যে গৃহে দেবনন্দন মনুষ্যের প্রতি অসম্মান, সে গৃহে দেবতার গমন অসম্ভব—সেখানে দেবপূজা বৃথা আড়ম্বর মাত্র। যাহারা চক্রান্ত করিয়া ভগবানের সত্য নাম উচ্চারণ করার অধিকার হইতে আপনার প্রতিবেশীকে বঞ্চিত করিয়াছেন, তাহারা নিজ কর্মফলে সত্য ঈশ্বরের পূজা হইতে বঞ্চিত হইয়াছেন। এইজন্ত এ যুগে যাহারা সত্য সত্য ঈশ্বরকে বিপণিতা, সকল নরনারীর পিতামাতা, পরিব্রাতা, অদ্বিতীয় পরমদেবতা বলিয়া বিশ্বাস করিয়াছেন, তাহারা আর জাতিভেদ রক্ষা করিতে পারেন না। পক্ষান্তরে ইহাও বলি যাইতে পারে, যিনি যত গভীররূপে জাতিভেদে বিশ্বাস করেন বা যত দৃঢ়তার সহিত আপনার জাতিকে অগ্র হইতে উচ্চ মনে করেন, তিনি ঈশ্বরের একত্বে ও পিতৃত্বে তত অল্প বিশ্বাস করেন।

জ্ঞানধর্মের নবালোক যাহাদের অন্তরে প্রবেশ করিয়াছে, তাহারা স্বতঃপরত জাতিভেদ দূর করিতে যত্ন করিতেছেন। এজন্ত বঙ্গদেশের উচ্চতর তিন জাতির মধ্যে মিশ্রণ হইতে আরম্ভ হইয়াছে। ইহা অতি শুভ লক্ষণ। কারণ এই তিন জাতি শিক্ষা, উন্নতি, ধন, মানে প্রায় এক। ইহাদের শিক্ষিত সমাজের আদর্শও প্রায় এক। কায়স্থ ও ব্রাহ্মণ সমাজ

যথেষ্ট বিত্ত হইলেও বহুপুরুষ হইতে প্রায় একরূপ মানসিক ও শারীরিক বৃত্তিতে আবদ্ধ থাকিতে সম্মানগণের শক্তির বিকাশ অধিক হইতেছে না। বৈদ্যগণ সংখ্যাতে অল্প বলিয়া বনিষ্ঠ সম্পর্কের ভিতরে বিবাহ হয়, তাহাতেও উন্নতির বাধা হয়—যদি শিক্ষিত সমাজের উচ্চ অঙ্গ এই তিন জাতি মিলিয়া একটি সম্প্রদায় হয় তাহা হইলে শারীরিক, মানসিক, নৈতিক ও আধ্যাত্মিক মঙ্গল হইবে। এই নবালোক যত পরিমাণে সমাজের নিয়ন্ত্রণ সকলে প্রবেশ করিবে ততই জাতিভেদ চলিয়া যাইবে এবং নবধর্ম-ভাব অবলম্বন করিয়া নূতন জাতি বা জনসমাজ প্রতিষ্ঠিত হইবে।

পৃথিবীতে যখন যে দেশে নূতন একটি ধর্ম আসিয়াছে, তখনই নূতন সমাজ প্রস্তুত হইয়াছে। হিন্দুধর্মের শাসনে বর্তমান সময়ে যে জাতিভেদ প্রভৃতি প্রথা প্রচলিত আছে, বহু প্রাচীন কালেও এদেশে এইরূপ প্রথা প্রচলিত ছিল। বর্তমান সময়ের ধর্ম তখনকার ধর্ম ছিল না, তখনকার জাতিভেদ এখনকার মত ছিল না, কিন্তু তখন বৈদিক ধর্ম অগ্রাহ করা একটি ভয়ঙ্কর কার্য ছিল—অথচ বুদ্ধের শাসনে শত সহস্র লোক প্রাচীন ধর্ম ও জাতি ত্যাগ করিয়া নূতন সমাজ গঠন করিয়াছিল। মুসলমানধর্মের ইতিহাসে দেখা যায়, ইসলামধর্ম সকল সমবিশ্বাসীকে পরস্পরের ভ্রাতৃত্ব দান করিয়াছিল, যে মুসলমান হইল, সেই নূতন বিশ্বাস লাভ করিয়া সকল মুসলমানের ভ্রাতা

হইল। বৈষ্ণবগণের মণ্ডলীগঠনের আদি ইতিহাসও ঠিক এইরূপ। প্রত্যেক নতন ধর্ম আসিয়া নতন ভাবে মানুষের সহিত অপর সকল মানুষের আত্মীয়তা নতন করিয়া দেখাইয়া দেয় এবং নতন ধর্ম গ্রহণের সঙ্গে সঙ্গে নতন সমাজ গঠিত হয়। নান কারণে আমাদের দেশের সামাজিক মহা পরিবর্তন এখন মংঘটন হইতেছে—যদিও বাহিরে শুনিতে পাওয়া যায় প্রত্যেক জাতি পৃথক ভাবে আপন উন্নতির জন্ত যত্নবান হইয়াছে, কিন্তু ইহার ভিতরের কথা এই যে, জাতির দিন শেষ হইয়াছে—নতন জ্ঞানালোকে সকলেই দেখিতে পাঠিতেছেন যে, জাতি মিথ্যা, জাতি মানুষ হইতে মানুষকে পৃথক করিয়া রাখে—জাতি শতরূপে উন্নতির বাধা দেয়—অথচ এখন সকল জাতিই অবাধে উন্নতির পথে অগ্রসর হইতে ব্যাকুল—এই উন্নতি লাভ হইলেই জাতির পৃথকত্ব চলিয়া যাইবে এবং সকল উন্নত নরনারী মিলিয়া নতন জনসমাজ গঠন করিবে। যাহারা পরমেশ্বরকে পিতা বলিয়া বিশ্বাস করেন তাহারা অবশ্যই নরনারীকে ভাই ভী বলিয়া গ্রহণ করিবেন, এবং যাহাতে ভাই ভাই সরলভাবে মিলিত হইয়া পিতার ইচ্ছা পূর্ণ করিতে পারেন তাহার জন্ত যত্নবান হইবেন।

মহধর্ম্মিণী ।

(পূর্বাত্মবৃত্তি ।)

আমার বাক্যগুলি বলিবার ভঙ্গীতে এমন একটা আগ্রহপূর্ণ ভাব ও আন্তরিক-

কতা ছিল যে তাহা বন্ধুর হৃদয়কে সহজেই স্পর্শ করিল। আমি বন্ধুর প্রকৃতির সহিত ঘনিষ্ঠভাবে পরিচিত ছিলাম; সেইজন্ত আমার কথায় বন্ধুর মনে যে সাময়িক-ভাবে উত্তেজন আসিল আমি কৌশলে তাহাকে নিজ অভিপ্রায় সাধনোদ্দেশ্যে নিয়োজিত করিয়া বন্ধুর মনকে পরিবর্তিত করিতে সমর্থ হইলাম। বন্ধু বাঙ্গা প্রত্যাগমন করিয়া স্বীয় পত্নীর নিকট তাহার ব্যথিত হৃদয়ের বেদনারাশি নিবেদন করিবেন বলিয়া স্বীকৃত হইলেন।

বন্ধুর আন্তরিক দুঃখের কথা শুনিয়া তাহার পত্নী সেই দুঃখে হৃদয়ের সমবেদনা প্রকাশিত করিবেন ও অশ্রুসিক্তনে তাহা বহন করিতে কুণ্ঠিত হইবেন না একথা আমি বন্ধুকে বিধিমতে বুঝাইতে চেষ্টা করিয়াছিলাম—কিন্তু তাহা হইলেও বন্ধু যখন পত্নীর নিকট আপনার ভাগ্যবিপর্যয়ের কথা প্রকাশ করিয়া বলিবেন তখন তাহার ফল যে কি হইবে তাহা চিন্তা করিয়া আমার মন ভাবনা ও উৎকর্ষায় দোলায়মান হইতে লাগিল। যাহার সমস্ত জীবন সুখ ও শান্তির ক্রোড় প্রতিপালিত, বিপদে তাহার ধৈর্য্য কতদূর স্থির থাকিবে তাহা কে বলিতে পারে? যে হৃদয় মৌভাগ্যস্বর্ষের বিমল কিরণে চিরদিন আনন্দোৎকুল ছিল, সে হৃদয় দুঃখ দারিদ্র্যের ভাবী ষনাক্রকারে ভীত ও সন্ত্রস্ত হইয়া আপনার চিরপরিচিত আরামের মোহে মুগ্ধ হইয়া থাকিবে না একথা কে নিঃসন্দেহে বলিতে পারে? সুখলালিত উচ্চবংশীয়দিগের মধ্যে হঠাৎ ভাগ্যবিপর্যয়

ঘটিলে সেই শোচনীয় ঘটনার সহিত এমন নৃশংস অপমান ও লাঞ্ছনার বিভীষিকা জড়িত থাকে যে সেই ভাগ্যবিপর্যয়ের পীড়ন সহ করিবার শক্তি অতি অল্প লোকেরই দেখা যায়। ফল কথা, পরদিন প্রভাতে যখন বন্ধু আমার নিকটে আসিয়া উপস্থিত হইলেন তখন আমার হৃদয় উদ্বেগ ও আশঙ্কায় বিপর্যস্ত হইতেছিল। বন্ধু পত্নীর নিকট সকল কথা প্রকাশ করিয়াছেন কিন্তু আমি সাহস করিয়া সহসা তাহাকে কোন কথা জিজ্ঞাসা করিতে পারিলাম না।

কিছুক্ষণ পরে আমি সাহসে ভর করিয়া উদ্বেগপূর্ণ-হৃদয়ে বন্ধুকে জিজ্ঞাসা করিলাম;—

“তোমার সকল কথা শুনিয়া তোমার পত্নী কি বলিলেন? তিনি এই নিদারুণ সংবাদ কিরূপে বহন করিলেন?”

“কিরূপে বহন করিলেন?—দেবলোকবাসিনী দেবীর ছায়। বন্ধু, তুমিই আমার পত্নীর মন যথার্থ বুঝিতে পারিয়াছ। আমার সকল কথা শুনিয়া তিনি যেন হৃদয়ে অনির্ভরচনীয় আরামলাভ করিলেন। তিনি তাহার কোমল ভূজলতায় সস্নেহে আমার কর্ণদেশ আবেষ্টন করিয়া বলিলেন—প্রিয়তম, এইজন্তই তুমি সম্প্রতি এমন মর্ম্মবেদনায় পীড়িত হইতেছিলে? সত্য করিয়া বল তোমার মনঃকষ্টের ইহাই কি প্রকৃত কারণ? না অথ কোন কারণ আছে?”

আমি ভাবিলাম—“হায় সরল-হৃদয়া নারী; তুমি এ কারণকে সামান্য কারণ

মনে করিলে! তুমি এখনও বুঝিতে পারিতেছ না—এই ভাগ্যবিপর্যয়ের প্রকৃত অর্থ কি। তুমি এখনও জান না—ইহার পশ্চাতে তোমার জন্ত কত নিষ্ঠুর বৃশ্চিক-দংশন লুক্কায়িত রহিয়াছে। তুমি কেবল কল্পনাতেই দুঃখের চিত্র আঁকিয়া দেখিয়াছ—শুধু কবির কাব্যে ও উপন্যাসের জগতে সেই ভীষণা দানবীর নৃতি গঠন করিয়া দেখিয়াছ। এখনও প্রকৃত কুসুমের সুসমারামের মধ্যে মধুমত্তা মধুকরীর ছায় তুমি আনন্দে গুঞ্জন করিতেছ—পত্রপ্রচ্ছবা নির্দয়া ফণিনী এখনও ফণা উত্তোলন করিয়া তোমাকে দংশন করে নাই। কিন্তু যখন কল্পনার রাজ্য ছাড়িয়া আমরা কঠোর বাস্তব জগতের মর্ম্মঘাতী পীড়নের মধ্যে নিপতিত হইব—যখন আমাদের চতুর্দিকে দুর্ভাবনার অন্ধকার নিবিড় ভাবে ষনাইয়া আসিবে—যখন অভাব অপমান লাঞ্ছনা তাহাদের দৃপ্তফণা উত্তোলিত করিয়া বিষধর ভূজঙ্গের ছায় আমাদের মর্ম্মস্থান দংশন করিবে তখন—তখনই বুঝিবে এই ভাগ্যবিপর্যয়ের প্রকৃত অর্থ কি, তখনই বুঝিবে সংসারে নিঃশ্বের নিয়তি কি মর্ম্মস্বদ, কি সুভীষণ!”

আমি বলিলাম—“বন্ধু, তোমার কঠোর-তম কাব্যে এক্ষণে শেষ হইয়াছে—তুমি সাহসের সহিত পত্নীর নিকট সকল কথা প্রকাশ করিয়া বলিয়াছ। সুতরাং এখন যতনীল সংসারের অগ্ন্যাগ্ন লোকে তোমাদের ভাগ্যবিপর্যয়ের কথা জানিতে পারে ততই তোমাদের পক্ষে মঙ্গল। জগতের নিকট এই সত্য প্রকাশ করিতে তোমাদের

হৃদয় দুঃখভারে অবনত হইবে স্বীকার করি কিন্তু জীবনের প্রত্যেক মুহূর্তে তিল তিল করিয়া দুঃখানলে দগ্ধ হওয়া অপেক্ষা স্বীকের জ্বালা একবার দুঃখ বহন করা কি তোমার কর্তব্য নহে? প্রকাশের বেদনা সাময়িক, তেঁমরা শীঘ্রই তাহার উপরে জয়লাভ করিতে সমর্থ হইবে। কঠোর সরল মত্যা অপেক্ষা কি কপট ছলনার ভার তুর্কহ নহে? মানুষের ভাগ্যবিপর্যায় ঘটিলে মানুষ যে দুঃখ ও দারিদ্র্যের পেষণে অধিক ব্যথিত হয় তাহা নহে, কিন্তু দুঃখের অবস্থায় পড়িয়াও মানুষকে যে দুঃখ ও সৌভাগ্যের কপটতার রক্ষা করিতে হয় ইহাই সর্বাপেক্ষা অধিক কঠোর কারণ। মন ধনগর্বে উত্তপ্ত, কিন্তু ধনভাণ্ডার অর্থশূন্য; জগতের সম্মুখে উচ্চপ্রাসাদ উন্নত রাখিতে হইবে অথচ অট্টালিকার ভিত্তি অন্তঃসার-শূন্য, ইহা অপেক্ষা শোচনীয় ব্যাপার আর কি হইতে পারে? সাহসের সহিত যদি আপনাকে দরিদ্র বলিয়া জগতে ঘোষণা করিতে পার তবেই দারিদ্র্যের মর্গচ্ছেদী বিষদন্তকে ভয় করিতে সমর্থ হইবে।”

আমি দেখিলাম বন্ধু এ বিষয়ে কিছুমাত্র পশ্চাৎপদ নহেন। শূন্যগর্ভের অহমিকায় তিনি দর্পিত নহেন, তাঁহার পরীও তাঁহাদের পরিবর্তিত অবস্থার উপযোগী জীবন যাপন করিতে সমুৎসুক। তিনি বন্ধুকে ইতিমধ্যেই এ বিষয়ে সনির্ভরক অনুরোধ জানাইয়াছেন।

ইহার কয়েকদিন পরে বন্ধু একদিন সন্ধ্যার সময় আমার সহিত সাক্ষাৎ করিতে

আসিলেন। বন্ধু আপনার বৃহৎ বসতবাড়ী-খানি বিক্রয় করিয়া পল্লীগাম্বে একখানি ক্ষুদ্র কুটির ক্রয় করিয়াছেন। পল্লীগাম্বেী সচরেরই সন্নিকটবর্তী। সেদিন সগস্তদিন ধরিয়া বন্ধু নূতন আবাসে মালপত্রাদি প্রেরণে ব্যস্ত ছিলেন। এই নব আবাস-গৃহে আসবাব পত্রের অধিক আবশ্যকতা ছিল না। সেখানে অতি সামান্য আসবাবেই তাঁহাদের অভাব পূর্ণ হইবে। সেইজন্ত তিনি নিজের মূল্যবান যাবতীয় গৃহসরঞ্জাম পূর্বেই বিক্রয় করিয়া ফেলিয়াছেন, কেবল প্রিয়তমার প্রিয় বীণাটী তিনি ক্রেতার কবল হইতে সযত্নে রক্ষা করিয়াছেন। মেটীকে বিক্রয় করিতে গেলে তাঁহাদের হৃদয়ের অনেকগুলি কোমলতন্ত্রী নিষ্ঠুর আঘাত প্রাপ্ত হয় সেইজন্ত মেটী তিনি বিক্রয় করিতে পারেন নাই। বন্ধু বলিলেন, সেই বাণ্যন্ত্রটীর সহিত তাঁহার প্রিয়তমা সঙ্গিনীর অনেক মধুর স্মৃতি অচ্ছেদ্যবন্ধনে জড়িত, সে যন্ত্রটী তাঁহাদের উভয়ের প্রথম প্রেমকাহিনীর সুখময়ী গাথায় পরিপূর্ণ। যখন তাহার গুণবতী জীবনসঙ্গিনীর সহিত তাঁহার প্রথম পরিচয়, তখন উভয়ের প্রেমস্পন্দিত জীবনের অনেক সুখের মুহূর্ত সেই বীণার কোমল সুরে বসন্তাহত কুমুমমঞ্জরীর জ্বালা শোভায় ও সৌন্দর্য্যে প্রস্ফুট হইয়া উঠিয়াছিল। তিনি সেই যন্ত্রের পার্শ্বে মন্ত্রমুগ্ধের জ্বালা দণ্ডায়মান হইয়া তাঁহার প্রেমপ্রতিমার কিম্বদন্তি-বিনিন্দিত কঠোর কোমল পদাবলী শ্রবণ করিয়া এই নীরস মর্তে রমোচ্ছল নন্দনের রসাসাদ করিয়া সুখী হইয়াছিলেন। বীণাটী তাঁহা-

দেব দাপত্য জীবনের সুকোমল সাক্ষী — তাহার মায়া বন্ধু কিহুতেই পরিত্যাগ করিতে পারেন নাই।

ক্রমশঃ।

শ্রী বিনয়ভূষণ সরকার।

### নারীর ব্যক্তিত্ব ও স্বাধীনতা।

পৃথিবীতে মনুষ্যজাতির সভ্যতা বৃদ্ধিরূপে উন্নতি লাভ করিয়াছে। বহুলোক সাম্রাজ্যবাদের বিশেষ পক্ষপাতী। অথচ বিংশশতাব্দীর সভ্যতা-গর্ভিত মানব-সমাজও নারীজাতির স্বতন্ত্র ব্যক্তিত্ব এবং নিদ্বন্দ্ব স্বাধীনতা স্বীকার করিতে প্রস্তুত নহে। সেই পুরাতন অসভ্যাবস্থাতেও পুরুষজাতি নারীর ব্যক্তিত্ব এবং স্বাধীনতার উপরে যেমন কর্তৃত্ব করিয়াছে, অগ্রবধি পুরুষ সেই অধিকারটি বজায় রাখিবার জন্ত কৃতমঙ্গল। নারীকে ব্যক্তিত্বের অধিকারে বঞ্চিত করিয়া পুরুষের আধিপত্যের অধীন রাখিয়া পুরুষের প্রয়োজন নির্মাহোপযোগী কিংবা শিক্ষিত স্বীকৃত বেশভূষা-সমলঙ্কৃত করিতে পুরুষের কোন দেশে কোন আপত্তি দেখা যায় না। নারীজাতিরও সর্বদেশে সর্বসমাজে এমনই অবস্থা ঘটিয়াছে যে পুরুষের অধীন থাকিয়া স্বাধীনতার অধিকতররূপে বঞ্চিত হইয়াই যেন তাহাদের ভাল বোধ হয়। উহাই নিরাপদ মনে করা হইয়া থাকে। ব্যক্তিত্বের স্বাধীনতা ও স্বাধীনতা দণ্ডায়মান রাখিতে গেলে যে বিপদ পরীক্ষার পড়িতে হয় তাহাতে আর সন্দেহ নাই। একারণে

কি নারী এই বিংশ শতাব্দীতেও আপনার ব্যক্তিত্ব এবং স্বাধীনতা জনসমাজে দণ্ডায়মান করিতে ইচ্ছা করিবে না? নারী-জাতির ব্যক্তিত্বের স্বাধীনতা ও স্বাধীনতার স্বথোচিত সম্মান ও মূল্য কি সভ্যতাগর্ভিত বর্তমান জনসমাজ প্রদানার্থ প্রস্তুত হইবে না? অদৃষ্ট হইবে। সংসারে সর্বপ্রকার পুরাতন নিধানের আধিপত্য বিলুপ্ত হইতেছে। পরমেশ্বর সর্ববিষয়ে ভুবনমণ্ডলে নবতর বিধান করিতেছেন। এ বিধানে প্রত্যেক নরনারীর ব্যক্তিত্ব ও স্বাধীনতা স্বীকৃত হইতেছে। জনসমাজ ইহা কি আর অস্বীকার করিয়া থাকিতে চুক্কন্ন হইবে? কখনই না।

ভারতবর্ষে স্ত্রী-সভ্যতা ও ধর্মের প্রথম কিরণলাভ হইয়াছিল। কিন্তু সেই পুরাকালেও এদেশে নারীর স্বাধীনতা ও স্বতন্ত্র ব্যক্তিত্বের অধিকার নরসমাজ স্বীকার করিত কি না পরিষ্কার জানা যায় না। তৎকালে এদেশে নারীর সম্মান ছিল, পূজা ছিল, স্বাধীনভাবে জনসমাজে মিশিবার অধিকার ছিল। কিন্তু তথাপি এখন যাহার অভাব দেখা যায় তাহা ছিল বলিয়া বলা যায় না। কারণ দেখা যায় যে হিন্দুনারী ধন ও সম্পত্তির সত্ত্বাধিকারে চিরকাল বঞ্চিত। এরূপ সত্ত্বাধিকারের অভাব পুরুষের চিরাদীনতার একটি অনতিক্রমণীয় কৌশল। মুসলমান, খ্রীষ্টান ও পার্শ্ব প্রভৃতি জাতির মধ্যে এরূপ নারীর বঞ্চনাকারী বিধি নাই। তাই বলিয়া সে সকল সমাজও যে নারীর প্রকৃত স্বাধীনতা এবং ব্যক্তিত্বকে পূর্ণরূপে

স্বীকার করিয়াছে তাহা বলা যায় না। তথাপি ইহা নারীর স্বাভাবিক স্বীকারের একটা প্রধান লক্ষণ বটে। হিন্দুজাতি সম্ভ্রাতা ও ধর্মজ্ঞানের গৌরবে যত কেন স্ফীত না হউক, নারীর প্রতি সম্মান প্রদর্শনেও অগ্র জাতি হইতে যত কেন শ্রেষ্ঠতা প্রদর্শন না করুক, ধনাধিকারে বিধিপূর্বক নারীজাতিকে বঞ্চিত করিয়া সামাজিকভাবে নারীকে অধীনতার শৃঙ্খলা-বদ্ধ করিয়া রাখিয়াছে ইহা আর গোপন করিবার উপায় নাই। হিন্দু বা আর্ধ্য-জাতিতে উল্লিখিত পুরাতন দায়াদিকার যতদিন অপরিবর্তনীয় আছে ততদিন হিন্দু-সমাজ মধ্যে নারীর ব্যক্তিত্ব ও স্বাধীনতা কখনই অঙ্গীকৃত হইতে পারে না। হই-লেও উহা নামমাত্র, উহার ফলোপধায়িতা কিছুই নাই।

হিন্দুজাতির অধঃপতিত অবস্থাতে নারী-জাতি জ্ঞানার্জনের অধিকার বিরহিত ছিল। জ্ঞান ভিন্ন ব্যক্তিত্ব ও স্বাধীনতা বিষয়ে চৈতন্য কোন্ শক্তিতে প্রদান করিতে পারে? জ্ঞানে হীন হইয়া থাকিলে স্বভাবতঃই অন্ধের হ্রায় চলিতে ফিরিতে হয়—অন্ধের উপর নির্ভর করিতে হয়।

উপধর্ম ও মনুষ্যকে মনুষ্যের বসীভূত করিয়া থাকে। হিন্দুজাতিও স্বদীর্ঘকাল হইতে সত্যধর্ম বিচ্যুত হইয়া বসিয়াছে। নরনারী মাত্র এসমাজে সকলেই নিতান্ত কল্পিত উপধর্মের আশ্রিত। মুখ গুরু পুরোহিত এ ধর্মের নেতা। তাহাদের আনুগত্যে কোন মনুষ্যের মনুষ্যত্ব থাকিতে পারে না। একারণে এ ধর্ম ভারতীয়

মহিলাকুলেরও অধঃপতন হইয়াছিল ইহা বলা বাহুল্য। এসকল প্রভাবে স্বাধীনতা ও ব্যক্তিত্ব বিষয়ে এদেশে নারীজাতি হতচেতন হইবার কথা।

পূর্বেল্লিখিত কারণসমূহের সমবায়েও ভারতরমণী একেবারে স্বাধীনতা এবং ব্যক্তিত্ব হারাইয়া ফেলে নাই। তাহার কারণ সতীধর্ম এবং প্রেম। প্রেম স্বর্গীয়-শক্তি। সতীধর্মেও স্বাধীনতা এবং ব্যক্তিত্বকে রক্ষা করে। স্বাধীন ব্যক্তি-রূপেই রমণী আপন সতীধর্ম রক্ষা করেন। বিশুদ্ধ স্নেহ প্রেমে পরিপূর্ণ হইয়া ভারত-মহিলা যে স্ত্রীয় পরিবার পরিজন এবং প্রতিবেশিগণের সেবা করেন, সেই পুণ্য-বলে বিস্তীর্ণ হিন্দু নরসমাজের সবিশেষ যত্নেও স্বকীয় স্বাধীনতা ও ব্যক্তিত্ব হইতে একেবারে তিরোহিত হইয়েন নাই।

যাহা হউক দুঃখিনী ভারত নারীর উপরে বিশ্ববিধাতার কৃপাদৃষ্টি নিপতিত হইয়াছে। যাহাতে ভারতবাসিনীগণ স্বকীয় স্বাধীনতার ভূমিতে অধিরোহণ পূর্বক ব্যক্তিত্বের অধিকার প্রাপ্ত হইতে পারেন বিধাতা তাহার আয়োজন বর্তমান যুগে বিধান করিয়াছেন। শিক্ষিতা মহিলাদিগের আত্মোপায় চিন্তা করিয়া বর্তমান উপায় গ্রহণ চেষ্টা করা কর্তব্য। জ্ঞানপ্রভাবে নারীদিগের স্ব স্ব ব্যক্তিত্ব চিনিয়া লইতে হইবে। স্বাধীনভাবে শুদ্ধভাবে নীতি ও ধর্মের অধীন হইতে হইবে। ইহা করিলে স্বাধীনতা সুপ্রতিষ্ঠিত এবং বিশুদ্ধ হইবে। বিশেষতঃ প্রতিবেশিনী ভগিনীগণ যে প্রকার দুর্দশাপন্ন হইয়া

রহিয়াছেন তৎসম্বন্ধে তাহাদের জ্ঞান জন্মবে। তখন তাহাদের দুর্গতি দূরী-করণার্থ যাহা করা প্রয়োজন তদ্বিষয়ে চিন্তা প্রধাবিত হইবে।

মনুষ্যের পক্ষে ধনাধিকার জ্ঞানাধি-কার এবং স্বীয় জীবনের স্বাধীনভাবে ব্যবহারে অধিকার থাকাই ব্যক্তিত্ব এবং স্বাধীনতার উদ্দেশ্য। পশু পক্ষীর হ্রায় অন্ধের অধীন হইয়া আহার ও বিশ্রামস্থান লাভ করা, জীবনের ব্যবহার করা মনুষ্যের পক্ষে নিতান্ত বিমদৃশ। মনুষ্য মনুষ্যের অধীন হইলেও স্বাধীনভাবেই অধীন হইবে এবং তদ্বারা কোনরূপে তাহার স্বতন্ত্র ব্যক্তিত্ব ক্ষুণ্ণ হইবে না।

সকল কালে এবং সকল দেশেই মহাপুরুষদিগের ব্যবহার সাধারণ লোক হইতে সম্পূর্ণ পৃথক্। মহাপুরুষগণ নারী-জাতির ব্যক্তিত্ব ও স্বাধীনতাকে অত্যন্ত শ্রদ্ধা করিয়াছেন। ঈশা এবং গৌরান্দ্রের শ্রদ্ধাযুক্ত ব্যবহারের প্রভাবে অনেক পতিতা রমণী পুণ্যের অত্যাচ্ছ ভূমিতে অধিরোহণ করিয়াছেন। মেরি মেগ-ডেলিনীকে সেদেশে জনসাধারণ পতিতা বলিয়া খুব অবজ্ঞার চক্ষে দেখিত। কিন্তু একমাত্র যিওথ্রীষ্টের সম্মুখে ও শ্রদ্ধাপূর্ণ ব্যবহারে মেরী পুনরায় পুণ্যবতী ও ভক্তি-মতী হইয়া চিরকাল জনসাধারণের শ্রদ্ধা আকর্ষণ করিতেছেন। শ্রীগৌরান্দ্রের শ্রদ্ধাপূর্ণ সঙ্গ ও ব্যবহার পাইয়া কোন কোন বারবিলাসিনী ভক্তিমতী ও বৈরা-গিনী হইয়া অতুতপূর্ব দৃষ্টান্ত জনসমাজে প্রতিষ্ঠিত করিয়া গিয়াছেন। রাষ্ট্রিক ও

জনসাধারণের স্বাধীনতার প্রতিষ্ঠাতা জগদ্বিখ্যাত নেপোলিয়ন বোনাপার্ট নারী-জাতির প্রতি অসাধারণ শ্রদ্ধাযুক্ত-চিত্ত ছিলেন। তিনি শত্রু মিত্র, দেশ বিদেশ নিরীক্শে নারীর ব্যক্তিত্ব ও স্বাধীনতার প্রতি অসাধারণ শ্রদ্ধা প্রকাশ করিয়া গিয়াছেন। আমাদের দেশে বর্তমান যুগধর্মের আদি প্রতিষ্ঠাতা মহাত্মা রাজা রামমোহন রায়ও নারীজাতির স্বাধীনতা এবং ব্যক্তিত্বকে অসাধারণ শ্রদ্ধা করি-তেন। একারণে নারীর অধীনতা ও দুঃখ-বিমোচনার্থ তিনি কত অনগ্র-সাধারণ যত্ন করিয়া গিয়াছেন। মহাপুরুষগণ নারী-জাতিকে চিরকাল স্বাধীন ব্যক্তিত্বের শ্রদ্ধা প্রীতি দিয়াছেন। জনসাধারণের ভাব নানা সূত্রে নানা দেশে ইহার বিপরীত পরি-লক্ষিত হইয়া থাকে। কিন্তু জনসাধারণে এরূপ বিরুদ্ধভাব আর তিষ্ঠিতে পারিবে না। নারী স্বাধীন ব্যক্তিরূপে জ্ঞানে গুণে ধনে সম্মুখে জনসমাজে দণ্ডায়মান ও স্বীকৃত হইবে। ইহাতে জনসমাজের উন্নতি ভিন্ন অবনতি হইবে না, কল্যাণ ভিন্ন অকল্যাণ হইবে না। “মহিলা” পত্রের মহিলা গ্রাহিকাগণ কি এবিষয়ে চিন্তা করিয়া দেখিবেন?

একটা বৌদ্ধগল্প ।

একদা জেতবন বিহারকালে বুদ্ধদেব একটা পুত্রশোকাতুর গৃহস্থকে অবলম্বন করিয়া এই গল্পটা বলিয়াছিলেন। এই গৃহস্থ পুত্রের মৃত্যুকাল অবধি স্নানাহার

ত্যাগ করিয়াছিল, কতব্যকর্মও সম্পন্ন করিত না; কেবল নিরন্তর রোদন করিতে করিতে শ্যামানভূমিতে বিচরণ করিত। কিন্তু নির্যাসপথে শ্রোতাপন্ন হইবার শক্তি তাহার মধ্যে প্রচ্ছন্ন অগ্নির ত্বায় লুক্কায়িত ছিল। একদিন প্রত্যুষ সময়ে ত্রিলোক অবধারণ করিতে করিতে বুদ্ধদেব তাহাকে দেখিয়া চিন্তা করিলেন, “তাহার শোক হরণ করিয়া ইহাকে নির্যাসপথের পথিক করিতে সমর্থ আমাভিন্ন আর কেহ নাই, আমিই ইহার মুক্তির কারণ হইব।” এই চিন্তা করিয়া আহাৰাস্তে অনুচর শিষ্যগণকে লইয়া তিনি গৃহস্থের দ্বারে উপস্থিত হইলেন। গৃহস্থও তাঁহার আগমনবার্তা শ্রবণ করিয়া প্রত্যক্ষমনপূর্বক সম্মানসহকারে নির্দিষ্ট আসনে স্থান দিয়া তাঁহাকে বন্দনা করিয়া একপার্শ্বে উপবেশন করিল। তখন বুদ্ধদেব জিজ্ঞাসা করিলেন, “ভ্রাতঃ, অত্যন্ত শোকাক্ত হইয়াছ কি?” “দেব, সত্যি আমি পুত্রের মৃত্যুকাল অবধি অত্যন্ত শোকাক্ত হইয়াছি। গৃহস্থ এইরূপ উত্তর দান করায় তিনি বলিলেন, “ভ্রাতঃ, যাহা ভঙ্গুর তাহা ভগ্ন হয়, যাহা নাশধর্মী তাহা নাশপ্রাপ্ত হয়; ইহা একজনের কিম্বা কোনও এক বিশেষ স্থানের অদৃষ্ট নহে, এই যে অপরিমেয় ত্রিভুবন ইহাতে আবিনশ্বর নামে বা একভাবে চিরকাল অবস্থান করিতে পারে এরকম কোনও বস্তু নাই, সকল প্রাণী মরণধর্মী, সমস্ত যৌগিক বস্তু বিয়োগধর্মী। পুরাকালে জ্ঞানিগণ পুত্রের মৃত্যু হইলেও ‘নাশধর্মী নষ্ট হইয়াছে’ এই চিন্তা করিয়া শোক

করেন নাই।” এই বলিয়া গৃহস্থ কর্তৃক যাচিত হইয়া বুদ্ধদেব অতীতের কথা বলিতে লাগিলেন।

অতীতে বারানসী নগরে রাজা ব্রহ্মদত্তের রাজত্বকালে বোধিসত্ত্ব নগরদ্বারসমীপস্থ গ্রামে ব্রাহ্মণকুলে জন্মগ্রহণ করিয়া গৃহস্থপালন করিয়া কৃষিকর্ম দ্বারা জীবিকা নির্যাস করিতেন। তাহার একটি পুত্র এবং একটি কন্যা এই দুইটী সন্তান ছিল। পুত্র বয়ঃপ্রাপ্ত হইলে তিনি সমানকলসমুত একটি কুমারী পুত্রবধুরূপে গৃহে আনয়ন করিলেন। এইরূপে দাসীকে গণনা করিয়া তাহার সংসারে ছয়জন হইলেন, অর্থাৎ বোধিসত্ত্ব, তাহার স্ত্রী, পুত্র, কন্যা, পুত্রবধু এবং দাসী। তাহার সকলে আনন্দচিত্তে পরস্পরের প্রীতিসাধন করিয়া বাস করিতেন। বোধিসত্ত্ব অগ্র সকলকে এই প্রকারে উপদেশ দান করিতেন, “তোমরা যথানিয়মে দান করিবে, শীল রক্ষা করিবে, উপবাস সাধন করিবে, মৃত্যু বিষয়ে সর্দঙ্গ চিন্তা করিবে এবং নিজ নিজ মরণশীলতা স্মরণে রাখিবে। সমস্ত প্রাণীর মরণ নিশ্চিত এবং জীবন অনিশ্চিত, সমস্ত যৌগিক বস্তু অনিত্য এবং ক্ষয়ধর্মী। এই সকল চিন্তায় দিব্যাত্মি সাবধানে অতিক্রম কর।” তাহার সকলে উপদেশ গ্রহণ করিয়া এইরূপে সাবধানে সর্সক্ষণ মৃত্যুবিষয় চিন্তা করিতেন।

অনন্তর বোধিসত্ত্ব ভূমিকর্ষণ করিবার জন্ত পুত্রের সহিত একদিন ক্ষেত্রে গমন করিলেন। তাহার পুত্র ক্ষেত্রস্থিত সমস্ত জঞ্জাল একত্রিত করিয়া একস্থানে পোড়াইতে

লাগিল। তাহার অনতিদূরে একটি বল্লীকে একটি সর্প বাস করিত। ধূমে তাহার চক্ষে অত্যন্ত জ্বালা উপস্থিত হইল। সে ক্রুদ্ধভাবে বহির্গত হইয়া, “তাহারই জন্ত আমার এই কষ্ট উপস্থিত,” এই চিন্তা করিয়া তাহার বিষদন্ত দ্বারা বোধিসত্ত্বের পুত্রকে দংশন করিল এবং সে তৎক্ষণাৎ মৃত্যুমুখে পতিত হইল। তাহাকে পতিত হইতে দেখিয়া বোধিসত্ত্ব লাঙ্গল রাখিয়া নিকটে আসিলেন এবং পুত্রের মৃত্যু হইয়াছে বুঝিতে পারিলেন। তখন তাহাকে উঠাইয়া একটি বৃক্ষমূলে স্থাপন করিয়া বস্ত্রে আচ্ছাদিত করিলেন, কিন্তু কোনও প্রকার ক্রন্দন বা শোকপ্রকাশ করিলেন না; “যাহা ভঙ্গুর তাহা ভগ্ন হইয়াছে, মরণধর্মী মৃত হইয়াছে, সমস্ত যৌগিক বস্তু অনিত্য এবং মরণশীল” এইরূপে সংসারের অনিত্যতা বিষয়ে চিন্তা করিতে করিতে কঁপ করিতে থাকিলেন।

কিছুকাল পরে ক্ষেত্রের পার্শ্ব দিয়া একজন প্রতিবেশীকে যাইতে দেখিয়া এবং সে গৃহে যাইতেছে শুনিয়া বোধিসত্ত্ব বলিলেন, “দেখ, আমাদের গৃহে যাইয়া ব্রাহ্মণীকে বলিবে যে, আজ অশ্রুদিনের ত্বায় হই জনের আহাৰ না আনিয়া যেন একজনের জন্তই আনা হয় এবং অশ্রুদিন দাসী একাকীই আহাৰ আনয়ন করে, আজ যেন চারিজনেই শুদ্ধ বস্ত্র পরিধান করিয়া পুষ্প ও গন্ধ হস্তে লইয়া সকলেই এখানে আসে।” ঐ প্রতিবেশী গৃহে যাইয়া ব্রাহ্মণীকে ঐ প্রকার বলিল। ব্রাহ্মণী জিজ্ঞাসা করিলেন, “এ সংবাদ

কে পাঠাইয়াছে?” প্রতিবেশী বলিল যে ব্রাহ্মণ নিজেই সংবাদ দিয়াছেন। ব্রাহ্মণী তখনই বুঝিতে পারিলেন যে তাহার পুত্রের মৃত্যু হইয়াছে সেই জন্তই এইরূপ সংবাদ আসিয়াছে, কিন্তু তথাপি তাহার মন একটুও বিচলিত হইল না। এইরূপে স্থিরাচিত্তে শুদ্ধবস্ত্র পরিধান করিয়া, পুষ্প, সুগন্ধ ও আহাৰ সামগ্ৰী লইয়া অগ্র সকলের সহিত ব্রাহ্মণী ক্ষেত্রে উপস্থিত হইলেন। একজনও রোদন কিম্বা বিলাপ কিছুই করিলেন না। পুত্র যে বৃক্ষমূলে শায়িত ছিল সেই বৃক্ষের ছায়াতে বসিয়াই বোধিসত্ত্ব ভোজন করিলেন। আহাৰাস্তে সকলে কাষ্ঠ সংগ্রহ করিয়া মৃতদেহ চিতার উপরে রাখিয়া পুষ্প ও গন্ধ সহকারে সম্মান প্রদর্শনপূর্বক দাহ করিলেন। কাহারও একবিন্দু অশ্রু দেখা গেল না। সকলেই মৃত্যুচিন্তায় চিত্তসমাহিত করিয়া রহিলেন।

এদিকে তাহাদের ধর্মের প্রতাপে শক্দের সিংহাসন উৎস হইয়া উঠিল। “কে আমাকে স্থানচ্যুত করিতে ইচ্ছুক হইয়াছে?” এই অবধারণ করিতে করিতে শক্ ইহাদের গুণের প্রতাপ জানিতে পারিয়া প্রসন্নচিত্ত হইয়া চিন্তা করিলেন, “ইহাদের নিকটে উপস্থিত হইয়া সিংহনাদ করিয়া তদনন্তর ইহাদের গৃহ সপ্তরত্নপূর্ণ করা আমার কর্তব্য।” এই চিন্তা করিয়া তিনি শীঘ্রগতি ঐ স্থানে গিয়া চিতার পার্শ্বে দণ্ডায়মান হইয়া জিজ্ঞাসা করিলেন, “তোমরা কি করিতেছ?” “মহাশয়, একটি মনুষ্যকে চিতাঘ্নিতে দাহ করিতেছি।”

“কিন্তু মনে হইতেছে যে, তোমরা কোনও মনুষ্যকে পোড়াইতেছ না, বরং যেন কোনও পশুকে মারিয়া পোড়াইতেছ।” ব্রাহ্মণ উত্তর করিলেন, “না তাহা নহে, আমরা একটী মনুষ্যকেই পোড়াইতেছি।” শক্র বলিলেন, “তাহাই যদি হয় তাহা হইলে এ নিশ্চয়ই তোমাদের কোনও শক্র।” অনন্তর বোধিসত্ত্ব বলিলেন, “মহাশয়, শক্র নয়, আমাদের আপন পুত্র।” শক্র বলিলেন, “তবে নিশ্চয়ই এ তোমাদের অত্যন্ত অপ্রিয় পুত্র ছিল।” “না, মহাশয়, আমাদের অতি প্রিয় পুত্র।” “তাহা হইলে তোমরা রোদন করিতেছ না কেন?” তখন বোধিসত্ত্ব রোদন না করিবার কারণ বলিলেন, “মহাশয়, সর্প যেমন তাহার জীর্ণ ত্বকু পরিত্যাগ করিয়া চলিয়া যায়, সেইরূপ আমার পুত্র তাহার শরীর পরিত্যাগ করিয়া চলিয়া গিয়াছে। তাহার মৃত্যুর পরে এই শরীর প্রাণ ও ইন্দ্রিয়জ্ঞান রহিত হইয়াছে; ইহাকে দাহ করিলেও জানিতে পারে না, জ্ঞাতিগণের শোক-কোলাহলও শুনিতে পারে না। এই কারণে আমি শোক করিতেছি না। তাহার যে গতি ছিল তাহা হইয়াছে।”

শক্র বোধিসত্ত্বের কথা শুনিয়া ব্রাহ্মণীকে জিজ্ঞাসা করিলেন, “মা, তোমার এ কে হয়?” ব্রাহ্মণী বলিলেন, “যাহাকে দশমাস গর্ভে ধারণ করিয়া স্তন্যপান করাইয়া মানুষ করিয়াছিলাম এ আমার সেই পুত্র।” শক্র বলিলেন, “মা, পিতা পুরুষ-স্বভাববশতঃ রোদন না করিতে পারেন, কিন্তু মাতৃহৃদয় তো কোমল হয়;

তবে তুমি রোদন করিতেছ না কেন?” তখন ব্রাহ্মণী বলিলেন, “অন্যতঃভাবে সেখান হইতে আসিয়াছিল, বিনামৃত্যুতে এখান হইতে চলিয়া গেল; যথা হইতে আসিয়াছিল তথায় ফিরিয়া গেল, ইহাতে তুংখ কি? তাহার যে গতি ছিল তাহা হইয়াছে, এই কারণে আমি শোক করিতেছি না।”

ব্রাহ্মণীর কথা শুনিয়া শক্র মৃতব্যক্তির ভগিনীকে জিজ্ঞাসা করিলেন, “মা, এ তোমার কে?” “আমার ভ্রাতা।” “মা, ভগিনী ভ্রাতার প্রতি স্নেহ হন, তবে তুমি কেন রোদন করিতেছ না?” তখন ভগিনীও তাহার কারণ বলিলেন, “ক্রন্দন করিয়া আমারও কোন লাভ হইবে না, আমার মৃত ভ্রাতারও কোনও লাভ হইবে না। তাহার নিরূপিত গতিতে সে গিয়াছে, এইজন্তই আমি শোক করিতেছি না।”

ভগিনীর কথা শুনিয়া শক্র মৃতব্যক্তির স্ত্রীকে জিজ্ঞাসা করিলেন, “মা, ইনি তোমার কি হন?” “মহাশয়, আমার পতি।” “পতি মৃত হইলে স্ত্রীলোকেরা বিধবা হন, অনাথা হন; তবে তুমি কেন রোদন করিতেছ না?” তখন তিনি উত্তর দিলেন, “আকাশের পূর্ণচন্দ্র লইবার জন্ত ব্যস্ত বালকের ক্রন্দন যেমন নিষ্ফল তেমনি যাহা কখনও ফিরিয়া আসিবে না তাহার জন্ত রোদন করাও নিষ্ফল। নিজ নির্দিষ্ট পথে আমার পতি গমন করিয়াছেন বলিয়া আমি তাঁহার জন্ত শোক করিতেছি না।” তাঁহার কথা শুনিয়া শক্র দাসীকে জিজ্ঞাসা করিলেন, “মা,

তোমার ইনি কি হন?” “আমার প্রভু।” “তবে নিশ্চয়ই ইনি তোমাকে নানা প্রকারে কষ্ট দিতেন, সেইজন্ত ‘তাহাই হইয়াছে’ এই কথা ভাবিয়া তুমি রোদন করিতেছ না।” তখন দাসী বলিল, “মহাশয়, এমন কথা বলিবেন না, একপ ধলা উচিত নয়। আমার প্রভুর পুত্র আমার বক্ষে লালিত পালিত নিজ পুত্রের আয় প্রিয় ছিলেন এবং সহিষ্ণুতা মৈত্রী ইত্যাদি নানা গুণে ভূষিত ছিলেন।” “তাহা হইলে তুমি রোদন করিতেছ না কেন?” তখন দাসী বলিল, “যেমন ভগ্ন-কুন্ত আর জোড়া লাগিতে পারে না তেমনি আমাদের সকলের শোকও মৃতদেহে পুনরায় প্রাণ ফিরাইয়া আনিতে পারে না। আমার প্রভু পুত্র নির্দিষ্ট পথে গমন করিয়াছেন সেইজন্ত আমি আর তাঁহার জন্ত শোক করিতেছি না।”

সকলের জ্ঞানপূর্ণ এই সকল উত্তর শুনিয়া শক্র প্রশস্ত-চিত্তে বলিলেন, “তোমরা সকলেই অবিচলিতভাবে এবং প্রকৃতরূপে মৃত্যুবিষয়ে চিন্তা করিয়াছ। আর তোমাদের স্বহস্তে পরিভ্রম করিতে হইবে না। আমি দেবরাজ শক্র, আমি তোমাদের গৃহ সপ্তরত্ন পূর্ণ করিব। তোমরা দান করিতে থাকিবে, সীল রক্ষা করিবে; উপবাস পালন করিবে। সকলে সুখে বাস কর।” এই উপদেশ দিয়া এবং তাঁহাদের গৃহ অপরিমিত ধনে পূর্ণ করিয়া দিয়া শক্র প্রস্থান করিলেন।

বুদ্ধদেব এই ধর্মোপদেশ দান করিয়া সত্যসকল প্রকাশ করিয়া তাঁহার গল্প শেষ

করিলেন। ইহার ফলে পুত্র-শোকাতুর গৃহস্থ শোক জয় করিয়া নির্বাণ পথে প্রোতাপন্ন হইলেন।

### শারীর স্বাস্থ্য-বিধান ।

আমি পূর্বেই বলিয়াছি যে ব্যক্তিগত স্বাস্থ্য-রক্ষার নিয়মাবলী যথাযথ প্রতিপালন করিলেও কোন সংক্রামক ব্যাধির প্রাহুর্ভাবের সময়ে আমরা অনেক সময়ে আত্মরক্ষা করিতে সক্ষম হই না। সংক্রামক ব্যাধির বিস্তার যে সকল কারণে ঘটয়া থাকে তৎসম্বন্ধে প্রকৃত জ্ঞানের অভাবই আমাদের এই অসহায়তা ও হ্রস্বস্থির প্রধান কারণ, স্মরণ্য লোকসমাজে যাহাতে এই সকল অবশ্য জ্ঞাতব্য বিষয়ের জ্ঞানের প্রসার ক্রমশঃ বৃদ্ধি প্রাপ্ত হয়, তদ্বিষয়ে চেষ্টা করা প্রত্যেক চিকিৎসকেরই কর্তব্য।

আমরা দেখিতে পাই যে পরিবারের মধ্যে একজনের কোনরূপ সংক্রামক রোগ উপস্থিত হইলে একটীর পর আর একটী করিয়া বাটীর সমস্ত লোককেই ক্রমে ক্রমে ঐ রোগে আক্রান্ত হইতে দেখা যায়। ক্রমে পল্লীর মধ্যে ঐ রোগ ছড়াইয়া পড়ে এবং অনেক সময়ে উহা মহামারীর আকার ধারণ করিয়া অসংখ্য লোকের অকাল মৃত্যুর কারণ হয়। কতকগুলি বিষয়ে সাবধান হইলে এই সকল রোগের আক্রমণ হইতে আমরা আত্মরক্ষা করিতে এবং আমাদের পরিবারের মধ্যেও উহাদিগের পরিব্যাপ্তি কতকাংশে নিবারণ করিতে

সমর্থ হই। প্রত্যেক গৃহস্থ এইরূপ সাবধানতা অবলম্বন করিলে পল্লীর মধ্যেও এই রোগের বিস্তৃতি লাভের সম্ভাবনা থাকে না। সুতরাং এইরূপ কার্য্য দ্বারা শুদ্ধ যে নিজের মঙ্গল সাধিত হয়, তাহা নহে, প্রতিবেশী সমাজকেও নানারূপ অসুবিধা, ক্রেশ-স্ত বিপদের হস্ত হইতে রক্ষা করিতে পারা যায়। যে সকল উপায় অবলম্বন করিলে এইরূপ বিপদের হস্ত হইতে অব্যাহতি লাভ করিতে পারা যায়, তাহাই এই প্রবন্ধে সংক্ষেপে আলোচিত হইবে।

প্রথমতঃ সংক্রামক রোগ কাহাকে বলে ও কিরূপে উহার উৎপত্তি হয়, তাহাই আমাদের ভালরূপে জানা উচিত। রোগের প্রকৃত কারণ জানা না থাকিলে উহার নিবারণের চেষ্টা করা বৃথা হইয়া থাকে এবং এইজন্য আমরা অনেক সময়ে অনিশ্চয়তা, অসুবিধা ও মনঃকষ্ট ভোগ করিয়া থাকি।

কতকগুলি চক্ষুর অগোচর বিশেষ বিশেষ নিম্নশ্রেণীর জীব বা উদ্ভিদ জাতীয় পদার্থ আমাদের শরীরের মধ্যে প্রবেশ করিলে বিভিন্ন প্রকার সংক্রামক রোগ উৎপন্ন হইয়া থাকে। অণুশীর্ণ সাহায্যে উহাদের আকৃতি নিরূপিত হইয়াছে। উহাদের মধ্যে কতকগুলি স্পর্শ দ্বারা, অপরগুলি স্পর্শ ব্যতীত অল্প উপায়ে, রোগীর শরীর হইতে সুস্থ ব্যক্তির শরীরে সংক্রামিত হইয়া থাকে। চুলকনা, খোসপাঁচড়া, দাদ, হাগ, বসন্ত প্রভৃতি সংক্রামক রোগ সুস্থ রোগীর বা রোগীর ব্যবহৃত বস্ত্র ও শয্যাতির স্পর্শ দ্বারা, অথবা বায়ু

দ্বারা পরিবাহিত হইয়া, এক ব্যক্তি হইতে অপর ব্যক্তিতে সংক্রামিত হয়। যক্ষ্মা রোগের বীজ রোগীর পরিত্যক্ত স্লেষ্মার মধ্যে বিদ্যমান থাকে; উহা শুষ্ক হইলে পর উহার সূক্ষ্মাংশগুলির সহিত মিশ্রিত হইয়া বায়ুরাঃ একস্থান হইতে অল্পস্থানে পরিবাহিত হয় এবং নিশ্বাসের সাহায্যে আমাদের শরীরে প্রবেশ করতঃ যক্ষ্মারোগ উৎপাদন করে। কলেরা, টাইফয়েড্ ফিভার্ প্রভৃতি সংক্রামক রোগের বীজ মনুষ্যের শরীর হইতে বমন বা মলের সহিত পরিত্যক্ত হইয়া যদি পানীয় জল বা খাদ্যদ্রব্যের সহিত কোনরূপে মিশ্রিত হয় এবং উক্ত জল বা খাদ্য কোন প্রকারে আমাদের উদরস্থ হয়, তাহা হইলে আমরা ঐ সকল সাংঘাতিক রোগে আক্রান্ত হইয়া থাকি। ডিপ্‌থিরিয়া রোগের বীজ বায়ুর দ্বারা পরিবাহিত হইয়া রোগীর গলদেশে আগ্রয় গ্রহণ করে, পরে সংখ্যায় বৃদ্ধি প্রাপ্ত হইয়া এবং এক প্রকার বিষাক্ত রস নিঃসরণ করিয়া স্বরকালের মধ্যে সাংঘাতিক রোগ উৎপাদন করে। ম্যালেরিয়া প্রভৃতি কতিপয় রোগের বীজ (এক প্রকার কীটগু) স্পর্শ দ্বারা অথবা বায়ু, পানীয় জল বা দূষিত খাদ্য দ্বারা একের শরীর হইতে অল্প শরীরে সংক্রামিত হয় না। ইহাদিগের বীজ কোনরূপে সুস্থ ব্যক্তির রক্তের সহিত মিশ্রিত হওয়ার প্রয়োজন, তাহা না হইলে উহাদিগের পরিব্যাপ্তি অসম্ভব। ম্যালেরিয়া রোগের বীজ রোগীর রক্তের মধ্যে অবস্থিতি করে। এক জাতীয় মশকী দংশন কালে রোগীর

শরীর হইতে শোষিত রক্তের সহিত উহা উঠিয়া যায়। পরে উক্ত কীটগু ঐ মশকীর দেহান্তান্তরে পুষ্টিলাভ করে এবং ঐ মশকী যখন সুস্থ ব্যক্তিকে দংশন করে, তখন তাহার শরীরে ঐ বীজ প্রবেশ করাইয়া দেয়। এইরূপে ইয়োলো ফিভার্ (Yellow fever), ফাইলেরিয়ারিয়া, (Filariasis), কাল-নিদ্রা (Sleeping sickness) প্রভৃতি কতিপয় বিশেষ বিশেষ রোগ বিভিন্ন জাতীয় মশক, মক্ষিকা বা পোকের দংশন দ্বারা উৎপন্ন হইয়া থাকে। প্লেগ রোগ ইন্দুরের দেহে অবস্থিত। এক প্রকার পোকের (Rat flea) দংশন দ্বারা মনুষ্যের শরীরে সংক্রামিত হয়। সুপ্রতি গবেষণা দ্বারা স্থিরীকৃত হইয়াছে যে আমাদের সাংঘাতিক কালাজর (Kala-azar) ছারপোকা দ্বারা রোগীর শরীর হইতে সুস্থ ব্যক্তির শরীরে আশ্রয় লাভ করিতে পারে। জলাতঙ্ক রোগের (Hydrophobia) বীজ কুকুরের লালার (Saliva) মধ্যে বিদ্যমান থাকে। যখন ঐ কুকুর মনুষ্য বা অপর প্রাণিকে দংশন করে তখন উক্ত রোগের বীজ লালার সহিত তাহার ক্ষতস্থানের রক্তের সহিত একেবারে মিশ্রিত হইয়া যায়।

বহুপ্রমসাহ্য গবেষণার দ্বারা কলেরা, টাইফয়েড্ ফিভার্, যক্ষ্মা, প্লেগ্, ডিপ্‌থিরিয়া প্রভৃতি অনেকাধিক সংক্রামক রোগের বীজের আকৃতি ও প্রকৃতি নির্ণীত হইয়াছে। এই সকলগুলি নিম্নশ্রেণীর উদ্ভিজ্জাতীয়। ইহারা চক্ষুর অগোচর,

অণুশীর্ণের সাহায্য ব্যতীত ইহারা দৃষ্টিগোচর হয় না। ইহাদিগের একটী বিশেষ ধর্ম এই যে, মনুষ্য দেহে প্রবেশ করিবার পর অল্পকাল অবস্থা পাইলে ইহাদিগের এক একটী অতি অল্প সময়ের মধ্যে অসংখ্য উদ্ভিদগুতে পরিণত হয় এবং সেই সময়ে এক প্রকার বিষাক্ত পদার্থ (Toxin) উৎপাদন করে। ইহাই রক্তের সহিত মিশ্রিত হইয়া রোগের লক্ষণ প্রকাশ করে। হাম, বসন্ত প্রভৃতি সংক্রামক রোগের বীজ কিরূপ, তাহা এ পর্যন্ত নির্ণীত হয় নাই। ঐ সকল রোগে যখন “ছাল” উঠিতে আরম্ভ হয়, সেই ছালের মধ্যে ঐ সকল রোগের বীজ নিহিত থাকে এবং বায়ু, বস্ত্র বা শয্যাতির সাহায্যে এক স্থান হইতে অল্প স্থানে লীত হইয়া রোগ বিস্তৃতির সহায়তা করে।

এস্থলে বলিব্য এই যে রোগের বীজ শরীরের মধ্যে প্রবেশ করিলেই যে উক্ত রোগ উৎপন্ন হইবে, তাহার কোন অর্থ নাই। যে কোন রোগের আক্রমণ হইতে আত্মরক্ষা করিবার জন্য একটী স্বাভাবিক শক্তি আমাদের শরীরের মধ্যে নিহিত রহিয়াছে; নানা কারণে এই শক্তির হ্রাস বৃদ্ধি হইয়া থাকে। যথোচিত পুষ্টির আহ্বারের অভাবে, অত্যধিক পরিগ্রহ বা অল্পাল্প নানাবিধ শারীরিক আত্মচারণের ফলে অথবা স্বাস্থ্য-রক্ষার প্রতিফল অবস্থায় থাকিলে এই শক্তি যথোচিত পরিমাণে হ্রাস প্রাপ্ত হয়; এরূপ অবস্থায় কোন রোগের বীজ শরীরে প্রবেশ করিলে উহা

অবাধে বিষ-ক্রিয়া প্রদর্শন করে। এইজন্ত আমরা দেখিতে পাই যে কোন সংক্রামক রোগের প্রাচুর্য্যবের সময় যাহারা নিতান্ত অস্বাস্থ্যকর স্থানে বাস করে অথবা যাহারা যথেষ্ট পরিমাণ পুষ্টিকর আহার সংগ্রহ করিতে সক্ষম হয় না, তাহারাই অধিক সংখ্যায় উক্ত ব্যাধি দ্বারা আক্রান্ত হইয়া থাকে। স্বাস্থ্য-রক্ষার নিয়মাবলী যথারীতি পালন করিলে এই শক্তির বৃদ্ধি সাধিত হয়, সুতরাং রোগ-বিস্তৃতির মধ্যে বাস করিয়াও লোকে অনেক সময়ে আয়ুস্ফা করিতে সমর্থ হয়। পুষ্টি বসন্ত প্রভৃতি এমন কতকগুলি সংক্রামক রোগ আছে, যাহা একবার হইলে আর পুনরায় হইতে দেখা যায় না। যে কোন সংক্রামক রোগ একবার হইলে অন্ততঃ কিছুদিনের জন্ত রোগমুক্ত ব্যক্তির পুনরায় ঐ ব্যাধির দ্বারা আক্রান্ত হইবার সম্ভাবনা থাকে না। তবে কলেরা, টাইফয়েড ফিভার, প্লেগ প্রভৃতি রোগে এই রক্ষণশীল অবস্থা অধিক দিন স্থায়ী হয় না।

উপরোক্ত তত্ত্ব অনুসরণ করিয়া কতকগুলি সংক্রামক রোগের বীজ আমাদের পরীক্ষাগারে অথবা অস্থ জীবের শরীরে প্রবেশ করিবার পর বিশেষ ভাবে পরিবর্তিত হইয়া “টিকা” (Vaccine) রূপে ব্যবহৃত হইয়া থাকে। এতদ্বারা ঐ সকল রোগের ভবিষ্যৎ আক্রমণ হইতে স্বল্প বা দীর্ঘকালের জন্ত অব্যাহতি লাভ করিতে পারা যায়। বসন্ত রোগের “টিকা” রক্ষণশীল শক্তি অধিকাংশ স্থলেই আজীবন বিদ্যমান থাকিতে দেখা যায়; এইজন্ত

যাহাদের একবার বসন্ত হয়, তাহাদিগকে পুনরায় ঐ রোগে আক্রান্ত হইতে দেখা যায় না। প্লেগ, টাইফয়েড ফিভার, কলেরা প্রভৃতি সাংঘাতিক রোগের পরিব্যাপ্তি নিবারণ করিবার জন্ত এইরূপ “টিকা” ব্যবস্থা করা হইয়াছে। এই সকল রোগে “টিকা” রক্ষণশীল শক্তি অধিক দিন বিদ্যমান না থাকিলেও যে সময়ে উহারা মহামারীরূপে আবির্ভূত হয়, তখন “টিকা” লইলে উহাদিগের আক্রমণ হইতে সাময়িক নিষ্ফলতা লাভ করিতে পারা যায়।

ক্রমশঃ।

শ্রীচুণীলাল বসু।  
(ভারতী)

### কি প্রকারে ঈশ্বরকে পাওয়া যায়?

এ জগতে সকলেই বলিবে যে ঈশ্বরকে প্রাপ্ত হওয়া যায় না কিম্বা প্রাপ্ত হওয়া দুঃসম্ভব। কিন্তু প্রকৃতপক্ষে একথা সম্পূর্ণরূপে ভ্রমাত্মক। ঈশ্বর এই বিষয়ে কখনও নিজ নিজ জীবনে অনুসন্ধান করেন নাই, কিম্বা অনুসন্ধান করিয়া তাঁহার প্রাপ্তির জন্ত সাধনা করেন নাই তাঁহারা এইরূপ কথা বলিয়া থাকেন। সাধনা ব্যতিরেকে জগতে কোন কাজ হয় না। কেবল কুসুমশয্যায় শয়ন করিয়া মাহুস্তন পান করিলে কি জগতে কোন বিষয়ে সিদ্ধকাঙ্গ হওয়া যায়? ধর্মসম্বন্ধেই কেবল নয়, সংসারের কোন বিষয় সম্বন্ধেও ত হয় না। ভগবানকে যদি একান্তই প্রাপ্তির

বাসনা হয়, যদি তাঁহার দর্শন লাভ করিতে একান্তই ঈশ্বরের উদয় হয়, তবে তাহার নিমিত্ত, আমাদের ‘আমিত্ব’ অর্থাৎ ‘আমি’ ‘আমি’ ভাব পরিত্যাগ করা উচিত। কেবল কি তাহাই? না, তাহা নহে। উহা ব্যতীত আমাদের ব্যাকুল হইতে হইবে। ‘আমি ঈশ্বরকে দেখিব’, তাঁহার জন্ত আমার হৃদয়ে আকাঙ্ক্ষা হউক এইরূপ ব্যাকুলতার ভাব আমা আবগুক। তাহা না হইলে কি তাঁহাকে পাওয়া যায়? কোন্ সাধু ব্যক্তির প্রাণে ঈশ্বর-লাভের পূর্বে এরূপ ব্যাকুলতার ভাব না আসিয়াছে? এইরূপ ভাব আসিলে তৎপরে স্বতই ‘বিশ্বাস’—অর্থাৎ ভগবান যে আছেন এইভাব জাগরুক হয়। ভগবানের অস্তিত্বে আস্থা না আসিলে কেবল ব্যাকুল ভাব দ্বারা তাঁহাকে পাওয়া যায় না। এই দুই ভাবের যখন সমন্বয় হয় তখন ‘প্রার্থনা’—তাঁহার নিকট আমার মনের আকাঙ্ক্ষা, অভাব জানাইবার ভাবের উদ্বেগ হয়। তাঁহার নামক এক ব্যক্তি একদা একটা ধর্ম-পিপাসু কৃষককে জিজ্ঞাসা করিয়াছিলেন, “তুমি কিরূপে ঈশ্বরকে পাইলে?” সে বলিল—“যখন আমি আমার ‘আমিত্ব’ ভাব পরিত্যাগ করি, তখনই তাঁহাকে পাই।” এখন সহজেই বুঝা যাইতেছে যে, ঈশ্বরকে পাইতে হইলে সর্বপ্রথম আমাদের ‘আমিত্ব’ ভাব ও এ সংসারের মায়া ত্যাগ করিতে হইবে, তাঁহার জন্ত ব্যাকুল হইতে হইবে ও তাঁহার নিকট শরণাপন্ন হইয়া নিত্য তাঁহার উপাসনা, ধ্যান, ধারণা ইত্যাদি

করিতে হইবে। এইরূপ নিয়মাবলম্বন করিলে আমরা ঈশ্বর লাভে সমর্থ হইতে পারিব।

শ্রীশ্র—

মাগদহ।

### জীবনের অভিজ্ঞতা।

শ্রীহরির চরণে প্রণাম। সর্বপ্রথমে সেই ভক্তিভাজন স্বর্গীয় মহাপুরুষ মহাত্মা রাজা রামমোহন রায় ব্রাহ্মধর্মের বীজ এই ভারতে রোপণ করিয়া গিয়াছেন। তাঁহাকে আমি দেখি নাই। সেই মহাপুরুষের বিশেষ কিছু জানি না। তিনি বীজ রোপণ করিয়া গিয়াছেন, সেই বীজ হইতে যে বৃক্ষ উৎপন্ন হইয়াছিল সেই বৃক্ষ ভক্তিভাজন স্বর্গীয় মহর্ষি দেবেন্দ্রনাথ ঠাকুর সম্বন্ধে রক্ষা ও উন্নতি করিয়া গিয়াছেন। সেইজন্ত তাঁহাদের চরণে বার বার ভক্তির সহিত প্রণাম করি। তারপর ভক্তিভাজন স্বর্গীয় মহাত্মা আচার্য্য কেশবচন্দ্র সেই বীজ বা সেই বৃক্ষের ফল পৃথিবীময় ছড়াইয়া দিলেন। সেইজন্ত তাঁর চরণে ভক্তি ও কৃতজ্ঞতার সহিত প্রণাম করি। তাঁহারা এখন এ পৃথিবীতে নাই, কিন্তু তাঁহাদের সেই জীবন্ত তেজ ভারতে বর্তমান রহিয়াছে। সেই তেজস্বী মহাপুরুষের ভারতকে জীবিত করিয়া গিয়াছেন। আচার্য্য কেশবচন্দ্রের কথা আমি স্মৃত হইয়া কি লিখিব। তিনি একজন স্বর্গের লোক, তিনি সর্বদা স্বর্গেই থাকিতেন। তাঁহার হৃদয় স্বর্গের জিনিসে পূর্ণ ছিল। তাঁহাকে



দেখিলেই মনে হইত যেন তিনি স্বর্গে বাস করিতেছেন ; যেন ঈশ্বরেতে সুবে আছেন। আমি প্রথম যখন তাঁহাকে কলিকাতার ব্রহ্মমন্দিরে দেখিয়াছিলাম—তিনি উপাসনা করিলেন, একটি গান করিলেন ; তাই দেখিয়া শুনিয়া তখনই তিনি যে একজন স্বর্গের লোক তাহা মনে হইয়াছিল। সেই ভাবটি এখনও আমার মনে রহিয়াছে। পরে যখন তাঁহাকে দেখিতাম, তখনই সেই সুন্দর ভাবটি আমার মনকে গলাইয়া দিত। তাঁহার ভিতর এত তেজ ছিল যে, যে তাঁহার কাছে যাইত তার ভিতরে সেই তেজ আসিয়া লাগিত। একবার তিনি সদলে ধর্মপ্রচার করিতে গয়া গিয়াছিলেন। তখন আমরা গয়াতে ছিলাম। গয়ার ব্রহ্মমন্দির পাছাডের উপরে একদিন উপাসনা করিয়াছিলেন। উপাসনার পরে যে উপদেশ দিয়াছিলেন—তখন পাছাডকে সম্বোধন করিয়া যাহা বলিয়াছিলেন, তাহাতে মনে হইয়াছিল যেন উপদেশের সঙ্গে পাছাড কথা বলিতেছে ; পাছাডকে সম্বোধন করিয়া এমনই জীবন্ত ভাবের কথা বলিয়াছিলেন যে, পাছাড জীবন্ত হইয়া উঠিয়াছিল।

তাঁহার তেজের ভিতরে কেমন এক সরল সত্যভাব ছিল। তিনি পুরুষ ও নারীজাতিকে সতী হইতে বলিয়া গিয়াছেন। প্রকৃতি যখন সতে অর্থাৎ ঈশ্বরেতে আপনাকে সমর্পণ করে তখনই সতী হয়। তিনি ঈশ্বরেতে আপনাকে অর্পণ করিয়াছিলেন। তিনি একদিকে যেমন ভেজস্বী বীরপুরুষ ছিলেন, অত

দিকে তেমনই নারীজাতির কোমলতা ও পবিত্রতায় পূর্ণ ছিলেন।

এই মহাপুরুষের ভিতর দিয়া ঈশ্বর এক সুন্দর বিধান পাঠাইয়াছেন, তাহার নাম নববিধান। এই নববিধানে ঈশ্বরের মাতৃভাব কেমন সুন্দররূপে প্রকাশিত হইয়াছে। তিনি যে সকলের মা, ইহা কেশবচন্দ্রের ভিতরে অতি স্পষ্টরূপে প্রকাশিত হইয়াছিল। তিনি তাহা সকলকে দিয়া গেলেন। এই বিধানে আমি ঈশ্বরকে মা বলিয়া আপনাকে ধ্য মনে করিতেছি—যেন ধরিতে ছুঁইতে পাইতেছি। কেশব চন্দ্র যেমন ধর্মরাজ্যের লোক ছিলেন, তেমনই সংসারের সুশৃঙ্খলা জানিতেন। তাঁহার নবসংহিতা পড়িয়াছেন, তাঁহার তাহা জানিতে পারিয়াছেন। ধ্য নববিধান, ধ্য কেশবচন্দ্র।

বুদ্ধা ব্রাহ্মিকা।

নেপাল।

( কাঠমুণ্ডপ্রবাসী বন্ধুর পত্রাংশ )

এই দেশ অতি সুন্দর। হিমালয় পর্বতের পাদদেশে, চারিদিকের প্রাকৃতিক দৃশ্যের অপূর্ণ সৌন্দর্যের মধ্যে স্থিত কাঠমুণ্ড সহরের সৌন্দর্যবর্ণনা লেখাতে করা যায় না। এই সৌন্দর্য কেবল অনুভব করা যায়। বিশ্বকে যিনি রচনা করিয়াছেন, তাঁহার কারুকার্য যে কত নিপুণ হইতে পারে, এক জন নেপালে বসিয়া তাহা বেশ অনুভব করিতে পারে। জীবনে অনেক সুন্দর স্থান দেখেছি, কিন্তু

এমন গান্ধীধর্মপূর্ণ সৌন্দর্য কম দেখেছি। প্রতি প্রভাতে প্রতি সন্ধ্যায় এখানকার হিন্দু দেবতা পঞ্চপতিনাথের আরাতি হয়, এই আরাতি হিন্দু ভক্তগণ করেন ; কিন্তু প্রকৃতি, প্রতিদিন যে প্রকৃতিনাথের আরাতি করেন, সে আরাতিতে প্রাণ যেমন মুগ্ধ হয়, এমন আর কিছুতেই নয়। নেপালে আসিবার আগে কখনও ভাবি নাই যে, এমন সুন্দর স্থানে আসিতেছি।

এখানে বৌদ্ধধর্মাবলম্বীই অধিক। বৌদ্ধদেবতার মন্দির অগণন। কিন্তু হিন্দু ও বৌদ্ধদিগের মধ্যে খুব ভালভাব আছে। এখানের হিন্দু আচারও আমাদের দেশ হইতে স্বতন্ত্র। বহু বিবাহ প্রচলিত আছে। ব্রাহ্মণ ইচ্ছা করিলে ব্রাহ্মণের রমণীকে বিবাহ করিতে পারেন, কিন্তু সন্তানগণ ব্রাহ্মণ না হইয়া ক্ষত্রিয় হইবে। ভোটের এদেশে মৃত গোমাংস খায় ; কিন্তু ভোট রমণীর সহিত একজন ক্ষত্রিয়ের বিবাহ হইতে পারে, সন্তানগণ ক্ষত্রিয় হইবে, এ সমস্ত সন্তানেরা আপন মাতার স্পৃষ্ট অন্ন খায় না। নেওয়ার এক জাত আছে, তাহারা মহিষের মাংস খায়, তাহারাও হিন্দু এবং তাহাদেরও জলচল আছে। তাহাদের রমণীগণ চিরসধবা। বালিকা অবস্থায় নেওয়ার রমণীর বেলফলের সহিত প্রথমে বিবাহ হয়, এবং এই বেলটিকে অতি যত্নে রক্ষা করা হয়। পরে বয়ঃপ্রাপ্ত হইলে তাঁহার আবার বিবাহ হয় ; কিন্তু এই বিবাহিত স্বামীর মৃত্যুতে নেওয়ার রমণী বিধবা হন না, তিনি ইচ্ছা করিলে আর এক জন স্বামী

গ্রহণ করিতে পারেন। যদি কোনও কারণে বেল ফলটি নষ্ট হয়, তাহা হইলে নেওয়ার রমণী বিধবা হন।

ভোটে রমণীগণ একসঙ্গে অনেক স্বামী গ্রহণ করিতে পারেন। স্বামীগণ প্রায় সকলেই ভ্রাতা। সর্বপ্রথম সন্তান সর্বজ্যেষ্ঠ স্বামীর, এবং দ্বিতীয় সন্তান দ্বিতীয় স্বামীর, এইরূপে সন্তানগণ বিভক্ত হয়। এখানের এ প্রকারের অনেক প্রথা আছে, যাহা আমাদের দেশে প্রচলিত নাই। মাতুলকণ্ঠকে এদেশে বিবাহ করা যায়। ঠিক মহাভারতে যে সমস্ত পাঠ করা যায়, সে সমস্ত অনেক প্রথা এখনও এখানে প্রচলিত দেখা যায়।

বিবিধ প্রসঙ্গ।

গত চৈত্র মাসের মহিলাতে আমরা আমাদের বড়লাট পত্নী লেডি হার্ডিংএর একখানি সুন্দর পত্রের অনুবাদ প্রকাশ করিয়াছিলাম। তাহাতে লিখিত ছিল যে, বড়লাট লর্ড হার্ডিং মহোদয়ের জন্মদিন উপলক্ষে ২০শে জুন সমস্ত ভারতের স্কুলের বালক বালিকাগণকে একটি আনন্দোৎসব দান করিতে হইবে। বড়লাটপত্নীর এই সুন্দর প্রস্তাবে দেশের সকল শ্রেণীর লোকই আনন্দের সহিত এই কার্যে যোগ দিয়াছিলেন। লেডি হার্ডিংএর নিকট যে টাকা উঠিয়া ছিল, তাহা তিনি হাঁসপাতাল জেল প্রভৃতির বালক বালিকাগণের উৎসবের জন্ত ব্যয় করিয়াছেন। বালক বালিকাদিগের বিদ্যালয়ের কর্তৃপক্ষগণ

এজ্ঞ নগরের অভিব্যবসায়ের সংগৃহীত টাকা হইতে কিছু কিছু অর্থ পাইয়া আপন আপন ছাত্রছাত্রীদের উৎসব সম্পন্ন করিয়াছেন। বোম্বাই, মান্দ্রাজ, লাহোর, হাইদ্রাবাদ, এলাহাবাদ প্রভৃতি বড় বড় নগরে সহস্র সহস্র বালক বালিকাগণ সম্মিলিত হইয়া আনন্দ সম্ভোগ করিয়াছে। কলিকাতা সেদিন প্রকৃতই আনন্দের প্রীলাভ করিয়াছিল। মুসলমান, খ্রীষ্টিয়ান, ইংরেজ, ইহুদী, হিন্দু সকল বালক বালিকাগণ বিচিত্র বর্ণের পোষাক পরিয়া আনন্দোৎসব করিয়াছিল। কলিকাতা অনাথাশ্রম ও অগ্রাণ্ড বালক বালিকার স্থানে সেদিন অনেক রাত্রি পর্যন্ত নানারূপ আমোদ আহ্লাদ হইয়াছিল। ভগবানের রূপায় লর্ড হার্ডিং যে ভয়ানক অসুস্থ হইতে রক্ষা পাইয়াছেন এবং ক্রমে সুস্থতা লাভ করিয়াছেন তাহা ঘাঁহার দিল্লীর শোভাযাত্রার কথা ও বোম্বাই মারার দুর্ঘটনার কথা সংবাদ পত্রে পড়িয়াছিলেন তাঁহারাই জানিতেন। কিন্তু ২০শে জুন যে কৃতজ্ঞতাচূচক উৎসব হইয়াছে, তাহাতে সমস্ত বালক বালিকা এই ঘটনার বিষয় জ্ঞাত হইয়াছে এবং কেমন আশ্চর্যরূপে নৃশংস হৃদয়ের ভয়ানক দুর্কার্যে স্বয়ং ভগবান বাধা দিয়া বড়লাটের জীবন রক্ষা করিয়াছেন, তাহা সকলের চিরজীবন স্মরণ থাকিবে।

উত্তর মহাসাগরে আইসলাণ্ড নামে একটি বৃহৎ দ্বীপ আছে। ঘাঁহার ভূগোল পড়িয়াছেন তাঁহারাই ইহার নাম জানেন

ও ইহাই জানেন যে এখানে অতি ভয়ঙ্কর শীত। বৎসরের বেশী ভাগ সময় দেশ বরফে ঢাকা থাকে। এই দেশের বিষয় কয়েকটি কথা সম্প্রতি প্রকাশ হইয়াছে। এদেশে জেলখানা নাই, ছুপ্ত লোককে বন্দ করিয়া রাখিবার স্থান নাই। বিচারালয় নাই একজন মাত্র পুলিশ আছে। এদেশে এক ফোঁটা মদও তৈয়ার হয় না। এদেশে সর্বশুদ্ধ ৭৮ হাজার অধিবাসী, তাহার সকলে সুরাপানমুক্ত, কারণ এদেশে অণু দেশ হইতে মদ যাইতে পারে না। এখানে বয়ঃপ্রাপ্ত অশিক্ষিত লোক একটিও নাই— দশ বৎসর বয়স হইয়াছে অথচ পড়িতে পারে না এমন একটি মানুষও নাই।

একবৎসর বর্ষা না হইলে কি মহা দুঃখ উপস্থিত হয়, তুর্ভিক্ষ হইয়া লক্ষ লক্ষ লোকের অন্ন কষ্ট হয়; সহস্র ২ লোকের অনাবৃষ্টি ভাবিতেই যেন কত বিপদের কথা মনে হয়। এবৎসর বৃষ্টি বেশ হইতেছে। কোন কোন স্থানে অতি বৃষ্টি হইয়া আবার বিপদ ঘটতেছে। বোম্বাই প্রদেশে পালাটিনা নামক ক্ষুদ্র রাজ্যে একরাত্রিতে অতি-বৃষ্টি হইয়া কি ক্ষতি ও কত মানুষের প্রাণনাশ হইয়াছে তাহা সংবাদ পত্রে সকলেই পাঠ করিয়াছেন। সম্প্রতি ইষ্টইণ্ডিয়া রেলের অণ্ডাল সাঁইথিয়া লাইনে পাঁচরা টেশনের সালপো নদীর পুল ভাঙ্গিয়া ইঞ্জিন ও যাত্রী গাড়ী নদীতে পড়িয়া আর এক ভয়ানক দুর্ঘটনা হইয়া গিয়াছে; ভোরের বেলায় আরোহিণী নিশ্চিত হইয়া স্ব স্ব গম্য স্থানে যাইতেছে, ইহার

মধ্যে ভীষণ মৃত্যু আসিয়া উপস্থিত।

- বিধাতা মানুষকে আরও কত বুদ্ধিমান ও সাবধান হইতে বলিতেছেন তাহা আমরা এখন ও বুঝিতেই পারিতেছি।

দিন দিন কত অসম্ভব হইতেছে। আমরা এতদিন ভাবিতাম, পদ্মা নদীর উপর পুল হইতে পারে না। এত প্রশস্ত নদী, এত গভীর, শ্রোত এত প্রবল যে ইহার উপর পুল করা অসম্ভব। রেলের বড় বড় ইঞ্জিনিয়ারগণও এ কার্যে হাত দিতে সাহস করেন নাই। কয়েক বৎসর হইল সাঁড়া ঘাটের নিকট পদ্মার উপর পুল নির্মাণ করিবার বিপুল আয়োজন চলিতেছে, এজ্ঞ কোটি কোটি টাকা ব্যয় হইবে। বর্তমান সময়ের গণিত ও বস্তু বিচার জ্ঞান যত শক্তি মানুষকে দিয়াছে তাহা ইহাতে প্রয়োগ করা হইতেছে। গত জুন মাসে এই অদ্ভুত পুলের প্রথম স্থায়ী বীম বসান হইয়াছে। ইহা যে কি মহা ব্যাপার হইতেছে, তাহা চক্ষে না দেখিলে বিশ্বাস করা যায় না। ভগবান মানুষকে আশীর্বাদ করিয়াছেন, সে জ্ঞান দ্বারা জড়কে আপনার কার্যে ইচ্ছামত ব্যবহার করিবে। আমাদের চিরদিনের ভীতির সামগ্রী পদ্মানদী এখন পদতলে পড়িয়া থাকিবে, আর বালক বৃদ্ধ অবলীলাক্রমে তাহার উপর দিয়া চলিয়া যাইবে, ইহা এক নূতন ব্যাপার। তবে এই পুল শেষ হইয়া রেল চলা পর্যন্ত লোকে এ কথায় পূর্ণ বিশ্বাস করিতে পারিবে না।

নারীগণের জ্ঞান একটি মেডিকেল কলেজ, একটি গৃহশিক্ষার বিদ্যালয় দীর্ঘিতে স্থাপন করিবার দৃঢ় সংকল্প আমাদের উদার হৃদয়া মহা মাননীয় বড়লাট পত্নীর মনে স্থান পাইয়াছে; তিনি এ বিষয়ে একান্ত আগ্রহান্বিত হইয়া অর্থ সংগ্রহ করিতেছেন। এ পর্যন্ত ১৫ লক্ষ টাকা দান সংগৃহীত হইয়াছে, ইহার মধ্যে এক জয়পুরের মহারাজাই তিন লক্ষ টাকা দান করিয়াছেন। আমরা আশা করি, অচিরে এই মহৎ কার্য আরম্ভ হইবে। বড়লাটপত্নী নানা রূপে দেশের মঙ্গল সাধনে ব্যস্ত আছেন, তাঁহার জায় উচ্চ স্থানে প্রতিষ্ঠিত ব্যক্তি কোন শুভ কার্যে হস্তার্পণ করিলে অবগুই সফল হইবে। আমরা এই লেডী হার্ডিং মহিলা মেডিকাল কলেজ ও গৃহশিক্ষা বিদ্যালয় দর্শন করিতে উৎসুক হইয়া অপেক্ষা করিতেছি।

যে সকল ক্ষুদ্র রাজ্য তুরস্কের দুর্বলতা বুঝিতে পারিয়া পরস্পরের বন্ধু হইয়া তুরস্কের রাজ্যের অনেক অংশ জয় করিয়াছেন, এখন লুটের মাল ভাগ করিতে যাইয়া পরস্পর যুদ্ধ আরম্ভ করিয়াছেন। যুদ্ধে জয় লাভ করিয়া সকলেরই আপন আপন শক্তির উপর যথেষ্ট বিশ্বাস হইয়াছে, এখন কোনরূপ ক্ষতি সীকার করিয়া বন্ধুতা রক্ষা করা কঠিন। তুরস্কের যাহা হইবার তাহা হইল; এখন সারভিয়া, বুলগেরিয়া, মন্টেনগ্রো, গ্রীস প্রভৃতির সকলেরই আকাঙ্ক্ষা বাড়িয়া গিয়াছে। সংবাদ-

পত্র পাঠে জানা যায় যে, সারভিয়ার  
সহিত বুলগেরিয়ায় যুদ্ধ আরম্ভ হইয়াছে।  
গত ১লা জুলাইর তারের সংবাদ আসি-  
য়াছে যে, একলক্ষ বুলগার সৈন্য এই যুদ্ধে  
উপস্থিত ছিল। সমস্ত দিন যুদ্ধ হইয়াছে,  
শেষে বুলগারগণ স্বেত পতাকা দেখাইয়া  
যুদ্ধ শেষ করিয়াছে। এখন এরূপ যুদ্ধ  
কতদিন চলিবে ও কত প্রাণনাশ হইবে,  
তাহা এখনও বলা যায় না।

—

কলিকাতার বিষয়।—১৯১১ সনে  
যে জনসংখ্যা করা হইয়াছে তাহা দ্বারা  
জানা যায় যে, কলিকাতার জন সংখ্যা  
১০,৪৩,৩০৭; এই সংখ্যা দিল্লীর জন সং-  
খ্যার তিনগুণেরও অধিক। বোম্বাইর  
জনসংখ্যা ইহা অপেক্ষা ৬২৮৩২ কম।  
এক লগুন ব্যতীত ইংরাজরাজ্যে এত  
বড় নগর আর নাই।

কলিকাতার শিশুর মৃত্যু সংখ্যা  
অত্যন্ত অধিক। ইহার কারণ নির্দেশ  
করিতে যাইয়া ডাঃ পেয়ারস্ বলিয়াছেন  
যে, অকালে জন্ম, দুর্বল শরীরে জন্ম,  
এবং অপরিষ্কার ছুরি প্রভৃতিদ্বারা নাড়ী  
কাটাই শিশুর মৃত্যুর প্রধান কারণ।  
ম্যালেরিয়াও শিশুর মৃত্যুর বিশেষ কারণ।  
খালধারে ও নালায় ধারে যাহারা বাস  
করে তাহাদিগের অধিক লোকের মৃত্যু  
হয়, আর এ সকল অঞ্চলে মুসলমান  
অপেক্ষা হিন্দুর মৃত্যুর সংখ্যা অধিক, কারণ  
হিন্দুগণ খালের ও নালায় জল খায় ও  
তাহাতে স্নান করে, এ জন্ম তাহাদের  
ম্যালেরিয়া রোগ অধিক হয়।

কলিকাতা মিউনিসিপালিটির অধীনে  
স্থানে ৬০,৭৬'৫ জন পুরুষ ও ২৮৮৩৯৩  
জন স্ত্রীলোক আছে। হিন্দুর সংখ্যা  
৬০৪৮৫৩, মুসলমান ২৪১৫৮৭, খ্রীষ্টান  
৩৯:৫১।

কলিকাতায় মোট ৫১ ভাষা-ভাষী  
লোক বাস করে। ভারতের বিভিন্ন  
স্থানের প্রচলিত ভাষার মধ্যে ২৮ টা  
এইনগরে ব্যবহৃত হইয়া থাকে।

৫০৭৬ ব্যক্তি আফ্রিকা ও এশিয়ার  
বিভিন্ন অংশের প্রচলিত ভাষার মধ্যে  
নয়টি ভাষা ব্যবহার করে। মোট ৫১২৫  
৭৯ জন বাঙ্গালী, ৩৬৫৩৩৭ জন হিন্দী  
১০:৫ জন উর্দু, ৪১১৫৩ উড়িয়া, ৪৯৯৪  
মারওয়রী, ৮০২ গুজরাটী, ১৭৪৩ পঞ্জাবী,  
১৭০১ তামিল এবং ২৪৩৯ জন তেলেগু  
ভাষা ব্যবহার করে। ২৮৪৩০ জন  
ইংরাজী, ২৬১১ জন পারস্য ও ৬৫৬  
আরবীভাষায় কথা বার্তা করিয়া থাকে।

শিক্ষিত স্ত্রীলোকের সংখ্যা শিক্ষিত  
পুরুষ অধিবাসীর এক সমগ্র পুরুষ অধি-  
বাসীর এক তৃতীয়াংশ শিক্ষিত স্ত্রীলোক  
অধিবাসীর মাত্র এক সপ্তমাংশ শিক্ষিত।

প্রতি সহস্রের মধ্যে শিক্ষিতের সংখ্যা

	মোট সংখ্যা	পুরুষ	স্ত্রী
ব্রাহ্ম	৮৩৮	৮৬২	৮১৩
পারসী	৮২৩	৮৭১	৭৪৩
খ্রীষ্টান	৮০০	৮২১	৭৭৩
ইহুদী	৬৯৩	৭৪৪	৬৪৫
জৈন	৬০৮	৭৬২	১৩৮
বৌদ্ধ	৫০৯	৫৬৪	২৯৯
শিখ	৫০১	৫৮৮	৮৮
কনফিউসিয়ান	৩৫৮	৩৯৫	১৩৫
হিন্দু	৩২৭	৪২২	১৩৮
মুসলমান	১৫৩	২০৭	৩২